

71-3.A

[Faint, illegible handwriting]



M

XIX 15

Si S. S. Card. Bezzi
donatomi dal P. Alberici
della Chiesa Nuova, che
nel mandarmelo, mi fece
dire, che di quest'istesso
libro se n'era servuto,
et era stato nelle mani
di S. Filippo Neri.

19. B.

IOANNIS
CASSIANI

7. m. m.
(come
Ponzevini):

EREMITAE — 53c

De institutis renuntiantium Libri XII.
Collationes Sanctorum Patrum XXIV.

7. m. m. 20

AB INNVMERIS PENE MENDIS
auxilio vetustissimorum codicum expurgate,
& ad suam integritatem restitute.

Amos
Zacharias

Adiectæ sunt quarundam obscurarum dictionum inter-
pretationes ordine alphabeti dispositæ: & obserua-
tiones in loca ambigua & minus-tuta, quæ pium
lectorem offendere possent.

Præterea indices duo testimoniorum sacræ scripturæ,
quæ a Cassiano vel explicantur, vel aliter quam
vulgata editio habet citantur.

INDEX POSTREMO
rerum memorabilium.

Accessit Regula S. Pachomij, quæ a S. Hieronymo in
Latinum sermonem conuersa est, multo emen-
datior quàm antea.

7. m. m. 3

CVM LICENTIA SUPERIORVM.

ROMAE.
Ex Typographia Vaticana.
M. D. LXXXVIII.

1713
1714
1715

1716
1717
1718
1719
1720
1721
1722
1723
1724
1725
1726
1727
1728
1729
1730
1731
1732
1733
1734
1735
1736
1737
1738
1739
1740
1741
1742
1743
1744
1745
1746
1747
1748
1749
1750
1751
1752
1753
1754
1755
1756
1757
1758
1759
1760
1761
1762
1763
1764
1765
1766
1767
1768
1769
1770
1771
1772
1773
1774
1775
1776
1777
1778
1779
1780
1781
1782
1783
1784
1785
1786
1787
1788
1789
1790
1791
1792
1793
1794
1795
1796
1797
1798
1799
1800

1801
1802
1803
1804
1805
1806
1807
1808
1809
1810
1811
1812
1813
1814
1815
1816
1817
1818
1819
1820
1821
1822
1823
1824
1825
1826
1827
1828
1829
1830
1831
1832
1833
1834
1835
1836
1837
1838
1839
1840
1841
1842
1843
1844
1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

SANCTISS. D. N.

GREGORIO XIII.

PONT. MAX.



L OANNIS Cassiani o-
pera, Beatissime Pa-
ter, quorum lectione
viri sanctissimi Gre-
gorius Pont. Max.
cuius nominis pri-
mus, Benedictus qui cœnobiticam
in Italia vitam instituit, Thomas
Aquinas in philosophia ac theolo-
gia summus, & plerique alij, maximo-
pere sunt delectati, prodeunt ex offi-
cina nostra. Atque ea licet doctorum
hominum labore & industria ab in-
numeris pene mendis collatione ve-
tustissimorum codicum expurgata &
scholijs illustrata, priores omnes edi-
tiones multis partibus superent; ve-

† 2 recun-

recunde tamen atque cunctanter (ut po-
te a Gelasio Beatitudinis vestrae præde-
cessore inter apochrypha numerata)
adirent Sanctitatem vestram, nisi eru-
ditas observationes interpretes sen-
tentiae suae, & quasi conciliatores sibi
comparassent. Quod enim erant non-
nulla obscura & ambigua, quædam
incerta, adhibitæ sunt explanationes
ad piorum hominum sensum accom-
modatæ, & pro incerta doctrina vera
& catholica substituta est. Quamquam
Cassianus de gratia & libero arbitrio
(qua in re cum Pelagianis sensisse cre-
ditus est) adeo varia & secum pugnan-
tia profert, ut ea ex illorum potius di-
sputationibus, quorum sententias re-
fert, quam ex suo sensu deprompta es-
se videantur: quod ipse alicubi admo-
net. Vt cūque sit, his observationibus
quisque munitus, in offensa Cassianum
deinceps percurrere poterit, habebitq.
elegantem scriptorem nitore suo resti-
tutum, ex quo discat vitia omnia co-
gno-

gnosceret & cognita superare, huius
mundi rebus ut caducis & vanis, vere
atque ex animo renuntiare, puras &
feruentes preces ad Deum frequenter
emittere, veræ castitatis & perfectio-
nis viam insistere, ac diuinarum rerum
contemplationi (ut ipsius verbis utar)
iugiter inhaerere. Excitat enim hic au-
ctor mirabiles virtutis amores, & de-
fecta vitiorum fœditate, eorum odium
atque horrorem inducit; eoq. senten-
tiarum grauitate & sanctorum Patrum
exemplis lectores adigit, ut calcato
omni fastu & diuitiarum superbia, ni-
hil præter Deum sitiant, in eo omne
vitæ præsidium collocent, ab eius im-
mensitatis bonitatisq. contemplatio-
ne diuelli nolint. Non parum autem
debent religiosi & Deo deuoti viri
amplissimo Cardinali Antonio Cara-
fax, cuius maxime opera hoc quidquid
est laboris & susceptum & perfectum
fuit. Suscipiat igitur Sanctitas vestra
qua solet benignitate Cassianum, qui

Leoni illi magno Beatitudinis vestrae
prædecessori in expugnando Nestorio
hæretico egregiam operam præstitit ;
dum ad antiquorum aliquot Patrum
monumēta quamemendatissime eden-
da me comparo . Deus optimus maxi-
mus Sanctitatem vestram Reipublicæ
Christianæ diu seruet incolumem .

Romæ Kalendis intercalariis . Anno
Dōmini . M. D. LXXX.

Sanctitatis vestrae

Humillimus servus

Dominicus Basa
Typographus

HÆC Ioannis Cassiani opera
emendata, aucta & illustra-
ta superioribus annis ex of-
ficina mea prodierunt: qui-
bus edendis quanta, et quam
accurata sit adhibita diligentia, liber ipse
testis est locupletissimus. Verum cum vix
iam ullus editionis illius codex superesset,
multiq. religiosi & Deo deuoti viri aucto-
ris huius desiderio valde tenerentur, non
potui non & pio eorum studio, satisfacere
& commoditati consulere. Quod vt me-
lius præstarem, Amplissimus Cardinalis
Antonius Carafa, qui tum rebus alijs præ-
clare gestis, tum antiquorum Patrum mo-
nimentis restitutis disciplinam ecclesiasti-
cam amplificare studet, codicis iam editi
& Petri Ciaconij manuscriptis marginibus
aucti liberalissime copiam fecit, ne eius
nunc auctoritas deficiat, cuius opera iste
susceptus est labor. Petrus enim Ciaconius
vir spectata religione clarus, omnium bo-
narum artium cognitione insignis, in San-
ctorum Patrum Latinorum, & Græcorum
assiduo studio versatus, Amplissimi Car-
dinalis cohortationibus, Cassianum ab in-
numeris mendis expurgatum in pristinum
splen-

splendorem restituit. Addidit etiam notationes suas, quibus tam singularem doctrinam, qua & mens instruitur, & inflammatur affectus, sine ullis salebris inoffenso pede transcurreres. Sed, ut erat modestissimus & humanæ laudis contemptor, numquā in his lucubrationibus, nec in alijs permultis, quibus egregiam operam præstitit, dum in humanis ageret, nomen suum inscribi voluit: id quod illi, qui de contemnenda gloria libellos scripserunt, minime umquam recusarunt. Huius igitur codicis beneficio adiutus Cassianum rursus in lucē emitto, & quidem locupletior: nam multa Petri Ciaconij manu de nouo adiuncta reperi, quæ librum ipsum illustriorem reddunt, ut ex vtriusque editionis collatione facile comperies. Quare laboribus istis, quibus non mediocriter ad vitæ rationem secundum Deum instituendam animus informatur, utere, fructuere, ac bene nobis in Christo precare.

Vale.

Ad Lectorem.



CONSTANS opinio est a Dionysio Carthusiano nescio aucta an exorta, & confirmata a Trithemio, Ioannem Casianum Institutionum libros & Collationes Patrum Græca lingua edidisse: verum ea Latine scripta ex pluribus eius locis adeo manifestum est, ut mirum sit, quemquam lecto Casiano in aliam sententiam discessisse. Id enim ipse in præfatione Collationum his verbis testatur: Obtineant itaque orationes vestrae ab eo, qui dignos nos vel visu eorum, vel discipulatu, vel consortio iudicavit, ut nobis earundem traditionum memoriam plenam, & sermonem ad dicendum facilem conferre dignetur, quo tam sancte eas, tamq. integre, quàm ab ipsis accepimus explicantes, & quod maius est, Latino disputantes eloquio vobis exhibere possimus. Et lib. Institutionum 1. cap. 3. Habentes, inquit Apostolus, alimenta & operimenta, his contenti simus. Operimenta, inquiens, non vestimenta, ut in quibusdam Latinis exemplaribus non proprie continetur. Lib. etiam 5. cap. 16. Tentatio vos non apprehendit nisi humana. Hoc Apostoli testimonium non intelligentes quidam posuerunt pro indicatio optatum modum, idest: Tentatio vos

non

non apprehendat nisi humana . quod ab ipso magis dici manifestum est non optantis , sed pronuntiantis vel exprobrantis affectu. Quin & Collat. 23. cap. 8. locum Iob referens : Si in sanctis , inquit , suis non confidit , & in angelis suis reperit prauitatem ; siue ut emendatior translatio habet : Ecce inter sanctos eius nemo immutabilis &c. Emendatiorem translationem vocat vulgatam nostram a S. Hieronymo ad Hebraeorum codicum fidem translata , qua Cassianus qui ipsius Hieronymi etate vixit , primus omnium uti cepit . Frequenter enim relicta LXX. interpretum editione , Scripturae testimonia ex nostra vulgata profert , aliquando utramque coniungit , ut Lib. 12. cap. 31. locum illum Esaiæ citans : Super quem requiescet spiritus meus , nisi super humilem & quietum , & tremementem verba mea ? Sine secundum exemplaria , inquit , quæ Hebraicam exprimunt veritatem : Ad quem respiciam , nisi ad pauperculum &c. Collat. etiam 3. cap. 15. se Latine scripsisse ostendit , cum adducens illud Apostoli : Sufficientia nostra ex Deo est , subdit : Quod minus Latine , sed expressius dici potest , Idoneitas nostra ex Deo est . Non minus id colligitur ex cap. 5. Collationis 1. & ex cap. 11. Collat. 9. & ex cap. 16. Collationis 14. atque ex sexcentis alijs locis . Neque vero Gallis hominibus scribens , Græco idiomate uti debuit . Extant quidem in Vaticana bibliotheca Collationes aliquot , & octo

& octo postremi libri Institutionum in Græcam
 linguam conuersi, sed ab homine parum Latine
 docto, & in sacris litteris negligenter versato.
 Nam, ut unum e multis locum proferam, quod
 Collat. 2. cap. 5. est scriptum de Herone: Quem
 quinquaginta annis in hac eremo commoratum
 & ille qui per incuriam in Acheremo legisset, &
 nomen esse loci proprium existimasset, sic vertit:
 τοῦτον ὃ μνημόνα πενήκοντα ἐτη ἐν ἀχέρμω
 διαβίβαντα, &c. Et paulo post pro: Cunctos in
 hac eremo constitutos, πάντας τοὺς ἐν ἀχέρμω
 παύτας, transfert, hoc est, cunctos in Achere-
 mo. Testimonia vero sacra scriptura verbis mul-
 to diuersis ab ijs, qua in Biblijs Græcis leguntur
 profert. Sed & ea qua dixi, in compendium po-
 tius redacta quàm integre conuersa sunt; quod
 ab Eucherio Lugdunensi episcopo factum Gen-
 nadius in Catalogo script. auctor est: Casiani,
 inquit, quadam opuscula lato tenso eloquio, angu-
 sto reuoluens verbi tramite, in vno coegit volu-
 mine. Contra vero Victorem Africanum episco-
 pum Casiani scriptis quadam addidisse Casiodo-
 rus tradit lib. 1. institu. diuin. lection. his ver-
 bis: Casiani dicta Victor Martyritanus episco-
 pus Afer ita Domino iuuante purgauit, & qua
 minus erant addidit, ut ei rerum istarum palma
 merito conferatur. Et mirum quidem videri po-
 test nullum extare nunc ab Eucherio aut Victore
 expurgatum librum, cum ipsius Casiani exem-
 plaribus

plaribus bibliothecæ omnes refertæ sint. Certo
Vaticana octo nobis antiquissima exhibuit, &
ex his quedam emendatissime scripta, ex quarum
collatione innumerabilia loca sunt in hac editio-
ne restituta: sed ea adnotare non fuit consilium,
in immensum enim volumen excresceret, satis sit
hoc loco monuisse, lectionem vetustorum codicum
tanta a nobis fuisse religione conservatam, ut
neque eorum varietatem, si quando inciderat, ne-
glexerimus. Præter hæc Græcas voces, quibus hic
auctor libenter utitur, & Latinas quasdam, ru-
dioribus consulentes, alphabeti ordine dispositas
latius explanauimus, adductis eorum locis ex
quorum fontibus hausisse Casianum existimaui-
mus. Testimonia sacre scripturæ omnia diligen-
ter conquista in margine notauimus; & quæ
erant ex LXX. interpretum editione, aut a no-
stra vulgata aliquanto diuersa, ne forte vitiosa
crederentur, in indicis formam digesta seorsim
impresimus, quibus & Græca unde sunt trans-
cripta coniunximus ex antiquissimo Vaticane
bibliothecæ libro & alijs veneranda vetustatis
exemplaribus. Adiecimus & secundum indicem,
loca in his libris obiter explicata continentem.
Porro, id quod erat maxime necessarium, aduer-
sus quasdam minus tutas huius auctoris senten-
tias quod antidotum sit exhibitum, superiore epi-
stola diximus. Scripsit quidem Casianus hortatu
Leonis I. Pont. Max. luculentos libros de incar-
natione

natione Domini contra Nestorium; sed eos, quòd
nullum extaret in Vaticana bibliotheca manuscri-
ptum exemplar ad cuius fidem emendari possent,
& ab instituto nostro quo hominem vere religio-
sum informare studuimus, multum distarent, omi-
simus. Addidimus vero regulam S. Pachomij, qua
monachi Tabennensiota, quorum frequenter Cas-
sianus meminit, utebantur, a S. Hieronymo in
Latinam linguam translata. Restat benigne le-
ctor, ut hunc nostrum laborem, qui tui tantum
iuuandi causa susceptus est, grato animo acci-
pias. Vale.

DOCTO.

DOCTORVM QVORVNDAM
virorum de Ioanne Cassiano testimonia .

Prosper Aquitanicus in Chronico .

Ioannes monachus cognomento Cassianus Massiliæ insignis & facundus scriptor habetur .

Idem in opusculo contra collatorem .

Vnius potissimum definitiones , quem non dubium est omnibus alijs in sanctarum scripturarum studio præstare , referemus .

Et paucis interiectis .

In libro , cuius prænotatio est , De protectione Dei , vir quidam sacerdotalis ordinis , qui disputandi usu inter eos , quibus cum degit , excellit , Abbatem quendam introducit de gratia Dei & libero arbitrio differentem .

Gennadius in Catalogo Illustrium virorum .

Cassianus natione Scythia , Constantinopoli a Ioanne magno episcopo diaconus ordinatus , apud Massiliam presbyter , condidit duo , id est , virorum & mulierum monasteria , quæ vsque hodie extant . Scripsit experiëntia magistrante plano & librato sermone , & (vt apertius dicam) sensu verba inueniens , & actione linguam mouens , res omnium monachorum professioni necessarias ; id est , de habitu monachi , de canonico orationû arque psalmorum modo , qui in monasterijs Ægypti die noctuq. tenetur , libros tres ; Institutionum librum vnum : De origine & qualitate ac remedijs octo principalium vitiolorum , libros octo ; singulos scilicet de singulis vitijs libros expediens . Digessit etiam Collationes cum Patribus Ægypti habitas : & ad extremum rogatus a Leone archidiacono , postea vrbis Romæ Episcopo , scripsit aduersus Nestorium de Incarnatione Domini libros septem : & in his scribendi apud Massiliam , & viuendi finem fecit , Theodosio & Valentiniano regnantibus .

S. Benedictus in Regula , cap. 42 .

Monachi omni tempore , siue ieiunij , siue prandij fuerit , mox vt surrexerint a cœna sedeant omnes in vnum , & legat vnus Collationes , vel Vitas Patrum , aut certe aliquid quod ædificet audientes .

Et pau-

Et paulo post.

Si autem ieiunij dies fuerint, dicta Vespera paruo intervallo
mox accedant ad lectionem Collationum, vt diximus, &
lectis quattuor aut quinque folijs, &c.

Et cap. 73.

Ad perfectionem conuersationis qui festinant, sunt doctrinæ
sanctorum Patrum; quarum obseruatio perducit homi-
nem ad celsitudinem perfectionis. Quæ enim pagina, aut
quis sermo diuinæ auctoritatis veteris ac noui testamenti
non est rectissima norma vitæ humanæ? Aut quis liber san-
ctorum catholicorum Patrū hoc non resonat, vt recto cur-
su perueniamus ad creatorē nostrum? Necnon & Collatio-
nes Patrum, & Instituta, & Vitæ illorum, & Regula S. Pa-
tris nostri Basilij, quid aliud sunt nisi bene viuentiū & obe-
dientium monachorum exempla, & instrumēta virtutum?

Cassiodorus ad fratres monasterij sui.

Cassianum presbyterum, qui scripsit de Institutione fidelium
monachorum, sedulo legite, frequenter audite. Qui inter
ipsa sancti propositi inima, octo principalia vitia dicit esse
fugienda. Hic noxios motus animarū ita competenter in-
sinuat, vt excessus suos hominem prius videre faciat, & vi-
tare compellat; quos antea confusione caliginis ignorabat.

Idem in expositione Psalmi LXIX.

Sed hunc locum facundissimus Cassianus in decima Colla-
tione, plurima de eius vtilitate disserens, tanto honore con-
celebrat, vt quidquid monachi assumpserint, sine huius
versiculi trina iteratione non inchoarent.

S. Antoninus Archiepiscopus Florentinus part. 2.

histor. tit. 10. cap. 10. S. 2.

Claruit etiam tempore Honorij, secundum Vincent. Specul.
hist. lib. 20. vir illustris, prudens & facundus Ioannes Ere-
mita, qui & Cassianus. Hic multa scripsit, inter quæ etiam
vitas Patrum in Ægypto compertas, doctrinasq. & regulas
datis ad plurimos libris exposuit. De eius libris sic scribit
Vincentius vbi supra: Certe huius opuscula multam ædi-
ficationem continent animarum, & luculento sermone
nitescunt, nec inter multa antiquorum opuscula quidquam

ad

ad spirituales profectus, atque spiritualis perfectionis apicem
tendenti ita utile me arbitror legisse. Vnde & B. Pater Do-
minicus, ut in eius vita legitur, librum illum, qui Collatio-
nes Patrum inscribitur, studiose legens ac vigilanter intel-
ligens, salutis in eo rimatus semitas, magnum perfectionis
apicem apprehendit. Agit siquidem liber ille de cordis pu-
ritate, de vitijs, & omnium perfectione virtutum &c.

De S. Thoma Aquinate apud Leandrum scribitur, quod pro
consuetudine habuerit in singulos dies acta Patrum audi-
re. Interrogatus vero quid subesset causæ: se animū suum &
confirmare, & inquirendę veritati reddere aptiorem respon-
dit, secutus Patris sui Dominici vestigia, quem acta Patrum
vehementer oblectabant, ut eis legendis summam fuerit
adeptus perfectionem.

Ioannes Trithemius in Catalogo Illustrium virorum.

Ioannes Cassianus natione Scythæ, beati Ioannis Chryosto-
mi Constantinopolitani episcopi quondam auditor atque di-
scipulus, & ab eo diaconus ordinatus, post aliquot annos
ab eodē nescio propter quam causam expulsus, apud Mas-
siliam presbyter cōsecratus, duo monasteria, virorū scilicet
& mulierum condidit: in quibus regularis disciplinæ feruor
magnus pluribus annis permansit. Scripsit experientia ma-
gistra plura opuscula: in quibus etiam apud Interpretem
venustas eloquij conspicitur. e quorum numero feruntur.

De Incarnatione Domini aduersus Nestorium hæreticum li-
bri septem; quos scripsit rogatus a Leone archidiacono,
postea Romanæ urbis Episcopo.

De Institutis Monachorum, libri quattuor.

De octo capitalibus vitijs, libri octo.

Collationum SS. Patrum, vigintiquattuor.

In his Collationibus SS. Patrū utilis & necessaria monacho-
rum instructio est: sed quia per B. Prosperum de arbitrij li-
bertate in certis reprehenditur, opuscula eius inter apocry-
pha numerantur. Moritur tandem post multorū editionem
librorū apud Massiliā, non sine opinione sanctitatis, Theo-
dosio & Valentiniāno regnantibus, Anno Domini 435.

IOANNIS CASSIANI EREMITÆ

IN XII. LIBROS DE INSTITVTIS
COENOBIORVM,

Et octo principalium vitiorum remedijs.

Ad Castorem Episcopum præfatio.



ETERJS instrumenti narrat historia,
sapientissimum Salomonem, post acce-
ptam diuinitus sapiëntiam prudentiamq.
multam nimis, & latitudinem cordis
quasi arenam maris innumerabilem, ita
vt Domini testimonio nullus ei similis
retroactis temporibus extitisse, neq; post

3. Reg. 4.

3. Reg. 3.

eum surrecturus esse dicatur; illud magnificum Domino
templum extruere cupientem, alienigenæ regis auxilium
poposcisse. Qui misso ad se Hiram filio mulieris viduæ,
quidquid diuina sapientia suggerente præclarum in tem-
plo Domini vel in sacris vasis moliebatur, ministerio eius
ac dispositione perfecit. Si ergo ille vniuersis regnis terræ
sublimior principatus, & Israelitici generis nobilior ex-
cellentiorq. progenies, illaq. sapientia diuinitus inspirata,
quæ cunctorum Orientalium & Ægyptiorum disciplina
atque instituta superabat, nequaquam pauperis & alieni-
genæ viri consilium dedignatur; recte etiam tu his erudi-
tus exemplis, beatissime Papa Castor, verum ac rationabi-
le Deo templum, non lapidibus insensibilibus, sed sancto-
rum virorum congregatione; nec temporale & corrupti-
bile, sed æternum atque inexpugnabile ædificare dispo-
nens, vasa etiam pretiosissima Domino cupieus consecra-
re, non ¶ multo auri metallo argente conflatâ, quæ post
sex Babylonius capta concubinarum suarum ac princi-
pum deputet voluptati; sed animabus sanctis, quæ inno-

3. Reg. 7.

al. muto.

Dan. 5.

A centiæ,

centiæ, iustitiæ, & castitatis integritate fulgentes, regem Christum in semetipsis circumferant commorantem; egenum me, omniq. ex parte pauperimum, ad communionem tanti operis dignaris adsciscere. In prouincia siquidem tua, cœnobiorum ex parte Orientalium, maximeq. Ægyptiorum volens instituta fundare, cum sis ipse cunctis virtutibus scientiaq. perfectus, & vniuersis ita repletus diuitijs spiritualibus, vt perfectionem quærentibus satis abundeque non modo tuus sermo, sed etiam sola vita sufficiat ad exemplum; me quoque elinguem, & pauperem sermone atque scientia, vt aliquid ad explementum tui desiderij de inopia sensus mei conferam, poscis: præcipisque vt instituta monasteriorum, quæ per Ægyptum ac Palæstinam custodiri conspeximus, ita vt ibi nobis a patribus tradita sunt, quamuis imperito digeram stylo: non leporem sermonis inquirens, in quo ipse apprime es eruditus, sed sanctorum simplicem vitam simplici sermone fratribus in nouello monasterio tuo cupiens explanari. Cui rei quantum me pius ardor desiderij tui prouocat obedire, tantum multiplices æstuum moles volentem obtemperare deterrent. Primum, quia nec vitæ meæ ita æquiparant merita, vt confidam me res tam arduas, tam obscuras, tam sanctas digne posse animo ac mente complecti. Secundo, quòd ea quæ a pueritia nostra inter eosdem constituti, atque ipsorum incitati quotidianis adhortationibus & exemplis, vel agere tentauimus, uel didicimus, uel uisu percepimus, minime iam possumus ad integrum retinere, tot annorum curriculis ab eorum consortio & imitatione conuersationis abstracti: præsertim cum harum rerum ratio nequaquam possit otiosa meditatione doctrinaq. uerborum, uel tradi, uel intelligi, uel memoria contineri: totum namque in sola experientia usuque consistit. Et quemadmodum tradi nisi ab experto non queunt, ita nec percipi quidem uel intelligi, nisi ab eo qui ea pari studio ac sudore apprehendere elaborauerit, possunt. quæ tamen si collatione iugi spiritualium uirorum frequenter discussa non fuerint & polita, cito ꝑ retrorsum mentis incuria dilabuntur. Tertio, quia idipsum quod utcumque non pro merito rei, sed pro præsentis temporis statu possumus reminisci, imperitior sermo congrue nõ præualeat explicare. Huc accedit, quòd super hac re, uiri & uita nobiles, & sermone

sermone scientiaque præclari, multa iam opuscula defudarunt; sanctum Basilium & Hieronymum dico, aliosque nonnullos, quorum anterior sciscitantibus fratribus super diuersis institutis uel quaestionibus, non solum facundo, uerum etiam diuinarum scripturarum testimonijs copioso sermone respondit: alius uero non solum suo elucubratos ingenio edidit libros, uerum etiam Græca lingua digestos, in Latinum vertit eloquium. Post quorum tam exuberantia eloquentiæ flumina, possem non immerito præsumptionis notari, si aliquid stillicidij huius inferre tentassem, nisi me & fiducia tuæ sanctitatis animaret, & sponsio, quod vel tibi hæc iugæ forent acceptæ, qualescumque sunt; uel eas congregationi fratrum in nouello tantum monasterio commorantium deputares: qui si quid a nobis minus forsan caute prolatum fuerit, & pie relegant, & cum uenia indulgentiore sustentent, fidem potius sermonis mei, quam uenustatem eloquij requirentes.

Quapropter beatissime Papa uicem religionis & humilitatis exemplar, tuis precibus animatus, secundum vires ingenij mei, opus quod iniungis aggrediat; & ea quæ omnimodis intacta relicta sunt ab anterioribus nostris, utpote qui audita potius quàm experta describere tentauerunt, uelut rudi monasterio, & ueritatem sitientibus intimabo. Nec plane mirabilem Dei signorumque narrationem stu debo contexere, quæ quamuis multa per seniores nostros & incredibilia non solum audierimus, uertunt etiam sub obtutibus nostris perspexerimus impleta: tamen his omnibus prætermissis, quæ legentibus prærer admirationem nihil amplius ad instructionem uitæ perfectæ conferunt, instituta eorum tantummodo, ac monasteriorum regulas, maximeque principalium uiciorum, quæ octo ab eis designantur, origines & causas, curationesque, secundum traditiones eorum, quantum Domino adiuuante potuero, fideliter explicare contendam. Propositum siquidem mihi est, non de mirabilibus Dei, sed de correctione morum uostrorum, & consummatione uitæ perfectæ, secundum ea quæ a senioribus nostris accepimus, pauca discerere. In eo quoque præceptis tuis satisfacere studebo, ut si quid forte non secundum typum maiorum antiquissima constitutione fundatum, sed pro arbitrio cuiuscuiusque instituentis monasterium, uel diminutum, uel additum in istis regio-

nibus comprobauero, secundum eam quam vidimus monasteriorum regulam, per Ægyptum vel Palæstinam antiquitus fundatorum, fidei sermone, vel adijciam vel recidam. Nequaquam credens rationabilius quidpiam vel perfectius constitutionem nouellam in occiduis Galliarum partibus reperire potuisse, quam illa sunt instituta, in quibus ab exordio prædicationis apostolicæ a sanctis ac spiritualibus patribus fundata monasteria ad nos usque perdurant. Illam sane moderationem opusculo huic inferre præsumam, ut ea quæ secundum Ægyptiorum regulam, seu pro asperitate aeris, seu pro difficultate ac diuersitate morum, impossibilia in his regionibus, uel dura uel ardua comprobauero, institutis monasteriorum, quæ per Palæstinam uel Mesopotamiam habentur, aliquatenus temperem. quia si rationabilis possibilitium mensura seruetur, eadem obseruantique perfectio est etiam in impari facultate.

PRÆFATIONIS FINIS;

IOANNIS CASSIANI

EREMITÆ

DE HABITU MONACHI

LIBER PRIMVS.

CAP. I.



E Institutis ac regulis monasteriorum dicturi, vnde competentiùs, donante Deo, quàm ex ipsò habitu monachorum sumemus exordium? Quorum interiorum cultum consequenter tunc poterimus exponere, cum exteriorum ornatum sub oculorum depinxerimus obrutibus.

De cingulo monachi. Cap. II.

ITaque monachum, vt militem Christi, in præcinctu semper belli positum, accinctis lumbis iugiter oportet incedere. Hoc enim habitum etiam illos ambulasse, qui in veteri testamento professionis huius fundauere primordia, Eliam scilicet, & Eliseum, diuinarum scripturarum auctoritate monstratur: ac deinceps principes auctoresq. testamenti noui, Ioannē videlicet, Petrū, & Paulum, ceterosq. eiusdē ordinis viros taliter incessisse cognoscimus. Quorū prior, qui in veteri testamento virginittis iam flores, & castimonie continentieq. præfigurabat exempla, cum fuisset a Domino missus ad increpandos nuntios Ochozie sacrilegi regis Israel, eo quod egritudine præpeditus, super statu salutis suæ Beelzebub deum Accaron consulere destinasset: & idcirco eis occurrēs idē propheta, descensum de lecto eius, in quo consederat, denegasset, decumbenti regi exposita vestis qualitate cōpertsus est. Reuersos enim ad se nuntios, ac referentes sibi prophetæ sententiam, sciscitatus cuius esset figuræ & habitus vir qui occurrisset eis, & locutus fuisset huiuscemodi verba: Vir, inquiunt, pilosus, & zona pellicea accinctus renibus. Ex quo habitu confestim rex contemplatus hominem Dei, ait: Elias Thesbites est. zone videlicet indicio, & hirsuti incultiq. corporis specie, vi-

4. Reg. 2.

Ibid.

- rum Dei indubitanter agnoscens : eo quod istud ei inter tot Israelitici populi millia , cultus proprij ac velut quoddam impressum speciale signum perpetuo cōhæreret. De Ioanne quoque, qui veteris nouiq. testamenti , velut quidā sacratissimus limes, finis initiumque processit, ita Euangelista narrante cognoscimus : Ipse autem Ioannes habebat vestimentum de pilis camelorū, & zonam pelliceam circa lumbos suos. Petro etiam in custodiam carceris ab Herode detruso , & ad necem die postero producendo , angelo assistente , præcipitur : Præcingere , & calcia te caligas tuas. Quod ut faceret, nequaquā monuisset angelus Dei , nisi vidisset eum ob refectionem nocturnæ quietis, paulisper defecta membra solita cinguli obstructione laxasse, Paulum quoq. ascendentem Hierosolimam, & protinus a Iudeis in vincla mittendum , Agabus propheta reperiens Cæsareæ, sublato eius cingulo , manus suas ligans ac pedes, ut gestu corporis sui, passionis eius præfigurarēt iniurias, ait : Hæc dicit spiritus sanctus : Virum cuius est zona hæc, sic alligabunt Iudei in Hierusalem, & tradent in manus gentium . Quod utique a propheta proferri minime potuisset , & dici : Virum cuius est zona hæc ; nisi Paulus eam lumbis suis indefinenter solitus fuisset aptare .

*De veste monachi.**Cap. III.*

- V**Estis quoq. sit monachi, quæ corpus contegat tantum, ac repellat nuditatis verecundiam , & frigoris retundat iniuriam , non quæ seminaria vanitatis aut elationis enutriet ; ita eodē Apostolo prædicante : Habentes autem alimenta & operimenta , his contenti simus . Operimenta, inquit, non vestimenta, ut in quibusdā Latinis exemplaribus non proprie continetur : id est , quæ corpus operiant tantum, non quæ amictus gratia blandiantur : ita vilia , ut nulla coloris vel habitus nouitate inter ceteros hominū propositi viros habeantur insignia : ita a studiosis accuratioribus aliena, ut nullis rursus sint affectatis per incuriam sordibus decolora . postremo sic ab huius mundi separentur ornatu, ut cultui seruorū Dei in omnibus communia perseuerent . Quidquid enim inter famulos Dei præsumitur ab uno vel paucis , nec catholice per omne corpus fraternitatis tenetur , aut superfluum aut elatum est , & propter hoc noxium iudicandum est ; magisq. speciem vanitatis,

vanitatis, quàm virtutis ostentans. Et idcirco hæc quæ neq. a veteribus sanctis qui huius professionis fundamenta iecerunt, neq. a patribus nostri temporis, qui eorum per successiones instituta nunc vsque custodiunt, tradita videmus exempla, vt superflua & inutilia nos quoq. refecare conueniet. Quamobrem cilicinam vestem, velut circumspectam cunctis atq. notabilem, & quæ ex hoc ipso non solum nulla spiritui possit emolumenta conferre, sed etiam elationis concipere vanitatem, quæq. ad necessarij operis exercitium in quo monachum semper impigrum expeditumq. oportet incedere, inhabilis atq. inepta sit, omnimodis refutarunt. Quòd si quosdam hoc amictu circumdatos audimus probabiles extitisse; non ex eo nobis monasteriorum est regula sancienda, vel antiqua sanctorum patrum sunt perturbanda decreta. quod pauci præsumentes aliarum virtutum priuilegio, ne in his quidem quæ non secundum catholicam regulam ab eis usurpata sunt, reprehendi debere creduntur. Generali namq. omnium constitutioni, paucorum non debet præponi nec præiudicare sententia. Illis enim debemus institutis ac regulis indubitatam fidem, & indiscussam obedientiam per omnia commodare, non quas paucorum voluntas intulit, sed quas vetustas tantorum temporum, & innumerositas sanctorum patrum concordi definitione in posterum propagauit. Nec hoc sane præiudicare nobis debet ad quotidianæ conuersationis exemplum, quòd vel Ioram sacrilegus rex Israel ceteruis hostium circumseptrus, scissa veste cilicium habuisse perhibetur intrinsecus: uel quòd Niniuræ ad mitigandam Dei sententiam quæ in eos illata fuerat per prophetam, cilicij asperitate uelati sunt: cum & ille ita intrinsecus latenter indutus eo fuisse monstretur, ut nisi scisso desuper indumento, a nemine prorsus potuisset intelligi: & isti eo tempore operimentum cilicij ostentarent, quo cunctis super imminente urbis euerfione lugentibus, eodemq. amictu circumdatis, nullus posset a quoquam ostentationis notari. Quia nisi insolens sit diuersitas, non offendit æqualitas.

De cucullis Ægyptiorum. Cap. IV.

Sunt præterea quædam in ipso Ægyptiorum habitu, non tantum ad curam corporis, quantum ad morum

A 4 formulum

4. Reg. 6.

Iona. 3.

al. indu-
mente.

formulam congruentia, quo simplicitatis & innocentiae obseruantia, etiam in ipsa vestitus qualitate teneatur. Cucullis namque perparuis vsque ad ceruicis humerorumque demissis confinia, quibus tantum capita contegant, indefinenter diebus vtuntur ac noctibus: scilicet vt innocentiam & simplicitatem patuulorum iugiter custodire, etiam imitatione ipsius velaminis commoneantur: qui reuersi ad infantiam Christi, cunctis horis cum affectu ac virtute decantant. Domine non est exaltatum cor meum, neque elati sunt oculi mei. neque ambulauit in magnis, neque in mirabilibus super me. Si non humiliter sentiebam, sed exaltaui animam meam: sicut ablatus est super matrem suam.

Matt. 18.

I. Iul. 130.

De colobijs Aegyptiorum. Cap. V.

Colobijs quoque lineis induti, quae vix ad cubitorum imas pertingunt, nudas de reliquo circumferunt manus, vt amputatos habere eos actus & opera mundi huius suggerat abscessio manicarum: & ab omni conuersatione terrena mortificatos eos, velaminis linei doceat indumentum; audiantque per hoc Apostolum quotidie dicentem sibi: *Coloss. 3.* Mortificate membra vestra quae sunt super terram. Illud quoque ipso habitu protestante. Mortui enim estis, & vita vestra abscondita est cum Christo in Deo. Et iterum: *Galat. 2.* Viuo autem iam non ego, viuit vero in me Christus. *Galat. 6.* Mihi quidem mundus crucifixus est, & ego mundo.

Coloss. 3.

Ibid.

Galat. 2.

Galat. 6.

De rebrachiatorijs. Cap. VI.

Estant etiam resticulas duplices, laneo plexas subtegmine, quas Graeci tanalaboys, nos vero succinctoria, seu redimicula, uel proprie rebrachiatoria, possumus appellare. Quae descendunt per summa ceruicis, & per lateribus colli diuisa, utrarumque alarum sinus ambiunt, atque hinc inde succingunt; ut constringentia, latitudinem uestimenti ad corpus contrahant atque coniungant: & ita constrictis brachijs, impigri ad omne opus expeditique redantur, illud Apostoli praeceptum studentes omni uirtute complere: *Act. 20.* Quia non solum mihi, sed etiam his qui mecum sunt; ministraverunt manus istae. Neque gratis panem ab aliquo manducauimus, sed in labore & fatigatione nocte ac die operantes, ne quem vestrum grauaremus. *2. Thess. 3.* & Si quis non uult operari, nec manducet.

Act. 20.

2. Thess. 3.

Ibid.

De ma-

*εναλο-
λεας
Dionys.
anabore.
ale*

De maforsibus eorum. Cap. VII.

Post hæc angusto pallio tam amictus humilitatem, quam uilitatem pretij compendiumq. sectantes, colla pariter atq. humeros tegunt: quod mafortes tam nostro quam ipsorum nuncupatur eloquio. & ita planeticarum atq. birrorum pretia simul ambitionemq. declinant.

De melote & pelle caprina. Cap. VIII.

Vltimus est habitus eorum pellis caprina, quæ melotes, uel pera appellatur, & baculus: quæ gestant ad imitationem eorum, qui professionis huius præfiguraue-
re lineas iam in ueteri testamento. De quibus Apostolus: Circumierunt, inquit, in melotis, & in pellibus caprinis, egentes, angustiiati, afflictii, quibus dignus non erat mundus. in solitudinibus errantes, & in montibus, & in speluncis, & in cauernis terræ. Qui tamen habitus pellis caprinæ, significat mortificata omni petulantia carnalium passionum, debere eos in summa uirtutum grauitate consistere: nec quidquam petulcum, uel calidum iuuentutis ac mobilitatis antiquæ, in eorum corpore residere.

*Hebr. 12.**De baculo. Cap. IX.*

Nam & baculum gestasse eisdem uiros, etiam Elisæus, qui unus ex ipsis est, docet, cum dicit ad Giezi puerum suum, mittens eum ad suscitandum filium mulieris: Tolle baculum meum, & currens pone eum super faciem pueri, ut uiuat. Quem utique non dedisset ei propheta gestandum, nisi eum manu sua solitus esset iugiter circumferre. Cuius gestatio spiritaliter monet, numquam debere eos inter tot oblatrantes uitiorum canes, & inuisibiles nequitiarum spiritalium bestias, inermes incedere; de quibus beatus David liberari postulans, dicit: Ne tradas Domine bestiis animam confitentem tibi; sed irruentes eas retundere crucis signaculo, ac longius propulsare, atque aduersum se sæuientes, iugi memoria dominicæ passionis, & imitatione illius mortificationis extinguere.

*4. Reg. 4.**Psal. 73.**De calciamentis eorum. Cap. X.*

Calciamenta uero uelut interdita euangelico præcepto recusantes, cum infirmitas corporis, uel matutinus hiemis rigor, seu meridiani æstus feruor exegerit, tantummodo

Matth. & Luc. 10.

- Act. 12.* tummodo caligis suos muniunt pedes : hoc interpretantes
Marc. 6. vsum earum vel dominica permissione signari, vt si in hoc mundo constituti, cura & sollicitudine carnis huius omnimodis exuti esse non possumus, nec ab ea penitus praeualemus absolui; saltem occupatione leui & implicatione tenui, necessitatem corporis explicemus: ne vel animæ nostræ pedes (qui expediti ad spiritalem cursum, & prædicandam Euangelij pacem semper debent esse parati; *Cant. 1.* quibus post odorem vnguentorum Christi currimus; & *Psal. 61.* de quibus Dauid: Cucurri, inquit, in siti. & Hieremias: *Hier. 17.* Ego autem non laboraui te sequens) morticinis huius sæculi curis patiamur inuolui, de his scilicet cogitantes quæ non ad supplendam necessitatem naturæ, sed ad superfluam noxiamq. pertinent voluptatem. Quod ita implebimus, si secundum Apostolum, carnis curam non fecerimus in desiderijs. Quibus tamen caligis, quamquam
Act. 12. licito vtantur, vt pote Domini mandato concessis; nequaquam tamen pedibus eas inhærere permittunt, cum accedunt ad celebranda seu percipienda sacrosancta mysteria: illud estimantes etiã secundũ literã custodiri debere, quod
Exod. 3. dicitur ad Moysen, vel ad Iesum filium Naue: Solue corrigiã calciamenti tui: locus enim in quo stas, terra sancta est.
Iosue 5.

De temperamento obseruantia, quæ secundum aërum qualitatem, vel vsum prouincia sit tenenda. Cap. XI.

HÆc dicta sunt, ne quid prætermisisse de Ægyptiorum habitu videamur. Ceterum a nobis tenenda sunt illa tantummodo, quæ vel locorum situs, vel vsus prouinciæ admittit. Nam neque caligis nos, neque colobijs, seu vna tunica esse contentos hiemis permittit asperitas; & paruissimi cuculli velamen, vel melotis gestatio, derisum potius quàm ædificationem vllam videntibus comparabit. Quapropter tantum quæ superius commemorauimus, quæque sunt & humilitati professionis nostræ, & qualitati aërum congruentia, a nobis quoque affectanda censemus, vt omnis summa nostri vestitus non in nouitate habitus, qui possit offendiculum hominibus sæculi huius inferre, sed honesta in vilitate consistat.

De cingulo spirituali, & sacramento ipsius. Cap. XII.

His itaque vestimentis Christi miles indutus, nouerit prius se ob id cinguli constrictione munitum, vt ad cunctos

cunctos usus & opera monasterij non solum mente promptus, sed etiam ipso habitu semper expeditus incedat. Tanto namque feruentior circa spiritalem profectum, ac diuinarum rerum scientiam, & cordis puritatem probabitur, quanto fuerit erga obedientiae studium operisq. deuotior. Secundo cognoscat etiam in ipso habitu cinguli, inesse non paruum quod a se expetitur sacramentum. Accinctio enim lumborum, & ambitus pellis emortuae significat eum mortificationem circumferre membrorum, in quibus libidinis atque luxuriae seminaria continentur, euangelicum illud mandatum quo dicitur: Siut lumbi vestri praecincti; *Luc. 12.* apostolica interpretatione ingeri sibi semper intelligeus: Mortificate scilicet membra vestra quae sunt super terram, *Coloss. 3.* fornicationem, immunditiam, libidinem, concupiscentiam malam. Ideoque illos tantum modo legimus in scripturis sanctis cingulo fuisse praecinctos, in quibus seminaria coitus inueniuntur extincta; quique illud beati David eloquium opere atque virtute decantant: Quia factus sum sicut vter in pruina; eo quod erasa medullitus carne vitiorum, emortuam exterioris hominis cutem, spiritus virtute distendat. Et idcirco: In pruina, significanter adiecit, quod scilicet nequaquam fuerint sola cordis mortificatione contenti; verum etiam exterioris hominis motus, & ipsius naturae incentiua, continentiae pruina extrinsecus accedente, habuerint congelata: nullum iam, dumtaxat secundum Apostolum, regnum peccati in suo mortali corpore sustinentes; nec gestantes carnem spiritui repugnantem. *Rom. 6. Gal. 5.*

LIBRI I. FINIS.

IOANNIS CASSIANI
EREMITAE
DE CANONICO NO-
CTURNARVM ORATIONVM,
ET PSALMORVM MODO.
LIBER SECVNDVS.
CAP. I.

Dvplici igitur hoc, quo diximus, cingu-
lo Christi miles accinctus; interim qui
modus canonicarum orationum, psal-
morumq. sit in partibus Orientis a san-
ctis patribus antiquitus statutus, agno-
sca. De qualitate vero earum, vel quem-
admodum orare, secundum Apostoli sententiam, sine
intermissione possimus, suis in locis cum seniorum colla-
tiones cœperimus exponere, quantum Dominus dederit,
proferemus.

*De diuersitate numeri qui ad decantandos psalmos per uni-
uersas prouincias sit statutus. Cap. II.*

Multos namque comperimus per alias regiones pro
capitu mentis suæ, habentes quidem, vt ait Aposto-
lus, zelum Dei, sed non secundum scientiam, super hac re
diuersos typos ac regulas sibi mer constituisse. Quidam
enim videnos, seu tricenos psalmos, & hos ipsos antipho-
narum protelatos melodijs & adiunctione quarundam mo-
dulationum debere dici singulis noctibus censuerunt. alij
hunc modum etiam excedere tentauerunt, nonnulli decem
& octo: atq. in hunc modum diuersis in locis diuersum
canonem agnouimus institutum, totq. propemodum ty-
pos ac regulas vidimus usurpatas, quot etiam monasteria
cellasq. conspeximus. Sunt quibus in ipsis quoque diurnis
orationum officijs, idest tertia, sexta, nonaq. id visum
est, vt secundum horarum modum in quibus hæc Domi-
no redduntur obsequia, psalmorum etiam & orationum
putarent

putarent numerum coæquandum, nonnullis placuit senarium numerum singulis diei conuentibus deputari. Quapropter necessarium reor antiquissimam patrum proferre constitutionem, quæ nunc vsque per totam Ægyptum a Dei famulis custoditur, quod nouelli monasterij in Christo rudis infantia, antiquissimorum potius patrum vetustissimis institutionibus imbuatur.

De uniformi regula per totam Ægyptum custodia, & de electione eorum, qui fratribus præponuntur. Cap. III.

ITaque per vniuersam Ægyptum & Thebaidem, vbi monasteria non pro vniuscuiusque renuntiantis instituantur arbitrio, sed per successiones ac traditiones maiorum, vsque in hodiernum diem vel permanent, vel permansura fundantur; legitimum orationum modum in vespertinis cõuentibus, seu nocturnis vigilijs vidimus recenterari. Non enim quisquam conuenticulo fratrum, sed ne sibi quidem ipsi præesse conceditur, priusquam non solum vniuersis facultatibus suis reddatur externus, sed ne sui quidem ipsius esse se dominum, vel potestatem habere cognoscat. Ita namq. renuntiantem huic mundo, quibuscumque facultatibus ac diuitijs præditum, necesse est cœnobij commoratione expetere, vt in nullo sibi ex his quæ reliquit, aut monasterio intulit, blandiatur: sic obedire cunctis, vt redeundum sibi, secundum sententiam Domini, ad infantiam pristinam nouerit; nihil sibi consideratione xui vel annorum numerositate præsumens, quam in sæculo inaniter consumptam se reputat perdidisse, sed pro rudimentorum merito, & tyrocinij nouitate, quam se gerere in Christi militia recognoscit, subdere se etiam iunioribus non moretur. Operis quoque ac sudoris assuetudinem ita subire cõpellitur, vt proprijs manibus, iuxta Apostoli præceptum, quotidianum victum vel suis vsibus, vel aduentitium necessitatibus præparas, & fastis vitæ præteritæ possit & delicias obliuisci, & humilitatem cordis contritione laboris acquirere. Ideoq. nullus congregationi fratrum præfuturus eligitur, priusquam idem qui præficiendus est, quid obtemperaturis oporteat imperari, obediendo didicerit; & quid iunioribus tradere debeat, institutis seniorum fuerit assuectus. Bene enim regere vel regi sapientis esse pronuntiât, summumq. donum & gratiam sancti Spiritus

Matt. 23

2. Thes. 3

esse

al. prapropo.

esse definiunt. Nam neque salutaria præcepta quempiam posse obtemperantibus præstare, nisi qui prius vniuersis virtutum disciplinis fuerit instructus; nec obedire quæquam seniori posse, nisi cum qui consummatus timore Dei, & humilitatis fuerit virtute perfectus. Ideoque diuersitates typorum ac regularum per ceteras prouincias cernimus usurpatas, quod plerumque seniorum institutionis expertes, monasterijs præesse audemus, & abbates nos antequam discipulos professi, quod libitum fuerit statuimus; promptiores nostrorum inuentorum custodiam exigere, quam examinatam maiorum seruare doctrinam. Sed dum orationum modum qui potissimum debeat custodiri, volumus explicare, institutis patrum auidius prouocati, narrationem quam suis reseruabamus locis, propro excessu præuenimus. Nunc itaque ad propositum reuertamur.

Quod per Ægyptum & Thebaidem duodenarius psalmorum numerus obseruetur. Cap. IV.

Igitur per vniuersam Ægyptum & Thebaidem duodenarius psalmorum numerus, tam in vespertinis, quam in nocturnis solemnitatibus custoditur, ita dumtaxat, ut post hunc numerum duæ lectiones, veteris scilicet ac noui testamenti singulæ subsequantur. Qui modus antiquitus constitutus, adcirco per tot sæcula penes cuncta illarum prouinciarum monasteria intemeratus nunc vsq. perdurat, quia non humana adinventionem statutus a senioribus affirmatur, sed cælitus angeli magisterio patribus fuisse delatus.

De duodenario psalmorum numero angeli traditione suscepto. Cap. V.

Nam cum in primordiis fidei, pauci quidem, sed probatissimi, monachorum nomine censerentur, qui sicut a beatæ memoriæ Euangelista Marco, qui primus Alexandrinæ vrbi Pontifex præfuit, normam suscipere viuendi; non solum illa magnifica retinebāt, quæ primitus ecclesiam, vel credentium turbas in Actibus Apostolorum legimus celebrasse, (Multitudinis scilicet credentium erat cor vnum & anima vna; nec quisquam eorum quæ possidebat, aliquid suum esse dicebat, sed erāt illis omnia communia. Quotquot enim possesores agrorum aut domorum

AB. 4.

Ibid.

sum erant, vendentes afferebant pretia eorum quæ vendebant, & ponebant ante pedes Apostolorum. Diuidebatur autem singulis prout cuiq; opus erat) verum etiam his multo sublimiora cumulauerant. Etenim secedētes in secretiora suburbiorum loca, agebant vitam tanto abstinentiæ rigore districtam, vt etiam his qui erant religionis externi, stupori esset tam ardua conuersationis professio. Eo enim seruire scripturarum diuinarum lectionibus, orationique, & operi manuum diebus ac noctibus incubabant, vt nec escarum quidem appetitus vel memoria, nisi alio, tertiove die corporis interpellaret inedia: cibumque ac potum nō tam desideratum, quāam necessarium sumerent, & ne hunc quidem ante solis occasum, vt tempus lucis cum spiritualium meditationum studijs, curam vero corporis cum nocte sociarent; aliaque his multo sublimiora perficerent. De quibus etiam is qui minus indigentium relatione cognouerit, Ecclesiastica historia poterit edoceri. Ea igitur tempestate cum ecclesiæ illius primitiæ perfectio, penes successores suos adhuc recenti memoria inuiolata duraret, feruensque paucorum fides necdum in multitudinem dispersa tepuisset; venerabiles patres peruigili cura posteris consulentes, quinam modus quotidiano cultui per vniuersum fraternitatis corpus decerni deberet, tractaturi conueniunt, vt hæreditatem pietatis ac pacis, etiam successoribus suis absolutam ab omni dissensionis lite transmittèrent: verentes scilicet ne qua in quotidianis solemnitatibus inter viros eiusdem culture dissonantia vel varietas exorta quandoque, in posterum erroris vel æmulationis seu schismatis noxium germen emitteret. Cumque pro suo vnusquisque seruire infirmitatis immemor alienæ, id statui debere censeret, quod contemplatione fidei ac roboris sui facillimum iudicabat, parum discutiens quod generaliter plenitudini fratrum possibile esset, in qua necesse est infirmorum quoque partem maximam repetiri, diuersoque modo enormem psalmorum numerum instituere pro animi sui virtute certarent, & alij quinquagenos, alij sexagenos psalmos, nonnulli vero ne hoc quidem numero contenti, excedi eum debere censerent, essetque inter eos pro religionis regula piæ contentionis sancta diuersitas, ita vt tempus solennitatis vespertinæ, sacratissimæ succederet quaestioni;

al. alle-
luia.

stioni; quotidianos orationum ritus volentibus celebra-
re, vnus in medium psalmos Domino cantaturus exurgit.
Cumq. sedentibus cunctis (vt est moris nunc vsq. in Egy-
pti partibus) & in psallentis verba omni cordis intentione
defixis, vndecim psalmos orationum interiectione distin-
ctos, contiguis versibus, parili pronuntiatione cantasset,
duodecimum sub † alleluia responsione consummans, ab
vniuersorum oculis repente substractus, quæstioni pariter
& cærimonijs finem imposuit.

De consuetudine duodecim orationum.

Cap. VI.

EXin venerabilis patrum senatus, intelligens angeli ma-
gisterio congregationibus fratrum generale canone,
non sine dispensatione Domini constitutum, decrevit huc
numerum tam in vespertinis quàm in nocturnis conuenti-
culis custodiri; quibus lectiones geminas, id est, vnam ve-
teris, & aliam noui testamenti, tamquam a se eas traditas,
& velut extraordinarias volentibus tantum, ac diuinarum
scripturarum memoriã possidere assidua meditatione stu-
dentibus addiderunt. In die vero sabbati vel Dominico,
vtrasq. de nouo recitant testamento: id est, vnam de Apo-
stolo, vel Actibus Apostolorum & aliam de Euangelijs.
Quod etiam totis quinquagesimæ diebus faciunt hi, qui-
bus lectio curæ est, seu memoria scripturarum.

De disciplina orandi.

Cap. VII.

HAs igitur orationes hoc modo incipiunt atque con-
summant, vt finito psalmo non statim ad incurua-
tionem genuum corruant, quemadmodum facimus in
hac regione nonnulli; qui nedum bene finito psalmo in
orationem procumbere festinamus, ad celeritatem mis-
sæ quantocyus properantes. Cuius dum volumus excede-
re modum qui antiquitus a maioribus statutus est, supp-
tantes residuorum psalmorum numerum, ad finem tende-
re perurgemus, de refectione potius lassæ corporis cogi-
tantes, quàm orationis vtilitatem & commoda requiren-
tes. Apud illos vero non ita est, sed antequam flectant ge-
nua paulisper orant, & stantes, in supplicatione maiorem
temporis partem expendunt. Itaque post hæc puncto bre-
uissimo procident humi, velut adorantes tantum diui-
nam clementiam, summa velocitate consurgunt, ac rursus
erecti

erecti, expansis manibus eodem modo, quo prius stantes orauerant, suis precibus intentius immorantur. Humi namq. diutius procumbentes, non solum cogitationibus aiunt, verum etiam somno grauius impugnari. Quod etiā nos verum esse vtinam non experimentis & quotidiana consuetudine nosceremus, qui saepenumero hanc eandē incuruationem membrorum, non tam orationis quā refectionis obtentu in terrā prostrati optamus diutius prolongari. Cum autē is, qui orationem collecturus est, e terra surrexerit, omnes pariter surgunt, ita vt nullus, nec antequam inclinetur ille, genu flectere, nec cum e terra surrexerit, remorari praesumat, ne non tam securus fuisse illius conclusionem, qui precem colligit, quā suam celebrasse credatur.

De subsequente oratione post psalmum. Cap. VIII.

Illud etiam quod in hac prouincia vidimus, vt vno cantante, in clausula psalmi omnes adstantes cūcinant cū clamore: Gloria patri & filio & spiritui sancto; nusquam per omnem Orientem audiuius. sed cum omnium silentio, ab eo, qui cantat, finito psalmo, orationem succedere: hac vero glorificatione Trinitatis tantūmodo solere † antiphona terminari.

al. antiphonam.

De orationis, statu, super quo in collatione seniorum plenior referuetur instructio. Cap. IX.

ET quia nos ad orationum canonicarum modum cōsequenter institutorum ordo prouexit, quarum plenior tractatum licet in collationes seniorum referuamus, ibidem plenius digesturi, cum de earum qualitate seu iugitate verbis eorū disserere cœperimus; necessarium tamen reor pro oportunitate loci ac narrationis ipsius, quoniam ita obtulit sese occasio, etiam in praesenti pauca perstringere; vt formantes interim exterioris hominis motus, & velut quædam nunc orationis fundamenta iacentes, minore post hæc labore cum cœperimus de statu interioris hominis disputare, eius quoque fastigia construamus. Illud ante omnia prouidentes, vt si nos ab illa narratione, quam cupimus oportune Deo volente digerere, praue-niens vitæ finis excluderet, vel initia vobis rei praesertim tam necessariorū, hoc opere relinquamus, quibus

Collat. 9.

pro ardore desiderij totum tardum est: vt dum nobis huius commorationis tribuuntur induciæ, saltem quasdam tantisper orationum vobis lineas præsignemus, quibus hi vel maxime, qui in cœnobijs commorantur, valeant aliquatenus informari. Simul etiam prospicientes his, qui forsitan huic tantummodo occursuri sunt libro, & ad illum peruenire nō poterūt. vt instructiōe huius, erga orationis qualitatē vel ex parte reperiātur imbuti. vt quemadmodum sunt de habitu & amiētū exterioris hominis instituti, ita etiam qualiter eum ad offerenda spiritalia sacrificia debeant exhibere, non nesciant. Siquidem hi libelli, quos in præsentī eudere, Domino adiuvante, disponimus, ad exterioris hominis obseruantiam, & institutionem cœnobiōrum competentius aptabuntur: illi vero ad disciplinam interioris, ac perfectionem cordis, & anachoretarum vitam atque doctrinam, potius pertinebunt.

Cum quanto silentio & breuitate orationes apud Ægyptios colligantur. Cap. X.

CVM igitur prædictas solemnitates, quas illi synaxes vocant, celebraturi conueniunt, tantū a cunctis silentium præberetur, vt cum in vnū tam † innumerosa fratrum multitudo conueniat, præter illum qui consurgens psallimum decantat in medio, nullus hominum penitus adesse credatur. ac præcipue cum consummatur oratio, in qua non sputum emittitur, non excreatio obstreperit, non tussis intersonat, non oscitatio somnolenta dislucis malis & hiātibus trahitur. nulli gemitus, nulla suspiria etiā adstantes impeditura promūtur; nulla vox, absq. sacerdotis precem concludētis auditur. nisi forte † hæc quæ per excessum mentis claustra oris effugerit, quæq. insensibiliter cordi subreperit, immoderato scilicet, atq. intolerabili spiritus feruore succēsa: dum ea, quæ ignita mens in semetipsa non præualet continere, per ineffabilem quendā gemitum, ex intimis pectoris sui conclauibus euaporare conatur. Illum vero, qui constitutus in tēpore mentis cum clamore supplicat, aut aliquid horum quæ prædiximus, a faucibus suis emittit, ac præcipue oscitationibus præuenitur, dupliciter peccare pronunciant. Primo, quod orationis suæ reus sit, quod eam videlicet negligenter offerat Deo. Secundo, quod indisciplinato strepitu, alterius quoq. qui forsitan ardentius

al. nume-
rosa.

idē qua.
idē infra
236.

dentius orare potuit,intercipit sensum. Ideoq. præcipiunt eam celeri sine concludi, ne forte immorantibus nobis in ea, redundantiâ quædam sputi seu phlegmatis interrumpat nostræ orationis excessum. Et idcirco dum adhuc feruet, velut e faucibus inimici velociter rapicuda est. Qui proculdubio cum sit nobis semper infestus, tunc maxime adfistit infestior, cum contra se offerre nos preces Domino velle peruiderit, cogitationibus seu diuersis humoribus excitatis, abducere mentem nostram a supplicationis intentione festinans, & per hoc eam tepefacere a cæpto seruire contendens. Quamobrem vtilius censent breues quidem orationes, sed creberrimas fieri, illud quidem vt frequentius Dominum deprecantes iugiter eidem cohærere possimus: hoc vero vt insidiantis diaboli iacula, quæ intelligere nobis tunc præcipue cum oramus insistit, succincta breuitate vitemus.

Qua disciplina apud Ægyptios psalmi dicantur. Cap. XI.

ET idcirco ne psalmos quidem ipsos, quos in cõgregatione decantant, continuata student pronuntiatione concludere: sed eos pro numero versuum duabus vel tribus intercisionibus cum orationum interiectione diuisos, distinctim particulatimq. consummant. Non enim multitudinem versuum, sed mentis intelligentia delectantur; illud tota virtute sectantes: Psallam spiritu, psallam & mente. Ideoque vtilius habent decem versus cum rationabili assig natione cantari, quàm totum psalmum cum confusione mentis effundi; quæ nonnumquam pronuntiantis festinatione generatur, dum residuorum psalmorum qui decantandi sunt, modum numerumq. considerans, non distinctionem sensuum audiëntibus studet pandere, sed ad finem synaxeos properat peruenire. Deniq. si quispiam iuniorum vel pro seruire spiritus, vel pro eo, quod necdum iustitutus est, cõperit modum decantationis excedere; psallentis progressio senioris interciditur plausu; quem dans manu sua in sedili quo sedet, cunctos facit ad orationem consurgere: illud omnibus modis prouidens, ne quod sedentibus tædium generetur prolixitate psalmorum, qua is qui decantat, non modo per seipsum intelligentiæ fructum amittat; sed etiam per illos incidat detrimentum, quos fastidium synaxeos nimietate sua facit incurrere. Illud quoque apud

1. Cor. 14

al. alle-
luia.
al. alle-
luia.

eos omni obseruantia custoditur, vt in responsione † alleluia nullus dicatur psalmus, nisi is qui in titulo suo † alleluia inscriptione notatur. Prædictum vero duodenarium psalmodum numerū ita diuidunt, vt si duo fuerint fratres, senos psallant; si tres, quaternos; si quatuor, ternos. Quo numero numquam minus in congregatione decantant: ac proinde quantalibet multitudo cōuenerit, numquam amplius psallant in synaxi, quàm quatuor fratres.

Cur uno psallente, ceteri in synaxi sedeant: vel quali post hoc studio per cellulas suas vsq. ad lucem vigiliæ extendant. Cap. XII.

HVnc sane canonicum, quem prædiximus, duodenarium psalmodum numerum, tali corporis quiete releuant, vt has easdem cōgregationum solemnitates ex more celebrantes, absq. eo, qui dicturus in medium psalmos surrexerit, cuncti sedilibus humillimis insidentes, ab ore psallentis omni cordis intentione dependant. Ita namque ieiunijs & operatione totius diei noctisque lassescunt, vt nisi huiusmodi refectione adiuuentur, ne hunc quidem numerum stantes implere valeant. Nullum etenim tempus ab operis exercitatione vacuum transire concedunt, quia non solum ea quæ diei splendor admittit, omni instantia manibus exercere contendunt, sed etiam illa operationum genera sollicita mente perquirunt, quæ ne ipsius quidem noctis densissimæ tenebræ valeant impedire: credentes se tanto sublimiorem spiritualium contemplationum † puritatem mentis intuitu quæ situros, quanto deuotius fuerint erga operis studium ac laboris intenti. Et idcirco medicrem canonicarum orationum numerum iudicant diuinitus moderatum, vt ardentioribus fide spatium quo se virtutis eorum infatigabilis cursus extenderet seruarietur, & nihilominus fessis agrisque corporibus minime gigneretur de nimietate fastidium. Ideoque cum fuerint orationum canonicarum functiones ex more finitæ, unusquisque ad suam recurrens cellulam, quam aut solus, aut cum alio tantum inhabitare permittitur, quem scilicet societas operationis, vel discipulatus & disciplinæ imbutio copulauit, vel certe quem similitudo virtutum comparere fecit, idem rursus orationum officium, velut peculiare sacrificium studiosius celebrant, nec vterius quisquam eorum

al. statum
quasi-
tas.

rum in requiem somni resoluitur, donec superueniente diei splendore, nocturno operi ac meditationi operatio diurna succedat.

Quare post missam nocturnam dormire non oporteat. Cap. XIII.

Quem laborem, præter illam rationem qua tota industria annittentes, sacrificium Deo de fructu manuum suarum offerre se credunt, duabus ex causis cum omni obseruatione custodiunt. Quod nos quoq. si perfectioni studemus, eadē diligentia conuenit obseruare. Prima, ne forte purificationem nostram nocturnis psalmis & orationibus acquisitam, inuidus inimicus liuens puritati nostrę, cui maxime insidiatur semper, & indefinenter infestus est, quadam somni illusione contamine. Qui post illā satisfactionem quam pro negligentijs seu ignorationibus nostris obtulimus, & confessionis nostrę veniam profusus gemitibus imploratam, sollicitus nos si tempus quietis inuenerit, maculare festinat, tunc præcipue fiduciam nostram deicere atq. eneruare contendens, cum feruentius nos ad Deum tendere orationumstrarum puritate peruiderit: ita ut nonnumquam quos per totum noctis spatium sauciare non potuit sub illius horę breuissimo tempore dehonestare couetur. Secunda vero, quod tamen nulla talis verenda diaboli emergat illusio, intercedēs etiam purus sopor inertiam monacho mox euigilaturus parturiat, segnemque torporem inferens menti, per totum diei spatium vigorem eius obtundat, illamq. hebetet perspicaciam sensus, & pinguedinem cordis exhauriat, quę nos possit per totum diem aduersus omnes insidias inimici cautiore robustioresq. seruare. Quamobrem canonicis vigilijs priuatę ab eis subiunguntur excubię, ac maiore illis obseruatione succedunt ut & illa purificatio, quę psalmis & orationibus est acquisita, non pereat; & intentior sollicitudo diligentius nos per diem custoditura, præparetur meditatione nocturna.

Quemadmodum in cellulis suis opus manuum & orationes pariter exerceant. Cap. XIV.

ET idcirco eas cum adiectione operis exequantur, ne velut otiosis valeat somnus irrepere. Sicut enim nullum ferme ab eis otio tempus excipitur, ita nec meditatio-

al. incessa-
biliter.

ni quidem spiritali suis imponitur. Nam pariter exercentes corporis animæq. virtutes, exterioris hominis stipendia cum emolumentis interioris exæquant, lubricis motibus cordis & fluctuationi cogitationum instabili, operum pondera, velut quandam tenacem atque immobilem anchoram præfigentes, cui volubilitas ac peruagatio cordis innexa, intra cellæ claustra, velut in portu fidissimo valeat contineri: atque ita spiritali meditationi tantum & custodiæ cogitationum intenta, non modo ad consensum prauæ cuiusq. suggestionis peruigilem mentem corrumpere non sinat, verum etiam ab omni superflua otiosaq. cogitatione custodiat: ita ut quid ex quo pendeat, haud facile possit a quoquam discerni; id est, utrum propter meditationem spiritalem & incessabile manuum opus exerceant, an propter operis iugitatem tam præclarum profectum spiritus scientiaq. lumen acquirant.

Qua lege modestia post orationum missam unusquisque ad suam cellulam redeat, & cui subdatur increpationis, qui aliter fecerit. Cap. XV.

al. iunior-
um.

Finitis itaq. psalmis, & quotidiana congregatione, sicut superius memorauimus, absoluta; nullus eorum vel ad modicum subsistere, aut sermocinari audet cum altero: sed ne quidem per totum diei spatiū a cella sua progredi, aut deferere opus quod in ea solitus est exercere præsumit: nisi forte cum fuerint ad officium necessarii cuiusq. operis euocati. Quod ita explent foras egressi, ut nulla inter eos sermocinatio penitus conferatur. Sed sic unusquisque opus iniunctum exequitur, ut psalmum vel scripturā quamlibet memoriter recensendo, non solum cōspirationi noxiæ, vel consilijs prauis, sed nec otiosis quidem colloquijs, vllā copiam vel tempus impartiat: oris pariter & cordis officio in meditatione spiritali iugiter occupato. Summa namq. obseruantia custoditur, ne quisquā cum alio, ac præcipue iuniores, vel ad punctū tēporis pariter substituisse, aut vsquam secessisse, vel manus suas inuicem tenuisse deprehendatur. Si qui vero contra huius regulæ disciplinam reperti fuerint aliquid admisisse, ut contumaces ac præuaticatores mādatorū, non leuis culpæ rei pronuntiati, suspicione etiā coniurationis prauiq. consilij carere non poterunt. Quam culpā nisi in ynum cunctis fratribus congregatis publica dilue-

rit pæ-

fit pœnitentia, orationi fratrum nullus eorum interesse permittitur.

Quod nulli orare cum illo, qui fuerit ab oratione suspensus, liceat. Cap. XVI.

Sane si quis pro admisso quolibet delicto fuerit ab oratione suspensus, nullus cum eo prorsus orandi habet licentiam, antequam submissa in terram pœnitentia, reconciliatio eius, & admissi venia coram fratribus cunctis, publice fuerit ab abbate concessa. Ob hoc namq. tali obseruantia semetipsos ab orationis eius cōsortio segregant atq. secernunt, quod credunt eum, qui ab oratione suspenditur, secundum Apostoli sententiam, tradi satanæ, & si quis orationi eius, antequam recipiatur a seniore, in cōsiderata pietate permotus, communicare præsumpserit, complicem se damnationis eius efficiat: tradens scilicet semetipsum voluntariè satanæ, cui ille pro sui reatus emendatione fuerat deputatus. in eo vel maxime grauius crimen incurrens, q̃ cum illo se vel confabulationis, vel orationis communione miscendo, maiorem illi generet insolentiæ fomitem, & contumaciam delinquentis in peius enutriet. Peruiciosum namq. solatium tribuēs, cor eius magis ac magis faciet indurari, nec humiliari eū suet, ob quod fuerat segregatus, & per hoc vel increpationem senioris non magni pendere, vel dissimulanter de satisfactione & venia cogitare.

1. Cor. 9.

1. Tim. 1.

Quod is, qui ad orationem fratres exsuscitat, hora solita debeat eos commonere. Cap. XVII.

Is autem cui religiosi conuentus commonitio, vel synaxis cura committitur, non passim vt libitum est, nec pro vt nocte fuerit expectatus, aut opportunitas eū somni proprii seu insomni coarctat, fratres etiam ad quotidianas vigilias exsuscitare præsumit. Sed quamuis eum consuetudo diurna hora solita euigilare compellat, tamen sollicitè frequenterq. ex stellarum cursu præstitutū congregationis tempus explorans, ad orationum eos inuitat officiū; ne in vtroq. inueniatur incantus, si vel oppressus somno statutam transgrediatur horam, vel eandem dormiturus atque festinus ad somnum anticipet: & non tam officio spiritali vel quieti omnium deseruisse, quàm requiesi suæ satisfecisse credatur.

Quod a vespera sabbati usque ad vesperam diei Dominice genua non flectantur. Cap. XVIII.

*Colla. 21.
cap. 20.*

Hoc quoq. nolle debemus, a vespera sabbati, quæ lucefcit in diem Dominicum, usque in vesperam sequentem, apud Ægyptios genua non curuari: sed nec totis quidem quinquagesimæ diebus, nec custodiri in eis ieiuniorum regulam. Quarum rerum ratio suo loco in collationibus seniorum, cum Dominus iusserit, exponetur. Nunc propositum est nobis causas tantum modo breui narratione percurrere, ne castigatum modum volumen excedens, aut fastidio legentem oneret, aut labore.

LIBRI II. FINIS.

IOANNIS CASSIANI EREMITÆ

LIBER TERTIVS.

De solemnitate hora tertia, sexta, vel nonæ, quæ in Syria partibus observatur. Cap. I.



DE nocturno orationum & psalmodi modo, quoniam per Ægyptum habeatur, donante Deo, quantum tenuitas ingenij nostri præualuit, arbitror expeditum. nunc de solemnitate tertiæ, sextæ, nonæq. secundum regulam monasteriorum Palestina, vel Mesopotamiae nobis est disserendum; ut præfati sumus in prologo, perfectionem Ægyptiorum, & inimitabilem disciplinæ rigorem, horum institutionibus moderantes.

Quod apud Ægyptios sine horarum discretione, per totam diem cum operis adiectione, & orationibus iugiter insistatur & psalmis. Cap. II.

APud illos etenim hæc officia, quæ Domino soluere per distinctiones horarum & temporis intervalla cum admo-

admonitione compulsoris adigimur, per totum diei spatium iugiter cum operis adiectione spontanea celebrantur. Ita namq. ab eis incessanter operatio manuum priuatim per cellulas exercetur, vt psalmodum quoq. vel ceterarum scripturarum meditatio numquam penitus omitatur. Cui preces & orationes per singula momenta miscen-tes, in his officijs quæ nos statuto tempore celebramus, totum diei tempus absument. Quamobrem exceptis vespertinis nocturnisq. congregationibus, nulla apud eos per diem publica solenitas, absq. die sabbati vel Dominica, celebratur; in quibus hora tertia sacræ communionis obtentu cōueniunt. Plus enim est id quod incessanter offertur, quàm quod temporis intervallo persoluitur: & gratius voluntarium munus, quàm functiones quæ canonica compulsionere redduntur. pro hoc Dauid quoq. gloriosius aliquid exultante, cum dicit: Voluntarie sacrificabo tibi. &: Voluntaria oris mei beneplacita sint tibi Domine.

Psal. 53.

Psal. 118.

Quod per omnem Orientem solemnitas tertia, sexta, vel nona, trinis psalmis & orationibus finiatur: et cur specialius istis horis hæc spiritalia sint officia deputata. Cap. III.

ITaq. in Palæstinæ vel Mesopotamiæ monasterijs ac totius Orientis, supra dictarum horarū solemnitates trinis psalmis quotidie finiuntur, vt & orationum assiduitas statutis temporibus Deo offeratur, & necessaria operationis officia, consummatis iusto moderamine spiritalibus obsequijs, nullatenus valeant impediri. His enim tribus temporibus etiam Daniele prophetā quotidie fenestris apertis in cœnaculo preces Domino fuisse cognoscimus. Nec immerito hæc specialius tempora religiosis sunt officijs deputata. In his siquidem promissionū perfectio, & summa nostræ salutis est adimpleta. Hora namq. tertia repositus olim per prophetas Spiritus sanctus super Apostolos in orationū officio constitutos, descendisse primitus comprobatur. Nam cum pro elocutione linguarum, quæ ab eis infusione Spiritus sancti profluebat, gens incredula Iudeorum, obstupescens pariter & irridens diceret eos multo repletos, stans Petrus in medio eorum ait: Viri Israelitæ & qui habitatis Hierusalem vniuersi, hoc vobis notum sit, & auribus percipite verba mea. Non enim sicut vos aestimatis, hi ebrii sunt, cum sit hora diei tertia; sed hoc est quod dictum

Dan. 6.

Ioel. 2.

Esai. 44.

Act. 2.

Ioel. 2.

dictum est per prophetā Ioel: Et erit in nouissimis diebus, dicit Dominus, effundam de spiritu meo super omnē carnem: & prophetabunt filij vestri & filia vestra; & iuuenes vestri visiones videbunt, & seniores vestri somnia somniant. Et quidem super seruos meos & super ancillas meas in diebus illis effundam de spiritu meo, & prophetabunt.

Luc. 23.

Quę omnia hora tertia videmus impleta, Sanctique Spiritus vaticinatum per prophetas aduentum, eodem tempore super Apostolos commeasse. Hora autem sexta immaculata hostia Dominus noster atq. Saluator oblatuſ est patri, crucemq. pro totius mundi salute conscendens, humani generis peccata deleuit: & spolians principatus ac potestates traduxit palam. vniuersosq. nos obnoxios atq. constrictos insolubili chirographi debito liberauit, tollens id de medio, & crucis suę affigens trophęo. Eadem quoq. Petro hora in excessu mētis vocatio gentium omniū per submissionem vasis euangelici delati cęlitus, & purificatio omnigenum animantium in eodem consistentium, delata ad eum voce diuinitus reuelatur, dicente ei: Surge Petre, occide, & manduca. Quod vas quattuor initijs de cęlo submissum, non aliud quā Euangelium designare manifeste cognoscitur. Licet enim quadriformi Euangelistarum narratione distinctum, quattuor videatur habere principia; vnum tamen Euangelij corpus est: eiusdem scilicet Christi natiuitatē pariter ac deitatem, miracula quoque, passionemq. complectens. Pulchre autem nō ait, linteum, sed, quasi linteū. Linteum quippe mortificationis indicium est. Quoniam igitur mors dominicę passionis non humanę naturę lege, sed proprię voluntatis subitur arbitrio, quasi linteum dicitur. Mortuus enim secundum carnem, non est secundum spiritū mortuus: quia nec derelicta est anima eius in inferno, nec caro eius vidit corruptionē. Et rursus: Nemo (inquit) tollit a me animam meā, sed ego pono eam a me ipso. Potestātē habeo ponere eam, & potestatem iterum habeo sumere eam. In hoc itaq. Euāgeliorum vase cęlitus destinato, id est a Spiritu sancto prescripto, omnes gentes quę quondā extra legis obseruatiam positę, habebantur immundę, per credulitatem fidē confluētes, vt ab idolorum cultu salubriter immolentur, atq. ad salutarem escam proficiant, Petro, purificante voce dominicā, deferuntur. Hora vero nona inferna penetraus, inextricabi-

*Coloss. 2.**Act. 10.**Ibid.**Ibid.**Act. 2.**Ioan. 10.**Matt. 27.*

les

Ies tarrari tenebras coruscatione sui splendoris extinxit, portasq. eius creas effringens, ac seras ferreas conterens, captiuitatem sanctorum, quę clausa tenebris immitis tenebatur inferni, salubriter captā transuexit secum ad cęlos: *Ephes. 4.*
 igneaq. rhomphęa summtota, antiquum incolam paradiso pia confessione restituit. Eadem quoq. hora Cornelius centurio in precibus solita deuotione persistens, cōmorationem orationum & eleemosynarū suarum ante Dominum factam, angelo sibi colloquente cognoscit: palamq. ei hora nonā uocationis gentium sacramenta panduntur, quę Petro in excessu mentis hora sexta fuerant reuelata. *Gen. 3.*
 Alio quoq. loco de eodem tempore in Actibus Apostolorum ita narratur: Petrus autem & Ioannes ascendebant in templum, ad horam orationis nonam. Quibus liquido comprobatur, non immerito a sanctis & apostolicis uiris has horas religiosis obsequijs consecratas, a nobis quoq. obseruari similiter oportere: qui nisi uelut lege quadam soluere hęc pietatis officia saltem statutis temporibus adigamur, totum diei spatium obliuione, aut desidia uel occupationibus inuoluti, absque orationis interpellatione consumimus. De uespertinis autem sacrificijs quid dicendum est, quę iugiter offerri etiam in ueteri testamento lege Mosaiica sancuntur? Holocausta enim matutina, & sacrificia uespertina cunctis diebus in templo, licet figuratibus hostijs, etiam ex eo probare possumus indefinenter oblata; quod a Dauid canitur: Dirigatur oratio mea sicut incensum in conspectu tuo, eleuatio manuum mearum sacrificium uespertinum? Quo in loco de illo quoq. uero sacrificio uespertino sacratius intelligi potest, quod uespere a Domino Saluatore cęnantibus Apostolis traditur, cum initiaret Ecclesię sacrosancta mysteria: uel quod ipse die postero sacrificium uespertinū, in fine scilicet seculorum eleuatione manuum suarum pro salute totius mundi oblatus est patri. Quę extensio manuum eius in patibulo, satis proprie eleuatio nuncupatur. Omnes enim nos in inferno iacentes, eleuauit ad cęlos, secundum promissionis eius sententiam, dicentis: Cum exaltatus fuero a terra, omnia traham ad me ipsum. De matutina uero sollemnitate etiam illud nos instruit, quod in ipsa quotidie decantari solet Deus Deus meus, ad te de luce vigilo. Et: In matutinis medirabor in te. Et: Pręueni in maturitate, & cla-

*Ephes. 4.**Gen. 3.**Act. 10.**Ibid.**Act. 3.**Psal. 140.**Matt. 26.**Ioan. 12.**Psal. 62.**Ibid.*

Psal. 118. & clamaui. Et rursum: Præuenerunt oculi mei ad te diluculo, ut meditarer eloquia tua. In his quoque horis etiam ille euangelicus paterfamilias operarios conduxit in vineam suā. Ita enim & ille primo mane conduxisse describitur: quod tempus designat matutinam nostram sollemnitate: deinde tertia, inde sexta, post hæc nona, ad extremum undecima, in qua lucernaris hora signatur.

Quod matutina solemnitas non antiqua traditione statuta sit, sed nostro tempore pro causa sit adinuenta. Cap. IV.

Sciendum tamen hanc matutinā, quæ nunc obseruatur, socciduis vel maxime regionibus canonicā functionē, nostro tempore nostrōq. monasterio primitus institutam, ubi Dñs noster Iesus Christus natus ex virgine, humanæ infantia suscipere incrementa dignatus, nostram quoq. adhuc in religione teneram & lactentem infantia sua gratia confirmauit. Vsq. ad illud enim tempus hac solēnitate matutina, quæ expletis nocturnis psalmis & orationibus, post modicum temporis interuallū solet in Gallia monasterijs celebrari, cum quotidianis vigilijs pariter cōsummata, reliquas horas refectioni corporum deputatas a maioribus nostris inuenimus. Verum cum hac abutentes indulgētia, negligentiores quiq. inducias somni longius protelarent: quippe quos vel cellas progredi, vel de suis stratis cōsurgere, ante horam tertiā nulla conuentus vllius necessitas inuitaret, & cum operationis iactura tēpore quoq. diei quononnullis oportebat officijs inherere, soporis nimietate torperent, in his præsertim diebus quibus a vespertinis horis excubias vsq. ad auroræ viciniā celebrantibus, nascebatur onerosior lassitudo; quorundam illic fratrum feruentiū spiritu, quibus hoc negligētē genus haud leuiter displiceret, ad seniores querela delata, decretum est ab eis diutino tractatu & consultatione sollicita, ut vsque ad solis ortum, quoniam iam sine offensione vel lectio parari, vel opus manū posset assumi, fessis corporibus refectione concessa: inuitati post hæc religionis huius obseruantia cuncti pariter e suis stratis consurgerēt: ac tribus psalmis & orationibus celebratis, secūdum modū, qui antiquitus in obseruatione tertiæ, sextæ, vel nonæ, trinæ cōfessionis exēplo statutus est, & somno deinceps finem, & initium operationi æquali simul

mul moderamine facerent. Qui typus licet ex occasione videatur inuētus, & recenti memoria pro causa, quā diximus statutus appareat; tamen illum numerum, quem designat beatus David, quamquam spiritalem quoque habeat intellectum, secundum litteram manifestissime supplet. Septies in die laudem dixi tibi super iudicia iustitiæ tuę. Hæc enim adiecta solemnitate, septies sine dubio spiritales hos conuentus in die faciētes, septies in ea laudes Domino dicere comprobamur. Denique cum hic idē typus de Oriente procedens, hucusq. fuerit vtilissime propagatus; in nonnullis tamen per Orientem antiquissimis monasterijs, quæ nequaquam vetustissimas regulas patrum violari patiuntur, nunc vsque minime videtur admissus.

Psalm. 118.

Quod post matutinas orationes ad somnum reuerti non oporteat. Cap. V.

Cuius solemnitatis ratio cur statuta sit vel inuenta, in hac prouincia nonnulli ignorantes, expletis matutinalibus hymnis, iterum reuertuntur ad somnum, in illam causam nihilominus incidentes, ob quam compescendam hæc a senioribus nostris solemnitas est instituta. Illa namque hora eam consummare festinant, qua negligentioribus minusque sollicitis rursus dormiendi reddatur occasio. Quod omnimodis fieri non oportet, (sicut in libello superiori, describentes Ægyptiorum synaxin, plenius exposuimus) ne purificationem nostram confessione supplici & anrelucanis orationibus acquisitam, vel emergens quædam redundantia humorum naturalium polluat, vel illusio inimici corrumpat, vel certe intercedens etiam puri ac simplicis somni resectio interrumpat spiritus nostri feruorem; ac tepesfactos somni torpore per totum diei spatium inertes deinceps ignauosque traducat: Quod Ægyptij ne incurrant, equidem cum soleant certis temporibus etiam ante cantum gallorum surgere, missa canonica celebrata, vsque ad lucem post hæc vigilias extendunt, ut eos superueniens lux matutina in hoc feruore spiritus reperiatur constitutos, ac per totum diei tempus feruentiores sollicitioresq. custodiat, præparatos eos suscipiens ad conflictum, & contra diurnam diaboli colluctationem, nocturnarum exercitio vigiliarum ac spiritali meditatione firmatos.

*Lib. 2.
c. 13.*

Quod

Quod nihil sit a senioribus immutatum de antiquo ordine psalmorum cum matutina statueretur solemnitas. Cap. VI.

al. excipere.

Illud quoq. nosse debemus, nihil a senioribus nostris quod eandem matutinā solemnitatē addi debere consueverunt, de antiqua psalmorum consuetudine esse immutatum: sed eodem ordine missam quo prius in nocturnis conuentibus perpetuò celebratam. Etenim hymnos quos in hac regione ad matutinam † excipere solemnitatem, in fine nocturnarum vigiliarum, quas post gallorum cantum ante auroram finire solent, similiter hodieq. decantant: id est, centesimum quadragesimum octauum psalmum, cuius initium est: Laudate Dominum de cælis; & reliquos qui sequuntur. quinquagesimum vero psalmum, & sexagesimum secundum, & octogesimum nonum, huic nouellæ solemnitati nouimus deputatos. Deniq. per Italiā hodieq. consummatis matutinalibus hymnis, quinquagesimus psalmus in vniuersis ecclesijs canitur: quod non aliunde quàm ex iude tractum esse non dubito.

Quod ei, qui ad diurnam orationē antequam primus finiatur psalmus, non occurrerit, oratorium introire non liceat: in nocturnis autem usque ad finem secundi psalmi veniabilis mora sit. Cap. VII.

al. tardandi.

IS vero qui in tertia, sexta, vel nona priusquàm psalmus cœptus finiatur, non ad orationem occurrerit, vterius oratorium introire non audet, nec semetipsum admiscere psallentibus; sed congregationis missam stans pro foribus præstolatur, donec egredientibus cunctis, submissa in terram pœnitentia, negligentia suæ vel tarditatis impetret veniam: sciens, nequaquam se posse desidii suæ noxam aliter expiare; sed ne in ea quidem quæ post tres horas erit secutura solemnitas, admittendum, nisi pro negligentia præsentis confestim vera humilitate subnixus, satisfacere festinauerit. In nocturnis vero conuenticulis, vsq. ad secundum psalmum præberetur † tardanti dilatio, ita dū taxat, vt antequam finito eodem psalmo fratres in oratione procumbant, semetipsum congregationi interferrere atq. admiscere festinet; eidē proculdubio in crepationi ac pœnitentiæ quam prædiximus, subiiciendum, si vltra præstuturam dilationis horam, vel modicum tardet.

Vigi-

Vigilia, quæ a vespera illucescente sabbato celebrantur, quem temporis modum teneant, vel quo ordine celebrentur. Cap. VIII.

Sane vigilias quæ singulis hebdomadibus a vespera illucescente sabbato celebrantur, idcirco seniores hiemali tempore, quo noctes sunt longiores, vsq. ad quartum gallo-
rum cantum per monasteria moderantur; vt post excubias totius noctis, reliquis duabus ferme horis reficientes corpora sua, nequaquam per totum diei spatium somni torpore marcescant, brevis huius temporis requie pro totius noctis refectione contenti. Quod nos quoq. cū omni obseruatione conuenit custodire, vt scilicet cōtenti somno qui nobis post vigiliarum missam vsq. ad lucis indulgetur aduentū, id est vsq. ad matutinos psalmos, totum deinceps diem in opere ac necessarijs ducamus officijs, ne somnū quem nocti subtraximus, resumere per diē vigiliarū lassitudine & inanitate compulsi, non tam requiē corpori subtraxisse, quā quietis tempus & refectionem nocturnam commutasse videamur. Nullatenus enim potest fragilis caro ita totius noctis quiete fraudari, vt per consequentē diem sine dormitatione mentis animiq. torpore inconcussam possit seruare vigiliā. Quæ impediatur ex hoc potius quā iuuabitur, nisi post vigiliarum missam somni quantumcumq. gustauerit. Et idcirco saltem vnius horæ sopor, quemadmodum diximus, ante lucis aduentum si fuerit impartitus, lucrabimur omnes vigiliarū horas quas tota nocte in oratione consumpsimus, impartientes naturæ quod suum est, nec habentes necessitatem resumendi per diē quod nocti subtraximus. Totum enim carni huic proculdubio reddet, quisquis ei non rationabiliter partem subtrahere, sed totum tentauerit denegare, & vt verius dixerim, uō superflua sed necessaria voluerit amputare. Propter quod maiore scēnore necesse est vigilias compensari, si fuerint vsq. ad lucem inconsiderata atq. irrationabili nimietate protractę. Ideoq. eas tripartitis distinguuntur officijs; vt labor ac diuersitate diuisus, delectatione quadam defectionem corporis releuet. Nam cū stantes † antiphona-
tria concinuerunt; humi post hæc vel sedibus humillimis insidentes, tres psalmos vno modulante respondent, qui tamen singuli a singulis fratribus vicissim succedentibus sibi præbentur, atq. his sub eadem quiete residentibus,

*al. anti-
phonaria
concinue-
runt.*

ternas

ternas adijciunt lectiones. Itaq. fit, vt corporeum minuētes laborē, vigilias suas intētiōne maiore mentis exercēāt. *Quare illucescente die sabbati vigilia statuta sint: & quare per omnem Orientem absolutio ieiunij in die sabbato præsumat. Cap. IX.*

Quas a tempore prædicationis apostolicæ, quo religio ac fides Christiana fundata est, per vniuersum Orientem idcirco statutum est illucescente sabbato celebrari, quod domino & Salvatore nostro Sexta sabbati crucifixo, discipuli adhuc recenti eius passione perculsi, per uigiles tota nocte māserunt, nullatenus somni quietem oculis suis indulgētes. Quamobrem ex illo tempore huic nocti deputata Vigiliarum solemnitas, vsq. in hodiernū diē per vniuersum Orientē similiter obseruatur. ideoq. & absolutio ieiunij post vigiliarū laborem, itidem ab apostolicis viris in die sabbati statuta, non immerito præsumitur per vniuersas Orientis ecclesias, secundū illā quoq. Ecclesiastes sententiam, quæ licet habeat & alium mysticum sensum, tamē ab hoc quoq. non abhorret; quo utriq. dici, idest, hebdomadi pariter & ogdoadi eandem partem solemnitatis impartire præcipimur, ita dicentis: Da partem his septem, & quidem his octo. Non enim ad communionem festiuitatis Iudaicæ absolutio ista ieiunij reputanda est, his præsertim qui ab omni Iudaica superstitione alieni monitranur, sed ad refectionem quam diximus lassī corporis pertinere; quod per totas anni septimanas iugiter quinis diebus ieiunans, nisi duobus saltem interpositis refocillatum fuerit, facile lassescit ac deficit.

*Eccles. 11.
sec. LXX.*

Vnde factum sit, ut in Vrbe die sabbati ieiunetur. Cap. X.

Cuius moderaminis causam nonnulli in quibusdā occidentalibus ciuitatibus ignorantes, & maxime in Vrbe, idcirco putāt absolutionē sabbati minime debere præsumi, quod Apostolorum Petrū in eodē die contrā Simonē conflictaturū asserunt ieiunasse: Ex quo magis appareret hoc eum consuetudine canonica non fecisse, sed præsentis potius necessitate cōsiliū. siquidem & ibi pro hac eadem re non generale sed speciale videatur Petrus discipulis suis ieiunium indixisse. Quod utiq. nō fecisset, si scisset illud canonica cōsuetudine solere seruari: idē proculdubio etiam Dñico die paratus indicere, si certaminis ipsius in eum

in eum compegisset occasio : nec tamen ex hoc statim canonica fuisset ieiunij regula promulganda , quòd non generalis obseruatio statuerat, sed vt semel fieret ratio necessitatis extorserat .

In quo Dominica diei solemnitas ab aliorum dierum consuetudine diuersa teneatur. Cap. XI.

Verum ne hoc quidem est ignorandum , die Dominico vnā tantum modo missam ante prandium celebrari in qua psalmorum atque orationum seu lectionum , pro ipsius collectę , vel communionis dominię reuerentia , solemnius aliquid ac propensius impendentes , in ipsa tertiā , sextamq. pariter reputant consummatam . Itaque sit vt de orationū obsequijs nihil imminuatur , adiectione scilicet lectionum : & nihilominus differentia quēdā vel remissio videatur fratribus indulgeri , pro reuerentia dominię resurrectionis , præ cetero tempore , quę & totius septimanę videatur obseruantiam relaxare , & pro hac ipsa quę intermiscetur quadam differentia , eūdem diem velut festiūm prouocet rursus solemnius expectari : minusq. faciat hebdomadis venturę ieiunia huius expectatione sentiri . Semper enim equanimius quęlibet fatigatio sustinetur , & sine fastidio labor impenditur , si interiecta ei vicissitudo quędam , vel operis immutatio qualiscumque succedat .

Quibus diebus cum cœna fratribus exhibetur , accedentibus ad refectionem psalmus non dicatur , sicut fieri in prandijs solet . Cap. XII.

Deniq. etiam in ipsis diebus , id est , sabbato vel Dominica , seu feriatis temporibus , quibus pariter prandiū & cœna solet fratribus exhiberi , ad vesp̄am psalmus nō dicitur : id est , nec cum accedunt ad cœnam , nec cū ab eā consurgunt , vt solet fieri in solemnibus prandijs , vel canonica ieiuniorum refectione , quam & præcedere consuetudinarij psalmi solent , & subsequi : sed tantūmodo simplici oratione facta ad cœnam accedunt , eamque , rursus consurgentes ab ipsa , sola oratione concludunt . quòd scilicet extraordinaria sit inter monachos ista refectio , nec omnes ad eam conuenire cogantur ; nisi aut peregrini , qui sup̄uenerint , fratres , aut hi , quos infirmitas corporis , aut propria inuitat voluntas .

LIBRI III. FINIS.

C IOAN-

IOANNIS CASSIANI
EREMITÆ
DE INSTITVTIS
RENVNTIANTIVM.
LIBER QVARTVS.

De institutis eorum, qui renuntiant huic mundo, & quemadmodum apud Tabennensiotas vel Ægyptios imbuantur hi, qui in monasterijs suscipiuntur. Cap. I.



E canonico modo psalmodum atq. orationum, qui debeat in diurnis cōuenticulis per monasteria custodiri, ad institutionem eius, qui renuntiat huic mundo, narrationis nos ordine prouocante, trāsimus. Conditiones in primis, quibus hi, qui ad Dominum conuerti cupiūt, recipiantur in cœnobijs, breui, quantum possumus, studentes sermone complecti; quædam scilicet de Ægyptiorū, quædam de Tabennensiotarum regulis admiscentes, quorū est in Thebaide cœnobiū, quanto numero populosius cunctis, tanto conuersationis rigore districtius. Siquidem in eo plusquam quinq. millia fratrum sub vno abbate regūt; tantaq. obedientia hic tam prolixus monachorum numerus omni æuo seniori subditur, quāta non potest apud nos vnus vni vel obedire pro modico tempore, vel præstare.

Qua ratione vsque ad ultimam senectutem apud eos in cœnobijs monachi perseuerent. Cap. II.

QVorum tam longa perseuerātia & humilitas atq. subiectio quemadmodū tam diuturna perduret, quæue institutione formetur, per quā vsq. ad incuruā senectam in cœnobio perseuerent, opinor nos ante omnia debere perstringere. (tanta uamq. est, quantam neminē in monasterijs nostris ingressum, ne auno quidē integro tenuisse meminimus.) vt cum renunciationis eorū primordia viderimus, consequens fuisse intelligamus, vt in tā sublimia perfectionis fastigia † talia initiorū fundamenta consurgerēt.

al. talium

Quo

Quo examine probetur, qui in cœnobio suscipiendus est. Cap. III.

Igitur ambiens quis in cœnobij recipi disciplinam, non ante prorsus admittitur, quàm diebus decē vel eo amplius pro foribus excubans, indicium perseuerantiæ ac desiderij sui, pariterq. humilitatis ac patientiæ demonstraent. Cumq. omnium prætereuntium fratrum genibus prouoluit, & ab vniuersis de industria refutatus atque despectus, tamquam qui non religionis, sed necessitatis obtentu monasterium optet intrare; iniurijs quoque & exprobrationibus multis affectus, experimentum dederit constantiæ suæ, qualisque futurus sit in tentationibus, opprobriorum tolerantia declarauerit, atq. ita fuerit explorato mentis ardore susceptus: diligentia summa perquiritur, num de pristinis facultatibus suis inhæserit ei vel vnus nummi contagio. Sciunt enim eum sub monasterij disciplina diuturnum esse non posse; sed ne humilitatis quidem aut obedientiæ apprehensurum esse virtutem, nec illa cœnobij paupertate ac districtione fore contentum, si in conscientia eius pecuniæ quantulumcumq. latuerit: sed vbi primum exorta fuerit qualibet occasione commotio, fiducia stipis illius animatum continuo de monasterio, velut fun-
da rotante, fugituum,

Quare qui in monasterio recipiuntur, nihil suum permittantur inferre. Cap. IV.

ET idcirco ne vñbus quidem cœnobij profuturas suscipere ab eo pecunias acquiescunt. Primum ne confidentia huius oblationis inflatus, nequaquam se pauperioribus fratribus æquare dignetur: tum ne per hanc elationem nullatenus ad humilitatem Christi descendens, cum in disciplina non possit cœnobij petdurare; egressusq. ex inde, ea quæ in principio renuntiationis suæ spiritali feroore succensus intulerat, tepesfactus postea non sine iniuriamonasterij, sacrilego spiritu recipere atque exigere molitur. Quod omnimodis obseruari debere, multis sunt experimentis frequenter edocti. Nam per alia minus cauta monasteria simpliciter quidam suscepti, de eis, quæ intulerant, quæque in Dei opéra fuerant dispensata, cum ingenti post blasphemia redhibitionem postulare tentauerunt.

Cur hi, qui renuntiant, suscepti in monasterijs, propria vestimenta deponant, & ab abbate alijs induantur. Cap. V.

Quamobrem ita nudatur quisque, cum receptus fuerit, omni pristina facultate, ut ne ipsum quidem quo operatus est indumentum habere permittatur ulterius; sed in concilio fratrum productus in medium, exuatur proprijs, ac per manus abbatis induatur monasterij vestimentis: ut per hoc se non solum vniuersis rebus suis antiquis nouerit spoliatum, verum etiam omni fastu, deposito mundiali, ad Christi paupertatem & inopiam descendisse, iamque opibus sustentandum non seculi arte questis, nec de infidelitate pristina reseruatis, sed de sanctis ac pijs monasterij largitionibus, militie sue stipendia percepturum, atque inde se deinceps vestiendum alendumque cognoscens, & nihil habere, & nihilominus de crastino non esse sollicitum, secundum Euangelij discat sententiam: nec erubescat pauperibus, id est corpori fraternitatis æquari, quibus connumerari Christus, & quorum se fratrem non erubuit nuncupare: quin potius glorietur domesticis eius factum se esse consortem.

Matth. 6.

Qua causa vestimenta renuntiantium cum quibus ingressi sunt monasterium, a dispensatore seruentur. Cap. VI.

Illa vero quæ deposuit vestimenta, & economo consignata, tamdiu reseruantur, donec profectus & conuersationis eius ac tolerantie virtutem, diuersis tentationibus ac probationibus euidenter agnoscant. Et si quidem posse eum inibi perdurare tempore procedente perspexerint, & in eodem quo cepit seruire persistere, indigentibus eadem largiuntur. Sin vero quoddam ex eo murmurationis vitium, vel parua cuiuslibet inobedientie culpam processisseprehederint, exuentes eum monasterij, quibus indutus fuerat, vestimentis, & antiquis reuestitum, quæ fuerant sequestrata, depellunt. Nullum etenim fas est cum illis quæ accepit abscedere: nec quemquam patiuntur illis adhuc indui, quæ semel ab institutionis sue regula tepuisse peruiderint. Vnde etiam copia nulli penitus palam discedendi cõceditur, nisi aut in morem serui fugacis captans tenuissimas tenebras nocte diffugiat, aut certe hoc ordine & professione iudicatus indignus, cum confusione & nota coram cunctis fratribus, deposita monasterij velte pellatur.

Cur

Cur in monasterio suscepti, non permittantur statim congregationi fratrum commisceri, sed xenodochio ante tradantur. Cap. VII.

Cum igitur quis susceptus est, & hac perseverantia quam diximus comprobatus, ac depositis proprijs vestimentis habitu monasteriali fuerit accinctus; non statim congregationi fratrum commisceri permittitur, sed deputatur seniori, qui seorsum haud longe a vestibulo monasterij commanens, habet curam peregrinorum & aduenientium deputatam, eisq. omnem diligentiam susceptionis, & humanitatis impendit. Cuiq. ibidem integro anno deseruiens, absq. vlla querella suum erga peregrinos exhibuerit famularū, imbutus per hęc prima institutione ꝑ humilitatis & patientiæ, atq. in ea longa exercitatione præcognitus, admiscendus ex hoc congregationi fratrum, alij traditur seniori, qui decem iunioribus præest, quos sibi creditos ab abbate instituit pariter & gubernat, secundū illud scilicet, quod per Moysen ordinatū in Exodo legimus.

al. humanitatis.

Exod. 18.

Quibus primum institutis iuniores exerceantur, ut ad superandas omnes concupiscentias proficiant. Cap. VIII.

Cuius hæc erit sollicitudo & eruditio principalis, per quam iunior introductus ascendere consequenter etiam culmina perfectionis summa præualeat; ut doceat eum primitus suas vincere voluntates, quem studiose in his ac diligenter exercens, hæc illi semper imperare curabit, quæ senserit animo eius esse contraria. Multis siquidem experimentis edocti, tradunt monachū, & maxime iuniores, ne ꝑ voluptatem quidem concupiscentiæ suæ refrænare possent, nisi prius mortificare per obedientiam suas didicerit voluntates. Ideoq. pronuntiant nullatenus prævalere vel iram, vel tristitiam, vel spiritum fornicationis extinguere: sed nec humilitatem cordis veram, nec cum fratribus vnitatem perpetuam, nec firmam diuturnamq. posse retinere concordiam; sed nec in cœnobio quidem diutius perdurare eum, qui prius voluntates suas non didicerit superare.

al. voluntatem.

Quare iunioribus imperetur, ut seniori suo nihil de cogitationibus suis subtrahant. Cap. IX.

His igitur institutis eqs, quos initiant, velut elementis quibusdam ac syllabis imbuere ad perfectionē, atq.

C 3, informat

informare festinant : per hæc ad liquidum discernentes, virum ficta & imaginaria, an vera sint humilitate fundati. Ad quod vt facile valeant peruenire, consequenter instituuntur nullas penitus cogitationes prurientes in corde pernicioſa confuſione celare ; ſed conſeſtim vt exortę fuerint, eas ſuo patefacere ſeniori : nec ſuper earum iudicio quidquam ſuę diſcretioni committere, ſed illud credere malum eſſe, vel bonum, quod diſcuſſerit ac pronuntiauerit ſenioris examen. Itaq. fit, vt in nullo circumuenire iuuenem callidus inimicus, velut inexpertum ingnarumq. praualeat ; nec vlla fraude decipere quem peruidet nō ſua ſed ſenioris diſcretionē muniri, & ſuggeſtiones ſuas, vel ignita iacula quęcumq. in cor eius iniecerit, vt ſeniorē cęlet, nō poſſe ſuaderi. Aliter quippe ſubtiliſſimus diabolus illudere vel deijcere iuniorem non poterit, niſi cum eum ſiue per arrogantiam, ſiue per verecundiam, ad cogitationum ſuarum velamen illexerit. Generale namq. & euidentis indicium diabolicę cogitationis eſſe pronuntiant, ſi eam ſeniori confundimur aperire.

*Quanta obedientia a iunioribus etiam in naturali
neceſſitate cuſtodiat. Cap. X.*

POſt hæc tanta obſeruantia obedientię regula cuſtoditur, vt iuniores abſq. præpoſiti ſui ſcientia vel permiſſu, non ſolum non audeant cellā progredi, ſed ne ipſi quidem communi ac naturali neceſſitati ſatiſfacere ſua auctoritate præſumant. Sicq. vniuerſa complere, quęcumq. fuerint ab eo præcepta, tamquam a Deo ſint cęlitus edita ſine vlla diſcuſſione feſtinant, vt nonnumquam etiam impoſſibilia ſibiſmet imperata ea fide ac deuotione ſuſcipiant, vt tota virtute, ac ſine vlla cordis heſitatione ea perficere & conſummare nitantur : & nec impoſſibilitatē quidem præcepti pro ſenioris reuerentia metiantur. De quorum obedientia ſpeciatiim nunc dicere prætermitto. Exemplis enim eam ipſis tradere ſuo loco diſponimus, ſi Dominus nobis orationibus veſtris dederit com meatum. Nunc inſtituta cetera proſequamur, prætermittentes illa cōtexere, quę in hac regione vel tradi monaſterijs, vel ab ipſis nequeunt cuſtodiri, ſicut in præfationuſcula noſtra facturos nos eſſe promiſimus. quod ſcilicet, nec laucis indumentis vtantur, ſed lineis tantum : & ne ipſis

ipsis quidem duplicibus : quibus vicaria præpositus vnusquisque suæ decaniæ subministrat , cum illa quibus vestiti sunt, sorduisse conspexerit.

Cuiusmodi cibus apud eos delicatissimus habeatur .

Cap. XI.

Illud quoq. arduum atq. sublime genus continentix similiter prætermittēs, in qua summę reputantur delicię , si herba sale condita, quam lapsanum vocāt, aqua diluta, ad refectionem fratribus apponatur ; aliaq. cōplura his similia, quæ in hac prouincia nec aërum tēperies, nec qualitas nostræ fragilitatis admittit; illa tantūmodo prosequar, quæ nec vlla carnis infirmitas, nec situs loci poterit impedire, si ea non fragilitas animæ ac tepor mentis ademerit.

Quod ad sonitum pulsantis ostium nihil operis non omittant studio celeriter occurrendi. Cap. XII.

ITaque confidentes intra cubilia sua, & operi ac meditationi pariter intendentes, cum sonitum pulsantis ostiū, ac diuerforum cellulas percutientis audierint, ad orationē eos scilicet, seu ad opus aliquod inuitantis ; cætatim e cubilibus suis vnusquisq. prorumpit : ita vt is qui opus scriptoris exercet, quam repertus fuerit inchoasse litteram finire non audeat ; sed in eodem puncto quo ad aures eius sonitus pulsantis aduenerit, summa velocitate prosiliens, ne tantum quidem morę interponat, quantū cæpti apicis cōsummet effigiem ; sed imperfectam lineam litteræ delinquens, non tam operis compendia lucraue scēctetur, quā obedientiæ virtutem exequi toto studio atq. emulatione festinet. Quam non solum operi manuum, seu lectioni vel silentio & quieti cellæ , verum etiam cunctis virtutibus ita præferunt , vt huic iudicent omnia postpōnenda : & vniuersa dispendia subire contēti sint, dummodo hoc bonum in nullo violare videantur .

Quam criminofum habeatur si aliquid vel vilissimum quisque suum dixerit. Cap. XIII.

Illam sane virtutem inter ceteras eorum institutiones vel commemorare superfluum puto, quodd scilicet nulli cellam, nulli peculiarem sportellam liceat possidere, nec tale aliquid, quod velut proprium retinēs suo debeat com-

munire signaculo. Quos ita nouimus omni ex parte nudos existere, ut præter colobium, masortem, caligas, melotem, ac psiathium, nihil amplius habeant. cum in alijs quoq. monasterijs, in quibus aliqua remissius indulgentur, hanc regulam videamus strictissime nunc vsq. seruari, ut ne verbo quidem audeat quis dicere aliquid suum; magnumque sit etimen ex ore monachi processisse: codicem meum; tabulas meas; graphium meum; tunicam meam; caligas meas: proq. hoc digna pœnitentia satisfaturus sit, si casu aliquo per subreptionem vel ignorantiam huiusmodi verbum de ore eius effugerit.

Quod licet multa pecunia de vniuscuiusq. opere congeratur, nullus tamen præsumat excedere statuta sufficientia parcitatem. Cap. XIV.

ET cum tantos vniuscuiusq. eorum quotidie de opere ac sudore proprio redditus conferat monasterio, ut ex his sustentare non solum suam valeat parcitatem, verum etiam vsibus possit exuberare multorum: in nullo tamen inflatur, nec sibi de tanto operis sui quæstu ac sudore blâditur; sed præter duo paxamacia, quæ tribus uix denarijs ibidem distrahuntur, nihil sibi met amplius unusquisque præsumit. Inter quos nullum peculiare opus (quod pudet dicere, quodque in nostris monasterijs utinam fieri nesciremus) non dicam effectu, sed ne cogitatione quidem ab aliquo penitus affectatur. Cumq. totâ enthecâ cœnobij suam credat esse substantiam, cunctisq. rebus ut omnium dominus omnem curam sollicitudinemq. dependat; ad retinendam nihilominus arreptæ nuditatis uirtutem, quam studet ad finem usq. perfecte atq. inuiolabiliter custodire, ita semetipsum a cunctis extraneum, & ex omnibus iudicat alienum, ut tamquam peregrinum se gerat & incolam istius mundi, alumnumq. se potius monasterij reputet ac ministrum, quàm dominum rei cuiusq. præsumat.

De immodico apud nos studio habendi. Cap. XV.

AD hæc nos miserabiles quid dicemus, qui in cœnobijs commorantes, ac sub abbatis cura & sollicitudine constituti, peculiare circumferimus clauis, omniq. professionis nostræ uerecundia & confusione calcata, etiam anulos quibus recondita præsignemus, in digitis palam.

Iam gestare præsumimus? quibus non solum cistellæ vel sportæ, sed ne arca quidem vel armaria, ad ea quæ congerimus, vel quæ egressi de sæculo reseruauimus condenda sufficiunt? quique ita nonnumquam pro vilissimis nullisq. rebus accendimur, eas nobis velut proprias vindicantes, vt si quis vel digito quidquam ex his contrectare præsumpserit, tanta contra eum iracundia supplicamur, vt commotionem cordis nostri ne a labijs quidem ac tota corporis indignatione reuocare possimus? Sed prætermisiss nostris vitijs, & his quæ nec commemorari quidem dignum est, silentio traditis, secundum illud eloquium: Non loquatur os meum opera hominum; virtutes potius quæ apud illos sunt, & ea quæ nos quoque omni studio debemus appetere, cæpto narrationis ordine prosequamur; ipsasq. iam regulas ac typos cursim breuiterq. ponamus. vt peruenientes post hæc ad quosdā actus & opera seniorum, quæ studiosæ memoriæ maudare disponimus, hæc quæ nostra expositione digesta sunt, velut testimonijs validissimis roboremus: vniuersa quæ diximus, exemplis eorum potius ac vitæ auctoritate firmantes.

Psal. 10.

De regulis diuersarum correptionum. Cap. XVI.

SI quis igitur gillonem fictilem, quem baucalem nuncupant, aut huiusmodi aliud casu aliquo fregerit, aut perdidit aliquid; non aliter negligētiam suam quàm publica diluet pœnitentia: cunctisq. in synaxi fratribus congregatis, tamdiu prostratus in terram veniam postulabit, donec orationum solemnitas consummetur, impetraturus eam cū iussus fuerit abbatis iudicio de solo surgere. Eodem modo satisfaciat quisquis ad opus aliquod accersitus, vel ad congregationē soliram, tardius occurrerit: aut si decantans psalmum vel modicum titubauerit. similiter si superfluo, si durius, si contumacius responderit, si negligentius obsequia iniuncta compleuerit, si vel leuiter murmurauerit, si lectionem operi vel obedientiæ præferens, officia statuta segnus fuerit executus: si dimissa synaxi non concitus ad cellam recurrere festinauerit, si cum aliquo vel ad modicum substiterit, vel si ad punctum temporis vsquam secesserit, si alterius tenuerit manum, si cum illo qui cellule suæ cohabitator non est, confabulari quantumcumq. præsumpserit, si orauerit cum illo qui est ab
 oratione

oratione suspensus, si parētum quempiam vel amicorū secularium viderit, vel collocutus ei sine suo fuerit seniore; si epistolam cuiuscumq. suscipere, si rescribere, sine abbate tentauerit. Hucusq. & in huiusmodi ac similibus admittis, procedit animaduersio spiritalis. Residua vero, quæ apud nos indifferenter admissa, reprehensibilis sustinentur, id est, aperta conuicia, manifesti cōtemptus, contradictiones tumidæ, libera & effrenata processio, familiaritas apud feminas, iræ, rixæ, similitates & iurgia, operis peculiaris præsumptio, phylargiriæ contagio, affectus atq. possessio rerum superfluarum, quæ a ceteris fratribus non habentur, extraordinaria ac furtiua cibi refectio, & his similia, non illa increpatione, quam diximus, spiritali; sed vel plagis emendantur, vel expulsionem purgantur.

Quibus auctoribus sit inuentum, ut reficientibus fratribus sacra lectiones in cœnobijs recitentur, & quantum apud Ægyptios prabeatur silentium. Cap. XVII.

Illud autem, ut reficientibus fratribus sacre lectiones in cœnobijs recitentur, non de typo Ægyptiorum processisse, sed de Cappadocum nouerimus. Quos nulli dubium est non tam spiritalis exercitationis causa, quam compescendæ superflue otiosæq. confabulationis gratia, & maxime contentionum, quæ plerumq. solent in conuiuijs generari, hoc statuere voluisse: videntes eas aliter apud se cohiberi non posse. Apud Ægyptios enim, vel maxime Tabennensiotas, tantum silētium ab omnibus exhibetur, ut cum in vnū tanta numerositas fratrum refectiois obtentu confederit, nullus nec mutire quidē audeat, præter eum, qui suæ decaniæ præest. Qui tamen si quid mensæ superinferri vel auferri necessarium esse peruiderit, souitu potius quàm voce significat. Tantaq. vescentibus eis silentij huius disciplina seruatur, ut cucullis ultra oculorū palpebras demissis, ne scilicet liber aspectus habeat curiosius copiam euagandi, nihil amplius intueantur quàm mensam, & appositos in ea vel quos ex ea capiūt cibos; ita ut quem admodū, vel quantum reficiat alius nullus inuicem notet.

Quam illicitum sit extra mensam communem quidquam cibi potusve gustare. Cap. XVIII.

ANteque vel postquam legitimam communemq. refectionem percipiat, summa cautione seruatur ne
extra

extra mensam quidquam cibi penitus ori suo quisquam indulgere presumat: vt incedentibus per hortos & pomaria, cum passim blandeq. per arbores poma pendentia, non solum obijciant se pectoribus transeuntium, verum etiam strata per terram conculcanda pedibus offerant, atq. ad colligendū parata, facile ad consensum concupiscentiæ illi cere valeant intuentes, & oportunitate vel copia, quamuis districtos atq. abstinentissimos ad sui desiderium prouocare; sacrilegum ducatur non modo quidquam ex his degustare, verum etiam manu contingere; absque eo quod palam cunctis in commune reficientibus exhibetur, & ad percipiendum, æconomi dispensatione, per fratrum obsequia publice ministratur.

Quemadmodum per Palaestinam vel Mesopotamiam quotidiana fratribus exhibeantur obsequia. Cap. XIX.

NE quid sane de institutis cœnobiorum prætermisisse videamur, quemadmodum quotidiana fratribus etiā per alias regiones exhibeantur obsequia, commemorandum breuiter puto. Per cunctam namq. Mesopotamiam, Palæstinam, & Cappadociam, ac totum Oriētem, singulis hebdomadibus vicissim fratres ad hæc officia sibi reddenda succedunt, ita vt secundum cœnobij multitudinem, ministrorum quoq. numerus deputeretur. Quæ explere tanta deuotione & humilitate deproperant, quanta nullus feruorum ꝑ durissimo domino ac præpotenti exhibet famularum. Ita vt ne istis quidem solis contenti obsequijs, quæ canonico iure soluuntur, etiam nocte surgentes, illos quos specialiter hæc manet cura, studio suo releuent; & ea quæ ab ipsis perficienda sunt, furtim præuenientes implere contendunt. has autem septimanas unusquisq. suscipiens, vsq. ad cœnam dominici diei ministraturus obseruat. Quæ peracta ministerium totius hebdomadis ita concluditur, vt hi quibus succedendum est, conuenientibus in vnum fratribus ad concinendos psalmos, quos quieturi ex more decantant, omnibus in ordine pedes lauent; hanc scilicet ab eis pro labore totius septimanæ benedictionis mercedem fideliter expetentes, vt eos, expientes mandatum Christi, emissā generaliter ab omnibus fratribus oratio prosequatur, quæ vel pro ignorationibus intercedat, vel pro admissis humana fragilitate peccatis;

*al. diris-
simo.*

Ioan. 14.

& cora...

Psal. 119.

& commendet Deo velut sacrificiū pingue, consummata eorum deuotionis obsequia. Itaq. secunda sabbati post matutinos hymnos, alijs rursus succedentibus vtenfilia in quibus ministrauerant, ac vasa consignant: quæ suscipientes tanta sollicitudine curaq. custodiunt, ne quid ex eis imminuatur vel pereat, vt credant se etiam pro minimis quibusq. vasis, tamquam pro sacrosanctis rationē non solum dispensatori præsentī, sed etiā Domino reddituros, si forte aliquid ex eis negligentia eorum fuerit imminutum. Cuius disciplinæ qui modus sit, vel quanta fide & cautione seruetur, vno testimonio, quod exempli gratia ponam, poteritis agnoscere. Sicut enim studemus satisfacere vestro feruori, quo plenam vniuersorum cognitionem desiderantes, etiam ea quæ optime nostis, hoc libello vobis cupitis iterari: ita veremur mensuram breuitatis excedere:

De tribus lenticula grani ab œconomo repertis. Cap. XX.

IN septimana cuiusdam fratris, cum præteriens œconomus tria lenticulæ grana in terra iacere vidisset, quæ hebdomadario festinanti, dum ea præparat coctioni, inter manus cum aqua qua diluebantur elapsa sunt; confestim super hoc abbatem consuluit. A quo velut interuersor neglectorq. sacri peculij iudicatus, ab oratione suspensus est. Cuius negligentię reatus non aliter ei remissus est, nisi eum publica pœnitentia diluisset. Non solum enim seipsos non esse suos, sed etiam omnia quæ sua sunt, credunt Domino consecrata. Propter quod si quid fuerit monasterio semel illatum, vt sacrosanctum cum omni decernunt reuerentia debere tractari. Tantāq. fide vniuersa procurant atq. dispensant, vt etiam ea quæ despectui habentur, paruq. reputantur ac vilia, si vel loco mouerint, vel competentius collocauerint, si gillonem aqua impleuerint, si ex eo cuiquam obtulerint ad bibendum, si tenuē festucam de oratorio cellave submouerint, mercedem se consecuturos a Domino tota credulitate confidunt.

De spontaneo quorundam fratrum ministerio. Cap. XXI.

NOuimus fratres in quorum septimana cum accidisset tanta lignorum penuria, vt non esset penitus vnde soliti cibi fratribus pararentur, & donec possent coempta deferri, vt xerophagia contenti essent abbatis fuisset auctori-

auditoritate præceptum, essetq. hoc vniuersis placitū, nec quisquam posset vllum coctionis sperare pulmentum: illos velut qui fructu ac mercede sui laboris & obsequij fraudarentur, si in ordine vicis suæ cibos fratribus non secundum consuetudinem parauissent, tantum sibi spontanei operis ac sollicitudinis indixisse, vt in illis aridis ac sterilibus locis, in quibus ligna nisi de fructiferis arboribus excidantur, omnimodis nequeūt inueniri (nec enim, vt apud nos, vlla reperiuntur fræteta siluestria,) per extēta auiā discurrentes, & eremum, quæ versus mare mortuum tenditur, obeuntes, festucas tenues ac spinulas quas ventus huc illucq. disperferat, suo sinu & gremijs colligentes, cunctam solemitatem ciborum spontaneis obsequijs præpararēt: ita vt de solita præbitione nihil paterentur imminui: tanta fide hæc sua munia fratribus exhibentes, vt etiam cum illos honeste posset vel lignorum excusare penuria, vel abbatibus imperium, pro fructu suo atque mercede noluerint hac abuti licentia.

*De Ægyptiorum typo, qui est super quotidianis fratrum
statutus obsequijs. Cap. XXII.*

HÆc sint dicta secundum typum, vt præfati sumus, totius Orientis: quem etiā in partibus nostris necessario ducimus debere seruari. Ceterum apud Ægyptios, quibus maxima cura est operis, non est hebdomadarum mutua vicissitudo, ne sub occasione huius officij omnes ab operis canone impediuntur: sed vni probatissimo fratrum cellarij vel coquinæ cura committitur, qui donec vires eius vel ætas admittit, iugiter opus istud exerceat. Non enim magno labore corporis fatigatur, quia nec tanta cura inter eos parandorum ciborum vel coctionis impenditur, quippe qui maxime xerophagijs, vel omophagijs vtuntur, & apud quos secta singulis mensibus porrorum folia, Iaspania, sal frictum, oliuæ, pisciculi minuti saliti, quos illi mēdia vocant, summa voluptas est.

*De obedientia abbatis Ioannis, per quam vsque ad prophetia
pronectus est gratiam. Cap. XXIII.*

ET quoniam hic liber de institutione est eius, qui renuntiat huic mūdo, per quam scilicet introductus ad humilitatem veram, & obedientiam perfectam, ceterarum quoque

quoque virtutum culmina possit ascendere: necessarium reor quædam seniorum gesta, quibus per hanc enitueretur virtutem, exempli gratia, sicut promissimus, explicare; de multis admodum pauca carpentes, ut studentibus sublimiora sectari, non solum incitamentum ex his vitæ perfectæ, sed etiam propositi forma procedat. Quamobrem duos vel tres, pro libelli huius compendio, de tam innumera patrum multitudine proferentes; ponemus primum abbatem Ioannem, qui commoratus est iuxta Lyco (quod est oppidum Thebaidis) quiq. propter obedientiæ virtutem ad prophetiæ gratiam sublimatus, sic vniuerso orbi claruit, ut etiam regibus mundi huius merito suo redderetur illustris. Nam cum in extremis, ut diximus, Thebaidis partibus commaneret, non ante præsumebat Theodosius imperator ad præpotentium tyrannorum bella procedere, quam oraculis illius animaretur atque responsis. Quibus confidens velut cælitus sibi delatis, trophæa de bellis desperatis atque hostibus reportabat.

De ligno putri atque arido, quod idem abbas Ioannes ad arbitrium senioris sui quasi adolendum rigare non desistit. Cap. XXIV.

Hic itaque beatus Ioannes ab adolescentia sua vsq. ad perfectam ac virilem ætatem seniori deseruiens, donec ille in huius vitæ conuersatione durauit, tanta humilitate inhæsit eius obsequijs, ut ipsi quoque seni stuporem summum obedientiæ eius incuteret. Cuius hanc virtutem vitrum de vera fide ac profunda cordis simplicitate descenderet, an affectatitia esset, & quodammodo coactitia, & quæ ad imperantis faciem præberetur, volens manifestius explorare; quamplura ei etiā superflua, minusq. necessaria, vel impossibilia frequētius iniungebat. Ex quibus tria ponam, per quæ manifestari possit volentibus scire, vel mentis eius, vel subiectionis integritas. Sumpsit itaq. de lignario suo senex virgultum, quod olim excisum vsibus foci fuerat præparatum: dumq. coctionis tardat occasio, non modo aridum, sed prope putre temporis vetustate iacebat. Cumq. hoc coram ipso fixisset in terram, præcepit aduecta aqua quotidie bis rigari, ut scilicet diuturnis humoribus radicatum, atque in antiquam arborem reuirescens, diffusis ramis amœnitatem oculis, atque vmbraçulum in æstu

æstu feruenti, subter residentibus exhiberet. Quod præceptum veneratione solita, siue vlla impossibilitatis consideratione suscipiens adoleseens, ita quotidianis diebus expleuit, vt aquam per duo ferme millia indefinenter apportas, nullatenus lignum rigare cessaret; atq. per totum anni spatium non infirmitas corporis, non festiuitatis solemnitas, non occupatio necessitatis vllius quæ illum etiam honeste excusaret ab executione mandati, non denique hiemis asperitas intercedens, ab huius obseruatione præcepti potuerit impedire. Cumq. eius hanc sedulitatē tacitus senex diebus singulis exploraret, & videret eum simplici cordis affectu mādatum suum velut emissum diuinitus, siue vlla permutatione vultus, vel rationis discussione seruare; sinceram humilitatis eius obedientiam comprobans, pariter etiam miserans tam longum laborē, quem per totū anni spatium studio deuotionis impēderat, ad virgultū aridum accedens: O, inquit, Ioannes, misir ne radices hæc arbor, an non? Cumq. ille se nescire dixisset, senex velut inquirēs rei veritatem, & tamquam tentās vtrum suis radicibus niteretur, euulsit corā ipso leui cōmotione virgultum, sicq. proijciens illud, præcepit vt deinceps rigare desineret

De proiecto ab abbate Ioanne vase unico olei ad senioris imperium. Cap. XXV.

ITaque cum huiusmodi exercitijs eruditus, quotidie iuuenis in hac parendi virtute succresceret, & humilitatis eius enitesceret gratia, atque obedientiæ suauis odor per monasteria vniuersa fragraret; quidam fratrum probationis, immo ædificationis obtentu venientes ad senē, cum subiectionem eius, quam audierant, mirarentur, vocans cum repente senex: Ascende, ait, & sumens lenticulam olei (quæ sola in eremo suis vel adueniētium vñibus, liquorem pinguedinis tenuissimum ministrabat) deorsum proijce per fenestram. Quam ille, cum ad superiora concitus peruolasset, per fenestram proferens comminuentem demisit ad terram; parum cogitans vel retractans præcepti ineptiam, diuturnam necessitatem, infirmitatem corporis, penuriam sumptuum, eremi squalentis angustias ac difficultates, in qua etiam si pecunia suppeditaret, nihilominus perdita species inueniri repararique non posset

Quem

*Quemadmodum abbas Ioānes suo obedierit seniori ad aduol-
uendum saxum, quod ne à multis quidem possibile
erant moueri. Cap. XXVI.*

Alijs rursum ædificari cupientibus obedientię huius exemplo, vocaus eum senior: Curre, inquit, Ioannes, saxum illud huc aduolue quantocyus. Qui confestim saxū immane, quod vel turbę multę hominum mouere nō posset, applicita nunc ceruice, nunc toto pectore, tanto nisu atque conatu prouoluere contendebat, vt sudore omnium membrorum, non solum totum infunderet vestimentum, sed etiam saxum ipsum suis ceruicibus humectaret. in hoc quoque parum meriens impossibilitatem præcepti vel facti pro reuerentia senioris, & obsequij simplicitate sincera, qua credebat tota fide senem nihil posse incassum ac sine ratione præcipere.

*De humilitate & obedientia abbatis Mucij, quam in proy-
ciendo in fluuium paruulo filio ex præcepto senioris, non
hesitauit implere. Cap. XXVII.*

Hucusque abbatis Ioannis pauca de multis dixisse sufficiat. nunc abbatis Mucij factum memoria dignum comprehendam. Hic namq. abrenuntiante desiderans huic mundo, tamdiu pro foribus monasterij excubans perdurauit, donec immobili perseverantia sua, contra omnem consuetudinem cœnobiorum, cum filio paruulo, qui octo circiter erat annorum, vt susciperetur, eliceret. Cumque tandem recepti fuissent, confestim non solum diuersis præpositis traditi, verumetiam cellę habitatione seiuncti sunt: ne scilicet iugi visione paruuli reminisceretur pater ex omni sua, quam renuntians abiecerat, facultate atq. affectione carnali, saltem sibi filium superesse: & quemadmodum se iam diuitem non esse sciebat, ita etiam patrem se esse dedisceret. Quod vt plenius probaretur, vtum videlicet pluris faceret affectionem sanguinis ac suorum viscerum charitatem, an obedientiam & mortificationem Christi, quam renuntians quisque pro eius debet amore præferre; de industria negligebatur paruulus, panis potius quàm vestimentis indutus; sordibus quoque ita oblitus ac fœdatus, vt offendere potius quàm delectare paternos oculos posset quotiens ab eo fuisset aspectus: etiam colaphis atq. alapis expositus diuersorum, quas plerumq.

sub

sub obtutibus suis innocēti paruulo etiam gratis cenebat inferri, ita vt numquam genas eius nisi sordentibus lacrymarum uestigijs uideret infectas. Cumq. taliter infans sub oculis eius per dies singulos ageretur, pro amore nihilominus Christi, & obedientię virtute, rigida semper atque immobilia patris viscera permanserunt. Non enim reputabat suum filium, quem secum pariter obtulerat Christo; nec curabat de præsētibz eius iniurijs, sed potius exultabat quod eas nequaquam infructuose tolerari cernebat, parum cogitans de lacrymis eius, sed de propria humilitate ac perfectione sollicitus. Quam distractionem mentis illius atque immobilem rigorem peruidens cœnobij seuior, ad comprobendam penitus animi eius constantiam, cum plorare quadam die uidisset infantem, simulans se aduersus eum commotum, præcepit patri ut tollens eum iactaret in flumen. Tunc ille, velut a Domino hoc sibi præceptum esset, confestim celeri cursu rapiens filium, vlnis proprijs vsque ad oram fluminis iactaturus aduexit. Quod profecto feruore fidei & obedientię eius fuisset opere consummatum, nisi procurati fuissent de industria fratres, qui solcite ripam fluminis obsiderent, proiectumq. iam quodammodo de fluminis alueo paruulum rapuissent; & consummationē præcepti obsequio patris ac deuotione completam, ab effectu operis atque ab ipso fine reuocassent.

Quemadmodum reuelatum sit abbati de patre Mucio opus eum Abraha fecisse: & quod defuncto eidem abbati idem pater Mucius in monasterij administratione successerit. Cap. XXVIII.

Cuius fides atque deuotio intantum Deo fuit accepta, vt diuino statim testimonio comprobata sit. Reuelatumq. est continuo seſiori, hæc eum obedientia Abrahę patriarchę opus impleſſe. Cumq. breui tēpore transacto, idē abbas cœnobij huius mundi commoratione migraret ad Dominum; hunc præponens cunctis fratribz, successorē sibi atque abbatē monasterio dereliquit.

Gen. 22.

De obedientia fratribz, qui decem sportas circumferēs, publice distraxis a nobilitatis imperium. Cap. XXIX.

Non tacebimus etiam nobis cognitum fratrem, secundum sæculi huius ordinē summæ familiæ. Nam patre

D comite

comite ac ditissimo oriundus fuit, studijs quoq. libetalibus non mediocriter institutus. Qui relictis parentibus cum ad monasterium peruolasset, ad comprobandā mentis humilitatem vel fidei eius ardorem, confestim ei a seniore præceptum est, ut decem sportas, quas necesse non erat publice uenditari, ceruicibus suis onerans distrahendas per plateas circumferret, adiecta condicione qua diutius in hoc officio retineretur, ut si forte eas unus coemere uoluisset, non cederet, sed singillatim eas quærentibus uenundaret. Quod ille tota deuotione compleuit, & omni confusionis uerecundia pro nomine ac desiderio Christi calcata, sportas humeris suis imponens, pretio statuto distraxit, ac pecuniam ad monasterium reportauit; nequaquam perterritus tam uilis & insueti officij nouitate, nec considerans indignitatē rei, nataliumq. splendorē, ac uenditionis iniuriā dum illam Christi humilitatē, quæ est uera nobilitas, per obedientiæ gratiam desiderat obtinere.

De abbatis Pynuphij humilitate, qui relicto cœnobio celeberrimo cui presbyter præerat, longinquum monasterium, in quo uelut incipiens susciperetur, desiderio subiectionis experijt.

Cap. XXX.

Cœartat nos libelli modus ad finem tendere, sed obedientiæ bonum, quæ inter ceteras uirtutes primatum tenet, non patitur nos eorum gesta qui per hanc clauerunt penitus silentio præterire. Proptet quod utrunq. congrue temperantes, id est, tam breuitati quàm studiosorum desiderijs atque utilitatibus seruientes, vnum adhuc ponemus exemplum, quod non ab incipiente, sed a perfecto atque abbate completum; non solum iuniores instruere, sed etiam seniores ad perfectam humilitatis uirtutem lectione sua poterit incitare. Vidimus itaque abbatem Pynuphium, qui cum esset immanis cœnobij presbyter, quod est in Ægypto, non longe a Panephysi ciuitate, & pro ipsa reuerentia vel vitæ suæ, vel ætatis, vel sacerdotij, cunctis honorabilis ac uenerandus existeret, uidentem se pro hoc ipso humilitatem illam, quam secundum suæ mentis ardorem concupierat, exercere non posse; nec habere quo uirtutem desideratæ subiectionis extenderet, clam fugiens de cœnobio, secessit solus in Thebaidis ultimas partes. Ibiq. deposito habitu monachorum, assumpta sæculari veste

veste cœnobium Tabennensiorum expetiit quod sciebat
 cunctis teste districtius, & in quo se vel pro longitudine
 regionis credidit ignorandum, vel pro magnitudine mo-
 nasterij ac multitudine fratrum facile posse celeri. Vbi
 diutissime pro foribus perseverans, cunctorum fratrum
 genibus prostratus, ut susciperetur summis precibus exorabat.
 Cumq. multo despectu tandem fuisset admissus,
 quod scilicet decrepitis senex, & qui omnem suam ^{al. perdu-} per-
 uixisset ætatem, ingredi cœnobium postularet, quo tem-
 pore iam ne deseruiste quidem suis voluptatibus præuale-
 ret, ac ne hoc quidem ipsum causa religionis eum expetere
 assererent, sed famis & inopiæ necessitate contritum: ut
 se si nulliq. operi penitus apto horti cura diligentiaq. man-
 datur. Quam sub alio fratre iuniore qui eum sibi creditum
 retinebat, exercens, sic eidem subdebatur, tantaq. obe-
 dientia desideratam humilitatis excolebat virtutem, ut non
 solum ea quæ ad horti curam diligentiamq. pertinebant,
 verum etiam vniuersa officia quæ cunctis erant aspera vel
 indigna, atq. ab omnibus ducebantur horrore, tota quoti-
 die sedulitate compleret. Quamplura etiam nocte consur-
 gens ita furtim nullo teste vel conscio, tenebris occulten-
 tibus faciebat, ut penitus auctorem operis nemo deprehen-
 deret. Cumque ibidem tricennio delitescens, dispersis per
 vniuersam Aegyptum ubique fratribus quæreretur: a quo-
 dam tandem qui de Aegypti partibus commearat, vix
 potuit pro humilitate habitus sui, ac vilitate officij quod
 gerebat agnosci. Nam sarculo deorsum incuruus la-
 xabat oleribus terram, deinde stercus humeris suis adue-
 ctans, eorum radicibus ingerebat. Cumque hæc intuens
 frater super agnitione eius diutissima fuisset hæsitacione
 detentus, propius tandem accedens, & non solum vultum
 sed etiam sonum vocis diligenter explorans, ad pedes eius
 comminus procidens, primo quidem super hoc stuporem
 summum videntibus cunctis incussit, cur videlicet istud
 fecerit qui apud ipsos velut nouitius, ac de sæculo nu-
 per egressus habebatur extremus: post uero miraculo sunt
 miore perculsi, cum eius nomen, quod apud ipsos quoq.
 magna fuerat opinione compertum, protinus prodidisset.
 A quo vniuersi fratres prioris ignorantia ueniam postu-
 lantes, quod cum videlicet tanto tempore inter iuniores
 ac paruulos deputassent, inuitum ac flentem quod inui-

diā diaboli digna sibi fuisset conuersatione atq. humilitate fraudatus, quam diūtissime requisitam, tandem aliquando se inuenisse gaudebat, nec inuisset vitam suam in illa quam arripuerat subiectione finire, ad proprium cœnobium reducerunt, custodientes cum summa diligentia, ne ab eis quoq. similiter quoquam dilapsus aufugeret.

Quemadmodum abbas Pynuphius reductus in monasterium suum, modico tempore commoratus iterum fugerit in partes Syriæ. Cap. XXXI.

VBi cum fuisset modico tempore demoratus, eodem rursus humilitatis desiderio atq. ardore succensus, carptans nocturna silentia ita diffugit, vtiā non vicinam prouinciam, sed ignotas & alienas, longeq. diuisas regiones expeteret. Nā conscendens nauem in Palaestina partes commearē festinauit credens se tutius latitaturum, si ad illa semetipsum asportaret loca, in quibus ne nomen quidem suum fuisset auditum. Quo cum aduenisset, nostrum monasterium protinus expetiuit, quod non longe fuit a spelæo in quo Dominus noster Iesus Christus ex virgine nasci dignatus est. In quo per modico tempore delitescens, secundum sententiam Domini, tamquam ciuitas super montem posita diutius abscondi non potuit. Nam continuo quidam fratrum, qui ad loca sancta de Ægypti partibus orationis causa conuenerant, agnitum cum summa vi precum ad suum cœnobium reuocarunt.

Matth. 5.

Qua precepta dederit idem abbas Pynuphius fratri, quem in suo monasterio sub nostra presentia recipiebat. Cap. XXXII.

HVnc igitur senem, pro illa quæ nobis fuerat apud ipsum in monasterio nostro familiaritas, cum post hæc in Ægypto studiosissime requisissemus, exhortationem quam dedit fratri, quem sub nostra presentia in cœnobio suo recipiebat, quia puto ex hac posse aliquid instructionis accedere, est animus huic opusculo intextere. Nosti, ait, quot diebus pro foribus excubans, hodie sis receptus. Cuius difficultatis causam primitus debes agnoscere. Poterit enim tibi in hac via, quam ingredi concupiscis, multum conferre, si ratione eius agnita ad Christi seruitium consequenter, ac sicut oportet accesseris.

Quod

Quod sicut magna remuneratio debetur monacho secundum institutionem patrum laboranti, ita & pœna negligenti tribuitur: & ideo non debeat quis facile in monasterio admitti. Cap. XXXIII.

Sicut namq. immensa gloria fideliter seruientibus Deo, sac secundum regulæ institutionem ei adherentibus, re-promittitur in futurum; ita pœnæ grauissimæ præparantur his qui tepide eam negligenterq. fuerint executi, & secundum hoc quod professi sunt, vel quod ab hominibus esse creduntur, fructus etiam congruos sanctitatis eidem exhibere neglexerint. Melius est enim (secundum scripturæ sententiam) non vouere quemquam, quàm vouere & non reddere. &: Maledictus qui facit opus Dei negligenter. Ideo igitur a nobis diutissime refutatus es, non quia tuam uel omuium salutem non toto desiderio cupiamus amplecti, & his qui ad Christum cupiūt peruenire, etiam procul occurrere non optemus; sed ne temere recipientes, & nos apud Deum leuitatis, & temetipsum reum grauioris supplij faceremus, si ad præsens facile susceptus, nec pōdus professionis huius intelligens, uel destitutor post hæc uel tepidus extitisses. Quamobrem ipsam causam abrenuntiationis debes in primis agnoscere: quo ea perspecta, quid te cōueniat agere manifestius instruaris.

Eccles.

Hier. 48.

Quod abrenuntiatio nostra nihil sit aliud quam mortificatio & imago crucifixi. Cap. XXXIV.

A Brenuntiatio nihil est aliud quàm crucis ac mortificationis indicium. Ideoque noueris hodierno die te huic mundo & actibus eius ac desiderijs esse defunctum, teque, secundum Apostolum, mūdo huic esse crucifixum, tibiq. hunc mundum. Considera ergo condiciones crucis sub cuius te deinceps sacramēto oportet in hac luce versari, quia iam tu non uiuis, sed ille uiuit in te, qui est crucifixus pro te. Eo ergo habitu ac figura qua pro nobis in patibulo fuit ille suspensus, nos quoque necesse est in hac uita degere; ut scilicet, secundum David, affigentes timore Domini carnes nostras, vniuersas uoluntates nostras ac desideria, non nostræ concupiscentiæ seruientia, sed mortificationi eius habeamus affixa. Sic enim Domini præceptum implebimus dicens: Qui non accipit crucem suā & sequitur me, non est me dignus. Sed forte dicas: Quo-

Galat. 6.

Galat. 2.

Psalm. 118.

Mat. 16.

modo potest homo crucem suam iugiter portare? vel quē-
admodum viuens quis possit esse crucifixus? Audi ratio-
nem breuiter.

Quod crux nostra timor Domini sit. Cap. XXXV.

CRUX nostra timor Domini est. Sicut ergo crucifixus
quis iam non pro animi sui motu membra sua quo-
quam mouendi vel conuertendi habet potestatem, ita &
nos voluntates nostras ac desideria non secundum id, quod
nobis suaue est, ac delectat ad præsens, sed secundum le-
gem Domini, quo nos illa cōstrinxerit applicare debemus.
Et sicut is qui patibulo crucis affigitur, non iam præsencia
contemplatur, nec de suis affectionibus cogitat, non pro
die cōstino sollicitudine curaque distenditur, nulla possi-
dendi concupiscentia permouetur, nulla superbia, nulla
contentione, nulla æmulatione succenditur, non de præs-
entibus dolet iniurijs, non præteritarum iam recordatur,
seque cum adhuc spirat in corpore cunctis elementis cre-
dit esse defunctum, illuc immittens sui cordis intuitum,
quo se non dubitat ilico transiturum: ita nos quoq. timore
Domini crucifixos, oportet his omnibus, id est, non solum
carnalibus vitijs, verum etiam ipsis elementis mortuos es-
se: illuc habentes oculos animæ nostræ defixos, quo nos spe-
rare debemus momentis singulis migraturos. Hoc enim
modo mortificatas poterimus vnitteras concupiscentias
nostras & affectus habere carnales.

*Quod renuntiatio nostra nil profit, si iisdem quibus renuntia-
uimus implicemur. Cap. XXXVI.*

CAUE ergo ne quid aliquando eorum resumas quæ re-
nuntians abiecasti, & contra Domini interdictum de
Matt. 24. agro euangelicæ operationis reuersus, inueniaris tunica
tua qua te spoliaueras reuestiri. neque ad humiles terrarum
Ibid. que inundi huius concupiscentias ac studia reuoluaris, &
contra Euangelij mandarum, de perfectionis recto descen-
dens, tollere aliquid præsumas ex his quæ abrenuntians
abdicasti. Caue ne parentum, ne affectionis pristinæ re-
corderis, & ad curas huius sæculi sollicitudinesq. reuoca-
Luc. 9. tus, secundum Saluatoris sententiam, ponens manum tuā
super aratrum, & aspiciens retro, regno cælorum apertus es-
se non possis. Caue ne quando superbiam quam nunc in-
cipiens

icipiens ardore fidei ac pia humilitate calcasti, cum cœperis psalmodum vel professionis huius quandam notiã degustare, paulatim elatus resuscitare mediteris, ac secundum Apostoli sententiam; quæ destruxisti iterum reedificans, præuaricatorem constituas temetipsum: sed potius vt in hac nuditate quam coram Deo & angelis eius professus es, ad finem vsq. perdures. In hac quoq. humilitate ac patientia, qua vt susciperis in monasterio decem diebus pro foribus perseueras, multis lacrymis implorasti, nõ solum modo persistas, verumetiam proficias atque succrescas. Satis enim miserum est, vt cum debeas a rudimentis ac primordijs tuis prouehi, & ad perfectionem tendere, etiã ab ipsis incipias ad inferiora decidere. Non enim qui cœperit hæc, sed qui perseuerauerit in his vsque ad finem, hic saluus erit.

Galat. 2.

Mat. 10.

Quod diabolus nostro fini semper insidietur, & nos eius caput iugiter obseruare debeamus. Cap. XXXVII.

Versutus enim serpens calcanea nostra semper obseruat; id est, insidiatur exitui nostro, & vsq. in finem vitæ nostræ nos supplantare conatur. Et idcirco bene cœpisse nil proderit, nec pleno feruore renuntiationis arripuisse principia, si hæc congruus etiam finis similiter non commendauerit atque concluderit: Christi que humilitas atque paupertas, quam nunc coram ipso professus es, vsq. ad extremum vitæ quemadmodum arrepta est, a te non fuerit custodita. Quod vt possis implere, tu eius capita, id est, cogitationum principia semper obserua; ad seniores scilicet mox ea deferens. Ita enim discas perniciofa eius initia conterere, si nihil ex eis seniori tuo erubueris reuelare.

Gen. 3.
sec. LXX.

Ibid.

De renuntiantis præparatione aduersum tentationes, & de paucis imitandis. Cap. XXXVIII.

Qua propter secundum Scripturæ sententiam, egressus ad seruendum Domino, sta in timore Dei, & præpara animam tuam, non ad requiem, non ad securitatem, non ad delicias, sed ad tentationes & angustias. Per multas enim tribulationes oportet nos introire in regnum Dei. Angusta namq. est porta, & arcta via quæ ducit ad vitam, & pauci sunt qui inueniunt eam. Considera ergo te de paucis & electis effectum, & ne exemplo ac tempore mul-

Eccli. 2.

Act. 14.

Matth. 7.

Matt. 20.

Luc. 12.

rudinis refrigescas, sed viue vt pauci, vt cum paucis inueniri merearis in regno Dei. Multi enim sunt vocati, pauci vero electi. & Pusillus est grex, cui complacuit patri hereditatem dare. Itaq. non leue noueris esse peccatum, perfectionem professum quempiam, ea quæ sunt imperfecta sectari. Ad quem perfectionis statum his gradibus atque hoc ordine peruenitur.

Quo ordine quis ad perfectionem valeat peruenire, per quam de timore Dei ad charitatem consequenter ascendat. Cap. XXX (X).

Prov. 9.

P Rincipium nostræ salutis eiusdemq. custodia, sicut dixi, timor Domini est. Per hunc enim & initium reuerſionis, & vitiorum purgatio, & uirtutum custodia, his qui imbuuntur ad viam perfectionis acquiritur. Qui cum penetrauerit hominis mentem, contemptum ei rerum omnium parit, obliuionem parentum, mundi que ipsius gignit horrorem. Contemptu autem ac priuatione facultatum omnium, humilitas acquiritur. Humilitas vero his indicijs comprobatur. primo si mortificatas in se habeat omnes voluntates. secundo si non solum actuum suorum, verum etiam cogitationum nihil suum celauerit seniori. tertio si nihil suæ discretionis, sed iudicio eius vniuersa committat, ac monita eius sitiens libenter ausculet. quarto si in omnibus seruet obedientiam, mansuetudinem, & patientiæ constantiam. quinto si non solum iniuriam inferat nulli, sed ne ab alio quidem sibi meri irrogatam doleat atq. tristet. sexto si nihil agat, nihil præsumat quod non vel communis regula vel maiorum cohortentur exempla. septimo si omni vilitate contentus sit, & ad omnia se quæ sibi præbentur, velut operarium malum, iudicari indignum. octauo si semetipsum cunctis inferiorem, non superficie pronuntiet labiorum, sed intimo cordis credat affectu. nono si linguam cohibeat, vel non sit clamorosus in voce. decimo si non sit facilis ac promptus in risu. Talibus namq. indicijs & his similibus humilitas vera dinoscitur. Quæ cum fuerit in veritate possessa, confestim te ad charitatem, quæ timorem non habet, gradu excellentiore perducet: per quam vniuersa quæ prius non sine pœna formidinis observabas, absque vlllo labore velut naturaliter incipies custodire, non iam contemplatione supplicij

1. Ioan. 4

plij vel timoris vllius, sed amore ipsius boni & delectatione virtutum.

Quod non debeat monachus exempla perfectionis a multis expetere, sed ab uno vel paucis. Cap. X L.

AD quod vt valeas facilius peruenire, exempla tibi sunt imitationis ac vitæ perfectæ in congregatione commoranti, a paucis, immo ab vno vel duobus, nō a pluribus expetenda. Nam præter id quod examinata vita atq. ad purum excocta reperitur in paucis, etiam istud ex hoc utilitatis accedit, quod ad perfectionem propositi huius, idest, cœnobialis vitæ, diligentius quis vnus imbuatur ac formatur exemplo.

Quarum debilitatum similitudinem suscipere debeat, qui in cœnobio commoratur. Cap. X L I.

QUæ omnia vt possis consequi, & sub hac regula spiritali perpetuo perdurare, tria hæc in congregatione necessario custodienda sunt tibi. vt scilicet, secundum Psal mistæ sententiam, qui ait: Ego autem tamquam surdus non audiebam, & sicut mutus qui non aperit os suum: & factus sum sicut homo non audiens, & non habens in ore suo increpationes; tu quoque velut surdus ac mutus & cæcus incedas, vt absque illius contemplatione qui tibi fuerit ad imitandum merito perfectionis electus, vniuersa quæcumque videris minus ædificationis habentia, velut cæcus non videas; ne animatus eorum qui hæc agunt auctoritate vel forma, ad id quod deterius est, & quod ante damnaueras, traducaris. Si inobedientem, si contumacem, si detrahentem audieris, vel secus quàm tibi traditum est aliquid admittentem, non offendaris, nec ad imitandum eum tali subuertaris exemplo; sed vt surdus qui hæc penitus nec audieris, vniuersa transmittas. Si tibi ingeruntur conuicia, si interrogantur iniuriæ, esto immobilis, & vt mutus ausculta, semper hunc Psalmistæ versiculum in tuo corde decantans: Dixi, custodiam vias meas, ut nō delinquam in lingua mea. Posui ori meo custodiam, cum consisteret peccator aduersus me. obmutui & humiliatus sum, & silui a bonis. Verum & quartum hoc præ omnibus excole, quod hæc quæ supra diximus tria commendat atq. ornet, idest, ut stultum te, secundum Apostoli sententiam,

Psal. 37.

Psal. 38.

1. Cor. 3.

rentiam, facias, in hoc mundo, vt sis sapiens. nihil scilicet discernens, nihil diiudicans ex his quæ tibi fuerint imperata; sed cum omni simplicitate ac fide obedientiam semper exhibeas, illud tantummodo sanctum, illud vtile, illud sapiens esse iudicans, quidquid tibi vel lex Dei, vel senioris examen indixerit. Tali enim institutione fundatus, sub hac disciplina poteris durare perpetuo, & de cœnobio nullis tentationibus inimici, nullis factionibus deuolueris.

Quod bonum patientia sua non debeat monachus de aliorum sperare virtute, sed de sua longanimitate, Cap. XLII.

nl. vt possit.

ERgo patientiam tuam non debes de aliorum sperare virtute; id est, vt tunc eam tantummodo possideas cum nemine fueris irritatus: quod ꝑ ne possit non euenire, tuæ non subiaceret potestati, sed potius de humilitate tua & longanimitate, quæ in tuo pendet arbitrio.

Recapitulatio expositionis per quam monachus ad perfectionem possit ascendere. Cap. XLIII.

Præm. 9.

ET vt hæc omnia quæ latiori sermone digesta sunt, cordi tuo facilius inculcetur, ac tenacissime tuis sensibus valeant inhaerere, quoddam ex his breuiarium colligam, per quod possis breuitate & compendio mandatorum memoriter vniuersa complecti. Audi ergo paucis ordinem, per quem scandere ad perfectionem summam sine vlllo labore ac difficultate perualeas. Principium nostræ salutis sapientiaque, secundum scripturas, timor Domini est. De timore Domini nascitur compunctio salutaris. De compunctiōe cordis procedit abrenuntiatio, id est, nuditas & contemptus omnium facultatum. De nuditate humilitas procreatur. De humilitate mortificatio voluntatum generatur. Mortificatione voluntatum extirpantur atque marcescunt vitia vniuersa. Expulsione vitiorum virtutes fructificant atq. succrescunt. Pullulatione virtutum puritas cordis acquiritur. Puritate cordis apostolicæ charitatis perfectio possidetur.

LIBRI IV. FINIS.

IOAN.

IOANNIS CASSIANI

EREMITÆ

DE SPIRITV GASTRIMARGIAE.

LIBER QVINCTVS.

Transitus de institutis canobiorum ad colluctationem octo principalium vitiorum. Cap. I.



Vinctus nobis iuuante Deo liber iste pro-
cuditur. Nam post quattuor libellos qui
super institutis monachorum digesti sūt,
nunc arripere colluctationem aduersus
octo principalia vitia, vestris orationi-
bus Domino confortante disponimus.
idest, primum Gastrimargiæ, quæ inter-
pretatur gulæ concupiscentia. secundum Fornicationis. ter-
tium Philargyriæ, quod intelligitur auaritia, vel vt proprius
exprimatur, amor pecuniæ. quartum Iræ. quintum Tristi-
tiæ. sextum Acediæ, quod est anxietas siue tedium cordis.
septimum Cenodoxiæ, quod sonat vana seu inanis gloria.
octauum Superbiæ. Quem ineūtes agonem, tuis precibus,
o beatissime Papa Castor, nunc impensius indigemus; ut
primum naturas eorum, tam minutas, tam occultas, tamq.
obscuras inuestigare condigne; deinde causas eorundem
sufficienter exponere; tertio vt idoneas curationes eorum
ac remedia possimus inferre.

γαστρι-
μαργία
φιλαργυ-
ρία
ἀκηδία
κενοδοξία

*Quod causa vitiorum sicut in omnibus immorantur, ita ab
omnibus ignorantur: & quod ad manifestandas eas
Domini egeamus auxilio. Cap. II.*

Quarum passionum causæ quemadmodum cum patē-
factæ fuerint traditionibus seniorum ab omnibus
protinus agnoscuntur, ita priusquam reuelentur cum ab
ipsis vniuersi vastemur, & in cunctis hominibus immo-
rentur, ab omnibus ignorantur. Verum eas ita nos aliqua-
tenus explicare posse confidimus, si intercessionibus ve-
stris ad nos quoque ille qui per Esaiam prolatus est sermo
Domini dirigatur: Ego ante te ibo, & potentes terræ humi-
liabo; portas æreas † contera, & vectes ferreos † confin-

Esa. 45.
al. cōfrin-
gam
al. cōtera

gam,

Rom. 6.

1. Cor. 4.

Psal. 65.

gam, & aperiam tibi thesauros absconditos & arcana secretorum. ut nos quoq. uerbum Dei præcedens, primunt terræ nostræ potentes humiliet, id est, has easdem quas expugnare cupimus passionēs, dominationem sibi ac tyrannidem sœuissimam in nostro mortali corpore uindicantes, easq. faciat indagini nostræ atque expositioni succumbere, & ita nostræ ignorationis portas effringens, ac uitiorum uestes excludentium nos a uera scientia conterens, ad secretorum uostorum nos arcana perducatur, ac secundum Apostolum, illuminatis nobis reuelet ea quæ sunt abscondita tenebrarum, & manifestet consilia cordium, ut sic ad tetras uitiorum tenebras purissimis oculis animæ penetrantes, patefacere eas ac producere possimus ad lucem, earumq. causas atque naturas his, qui uel caruerunt eis, uel adhuc obligati sunt pandere ualeamus: & ita secundum prophetam, transcentes per ignem uitiorum dirissime nostras exurentium mentes, confestim per aquas quoq. uirtutum extinguentium scilicet ea, transire possimus illæsi, ac spiritalibus remediis irrorati, ad refrigerium perfectionis puritate cordis mereamur educi.

Quod prima nobis colluctatio sit aduersus spiritum Gastrimargia, id est, concupiscentiam gula. Cap. III.

ITaque primum ineundum certamen est aduersus Gastrimargiam, quam diximus gulæ esse concupiscentiam. Et in primis de modo ieiuniorum & esearum qualitate dicturi, rursus ad Aegyptiorum traditiones ac statuta recurremus; quibus sublimiorem continentię disciplinam, & perfectam discretionis inesse rationem nullus ignorat.

Testimonium abbatis Antonij quo docet unamquamque uirtutem ab illo, qui eam peculiarius possidet, expetendam. Cap. IV.

Vetus namque est beati Antonij admirabilisq. sententia, monachum qui post cœnobiale propositum fastigia nititur sublimioris perfectionis attingere, & apprehenso discretionis examine, proprio iam potens est stare iudicio, atque ad arcem auachoreseos peruenire; minime debere ab vno quamuis summo vniuersa genera uirtutum expetere. Alius enim scientiæ floribus exornatur, alter discretionis ratione robustius communitur, alter patientiæ grauitate

grauitate fundatur, alius humilitatis, alius continentię virtute præfertur, alius simplicitatis gratia decoratur. hic magnanimitatis, ille misericordiæ, iste vigiliarum, hic taciturnitatis, ille laboris studio ceteros superë minet. Et idcirco monachum spiritalia mella condere cupientem, velut apem prudentissimam debere vnamquamq. virtutem ab his qui eam familiaris possident deflorare, & in sui pectoris vase diligenter recondere; nec quid minus aliquis habeat discutere; sed hoc tantum, quid virtutis habeat contemplari studioseq. decerpere. Cunctas namq. si ab vno volumus mutuari, aut difficile aut certe numquam idonea ad imitandum nobis exempla poterunt reperiri. Quia licet necdum Christum omnia factum secundum Apostolum videamus in omnibus, tamen hoc modo possumus eum, id est, per partes in omnibus inuenire. De ipso enim dicitur: Qui factus est nobis ex Deo sapientia, iustitia, sanctitas & redemptio. Dum ergo in alio sapientia, in alio iustitia, in alio sanctitas, in alio mansuetudo, in alio castitas, in alio humilitas, in alio patientia reperitur, membratim Christus per vnumquemq. nunc sanctorum diuisus est. Concurrentibus vero vniuersis in vnitatem fidei ac virtutis, reditur in virum perfectum, plenitudinem sui corporis in singulorum membrorum compage ac proprietate perficiens. Donec ergo veniat illud tempus, quo sit Deus omnia in omnibus, in præsentī potest hoc quo diximus modo, id est, per partes virtutum esse in omnibus Deus, licet nondum per plenitudinem earum omnia sit in omnibus. Quia licet vnus religionis nostræ sit finis, professiones tamen diuersæ quibus ad Deum tendimus: sicut in collationibus seniorum plenius disputandum est. Ideoq. discretionis & continentię forma ab his est nobis peculiaribus expetenda, a quibus virtutes has per gratiam Spiritus sancti vberius videmus effluere. non quod † vllus quæ in multis diuisa sunt solus possit acquirere, sed vt in his bonis quorum capaces esse possumus, ad eorum nos imitationem qui ea peculiarius obtinuerunt tendamus.

Coloss. 3.

1. Cor. 1

Ephes. 4.

Coloss. 3.

al. vnus

*Quod non possit ab omnibus uniformis ieiuniorum
regula custodiri. Cap. V.*

I Taq. super ieiuniorum modo haud potest facile vniformis regula custodiri, quia nec robur vnum cunctis corpori-

poribus inest, nec sicut ceteræ virtutes animi solius rigore parantur. Et idcirco quia non in sola fortitudine mentis animæq. consistunt (cum corporis enim possibilitate participant,) talem his definitionem traditam nobis accepimus. diuersum quidem esse refectiois tempus, ac modum, & qualitatem, pro impari scilicet corporum statu vel ætate, vel sexu; vnā tamen esse omnibus, pro mentis continentia atq. animi virtute; castigationis regulam. Neq. enim cunctis possibile est hebdomadibus protelare ieiunia, sed ne triduana quidem vel biduana inedia refectioem cibi differre. A multis quippe ægritudine, & maxime senio iam ꝑ desessis, ne vsq. ad occasum quidem solis ieiunium sine afflictione toleratur. Non omnibus infusorum leguminum esus conuenit eneruatus, nec cunctis purorum olerum habilis est parsimonia, nec vniuersis sicci panis refectio castigata conceditur. Alius quantitate librarum duarum saturitatem non sentit, alius libræ vnus siue vnciarum sex edulio prægrauatur; attamen vnus in omnibus his continentia finis est, ne quis iuxta mensuram capacitatis suæ saturitatis oneretur ingluuie. Non enim qualitas sola, sed etiam quantitas escarum aciem cordis obtundit, ac mente cum carne pariter impinguata, noxium vitiorum fomitem igneumq. succendit.

al. defestis.

Quod non solo vino mens inebriatur. Cap. VI.

Quilibet escis refectus venter seminaria luxuriæ parit, nec præualet mens discretionum gubernacula moderari, ciborum pondere præfocata. Non sola crapula vini mentem inebriare consuevit, sed cunctarum escarum nimietas vacillantem eam ac nutūbundam reddit, omniq. integritatis ac puritatis contemplatione despoliat. Sodomitæ causa subuersionis atq. luxuriæ, non vini crapula, sed saturitas extitit panis. Audi Dominum per prophetam *Ezech. 16* Hierusalem increpantem; Quid enim peccauit soror tua Sodoma, nisi quia panem suum in saturitate & abundantia comedebat? Et quia per saturitatem panis inextinguibili carnis fuerant ardore succensi, iudicio Dei cælitus sunt igne sulphureo concremati. Quod si illos sola nimietas panis ad tam præruptum præcipitium flagitiorum vitio satietatis impegit; quid censendum est de his qui vegeto corpore perceptionem carnum ac vini immoderata vber-

Gen. 19.

vertate præsumunt, non quantum expetit imbecillitas, sed quantum animi libido suggerit vsurpantes?

Qua ratione infirmitas carnis puritatem cordis nequeat impedire. Cap. VII.

Infirmitas carnis ad puritatem cordis non officit, si hæc tātūmodo, quæ fragilitas, non quæ voluptas exigit, vsurpentur. Facilius vidimus viros qui ab escis corpulentioribus omnimodis temperarent, quàm moderate vsos pro necessitate concessis; & qui totum sibi pro continentię amore denegarent, quàm cui eas sub infirmitatis occasione sumentes mensuram sufficientię custodirent. Habet etiam corporis imbecillitas continentię suæ palmam; dummodo escis defectioni carnis indultis adhuc indigentem se refectione defraudet; tantumq. esus indulgeat, quantum sufficere ad viuendi vsū temperantię discretio rigida iudicarit, non quantum desiderij appetitus exposcit. Esculentiores cibi vt procurant corporis sanitatem, ita castitatis non adimunt puritatem, si cum moderatione sumantur. Quidquid enim fortitudinis esu eorum percipitur, ægritudinis labore ac defectione consumitur. Quamobrem vt nulli statui virtus parsimonię adimitur, ita ne integritatis quidem consummatio denegatur.

Quo perfectæ continentia sine esca sumenda sit. Cap. VIII.

Verissima est itaq. patrum probatissimaq. sententia, iuniorum & continentię modum in mensura paritatis tantum & castigatione consistere; & hunc esse perfectæ virtutis in commune omnibus finem, vt escis, quas sumere sustentandi corporis necessitate compellimur, adhuc in appetitu earum positi temperemus. Quamuis enim quis corpore sit infirmus, perfectam uirtutem æque quàm robustus ac sanus in omnibus possidebit, si desideria quę fragilitas carnis exigit, mentis rigore castiget. Apostolus namq. ait: Et carnis curam ne feceritis in desiderijs. Non ergo curam eius omnimodis interdixit, sed ut in desiderijs hieret, denegauit. Voluptuosam ademit diligentiam carnis, gubernationem vitæ necessariam non exclusit: illud ne indulgentia carnis ad desideriorum occupationes noxias deuoluamur, hoc uero ne corruptum nostro uitio corpus spirituales ac necessarias functiones implere non possit.

Rom. 13.

De mensura castigationum assumendarum, remedioq. ieiunij. Cap. IX.

Summa igitur continentiae non sola temporis ratione, nec escarum qualitate tantummodo, sed ante omnia conscientiae iudicio colligenda est. Tantum enim debet unusquisq. sibi frugalitatis indicere, quantum corporeae oblectationis pugna deposcit. Vtilis quidem & omnimodis obseruanda est canonica ieiuniorum custodia; sed nisi hanc frugi fuerit ciborum refectio subsecuta, ad integritatis calcem non poterit peruenire. Longorum namq. ieiuniorum inedia, saturitate corporis subsequente, lassitudinem potius temporalem, quam puritatem castitatis acquirat. Integritas mentis ventris cohæret inedia. Non habet perpetuam castimoniam puritatem, quisquis non iugem temperantiae æqualitatem tenere contentus est. Quamvis enim districta sint ieiunia, succedente superflua remissione vacuantur, & in Gastrimargiae vitium protinus collabuntur. Melior est rationabilis cum moderatione quotidiana refectio, quam per intervalla arduum longumq. ieiunium. Nouit immoderata inedia non modo mentis labefactare constantiam, sed etiam orationum efficaciam reddere lassitudine corporis enervatam.

Ad conseruandam mentis & corporis puritatem abstinentiã ciborum non posse sufficere. Cap. X.

Ad integritatem mentis & corporis cōseruandam abstinentia ciborum sola non sufficit, nisi fuerint ceteræ quoq. virtutes animæ coniugate. Humilitas igitur primitus obedientiae virtute, & cordis contritione, corporisq. fatigatione discenda est. Pecuniarum non solum est vitanda possessio; sed etiam desiderium earum penitus extirpandum. Non enim eas sufficit non habere, quod plerumq. solet etiam ex necessitate descendere; sed ne ipsam quidem, si forte oblatae fuerint, habendi recipere voluntatem. Iræ conterendus est furor, Tristitiæ superanda deiectio, Cenodoxia, id est, vana gloria contemnenda, Superbiae calcandus est fastus, mentis quoq. ipsius instabiles vagiq. discursus assidua Dei memoria refrænandi. Totiensq. nobis est ad contemplationē Dei lubrica cordis nostri peruagatio reducēda, quotiens subtilis hostis ab hoc intuitu mentem captiuare pertentās, recessibus nostri cordis irrepserit.

Cono

Concupiscentias cordis non extinguere nisi omni extirpatione vitiorum. Cap. XI.

Impossibile namque est extinguere ignita corporis incentiua, priusquam ceterorum quoq. principalium vitiorum fomites radicitus excidantur; de quibus singillatim distinctis libellis suo loco, donante Domino, disseremus. Nunc vero propositum nobis est de Gastrimargia, id est, gulæ concupiscentia, contra quam nobis primus conflictus est, disputare. Numquam igitur poterit ardentis concupiscentiæ stimulos inhibere, quisquis desideria gulæ reſtraneate nequiverit. Interioris hominis castitas, virtutis huius consummatione discernitur. Numquam enim robustioribus æmulis colluctari posse confidas eum; quem in leuiore conflictu conspexeris ab infirmioribus parvisq. superari. Cunctarum namq. virtutum vna natura est, licet in multas diuidi species & vocabula videatur; sicut auri una substantia est, licet per multa variaq. monilium genera pro artificum videatur ingenio ac voluntate distincta. Itaq. nullam perfecte possidere probabitur, quisquis elusus in earum parte dinoscitur. Quo enim modo flagrantæ æstus concupiscentiæ, qui nō sola instigatione corporis, sed & etiam mentis vitio succenduntur, extinxisse credendus est, qui aculeos iræ cordis solius intemperantia prorumpentes mitigare non potuit? Aut quonam modo putandus est carnis animæque lasciuientes stimulos retudisse, qui superbiæ vitium simplex non quiuit euincere? Aut quemadmodum credendus est inferram carni luxuriam conculcasse, qui pecuniarum concupiscentiam forinsecus sitam, atque a substantia nostra alienam non valuit abdicare? Qua autem ratione bellum carnis & animæ triumphabit, qui idoneus non fuit morbum curare tristitiæ? Quantalibet vrbs sublimitate murorum & clausurarum portarum firmitate munia-
tur, posterulæ vnus quamuis parvissimæ proditione vastabitur. Quid enim differt, verum per excelsa mœnia & ampla portarum spatia, an per cuniculi angusti latibula perniciosus hostis penetralibus ciuitatis irrepere?

De agone carnali etiam spiritalis agonis imitationem esse sumendam. Cap. XII.

Qui in agone contendit, non coronabitur nisi legitime certauerit. Qui naturales appetitus carnis optat extinguere. 2.Tim.2.

E

tingue-

1. Cor. 9.

tinguere, extra naturam vitia collocata primitus superare festinet. Si enim apostolicæ sententiæ vim volumus experiri, quæ sint agonis mundani leges, ac disciplina primitus debemus agnoscere; ut ita demum harum comparatione scire possimus, quid nos in spiritali agone certantes beatus Apostolus hoc exemplo voluerit edocere. In illis enim certaminibus, quæ secundum eundem Apostolum, corruptibilem coronam vincuntibus parant, mos iste seruatur, ut is qui se ad gloriosam coronam, & immunitatis privilegio decoratam præparare contendit, & perfecta cupit agonis subire certamina, prius in Olympiæ, ac Pythiæ certaminibus indolē suæ iuuentutis ac rudimentorum robur ostendet: In his siquidem iuniores, qui has disciplinas cupiunt profiteri, utrum mereantur, vel debeant ad eas admitti, tam eius, qui istis certaminibus præsidet, quam totius populi iudicio comprobantur. Cumque diligenter examinatus quis primum repertus fuerit nulla vitæ respersus infamia, deinde non seruitutis iugo ignobilis, & ob hoc indignus disciplina, vel congressu eorum, qui hæc profitentur, fuerit iudicatus, tertio si artis, si fortitudinis digna præferat documenta, & iunioribus, coævisque decertās, periciam pariter, ac virtutem suæ demonstrauerit iuuentutis, ac proficiens de ephororum luctamine, perfectis iam viris, & experientia longa probatis congredi permittitur præsentis examine, sequi non solum parem virtutis eorum assidua colluctatione probauerit, verum etiam frequenter inter hos quoque victoriæ palmam fuerit consecutus; tum demum ad agonis præclara certamina merebitur peruenire, in quibus non nisi victoribus tantum, & his qui multarum coronarum stipendijs decorati sunt, facultas conceditur decertandi. Si intelleximus carnalis agonis exemplum, spiritalis quoque certaminis, quæ disciplina, vel ordo sit, comparatione huius debemus agnoscere.

Quod, nisi gula fuerimus vitio liberati, nequaquam possumus ad pugnas interioris hominis peruenire.

Cap. XIIII.

2. Petr. 2.
Ioan. 8.

OPortet nos quoque primum libertatem nostram carnis subiectione monstrare. A quo enim quis vincitur, ei & seruus addicitur. Et: Omnis qui facit peccatū, seruus est peccati. Cumque nos nulla concupiscentiæ turpis re-

spersos

ſperſos infamia examen certamini præſidentis inuenerit, nec fuerimus ab eo vt ſerui carnis, & ignobiles indigni Olympiacis vitiorum colluctationibus iudicati; tunc poterimus contra coruſcos noſtros, id eſt, concupiſcentiam carnis, & motus, ac perturbationes animæ inire certamē. Impoſſibile namq. eſt ſaturum ventrem pugnas interioris hominis experiri: nec bellis robuſtioribus attentari, dignum eſt, eum, qui poteſt deiſci leuiore conſiſtu.

Quomodo poſſit gula concupiſcentia ſuperari. Cap. XIV.

PRima ergo nobis eſt gulæ calcanda concupiſcentia, & eo vſq. extenuanda mens non ſolum ieiunijs, verum etiam vigilijs, lectione quoque, & crebra compunctione cordis, in quibus ſe forſitan, vel illuſam, vel victam reminſcitur ingemiſcens, nunc horrore vitiorum, nunc deſiderio perfectionis, & integritatis accenſa; donec eiſmodi curis, ac meditationibus occupata pariter, ac poſſeſſa, ipſius cibi refectionē non tam iucunditati conceſſam quàm oneris vice ſibi impoſitam recognoſcat, magiſque eam neceſſariam corpori, quàm deſiderabilem animæ ſentiat attributam. Quo ſtudio mentis, & iugi compunctione detenti laſciuia carnis, quæ ſotu eſcarum vehementius inſoleſcit, & aculeos eius noxios retundemus, atque ita fornacem corporis noſtri, quæ a rege Babylonie occaſiones peccatorum & vitia nobis iugiter ſubminiſtrante ſuccenditur, quibus naphthæ, & picis vice acrius exuramur, vbertate lacrymarum, & ſletu cordis poterimus extingui: donec Dei gratia, ſpiritu oris ſui in cordibus noſtris inſibilante, æſtus carnalis concupiſcentiæ penitus valeant conſopiri. Hæc eſt igitur nobis prima contentio, hæc noſtra velut in Olympiacis certaminibus prima probatio, gulæ, ventriſq. concupiſcentiam deſiderio perfectionis extingui. Ob quod ciborum non ſolum ſuperfluus appetitus virtutum contemplatione calcandus; ſed etiam ipſi naturæ neceſſarius tamquam caſtitati contrarius, non ſine cordis anxietate ſumendus eſt. Et ita demum vitæ noſtræ inſtituendus eſt curſus, vt nullum magis ſit tempus, quo ſentiamus nos a ſpiritualibus ſtudijs reuocari, quàm quo deſcendere ad neceſſariam corporis curam eius fragilitate compellimur. Cumq. ad hanc neceſſitatem ſubmittimur, vſui potius vitæ, quàm mentis deſiderio famulantes

Dan. 3.

quantocius ab ea, velut a salutaribus nos studijs retrahente, subtrahi festinemus. Nequaquam enim poterimus escarum presentium spernere voluptates, nisi mens contemplationi diuinæ defixa, amore virtutum potius & pulchritudine rerum celestium delectetur. Et ira quis uelut caduca, despiciet vniuersa præsentia, cū ad ea quæ immobilia sunt & æterna, inseparabiliter defixerit mentis obtutum, adhuc in carne positus futuræ commorationis beatitudinem iam corde contemplans.

Quomodo ad custodiendam cordis sui puritatem monachus semper esse debet intentus. Cap. XV.

Velut si quis immania virtutū præmia in sublimi quibusdam paruis indiciis designata, perspicacissimis oculorum obtutibus cum teli directione tendentibus ferire festinet, sciens immensam gloriæ palmam & remunerationis præmia in eorum confusione consistere, oculorum aciem ab omni intuitu auertens, illuc dirigat necesse est, ubi summam remunerationis & præmij perspicit collocatam: amissurus proculdubio peritiæ palmam & remunerationem virtutis, si quantulumcumque contemplationis eius acies deuiauerit.

Quod monachus secundum Olympiaci certaminis morem nō possit spirituales conficere pugnas, nisi obtinuerit bella carnalia. Cap. XVI.

ITaque ventris & gulæ concupiscentia hoc intuitu superara, nec serui carnis, nec infames vitiorum nota pronūtiati, velut in Olympiacis disciplinis, iudicabimur superiorum quoq. certaminum digni esse conflictu; præmissisq. huiusmodi documentis, spiritualibus quoq. nequitiiis congrederi posse credemur, quæ non nisi victoribus tantum & his qui merentur in spiritali agone contendere, concertare dignantur. Illud enim est cunctorū luctaminū velut quoddam solidissimū fundamentū; vt primitus carnaliū desideriorum incentiua perimantur. Nam nullus carne propria nō deuicta legitime poterit decertare. Et qui legitime non decertat, sine dubio nec in agone configere, nec coronæ gloriam uictoriæ gratia poterit promereri. Quod si hoc fuerimus superati certamine, velut serui carnalis concupiscentiæ comprobati, & per hoc nec libertatis nec roboris

ris insignia præferentes, a spiritualium congressionum conflictu, ut indigni serui non sine confusionis nota protinus repellamur. Omnis enim qui facit peccatum, seruus est *Ioan. 8.* peccati. Diciturq. nobis per beatum Apostolum cum his inter quos fornicatio nominatur: Tentatio vos non apprehendit, nisi humana. Non enim merebimur mentis robore conquisto grauiore pugnas nequitarum cælestium experiri, qui carnem fragilem resistentem spiritui nostro subiugare nequiuimus. Quod Apostoli testimoniū non intelligētes quidam, posuerunt pro indicatiuo optatiuum modum, id est: Tentatio vos non apprehendat, nisi humana. Quod ab ipso magis dici manifestum est non optantis sed pronū-
εἰληφεν

*Quod fundamentum ac basis spiritualis agonis in Gastrimar-
gia sit certamine collocata. Cap. XVII.*

VIs audire verum athletam Christi legitimo agonis iure certantem? Ego igitur, inquit, sic curro, non quasi in incertum: sic pugno, non quasi aerem verberans; sed castigo corpus meum, & seruituti subijcio, ne alijs prædicans ipse reprobus efficiat. Vides ut in seipso, id est, in carne sua colluctationum summam velut in base quadam firmissima statuerat, & prouentum pugnae in sola castigatione carnis & in subiectione sui corporis collocarat. Ego igitur sic curro, non quasi in incertum. Non currit in incertum qui cælestem Hierusalem conspiciens, defixum habet quo sibi cordis sui inflexibilis sit dirigenda perniciositas. Non currit in incertum qui obliuiscens posteriora, ad ea quæ priora sunt extendit se, ad destinatum persequens brauium supernæ uocationis Dei in Christo Iesu; quo semper dirigens suæ mentis obtutum, & ad eum omni cordis præparatione festinans, cum fiducia proclamat: Bonum agonem certavi, cursum consummaui, fidem seruaui. Et quia se nouerat post odorem unguentorum Christi præpeti conscientia deuotione infatigabiliter cucurrisse, & spiritualis agonis certamen carnis castigatione vicisse, cum fiducia infert, & dicit: De cetero reposita est mihi corona iudicis, quam reddet mihi Dominus in illa die iustus iudex. Et ut nobis quoque similem retributionis spem aperiret, si in agone cursus istius imitati eum velimus, adiecit: Non solum autem mihi, sed & omnibus qui diligunt ad-

1. Cor. 9.

Ibid.

Philip. 3.

2. Tim. 4.

Cant. 1.

2. Tim. 4.

Ibid.

uentum eius ; participes nos coronæ suæ in die iudicii fore pronuntians , si diligentes aduentum Christi , non illum tantum , qui etiam nolentibus apparebit ; sed etiam hunc , qui quotidie in sanctis comseat animabus , victoriam certaminis castigatione corporis acquiramus . De quo aduentu Dominus in Euangelio : Ego , inquit , & pater meus veniemus ad eum , & mansionem apud eum faciemus . Et iterum : Ecce sto ad ostium & pulso : si quis audierit vocem meam , & aperuerit ianuam , introibo ad illum , & cœnabo cum illo , & ipse mecum .

Per quor genera certaminum atq. palmarū B. Apostolus ad coronam sublimissimi agonis ascenderit. Cap. XVIIII.

- 1. Cor. 9.* **N**Ec tamen agonem cursus tantummodo se consummasse describit cum dicit : Sic curro , non quasi in incertum ; quod specialiter refertur ad intentionem mentis & feruorem spiritus sui , quo toto Christum sequebatur ardore , cum sponsa decantans : Post te in odore vnguentorum tuorum curremus ; & iterum : Adhæsit anima mea post te ; sed etiam aliud colluctationis genus se vicisse testatur , dicens : Sic pugno , non quasi aerem verberans ; sed castigo corpus meum , & seruituti subijcio . Quod proprie ad continentia labores , & corporale ieiunium , atq. afflictionem carnis pertinet ; per hanc se pugilem quandam strenuum suæ carnis esse describens , nec in vanum aduersus eam ictus continentia exercuisse designans ; sed triumphum pugna mortificatione sui corporis acquisisse ; quo verberibus continentia castigato , & cæstibus ieiuniorum eliso , victori spiritui immortalitatis coronam , & incorruptionis contulit palmam . Vides legitimum colluctationis ordinem , & spiritalium certaminum contemplaris euentum , quemadmodum athleta Christi adeptus de rebellatrice carne victoriam , subiecta illa quodammodo non pedibus suis , vt sublimis triumphator inuehitur . Et idcirco non currit in incertum , quia confidebat urbem sanctam Hierusalem cælestem se protinus ingressurum . Sic pugnât ieiunijs scilicet & afflictione carnali , non quasi aerem verberans , id est , in vanum ictus continentia porrigens , per quos non aerem uacuum , sed illos spiritus , qui in eo versantur castigatione sui corporis verberabat . Qui enim dicit : Non quasi aerem uerberans ; ostendit se , tametsi non
- aerem

erem vacuum & inanem; aliquos tamen in aere verberare. Et, quia hæc certaminum genera superarat, & ditatus multarum coronarum stipendijs incedebat; non immerito robustiorum incipit hostium subire luctamina, ac prioribus æmulis triumphatis, cum fiducia proclamat, & dicit. *Ephes. 6.* Iam non est nobis colluctatio aduersus carnem, & sanguinem, sed aduersus principatus, aduersus potestates, aduersus mundi rectores tenebrarum harum, contra spiritualia nequitie in cælestibus.

Quod athleta Christi, donec in corpore commoratur, pugna non desit. Cap. XIX.

Athleta Christi in corpore cōmoranti numquā † desit *al. deficit* colluctationum palma; sed quanto magis triumphorum successibus creuerit, tanto ei etiam magis colluctationū robustior ordo succedit. Subiugata etenim carne, atq. deuicta, quantæ aduersariorum cohortes, quanta hostium agmina aduersum victorem triūphis eius iustigata consurgunt; scilicet, ne pacis otio miles Christi lentescens incipiat obliuisci colluctationum suarum gloriosa certamina, ac securitatis inertia dissolutus, præmiorum stipendijs, ac triumphorum meritis defraudetur. Itaque, si ad hos triumphorū gradus cupimus crescente virtute conscendere, eodem nos quoque ordine oportet præliorum inire certamina, & primum cum Apostolo dicere: Sic pugno, non quasi aerē verberans, sed castigo corpus meum, & seruituti subiicio: ut hoc conflictu superato, rursus cum eo possimus dicere: Nō est nobis colluctatio aduersus carnem, & sanguinem; sed aduersus principatus, aduersus potestates, aduersus mundi rectores tenebrarum harum, contra spiritualia nequitie in cælestibus. Aliter enim congredi cum illis nullo modo poterimus, nec spirituales pugnas merebimur experiri carnali deiectionis conflictu, & colluctatione ventris elisi; meritoque nobis ab Apostolo cum exprobratione dicitur: Tentatio *1. Cor. 10.* vos non apprehendit; nisi humana.

Quod non debeat monachus sumendi cibi tempus excedere, si vult ad pugnas interiorum certaminum peruenire. Cap. XX.

Igitur monachus ad pugnas interiorum certaminum cupiens peruenire, hanc in primis sibi met cautionem in-

dicat, vt non porus quidquam, non esus, vlla oblectatione deuictus, ante stationem legitimam, cōmunemq. refectio-
nis horam, extra mensam percipere sibi met prorsus indul-
geat; sed ne refectioe quidem transacta, ex his præsumere
sibi quantulumcumq. permittat: similiter quoq. canonicū
fomni tempus mensuramq. custodiat. Eodem namq. stu-
dio istæ sunt mentis amputandæ lasciuia, quo meretrica-
tionis vitium desecandum. Qui enim gulæ superfluos ap-
petitus inhibere non potuit, quomodo æstus carnalis con-
cupiscentiæ ualebit extinguere? Et qui non quiuit passio-
nes in propatulo sitas paruasq. compescere, quemadmodū
occultas, nulloque hominum teste prurientes, moderatri-
ce discretionē poterit debellare? Et idcirco per singulos mo-
tus & in quolibet desiderio robur animæ comprobatur:
quæ si in minimis apertisq. cupiditatibus superatur, quid
in maximis ac fortioribus occultisq. sustineat, vnicuique
sua conscientia testis est.

De interiori monachi pace, & abstinentia spiritali. Cap. XXI.

Non enim est nobis aduersarius extrinsecus formidan-
dus; in nobismetipsis hostis inclusus est. Intestinum
nobis quotidie geritur bellum: deuicto eo omnia quæ for-
insecus sunt redditur infirma, ac militi Christi vniuersa
pacata erunt & subdita. Non habebimus aduersarium
nobis extrinsecus metuendum, si ea quæ intra nos sunt, spi-
ritui deuicta subdantur. Nec solum nobis istud ieiunium
visibilium ciborum ad perfectionem cordis, & corporis
puritatem sufficere posse credamus, nisi huic fuerit animæ
quoque ieiunium copulatum. Habet namque & illa suos
noxios cibos, quibus impinguata etiam sine esearum abū-
dantia ad luxuriæ prærupta deuoluitur. Detractio cibis
eius est, & quidem persuasus. Ira etiam cibus eius est, li-
cet minime lenis, ad horam tamen infelici eam esu pas-
scens, ac pariter letali sapore prosternens. Inuidia cibus
est mentis. virulentis eam succis corrumpens, & prosperi-
tatis alienæ successibus iugiter miseram excruciare non
desinens. Cenodoxia, id est uana gloria, cibus est eius, qui
delectabili eam esca permulcet ad tempus, post vero va-
cuam omniq. virtute spoliata reddit ac nudam, cunctis
eam spiritalibus fructibus sterilem inanemque dimittens:
ita vt non solum immanium laborum faciat merita depe-
rire,

re, verum etiam supplicia maiora conquirit. Omnis concupiscentia & peruagatio cordis instabilis, pastus quidam est animæ, noxus escis eam nutrieus; expertem vero celestis panis ac solidi cibi in posterum derelinquens. Ab his itaque, quanta nobis est virtus, sacratissimo ieiunio continentes, vtilem habebimus commodamque obseruantiam ieiunij corporalis. Labor namq. carnalis spiritus contritioni cōiunctus, acceptissimum Deo sacrificium dignumque sanctitatis habitaculum puris mundisque recessibus exhibebit. Ceterum si corporaliter ieiunantes perniciosissimis animæ vitijs implicemur, nihil nobis proderit carnalis afflictio pretiosiore parte polluta, per eam scilicet substantiam delinquentibus nobis, qua efficiuntur habitaculum Spiritus sancti. Non enim tam corruptibilis caro, quàm cor mundum habitaculum Dei templumque Spiritus sancti efficitur. Oportet ergo exteriore homine ieiunante, interiorem quoq. similiter a cibis noxijs temperare: quem præcipue exhibere mundum Deo, vt hospitem in se Christum recipere mereatur, beatus Apostolus monet his verbis: In interiore, inquit, homine Christum habitare *Ephes. 3.* per fidem in cordibus vestris.

Quid idcirco nos oporteat exercere continentiam corporalem, vt per ipsam perueniamus ad spiritale ieiunium. Cap. XXII.

NOuerimus itaque nos idcirco laborem continentiae corporalis impendere, vt ad puritatem cordis hoc possumus ieiunio peruenire. Ceterum labor a nobis impenditur in cassum, si hunc quidem contemplatione finis infatigabiliter sustentemus, finem uero propter quem tolerauimus afflictiones tantas, obtinere nequeamus. meliusque fuit interdictis escis animæ temperasse, quàm voluntariis minusq. noxijs corporaliter ieiunasse. In his enim simplex & innoxia creaturæ Dei perceptio est, nihil per semetipsam habens peccati; in illa vero primitus fratrum perniciosa deuoratio, de qua dicitur: Noli diligere detrahere, ne eradiceris. Et de ira atque inuidia beatus Iob dicit: Etenim stultum interficit iracundia, & paruulum occidit inuidia. Simulque notandum, quod qui irascitur stultus, & qui inuidet paruulus indicetur. Ille namque non immerito stultus iudicatur, uoluntarie sibi mortem iræ stimulis incitatus inducens: & hic dum liuet, paruulum, minoremq. se pro-

Prov. 20.

sec. LXX.

Iob. 5.

se probat. Dum enim inuider, testatur maiorem esse eum, cuius prosperitate cruciatur.

Qualis esse monachi cibus debeat. Cap. XXIII.

Igitur eligendus est cibus non tantum qui cōcupiscentiæ flagrantis æstus temperet, minusq. succendat, verum etiā qui ad parandum sit facilis; & quem ad comedendū oportuniorem vilioris pretij compendium præstet; quiq. sit conuersationi fratrum vsuiq. communis. Triplex enim natura est Gastrimargiæ. vna quæ canonicam refectiōis horam præuenire cōpellit; alia quæ tantūmodo ventris ingluuie & saturitate quatuorlibet gaudet esca; tertia quæ accuratioribus epulis & esculētiis oblectatur. Ideoq. aduersus eam necesse est monachum obseruantiam triplicem custodire. id est, vt primum legitimum tēpus absolutionis expetere; deinde vt castiget & refrænet desiderium carnis; tertio vt qualibuscumq. escis etiam vilioribus contentus sit. Quidquid enim extra consuetudinem præsumitur vsuq. communē, vt vanæ gloriæ atq. ostentationis morbo pollutum, antiquissima patrum traditio notat; nec quemquam ex his quos merito scientiæ ac discretionis enituisse peruidimus, vel quos ad imitandum gratia Christi velut splendidissima luminaria omnibus prælocavit, esu panis qui apud eos vilis habetur ac facilis, abstinuisse cognouimus: nec eorum quempiam, qui hanc regulam declinantes, prætermisso panis vsu, leguminum vel olerum seu pomorum refectiōem sectati sunt, inter probatissimos habitum aliquādo conspeximus, sed ne discretionis quidem aut scientiæ gratiam consecutum. Non solum enim ceteras inusitatas escas expetere monachum non debere decernunt, ne videlicet cursus eius velut in propatulo cunctis expositus, inanis factus ac vacuus cenodoxiæ morbo depereat, sed ne ipsam quoq. ieiuniorum castigationem cōmunem cuiquam facile patefieri oportere pronuntiant; verum quantum fieri potest contegi pariter & abscondi. Aduentantibus autem fratribus magis humanitatis ac dilectionis offerri debere virtutem, quā continentię districtiōem & quotidiani propositi rigorem manifestari, probabilius censuerunt; nec quid voluntas vtilitasq. nostra seu desiderij ardor exposcat attendere, sed quod aduenientis requies vel infirmitas exigat præponere, & gratauer implere.

Quod

Quod in Ægypto indifferenter vidimus sub aduentu nostro solui quotidiana ieiunia. Cap. XXIV.

Cum de Syriæ partibus seniorum scita discere cupientes, Ægypti prouinciam petissemus, ibiq. tanta cordis alacritate nos suscipi miraremur, ut nulla prorsus, sicut fueramus in Palæstinæ monasterijs instituti, usq. ad præstitutam ieiunij horam refectionis regula seruaretur, sed absq. legitimis quartæ, sexteq. feriæ, quocumq. perrexissemus, quotidiana statio solueretur: quidam seniorum percontantibus nobis cur ita indifferenter apud eos præterirentur quotidiana ieiunia, respondit: Ieiunium semper est mecum; vos autem continuo dimissurus mecum iugiter tenere non possum. Et ieiunium quidem licet utile sit ac iugiter necessarium, tamen uoluntarij muneris est oblatio. Opus autem charitatis impleri, exigit præcepti necessitas. Itaq. suscipiens in uobis Christum, reficere cum deo; deducens autem uos, humanitatem eius obtentu præbitam, districtiore ieiunio in memetipso potero compensare. Non enim possunt filij sponsi ieiunare, donec cum illis est sponsus. Cum autem discesserit, tunc illi ieiunabunt.

Mat. 10.

Matth. 9.

De continentia senis, qui ita sexies cibum sumpsit, ut seruaret esuriem. Cap. XXV.

Quidam seniorum cum reficientem me, ut adhuc paululum quid ederem hortaretur, iamq. me non posse dixissem; respondit Ego iam sexies diuersis aduenientibus fratribus mensam posui, hortansq. singulos, cum omnibus cibum sumpsi, & adhuc esurio; & tu primitus nunc reficiēs, iam te non posse dicis?

De eo sene, qui in cella sua escam numquam solus accepit. Cap. XXVI.

Vidimus alium in solitudine commorantem, qui numquam se sibi soli indulxisse cibum testatus est, sed et si per totos quinque dies ad eius cellulam nullus e fratribus aduenisset, refectionem iugiter distulisse donec sabbatorum uel Dominico die deuotæ congregationis obtentu procedens ad ecclesiam, peregrinorum quempiam reperisset; quem exinde reducens ad cellulam, consorte eo refectionem corporis, non tam suæ necessitatis obtentu, quam humanitatis gratia causaq. fratris assumeret. Itaque

ut nō

reprehenderit fratres. quòd scilicet vnam sibi nonnulli parerentur absceidi, quòd haberent in cellulis sagum, quòd oleum benedicentes exposcentibus sæcularibus darent; & hæc omnia se incurrisse dicebat. Nam ægritudinem vix contrahens, tamdiu, inquit, eius languore distabui, donec tam doloris necessitate quàm seniorum omnium adhortatione compulsus absceidi eam permitterem. Cuius etiam infirmitatis obtentu sagum quoque habere coactus sum. Oleum etiam benedicere, ac supplicantibus dare, quod præ omnibus execrabar, utpote iudicans illud ex magna cordis præsumptione descendere, circumstantibus me repente sæcularibus multis ita constrictus sum, ut aliter eos nullatenus euadere possem, nisi a me summa vi & obtestationibus extorsissent, ut oblato ab eis vasculo manum meam impresso crucis signaculo superponerem: itaque se credentes benedictionis oleum consecutos, tandem me aliquando relaxarunt. Quibus mihi manifeste compertum est, iisdem causis ac vitijs monachum obligari, in quibus de alijs iudicare præsumperit. Oportet ergo vnumquëq. semetipsum iudicare tantummodo, & circumspicte cauteq. custodire in omnibus, non aliorum conuersationem vitamq. discutere, secundum illud Apostoli præceptum: Tu autem quid iudicas fratrem tuum? suo domino stat aut cadit. Et: Nolite iudicare ante tempus. Et illud: Nolite iudicare, ut non iudicemini. In quo enim iudicio iudicaueritis, iudicabimini. Præter hanc enim quam diximus causam, etiam ob hoc iudicare de alijs periculosum est, quòd ignorantes vel necessitatem vel rationem qua illi hæc in quibus offendimus. aut recte coram Deo, aut venialiter agunt, inuenimur eos temere iudicasse, & per hoc admittimus nõ leue peccatum, secus quàm oportet de fratribus nostris aliquid sentientes.

Rom. 14.

1. Cor. 4.

Matth. 7.

Increpatio eiusdem senis, cum fratres inter spirituales collationes dormitantes, ad narrationem otiosa fabula vidisset expergefatos. Cap. XXXI.

Hic idem senex otiosarum fabularum diabolus esse fautorem, ac spiritualium collationum impugnato-rem semper existere, his declaravit indicia. Nam cum fratribus quibusdam de rebus necessarijs ac spiritualibus disputaret, eosq. videret lethæo quodam sopore demergi, nec posse

posse ab oculis suis pondus somni depellere; otiosam repere fabulam introduxit. Ad cuius oblectationem cum eos euigilasse confestim, atque erectas aures suas habere vidisset, ingemiscens ait: Nunc usque de spiritualibus loquebamur, & omnium vestrum oculi letali dormitatione deprimebantur: at cum otiosa fabula intromissa est, omnes expergefati torpore somni dominantis excussimus. Vel ex hoc ergo perpendite, quisnam collationis illius spiritualis fuerit impugnator, aut quis huius infructuosae atque carnalis insinuator existat. Ille etenim esse manifestissime deprehenditur, qui malis adgaudens, vel istam fouere, vel illam impugnare non desinit.

De epistolis priusquam legerentur incensis. Cap. XXXII.

NEc minus quoque hic opus fratris erga puritatem suam cordis intenti, & erga contemplationem diuinam valde solliciti, commemorari necessarium reor. Qui cum ei post annos quindecim patris ac matris amicorumque multorum de prouincia Ponti complures epistolae delatae fuissent, accipiens grandem fasciculum litterarum, diuque apud semetipsum voluens: Quantarum, inquit, cogitationum causa erit mihi harum lectio, quae me vel ad inane gaudium, vel ad tristitias infructuosas impellent? quot diebus eorum recordatione qui scripserint, intentionem pectoris mei a proposita contemplatione reuocabunt? Post quantum temporis digerenda est haec mentis concepta confusio, quantumque labore rursus iste tranquillitatis reparandus est status, si semel animus litterarum permotus affectu, eorumque recensendo sermones ac vultus quos tanto tempore dereliquit, iterum eos reuifere, ipsique cohabitare, & animo ac mente coeperit interesse? Quos profecto corporaliter dereliquisse nil proderit, si corde eos incipiat intueri, ac memoriam quam saeculo huic renuntians quisque velut mortuus abdicauit, reuiuiscens eandem rursus admiserit. Haec voluens in corde suo, non solum nullam resolueret epistolam definiuit, sed ne ipsum quidem fasciculum resignare: ne scilicet eorum qui scripserant vel nomina recensendo, uel vultus recordando, a spiritu sui intentione colesceret. Itaque ut eum constrictum susceperat, igni tradidit comburendum: Ite, inquit, cogitationes patriae, pariter concremimini, ne me ulterius ad illa quae fugi, reuocare tentetis.

De

*De absolutione questionis, quam abbas Theodorus orando
promeruit. Cap. XXXIII.*

V Idimus etiam abbatem Theodorum summa sanctitate & perfecta scientia præditum non solum in actuali vita, sed etiam notitia scripturarum; quam ei non tam studium lectionis vel litteratura mundi contulerat, quam sola puritas cordis: siquidem vix ipsius quoque Græcæ linguæ perpauca verba aut intelligere posset aut proloqui. Hic cum explanationem cuiusdam obscurissimæ questionis inquireret, septem diebus ac noctibus in oratione infatigabilis perstitit, donec solutionem propositi questionis Domino reuelante cognosceret.

*De sententia eiusdem senis, qua docuit quo studio monachus possit assequi scientiam scripturarum.
Cap. XXXIV.*

Hic ergo quibusdam fratribus admirantibus tam præclarum scientiæ eius lumen, & ab eodem quosdam scripturarum sensus inquirentibus, ait: Monachum ad scripturarum notitiam pertingere cupientem, nequaquam debere labores suos erga commentariorum libros impendere, sed potius omnem mentis industriam & intentionem cordis erga emundationem vitiatorum carnalium detinere. Quibus expulsis, confestim cordis oculi, sublato velamine passionum, sacramenta scripturarum † velut naturaliter incipient contemplari. Siquidem nobis non ut essent incognita vel obscura sancti Spiritus gratia promulgata sunt; sed nostro vitio velamine peccatorum cordis oculos obnubente redduntur obscura: quibus rursus naturali redditus sanitati, ipsa scripturarum sanctarum lectio ad contemplationem veræ scientiæ abunde etiam sola sufficiat, nec eos commentariorum institutionibus indigere, sicut oculi isti caruales ad videndum nullius egent doctrina, si modo fuerint a suffusione vel caligine cæcitatis immunes. Ideo namque & tanta varietas errorum, inter tractatores ipsos exortitur, quod plerique minime erga purgationem mentis adhibita diligentia, proficientes ad interpretandum eas, propinguedine vel immunditia cordis sui diuersa atque contraria vel fidei vel sibi met sentientes, veritatis lumen comprehendere nequiverunt.

al. naturaliter contemplantur.

Inter

Increpatio eiusdem senis cum ad meam cellulam media nocte venisset. Cap. XXXV.

Hic idem cum inopinatus ad meam cellulam intempesta nocte venisset, quidnam rudis adhuc anachoreta solus agerem, paterna curiositate latenter explorans, meq. illico finita vespertina solemnitate incipientem iam fessum corpus reficere, & incubantem psiathio reperisset; protrahens imo corde suspiria, meoq. me vocitans nomine: *Quanti inquit, o Ioannes, hora hac Deo colloquuntur, cumq. in semetipsis amplectuntur ac retinent, & tu fraudaris tanto lumine, inertu sopore resolutus. Et quoniam nos ad huiusmodi narrationem diuertere patrum virtutes & gratia prouocarunt, necessarium reor memorabile opus charitatis, quam summi viri Archebij humanitate sumus experti, in hoc volumine comendare, quo puritas continentię operi charitatis inserta propensius enitescat pulchra varietate distincta. Etenim tunc gratum Deo ieiunij munus efficitur; cum hoc fructibus charitatis fuerit consummatum.*

Esai. 58.

Descriptio eremi qua est in Diolco, in qua anachoreta commorantur. Cap. XXXVI.

ITaq. cum de Palæstinæ monasterijs ad oppidum Ægypti, quod Diolcos appellatur, rudes adhuc venissemus, ibiq. plurimam turbam cœnobij disciplina constrictam; & optimo ordine monachorum, qui etiam primus est, institutam mirifice videremus, alium quoq. ordinē qui excellentior habetur, id est, anachoretarum, cunctorū preconij instigati, sagacissimo corde videre properauimus. Hi namq. in cœnobijs primum diutissime commorantes, omni patientiæ ac discretionis regula diligenter edocti, & humilitatis pariter ac nuditatis virtute possessi, atq. ad purum vitiorum vniuersitate consumpta, dirisimis dæmonum prælijs congressuri, penetrant eremi profunda secreta. Huius igitur propositi viros comperiētes circa Nili fluminis alueum commorari, in loco qui vno latere eodem flumine, alio maris vastitate circumdatus, insulam reddit, nullis alijs quàm monachis secreta expetentibus habitabilem: (nec enim cuiq. culturæ aptam esse eam falsitas soli ac sterilitas patitur arenarum) ad hos, inquā, summo desiderio festinantes, ultra modum sumus labores eorum, quos contem-

contemplatione virtutum & amore solitudinis tolerat, admirati. Nam ipsius aquæ tanta penuria constringuntur, vt tali eam diligentia scrupuloq. dispensent, quali nemo frugalissimorum speciem pretiosissimi vini conseruat & parcit. Tribus namq. millibus vel eo amplius eâ de prædicti fluminis alueo necessarijs vsibus aduehunt: quod † tantum *al. tam* interuallum arenosis diuisum montibus, laboris difficultate grauissima duplicatur.

De traditis nobis ab abbate Archebio cum instructu suo cellis. Cap. XXXVII.

His igitur visis, cum imitationis eorum nos ardor accenderet, prædictusq. Archebius probatissimus inter eos humanitatis gratia nos ad suam cellulam pertraxisset, explorato desiderio nostro, confinxit se de eodem loco vel le discedere, ac nobis cellulam suam velut exinde migraturus offerre, sese id facturum etiam si minime † affuissemus *al. fuisse-* affirmans. Quam rem nos & desiderio commorationis accens, & assertionibus tanti viri iudubitatam accommodantem fidem libenter amplexi, cellulam cum omni suppellectili utensilibusq. suscepimus. Itaq. religiosa potitus circûuentione, paucis diebus quibus cõstruendæ cellæ pararet impedienda de loco discedens, reuersus post hæc aliam sibi summo labore construxit. Quam rursus non longo post tempore alijs superuenientibus fratribus, eodemq. desiderio cupientibus ibidem commorari, simili charitatis mendacio circumuentis, cum uniuerso tradidit instrumento. Ipse vero erga opus charitatis infatigabilis perseueraus, tertiam sibi cellulam in qua commaneret, extruxit.

De debito quod abbas Archebius manuum suarum labore pro matre dissoluit. Cap. XXXVIII.

O Peræpretium, mihi videtur aliud quoq. eiusdem viri charitatis opus memoriæ tradere, quostrarum partium monachi non solum continentia rigorem, verum etiam sincerissimum retinere dilectionis affectum, unius eiusdẽq. viri instituantur exemplo. Hic namq. non ignobili oriundus familia, ad monasterium quod a prædicto oppido ferme quattuor milibus distat, mundi huius ac parentum affectione contempta, a puerilibus annis aufugit. Vbi ita vitæ suæ oẽm exegit ætatem, vt nunquam prorsus per

toros quinquaginta annos non solū vicum, ex quo egressus est, nec fuerit ingressus, nec uiderit: sed ne cuiusquā femina, vel ipsius matris suæ conspexerit vultum. Interea pater morte præuentus, centum solidorum debitum dereliquit. Cūq; hic esset omni inquietudine penitus alicuius, utpote qui vniuersis paternis facultatibus esset extorris, a creditoribus tamen inquietari vehementer comperit matrē. Tūc hic ab euangelico illo rigore quo antehac in statu prospero parentibus constitutis, nec patrem in terra se nouerat habuisse nec matrem, pietatis consideratione mollitus, ita se habere credidit matrem, eiq; subuenire festinauit oppressa, ut nihil a proposita distractione laxaret. Intra monasterij namq; claustra perdurans, soliti operis pensum sibimet triplicari poposcit. Et ibi per totum anni spatium diebus pariter noctibusq; desudans, debiti modum operis sudore partum creditoribus soluens, matrem omni inquietudinis iniuriā liberauit; ita eruens eam debiti sarcina, ut nihil de propositi rigore piæ necessitatis obtentu pateretur imminui. Ita distractionem solitam custodiuit, ut nequam pietatis opus maternis uisceribus denegaret; & quā pro Christi charitate prius despexerat; pro eius rursus pietate cognosceret.

Qua simulatione cuiusdam senioris cuidam fratri, cum otiosus esset, opus manuum sit prouisum. Cap. XXXIX.

Cum frater nobis optime carus nomine Symeon, penitus Græci sermonis ignarus, e partibus Italiæ cōmeasset, quidam seniorum erga eum, utpote peregrinū, charitatis opus quodam redhibitionis colore cupiēs exhibere, inquit ab eo, cur otiosus sederet in cella, per hoc coniiciēs eum tam otij peruagatione, quā penuria necessariorum rerum diutius in ea durare non posse, certus neminem posse impugnationes solitudinis tolerare, nisi eum quī proprijs manibus uictum sibimet fuerit parare cōtētus. Quo respondente, nihil se nec nosse nec præualere ex illis quæ illic exercebātur a fratribus operari, præter librariam manum, si tamen ullus in Aegypti regione Latium codicem vsui esset habiturus: tunc ille tandem nactus occasionem, qua posset desideratum pietatis opus uelut debiti colore mercari: Ex Deo hæc inuenta est, inquit, occasio: nam olim quærebam qui Apostolum Latina mihi manu perscriberet.

ret. Etenim habeo fratrem militiæ laqueis obligatum, & apprime Latinis instructū, cui de scripturis sanctis aliquid ad legendū ædificationis eius obtentu transmittere cupio. Itaq. Symeone hanc occasionem velut a Deo oblatam sibi gratanter suscipiente: senex quoq. colorem, sub cuius pre-textu pietatis opus libere posset implere, libentius amplexus, confestim non solum vniuersas ei necessitates sub obtentu mercedem totius anni contuexit, verumetiam membranas & utensilia quæ ad scribendū necessaria erant, comportans, recepit post codicem scriptum nullis vñbus vel commodis profuturum, quippe vniuersis in illa regione penitus linguæ huius ignaris; præter id quod hac subtilitate sumptuq. prolixiore mercatus est quemadmodum & ille sine confusionis verecundia, merito laboris & operis sui necessaria victus alimenta perciperet, & ipse munificentia suæ pietatem tamquam debiti necessitate comple-ret, eo abundantius mercedem sibi conquirens, quo am-bitu maiorem peregrino fratri non solum victus necessaria, verum etiam operis instrumenta & operandi occasionem pariter contulisset.

*De pueris qui deferentes ad agrotantem ficus, non degustatis
eisdem, fame in eremo defecerunt. Cap. XL.*

Sed quoniam in loco vbi de ieiuniorum & continentia-
e rigore dicere aliquid proposuimus, affectio & opera cla-
ritatis videntur admixta, rursus ad propositum reuerren-
tes quoddam puerorum ætate non sensu factum memora-
bile opusculo huic inferemus. Nam cum ultra omnem ad-
mirationem ficus quidam de Mareotæ Libiæ partibus ve-
lut rem ante in loco non visam abbati Ioanui œconomo
in eremo Scythi detulisset, qui dispensationem ipsius ec-
clesiæ temporibus beati Paphnutij presbyteri ab eodem si-
bi creditam gubernabat: hic confestim eas ad senem quen-
dam, qui in interioribus deserti in mala valetudine labora-
bat, per duos adolescentulos misit. Siquidem decē & octo
milibus longe ab ecclesia commanebat. Qui pomis acce-
ptis, cum ad prædicti senis tenderent cellam, quod ibi per-
facile solet etiam senioribus euenire, infusa repente den-
sissima nebula, tramitem recti itineris perdiderunt. Cumq.
tota die & nocte discurrentes per auiam etemi vastitatem
nequaquam potuissent egrotantis cellulam reperire, tam

itineris lassitudine quàm inedia sitique confecti, fixis genibus, in orationis officio spiritum Domino reddiderūt. Qui post hæc vestigiorum suorum indicijs diutissime perquisiti, quæ in locis illis arenosis tanquam niuibz impressa signantur, donec ea vel leui ventorum flatu tenuis arena discurens rursus operiat, inuenti sunt ficus intactas vt acciperant reſeruasse: eligentes scilicet animam magis quàm fidem depositi prodere, vitamq. potius amittere temporalem, quàm senioris violare mandatum.

Sententia abbatis Macarij de obseruantia monachi, vel tamquam diutissime uicturi, vel tamquam quotidie morituri. Cap. XLI.

ADhuc vnum beati Macarij proferetur nobis salutare mandatum, quo libellum ieiuniorum & continentie tanti viri claudat sententia. Ita, inquit, debere monachum ieiunijs operam dare, vt centum annis in corpore commoraturum; ita motus animi refrænare, & iniuriarum obliuisci, tristitiaſque reſpuere, dolores quoq. ac detrimenta cõtemnere, tamquam quotidie moriturum. In illa namq. utilis est prudensq. discretio, æquali monachum districtione faciens semper incedere, nec permittens sub occasione debilitati corporis de arduis ad perniciosissima prærupta deuolui: in hoc uero magnanimitas salutaris, quæ valeat non solum quæ videntur prospera mundi præſentia despiciere, verumetiam aduersis tristibusq. non frangi, & ea velut parua nullaq. contemnere; illic habens iugiter fixum suæ mentis intuitum, quo quotidie singulisq. momentis accersendum esse se cædit.

LIBRI V. FINIS.

IOANNIS CASSIANI

EREMITAE

DE SPIRITU FORNICATIONIS

LIBER SEXTVS.

De duplici pugna aduersus spiritum fornicationis. Cap. I.

Secundum, traditione patrum, aduersus spiritum fornicationis certamen est, longum præ ceteris ac diuturnum, & perpaucis ad purum deuictum. immane bellum, & quod cum a primo tempore pubertatis impugnare incipiat hominum genus, non, nisi prius cetera vitia superent, extinguitur. Duplex namq. est oppugnatio gemino armata vitio consurgens ad prælium, & idcirco similiter ei gemina est acie resistendum. Siquidem vt morbo carnis animæq. concretum vires acquirit, ita nisi vtriusq. pariter dimicantibus nequeat debellari. Nec enim sufficit solum corporale ieiunium ad conquirendam vel possidendam perfectæ castimonie puritatem, nisi præcesserit contitio spiritus, & oratio contra hunc immunissimum spiritum perseuerans, dein continuata meditatio scripturarum; huicq. fuerit scientia spiritalis adiuncta, labor etiam opusq. manu instabiles cordis peruagationes coercens ac reuocans; & ante omnia fundata fuerit humilitas vera, sine qua nullus penitus vitij poterit triumphus acquiri.

De principali correctione aduersus spiritum fornicationis. Cap. II.

PPrincipaliter enim vitij huius correctio de cordis perfectione descendit, ex quo etiam huius morbi virus Domini voce prodire signatur: De corde, inquit, exeunt *Matt. 15.* cogitationes malæ, homicidia, adulteria, fornicationes, furta, falsa testimonia, &c. Illud ergo est primitus expiandum, vnde fons vitæ & mortis manare cognoscitur; dicente Salomone: Omni custodia serua cor tuum. ex his *Prou. 4.* enim sunt exitus vitæ. Caro enim eius arbitrio atq. im- *sec. LXX.*

perio famulatur, & idcirco summo studio parsimonia ieiuniarum sectando est, ne escarum abundantia referta cato, præceptis animæ salutaribus aduersata, rectorem suum spiritum dei ciat insolescens. Ceterum si omnem summam in castigatione tantum corporis collocemus, anima non similiter a ceteris utiis ieiunante, nec meditatione diuina & spiritalibus studiis occupata, nequaquam ad illud sublimissimum ueræ integritatis fastigium poterimus ascendere, illo quod in nobis est principale puritatem corporis nostri infestante. Oportet ergo nos mundare prius iuxta sententiam Domini, id quod intus est calicis & paropsidis, ut fiat & id quod deforis est mundum.

Matt. 23.

Quantum ad superandum fornicationis vitium remedium conferat cum continentia solitudo. Cap. III.

DEnique cetera vitia etiam usu hominum & exercitio quotidiano purgari solent, & quodammodo ipsius lapsus offensione curati: ut puta, iræ, tristitiæ, impatientiæ, meditatione cordis ac peruigili sollicitudine, fratrum etiam frequenti & assidua prouocatione sanantur. Dumque commota manifestantur saepius, & crebrius arguuntur, ocius perueniunt ad salutem. Hoc uero, cum corporis afflictione & contritione cordis, solitudine quoque ac remotione indiget, ut possit ad integrum sanitatis statum, perniciose æstuum febris deposita, peruenire. Et sicut plerumque cetera ægritudine laborantibus utile est, ut cibi noxii ne oculorum quidem ipsorum obrutibus offerantur, ne quod aspectus occasione desiderium eis letale gignatur: ita plurimum confert ad depellendum hunc specialiter morbum quies ac solitudo, ut mens ægra minime diuersis figuris interpellata, ad puriorem perueniens contemplationis intuitum, facilius pestiferum concupiscentiæ fomitem radicatus possit eruere.

Quid intersit inter castitatem & continentiam, & an utraq. simul semper habeatur. Cap. IV.

Nemo tamen ex hoc negare nos putet, etiam in congregatione fratrum positos inueniri continentes, quod per facile fieri posse fatemur. Aliud enim est continentem esse; id est, *εὐχρηστὴν* aliud castum: & ut ita dicam, in affectum integritatis vel incorruptionis transire, quod dicitur

ctur ἀγνόν. Quæ virtus illis solis tribuitur maxime, qui virgines vel carne vel mente perdurant, vt vterque Ioânes in nouo testamento: in ueteri quoque Elias, Hieremias, Daniel fuisse noscuntur. In quorum gradu ij quoque non immerito reputabuntur, qui post experimenta corruptionis ad similem puritatis statum per laborem longû & industriam perueerunt, & aculeos carnis non tam impugnatione concupiscentiæ turpis, quàm naturæ tantûmodo motu sentiunt. Quem statum dicimus difficillime posse inter hominum turbas apprehendi; vtrum vero & hoc possibile sit, vnusquisq. non nostra sententia expectet agnoscere, sed conscientiæ suæ rimetur examine. Ceterum multos existere non dubitamus, qui impugnationem carnis, quam vel raro vel quotidie sustinent, seu meriti gehēnæ, seu desiderio regni caelorum extinguunt atq. compescunt. Quos seniores sicut pronuntiant posse non penitus incentiuus obrui vitiorum, ita securos & insauciatos semper existere non posse definiunt. Necesse est enim vnumquemque in colluctatione positum, quamuis frequenter aduersarium vincat at superet, ipsum tamen aliquando turbari.

Quod impugnatio fornicationis solo humano studio non possit eninci. Cap. V.

QVapropter si nobis cordi est agonem spiritalem cum Apostolo legitime decertare, hunc immundissimum, spiritum superare omni mentis intentione, non nostris viribus confidentes (hoc enim perficere industria humana non præualeat) sed opitulatione Domini, festinemus. Tamen diu nâque hoc vizio animam necesse est impugnari, donec se bellum, getere supra suas vires agnoscat, nec labore vel studio proprio victoriam obtinere se posse, nisi Domini fuerit auxilio ac protectione suffulta. 2. Tim. 4.

De peculiari gratia in munere castitatis. Cap. VI.

ET re vera cum in omnibus virtutum profectibus, & cunctorum expugnatione vitiorum, Domini sit gratia atq. victoria; in hoc præcipue peculiare beneficium Dei ac speciale donum, & patrum sententia & experimento, purgationis ipsius manifestissime declaratur his, qui carni meruerint possidere. Quodammodo enim exire de carne

est in corpore commorantem, & ultra naturam est fragili carne circumdatum, carnis aculeos non sentire. Et idcirco impossibile est hominem suis (ut ita dixerim) pennis ad tam præcelsum cælesteq. præmium subuolare, nisi eum gratia Domini de terræ cœno munere castitatis eduxerit. Nulla etenim virtute tam proprie carnales homines spiritualibus angelis imitatione conuersationis æquantur, quam merito & gratia castitatis, per quam adhuc in terra degentes, habēt, secundum Apostolum, municipatū in cælis: quod deposita corruptela carnali habituros promittitur in futurum, hic iam in carne fragili possidentes.

Philip. 3.

Matt. 22.

*Exemplum de agone mundiali secundum sermonem
Apostoli. Cap. VII.*

1. Cor. 9.

A Vdi quid dicat Apostolus: Omnis qui in agone contendit, ab omnibus se abstinet. A quibus omnibus dixerit inquiramus, ut possit nobis spiritualis agonis instructio comparatione carnalis acquiri. Illi etenim qui in agone visibili student legitime decertare, vtendi omnibus escis quas desiderij libido suggesserit, non habent facultatem, sed illis tantum quas eorundem certaminum statuit disciplina. Et non solum interdictis escis, & ebrietate, omniq. crapula eos necesse est abstinere: verum etiam cuncta inertia, otio atq. desidia, vt quotidianis exercitijs, iugiq. meditatione virtus eorum possit accrescere. Et ita omni sollicitudine ac tristitia, negotijsq. secularibus, affectu etiā & opere coniugali efficiuntur alieni, vt præter exercitium disciplinæ, nihil aliud nouerint, nec vlli mundiali curæ penitus implicentur: ab eo tantum qui certamini præsidet, sperantes quotidiani victus substantiam, & coronę gloriam, condignaq. præmia victorię laude conquirere. Atq. in tantum se mundos ab omni coitus pollutione custodiunt, vt cum se præparant ad agonū certamina, ne qua forsitan per somnum nocturna delusi fallacia, vires minuant multo tempore conquistis, laminis plumbeis renum contegant loca, quo scilicet metalli rigore genitalibus membris applicito, obscenos humores valeant inhibere; intelligentes se proculdubio esse vincēdos, nec iam posse propositum certamen ademptis viribus adimplere, si prouisam pudicitie soliditatem fallax noxiæ voluptatis imago corruerit.

De com-

De comparatione purificationis eorum qui in terreno agone certamen subituri sunt. Cap. VIII.

ITaq. si agonis mundialis intelleximus disciplinam, cuius exemplo beatus Apostolus nos voluit erudire, docens quanta in illa sit observatio, quanta diligentia, quanta custodia; quid nos conveniet facere? qua puritate oportebit custodire nostri corporis atq. animæ castitatem, quos necesse est quotidie sacrosanctis agni carnibus vesci, quas neminem immundū contingere, etiam veteris legis præcepta permittunt. In Levitico namq. ita præcipitur: Omnis mundus manducabit carnes. Et anima quæcumq. comederit de carnibus sacrificij salutaris quod est Domini, in qua est immunditia, peribit coram Domino. Quantum igitur integritatis est munus, sine qua etiam illi qui erant sub veteri testamento, sacrificijs typicis non poterant interesse, & qui huius mundi corruptibilem coronam cupiunt adipisci, nequeunt coronari?

*Levit. 7.
sec. LXX.*

Quantam semper cordis puritatem parare Dei oculis debeamus. Cap. IX.

ITaq. omni custodia cordis nostri sunt latebræ primitus explandæ. Quod enim illi in corporis puritate assequi cupiunt, nos debemus etiam in arcanis conscientiæ possidere, in qua Dominus arbiter atq. agonothera residens, pugnam cursus & certaminis nostri iugiter spectat, ut ea quæ in propatulo horremus admittere, ne intrinsecus quidem coalescere incauta cogitatione patiamur, & in quibus humana cognitione confundimur, ne occulta quidem conjunctura polluamur. Quæ licet possit hominum præterire notitiam, sanctorum tamen angelorum ipsiusq. omnipotentis Dei scientiam quam nulla subterfugiant secreta, latere non poterit.

al. conscientia.

Quod sit indicium perfectæ & integræ puritatis. Cap. X.

Cuius puritatis hoc erit evidens indicium ac plena probatio, si vel nulla imago illicitæ quiescentibus nobis & in soporem laxatis occurrat, vel certe interpellans nullos concupiscentiæ motus valeat excitare. Licet enim ad plenam peccati noxam talis commotio minime reputetur; tamen nec dum perfectæ mentis indicium est, nec ad purum excocti vitij manifestatio, cum per fallaces imaginis huiusmodi operatur illusio.

Ex quo

Ex quo vitio illusio nocturna procedat. Cap. XI.

Qualitas enim cogitationum quæ distentionibus diu negligentius custoditur, probatur quiete nocturna. Et ideo cum intercesserit aliqua talis illusio, non culpa somni credenda est, sed negligentia temporis præcedentis, & manifestatio morbi latentis intrinsicus: quem non primus noctis hora parturit, sed intimis animæ reconditum fibris ad cutis superficiem somni refectione produxit, arguens occultas æstuum febres quas per totum diei spatium noxijs cogitationibus pasti contraximus; ut solent malæ quoque valetudines corporum non ea colligi tēpestare qua videntur emergere, sed negligentia sunt præteriti temporis acquisitæ, quo pastus quis imprudenter celsæ saluti contrarijs, noxios humores sibi met letalesq. contraxit.

Quod carnis puritas sine munditia cordis nequeat obtineri. Cap. XII.

*al. emundationeq.
Matth. 5.*

Ideoq. humani generis creator & conditor Deus, opificj sui naturam præ omnibus ꝑ emendationemq. cognoscens, illuc curam adhibuit medicinæ, vnde causas morbi principaliter nouerat emanare: Quicumque, inquit, viderit mulierem ad concupiscendum eam, iam mœchatus est eam in corde suo. Petulantibus oculos notans, non tam eos arguit, quàm illum interiorem sensum, qui officio eorū male vixit ad videndum. Cor namq. est ægrum & laiciū libidinis telo quod ad concupiscendum videt, beneficium intuitus recte sibi met a creatore concessum, suo vitio ad operum prauorum ministeria contorquens, & in semetipso reconditum concupiscentiæ morbum contemplationis occasione producens. Idcirco huic præcipitur salutare mandatum, cuius vitio pessimus languor visus occasione procedit. Non enim dicitur: Omnia custodia serua oculos tuos, quos utique oportuit principaliter custodiri, si ex ipsis concupiscentiæ prodiret affectus: (nihil enim amplius oculi quàm simplex præbent visionis officium,) sed dicitur: Omni custodia serua cor tuum: illi potissimum imposita medicina quod abuti potest oculorum ministerio.

Prov. 4.

Quæ

Qua sit purgationis carnalis prima custodia. Cap. XII I.

HÆc igitur erit purgationis huius prima custodia, ut cum menti nostræ memoria sexus feminei per subtilem suggestionem diabolicæ calliditatis obrepserit; primum recordatione præmissa matris, sororum, parentum, seu certe teminatum sanctarum, quanto citius eam de nostris recessibus extrudere festinemus; ne si fuerimus in ea diutius immorati, occasionem sexus semel indeptus illæ malorum, ad eas personas exinde subtiliter deuoluat ac præcipiter mentem, per quas noxias cogitationes possit iungere. Quamobrem illius præcepti iugiter meminisse debemus: Omni custodia serua cor tuum: & secundum Dei principale mandatum solícite serpentis obseruare noxium caput, idest, cogitationum malarum principia, quibus serpere in animam nostram diabolus tentat: nec sinamus per negligentiam penetrare in cor nostrum reliquum eius corpus, idest, oblectationis assensum. Qui proculdubio si fuerit intromissus, morsu virulento mentem interimet captiuatam. Emergentes etiam peccatores terræ nostræ, idest, sensus carnales in matutinis sui ortus nos oportet extinguere, & dum adhuc paruuli sunt allidere filios Babylonis ad petram. Qui nisi dum tenerissimi sunt, fuerint enecati, adulti per conjuguentiam in perniciem nostram validiores insurgent, aut certe non sine magno gemitu ac labore vincuntur. Dum enim fortis, scilicet spiritus noster, domum suam custodit armatus, recessus cordis sui Dei timore communicans, in pace erit omnis substantia eius; idest, emolumenta laborum ac virtutes longo tempore conquestæ. Si autem fortior superueniens vicerit eum, idest, diabolus cogitationum consensu; arma eius diripiet, in quibus confidebat, idest, memoriam scripturarum, vel timorem Dei: & spolia eius diuidet, virtutum scilicet merita per contraria vitia quæque dispergens.

Quod non laudem studeamus texere castitatis, sed effectum eius exponere. Cap. XIV.

ET ut cuncta præteream quæ in sanctis scripturis ob laudem virtutis huius inserta sunt. (non enim mihi propositum est laudem texere castitatis, sed qualitatem ipsius, vel quemadmodum acquiri vel custodiri debeat; quive sit finis eius, patrum traditionibus explicare.) vnam

Prou. 4.

Gen. 3.

sec. LXX.

Psal. 100.

Psal. 136.

al. conhi-

bentiam.

Luc. 11.

2. 1. 10. 1. 2.

2. 1. 1. 1. 2.

tantum modo ponam Apostoli beati sententiam, qua pateat qualiter illa, Thessalonicensibus scribens, uirtutibus praeuulerit uniuersis, tali eam uerbi nobilitate commendans.

Quod specialiter castitatis uirtus ab Apostolo sanctimoniam nuncupetur. Cap. XV.

1. Thes. 4.

Hæc est, inquit, uoluntas Dei, sanctificatio uestra. Et ne forte dubium nobis relinqueret uel obscurum, quidnam sanctificationem uoluerit appellare, utrum iustitiam, an charitatem, an humilitatem, an patientiam: (in omnibus enim istis uirtutibus creditur acquiri sanctificatio,) infert & manifeste designat quid proprie sanctificatione uoluerit appellare. Hæc est uoluntas Dei, sanctificatio uestra: ut abstineatis uos, inquit, a fornicatione, ut sciat unusquisque uestrum uas suum possidere in sanctificatione & honore non in passione desiderij, sicut & gentes quæ ignorant Deum. Vides quibus eam laudibus prosequatur: honorem uasis, id est, corporis nostri, & sanctificationem appellans eam. Igitur e contrario qui in passione desiderij est, in ignominia & immunditia consistit, & alienus a sanctificatione uersatur. Terio quoque post pauca infert, rursus sanctimoniam eam pronuntians: Non enim uocauit nos Deus in immunditiam, sed in sanctimoniam. Itaque qui hæc spernit, non hominem spernit, sed Deum, qui etiam dedit Spiritum suum sanctum in nobis. Auctoritatem quoque præcepto suo inuiolabilem iunxit, dicens: Qui hæc spernit, (id est, quæ de sanctimoniam præfatus sum) non hominem spernit, (hoc est,

1bid.

1bid.

2. Cor. 13.

Ephes. 2.

me qui hæc præcipio,) sed Deum qui in me loquitur, qui etiam Spiritui suo sancto cor nostrum habitaculum deputauit. Cernis simplicibus uerbis ac puris quibus eam præconijs quantisque extulerit laudibus: primum uirtuti huic sanctificationem proprietribuendo: deinde per hanc asserens uas nostri corporis ab immunditia liberaudum: tertio quod abiecta ignominia & contumelia, in honore sit & sanctificatione mansurum: postremo (quæ summa est perfecti præmij ac beatitudinis remuneratio) per hanc habitatores pectoris nostri sanctum fore Spiritum designauit.

De alio Apostoli testimonio super eadem sanctimoniam. Cap. XVI.

ET licet ad finem libelli tendat oratio, aliud adhuc simile huic eiusdem Apostoli testimonium ponam, ad Hebræ-

Hebręos namq. scribens: Pacem, inquit, sectamini cū omnibus & sanctimoniam, sine qua nemo uidebit Deum. Hic quoque euidenter sine sanctimonia, quam solet integritatē mentis, uel puritatem corporis appellare, pronuntiauit, Deum penitus uideri non posse: si quidem & hic similiter, infert, eundem sensum explanans: Ne quis fornicator aut profanus ut Esau. Hebr. 12.

Quod spes sublimioris premij debeat custodiam castitatis augere. Cap. XVII.

ITaq. quantum sublime cælesteq. est præmium castitatis, tanto grauioribus aduersariorum insidijs lacescitur. Et idcirco propensius nobis est, non solum continētia corporis, uerum etiam contritio cordis assiduis orationum gemitibus adhibenda, ut clibanus carnis nostrę quem rex Babylonius incentiuis suggestuonum carnalium succendere non desistit, descendente in corda nostra rore sancti Spiritus extingatur. Dan. 3.

Quod sicut absq. humilitate castitas obtineri non potest, ita sine castitate scientia. Cap. XVIII.

VT enim hanc seniores aiunt apprehendi nō posse, nisi prius humilitatis in corde fundamenta fuerint collocata; ita ne ad fontem quidem uerę scientiæ perueniri posse definiunt, donec penetralibus animę nostrę radix uitij huius infederit; & possibile quidem esse integritatem sine scientiæ gratia reperiri, impossibile uero scientiam spiritalem sine integritatis castimonia possideri. quia & diuersa sunt dona, & non omnibus una gratia Spiritus sancti tribuitur, sed ad quam se unusquisq. studio uel industria sua dignū aptumq. præbuerit. Denique cum in omnibus Apostolis sanctis uirtus integritatis perfecta fuisse credatur, abū dantius tamen scientiæ donum exuberauit in Paulo, quia se ad hanc aptum solerti studio atq. industria præparauit.

Sententia sancti Basilij episcopi de qualitate uirginitatis suę. Cap. XIX.

Fertur sancti Basilij Cæsariensis episcopi districta sententia: Et mulierem, inquit, ignoro, & uirgo non sum. Instantum intellexit incorruptionem carnis, nō tam in mulieris esse abstinētia, quā in integritate cordis, quę uere in-

te incorruptam perpetuo sanctimoniam corporis vel timore Dei vel castitatis amore custodiat.

Qui finis vera integritatis ac puritatis sit. Cap. XX.

ITaque hic est integritatis finis ac perfecta probatio, si quiescentibus nobis titillatio voluptatis nulla subreperit, ac pro necessitate naturæ nobis in consensu concretiones egerentur obscenæ. Quas sicut abscidere per omnia & in perpetuum amputare super naturam est, ita reuocare ad ineuitabile rarissimamq. naturæ necessitatem summæ virtutis est, quæ pulsare monachum duobus interpositis mensibus solet. Quod tamen dictum sit secundum nostram experientiam, non secundum sententiam seniorum, a quibus etiam hæ memorati temporis induciæ admodum iudicabatur angustiæ; quas si hoc modo quo ab ipsis percepimus, voluerimus exponere, his forte qui pro negligentia sua vel remissiore studio puritatem hanc minus experti sunt, incredibilia vel impossibilia descripsisse credemur.

Quomodo perfecta puritatis statum retinere possimus... Cap. XXI.

Quem statum ita tenere perpetuo poterimus, ac numquam naturalem modum nec tempus excedere superius comprehensum, si Deum non solum secretorum actuum nostrorum, verum etiam cogitationum internarum diurnum pariter nocturnumq. inspectorem esse & conscium cogitemus, ac pro omnibus quæ in nostro corde uersantur, sicut pro factis & operibus nostris rationem nos ei reddituros esse credamus.

Vsq. ad quem modum possit integritas corporis nostri perdurari, vel quod indicium sit ad purum mentis excoctam. Cap. XXII.

Hucusque igitur festinandum est nobis, & eo usque aduersus animi motus uel carnis incentiua pugnandum, donec ista carnis condicio necessitatem naturæ expleat, non suscitet voluptatem; concretam exuberantiam sine ullo pruritu noxaq. propellens, non pugnam suscitans castitati. Ceterum mens dum adhuc dormiens imaginum visione deluditur, nouerit se necdum ad integram perfectionem castitatis excoctam.

Remem-

Remedia quibus perfecta possis cordis & corporis nostri puritas permanere. Cap. XXII.

Igitur ut illusiones hæc ne dormientibus quidē nobis subrepere ualeant, æquale moderatumq. semper tenendum ieiunium est. Quisquis enim mensuram distractionis excedit, necesse est ut modum quoque remissionis excedat. Quia inæqualitate detentus, ab hoc tranquillitatis planissimo statu sine dubio reuocabitur: nunc quidē nimia inanitate defectus, nunc autē cibo propensiore distētus. Cū immutatione siquidē refectionis, qualitatē quoq. puritatis nostræ necesse est immutari. Deinde iugis humilitas ac patientia cordis adhibenda perpetuo est, atq. intenta aduersus iram uel ceteras passiones per diem cautio. Vbi enim furoris insederit vires, libidinis quoque necesse est incendiū penetrare. Ante omnia uero peruigil necessaria est sollicitudo nocturna. Nā sicut puritas & custodia diei nocturnam preparant castitatem, ita nocturnæ uigiliæ cordi pariter & obseruationi diurnæ statum solidissimum roburq. præmittunt.

LIBRI VI. FINIS.

IOANNIS CASSIANI
EREMITAE

DE SPIRITV PHILARGYRIÆ.

LIBER SEPTIMVS.

Quod peregrinum sit bellum Philargyria. & eadem non sit in homine naturalis, ut cetera vitia. Cap. I.



Iertius nobis conflictus est aduersus Philargyriam, quam nos amorē pecuniarum posuimus appellare: peregrinum bellum & extra naturā, nec aliunde in monacho sumēs principiū, quā de corruptæ ac torpidæ mētis ignauia, & plerūque initio abrenuntiationis male arrepto, & erga Deū tepido amore fundato. Cetera namque vitiorum incitamenta humanæ inserta naturæ uelut ingenerita videntur in nobis habere principia, & quodammodo inuiscerata carni,

ni, ipsiq. propemodum coæua natiuitati discretionem boni maliq. præueniunt: & licet prima arripiant hominem, longo tamen labore uincuntur.

Quod perniciosus sit morbus Philargyria. Cap. II.

Hic vero morbus posterius superueniens & extrinsecus accidens animæ, quāto facilius caueri potest ac respui, tāto neglectus & intromissus semel cordi, sit perniciosior cūctis, difficiliusq. propellitur. Malorū namq. omnium efficitur radix, multiplices fructificās fomites vitiorum, ut puta carnis simplices motus. nonne uidemus non solum in pueris in quibus adhuc innocentia boni maliq. præuenit discretionem, uerum in paruulis atq. lactentibus, qui cum ne initium quidem ullius libidinis in semetipsis habeant, motus carnis naturali incitamento sibi inesse designant? Ira quoq. aculeos truces nonne similiter in paruulis iam uigere conspiciamus, & antequam patientiæ uirtutem agnoscant, iniurijs eos cernimus commoueri, & uerborum sentire etiam per iocum iniurias irrogatas? ac nonnunquam cum desint uires, uoluntatis tamen ultionis ira instigante non deest.

Qua nobis in uitijs naturalibus sit utilitas. Cap. III.

Nec hoc dico, quo uicem naturam conditionis in culpam: sed quo asseram motus hos qui procedunt ex nobis, quosdam quidem utilitatis causa nobis insertos, quosdam uero negligentiae uitio ac malæ uoluntatis arbitrio extrinsecus introductos. Hi namq. quos supra diximus motus carnales ob reparationē sobolis, & posteritatis propaginē suscitandā, utiliter sunt corpori nostro prouidentia creatoris inserti, nō ad perpetranda stuprorū flagitia & adulteria quæ legis est auctoritate damnantur. Ira etiam aculeos nōne saluberrime nobis intelligimus attributos, ut nostris uitiijs & erroribus irascentes, uirtutibus potius ac spiritalibus studiis occupemur, oēm charitatem Deo, & patientiā nostris fratribus exhibentes? Tristitiæ quoq. utilitas quanta sit nouimus; quæ inter cetera uitia cū in contrariū affectum est mutata connumeratur. Est enim & secundum Dei timorem pernecessaria, & secundum seculum admodum perniciofa, ut docet Apostolus, dicens: Quæ enim secundum Deum est tristitia, pœnitentiam ad salutē stabilem operatur: seculi autem tristitia mortem operatur.

Quod

1. Tim. 6.

nl. indi-
gnantes.

2. Cor. 7.

*Quod inesse nobis quadam naturalia vitia sine creatoris
dicamus iniuria. Cap. IV.*

Non ergo si dixerimus hos motus a creatore nobis inferros, ex eo culpabilis ille videbitur, si nequiter his abusi maluerimus eos ad noxia potius ministeria decorare, & velimus pro instructuosis & sæcularibus lucris, nõ pro salutari pœnitentia & vitiorum correctione tritari: vel certe si non nobismetipsis vtiliter, sed contra interdictũ Domini nostri fratribus irascamur: velut si ferrum quis ad necessarium & vtile ministerium contributum, ad necesse voluerit insonitum retorquere, non ex hoc infamabit materię conditorem, si quod ille ad usum bene ꝓ viuendi apertũ ac necessarium pręstitit, iste hoc vsus est ad nocendum. *Matth. 5. al. utendi*

*De vitijs qua extra naturalem motum nostro uitio
contrahuntur. Cap. V.*

Dicimus tamen quadam vitia sine vlla pręcedente naturali occasione concrefcere, sed solius corruptę ac malę voluntatis arbitrio; vt est inuidia, ipsaq. Philargyria; quę cum nulla habeat in nobis de naturali instinctu principia, extrinsecus contrahuntur. Quę tamen quantum facilia sunt ad cauendum & oportuna ad declinandum, tantum occupatam mentem atque possessam miseram faciũt, vixq. ad sanitatis concedunt remedia peruenire; siue quod non merentur curari celeri medicina qui ab his sauciati sunt, quę vel ignorare vel vitare uel facillime vincere potuerunt; vel certe quod male fundati, uirtutum structuram & perfectionis suscipere culmen sunt indigni.

*Receptus semel Philargyria morbus quàm difficile
pellatur. Cap. VI.*

Quamobrem nulli vilis despectusq. uideatur hic morbus: qui sicut potest perfacile declinari, ita si quemquam possederit, ad sanitatis remedia uix peruenire concedit. Receptaculum namq. est vitiorum, malorumq. omnium radix, & inextricabilis nequitię fomes efficitur, dicente Apostolo: Radix omnium malorum est Philargyria: id est, amor pecunię. *1. Tim. 6.*

Quibus vitijs Philargyria generetur, vel quantorum malorum sit eadem procreatrix. Cap. VII.

HÆc igitur cum remissam tepidamq. monachi possederit mentem, primitus eum in exigua summa sollicitans, iustos quosdã & uelut rationabiles ei colores ob quos referuare sibi aliquid pecunię debeat vel parare, describit. Nã & ea quę præbêtur in monasterio queritur non esse sufficientia; & sano robustoq. corpore uix posse tolerari; quid faciendum si valitudo mala carnis emerferit, & reconditũ non fuerit aliquid peculiare quo sustentetur infirmitas? Monasterij præstationem esse pertenuẽ, & negligentiam erga ægrotantes maximã. Si proprium aliquid nõ fuerit quo cura corpori valeat adhiberi, misere esse morientium. Ipsum etiã vestimentũ non sufficere quod præbetur, nisi procurauerit vnde sibi aliud valeat exhiberi. Postremo nec diu posse in eodem loco vel monasterio commorari: & nisi parauerit sibi uiatici sumptus, euectionisq. transinarinę mercedẽ, non posse cum voluerit trãsmigrare, & necessitate inopiæ coartatũ, laboriosam ac miserabilem absque vlllo profectu vitam iugiter toleraturũ: inopẽ quoque se semper ac nudum non sine improprio aliena substantia sustentandũ. Itaque cum huiuscemodi cogitationibus laqueauerit mentẽ, qualiter vnum saltẽ denarium acquirere possit excogitat. Tunc peculiare opus quod exerceat abbate inscio sollicita mẽte perquirat. Quod vendens clam, & optato tandem potitus nummo, qualiter eũ duplicet acrius vehementiusq. torquetur, vbi reponat, cuivẽ illum credat ambiguus. Deinde quid ex eo coemere, qualiq. eum cõmercio valeat duplicare, cura grauiore distenditur. Cumq. illi & hoc ex voto cesserit, auidior fames accrescit auri, tantoq. vehementius suscitatur, quanto ẽt summa lucri maior apponitur. Cum pecuniæ etenim incremento rabies cupiditatis augetur. Tum deinde vita lōgæua promittitur, senectus in curua, infirmitates diuersæ atque prolixæ, quę, nisi maior summa in iuuentute fuerit præparata, tolerari in senecta non possint. Agitur itaque infelix anima serpētinis nexibus obligata, dũ materiam male concretam nequiore cura concupiscit augere, pestem sibi qua dirius inflammetur ipsa parturiens, totaq. lucri cogitatione possessa, nihil aliud respicit cordis intuitu, quàm vnde pecuniã parare valeat, per quam possit de

de monasterij disciplina quantocius euolare, nullam exhibens fidem ubi potuerit nummi spes aliqua refulgere. Pro hac non mendacij, non periurij, non furti facinus admittere perhorrescit, non fidem frangere, non iracundiæ noxio furore suppleri. Si quoquam a spe quæstus deciderit; non honestatis, non humilitatis modum transcendere pertimescit, sitq. ei per omnia, vt alijs vëter, ita huic auro & spes lucri pro Deo. Vnde beatus Apostolus huius morbi noxia venena prospiciens, non solum eam radicem esse omnium malorum, verumetiam seruitutem idolorum pronuntiauit, dicens: Et auaritia, quod in Græco dicitur *φιλαργυρία*, quæ est simulacrorum seruitus. Cernis igitur ad quantam labem rabies hæc per gradus singulos crescat, vt etiam idolorum vel simulacrorum seruitus Apostoli uoce pronuntietur, eo quòd figura Dei & imagine prætermisâ, quâ deuote seruiens Deo immaculatam in semetipso debuit custodire, hominum figuras impressas auro diligere pro Deo maluit & tueri.

1. Tim. 6,

Colos. 3,

Quod Philargyria omnes virtutes impediat.

Cap. V I I I.

TAlibus igitur decessionum profectibus in deterius crescens, nullam deinceps humilitatis, nullam charitatis, nullam obedientiæ, non dicam virtutem, sed ne vmbra quidem virtutis retinere contentus, indignatur ad omnia, & ad singula opera murmurat atque suspirat. Nullaq. iam reuerentia reseruata, uelut equus durissimus ad præcipitiû fertur infrænâ: nec uictu quotidiano, nec solito indumêto contentus, nō se diutius hæc toleraturû esse testatur: Deûq. non ibi solummodo esse proclamat, nec salutem suam in illo tantum loco esse conclusam. Vnde si quoquam se non celerius asportauerit, se periturum protinus ingemiscit.

Quod monachus habens pecunias, in cœnobio permanere non possit. Cap. I X.

ITaque instabilitatis suæ viaticum habens nummos, in quorum præsidio alarum sibi instar aptauit, iamq. ad transmigrandum paratus insolenter ad omnia præcepta respondet: & tamquam peregrinum extraneumq. se gerens, quæcumq. indigentia correctione perspexerit, negligit atque contemnit. Cumq. furtim possideat reconditam

G 2 pecu-

pecuniam, nec calciamenta quidem ac uestimenta se habere conuenitur, dariq. sibi tardius indignatur. Ac si forte dispensatione senioris ei prius qui nihil penitus habere cognoscitur, aliquid horum fuerit impartitum, maioribus iræ stimulis inardescit, seq. despici ueluti extraneum putat; nec ad ullum opus suas accommodare contentus, reprehendit omnia quæ necessario fieri monasterij compellit utilitas. Deinde occasiones quibus offendi uel irasci debeat, studiose perquirat, ne leuiter motus de cœnobij disciplina uideatur exire. Nec solus tamen transmigrae contentus, ne tamquam suo uitio deseruisse credatur, quantos potuerit sufurationibus clandestinis deprauare non desinit. Quod si etiam temporis asperitas itineris seu navigationis eius intercluserit comitatum, per omne illud tempus suspensio anxioq. tescidens corde, tristitias ferere uel excitare non cessat: discessus solatium & excusationem leuitatis non se aliter credens quàm nota uel macula monasterij repetiturum.

Quem Philargyria laborem subeat desertor monasterij, qui ante pro leuissimis operibus murmurabat. Cap. X.

Agitur itaq. facibus pecuniarum suatum magis accensus, quæ possessæ, numquam monachum uel in monasterio residere, uel uiuere sub regulæ institutione permittunt. Cumq. exinde eum uelut feralis quædam bestia de cœtu gregis segregas, pecus opportunum prædæ destitutione sodalium fecerit, & deuotioni facilem contubetnij priuatione reddiderit: eum qui prius opera monasterij leuia exercere despexerat, die ac nocte spe quæstus infatigabiliter laborare compellit, non orationum solemnia, non ieiuniorum modum, non uigiliarum regulam custodire permittit, non honestarum intercessionum explere officia finit, dum modo uel auaritiæ rabiem satiate, uel quotidianis usibus possit occutere, cupiditatis ignem dum acquirendo extinguendum credit accendens.

Quod occasione custodienda pecunia, seminarum conuberna requirantur. Cap. XI.

Hinc iam nonnulli per abruptum præcipitium lapsi; irreuocabili ruina feruntur ad mortem; & non contenti soli possidere quas uel numquam habuerant, uel initio

initio malo referuarant pecunias, inquirunt contubernia seminarum, quæ debeant ea quæ male congesta vel re-tenta sunt custodire: tantisq. se occupationibus uoxijs ac perniciosis inuoluunt, ut usq. ad profundum inferi deuoluti, dum acquiescere illi apostolicæ sententiæ renuunt: ut habentes victum & vestimentum, his contenti sint quæ *1. Tim. 6.* monasterij exhibeat frugalitas; sed volentes diuites fieri *Ibid.* incidant in tentationem & laqueum diaboli, & desideria multa, & inutilia & nociua, quæ mergunt homines in interitum & perditionem. Radix enim omnium malorum est cupiditas, idest, Philargyria: quam quiddam appetentes errauerunt a fide, & inferuerunt se doloribus multis,

*Exemplum cuiusdam tepidi monachi Philargyria
laqueis obligati. Cap. XII.*

Non ignoro quendam qui semetipsum autumat monachum, sibiq. (quod est deterius) de perfectione blanditur: qui receptus in cœnobio, cum a suo moneretur abbate, ne reuolueretur ad illa quæ renuntians abdicarat, seq. de radice malorum omnium Philargyria terrenisq. laqueis expediret, ac si mallet pristinis passionibus emundari, quibus cum grauissime singulis momentis videbar urgeri, cessaret affectare ea quæ ne antea quidem possederat, quorum sine dubio nexibus compeditus ad purgationem vitiorum suorum penitus peruenire non posset; truculento vultu eidem respondere non hæsitauit: Si tu habes plurimos vnde sustētes, me similiter habere cur prohibes?

*Quid conferant seniores iunioribus in denudatione
vitiōrum. Cap. XIII.*

Hæc autem nemini videantur, vel superflua, vel molesta. Nisi enim prius exposita fuerint genera vuluerum, & origines causæq. morborum fuerint indagatæ; nec infirmis poterit adhiberi congrua medicinæ curatio, nec validis conferri perfectæ custodia sanitatis. Nam & hæc & multo his plura ad instructionem iuniorum solent a senioribus, qui innumeros diuersorum casus ac ruinas sunt experti, in collatione proferri. Quorum multa sæpenumero cognoscentes in nobis, ita senioribus exponētibz ac reuelantibus, velut qui iisdem ipsi quoque passionibus pulsarentur, absque confusionis nostræ verecun-

dia curabamur, cum & remedia pariter & causas infestantium nos vitiorum taciti disceremus. quæ nos non fraternitatis veriti corpus vel præteriimus vel obteximus, sed ne forte delapsus liber in manus eorum qui in hoc proposito minus instituti videntur, patefaciat inexpertis quæ desudantibus solis ac festinantibus culmen perfectionis attingere, debent esse comperta.

Quibus exemplis morbus Philargyria triplex esse doceatur. Cap. XIV.

Triplex itaq. est huius valitudinis morbus, qui ab vniuersis patribus æquali detestatione damnatur. Vnus hic cuius superius descripsimus labem, qui decipiens miserabiles quosque, ea, quæ ne antea quidem cum in sæculo degerent possidebant, congregare persuadet. Alius qui hæc, quæ in primordijs suæ renuntiationis abiecerant, postea resumere ac rursus desiderare cōpellit. Tertius qui initio malo vitiosoq. contractus, & ab imperfectione incipiens, eos quo semel hoc tempore mentis infecerit, paupertatis ac dissidentia timore perterritos, spoliare se cunctis mundi facultatibus omnino nō sinit: easq. pecunias vel substantias, quas utique renuntiantes abijcere debuerāt, reseruantes, ad euangelicam perfectionem numquam peruenire concedit. Quarum trium ruinarum exempla, in scripturis sanctis etiam inuenimus non leui pœna fuisse damnata. Nam Giezi ea, quæ ne antea quidem possederat volens acquirere, non modo gratiam prophetiæ non meruit possidere, quam per successionem velut hereditariam a suo habuit magistro suscipere: verum etiam e contrario æterna lepra sancti Elisæi maledictione perfunditur. Iudas autem volens resumere pecunias, quas antea Cliristū securus abiecerat, non solum ad prodicionem Domini lapsus, apostolatus perdidit gradum, sed etiam vitam ipsam communi exitu finire non meruit, eamq. violenta morte conclusit.

4. Reg. 5. Ananias vero & Sapphira reseruantes partem quandam ex his quæ possederant, apostolico ore morte multantur.

Matt. 27.
Act. 5.

Male renuntians a non renuntiante quo differat. Cap. XV.

al. increduli facti **D**E his igitur qui dicentes renuntiasse se huic mundo, rursum † incredulitate fracti nudari terrenis opibus ti-
Dens. 20. ment, in Deuteronomio mystice sic præcipitur: Si quis est homo

homo formidolosus & corde pauidus, non egrediatur ad bellum: vadat & reuertatur in domum suam, ne pauere faciat corda fratrum suorum, sicut & ipse timore perterritus est. Hoc testimonio quid euidentius quæso? Nonne manifeste mauult eos scriptura professionis huius nec initiū sibi met vsurpare nec nomen, quā exhortatione exemploq. corrupto etiam alios ab euangelica perfectione reuocare, & infideli infirmare terrore? Iubetur itaq. eis vt discedentes e pugna reuertantur in domum suam; (quia non potest quisquam duplici corde bella Domini præliari. Vir enim duplex animo, inconstans est in omnibus vijs suis:) ne cogitantes, secundum illam Euangelij parabolam, cum qui cum decem milibus progreditur, contra regem cum viginti milibus venientem non posse configere; adhuc eo longe posito postulent pacem, idest, vt initium renuntiationis potius non arripiant, quā tepide eam post exequentes maiori discrimine semet inuoluant: Melius est enim non uouere, quā uouere & non reddere. Pulchre autem hic cum decem milibus, & ille cum uiginti uenire describitur. Amplior enim uitiorum nos impugnantium numerus est, quā uirtutum pro nobis dimicantium. Nemo autem potest Deo seruire & mammonæ. Nec ponens quisquam manum suam super atramentum, & respiciens retro, aptus est regno Dei.

Iacob 1.

Luc. 14.

Eccles. 5.

Matth. 6.

Luc. 9.

Cuius testimonij se colore tueantur, qui exui facultatibus suis nolunt. Cap. XVI.

HI ergo occasionem auaritiæ pristinae sibi met intro-mittere quadam scripturae sanctæ auctoritate conantur, quam vitiosiore intellectu interpretantes, Apostoli, immo Domini sententiam corrumpere atque ad suum desiderium gestiunt deprauare; non suam uitam uel intellectum scripturarum sensui coaptantes, sed uim scripturis pro desiderio suæ libidinis inferentes, consentire eas suis opinionibus uolunt; aiuntq. scriptum esse: Beatius est magis dare quā accipere. Cuius interpretatione prauissima eneruatam Domini putat illam esse sententiam, qua dicitur: Si uis perfectus esse, uade uende omnia quæ habes, & da pauperibus, & habebis thesaurum in cælo, & ueni sequere me. Et arbitrantur hoc colore diuitias suas se abijcere non debere, beatiore scilicet semetipsos pronuntian-

Act. 20.

Matth. 19.

tes, si pristinis suffulti substantijs, alijs quoq. de earum superabundantia largiantur: dumq. erubescunt pro Christo gloriosam cum Apostolo suscipere nuditatem, nec opere manuum nec monasterij parsimonia volunt esse contenti. Quibus superest vt se aut circumuenire nouerint semetipfos, & nequaquam renuntiasse huic mundo diuitijs pristinis incubantes; aut si professionem monachi re atq. opere cupiunt experiri, dispersis atq. abiectis omnibus, nihilque ex his quibus renuntiauerant reseruantes, cum Apostolo glorientur in fame & siti, in frigore & nuditate.

1. Cor. 11.

De renunciatione Apostolorum & ecclesia primitiua.

Cap. XVI I.

Quasi vero & ille similiter non potuerit facultatibus pristinis sustentari, qui se non ignobilem etiam in huius mundi ordine fuisse testatur, cum se asserit a natiuitate ciuis Romani dignitate praelatum, si hoc esse ad perfectionem commodius iudicasset. Et illi qui Hierosolymis cum essent possessores agrorum vel domorum, vendentes omnia & nihil sibi ex his penitus reseruantes, afferebant pretia eorum, & ponebant ante pedes Apostolorum, non potuerint necessitatem corporis sui facultatibus proprijs sustentare, si hoc perfectius fuisset ab Apostolis iudicatum, vel ipsi esse vtilius probauissent: sed vniuersas simul abicientes substantias, maluerunt labore proprio vel collatione gentium sustentari. De quorum sumptu sanctus Apostolus ad Romanos scribens, suumq. eis in hoc ministerium pradicans, ac subtiliter eos ad hanc collationem prouocans, ait: Nunc vero proficiscar Hierusalem ministrare sanctis. Complacuit enim & Macedoniæ & Achaiæ collationem aliquā facere in pauperes sanctorum qui sunt Hierusalem. complacuit enim, & debitores sunt eorum. Quoniā si spiritaliū eorū participes factæ sunt gentes, debent & in carnalibus ministrare eis. Ad Corinthios quoq., horum sollicitudinē similiter gerens, monet eos vt ante aduentum suū collationē quā ad vsum eorū mittere disponebant, sollicitius præpararent, dicens: De collectis autē quæ fiunt in sanctos, sicut ordinavi ecclesijs Galatiæ, ita & vos facite. Vnusquisq. vestrū per vnā sabbati thesaurizet apud semetipsum recondens quod ei bene placuerit, vt non cum venero, tunc collectæ fiant. Cum autem venero, quoscumque

Act. 12.

Act. 4.

Rom. 15.

2. Cor. 10

quæ probaueritis per epistolas hos transmittam perferre gratiam vestram in Hierusalem. Et ut eos ad largiorem collationem prouocaret, infert: *Quod si dignum fuerit ut* *Ibid.*
 & ego eam, mecum ibunt. idest, si talis fuerit oblatio vestra, quæ mea quoque mereatur prosecutione deferri. Ad Galatas quoque, cum prædicationis ministerium cum Apostolis partiretur, hoc idem se de pactum cum Iacobo, Petro, & Ioanne testatur, ut licet prædicationem suscipere gentium, pauperum tamē qui erant Hierosolymis, nequam sollicitudinem curamque respueret: qui propter Christum vniuersis rebus suis renuntiantes, spontaneam subierant egestatem: Et cum vidissent, inquit, gratiam Dei quæ data est mihi, Iacobus & Cephas, & Ioannes, qui videbantur columnæ esse, dextras dederunt mihi & Barnabæ societatis, ut nos inter gentes prædicaremus, ipsi autem in circumcisione: tantū ut pauperum memores essemus. *Galas. 2.* Quam rem omni sollicitudine se testatur impleisse, dicens: *Quod* *Ibid.*
 etiā sollicitus fui hoc ipsum facere. Qui igitur sunt beatiore, utrum nam hi qui nuper de numero gentium cōgregati, nec prævalentes euangelicam perfectionem conscendere, adhuc suis substantiis inhærebant, in quibus magnus fructus ab Apostolo ducebatur, si saltem ab idolorum cultu & fornicatione, & suffocatis & sanguine reuocati, fidem *Act. 15.*
 Christi cum suis facultatibus suscepissent; an illi qui euangelicæ satisfaciētes sententiæ, crucem Domini quotidie *Luc. 9.*
 portantes, nihil sibi de proprijs facultatibus superesse voluerunt? Cumque ipse beatus Apostolus vinctulis & carceribus obligatus, seu vexatione itineris impeditus, & ob hoc consuetam victus substantiam parare, ut erat solitus, suis manibus non occurrens, a fratribus qui de Macedonia venerant, supplementum suæ necessitatis se asserat accepisse: (Nam quod mihi, inquiens, decrat, suppleuerunt fratres qui venerunt a Macedonia. Et ad Philippenses ipse referens: Scitis enim & vos Philippenses, quia in principio Euangelij, quando profectus sum a Macedonia, nulla ecclesia mihi communicauit in ratione dati & accepti, nisi vos soli: quia & Thessalonicam & semel & bis in usum mihi misistis.) erunt, secundum istorum sententiam quam mente tepida conceperunt, & isti beatiore Apostolo, quia de suis inueniuntur ei substantijs impartisse? *Quod* *2. Cor. 12.*
Philip. 4.

Quod

Quod si Apostolos imitari velimus, non debemus nostra definitionibus viuere, sed illorum exempla sectari. Cap. XVIII.

Quamobrem si euangelico præcepto volumus obedire, & Apostoli, ac totius illius ecclesiæ primitiæ, seu patrū qui virtutibus ac perfectioni eorum nostris temporibus successerunt, imitatores existere; non nostris definitionibus acquiescamus, de hoc tepido ac miserabili statu perfectionem nobis euangelicam pollicentes: sed illorum sectantes vestigia circumuenire nosmetipsos minime studeamus, & ita monasterij disciplinam institutionemq. pariter expectamus, vt in veritate renuntiemus huic mundo, nihil ex his quæ contempsimus infidelitate nos retrahente seruantes: quotidianum victum non recondita pecunia, sed opere proprio conquiramus.

Sententia sancti Basilij episcopi aduersus syncreticum quendam prolata. Cap. XIX.

συγκλη-
τικόν,
id est, se-
natorem.
al. corpo-
ris.

Fertur sententia S. Basilij Cæsariensis episcopi, ad quen-
dam prolata * syncreticum, tali quo diximus tempore torpentem: qui cū se renuntiasse diceret huic mundo, quædā sibi de proprijs facultatibus reseruauit, nolēs exercitio manū suarum sustentari, & humilitatem verā nuditate, & † operis cōtritione, monasterijq. subiectione cōquirere: Et syncreticum, inquit, perdidisti, & monachum non fecisti.

Quam ignominiosum sit a Philargyria superari. Cap. XX.

Itaq. si agonem spiritalem certare legitime cupimus, hunc quoq. perniciosum hostem a nostris cordibus extrudamus. Quem quantū superare non magnæ virtutis est; tantum ab eo vinci ignominiosum plenumq. dedecoris. A potēte enim elidi, licet sit in deiectione dolor, & gemitus in amissione victoriæ, tamen quodāmodo de aduersarij robore victis nascitur consolatio. Sin vero & inimicus exilis, & genus colluctationis infirmum, vltra deiectionis dolorem, confusio turpior, & ignominia detrimento grauior infertur.

Quemadmodum superanda sit Philargyria. Cap. XXI.

De quo hæc erit summa victoria triumphusq. perpetuus, vt, quemadmodum dicitur, nec minuto quidem nummo

summo cōscientia monachi polluāt. Impossibile namque est eum qui victus exigua stipe, concupiscentiæ semel in corde suo radicem susceperit, non maioris desiderij protinus incendio conflagrari. Tamdiu namque miles Christi victor ac securus, cunctaq. cupiditatis impugnatione erit externus, donec initia concupiscentiæ huius hic nequissimus spiritus in corde eius non seuerit. Quapropter cum in cunctis generibus vitiōū generaliter serpentis caput oporteat observari, in hoc præcipue diligentius convenit præcaueri. Quod si fuerit intromissum, sua materia conualescēs ipsum sibi met vchementiora suscitabit incendia. Ideoque non solum pecuniarum est cauenda possessio, verum etiam voluntas ipsa ab animo penitus extrudēda. Non enim tam effectus Philargyriæ vitandus est, quàm affectus ipsius radicitus amputandus. Nihil enim proderit pecunias non habere, si voluntas in nobis fuerit possidendi.

Gen. 5.
sec. lxx.

*Quod possit quis etiam non habens pecunias Philargyrus
iudicari. Cap. XXII.*

Possibile namq. est etiam non habentem pecunias nequaquam Philargyriæ morbo carere, nihilq. ei professe beneficium nuditatis, qui cupiditatis vitium refecare non valuit: paupertatis bono non virtutis meritō delectatus, & necessitatis onere non sine cordis languore contentus. Quemadmodum enim corpore nō pollutos, euangelicus sermo pronuntiat corde mæchatos, ita pecuniæ quoq. pondere minime sarcinatos, affectu ac mente cum Philargyris condemnari possibile est. Occasio enim eis habendi defuit, non voluntas, quæ semper apud Deum solet magis quàm necessitas coronari. Itaq. festinandum nobis est, ne in vacuum laborum nostrorū emolumenta depereant. Miserabile namque est paupertatis ac nuditatis exitus tolerasse, fructus vero earum cæstæ voluntatis vitio perdidisse,

Matth. 8.

Exemplum de Iuda. Cap. XXIII.

Vis nosse quàm perniciose, quàm noxie, fomes iste nisi fuerit diligenter excisus, ad eius interitū qui eū conceperit fruticet, & omnigenis pullulet ramulculis vitiōrum? Respice Iudam Apostolorum numero deputatum, quia noluit serpentis huius caput letale conterere, qualiter cum suo veneno peremerit, & cōcupiscentiæ laqueis irre-

Gen. 3.

ritum

Matt. 20

al. neca-
zionis

Ioan. 12.

titum, ad quam abrupti præcipitij crimen impegerit, redemptorem mundi & humanæ salutis auctorem triginta argenteis vendere persuaferit. Qui nequaquam esset ad tam scelestum prodicionis facinus deuolutus, si non Philargyræ morbo fuisset infectus: nec dominicæ † negationis reus sacrilegus extitisset, nisi prius solitus fuisset creditos sibi loculos compilare.

Quod Philargyria nisi nuditate vinci non possit. Cap. XXIV.

Immane fatis & euidentis tyrannidis huius exemplum, quæ semel (vt diximus) animæ captiuatæ nullâ permittit honestatis regulam custodire, nec vlla quæstus adiectione satiari. Finis enim rabiei huius non diuitijs, sed nuditate conquiritur. Deniq. cum hic ipse ob hoc loculos dispensationi pauperum deputatos suæ potestati creditos accepisset, vt saltem pecuniarum abundantia satiatu concupiscentiæ suæ modum imposeret, in tantum copia earum in abundantiorē fomitem cupiditatis exarsit, vt iam non loculos clanculo compilare, sed ipsum Dominum venundare maluerit. Vniuersas enim diuitiarum moles, cupiditatis huius rabies exuperat.

De exitu Anania & Sapphira & Iuda quem Philargyria impellente subierunt. Cap. XXV.

Act. 5.

DEniq. princeps Apostolorum his eruditus exemplis, sciens habentem quidpiam cupiditatis fræna non posse moderari, nec finem eius in parua summa magnave consistere, sed in sola nuditatis virtute, Ananiam & Sapphiram, quorum superius fecimus mentionem, quia sibi quidpiam de sua facultate seruauerant, morte multauit, vt interitum quem ille ultro sibi pro reatu dominicæ prodicionis intulerat, hi pro mendacio cupiditatis exciperent. Quanta in hoc quoq. facinoris ac supplicij similitudo cõcurrit. Ibi namq. Philargyræ proditio, hic falsitas subsecuta est. Ibi veritas proditur, hic mendacij crimen admittitur. Licet enim operis eorum dissimilis videatur effectus, unus tamen finis in utroq. concurrat. Ille namq. refugiens paupertatem resumere, quæ abiecerat concupiuit; hi ne fierent pauperes, de substantia sua quam aut Apostolis offerre fideliter, aut totam dispergere fratribus debuerant, quiddam retinere tentarunt. Et ideo utrobyq. sequitur mortis dam-
natio,

natio, quia utrumque crimen de Philargyria radicibus pul-
lulauit. Itaque si in eos qui non alienas concupierunt sub-
stantias, sed proprijs parcere tentauerunt, nec habuere de-
siderium acquirendi, sed seruandi tantummodo volunta-
tem, processit tam seuera sententiâ, quid censendum de his
qui numquam possessas pecunias cupiunt congregare, &
nuditate coram hominibus præferentes, affectu concu-
piscentiæ coram Deo diuites comprobantur?

Quod Philargyria lepram animæ inserat spiritalem.

Cap. XXXVI.

Qui secundum similitudinem Giezi spiritu ac mente 4. Reg. 5.
leprosi esse noscuntur, qui mundi huius caducas pec-
unias concupiscens, immundæ lepræ contagione resper-
sus est. Per quam nobis euidenter reliquit exemplum, omnem
animam cupiditatis labe pollutam spiritali vitiorum lepra
respergi, immundamque apud Dominum perenni maledi-
ctione reputari.

*Testimonia de scripturis, quibus perfectionem desiderâs edo-
cetur non resumere quæ renuntians abdicauit.*

Cap. XXXVII.

Igitur si perfectionis desiderio dimittens omnia secutus
es Christum dicentem tibi: Vade vende omnia quæ ha- Matt. 19.
bes & da pauperibus, & habebis thesaurum in cælo, & ve- Luc. 9.
ni sequere me; quid missa super aratrum manu respicis re-
tro, ut eiusdem Domini voce pronuntieris non esse aptus
regno cælorum? Super rectum euangelici culminis stabili- Matt. 24.
tus, quid descendis tollere aliquid de domo tua, ex his vide-
licet quæ antea contempsisti? Constitutus in agro atque ope-
ratione virtutum, substantia mundi qua te renuntians spo-
liasti, quid recurrens niteris reuestiri? Si veto paupertate
preuentus nihil quod dimitteres habuisti, multo minus ac-
quirere debes quod antea non possedisti. Ob id enim ita Do-
mini beneficio præparatus es, ut expeditior ad eum nullis
pecuniarum laqueis impeditus accurreres. Verumtamen
nullus in hoc egens frangatur, nemo est enim qui non ha-
beat quod dimittat. Vniuersus renuntiavit facultatibus mû-
di, quisquis affectum possidendi eas radicitus amputauit.

*Quod aduersus Philargyriam victoria non aliter possit nisi
nuditate conquiri.* *Cap. XXXVIII.*

Hæc est igitur de Philargyria perfecta victoria, ut par-
uissimæ cuiuslibet stipis in corde nostro residere non
sinamus

sinamus igniculum, certi quòd restringendi cum non habebimus vltcrius facultatem, si quantulamcumq. scintillæ huius in nobis materiam fouerimus.

Quemadmodum possit nuditas a monacho sustentari. Cap. XXIX.

Quam virtutem non aliàs retinere valebimus illibatā, nisi in monasterio consistentes, secundum Apostolū:
a. Tim. 6 habentes victum & uestimentum his contenti fuerimus.

Remedia contra morbum Philargyria. Cap. XXX.

Act. 5. **D**amnationem ergo Ananiæ & Sapphiræ memoriter retinentes, horrescamus aliquid ex his reseruare quæ repuntiantes penitus abdicare deuouimus. Giezi quoque pertimescamus exemplum, qui ob Philargyriæ culpam
4. Reg. 5. pl. aeterno. æternæ supplicio lepræ multatur, & aliquid ex his quæ nec ante possedimus caueamus acquirere. Nec non etiam
Matt. 27. Iudæ vel meritum vel exitum formidantes, quicquam pecuniæ resumere, quam semel a nobis abieciimus, tota virtute uitemus. Super hæc omnia considerantes conditionem fragilis incertæq. naturæ nostræ, caueamus ne dies Domini sicut fur in nocte superueniens maculatam uel uno obolo nostram conscientiam deprehendat; qui omnes fructus nostræ renuntiationis euacuans, illud quod in Euangelio diuiti dictum est, ad uos quoque faciat uoce Dominica dirigi: Stulte, hac nocte animam tuam expetent a te: quæ autem parasti, cuius erunt? Nihilq. de crastino cogitantes, numquam nos de cœnobij disciplina patiamur auelli.

Quod non possit quis Philargyriam vincere nisi in cœnobio perseverans: & quemadmodum possit ibidem permanere. Cap. XXXI.

Quod sine dubio nequaquam permittemur implere, sed ne sub institutionis quidem regula permanere, nisi prius patientiæ virtus, quæ non aliunde quàm de humilitatis fonte procedit, in nobis fuerit firma soliditate fundata. Illa namque nulli commotiones nouit inferre: hæc uero illatas sibi magnanimiter tolerare.

LIBRI VII. FINIS.

IOAN-

IOANNIS CASSIANI

EREMITAE

DE SPIRITVIRAE.

LIBER OCTAVVS.

Quod quartum certamen aduersus ira sit vitium, & quanta mala generet hac perturbatio. Cap. I.



Varto quoque certamine est iræ mortiferum virus de recessibus animæ funditus eruendum. Hac enim in nostris cordibus insidente, & oculum mentis noxijs tenebris obcæcante, nec iudicium rectæ discretionis acquirere, nec honestę contemplationis intuitum, nec maturitatem consilij possidere, nec uitæ participes, nec iustitiæ tenaces, sed ne spiritalis quidem ac veri luminis capaces poterimus existere, quia turbatus est, inquit, præ ira oculus meus. nec sapientię participes effici, tametsi sapientes omnium pronuntiari opinione uideamur; quia ira in sinu insipientium requiescit. Sed ne vitam quidem immortalitatis consequi poterimus, quamuis prudentes videamur definitione hominum iudicari; quia ira perdit etiã prudentes. Nec iustitię moderamina perspicaci discretionem ualebimus obtinere, licet perfecti sãctiq. cūctorum opinationibus æstimemur; quia ira viri iustitiam Dei non operatur. Ipsam quoque honestatis grauitatem quę etiam uiris sæculi huius solet famulari existere, nullo modo possidere poterimus, licet nobiles & honesti natalium prærogatiua putemur; quia uir iracundus inhonestus est. Consilij etiam maturitatem nullatenus ualebimus obtinere, quamuis graues & summa scientia præditi uideamur; quia uir iracundus agit sine consilio. Sed nec quieti esse a perturbationibus noxijs, nec poterimus carere peccatis, tametsi nequaquam nobis inquietudines ab alijs inferantur; quia uir animosus parat rixas, uir autem iracundus effodit peccata.

Psal. 30.

Eccl. 7.

Prou. 15.

sec. LXX.

Iacob. 2.

Prou. 12.

sec. LXX.

Prou. 14.

sec. LXX.

Prou. 15.

& 29. sec.

LXX.

De

De his qui dicunt iram non esse noxiam si delinquentibus irascamur, quia & ipsa Deus irasci dicatur. Cap. II.

Nonnullos audiuimus hunc animæ perniciosum morbum ita excusare tentantes, ut eum detestabiliore interpretatione scripturarum extenuare gestirent, dicentes non esse noxium si delinquentibus fratribus irascamur: si quidem, inquit, ipse Deus contra eos qui eum vel scire nolunt, vel scientes contempnunt, furere atque irasci dicatur, *Psal. 105.* ut ibi: Et iratus est furore Dominus in populum suum. vel *Psal. 6.* cum orat Propheta, dicēs: Domine ne in furore tuo arguas me, neque in ira tua corripas me: non intelligentes quòd dum hominibus occasionem pestiferi vitij volunt concedere, immensitati diuinæ ac fonti totius puritatis iniuriam carnis admisceant.

De his qua in Deo ex nostra natura consuetudine nominantur. Cap. III.

Sic enim hæc cum dicuntur de Deo, carnali & pingui sensu secundum litteræ significationem accipienda sunt, ergo & dormit, cum dicitur. Exurge, quare obdormis Domine? de quo alibi dicitur: Ecce non dormitabit neque dormiet qui c. stodit Israel. & stat, ac sedet, cū dicit: Cælū mihi sedes, terra autem scabellum pedum meorum: qui metitur cælum palmo, & terram pugillo concludit. & crapulatur a vino, cum dicitur: Et exsurrexit sicut dormiens Dominus, sicut potens crapulatus a vino: qui solus habet immortalitatem, & lucem habitat inaccessibilem: ut prætermittā ignorationem & obliuionem, quæ de ipso legimus in scripturis sanctis frequenter inserta. deinde linamenta membrorum, quæ tamquam de homine figurali & composito describuntur, capite & naribus, oculis ac facie, manibus ac brachijs, digitis, vtero, pedibusque: quæ omnia secundum vilem litteræ sonum si voluerimus admittere, Deum linamentis membrorum & corporea figura compositum, quod dictu quoque nefas est, quodq. absit a nobis, necesse est æstimari.

Qualiter de affectibus membrisq. humanis qua indemutabili & incorporeo Deo adscribi legimus, sentiendum sit. Cap. IV.

ITaque ut hæc secundum litteram nō absque nefando sacrilegio possunt intelligi super eo qui inuisibilis ineffabilis,

fabilis, incomprehensibilis, inestimabilis, simplex, & in-
 cōpositus sanctarum scripturarum auctoritate definitur;
 ita ne furoris quidem & iræ perturbatio, illi indēmutabili
 naturæ sine ingenti blasphemia poterit coaptari. Nam hu-
 iusmodi significatione membrorum diuinas efficiēcias
 Dei & immensas operationes eius sentire debemus, quæ
 nobis nisi per hæc vīitata vocabula membrorum nequeūt
 intimari: vtpotā significatione oris colloquutionē eius, quæ
 in arcanos animæ sensus solet elementer infundi, vel quod
 in patribus nostris atque prophetis idem locutus sit, agno-
 scamus: in oculis immensitatem perspicaciæ, qua vniuersa
 perlustrat ac perspicit, & quod nihil eum ex his quæ a no-
 bis geruntur gerendæ sunt, seu cogitantur, lateat, scire
 possimus: manuum nuncupatione prouidentiam & ope-
 rationem, qua quod omnium ipse sit creator & conditor
 sentiamus: brachiū quoque virtutis & gubernationis eius
 insignia † quibus cuncta sustentat, moderatur, ac regit. Et
 vt de ceteris taceam, canities capitis quid aliud quā longi-
 quitatem Deitatis & antiquitatē significat? Quia sine vl-
 lo principio est & ante omnia tempora, & creaturas exce-
 dit vniuersas. Ita igitur & de ira Dei vel furore cū legimus,
 non ἀνδραποδαῖως, id est, secundum humilitatem huma-
 nę perturbationis; sed digne Deo, qui omni perturbatione
 alienus est, sentire debemus: scilicet quo per hæc cum iu-
 dicem & ultorem omnium, quæ inique geruntur in hoc
 mundo, possimus aduertere, & retributorem terribilem
 actuum nostrorum his verborum significationibus formi-
 dantes, cōtra illius uoluntatem quidquā timeamus admit-
 tere. Illos etenim timere consuevit humana natura, quos
 indignari nouit & veretur offendere, ut in nonnullis æqui-
 simis iudiciis soler ab his, qui aliquo reatu suę conscien-
 tię remordentur, ira ultrix timeri; non scilicet quod hæc in
 animis eorum, qui iuste iudicaturi sunt perturbatio consi-
 stat, sed quod ita metuentibus ille sentiatur affectus, qui
 pro executione legum, examinatione iustitię, & æqui li-
 bratione procedit. Quæ tamen quantalibet animi fuerit
 mansuetudine ac lenitate † prolata, ab his qui pro suo me-
 rito pœna plectendi sunt, furor grauis & ira squissima iu-
 dicatur. Longum est nec præsētis operis, si uoluerimus
 omnia, quæ de Deo humana significatione figuratiter in
 scripturis dicta sunt, explanare. Hæc ad præsentem neces-
 sitatem

al. qua

al. proposi-
ta

H sitatem

sitate quæ contra furoris virium pertinebant, dixisse sufficiat, vt nullus exinde sibi met occasionem morbi mortisq. perpetuæ per ignorantiam trahat, vnde sanctitas & immortalitas vitæ salutisq. remedia conquiruntur.

Cuius placiditatis monachum esse conueniat. Cap. V.

Ephes. 4.

ITaque monachus ad perfectionem tendens, & agonem spiritalem legitime cupiens decertare, omni iræ furorisq. vitio alienus existat, & audiat quid sibi vas electionis præcipiat: Omnis, inquit, ira, & indignatio, & clamor, & blasphemia tollatur a vobis, cum omni malitia. Cum dicit, Omnis ira tollatur a vobis, nullam penitus velut necessariam & vilem nobis excepit. Delinquentemq. fratrem si necesse est, ita curare festinet, vt dum medelam leuiori forsitan febricula laboranti procurat inferre, non semetipsum iratus terriori morbo cæcitatis inuoluat. Oportet namque illum qui alterius vulnere mederi cupit omni languoris morbo alienum sanumq. subsistere, ne illud euangelicum dicatur ei: Medice prius cura teipsum; ac videns festucam in oculo fratris sui, trabem in oculo suo non videat, vel quomodo videbit ei iicere festucam de oculo fratris sui, qui trabem furoris gestat in oculo suo?

Luc. 4.

Matth. 7.

De iniusta iracundia commotione vel iusta.

Cap. VI.

al. penetrantem

Qualibet ex causa iracundiæ motus efferuens excæcat oculos cordis; & acumini visus exitialem validioris morbi ingerens trabem, solem iustitiæ intueri non sinit. Nihil interest, vtrum aurea lamina plumbeave seu cuiuslibet metalli oculorum obrutibus imponatur: differentiam cæcitatis non facit pretiositas metallorum. Habemus sane iræ ministerium satis commode nobis insertum, ad quod solum eam recipere vtile nobis est ac salubre, cum contra lasciuientes cordis nostri motus indignantes infremimus: & ea quæ agere confundimur coram hominibus siue proloqui, in latebras ascendisse nostri pectoris indignamur: angelorum scilicet ac Dei ipsius præsentiam vbique & omnia penetrantis, oculumq. eius tota formidine tremiscentes; quem nequaquam possunt conscientiæ nostræ latere secreta.

JOHN

In quo

*In quo tantummodo nobis ira sit necessaria, vel quibus beati
David exemplis ira salubriter assumatur. Cap. VII.*

VEl certe cum contra hanc ipsam irā cur nobis aduersus fratrem irreperit commouemur, & irati letales instigationes eius extrudimus, nec in abditis pectoris nostri noxias eam latebras habere permittimus. Taliter nos irasci etiam ille propheta docet, qui in tantum hauc e suis abegerat sensibus, ut ne inimicis quidem propriis, & quidē a Deo sibi traditis, maluerit reddere talionem: Irascimini, *Psal. 4.* inquiens, & nolite peccare. Ille enim cū aquam de cisterna Bethleemica concupisset, eamq. a vitis fortibus per medias hostium cateruas suscepisset allatam, protinus effudit in terrā: & ita voluptuosam concupiscentiā passionē iratus extinguens, libauit eam Domino, & cupiditatis suæ desiderium non expleuit, dicens: Propitius sit mihi Dominus ne faciam hoc. Num sanguinem hominum istorum qui profecti sunt, & animatum periculum bibam? Vel cū Semei in regē Dauid audiente eo lapides & maledicta ingereret coram omnibus, vellentq. Abisai filius Saruix princeps militum, conuicij regalis ultionem truncatione capitis eius explere: beatus Dauid aduersus diuinam suggestionē eius pia indignatione comotus, humilitatis modum & patientiæ rigorem in concussa lenitate seruauit, dicens: Quid mihi & vobis filij Saruix? Dimittite eū ut maledicat. Dñs *Ibid.* enim præcepit ei ut malediceret Dauid: & quis est qui audeat dicere, quare si fecerit? Ecce filius meus qui egressus est de utero meo, quærit animā meam; quanto magis nūc filius Iemini? Dimittite eum ut maledicat iuxta præceptū Domini, si forte respiciat Dominus afflictionem meam, & reddat mihi bonum pro maledictione hac hodierna.

De ira aduersus nosmetipsos suscipienda. Cap. VIII.

Iubemur itaq. irasci salubriter, sed nobismetipsis, ac suggestionibus accedentibus prauis: & non peccare, ad effectum scilicet eas noxiū perducentes. Denique hunc eundem sensum euidentius explanat versiculus sequens: Quæ *Psal. 4.* dicitis in cordibus vestris, in cubilibus vestris compungi mihi: id est, quæcumque in cordibus vestris ingruentibus repentinis ac lubricis instigationibus cogitatis, cōsiliij moderatione omnem strepitum & perturbationem furoris

Ephes. 4.
Ibid.

amouentes, uelut in cubili quietis positi, compunctione saluberrima emendate atque corrigite. Denique beatus Apostolus vsus huius versiculi testimonio, cum dixisset: Irascimini & nolite peccare, subiunxit: Sol non occidat super iracundiam uestram, neque detis locum diabolo. Si noxium est super iracundiam nostram occidere solem iustitiæ, & irati confestim locum diabolo damus in corde nostro? quomodo superius præcipit ut irascamur, dicens: Irascimini & nolite peccare? Nonne euidenter hoc dicit: irascimini vitij & furori uestro, ne ꝑ conuiuentibus vobis sol iustitiæ Christi incipiat propter iracundiam uestram mentibus obscuratis occidere, & discedere illo locum diabolo in uestris cordibus præbeatis?

De quo sole dicatur, ut non occidat super iracundiam nostram. Cap. IX.

Malac. 4.

Amos. 8.

al. discretionem sua.

al. deest, dicere.

Marth. 5.

DE quo sole per prophetam Deus euidenter cōmemoratur sol iustitiæ, & sanitas in pennis eius. Qui rursus peccatoribus & pseudoprophetis, illisq. qui irascuntur, occidere dicitur medio die, dicente propheta: Occidet eis sol in meridie. Vel certe secundum tropicum sensum, mens, id est, vōs, siue ratio, quæ pro eo quod omnes cordis cogitationes ꝑ discretionemq. perlustrat, sol merito nuncupatur, iræ vitio non extinguatur, ne eadem occidente, perturbationū tenebræ cum auctore suo diabolo vniuersum nostri cordis occupent sensum, & tenebris iræ possessi, velut in nocte cæca, quid nos agere oporteat ignoremus. Tali sensu hunc Apostoli locum institutis seniorum traditum nobis, quia necesse fuit quemadmodum de ira sentirent ꝑ dicere, licet longiore sermone protulimus, qui eam nec ad momentum quidem cor nostrum penetrare permittunt, illud Euangelij omnimodis obseruantes: Qui irascitur fratri suo, reus erit iudicio. Ceterum si vsque ad occasum solis licitum sit irasci, ante furoris satietatem & vltre eis iræ commotionem poterunt noxiæ perturbationes explere, quàm iste sol ad locum sui vergat occasus.

De his quorum iracundia ne occasus quidem solis istius modum ponit. Cap. X.

al. dicendum

Quid vero ꝑ dicam de his (quod quidem dicere sine mea confusione non possum) quorum implacabili

tati

tati nec hic quidem sol occidens terminum ponit, sed per dies eam plurimos protelantes, atq. aduersus eos in quos commoti fuerint, rancorem animi referuantes, negant quidem se verbis irasci, sed re ipsa & opere indignati grauissime comprobantur. Nam neq. eos cōgruo sermone compellant, nec affabilitate eis solita colloquuntur; & in eo se minime delinquere putant, quòd vindictam suā commotionis nō expectant: quam tamen quia proferre palam & exercere aut non audent, aut certe non possunt, in suam perniciem virus iracundiæ retorquentes concoquunt in corde taciti, ac silentes in semetipsis consumunt, amaritudinem tristitiæ non virtute animi protinus expellentes, sed digerentes processu dierū, & vtcumq. pro tempore mitigantes.

Quod hic finis tristitia vel ira sit, ut hoc quod præualeat unusquisq. perficiat. Cap. XI.

Quasi vero non hic finis † vtrique vindictæ sit, & abun- al. vnt. cuique
dequis furori proprio vel tristitiæ satisfecerit, si id quod præualeat, ira instigante compleuerit: quod hi quoque facere nō scūtur, qui motus suos non appetitu placiditatis, sed inopia vltionis cohibent: nihil enim inferre amplius his, quibus irati sunt possunt, nisi vt cum eis affabilitate solita minime colloquatur, aut quasi in effectu operis solummodo sit iracundia moderanda, & non potius ab arcanis nostri pectoris eruēda, ne tenebris illius obscurati, nec cōsiliij salubris, nec sciētiæ lumen admittere; sed nec templū Spiritus sancti, habitāte in nobis spiritu iracundiæ, nequaquam valeamus existere. Cohibitus enim in corde furor, adstantes quidem homines non offendit, sed æque Spiritus sancti splendidissimum iubar, ac si prolatus, excludit.

Quod ne momentaneam quidem iram liceat retentari. Cap. XII.

Aut quemadmodum vel ad momentum vult eam Dominus retentari, qui nec sacrificia quidem spiritalia orationum nostrarū permittit offerri, si vel aliū contra nos aliquid rancoris habere cognoscimus, dicens: Si offers manus tuam ad altare, & ibi recordatus fueris quòd frater tuus habet aliquid aduersum te, relinque ibi munus tuū ad altare, & vade prius reconciliare fratri tuo, & sic venies offer munus tuum? Matt. 5. Quomodo ergo, non dicam vsque iu-

dies plures, sed vel vsque ad occasum solis istius permittimur contra fratrem retinere tristitiā, qui ne illo quidē habente aliquid aduersum nos orationes nostras Deo offerre concedimur? quibus præcipitur ab Apostolo: Sine intermissione orate. & In omni loco leuantes puras manus sine ira & disceptatione? Superest igitur vt aut numquam oremus huiuscemodi virus retinentes in cordibus nostris, & apostolico huic præcepto siue euāgelico, quo indefinēter & vbique iubemur orare, simus obnoxij; aut si nosmetipsos circumuenientes precem fundere contra eius interdictum præsumimus, non orationem Domino, sed rebellione spiritus contumaciam nos eidem nouerimus offerre.

De reconciliatione fraterna.

Cap. XIII.

ET quia plerumq. seu læsos fratres & contumaces contemnimus, vel certe non vitio nostro dicentes eos offensos despiciamus: animarū medicus & oecultorum conscius, occasiones iracundiæ volēs radicitus a cordibus nostris euellere, nō solum si læsi fuerimus iubet nos remittere, & reconciliari fratribus nostris, nullāmq. aduersus eos iniuriæ seu læsionis memoriam retinere, sed etiam si illos aduersum nos seu iuste seu iniuste habere aliquid nouerimus, similiter præcipit vt munus nostrum relinquentes, id est, cōpescentes orationes nostras, ad eorum prius satisfactionem tendere festinemus: & ita fratris curatione præmissa, orationum nostrarum munera illibata deferre. Non enim ita nostris obsequijs communis omnium Dominus delectatur, vt quod in vno acquirit, perdat in altero dominante tristitia. In cuiuslibet namque dispēdio vnū patitur detrimentum, qui eodem modo omnium famulorum suorum salutem desiderat & expectat. Et idcirco æque habente aliquid aduersum nos fratre inefficax erit oratio nostra, ac si nos aduersum eum tumentis spiritu indignationis amaritudinem referuamus.

Quod vetus quoque lex iram non tātum de effectu, sed etiam de cogitatione conuallat. Cap. XIV.

Sed quid diutius præceptis euangelicis atque apostolicis immoramur, cum etiam vetus lex quæ aliquid habere remissionis videtur, hæc eadem præcaueat, dicens: Ne oderis fratrem tuum in corde tuo, & iterum? Non eris me-

Leuit. 19.

Ibid.

mor

mor iniuriæ ciuium tuorum. & rursum: Itinera eorum qui *Prom. 12.*
 memoriam retinent malefacti, in mortem? Vides & ibi *sec. LXX.*
 nequitiam non in opere tantum, sed etiam in arcanis co-
 gitationibus refecari, cum de corde odium, & iniuriæ non
 solum retributio, sed etiam ipsa memoria radicitus iubea-
 tur euelli.

*De superflua secessione eorum, qui ab inemendatis moribus
 non recedunt. Cap. XV.*

Interdum superbia vel impatientia superati, cum incon-
 ditos mores nostros atque inordinatos volumus emen-
 dare, solitudinem nos desiderare conquerimur, tamquam
 ibi nullis uos concitantibus illico virtutem patientiæ re-
 perturi; excusantes negligentiam nostram, causasq. com-
 motionis non nostra dicentes impatientia, sed fratrum vi-
 tio generari. Dumq. in alios erroris nostri verumus cau-
 sas, numquam ad patientiæ ac perfectionis calcem valemus
 peruenire.

*Quid tranquillitas cordis nostri non in alterius arbitrio,
 sed in nostra debeat ditione consistere.*

Cap. XVI.

Summa igitur emendationis ac tranquillitatis nostræ nō
 est in alterius arbitrio collocanda, quod nequaquā no-
 stræ subiaceret potestati, sed in nostra potius ditione consi-
 stit. Itaque vt non irascamur, non debet ex alterius perfe-
 ctione, sed ex nostra virtute descendere, quæ non aliena pa-
 tientiæ, sed propria longanimitate conquiruntur.

*Quo studio eremum debeamus expetere, & qualium inibi
 sit profectus. Cap. XVII.*

Porro eremum perfectos omniq. vitio purgatos oportet
 expetere, & excoctis ad purum in congregatione vi-
 tijs, non pusillanimitatis perfugio, sed diuinæ contempla-
 tionis obtentu, & desiderio intuitus sublimioris intrare,
 qui non nisi in solitudine a perfectis solummodo poterit
 apprehendi. Quæcumque enim vitia incurata in eremum
 detulerimus, operata in nobis non abolita sentientur. So-
 litudo namque sicut nouit emendatis moribus contem-
 plationem purissimam referare, & intuitu sincerissimo spi-
 ritualium sacramentorum scientiam reuelare; ita eorum
 qui minus emendati sunt vitia non solum seruare, verum-

etiam exaggerare cōsuevit. Tandiuq. sibi patiens quis videtur & humilis, donec nullius hominis commisceatur consortio, ad naturam pristinam mox reuersurus cum intetpellauerit cuiuslibet commotionis occasio. emergunt quippe ex eo confestim vitia, quæ latebant, & velut equi infrænes certatim e suis repagulis otio longiore nutriti acrius ad perniciem aurigæ proprij ferro cuiusq. prorumpunt. Magis enim exercitio vluq. humano cessante efferantur in nobis vitia, uisi fuerint ante purgata. Ipsamq. vmbra patientiæ, quam possidere imaginarie permixti fratribus saltem pro eorum reuerentia & nota publica videbamur, desidia securitatis amittimus.

Qua comparatione estimandi sint, qui tunc tantum patientes sunt, cum a nemine prouocantur.

Cap. XVIII.

al. innoxia

Quasi vero vniuersa virulenta serpentium genera vel ferarum, cum in solitudine suisq. cubilibus immorantur, non noxia perseuerent, nec tamen ex eo pronuntiari possunt innoxia, quia nulli noccant. Hoc enim eis non affectus bonitatis, sed necessitas solitudinis confert. Quæ cum lædendi copiam nacta fuerint, in semetipsis reconditum virus & animi feritatem protinus egerunt, atque demonstrant. Ideoque perfectionem quærentibus non sufficit contra hominem non irasci. Meminimus enim in solitudine commorantibus nobis, contra calamū cum aut crassitudo eius aut exilitas displiceret, contra ve scalpellū cum incidenda hebeti acie segniter exsecaret, contraq. silicem si forte ex ea festinantibus nobis ad lectionē tardius scintilla ignis emicuit, ita indignationis irrepsisse motum, ut non alias perturbationem mentis quam vel contra insensibiles materias, vel certe aduersus diabolū maledictione prolata digerere atq. euaporare possemus. Quamobrē ad perfectionis dumtaxat rationē non satis proderit, abesse homines, in quos ira moueatur, cū si patientia prius non fuerit acquisita, etiā erga res mutas speciesq. minutas exerceri similiter iracundiæ possit affectus, qui residēs in corde nostro, nec iugē nos possidere tranquillitatis statū, nec residuis vitijs carere permittet: nisi forte in eo putemus cōmotionibus nostris in lucrū aliquod vel remedium comparati, quod maledictionibus vel iracundiæ nostræ minime res inanimæ mutæq.

mutaq. respondeant, & intemperantiam cordis nostri ad maiorem nequaquam prouocent furoris insaniam.

De amputanda ira secundum Euangelium. Cap. XIX.

Quapropter si illam summam diuini præmij cupimus adipisci, de quo dicitur: Beati mundo corde, quoniam ipsi Deum videbunt: non solum e nostris actibus hæc amputanda est, sed etiam de internis animæ radicibus extirpanda. Non enim valde proderit iracundiæ cohibitus furor in verbo, nec in effectum prolatus, si illum arcanis peccatoris nostri Deus, quem secreta non latent cordium, inesse perspexerit. Radices enim vitiorum potius excidi præcipit euangelicus sermo, quàm fructus, qui proculdubio euulsis fomitibus nequaquam ulterius pullulabunt, atque ita mens poterit iugiter in omni patientiâ & sanctitate durare, cum hæc non de superficie operationis & actuum, sed de cogitationum euulsa fuerint penetralibus. Et ideo ne homicidium perpetretur, ira odiumq. succiditur, sine quibus homicidij crimen nullo modo valebit admitti. *Qui* ita scitur enim fratri suo, reus erit iudicio. &: *Qui* odit fratrem suum, homicida est: in eo scilicet quòd eum corde cupiat interire: cuius cruorem propria manu vel telo apud homines minime fuisse cognoscitur, affectu iræ homicida pronuntiatur a Domino, qui nō solum pro operationis effectu, sed etiam pro voluntatis ac voti desiderio, unicuique aut præmium reddet aut pœnam, secundum illud quod ipse loquitur per prophetam: Ego autem opera eorū & cogitationes eorū, venio, vt congregem eum omnibus genibus & linguis. Et Apostolus: Inter se inuicem cogitationibus accusantibus, aut etiam defendentibus, in die qua iudicabit Deus occulta hominum.

Matt. 11.

*Ibid.
1 Ioan. 3.*

Esaï. 66.

Rom. 2.

In eo quod in Euangelio scriptum est: Qui irascitur fratri suo, utrum recipiendum sit, quod adiectum est, sine causa. Cap. XX.

Sciendum tamen in eo quod in quibusdam exemplaribus inuenitur: *Qui irascitur fratri suo sine causa*, reus erit iudicio, superfluum esse, sine causa, & adiectum ab his qui amputandam iram pro iustis causis minime putauerunt: cū utique nullus quamlibet absque ratione commotus, sine causa se dicat irasci. Quamobrem apparet ab eis

Matt. 9.

eis adiectum qui propositum non intellexerunt scripturæ
volentis fomitem iracundiæ omnimodis amputare; nul-
lamq. occasionem indignationis penitus reseruare; ne dū
iubemur irasci cum causa, etiam sine causa irascendi no-
bis intromittatur occasio. Finis enim patientiæ nō in ira-
scendo iuste, sed in penitus non irascendo consistit. Licet
a quibusdam hoc ipsum quod dicitur, Sine causa, ita in-
terpretari sciam, quod scilicet sine causa irascatur is, cui
expetere ultionem irato non liceat. Melius tamen est ita
tenere, ut & nouella exemplaria multa, & antiqua omnia
inueniuntur esse perscripta.

*Remedia, quibus iram de cordibus nostris eradicare
possimus. Cap. XXI.*

QVapropter athletam Christi legitime decertantem,
iracundiæ motus radicatus oportet euellere. Cuius
morbi hæc erit medicina perfecta, ut credamus primitus
nullo modo siue iustis, siue, iniustis ex causis licere nobis
irasci, scientes uos discretionis lumen: rectiq. consilij fir-
mitatē, ipsam quoque honestatem, & iustitiæ moderami-
na protinus amissuros, si principale cordis nostri lumen
eius fuerit tenebris obscuratum. Tum deinde puritatem
mentis nostræ mox perturbandam, templumq. eam sancti
Spiritus effici omnino non posse, iracundiæ in nobis spiri-
tu commorante. Postremo, ut cogitemus nequaquam lice-
re nobis orare, uel itatos fundere preces ad Deum. Et præ
omnibus incertum statum conditionis humanæ præ ocu-
lis habentes, quotidie nos credamus e corpore migratu-
ros; nihilq. nobis continentia castitatis, nihil abrenuntia-
tione omnium facultatum; nihil diuinarum contemptū,
nihil ieiuniorum vigiliarumque laboribus conferendum,
quibus propter iracundiā solam & odium ab vniuersita-
tis iudice supplicia promittuntur æterna.

LIBRI VIII. FINIS.

IOANNIS CASSIANI EREMITAE

DE SPIRITV TRISTITIÆ.

LIBER NONVS.

*Quod quintum certamen sit aduersus spiritum Tristitiæ,
& qua per ipsam menti inferantur dispensa-
dia. Cap. I.*



Vincto nobis certamine edacis Tristitiæ stimuli retūdendi sunt. Quæ si passim per singulos incurfus & incertos ac varios casus obtinendi animum nostrum habuerit facultatem, ab omni nos per momenta singula separat diuinæ cōtemplationis intuitu, ipsamq. mentem ab vniuerso puritatis statu deiectam funditus labefactat ac deprimit. Non orationes eam explere cū solita cordis alacritate permittit, non sacrarum lectionum finit remediis incubare, tranquillum quoque ac mitem fratribus esse non patitur, & ad cuncta operationum vel religionis officia impatientem & asperum reddit; omniq. perduto salubri consilio, & cordis constantia perturbata, velut amentem facit & ebrium sensum, frangitq. & obruit desperatione pœnali.

Qua cautione morbus Tristitiæ sit curandus. Cap. I. I.

Quamobrem non minore prospectu, si spiritalis agonis certamina legitime cupimus desudare, hic quoq. nobis curandus est morbus. Sicut enim tinea vestimento, & vetmis ligno, ita tristitia viri nocet cordi. Satis euidenter ac proprie vim noxi huius ac perniciosi virij, spiritus diuinus expressit.

Prov. 25.

*Quam comparationem habeat anima, qua Tristitia mōr-
sus deuoratur. Cap. I. I. I.*

Vestimentum namque tinearum esu attactum, nullius pretij vel honesti vsus poterit vltius habere commercium: icidemq. lignum vermibus exaratum, non iam ad ornatum vel mediocris ædificij, sed ad combustionem ignis

igniis merebitur deputari. Ita igitur & anima, quæ edacissimis tristitiæ moribus deuoratur, inutilis erit vel vestimento illi pontificali, quod vnguentum Spiritus sancti de cælo descendens, prius in barbam Aaron, deinde in oram suam solere suscipere, sancti Dauid vaticinio perhibetur, secundum illud: Sicut vnguentum in capite, quod descendit in barbam Aaron, quod descendit oram vestimenti eius. Sed nec ad structuram templi illius spiritualis atq. ornatum poterit pertinere, cuius Paulus architectus sapiens posuit fundamenta, dicens: Vos estis templum Dei, & spiritus Dei habitat in vobis. Cuius qualia sint ligna, sponsa describit in Cantico canticorum: Trabes, inquit, nostræ cypressus, tigna domorum nostrarum cedri. Et idcirco huiusmodi ad templum Dei lignorum genera deliguntur, quæ sunt & bonæ fragrantia, & impuribilia, quæque nec corruptelæ vetustatis, nec esui vermium valeant subiacerè.

Vnde vel quibus modis Tristitia gignatur. Cap. IV.

Nonnumquam tamen iræ præcedentis vitio subsequi, seu concupiscentiæ lucriue cuiusdam minus indepti generari solet, cum se harum rerum quadam spe mente concepta quis viderit excidisse. Interdum vero etiam nullis existentibus causis, quibus, ad hanc labem corrumpi pro-uocemur, inimici subtilis instinctu, tanto repente mœrore deprimimur, ut ne carorum quidem ac necessariorum nostrorum aduētum solita suscipere affabilitate possimus, & quidquid ab eis competentem fuerit confabulatione prolatum, importunum nobis ac superfluum iudicetur, nulla a nobis reddatur grata responsio, vniuersus cordis nostri recessus felle amaritudinis occupante.

*Quod non aliorum, sed nostro vitio, commotiones exci-
sentur in nobis. Cap. V.*

Vnde manifestissime comprobatur, non semper nobis aliorum vitio commotionum stimulos excitari, sed potius nostro, qui reconditas in nobismetipsis habemus offensionum causas ac seminaria vitiorum: quæ, cum mentem nostram tentationum imber alluerit, in germina confestim fructusq. prorumpunt.

Quod

Quod nullus repentino lapsu corruat, sed paulatim per longam incuriam recidens pereat. Cap. VI.

Numquam enim quis alterius vitio laceffitus peccare compellitur, si repositam materiem delictorum in suo corde non habeat. Nec tunc subito quispiam deceptus esse credendus est, cum conspecta mulieris forma in baratrum concupiscentiæ turpis inciderit, sed potius occultos ac latentes medullitus morbos, occasione visus, in superficiem tunc fuisse productos.

Quod non sint fratrum deserenda consortia, ut perfectio conquiratur, sed patientia iugiter excolenda. Cap. VII.

Ideoque creator omnium Deus opificij sui curationē præ omnibus noscens, & quia non in alijs, sed in nobismetipsis offensio-num radices causæq. consisterent, non deserenda præcepit fratrum consortia; nec vitari eos, quos læsos a nobis, uel a quibus nos arbitramur offensos, sed deliniri iubet: sciens perfectionem cordis non tam separatione hominum, quàm patientiæ uirtute conquiri. Quæ firme possessa, sicut potest nos etiam cum his, qui oderunt pacem pacificos conseruare, ita si parata non fuerit, ab his quoque, qui perfecti ac meliores nobis sunt, facit iugiter dissidere. Occasionibus enim commotionum, ob quas eos, quibus iungimur, deserere festinamus, in conuersatione humana decisse non poterunt, & idcirco tristitiæ causas, ob quas a prioribus separamur, non euadimus, sed mutamus.

Matth. 9.

Psal. 119.

Quod si mores nostros emendatos habuerimus, possit nobis cum omnibus conuenire. Cap. VIII.

Procurandum itaque nobis est, ut nostra potius emēdare vitia & mores corrigere festinemus. Quæ procul dubio si fuerint emendata, non dicam cum hominibus, sed etiam cum feris & beluis facillime nobis conueniet, secundum illud quod in libro beati Iob dicitur: Bestiæ enim terræ pacatæ erunt tibi. Extrinsecus quippe uenientia non uerebimur offendicula, nec ulla poterunt scandala nobis de foris inferri, si in nobismetipsis intus radices eorum receptæ insertæq. non fuerint. Pax enim multa diligentibus nomen tuum, & non est illis scandalum.

Iob. 1.

Psal. 118.

De

De alio genere tristitia quod desperationem salutis importat. Cap. IX.

Est etiam aliud detestabilius tristitię genus, quod non a correctionem vitę nec emendationem vitiorum, sed perniciosissimam desperationem animę iniicit delinquenti. Quod nec Cain fecit post fratricidium pœnitere, nec Iudam post traditionem ad satisfactionis remedia festinare, *Gen. 4.* sed ad suspendium laquei sua desperatione pertraxit. *Matt. 27.*

In quo tantummodo sit nobis tristitia utilis. Cap. X.

Ideoque utilis nobis una in re tātū tristitia iudicāda est, cum hanc uel pœnitentia delictorū, uel desiderio perfectionis accensi, vel futurę beatitudinis contemplatione *a. Cor. 7.* concipimus. De qua & beatus Apostolus: Quę secundum Deum est, inquit, tristitia, pœnitentiam ad salutem stabilem operatur: sæculi autem tristitia mortem operatur.

Quemadmodum discernatur quę sit utilis ac secundū Deum tristitia, & quę diabolica atque mortifera. Cap. XI.

Sed illa tristitia quę pœnitentiam ad salutē stabilem operatur, obediens est, affabilis, humilis, mansueta, suavis, ac patiēs, utpote ex Dei charitate descēdens, & ad omnem dolorem corporis ac spiritus contritionem, infatigabiliter semetipsam desiderio perfectionis extendens, & quodammodo læta ac spe profectus sui uegeta, cunctam affabilitatis & longanimitatis retinet suauitatē, habens in semet ipsa omnes fructus Spiritus sancti, quos enumerat idē *Galat. 5.* Apostolus: Fructus autē Spiritus est charitas, gaudium, pax, longanimitas, bonitas, benignitas, fides, mansuetudo, continentia. Hęc uero aspera, impatiens, dura, plena rauore & mœrore infructuoso ac desperatione pœnali, cum quę complexa fuerit, ab industria ac salutari dolore frangēs ac reuocans, utpote irrationabilis & intercipientis non solum efficaciam orationum, uerum etiam uniuersos quos prędiximus fructus spirituales euacuans, quos nouit illa conferre.

Quod absque illa salutari tristitia, quę tribus modis generatur, omnis tristitia tamquam noxia repellenda sit. Cap. XII.

Quapropter absque illa quę pro salutari pœnitentia, vel pro studio perfectionis, uel pro desiderio suscipitur

pitur futurorum, omnis tristitia tamquam sæculi, & quæ mortem inferat, æqualiter repellenda est, ac sicut fornicationis spiritu seu Philargyriæ uel iræ de nostris cordibus penitus extrudenda.

Remedia quibus tristitiam a cordibus nostris exterminare possimus. Cap. XIII.

Hanc ergo perniciosissimam passionem ita de nobis expellere poterimus, si mentem nostram spiritali meditatione iugiter occupatam, futuri spe & contemplatione repositæ beatitudinis erigamus. Hoc enim modo uniuersa tristitiarum genera, siue quæ ex præcedenti ira descendunt, siue quæ amissione lucri, uel detrimenti illatione nobis adueniunt, siue de irrogata generantur iniuria, siue quæ de irrationabili mentis confusione procedunt, seu quæ letalem desperationem nobis inducunt, ualebimus superare, cum æternarum rerum ac futurarum intuitu semper læti atque immobiles perdurantes, nec casibus deiectionis præsentibus, nec prosperis fuerimus elati, utraque velut caduca & mox transeuntia † contemplantes.

*al. contem-
nentes.*

LIBRI IX. FINIS.

IOANNIS CASSIANI

EREMITÆ

DE SPIRITV ACEDIAE.

LIBER DECIMVS.

*Quod sextum certamen sit aduersus spiritum Acedia,
& de natura eius. Cap. I.*



Sextum nobis certamen est aduersus eam quam Græci ἀκνδία vocant, nos tædiū siue anxietatē cordis possumus nuncupare. Affinis hæc tristitiæ est, & vagis ac sollicitatijs magis expecta, & in eremo, commorantibus infestior hostis ac frequens, maxime circa horam sextam monachum inquietans, ut quædam febris ingruens tempore præstituto, ædentissimè

dētissimi mos estus accessionū suarum, solitis ac statutis horis animā inferens ægrotanti. Denique nonnulli senum hunc esse pronuntiant meridianum dæmonē; qui in psalmo nonagesimo nuncupatur.

Quemadmodum Acedia serpat in corde monachi, quare inferat menti dispendia. Cap. 11.

Qui cum miserabilem obsederit mentem, horrorem loci, fastidium cellæ, fratrum quoque qui cum eo uel eminus commorantur, tamquam negligetium ac minus spiritualium aspernationem gignit atque contemptum. Ad omne quoque opus quod intra septa sui cubilis est, facit desidem & inertem. Non eum in cella residere, nec operam finiri impendere lectioni, nihilq. se proficere tanto tempore in eadem commorantem erebrius ingemiscit, nec habere se fructum aliquem spiritalem, donec fuerit illi consortio copulatus conqueritur atque suspirat, & ab omni se dolet spiritali quæstu inanem in loco vacuumq. consistere, utpote qui cum posset etiam alios regere ac prodesse plurimis, nullum edificauerit, nec quemquam institutione sua doctrinaq. lucratus sit. Absentia longeque posita magnificat monasteria, loca etiam illa magis ad profectum uilia & saluti congruentiora describit; consortia quoque ibidem fratrum suauia & plena spiritali conuersatione depingit. E contra uniuersa quæ habentur in manibus aspera; & non solum ædificationem nullam esse in fratribus, qui morantur in loco, sed ne ipsum quidem victum corporis absque ingenti labore conquiri. Postremo non posse saluari in eo loco duratē, nisi relicta cella, eum qua sibi si adhuc in ea fuerit remoratus pereundum erit, exinde semetipsum quanto citius asportauerit. Deinde lassitudinem corporis cibi, esuriem, quinta sextaq. hora tantam suscitatur, ut uelut longo itineris grauissimoq. labore confectus sibi nec lassusq. videatur, aut quasi refectioem cibi biduano ieiunio triduanove distulerit. Tum præterea huc illucq. anxius circumspicit, & nec fratrem sibi quempiam aduentare suspirat, sæpiusq. egreditur & ingreditur cellam, ac soleni uelut ad oceanum tardius properantem erebrius intuetur. Et ita quadam irrationabili mentis confusione uelut tetra suppletur caligine, omniq. actu spiritali redditur otiosus ac vacuus, ut nulla re alia tantæ oppugnationis reme-

remedium, quàm visitatione fratris cuiuspiam, seu somni solius solatio posse æsti met inueniri. Deinde Honestas idē morbus ac necessarias suggerit salutationes fratribus exhibendas, visitationesq. infirmorum vel eminus vel cominus positorum. Quædam etiam pia ac religiosa dicit officia, illos vel illas debere parentes inquiri, & ad salutandos eos crebrius properari, illam religiosam deuotamq. Deo feminam, omni præsertim parentum præsidio destitutam, magnum opus esse pietatis frequentius inuisere, ac si quid ei sit necessarium, quæ a proprijs parentibus negligitur atque despicitur, sanctissimum procurari, magisq. oportere in his operam pietatis impendi, quàm † infructuose ac sine ullo profectu in cellula residere.

al. infructuosum.

Quibus generibus monachum superet Acedia. Cap. III.

Agitur itaq. infelix anima talibus inimicorum machinis impetita, donec Acediæ spiritu velut ariete validissimo sangata, aut in somnum discat cōcidere aut excussa claustris cellulae suæ consolationem impugnationis huius visitatione fratris consuescat acquirere, hoc quo vitur ad præsens remedio, paulo post actus infirmāda. Frequentius enim ac durius aduersarius eñ attentabit, quem cōserto prælio præbiturum cominus sibi terga cognoscit, salutemq. sibi non de victoria nec de conflictu, sed de fuga sperare peruidit, donec paulatim protractus e cella actus suæ professionis incipiat obliuisci, quod non est aliud quàm intuitus & contemplatio diuinæ illius & excellentis super omnia puritatis, quæ non alibi potest nisi in silentio & iugæ cellæ perseverantia ac meditatione conquiri, atque ita militiæ suæ fugitiuus ac desertor Christi miles effectus, implicet se negotijs sæcularibus, ei † cui se probauit minime placiturus.

2. Tim. 2.
al. qui

Quod Acedia excacat mentem ab omni contemplatione virtutum. Cap. IV.

Huius egritudinis vniuersa incommoda vno versiculo beatus David eleganter expressit: Dormitauit, inquit, anima mea præ tadio, id est, præ Acedia. Proprie satis non corpus dixit, sed animam dormitasse. Vere enim ab omni contemplatione virtutum & intuitu spiritualium sensuum dormitat anima, quæ perturbationis huius telo fuerit lauciata.

Pf. 118,

Quod duplex Acedia sit in pugna. Cap. V.

ITaque Christi uerus athleta, qui agonem perfectionis cupit legitime decertare, hunc quoque morbum de latebris animæ suæ festinet extrudere, & ita contra hunc quoque nequissimum Acediæ spiritum utrobique contendat, ut neque somni telo elusus concidat, neque de monasterij claustris expulsus, quamuis sub prætextu coloris pij fugitiuus abscedat.

Hi qui ab Acedia cæperint vinci, quatenus collabuntur. Cap. VI.

*al. desidio
sum*

Quemcumque enim in qualibet parte cæperit superare, aut tamquam inertem & † dedititium sibi patietur absque ullo profectu spiritus in cellula commorari, aut excussum exinde instabilem de cetero reddet ac vagum, & ad omne opus desidem; cellas fratrum ac monasteria iugiter faciet circuire, nihilq. aliud procurare, quam ubi quoue colore occasionem refectionis futuræ valeat præparare. Mens enim otiosi nihil aliud cogitare nouit, quam de escis ac ventre, donec inuenta quandoque sodalitate cuiusquam viri vel feminae tēpore æquali torpentis, rebus eorum ac necessitatibus inuoluatur, & ita paulatim reddatur noxijs occupationibus irretitus, ut tamquam serpentinis spiris obstrictus, numquam deinceps ad perfectionem professionis antiquæ se ualeat enodare.

Testimonia Apostoli contra spiritum Acedia.

Cap. VII.

2. Thes. 4.

HVnc morbum qui de Acediæ spiritu nascitur, beatus Apostolus ut uerus ac spiritalis medicus, uel tūc iam conspiciens serpere, uel emersurum inter monachos sancto spiritu reuelante prospiciens, salutaribus præceptorū suorum medicamentis præuenire festinat. Thessalonicensibus enim scribēs, & primo ut peritissimus quidam perfectusq. medicus, infirmitatem susceptorum blanda leniq. uerbi curatione fomentans, ac de charitate incipiens, eosq. in ea parte collaudans, quousque letale vulnus leniore remedio delinitum, deposita tumoris indignatione, facilius medicamina austeriora sustineat, ita ait: De charitate autem fraternitatis nō necesse habemus scribere uobis. Ipsi enim a Deo docti estis, ut diligatis inuicem: Etenim facitis illud in omnes fratres in uniuersa Macedonia. Præmixit laudis fomenta lenia, fecit eorum aures ad curā salutaris uerbi placid-

placidas & paratas. Rursum infert: Rogamus autem vos *Ibid.*
fratres ut abundetis magis. Adhuc eos blanda verborum
lenitate demulcet, ne forte nec dum aptos ad perceptio-
nem perfectæ curationis inueniat. Quid est in quo rogas
Apostole, ut abundant magis? scilicet in charitate, de qua
superius dixerat: de charitate autem fraternitatis non ne- *Ibid.*
cesse habemus scribere vobis: Et quid necesse est ut dicas
eis: Rogamus autem vos ut abundetis magis, qui super
hac re ne scribi quidem sibi aliquid indigent, cum præser-
tim & inferas causam ob quam hoc ipso non egeant, di-
cens: Ipsi enim vos a Deo docti estis, ut diligatis inuicem;
tertium quoque maius adijcias, quod non solum a Deo do-
cti sint, verum etiam compleant opere quæ docentur? Ete-
nim facitis illud, inquis, non in vno tantum vel duobus,
sed in omnes fratres, nec in vestros tantum modo ciues vel
notos, sed in vniuersa Macedonia. Dic igitur tandem,
quid est quod tantopere hoc præmittis? Iterum infert: Ro-
gamus autem vos fratres, ut abundetis magis. Et vix ali- *Ibid.*
quando in id quod olim moliebatur erumpit: Et operam
detis, ut quieti sitis. Dixit primam causam, deinde infert
secundam: Et ut vestra negotia agatis. Tertiam quoque:
Et operemini manibus vestris, sicut præcepimus vobis.
Quartâ: Et ut honeste ambuletis ad eos qui foris sunt. † *Hec absq̃*
ris sunt scilicet qui sæculo viuunt. Quintam: Et nullius *a. v. c.*
aliquid desideretis. Ecce, illa cunctatio, quam tantis pro-
ferre proæmijs differebat, quid in eius pectore parturiebat
agnoscitur. Et operam detis, ut quieti sitis, id est, in ve- *Ibid.*
stris cellulis commorantes, nec diuersis rumoribus qui so-
lent otiosorum votis vel fabulis generari, inquieti effecti,
alijs quoque inquietudines inferatis. Et ut vestra negotia
agatis, non vestra curiositate actus mundi uelit inquirere,
ac diuersorum conuersationes explorantes, opera vestra
non ad correctionem vestram seu uirtutum studia, sed ad
detractiones fratrum uelit impendere. Et operemini ma-
nibus uestris, sicut præcipimus vobis. Ut illa fierent quæ
monuerat superius, ne agerent, id est, ne inquieti essent, & *Ibid.*
aliena curarent negotia, vel inhoneste ambularent ad eos
qui foris sunt, uel alterius aliquid desiderarent, nunc intu-
lit, dicens: Et operemini manibus uestris, sicut præcepimus
vobis. Ut enim illa fierent quæ superius reprehendit, otium
causam esse euidenter expressit. Nullus enim potest vel

al. vitio

inquietus esse, vel aliena curare negotia, nisi qui operi manuum suarum non acquiescit insistere. Quartum quoque intulit morbum, qui ex hoc ipso † otio nascitur, id est, ut inhoneste non ambulent, dicens: Et ut honeste ambuletis ad eos qui foris sunt. Numquam potest nec apud eos quidem qui seculi homines sunt, honeste incedere, qui nequam claustris cellæ & operi manuum suarum inhærere contentus est; sed necesse est eum inhonestum esse, dum necessaria victus requirit, adulationi quoque operam dare, nouitates etiam rumorum sectari, causarum fabularumque occasiones conquirere, per quas sibi metipsi aditum patet ac facultatem qua diuersorum domos valeat penetrare. Et nullius aliquid desideretis. Non potest non alienis donis & muneribus inhiare, qui non delectatur pio quietoq. labore operis sui quotidiani victus parare substantiam. Videtis tot causas, tam graues ac turpes, vna huius uitij labe generari? Denique hos ipsos quos in epistola prima molli fouerat palpatione verborum, qualiter in secunda, velut qui non proficissent ad † molliora remedia, austerioribus quibusdam & causticis medicamentis sanare aggreditur, nullaquam initium verborum fomenta præmittit, non vllam tene ram vocem ac blandam, ut ibi: Rogamus autem vos fratres, sed: Denuntiamus vobis fratres in nomine Domini nostri Iesu Christi, ut subtrahatis vos ab omni fratre ambulante inordinate. Ibi rogat, hic denuntiat. In illa blandientis affectus, in hac obtestantis seueritas & minantis. Denuntiamus vobis fratres. Quia prius rogantes contempsistis audire, saltem nunc denuntiationibus obedite. Ipsamque denuntiationem non nudo verbo, sed cum obtestatione nominis Domini nostri Iesu Christi terribilem infert, ne forte simplicem velut humana voce prolatam rursus contemnerent, nec magnopere ducerent obseruandam. Statimque ut peritissimus medicus putribus membris quibus leni medicamento remedium ferre non potuit, mederi spiritalis ferri incisione pertentat: Ut subtrahatis vos, inquit, ab omni fratre ambulante inordinate & non secundum traditionem quam acceperunt a nobis. Itaque ab his qui uacare operi nolunt, iubet subtrahi, & velut membra otij corrupta putredine defecari, ne inertie morbus velut letale contagium, etiam sanas membrorum partes tabe serpente corrumperet. Dicturusque de his qui operari manibus suis nolunt, & panem

*al. lenio -
ra**2. Thess. 3*

nem

nem suum cum silentio manducare, a quibus etiam præcipit subtrahendum, qualibus eos a principio opprobrijs inu-
 rat attendite. In primis inordinatos dicit, nec secundū suā
 traditionem ambulare: alijs verbis contumaces eos, utpo-
 te qui nollent iuxta institutionem eius incedere, & inhone-
 stos esse designans, id est, non processione, nō visitationis,
 non verbi, non temporis oportunitatem congruam hone-
 stamq. sectantes. Omnibus enim istis vitijs inordinatum
 quemque necesse est subiacere. Et non secundum traditio- *Ibid.*
 nem quam acceperunt a nobis. Et in hoc rebelles eos quo-
 dammodo & contemptores notat, qui traditionem quam
 acceperunt ab eo, tenere contemnerent, nec imitari uellēt
 id quod magistrum nō solum verbo docuisse meminerint,
 sed etiam opere nouerint perfecisse: Ipsi enim scitis quem *Ibid.*
 admodum oporteat imitari nos. Immanem cumulum re-
 prehensionis exaggerat, cum hoc eos asserit non obserua-
 re quod & memoriæ eorum inhæreat, & ad imitandum nō
 solum verbo instruente didicerint, sed etiam exemplo ope-
 rum prouocante susceperint.

*Quod necesse sit inquietum esse eum qui opere manuum sua-
 rum non vult esse contentus. Cap. VIII.*

Quia non inquieti fuimus inter uos, Cum se vult inquie- *Ibid.*
 tum inter eos nō fuisse per operis exercitium cōpro-
 bare, eos qui operari nolunt, abunde notat otiositatis vi-
 tio inquietos semper existere: Neque gratis panem man- *Ibid.*
 ducamus ab aliquo. Per singula verba increpationis
 auxilium facit. Doctor gentium, prædicator Euangelij di-
 cit se non gratis panem ab aliquo manducasse, qui nouit
 Dominum præcepisse, ut qui Euangelium denuntiant, de
 Euangelio uiuant, & rursum: Dignus est operarius cibo
 suo. Cum igitur non gratis qui Euangelium prædicabat, *1. Cor. 9.*
 tam sublime ac spiritale opus exercens, cibum sibi Domi- *Matt. 10*
 nicæ iussione auctoritate præsumeret, quid nos faciemus,
 quibus non solum nulla prædicatio uerbi commissa est,
 sed nec ulla quidem nisi animæ nostræ solius cura man-
 datur? *Qua* fiducia otiosis manibus gratis panem come-
 dere audebimus, quem uas electionis euangelica solici-
 tudine & prædicatione constrictus, sine opere manuum
 comedere non præsumit? Sed in labore, inquit, & fatiga- *2. Thef. 3.*
 tione, nocte & die operantes, ne quem vestrum grauare-

Ibid.

mus. Adhuc additamenta suæ castigationis exaggerat. Nō enim simpliciter dixit: Non comedimus panem gratis ab aliquo vestrum, & stetit. Poterat enim videri proprio otiosoq. sumptu ac recondita pecunia vel aliorum, licet non istorum collatione seu muneribus sustentatus fuisse. Sed in labore, inquit, & fatigatione, nocte ac die operantes, id est, nostro opere specialiter sustentati. Et hoc, inquit, non pro nostra voluntate perpetrabamus, nec pro delectatione, ut requies & exercitium corporis inuitabat, sed ut necessitas & inopia victus non sine ingenti fatigatione corporis facere compellebat. Non solum namque per totum diei spatiū, sed etiam noctis tempore, quod quieti corporis videtur indultum, hoc opus manuum pro cetera solitudine indefinenter urgebam.

Quod non solum Apostolus, sed etiam hi qui cum illo erant, manibus suis operati sunt. Cap. IX.

Ibid.

Nec tamen se solum taliter inter eos conuersatum fuisse testatur, ne forte nō magna nec generalis videretur hæc forma, si ipsius tantummodo traderetur exemplum, sed etiam omnes qui erant secum ad ministerium Euangelij deputati, id est, Siluanum & Timotheum, qui hæc eadem cum eo scribunt, asserit similiter opere laborasse. In eo etiā quod dicit: Ne quem vestrum grauaremus; verecundiam eis incutit magnam. Si enim ille qui Euangelium prædica- bat, signis illud virtutibusq. commendans, ne grauaret quempiam, gratis panem manducare non audet; quomodo illi non æstiment se grauare, qui quotidie cum otiosi vacantesq. præsumunt?

Quod ob hoc manibus suis Apostolus operatus sit, ut nobis operandi praberet exemplum. Cap. X.

Ibid.

Non quasi non habuerimus potestatem, sed ut nosmet- ipsos formam daremus vobis ad imitandum nos. Paudit causam cur tantum sibi laboris indixerit: Ut formam, inquit, daremus vobis ad imitandum nos; ut si forte doctrinam verborum auribus uestris frequēter ingestam obliuioni traderetis, saltem conuersationis exempla sub oculorum fide vobis tradita memoriter retineretis. Haud leuis eorum & in hoc reprehensio, cum dicit, se nulla alia quā exempli gratia, laborem hunc & fatigationem die noctuq.

noctūq. corporis exegisse, & eos nihilominus erudiri nolle, propter quos ipse necessitatem non habens, tantum sibi fatigationis indixerit. Et quidem, inquit, cum haberemus potestatem, & pateret nobis facultates omnium vestrū atque substantiæ, & utendi eis Domini nostri nossem me habere permissum, non sum tamen usus hac potestate, ne quod a me bene ac licito fieret, alijs otij noxij præberet exemplū. Et idcirco Euangelium prædicans, meis manibus atque opere malui sustentari, ut uobis quoque volētibus iter virtutis incedere, uiam perfectionis præirem, & conuersationis formam meo labore præberem.

Quod non solum exemplo, sed etiam uerbis prædicans, monuerit operari. Cap. XI.

Sed ne forte tacitus operans, & erudire eos uolens exemplis, minime illos etiam præceptorum monitis instruxisse videretur, infert: Nam & cum essemus, inquit, apud *Ibid.* vos, hoc denuntiabamus uobis, quoniam si quis nō vult operari, nec manducet. Adhuc illorum desidiā qui sciētes eum vt magistrū bonum doctrinæ gratia & institutionis obtentu suis manibus operatū imitari contemnunt, & diligentiam cautionemq. suam exaggerat, dicens: Non tantum se hoc illis exemplo tradidisse præsentem, sed etiā verbis iugiter prædicasse; vt si quis scilicet non vult operari, nec manducet.

De eodem. Cap. XII.

Non iam doctoris vel medici vtitur ad eos consilio, sed districtione in eos iudiciariæ pronuntiationis inuehitur, & apostolica potestate resumpta, velut e tribunali in contemptores sententiam dicit. Illa nempe potestate, quam cum interminatione, scribens ad Corinthios, a Domino sibi asserit datam, cum eos in delicto positos præmoneret, vt ante aduentum suum semetipsos corrigere festinarent, ita præcipiens: Rogo uos, ne præsens compellar audere in quosdam potestate illa, quæ data est mihi in uobis. Et iterum: Si enim voluero aliquid gloriari de potestate quam dedit mihi Dominus in ædificationem, & non in destructionem uestram, non erubescam. Illa, inquam, potestate pronuntiat: Si quis non vult operari, nec *2. Cor. 12.* manducet; non gladio carnali eos addicens, sed auctori-

Ibid.

2. Thes. 3.

rate Spiritus sancti, huius uitę eis interdicens substantiam: ut si forte pœnam futurę mortis minime cogitantes, adhuc uelleut amore otij existere contumaces, saltem necessitate naturali constricti, & metu pręsentis interitus, salutaria pręcepta suscipere cogerentur.

De eo quod dicit: Audimus enim inter uos quosdam ambulare inquiete. Cap. XIII.

Ibid.

Immo hoc ipso cap.

Post tantum itaque rigorem euangelicę districtiōis, nunc iam causam exponit, cur hæc uniuersa pręmiserit: Audimus enim quosdam inter uos ambulare inquiete, nihil operantes, sed curiose agentes. Nusquam eos qui dediti operi esse uolunt, vno tantum morbo corruptos pronūtiatē contentus est. In priori namque epistola inordinatos eos appellat: nec secundum traditionem ambulare quam acceperant ab eo. Inquietos etiam esse definiit, & gratis panem manducare. Rursum hæc: Audimus, inquit, quosdam inter uos ambulare inquiete. Et subiungit statim secundum languorem, qui inquietudinis huius est radix: Nihil, inquit, operātes. Tertium quoque morbum, qui ex isto uelut quidam ramusculus oritur: Sed curiose agentes.

Quod multa vitia amputet operatio. Cap. XIV.

Ibid.

ITaque fomiti vitiorum tantorum congruam nūc emendationem conferre festinat, & illa apostolica qua usus fuerat paulo ante, deposita potestate, iterum ad uiscera pij patris, uel clementis reuertitur medici, & uelut filiis susceptisq. suis consilio salubri infert remedia sanitatis, dicens: His autem qui eiusmodi sunt, denuntiamus & obsecramus in Domino Iesu, ut cum silentio operantes panem suum manducent. Causas tantorum ulcerum quę de radice otiositatis emergunt, vno operationis salutari pręcepto curauit, ut peritissimus medicorum; ceteras quoq. ualitudines malas eodem celsipite pullulantes sciens protinus extinguentes, origine morbi principalis exempta.

De humanitate etiam otiosis & negligentibus impartienda. Cap. XV.

Nihilominus tamen ut perspicacissimus ac prouidus medicus, non solum infirmantium cupit mederi uulneribus, sed etiam sanis, quibus eorum possit perpetua sospitas

sospitas custodiri, similiter congruentia præcepta cōmendat, dicens: Vos autem nolite deficere benefacientes. *Qui* *Ibid.*
 nos, id est, vias nostras sectantes, exēpla vobis tradita operis imitatione completis, ac nequaquam eorum desūdium inertiamq. sectamini: Nolite deficere benefacientes, id est, humanitatem vestram ergā eos si forte neglexerint obseruare quæ diximus, similiter impettite. Ut castigauit ergo eos qui erant infirmī, ne otio dissoluti inquietudini & curiositati operam darent: ita hos qui sani sunt præmonet, vt humanitatem quā bonis ac malis impartire Domini præcepto iubemur, si forte quidam prauī ad sanam doctrinam conuerti noluerint, nō abscindant ab eis, sed benefacere & fouere eos tā consolatiōis & correptionis sermone, quā beneficijs solitis & humanitate non desinant.

Matth. 5.

Quod non odij, sed dilectionis causa, eos qui delinquunt corripere debemus. Cap. XVI.

Rursum tamen ne forte hac lenitate prouocati, quidam præceptis eius obedire contemnant, intermiscet apostolicam seueritatem: Quod si quis nou obedit uerbo nostro, per epistolam hunc notate, & nolite commisceri cum illo, vt confundatur. Mouensq. eos pro reuerentia sui & utilitate communi quid oporteat obseruari, quaq. cautione apostolica mandata custodiant, subiungit confestim patris indulgentissimi lenitatem, & ut filios suos quem erga prædictos pro charitate fraternitatis affectum debeant retinere, similiter docet: Et nolite, inquit, quasi inimicum existimare, sed corripite vt fratrem. Seueritati iudiciariæ paternam intermiscuit pietatem, & sententiam apostolico rigore prolatam, clementi mansuetudine temperauit. Nam & notari iubet eum qui obedire præceptis suis contempserit, & cum illo non commisceri, & tamen hæc fieri non odij vitio præcipit, sed fraternæ dilectionis & eorum emendationis intuitu: Nolite, inquit, commisceri cum illo, vt confundatur: vt qui non est meis præceptis mitibus emendatus, saltem publica omnium vestrum segregatione cōfusus, ad tramitem salutis aliquando incipiat reuocari.

2. Thes. 3.

Ibid.

Ibid.

Diuersa testimonia quibus Apostolus præcipit operari debere, vel ipse operatus fuisse monstratur. Cap. XVII.

In epistola quoque ad Ephesios de hoc ipso opere ita præcipit, dicens: Qui furabatur, iam non furetur, magis autem

Ephes. 4.

tem

rem laboret operando manibus suis quod bonum est, ut habeat unde tribuat necessitatem patienti. In actibus etiam Apostolorum hæc eadem non solum docuisse eum, sed etiam opere perfecisse similiter inuenimus. Nam cum uenisset Corinthum, alibi se manere non patitur, nisi apud Aquilam & Priscillam, eo quod eiusdem artis essent opifices, quam ipse erat solitus exercere. Ita enim habes: Post hæc Paulus egressus ab Athenis, uenit Corinthum, & inueniens quendam Iudæum nomine Aquilam, Ponticum genere, & Priscillam uxorem eius, accessit ad eos, eo quod eiusdem essent artis, & manebat cum eis, & operabatur. Erant enim scenofactoriæ artis.

Quod tantum operatus sit Apostolus, quantum non sibi soli, sed etiam his qui cum eo erant, posset sufficere. Cap. XVIIII.

Act. 20.

Ibid.

DEinde procedens Miletum, & exinde mittens Ephesum, conuocansq. ad se presbyteros Ephesiorum ecclesiæ, & dans eis præcepta quemadmodum regere ecclesiam Dei se absente deberent, ait: Aurum & argentum nullius concupiui: ipsi scitis quoniam ad omnia quæ mihi opus erant, & his qui mecum sunt, ministrauerunt manus istæ. Omnia ostendi uobis, quia sic laborantes oportet suscipere infirmos, ac meminisse uerbi Domini Iesu, quoniam ipse dixit: Beatus est magis dare quam accipere. Graue nobis suæ conuersationis reliquit exemplum, cum se non solum id operatum esse testatur, quod necessitati tantummodo sui corporis expediret, sed etiam quod usibus eorum qui secum erant posset sufficere: his uidelicet qui quotidie necessarijs ministerijs occupati, nequaquam sibi parare similiter uictum suis manibus occurrebant. Et sicut ad

2. Thes. 3.

Quemadmodum intelligi debeat: Beatius est magis dare quam accipere. Cap. XIX.

Act. 20.

Ibid.

OMnia ostendi uobis, quia sic laborantes oportet suscipere infirmos, scilicet uel mente uel corpore, id est, ut nostro potius labore sumptuq. operis sudore quæsito, & non de abundantia cumulo seu reposita pecunia, sed ne de aliena quidem largitate ac substantia eos reficere festinemus. Et hoc ipsum Domini dicit esse mandatum; Quo-

niam

niam ipse, inquit, dixit, id est, Dominus Iesus: Beatius est magis dare quàm accipere. Hoc est, impertientis beator largitas quàm accipientis penuria, quę non de pecunia per infidelitatem vel dissidentiam reseruata, nec de reconditis auaritię thesauris impēditur, sed quę de fructu operis proprij & pio sudore profertur. Et ideo beatus est magis dare quàm accipere: quia cum illius qui accipit, is qui tribuit habeat paupertatem, nihilominus labore proprio non solū suę necessitati sufficientia, uerumetiam quod tribuat indigenti pia sollicitudine parare festinat; duplici gratia decoratus, quod & perfectam nuditatem Christi vniuersarum rerum suarum abiectione possideat, & munificentiam diuitis laboris sui exhibeat effectu. Hic quidem, honorans Deū de suis iustis laboribus, & delibans ei de fructibus iustitię suę: ille uero, otij torpore & inertia resolutus, indignum se esse etiam cibo panis, Apostoli probat sententia, contra eius scilicet interdictum, otiosus eum non sine reatu contumacię pręsumens.

Prou. 3.

sec. lxx.

De fratre desidioſo, qui alios egredi de cœnobio sollicitabas. Cap. XX.

NOuimus fratrem, cuius etiā nomen si amplius aliquid ex hoc instructionis accederet, proderemus, qui cum in cœnobio moraretur, eumq. necessitas coartaret, ut statutum operis pensum quotidie cœonomo traderet; ne in maiorem operis modum alicuius propensius laborantis tenderetur vel confunderetur exemplo, cum in cœnobio quempiam fratrum uidisset ingressum, qui ardore fidei uellet aliquid amplius operis consignare, si clandestinis eum persuasionibus reuocare ab huiusmodi intētionē minime posset, consilijs prauis ac susurrationibus ad transmigrandū exinde persuadebat. Et quo eū facilius asportaret, se quoque iam olim multis ex causis offensum cōfingebat uelle discedere, si solatium itineris vel comitis repetisset. Cumque eum ad cōsensum occultis obtrectionibus monasterij pellexisset, condicens ei horā qua de monasterio deberet exire, vel locum quo se pręueniens expectaret, ipse uelut ilico subsequaturus ibidem subsistebat. Illoq. iā pro discessus sui verecūdia non audente ad monasteriū de quo aufugerat, ulterius aggregari, illex fugę eius in cœnobio residebat. Hoc unum exem-

Eccli. 33. exemplum de istiusmodi genere hominum pro incipientiū cautione dixisse sufficiat, quo pateat euidentius, quanta mala otiositas secundum scripturæ sententiā in monachi mēte patturiat, vel quemadmodum corrumpat bonos mōres colloquia mala.

*Diuerſa ex Salomone contra Acediam testimo-
nia. Cap. XXI.*

Prou. 28. **Q**uod otiositatis vitium etiam sapientissimus Salomon euidentissime notat in multis, ita dicens: Qui sectatur otium, replebitur paupertate, uel uisibili scilicet, vel inuisibili, qua necesse est otiosum quemque & diuersis vitiis inuolutum teneri, & alienum semper existere a contemplatione Dei uel diuitiis spiritalibus, de quibus beatus Apostolus: *1. Cor. 1.* Quia in omnibus, inquit, diuites facti estis in illo, in omni verbo & in omni scientia. De hac autem otiosi paupertate alibi quoque ita scribitur: Et vestietur cōscissa ueste *sec. lxx.* & pannosa omnis somniculosus. Sine dubio enim nō merebitur illo vestimento incorruptionis ornari, de quo Apostolus precipit (Induite vos Dominum Iesum Christum. *1. Theſſ. 5* & iterum: Induti lorica iustitię & charitatis: & de quo etiā *Eſai. 52.* Dominus ad Hierusalem loquitur per prophetam: Exsurge, exsurge Hierusalem, induere vestimentis glorię tuę) quisquis somno otij uel Acediæ superatus, non industrię suę labore, sed inertię pannis operiri maluerit, quos abscondens de perfecta plenitudine & corpore scripturarum, non vestimentum glorię nec decoris, sed ignominiosum excusationis uelamē suę † coaptabit ignauit. Solent enim hi qui sunt hac segnitie dissoluti, nolentes opere manuum suarum sustentari, quod Apostolus indefinenter exerceuit, uel nobis exercere præcepit, quibusdam uti testimoniis scripturarum, quibus quoddam inertię suę velamen imponant; dicentes scriptum esse: Operamini non cibum qui perit, sed qui permanet in vitam æternam. Et: Meus cibus est, ut faciam voluntatem patris mei. Sed hæc testimonia panni quidam sunt de solida euangelicę lectionis plenitudine abscissi, & ad hoc assuuntur, ut contegant potius ignominiam otiositatis ac uerecundię nostrę, quā ut calefaciant & exornent nos illa pretiosa veste perfectaq; virtutum, quam in Prouerbiis mulier illa sapiens quę fortitudine & decore induta est, uel sibi uel uiro suo fecisse describitur, de qua etiam consequenter inferitur: Fortitudine & de-

& decore induta est, & latata est in diebus nouissimis. De hoc inertia morbo rursus idem Salomon ita commemorat: Vix nihil operantium stratae sunt spinis: id est, illis ac similibus vitijs quae Apostolus in superioribus de otio pululare praefatus est. Et iterum: In desiderijs est omnis otiosus. De quibus Apostolus commemorauit, dicens: Et nulus aliquid desideretis. Et ad extremum: Multa mala enim docuit otiositas. Quae euidenter Apostolus in his quae supra exposuimus enumerauit, dicens: Nihil operantes, sed curiose agentes. Huic quoque vitio subiunxit aliud: Et operam detis ut quieti sitis. Et deinde: Ut vestra negotia agatis, & ut honeste ambuletis ad eos qui foris sunt, & nulus aliquid desideretis. Quos etiam inordinatos ac rebelles notat, ab his studiosos quoque segregari praecipiens: Ut subtrahatis vos, inquit, ab omni fratre ambulante inordinate, & non secundum traditionem quam acceperunt a nobis.

Prou. 15.

sec. lxx.

Prou. 13.

sec. lxx.

2. Thes. 3.

Eccli. 33.

2. Thes. 3.

Ibid.

Ibid.

Quod per Aegyptum fratres ita suis manibus operantur, ut non solum proprijs necessitatibus satisfaciant, sed etiam his qui in carceribus sunt, subministrēt. Cap. XXI I.

His itaque exemplis per Aegyptum patres eruditi, nullo modo otiosos esse monachos ac praecipue iuuenes sinunt, actum cordis ac profectum patientiae & humilitatis sedulitate operis merientes: & non solum a nullo quidquam ad usum victus sui accipere patiuntur, sed etiam de laboribus suis non tantum superuenientes ac peregrinos reficiunt, verumetiam per loca Libyae, quae sterilitate ac famelaborant, nec non etiam per ciuitates his qui squalore carcerum contabescunt, immanem conferentes dirigunt alimoniae victusque substantiam, de fructu manuum suarum rationabile ac verum sacrificium Domino tali oblatione se offerre credentes.

Quod otium faciat in partibus Occidentis non esse cœnobio monachorum. Cap. XXIII.

Hinc est quod in his regionibus nulla videmus monasteria tanta fratrum celebritate fundata: quia nec operum suorum facultatibus fulciuntur, ut possint in eis iugiter perdurare, & si eis suppeditari quoquo modo valeat sufficientia victus alterius largitate, voluptas tamen otij & peruagatio cordis diutius eos in loco perseuerare non patitur.

al. sancti-
ra

patitur. Vnde hæc est apud Ægyptum ab antiquis patrie
bus † sancta sententia, operantem monachum demon
vno pulsari: otiosum uero innumeris spiritibus deuastari.

*De abbate Paulo, qui singulis annis omne opus manuum sua-
rum igne supposito concremabat. Cap. XXIV.*

Denique abbas Paulus probatissimus patrū, cū in ere-
mo vastiore consistens, quæ Porphyrio nūcupatur, pal-
marum fructibus & modico horto securus, haberet suffi-
cientem alimoniam suæ victusq. substantiam, nec posset ali-
quid aliud vnde sustentaretur, operis exercere, eo quod ab
oppidis & habitabili terra septem mansionibus vel eo am-
plius deserti illius separaretur habitatio, plusq. expeteretur
pro mercede vecturæ, quàm ualere posset pretium operis
desudati; collectis palmarum folijs, quotidianum pensum,
velut exinde sustentandus, a semetipso iugiter exigebat.
Cumque opere totius anni antrum eius fuisset impletum,
id quod sollicita cura laborauerat singulis annis igne sup-
posito concremabat: in tantum probans sine opere manū
nec in loco posse monachum perdurare, nec ad perfectio-
nis culmen aliquando cōscendere: ut cum hoc fieri nequa-
quam necessitas victus exigeret, pro sola purgatione cordis
& cogitationum soliditate ac perseverantia cellæ, uel Ace-
diæ ipsius victoria & expugnatione perficeret.

Verba abbatis Moyſi quæ dixerat mihi de remedio

Acediæ. Cap. XXV.

al. dediti-
tium

Cum incipiens in eremo commorari, abbati Moyſi om-
nium sanctorū summo dixissem me ægritudine Ace-
diæ hesternò die grauissime fuisse confectum, nec ab ea po-
tuisse aliàs liberari, nisi ad abbatem Paulum protinus cu-
currissem, ille: Non te, ait ab ea liberaſti, sed magis ei te
† addictum ac subditum præbuiſti. Grauius enim te ut de-
sertorem ac fugitiuum deinceps aduersarius impugnabit,
quem de conflictu superatum protinus aufugisse cōspexit:
nisi de cetero commissa congressione, non desertione cel-
læ, uel fomini torpore ingruentes æstus eius ad horam eua-
porare malueris, sed tolerantia potius & conflictu didi ce-
ris triumphare. Vnde experimento probatum est, Acediæ
impugnationem non declinando fugiendam, sed resisten-
do superandam.

LIBRI X. FINIS.

IOAN-

IOANNIS CASSIANI
EREMITAE
DE SPIRITV CENODOXIAE.

543

LIBER VNDECIMVS.

*Quod septimum certamen aduersus Cenodoxiam sit, &
de natura eius. Cap. I.*



Septimum nobis certamen est contra spiritum Cenodoxie, quam nos vanam siue inanem gloriam possumus appellare, multiformem, varium atque subtilem, ita ut quibullibet perspicacissimis oculis non dicam caueri, sed peruideri deprehendiq. vix possit.

*Quod Cenodoxia non solum in parte carnali, sed etiam in
spiritali monachum pulset. Cap. II.*

Non solum enim ut cetera vitia in parte carnali, sed etiam in spiritali monachum pulsat, subtiliore se nequitia ingerens menti: ita ut qui non potuerint vitij carnalibus decipi, successibus spiritalibus acrius sauciantur: tantoq. est perniciosior ad conflictum, quanto obscurior ad cauendum. Omnium namque vitiorum manifestior apertiorq. congressus est, & in unoquoque eorum contradictione rigida confutatus incenitor, inuolidior factus abscedet, victoremq. suum deiectus aduersarius deinceps infirmior attentabit. Hic vero morbus cum pro elatione carnali pulsauerit mentem, & fuerit responsionis scuto repulsus, rursus ut quædam multiformis nequitia, priore habitu personaq. mutata, sub vitiorum specie victorem confodere & iugulare pertentat.

*Quod Cenodoxia multiplex sit ac multiformis.
Cap. III.*

Enim cetera vitia seu perturbationes, vniformes ac simplices esse noscuntur, hæc uero multiplex & multiformis ac uaria, vndiq. bellatori & ex omni parte victori occurrens. Nam & in habitu, & in forma, in incellu, in uoce,

ce, in opere, in vigilijs, in ieiunijs, in oratione, in remotione, in lectione, in scientia, in taciturnitate, in obedientia, in humilitate, in longanimitate, militem Christi vulnerare conatur, & velut quidam perniciosissimus scopulus tumētibz vndis obrectus, improuifum ac miserabile naufragium secundo nauigantibus vento, dum non cauetur nec prauideretur, importat.

Quomodo monachum Cenodoxia a dextris & a sinistru impugnet. Cap. IV.

e. Cor. 6.] Taq. via regia volentem incedere per arma iustitiæ quæ a dextris sunt & a sinistris, oportet apostolica disciplina transire per gloriam & ignobilitatem; per infamiam & bonam famam: & tanta cautione inter tumentes tentat onū fluctus gubernante discretione & flante nobis spiritu Domini, virtutis iter dirigere, vt dextra leuaq. si paululum deflectamus, sciamus nos perniciosis mox cautibus illidēdos. Ideoq. per sapiētissimum Salomonem monemur: Ne diuertaris ad dextram neque ad sinistram, id est, ne tibi de virtutibus blandiaris, & dextris successibus ac spiritalibus extollaris, nec deflectens ad sinistram tramitem vitiōrum, **Philip. 3.** secundum Apostolum, gloriam tibi ex eis in tua confusione conquiras. Nam cui sub specie succinctæ vestis ac nitidæ Cenodoxiam non potuit diabolus generare, pro squalida & inculta ac viliori conatur inferere. Quem non potuit per honorem deicere, humilitate supplantat. Quem scientiæ & elocutionis ornatu nequiuit extollere, grauitate taciturnitatis elidit. Si ieiunet palam, vanitatis gloria pulsatur. Si illud contemnendæ gloriæ causa contexerit, eodem vicio elationis obtunditur. Ne vanæ gloriæ contagio maculetur, orationes prolixas sub fratrum vitæ celebrare conspectu; & quod eas latenter exerceat, nullumq. habeat conscium facti, non effugit aculeos vanitatis.

Qua comparatione monstretur natura Cenodoxia Cap. V.

al. porro- rumq.] Vlchre seniores nostri naturam morbi huius in Modū cepæ & bulborumq. describunt, quæ vno decorticata tegimine, alio rursus inueniuntur induta: totiensq. reperiuntur obrecta, quotiens fuerint spoliata.

Quod Cenodoxia nec beneficio solitudinis extinguitur. Cap. VI.

IN solitudine quoque cunctorum mortalium consortia gloriæ causa fugientem, persequi non desistit. Quantoq. am-

amplius vniuersum quis vitauerit mundum, tanto cum ac-
 erius insectatur. Alium quod patientissimus sit operis ac
 laboris, alium quod ad obediendum promptissimus, alium
 quod humilitate præponderet ceteros, conatur exollere.
 Alius scientiæ, alius lectionis; alius vigiliarum prolixita-
 te tentatur. Nec aliàs quemquam hic morbus nisi suis niti-
 tur virtutibus lauciare, in his offendicula tendens interit-
 us, in quibus vitæ stipendia conquiruntur. Volētibus quip-
 pe iter pietatis ac perfectionis incedere, non alibi inimici
 insidiantes, nisi in via, quā ambulant, laqueos deceptionis
 abscondunt, secundum illam beati Dauid sententiam: In *Psal. 141.*
 via hac, quā ambulabam, absconderunt laqueum mihi; ut
 in hac ipsa scilicet virtutum uia, quā gradimur tendētes ad
 brauium supernæ vocationis, nostris elati successibus cor- *Philip. 3.*
 ruamus, obligatisq. animæ nostræ pedibus concidamus
 Cenodoxiæ laqueis compediti. Et ita sit ut qui aduersarij
 conflictu non potuimus superari, nostri triumphī sublimi-
 tate vincamur, seu certe (quod est etiam aliud deceptionis
 genus) vt excedentes continentiæ uel nostræ possibilitatis
 modum, perseverantiam nostri cursus infirmitate corpo-
 ris intercedente perdamus.

*Quod Cenodoxia cum deiecta fuerit, acrius resurgat ad
 luctam. Cap. VII.*

OMnia vitia superata marcescunt, & deuicta per singu-
 los dies infirmiora redduntur, & vel loco uel tempore
 minuuntur atque deferuent, seu certe a contrarijs virtuti-
 bus dissidentia vel cauentur facilius, uel uitantur: hoc uero
 deiectum acrius resurgit ad luctam, & cum putatur extin-
 ctum, sua morte uiacius conualescit. Cetera genera vitio-
 rum eos tantum impugnare solent, quos in certamine su-
 perarint, hoc uero suos victores acrius insectatur. Quan-
 toq. fuerit validius elisum, tanto uehementius victoriæ ip-
 sius elatione congreditur. Et hæc est subtilis inimici versu-
 tia, ut militem Christi proprijs faciat telis occumbere, quē
 hostilibus armis superare non potuit.

*Quod Cenodoxia nec eremo, nec atate defer-
 neat. Cap. VIII.*

ALia interdum vitia, sicut diximus, etiam locorum be-
 neficio conquiescunt, & materia peccati uel oportuni-
 tate eius & occasione subtracta lentescere solent & minui;

K hoc

hoc vero cum fugiente deserta penetrat, nec loco nouit excludi, nec extrinsecus materia substracta marcescere. Non enim aliunde quàm virtutum eius, quem impetit, successibus animatur. Quædam etiam processu temporis vt præfati sumus, interdum molliuntur atque euanescent: huic longæuitas, nisi fuerit industria solerti ac prudenti discretionem fundata, non solum non officit, verumetiam maiora nouit fomenta congerere.

Quod Cenodoxia periculosior sit virtutibus mixta. Cap. IX.

Postremo ceteræ perturbationes a contrarijs sibi virtutibus dissidentes, & ex aperto tamquam die claro bellantes, & superantur facilius, & cauentur: hæc autem virtutibus inserta, & aciei permixta uelut in nocte cæca dimicās, atrocius inopinatos decipit & incautos.

Exemplum regis Ezechia quemadmodum telo Cenodoxia deictus fuerit. Cap. X.

- 4. Reg. 18* **I**Ta namque Ezechiam regem Iudæ virum in omnibus consummatæ iustitiæ, & sanctarum scripturarum testimonio comprobatum; post innumera virtutum præconia vno elationis telo legimus fuisse deiectum, & qui internecionem centum octoginta quinque milium de exercitu Assyriorum, angelo sub nocte vastante, una prece valuit impetrare, vanitatis gloriatione superatur. Cuius vt præteream virtutum tam prolixum catalogum quem replicare per longum est, hoc vnū dicā. Qui post interdictum terminū vitæ, mortisq. diem Domini sententia præfinitum, quindecim
- 4. Reg. 20* annis vitæ metas excedere una oratione promeruit, sole per decem gradus quos ad occasum tendens iam illustrauerat reuertente, qui lineas quas abscessu eius umbra occupauerat, suo rursus reditu fugans duplicatum diem uniuerso orbi contra fixas naturæ leges inaudito miraculo præbuit; post tanta tamq. incredibilia signa, post tam immania documenta uirtutum, qualiter fuerit successibus
- Ibid.* suis elusus, audi scripturam narrantem: In diebus, inquit, illis ægrotauit Ezechias usque ad mortem, & orauit Dominum, & exaudiuit eum, & dedit ei signum, illud scilicet quod legimus de solis datum esse reditu per Isaiam prophetam in quarto regnorum libro: Sed non, inquit, secundum beneficia quæ acceperat, retribuit ei, quia eleuatum est cor eius, &
- facta

facta est contra eum ira, & contra Iudam & Hierusalē: milia-
tusq. est postea eo quod exaltatum fuisset cor eius, tam ipse quàm habitatores Hierusalem, & idcirco non venit super eos ira Domini in diebus Ezechiae. Quam perniciosus, quam grauis est elationis morbus. Tantæ iustitiæ, tantæ virtutes, tanta fides atq. deuotio, quæ naturam ipsam ac totius mundi leges immutare meruerunt, vna elatione depercut, ita vt vniuersis virtutibus suis ac si non fuissent obliuioni traditis, iram Domini cōfestim suscepisset, nisi eam resumpta humilitate placasset: vt qui de tam excelsso meritorum fastigio, elatione impellēte, deciderat, non nisi per eisdem rursus humilitatis gradus ad amissum culmen ascenderet. Vis aliud quoq. exemplum similis ruinæ percipere?

Exemplum regis Ozia eiusdem morbi labe superati. Cap. XI.

Ozias huius, quem commemorauimus, regis atauus, in omnibus quoq. ipse scripturæ testimonio collaudatus, post ingentia virtutum suarum preconia, post innumeros triūphos, quos deuotionis ac fidei suæ merito perpetravit, discit qualiter sit vanæ gloriæ elatione deiectus. Et egressum est, inquit, nomen Oziaë procul eo quod auxiliaretur ei Dominus & corroborasset illum. Et cū roboratus esset, eleuatum est cor eius in interitum suum, & neglexit Dominū Deum suum. Cernis aliud exemplū ruinæ grauissimæ, & conspicias duos viros tam iustos, tamq. perfectos triūphis suis atque victorijs fuisse confectos. Vnde videtis quàm perniciosi rerum secundarum soleant esse successus, ita vt qui non potuerunt aduersis frangi, prosperis, si incauti fuerint, acius elidantur; & qui in conflictu atq. acie mortis euaserunt discrimina, trophæis proprijs triumphisq. succumbant.

2. Paral.
26.

Diuerſa testimonia contra Cenodoxiam. Cap. XII.

Ideo Apostolus monet: Nolite fieri inanis gloriæ cupidi. Galat. 5.
Et Dominus Pharisaos castigans: Quomodo, inquit, vos potestis credere, qui gloriam abinuicem accipitis; & gloriam quæ a solo Deo est non queritis? De his & beatus Dauid cum interminatione dicit: Quoniam Deus dissipauit ossa eorum qui hominibus placent. Psal. 52.

Quibus modis Cenodoxia monachum pulset. Cap. XIII.

Solet etiam incipientium mentes, & eorum qui minus adhuc vel virtute animi, vel sciētia profecerint, aut propter sonum vocis extollere, quòd scilicet modulatus psallant, aut quòd sint, vel ex eis carnibus, vel corpore lautiores, aut quòd parentes diuites aut nobiles habeāt, vel quòd militiam honoresq. contempserint. Interdum etiam dignitates & opes, quæ forte nec apprehendi quidem aliquando potuissent, persuadet quempiam perfacile fuisse adepturū si perseverasset in sæculo, vana spe etiam de incertis inflāscum, & de his quæ nunquam possedit, velut qui ea contempserit gloria vanitatis extollens.

Quomodo clericatus gradum suggerat ambiendum. Cap. XIV.

Nonnumquam vero clericatus gradum, & desiderium in presbyterij, vel diaconatus immitit. Quem si uel inuitus fuisset adeptus tanta expleturum sanctitate ac rigore depingit, ut ceteris quoque sacerdotibus præbere potuerit sanctitatis exempla: dein multos non solum cōuersationis forma, uerum etiam doctrina sua sermoneq. luciaturum. Facit etiam in solitudine vel in cellula cominorantem, diuersorum domos ac monasteria mente atque animo circumire, & plurimorum conuersiones sub iucitamento imaginariæ exhortationis acquirere. Agitur itaque infelix anima tali uanitate uelut profundissimo sopore delusa, ut plerunque huiusmodi cogitationum illecta dulcedine, & his oppleta simulacris, ne præsentibus quidem actus uel fratres ualeat contemplari, dum his, quæ cogitationum peruagatione uigilans somniauit, delectatur inhxerere quasi ueris.

Quomodo Cenodoxia mentem inebriet. Cap. XV.

Memini cuiusdam senis cum in eremo Scithi commoraretur: qui cum ad cellam cuiusdam fratris gratia uisitacionis aduentens ostio proximasset, audissetq. eum obmurmurantem intrussecus, paululum substitit, cognoscere uolens quidnam de scripturis legeret, uel, sicut est moris, operans memoriter recenseret. Cumque pijsimus explorator aure diligenter applicita curiosius auscultaret, ita eum repperit huius spiritus impugnatione pectus, ut in ecclesia facere se crederet exhortatorium plebi sermonem. Cumq. subsistens senex audisset eum finisse tractatum, &

muta-

mutato rursus officio celebrare uelut diaconum catechumenis missam, tunc demum pulsauit ostium. Qui egressus occurrensq. seni ueneratione solita, introducensq. eum quam olim uenerit cogitationum suarum conscientia remordente perquirat, ne scilicet diutius stans ad ostium iniuriam pertulisset: ioculariter senex grateq. respondit: Modo, inquit, ueni, quando tu missam catechumenis celebrabas.

Quod aliter uitia curari non possint, nisi eorum radices & causa fuerint publicata. Cap. XV I.

HÆc idcirco inferere huic opusculo necessarium duxi, ut de impugnationum vi atque ordine uictorum quibus miserabilis anima laceratur, non solum ratione, sed etiam exemplis instructi, ad deuitandos laqueos & multiplices decipulas inimici cautiore esse possimus. Ita namque indifferenter hæc ab Ægyptijs patribus proferuntur in medium, ut omnium uictorum certamina, uel illa, quæ patiuntur, uel illa, quæ passuri sunt iuniores, relatione sua tamquam qui adhuc ea sustineant apud eos detegant atque denudent, quo exponentibus eis illusiones omnium passionum quicumque incipientium sunt ac feruentium spiritu, colluctationum suarum arcana cognoscant, & ea tamquam in speculo contemplantes, & causas uitiorum quibus pulsantur, & remedia doceantur: futurorum quoque certaminum congressibus antequam superueniant eruditi, qualiter præcauere & occurrere eis, uel constanter debeat instruuntur. Ut solent peritissimi medicorum non solum mederi præsentibus morbis, uerum etiam futuris sagaci peritia occurrere, eosque præceptis uel poculis salutaribus præuenire: ita hi quoque uetissimi animarum medici emeritas ualitudines cordium spiritali collatione uelut quodam cælesti antidoto prænetantes in iuniorum mentibus non patiuntur adolescere, aperiētes eis & causas imminuentium passionum, & remedia sanitarum.

Quod monachus debet uitare mulieres & Episcopos. Cap. XV I I.

QVapropter hæc est antiquitus patrum permanens nunc usque sententia, quam proferre sine mea consensione non potero, qui nec germanam uitare, nec episcopi manus euadere potui: quoniam modi, monachum fugere debere mulieres, & episcopos. Neuter enim sinit eum quem

semel suæ familiaritati deuinxerit, vel quieti cellulae vltorius operam dare, vel diuinæ theoriæ per sanctarum rerum intuitum purissimis oculis inhærere.

Remedia quibus Cenodoxiam vitare possimus.

Cap. XVIII.

Psal. 52.

I Deoq. athleta Christi, qui verum ac spiritalem agonem legitime certare desiderat, hanc multiformem variamq. bestia omnimodis superare festinet. Quam nobis ex omni parte velut multiplicem nequitiam occurrētem tali remedio poterimus euadere, vt cogitantes illud Dauidicum eloquium: Dominus dissipauit ossa eorum qui hominibus placent; primitus nihil proposito vanitatis & inanis gloriæ capessendæ gratia nosmetipsos facere permittamus: deinde ea, quæ bono initio fecerimus, obseruatione simili custodire nitamur, ne omnes laborum nostrorum fructus post irrepens Cenodoxiæ morbus euacuet. Quidquid etiā in conuersatione fratrum minime communis vltus recipit vel exercet, omni studio, vt iactantiæ deditum declinemus, & ea quæ nos possunt inter ceteros notabiles reddere, ac veluti solis facientibus laus apud homines sit conquirenda, vitemus. His enim vel maxime indicijis Cenodoxiæ letale contagium nobis inhærere monstrabitur. Quod facillime poterimus effugere, si consideremus non solum fructum laborum nostrorum nos penitus amissuros quoscumq. Cenodoxiæ proposito fecerimus, sed etiam reos magni criminis factos, æterna supplicia velut sacrilegos sorturos; vtpote qui ad iniuriam Dei opus quod eius obtentu nos oportuit agere, hominum gratia malimus exercere; ab eo qui occultorum est conscius, homines Deo, & gloriam mundi gloriæ Domini prætulisse conuicti.

LIBRI XI. FINIS.

IOAN.

IOANNIS CASSIANI
EREMITAE
DE SPIRITV SVPERBIAE.
LIBER DVODECIMVS.

*Quod octauum certamen aduersum spiritum Superbia sit.
& de natura eius. Cap. I.*



CTAVVM, quod & extremũ, aduersum spiritũ Superbiæ nobis certamen est. Qui morbus licet vltimus sit in conflictu viti-
tiorum, atque in ordine ponatur extre-
mus, origine tamen & tempore primus
est: sæuissima & superioribus cunctis im-
manior bestia, perfectos maxime tentas,
& propemodum iam positos in cõsummatione uirtutum,
morsu diuore depascens.

Quod Superbia duo sint genera. Cap. II.

Cvius † duo sunt genera. Vnum hoc, quo diximus spiri-
tales viros summosq. pulsari; aliud quod etiam incipie-
tes carnalesq. complectitur. Et licet vtrumque Superbiæ
genus tam in Deum, quàm in homines noxia inflet elatio,
tamen illud primum specialiter refertur ad Deum, secun-
dum ad homines proprie pertinet. Cuius originem ac re-
media in posterioribus libelli huius, donante Deo, in quan-
tum possumus exequemur. Nunc de illo priore, quo præfa-
ti sumus, perfectos præcipue tentari, propositum nobis est
pauca discurrere.

al. Huius

*Quod Superbia omnes pariter virtutes aufe-
rat. Cap. III.*

Nvllum est igitur vitium aliud, quod ita omnes virtutes
exhauriat, cunctaq. iustitia & sanctitate hominem
spoliet ac denudet, vt Superbiæ malum, tamquam genera-
lis quidam ac pestifer morbus non vnum membrum par-
temve eius debilitare contentus, sed solidum corpus letali
corrumpit exitio; & in uirtutum iam fastigio collocatos,

grauissima ruina deicere ac trucidare conatur. Omne namque vitium suis est terminis & sine contentum, & licet contristet alias quoque uirtutes, contra unam tamen principaliter tendit, eamque specialiter opprimit & impugnat. Et ut hoc ipsum, quod dicimus clarius possit intelligi, gastrimargia, id est, appetitus ventris seu concupiscentia gulæ, temperantiæ rigorem corrumpit; castitatem libido contaminat; ira patientiam vastat: ut nonnunquam vni quis deditus vitio alijs virtutibus penitus non destituatur, sed illa tantum virtute truncata, quæ ediuerso æmulo repugnante succumbit, reliquas possit uel ex parte retinere: hæc uero cum infelicem possederit mentem, ut quidam saeuissimus tyrannus, sublimissima capta arce virtutū, uniuersam funditus ciuitatem diruit atque subuertit. Excelsa quondam sanctitatis mœnia uitiorum solo cœquans atque permiscēs, nullam deinceps imaginem libertatis animæ sibi subditæ superesse concedit. Quantoque ceperit ditiores, tanto grauiori seruitutis iugo subditum, uniuersis virtutum facultatibus crudelissima deprædatione nudabit.

Quod ob superbiam lucifer ille de archangelo factus est diabolus. Cap. IV.

ET ut grauissimæ tyrannidis eius potentiam cognoscamus, angelū illum, qui præ nimietate splendoris atque decoris sui lucifer nuncupatus est, nullo alio quàm hoc uitio deiectum cælitus inuenimus, & ex illa beata sublimique angelorum statione telo superbiæ vulneratum ad inferna fuisse collapsum. Si igitur illum tanta virtute, & tantæ potentia prærogatiua decoratum, una elatio cordis potuit de cælestibus ad terrena deuoluere: qua nos obseruantia carnis fragilitate circumdatos cauere oporteat, ipsius ruinæ magnitudo demonstrat. Quemadmodum uero huius morbi uirus perniciosissimum deitemus instrui poterimus, si ruinæ ipsius causas atque originem persequamur. Numquam enim curari languor, nec remedia poterunt malis ualitudinibus exhiberi, nisi prius inquisitione sagaci originis earum inuestigentur & causæ. Hic namque indurus diuina claritate, & inter ceteras supernas uirtutes conditoris largitate præfulgens, splendorem sapientiæ & uirtutum pulchritudinem, qua ornabatur gratia creatoris, naturæ suæ potentia, non munificentiæ illius beneficio se credit

dit obtinere. Et ob hoc elatus, tamquam qui ad perseuerantiam puritatis huius diuino non egeret auxilio, Deo se similem iudicauit; utpote qui nullius indigeret quæadmodum Deus, liberi scilicet arbitrij facultate confusus, per illam credens affluenter sibi omnia suppeditari, quæ ad consummationem virtutum vel perennitatem summæ beatitudinis pertinerent. Hæc ei sola cogitatio facta prima ruina est. Ob quam desertus a Deo, quo se credidit non egere, instabilis repente & nutabundus effectus, & infirmitatem propriæ naturæ persensit, & beatitudinem, qua Dei munere fruebatur, amisit. Et quia dilexit verba præcipationis, quibus dixerat: In cælum conscendam: & linguam dolosam, qua vel de se dixerat: Ero similis altissimo; vel de Adam & Eva: Eritis sicut dii; propterea Deus destruet illum in finem, euellet eum, & emigrabit de tabernaculo suo, & radicem eius de terra uiuentium. Tunc ruinam eius videntes iusti timebunt, & super eum ridebunt, dicentes (quod etiam ad hos qui se sine protectione auxilioq. Dei summum bonum perficere posse confidunt, iustissime dirigerur:) Ecce homo qui non posuit Deum adiutorem suum, sed sperauit in multitudine diuitiarum suarum & præualuit in uanitate sua.

Psal. 52.

Esai. 14.

Ibid.

Gen. 3.

Psal. 51.

Ibid.

Quod fomites vitiorum omnium de Superbia pullulent. Cap. V.

HÆC est primæ ruine causa, & principalis origo morbi. Qui rursus per illum qui fuerat a se deiectus in protoplastum serpens, infirmitates omnium vitiorum & materias germinauit. Dum enim gloriam deitatis, arbitrij libertate & industria sua credit se posse conquirere, etiam illam perdidit, quam adeptus fuerat gratia conditoris.

Quod Superbia vitium sit in ordine colluctationis extremum, tempore tamen & origine primum sit.

Cap. VI.

ITaque exemplis ac testimonijs scripturarum manifestissime comprobatur, Superbiæ labem cum posterior sit in conflictuum ordine, origine tamen anteriorem esse, omniumq. peccatorum & criminum esse principium: nec sicut cetera uitia solummodo contrarium sibi uirtutem, id est humilitatem tantum extinguere, uerumetiam cunctarum simul interemptricem esse uirtutum: nec mediocres tantum paruosq. tentare, sed maxime in fortitudinis

*Abac. 1.
sec. lxx.*

Psal. 130.

Psal. 100.

Psal. 35.

Iacob. 4.

*Prou. 16.
sec. lxx.*

dinis culmine consistentes. Ita enim de hoc spiritu propheta commemorat: Et electæ eius electæ. Ideoq. beatus Dauid licet tanta circumspectione cordis sui custodiret arcana, vt ad eum quem secreta conscientie sue non latebant, audenter proclamaret: Domine nō est exaltatum cor meū, neque elati sunt oculi mei, neque ambulaui in magnis, neque in mirabilibus super me, nisi humiliter sentiebam. & iterum: Non habitabit in medio domus meæ faciens superbiam: sciens tamen quā difficilis sit etiam perfectis ista custodia, non de sua tantum præsumit industria, sed orans Domini implorat auxilium, vt huius inimici telum possit insauciatus euadere, dicens: Non veniat mihi pes superbiæ; pauens ac metuens ne in illud incidat quod dicitur de superbis: Deus superbis aduersatur. Et iterum: Immundus est apud Deum omnis qui exaltat cor suum.

Quod tantum sit malum Superbia, ut ipsum Deum aduersarium habere mereatur. Cap. VII.

Iacob. 4.

Quantum est malum Superbiæ, vt non angelum, non alias uirtutes sibi contrarias, sed ipsum Deum aduersarium habere mereatur. Norandum siquidem est, quod nequaquam dixerit super his qui ceteris sunt uitij inuoluti, quod habeant sibi Deum resistentem, id est, Deus gastrimargis, fornicarijs, iracundis, seu philargyris aduersatur; sed solis superbis. Illa namque vitia uel in vnumquemque delinquentium tantummodo retorquentur, uel in suos participes, id est, in alios homines uidentur admitti: hæc uero proprie pertingit ad Deum, & idcirco eum specialiter digna est habere contrarium.

Quemadmodum Deus superbiam diaboli uirtute humilitatis extinxerit. Cap. VIII.

Esa. 14.

Psal. 43.

Esa. 14.

Philip. 2.

Esa. 14.

Ideoque vniuersitatis creator & medicus Deus, causam principiumq. morborum Superbiam esse cognoscens, contrarijs sanare contraria procurauit, ut ea scilicet quæ per superbiam corruerāt, per humilitatem resurgerent. Ille namque dicit: In cælum conscendam. Hic dicit: Humiliata est in terra anima mea. Ille dicit: Et ero similis altissimo. Hic cum esset in forma Dei, exinaniuit semetipsum, formam serui accipens, humiliauitq. se factus obediens, vsq. ad mortem. Ille dicit: Super astra Dei exaltabo solium meum,

meum, Iste dicit: Discite a me, quia mitis sum, & humilis corde. Ille dicit: Nescio Dominum, & Israel nō dimittam. Iste dicit: Si dixero quia non noui eum, ero similis uobis mendax: sed noui eū, & mandata eius seruo. Ille dicit: Mea sunt flumina, & ego feci ea. Iste dicit: Nō possum ego a me ipso facere quidquam, sed pater meus in me manens ipse facit opera. Ille dicit: Mea sunt omnia regna mundi, & gloria eorum, & cui uoluerō do ea. Iste cum diues esset, pauper effectus est, ut eius inopia nos diuites redderemur. Ille dicit: Sicut colliguntur oua quæ derelicta sunt, sic vniuersam terram ego congregaui, & non fuit qui moueret penam, & aperiret os, & ganniret. Iste dicit: Similis factus sū pelicani solitario; vigilaui, & factus sum sicut passer solitarius in tecto. Ille dicit: Exsiccaui vestigio pedum meorū omnes riuos aggerum. Hic dicit: Numquid non possum rogare patrem meum, & exhibebit mihi modo plusquam duodecim legiones angelorū? Si principalis ruinæ causam, & salutis nostræ fundamenta perspeximus, a quo, & qualiter uel ista iacta sint, uel illa emerferint, quemadmodum deuitare tam atrocem mortem Superbiæ debeamus, uel illius ruina, uel huius doceamur exemplo.

Quemadmodum nos quoque Superbiam superare possimus. Cap. I X.

ITaque hunc nequissimi spiritus laqueum taliter poterimus euadere, si in singulis quibus senserimus nos uirtutibus profecisse, illud apostolicum dixerimus: Non ego, sed gratia Dei mecum. & Gratia Dei sum id quod sum. & Deū esse qui operatur in nobis & uelle & perficere, pro bona uoluntate: dicente etiam ipso auctore salutis nostræ: Qui manet in me & ego in eo, hic fert fructum multum, quia sine me nihil potestis facere. Et: Nisi Dominus ædificauerit domum, in uanum laborauerunt qui ædificant eam. Nisi Dominus custodierit ciuitatem, frustra uigilauit qui custodit eam. Et: Vanum est uobis ante lucem surgere. Quia nō est uolentis neque currentis, sed miserentis Dei.

Quod nemo possit perfectionem uirtutum uel promissam beatitudinem suis tantum uiribus obtinere. Cap. X.

NVllius namque, quamuis uolentis & currentis, tam idonea potest uoluntas esse uel cursus, ut carne spiritui

Matt. 23

Exod. 5.

Ioan. 8.

Ezec. 29.

sec. lxx.

Ioan. 5.

Luc. 4.

2. Cor. 8.

Esa. 10.

Psal. 107.

Esa. 37.

Matt. 26.

1. Cor. 13

Ibid.

Philip. 2.

Psal. 125.

Ioan. 15.

Ibid

Rom. 9.

ritui repugnante circumdatus, valeat tantum perfectionis præmium, & palmam integritatis ac puritatis attingere, nisi fuerit diuina miseratione protectus; ut ad illud quod magnopere vult, & quo currit, peruenire mereatur. Omne enim datum bonum, & omne donum perfectum, de sursum est, descendens a patre luminum. Quid enim habes quod non accepisti? Quod si accepisti, quid gloriaris quasi non acceperis?

Exemplum latronis, sive David, vel vocationis nostra, ad Dei gratiam demonstrandam. Cap. XI.

LUC. 23. **S**I enim vel illum latronem ob vnâ confessionem introductum in paradysum recordemur, intelligemus eum non cursu sui merito tantam beatitudinem consecutum, sed dono Dei miserentis adeptum. Vel si remiscamur

2. Reg. 12 David regis duo tam grauiâ tamq. immania crimina vno pœnitudinis sermone deleta, nec hic videbimus ad indulgentiam tanti criminis obtinendam laboris merita æquiparasse, sed superabundasse Dei gratiam, qui vere pœnitudinis occasione percepta, tantam peccatorum materiam sub unius uerbi plena confessione consumpsit. Principium quoque discutientes vocationis ac salutis humanæ, quæ non ex nobis, nec ex operibus nostris, secundum Apostolum, sed Dei sumus dono gratiaq. saluari, liquido poterimus aduertere, quemadmodum perfectionis summa, non volentis neque currētis, sed miserentis est Dei: qui nequam laborum uel cursus nostri merito compensante, victoriorum nos facit esse victores, nec æquiparante nostræ voluntatis industria, tam arduum integritatis culmen subiugata quæ vtimur carni conscendere. Nulla siquidem corporis huius afflictio, nullaq. cordis contritio ad capeßendam veram illam interioris hominis castitatem potest esse condigna, ut tantam puritatis virtutem angelis solis ingentiam, cæliq. vernaculam, nudo humano labore, id est, sine adiutorio Dei valeat obtinere: quia totius perennitatem effectus ab illius profluit gratia, qui tantam perennitatem beatitudinis, & immensitatem gloriæ, exiguæ voluntati, breuiq. ac paruo cursu nostro, multiplicata largitate donauit.

Quod

Quod nullus sit labor, qui possit repromissa beatitudinis comparari. Cap. XII.

OMnis enim longevitas vite presentis, cum ad illam futuram gloriam perennitatem respexeris, evanescit: & dolores cuncti contemplatione illius immensae beatitudinis effugantur, ut fumus ad nihilum extenuati liquefunt, & nusquam ut favilla comparent.

Traditio seniorum de consequenda puritate. Cap. XIII.

QVapropter iam tempus est, ut ipsis quibus traditur uerbis patrum sententiam proferamus, eorum scilicet, qui viam perfectionis; & qualitatem eius, non uerborum iactantia depinxerunt, sed potius † re & opere ac uirtute spiritus possidentes, experientis eam proprijs & exemplis certissimis tradiderunt. Auiunt itaque non posse ad purum quendam carnalibus uitijs emundari, nisi uniuersum laborem suum atque conatum, ad tantae perfectionis finem intellexerit non posse sufficere, nec eam nisi Dei miseratione & adiutorio comprehendere, non tam tradentis institutione quam effectu atque uirtute & experimentis proprijs eruditus, agnoscat. Ad capeienda namque tam magnifica tamque praecelsa puritatis & integritatis praemia, quantumlibet ieiuniorum, uigiliarum, lectionis, & solitudinis, ac remotionis labor fuerit impensus, condignus esse non poterit, qui haec industriam suam merito uel laboris obtineat. Numquam enim diuinum munus labor proprius humanave compesabit industria, nisi desideranti diuina fuerit miseratione concessum.

al. recte

Quod adiutorium Dei laborantibus tribuitur. Cap. XIV.

NEc hoc dico, ut humanos conatus euacuans ab industria & laboris intentione quemquam reuocare contendam: sed plane constantissime, non mea sed seniorum sententia desinio, perfectionem quidem sine his omnino capi non posse, his autem solis sine gratia Dei posse eam a nemine consummari. Ut enim dicimus conatus humanos apprehendere eam per seipsos sine Dei adiutorio non posse, ita pronuntiamus laborantibus tantum ac desudantibus misericordiam Dei gratiamque conferri: & ut uerbis Apostoli loquar, uolentibus & currentibus impartiri, secundum illud, quod etiam in psalmo octogesimo octauo ex personam

Rom. 9.

sona Dei cantatur : posui adiutorium in potente , & exaltavi electum de plebe mea. Dicimus enim , secundū Saluatoris sententiam, dari quidē petentibus , & aperiri pulsantibus , & a quærentibus inueniri, sed petitionem , & inquisitionem , & pulsationem nostram non esse condignam , nisi misericordia Dei id, quod petimus, dederit , vel aperuerit quod pulsamus , vel illud quod querimus fecerit inueniri. Presto est namq. occasione sibi tantūmodo a nobis bonæ voluntatis oblata, ad hæc omnia cōferenda. Amplius enim ille quā nos, perfectionem salutemq. nostram desiderat & expectat. Et in tantum beatus David prouentum sui operis ac laboris propria tantum industria non posse nouerat obtineri, vt a Domino promereri directionē suorum operum iterata prece deposceret, dicens: Et opera manuum nostrarum dirige super nos , & opus manuum nostrarum dirige. Et rursum : Confirma hoc Deus quod operatus es in nobis .

Psalm. 89.

Psalm. 67.

A quibus perfectionis viam discere debeamus. Cap. XV.

al. rectissimo.

I Deoq. si ad veram consummationem virtutum volumus effectu & opere peruenire, illis debemus acquiescere magistris ac ducibus, qui hanc non vaniloqua disputatione somniantes, sed re atq. experimentis apprehendentes, nos quoq. docere atq. ad eam dirigere similiter possunt, & viam quemadmodum perueniamus ad eam † certissimo tramite demonstrare : quiq. ad hanc fide se potius peruenisse quā laborum merito testabantur. Quibus etiam hoc præcipuum sui cordis acquisita puritas conferebat, vt magis magisq. se deprimi peccatis agnosceret. Tanta namq. in eis delictorum compunctio per dies singulos augebatur, quanta puritas animi profecisset : trahebantq. iugiter intimo corde suspiria, eo quod semetipsos sentiret nequaquam posse delictorum nauos ac maculas deuitare, quæ eis per multiplices cogitationum minutias inurebantur. Et ideo futuro vitæ stipendia non operum sperare se merito, sed misericordia Domini proclamabāt, nihil sibi de tanta circumspectione cordis aliorum comparatione donantes : quippe qui hanc ipsa non suæ industriæ, sed gratiæ diuinæ adscribebāt : nec blandientes sibi de inferiorum ac tepidorum negligentia, sed contemplatione potius illorum quos vere peccato carere, atq. in regno cælorum

lorum iam æterna beatitudine perfui nouerant, humilitatem perpetuam conquirebant: atque ita consideratione hac & elationis ruinam pariter declinabant, & quo tenderent, vel quod dolerent, semper inueniebant, intelligentes semetipsos ad illam puritatem cordis, quam cupiunt, obistente carnis sarcina, peruenire non posse.

Non posse nos sine misericordia & inspiratione Dei, ad ipsum laborem obtinendam perfectionis accedere. Cap. XVI.

Igitur secundum traditiones & institutiones eorum, sic ad eam festinare debemus ieiunijs, uigilijs, orationibus, contritioni cordis & corporis operam dantes, ne hæc omnia morbo hoc inflante uacuemus. Non solum namque ipsam perfectionem oportet credere nostra industria nos uel labore nostro possidere non posse, sed ne hæc ipsa quidem quæ illius exercemus obtentu, id est, labores conatusque nostros ac studia, sine diuinæ protectionis auxilio inspirationisque eius & castigationis atque exhortationis gratia posse perficere, quam scilicet cordibus nostris, uel per alium solet, uel per semetipsum nos uisitans, clementer infundere.

Testimonia diuersa, quibus euidenter ostenditur, nihil posse nos quod ad salutem nostram pertinet, sine adiutorio Dei perficere. Cap. XVII.

Postremo instruit auctor salutis nostræ, quid nos oporteat in singulis quibusque quæ gerimus, non modo sentire, sed etiam confiteri: Non possum ego, inquit, a meipso facere quidquam. pater autem in me manens ipse facit opera. Ille ex persona hominis assumpti, dicit, nihil a semetipso posse se facere, & nos cinis & terra, in his quæ ad nostram salutem pertinent, arbitramur adiutorio Domini non egere? Discamus itaque & nos per singula nostram simul infirmitatem, & illius adiutoria sentientes, quotidie proclamare cum sanctis: Impulsus uersatus sum ut caderem, & Dominus suscepit me. Fortitudo mea, & laudatio mea Dominus, & factus est mihi in salutem. Et: Nisi quia Dominus adiuuit me, paulominus habitauerat in inferno anima mea. Si dicebam, motus est pes meus, misericordia tua Domine adiuuabat me. Secundum multitudinem dolorum meorum in cordo meo consolationes tuæ

Ioan. 3.

Ioan. 14.

Psal. 117.

Psal. 93.

laxi-

- Psf. 17.* latificauerunt animam meam. Videntes etiam cor nostrum in timore Domini, & patientia roborari, dicamus: Et factus est Dominus firmamentum meum, & eduxit me in latitudine. Scientiam quoque profectu operum intelligentes nobis augeri, dicamus: Quoniam tu illuminas lucernam meam Domine: Deus meus illumina tenebras meas. Quoniam in te eripiar a tentatione, & in Deo meo transgrediar murum. Dein sentientes etiam nosmetipsos fortitudinem tolerantiae acquisisse, & in semita virtutum facilius ac sine labore dirigere, dicamus: Deus qui praecingis me virtute, & posuisti immaculatam viam meam. Qui perficis pedes meos tamquam cerui, & super excelsa statuis me. Qui doces manus meas ad praelium. Consecuti etiam discretionem, qua roborati possumus aduersarios nostros elidere, proclamemus ad Deum: Disciplina tua corripuit me in finem, & disciplina tua ipsa me docebit. Dilatasti gressus meos subtus me, & non sunt infirmata vestigia mea. Et quia taliter sum roboratus scientia tua atque virtute, inferam confidenter ea, quae sequuntur, & dicam: Persequar inimicos meos, & comprehendam illos, & non conuertar donec deficient. Conteram illos, nec poterunt stare, cadent subtus pedes meos. Rursum infirmitatis nostrae memores, nec posse nos tam acerbos victorum hostes fragili carne circumdatos, sine illius adiutorio superare, dicamus: In te inimicos nostros uentilabimus cornu, & in nomine tuo spernemus insurgentes in nobis. Non enim in arcu meo sperabo, & gladius meus non saluabit me. Saluasti enim nos de affligentibus nos, & odientes nos confudisti. Sed: Et praecinxisti me virtute ad bellum, & supplantasti omnes insurgentes in me subtus me. Et inimicos meos dedisti mihi dorsum, & odientes me disperdidisti. Sed nec armis nostris posse nos uiuere cogitantes, dicamus: Apprehende arma & scutum, & exurge in adiutorium meum, Effunde frameam, & conclude aduersus eos, qui persequuntur me, dic animae meae: salus tua ego sum. Et: Posuisti ut arcum aereum brachia mea, & dedisti mihi protectionem salutis tuae, & dextera tua suscepit me. Quia nec patres nostri in gladio suo possederunt terram, & brachium eorum non saluauit eos: sed dextera tua & brachium tuum, & illuminatio vultus tui, quoniam complacuisti in eis. Postremo vniuersa beneficia eius cum gratiarum actio-

ne mēte sollicita perluſtrantes, ſuper his omnibus quòd vel pugnauiſus, vel illuminationem ſcientiæ, uel diſciplinam diſcretionis ab eo cōſecuti ſumus, vel quòd ſuis nos armis inſtruxit, & virtutis cingulo communiuit, vel quòd inimicorum noſtrorum nobis præbuit dorſum, & tribuit virtutem comminuendi eos vt puluerem ante faciem venti, intimo cordis affectu clamemus ad eum: Diligam te Domine virtus mea, Dominus firmamentum meum, & refugium meum, & liberator meus, Deus meus adiutor meus, & ſperabo in eum, protector meus, & cornu ſalutis meæ, & ſuſceptor meus, laudans inuocabo Dominum, & ab inimicis meis ſaluus ero.

Pſal. 17.

Ibid.

Quod non ſolum in naturali conditione, ſed etiam in quotidiana diſpenſatione, Dei gratia munimur. Cap. XVIII.

Non ſolum pro his ei gratias referentes, quòd vel rationabiles nos condidit, uel liberi arbitrij poteſtate donauit, uel baptiſmi largitus eſt gratiam, vel ſcientiam legis adiutoriumq. conceſſit; ſed etiam pro his quæ erga nos quotidiana eius prouidentia conferuntur, quòd ſcilicet ab aduerſariorum nos inſidijs liberat, quòd cooperatur nobis vt carnis vitia ſuperare poſſimus, quòd a periculis nos etiã ignorantes protegit, quòd a lapſu peccati communit, quòd adiuuat nos & illuminat vt ipſum adiutorium noſtrum (quod non aliud quidam interpretati volunt quam legem) intelligere & agnoſcere valeamus: quòd pro negligentijs delictiſq. noſtris eius inſpiratione latenter compungimur, quòd dignatione eius uſitati ſaluberrime caſtigamur, quod ab eo nōnumquam etiam inuiti trahimur ad ſalutem; poſtremo quia ipſum liberum arbitrium noſtrum, quod proclius fertur ad uitia, ad meliorem dirigit frugem, & ad virtutum viam inſtigationis ſuæ uſitatione contorquet.

Quod hæc fides ab antiquis patribus ſit tradita de gratia Dei. Cap. XIX.

Hæc eſt proprie erga Deum humilitas; hæc eſt antiquiſſimorum patrum ſincera fides, quæ penes ſucceſſores eorum intemerata nunc uſque perdurat. Cui fidei virtutes apoſtolicæ, quæ ſæpenumero per eos manifeſtatz ſunt, non ſolum apud nos, ſed etiam apud infideles & in-

L cre-

credulos indubitatum testimonium reddunt. Qui simplicem piscatorum fidem in corde simplici retinentes, non eam syllogismis dialecticis, & Tulliana facundia, spiritu concepere mundano, sed experimento vitę sincere, actuq. purissimo, correctione quoque vitiorum, & (vt verius dixerim) in ipsa perfectionis inesse naturam oculatis indicij deprehenderunt; sine qua nec pietas in Deū, nec purgatio vitiorum, nec emendatio morum, nec virtutum con summatio poterit apprehendi.

De eo, qui propter blasphemiam immundissimo spiritu traditus est. Cap. XX.

NQui quendam de fratrum numero (quem vtinam minime scissem, siquidem post hæc ordinis mei gradu se passus est prægrauari,) qui probatissimo cuidam senum vitio carnis semetipsum grauissimo confessus est impugnat; nam contra vsum naturę, desiderio patiendi magis quàm inferendi ignominiam, intolerabili æstu libidinis urebatur: tum illum, vt spiritalem vetumq. medicum, interiorem causam morbi huius & originem protinus peruidisse. Qui grauius suspirans, Nequaquam, ait, tam nequam spiritui tradi te Dominus permisisset, nisi aliquid blasphemasses in eum. Quo ille comperto, confestim procidit ad pedes eius in terram, summaq. admiratione percussus, tamquam a Deo cernens arcana sui pectoris patefacta, confessus est in Dei se filium cogitatione impia blasphemasse. Vnde perspicuum est eum, qui Superbię spiritu possidetur, vel qui in Deum blasphemus existit, tamquam qui ipsoget illi iniuriam, a quo puritatis speranda sunt dona, perfectionis integritate priuari, & sanctificationem castimonię non mereri:

Exemplum Ions regis Iuda, quo ostenditur quid propter superbiam meruerit. Cap. XXI.

2. Paral. 24. **L**egimus tale aliquid in Paralipomenon libro. Ions enim rex Iuda, septē annorū ab Ioiada pontifice adscitus in regnum, atque in omnibus, quoad vixit memoratus pontifex, testimonio scripturę laudatus est. De quo post obitum Ioiadę audi quid scriptura commemoret, & quem admodum elatus Superbia ignominiose fuerit traditus passioni: Postquam autem obiit Ioiada, ingressi sunt principes Iuda,

Ibid.

Iuda, & adorauerunt regē. Qui delinitus obsequijs corū, acquieuit eis, & dereliquerunt templum Domini Dei patrum suorum, seruieruntq. lucis & sculpsilibus; & facta est ita contra Iudam & Hierusalem propter hoc peccatū. Et post pauca: Cumq. euolutus esset annus, ascendit contra eum *Ibid.* exercitus Syriæ, venitq. in Iudam & Hierusalem, & interfecit cunctos principes populi, atq. vniuersam prædā miserunt regi Darnasum. Et certe cum permodicus venisset numerus Syrorum, tradidit Dominus in manibus eorum infinitam multitudinem, eo quod dereliquissent Dominum Deum patrum suorum. In Ioas quoque ignominiosa exerceuerunt iudicia, & abeuntes dimiserunt eum in languoribus magnis. Vides quā flagitiosis ac sordidis passionibus tradi mereatur Superbia. Qui enim elatus arrogantia, vt Deū se passus est adorari, traditur secundum Apostolū in passionibus ignominie, & in reprobū sensum, vt patiatur ea, quæ non conuenit. Et quia dicit Scriptura: Immundus est apud *Rom. 1.* Deum omnis, qui exultat cor suum; iste, qui tumida elatione cordis inflatus est, turpissimæ confusioni traditur deludentis; vt humiliatus taliter sentiret semetipsum esse vel immunditia carnis & conscientia impure passionis immundum, quod animi sui noluerat elatione sentire: & vt carnis ignominiosa contagio patefaceret immunditiā cordis eius occultam, quā Superbiæ malo contraxerat: ac manifesta pollutione corporis sui, probaretur impurus, qui per elationem spiritus factum se non sentiebat immundū.

Omnem animam superbam subdi spiritalibus nequitijis illudendam. Cap. XXII.

Quibus manifeste probatur omnem animam, quæ Superbiæ fuerit tumore possessa; intellectualibus Syris, id est, nequitijis spiritalibus tradi, eamq. passionibus carnis inuolui, vt saltem vitijs humiliata terrenis, immundam se carnaliter & pollutamq. cognoscat, quæ tepore mentis erecta, immundam se in conspectu Dei per elationem cordis effectam intelligere ante non potuit; quo vel sic humiliatus quis a pristino tepore discedat, & ignominia carnalium passionum deiectus atque confusus, ad spiritalem feruorem deinceps semetipsum ardentius conferre festinet.

Quod perfectio attingi nisi humilitatis virtute non possit. Cap. XXIII.

Evidenter itaque monstratur, non posse quemquā perfectionis finem ac puritatis attingere, nisi per humilitatem veram, quam primitus fratribus reddēs, Deo quoque in penetralibus cordis exhibeat: credens sine protectione eius atque auxilio per singula sibi momenta delato, perfectionem quam cupit, & ad quam magnopere currit, se penitus obtinere non posse.

Quos spiritualis Superbia pulset quosque carnalis. Cap. XXIV.

Hucusque de spirituali Superbia, qua diximus perfectos quosque pulsari, quantum tenuitas ingenij nostri preualuit, donante Deo dixisse sufficiat. Quod Superbię genus non multis cognitum nec expertum est; quia nec plures stident perfectam cordis apprehendere puritatem, ut ad hos praeliorum gradus ualeant peruenire, nec precedētium victorum, quorum in singulis libellis naturam pariter remediaq. pręmissimus, procuratur ulla purgatio. Sed illos solummodo pulsare solet, qui deuictis superioribus vitijs, iam propemodum sunt in virtutum culmine collocati. Quos quia lapsu carnali subtilissimus hostis superare non quirit, spirituali ruina deiecere ac supplantare conatur, per hanc illis vniuersis veterum stipendiorum meritis multo labore quęstis spoliare contendens. Ceterum nos, qui adhuc terrenis sumus passionibus inuoluti, nequaquam hoc modo tentare dignatur, sed crassiore, & ut ita dixerim, carnali elatione supplantat. Et idcirco de hac, qua maxime nos seu nostrę mensurę homines, ac pręcipue iuniorum vel incipientium mētes periclitari solent, necessarium reor secundum promissionem nostram pauca depromere,

Descriptio carnalis superbie, vel quę mala in monachi mente parturiat. Cap. XXV.

Hęc igitur, quam diximus carnalis Superbia, cum tepido ac male arrepto renuntiationis principio in monachi resederit mente, de pristino ac seculari cum timore ad veram Christi humilitatem descendere non permittens; primum inobedientem eum reddit & asperum, deinde mitem atque affabilem esse non patitur, æqualē quoque fratribus fieri communemque non sinit, nec secundum Dei

ac Saluatoris nostri mandatum, spoliari terrenis opibus *Matt. 19.*
dariq. concedit. & cum renuntiatio nihil aliud sit, nisi mor-
tificationis & crucis indicium, nec valeat alijs inchoari uel
confurgere fundamētis, quā ut se non solum actibus hu-
ius mundi spiritualiter nouerit interemptum, uerumetiam
corporaliter quotidie credat esse moriturum; e contrario fa-
cit eum uitam sperare longāuam, infirmitates proponit ei
prolixas & multas, confusionem quoque incutit, ac pudo-
rem, si nudus effectus, alienis & non proprijs facultatibus
cōperit sustentari. persuadet etiam multo esse melius ui-
ctum indumentumq. sibi sua potius quā aliena substan-
tia ministrari: secundum illud scilicet (quod quemadmo-
dum dictum sit, tali hebetudine ac tepore cordis obruti, ne
intelligere quidem aliquando potuerunt.) Beatius est ma-
gis dare quā accipere. *Act. 20.*

*Quod male fundatus quis ad deteriorem statum quotidie
prolabatur. Cap. XXVI.*

TAli igitur dissidentia mentis obsessi, & a scintilla fidei
qua uisi fuerant in primordijs suæ conuersionis accēsi,
diabolica infidelitate reuocati; incipiunt pecunias quas
ante dispeigere cōperant, diligentius custodire, & eas uelut
qui semel profligatas ulterius reparare non possint, avaritia
uehemētiore cōseruant, seu, quod est deterius, ea quæ prius
abiecerant resumentes, uel certe, quod est tertium ac teter-
rimum nequitie genus, quæ nec ante quidem possederant
congregantes, nihil amplius egressi sæculo quā nomen
acquisisse tantummodo ac uocabulum monachi compro-
bantur. Super hæc igitur initia male initioseq. fundata, ne-
cesse est ut uniuerſa deinceps † uitiosius structura confur- *Al. uitio-*
gat, nec quidquam superponi pessimis ualeat fundamētis, *rum*
nisi quod miserabilem animā ruina lugubriore prosterнат.

*Expositio uisiorum qua per morbum Superbia gene-
rantur. Cap. XXVII.*

TAlibus siquidem passim nibus obdurata, atque a tepore
detestabili incipiens, necesse est ut in deterius quotidie
proficiat, & reliquam quoque uitam suam deformiore sine
concludat: dumq. cupiditatibus pristinis oblectatur, ac, se-
cundum Apostolum, sacriega philargia uincitur, (ita

Colof. 3. eodem pronuntiante de illa: Et philargyria, quæ est simulachriorum seruitus. & iterum: Radix enim, inquit, omnium malorum est philargyria.) numquam possit in corde suo humilitatem Christi simplicem veramque suscipere; eum vel de nobilitate natalium gloriatur, vel inflatur de sæculi, quæ corpore non merè deseruit, dignitate, vel pecunijs, quas ad ruinam suam retentat, extollitur: per quæ iam non monasterij iugum sustinere contentus est, uo senioris vilius institui disciplina. Quisquis enim Superbiæ morbo fuerit occupatus, non solum nullam subiectionis aut obediencie regulam custodire dignatur, suam ne ipsam quidem auri- bus suis doctrinam perfectionis admitat. tantumque conerefcit in corde eius spiritualis verbi fastidium, vt cum forte talis fuerit oborta collatio, vno in loco stare nesciat eius obtutus, sed huc atque illuc stupidus circumferatur intuitus, aliorum & in obliquum quæ moris est oculi defigantur. Pro suspirijs enim salutaribus, sputa de sicco guttore corraduntur, excreationes etiã sine vlla interpellatione phlegmatis prouocantur, digiti ludunt, & in modum quiddam scribentis volitant atque depingunt: & ita huc atque illuc vniuersa membra corporis commouentur, vt dum spiritualis agitur collatio, totum se vel scatentibus vermibus, vel acutissimis sudibus credat insidere, & quidquid simplex collatio ad ædificationem protulerit audientium, ob suam suzillationem æstimet esse prolatum. Totoque tempore, quo spiritualis vitæ examinatio ventilatur, suis suspiciouibus occupatus, non quid exinde ad profectum suum capere debeat aucupatur, sed causas cur vnumquodque sit dictum sollicita mente perquirat, vel quid eis possit obijcere tacita intra se cordis volutatione coniecat; vt nihil ex his, quæ saluberrime sunt digesta penitus apprehendere, aut in aliquo valeat emendari. Et ita fit vt non solum in nullo ei proficiat collatio spiritualis, verum etiã damnosa magis existat, efficiaturque ei causa maioris peccati. Dū enim pro cōscientia sua totum contra se suspicatur esse prolatum, vehementiori cordis obstinatione duratur, ira quoque stimulis acius instigatur: deinde post hæc excelsa vox, sermo rigidus, amara & turbulenta responsio, incessus erectus ac mobilis, lingua facilis, procax loquela, nec vnumquam taciturnitatis amica, nisi eum cōtra fratrem rancorem quendam in suo corde conceperit, fitque silentium eius non compunctionis

nec humilitatis ullius, sed superbiæ & indignationis indicium, ita ut quid in eo detestabilius sit, haud facile discernatur, utrum diffusa illa petulansque lætitia, an dira hæc virulentatque serietas. In illa namque sermo non opportunus, risus levis ac fatuus, effrænata ac indisciplinata cordis elatio: in ista vero ira plenum virulentumque silentium, & quod ob hoc tantum concipitur, ut aduersus fratrem rancor taciturnitate seruatus protelari diutius possit, non ut ex eo virtus humilitatis ac patientiæ præbeatur. Et cum ipse tumore possessus facile cunctis tristitias inferat, atque ad satisfactionem læsi fratris semetipsum submittere dedignetur, etiam ab illo sibi oblatam respuit atque contemnit. Et non solum nulla fratris satisfactione compungitur atque molliitur, verum etiam cur ab eo sit in humilitate præueniens grauius indignatur. Fitque ei salutaris humilitas ac satisfactio, quæ finem diabolicis intentionibus solet inferre, causa vehementioris incendij.

al. tentationibus

De fratris cuiusdam superbia. Cap. XXVIII.

A Vdiui in hac dumtaxat regione (quod horret pudetque renouere) quendam iuniorum cum a suo increparetur abbate, cur humilitatem, quam renuntiatis pro modico tempore retentarat, cepisset excedere, ac diabolica inflari superbia, summa contumacia respondisse: Numquid ob hoc memetipsum humiliati pro tempore; ut semper subditus sim? Ad quod eius tam effrænatum scelestumque responsum ita est senior obstupefactus, omnisque eius interceptus est sermo (velut qui ab illo ipso antiquo lucifero verba hæc prolata, non ab homine percepisset) ut nullam vocem aduersus tantam proteruiam de ore suo prorsus emittere, nisi gemitus de corde tantummodo ac suspiria potuerit; illud solum tacitus intra semetipsum voluens, quod de Salvatore nostro dicitur: Qui cum in forma Dei esset, humiliavit se, factus obediens (non ut ille ait diabolico spiritu ac tumore possessus, pro tempore,) sed utque ad mortem.

Philip. 2.

Indicia quibus Superbia carnalis anime inesse cognoscitur. Cap. XXIX.

E T ut breuius ea, quæ dicta sunt, de hoc Superbiæ genere perstringamus, quædam signa eius in quantum

possumus colligentes, ut his qui de perfectione sitiunt erudiri, quodammodo characteres eius de exterioris hominis motibus exprimamus, necessarium puto paucis eadem replicari, ut compendiosius agnoscamus, quibus eam discernere ac deprehendere valeamus indicijs; quo nudata atque in superficiem producta passionis huius radices, & occultatim deprehensa atque perspecta, vel conuelli facilius valeant, vel vitari. Tunc enim poterit pestifer morbus ad integrum declinari; cum contra ipsius perniciosos aestus & imperius noxios, non sera obseruantia, cum iam dominatur assumitur, sed cum praecedentes eius (ut ita dixerim) lineas agnoscentes, prouida eum sagacique discretionis praecurramus. De exterioris namque, sicut praediximus, hominis motu, interioris status agnoscitur. His igitur indicijs carnalis ista, quam praefati sumus, Superbia declaratur. Inest primitus in loquela eius clamor, amaritudo in taciturnitate, excelsus & effusus in latitia risus, irrationabilis in serietate tristitia, in responsione rancor, facilitas in sermone, verba passim sine ulla cordis gravitate erumpentia. Expertus patientiae est, charitatis aliena, audax ad contumelias irrogandas, pusillanimis ad tolerandas, ad obediendum diffidens, nisi in quo eam desiderium suum voluntasque prauenerit, ad recipiendam exhortationem implacabilis, ad rescandandas voluntates suas infinita, ad succumbendum alienis durissima, semperque suas definitiones statuere contendens, ipsa vero nequaquam cedere alterius acquiescens: & ita fit ut etiam incapax consilij salubris effecta, in omnibus suo potius quam seniorum credat iudicio.

*Tepe factus quis per Superbiam alijs quoque praesse
desiderat. Cap. XXX.*

Quibus descensuum gradibus, is quem semel possidet deuolutus, iam ipsam disciplinam cenobij perhorrescit, ac veluti qui fratrum consortio de perfectione tetrahat, ac de bono patientiae atque humilitatis aliorum vitio & impedimento renocetur, habitationem solitariae cellae desiderat seu certe velut plures alios lucraturus construere monasterium, & quos docere atque instituere debeat congregare festinat: ex discipulo nequam, detestabilior magister effectus. Nam cum huiusmodi elatione cordis in perniciosissimum reporem noxiumque contruxerit, &

nec

nec verus monachus, nec sæcularis effectus sit, quod est deterius, etiam perfectionem sibi ex hoc ipso miserabili statu & conuersatione promittit.

Quomodo Superbiam vincere, vel ad perfectionem peruenire possimus. Cap. XXXI.

Quamobrem si ædificij nostri fastigia perfecta volumus ac placentia Deo consurgere, fundamenta eius non secundum nostræ libidinis voluntatem, sed secundum districtiōis euangelicæ disciplinam iacere festinemus; quæ alia esse non possunt quàm timor Dei, atq. humilitas, quæ de mansuetudine & cordis simplicitate descendit. Humilitas verò nullatenus poterit absq. nuditate conquiri. Quæ peregrinante, nec obedientiæ bonum, nec patientiæ robur, nec mansuetudinis tranquillitas, nec consummatio charitatis ullatenus poterit apprehendi: sine quibus cor nostrum habitaculum Spiritu sancti penitus esse non poterit, ita pronuntiante Domino per prophetam: Super quem requiescet spiritus meus, nisi super humilem & quietum, & trementem verba mea? Siue secundum exemplaria quæ Hebraicam exprimunt veritatem: Ad quem respiciam, nisi ad pauperem & contritum spiritu, & trementem verba mea?

*Esai. 66.
sec. LXX.*

Quomodo depopulatrix omnium virtutum Superbia per veram humilitatem possit extinguī.

Cap. XXXII.

Quapropter atleta Christi, qui spiritalem agonem legitime certans, à Domino desiderat coronari, hanc quoque ferocissimam bestiam, ut deuoratricem cunctarum uirtutum, omnimodis festinet extinguere: certus quòd hac in suo pectore commorante, non solum omnigenis uitijs carere non possit: uerum etiam si quid uirtutis habere uideatur huius ueneno depereat. Nullo enim modo poterit in anima nostra uirtutum structura consurgere, nisi prius iacta fuerint ueræ humilitatis in nostro corde fundamenta; quæ firmissime collocata, perfectionis & charitatis culmē ualeāt sustinere: ita scilicet, ut, quemadmodū diximus, primum fratribus nostris humilitatem veram intimo cordis exhibeamus affectu, in nullo scilicet acquiescentes eos contristare uel ledere. Quod nullatenus poterimus implere, nisi abrenuntiatio uera, quæ in expoliatione omnium facultatum ac nuditate consistit, in nobis fuerit

fuerit Christi amore fundata : deinde obedientiae iugum & subiectio simplici corde ac sine vlla fuerit simulatione suscepta, ita vt præter abbatis mandatum nulla penitus voluntas viuatur in nobis . Quod non aliter obseruari poterit, nisi quis non solum se mortuum huic mundo, verum etiam insipientem iudicauerit ac stultum , vniuersa, quæ sibi fuerint a senioribus imperata, sine vlla discussione persciens : sacrosancta ea credens ac diuinitus promulgata .

Remedia aduersus morbum Superbia . Cap. XXXIII.

IN qua consistentibus qualitate, proculdubio status ille humilitatis vere tranquillus atque immobilis subsequetur, vt nosmetipsos inferiores omnibus iudicantes, vniuersa, quæ nobis fuerint irrogata, tamenetsi iniuriosa sint, uel damnosa, tamquã a senioribus nostris illata, patientissime toleremus . Quæ quidem a nobis non solum facillime tolerabuntur, uerum etiam parua iudicabuntur ac nulla ; si mente iugiter recolamus uel Domini nostri uel sanctorum omnium passiones : considerantes tanto leuioribus nos iniurijs attentari, quanto longius a meritis eorum & conuersatione distamus . pariter etiam cogitantes in breui nos de hoc sæculo migraturos, eorumq. nos celeri uitæ huius sine, mox futuros esse consortes. Perceptoria namque est hæc contemplatio, non solum superbix, uerum etiam generaliter omnium uitiorum . Deinde post hæc hanc eandem humilitatem erga Deum firmissime retentemus. Quod a nobis ita complebitur, ut nihil nosmetipsos absq. opitulatione uel gratia, quod ad uirtutum consumptionem pertinet, posse perficere cognoscamus : sed & hoc ipsum, quod intelligere meruimus, eius esse munus .

**LIBRI XII. AC POSTREMI
FINIS.**

IOANNIS CASSIANI
EREMITAE
IN DECEM COLLATIONES
PATRVM IN SCITHICA EREM-Q
COMMORANTIVM.



Ad Leontium episcopum & Helladium

P R Æ F A T I O.

DEBITVM, quod beatissimo Papæ Casto-
ri in eorum uoluminum præfatione pro-
missum est, quæ de institutis cœnobio-
rum, & octo principalium uitiorum re-
medijs, duodecim libellis Domino adiu-
uante digesta sunt, in quantum tenui-
tas nostri sufficit ingenij, utcumq. sarcitum est. Viderim
sane quid super hoc uel illius uel nostri fuerit examinis
æquitate perpensum, utrum in rebus tam profundis tamq.
sublimibus, & quæ in usum stili, ut arbitror, antea non
uenerint, dignum aliquid cognitione uestra omniumq.
sanctorum fratrum desiderio prompserimus. Nunc autem
quia derelinquens nos Pontifex supradictus, migravit ad
Christum; has interim decem collationes summorum pa-
trum, id est anachoretarum, qui in eremo Scithi mora-
bantur (quas ille incomparabili flagrans studio sanctitatis,
simili sibi iusserat sermone conscribi, non expendens præ
multitudine charitatis, quanto infirmas ceruices pondere
prægrauaret) uobis potissimū, o beatissime Papa Leonti,
& sancte frater Helladi credidi consecrandas. Alter siqui-
dem uestrum memorato uiro & germanitatis affectu, &
sacerdotij dignitate, & (quod his maius est) sancti studij
feruore coniunctus, hereditario fraternum debitum iure
deposcit. alter anachoretarum instituta sublimia, non ut
quidam propria aggressus est præsumptione sectari, sed
legi-

legitimum doctrinæ tramitem, sancto Spiritu suggerente, pene antequam disceret apprehendens, non tam suis adinventionibus, quàm illorum traditionibus maluit erudiri. In quibus mihi nunc in portu silentij constituto, immensum pelagus aperitur, ut scilicet de instituto atque doctrina tantorum virorum quædam tradere audeam memoriæ litterarum. Tanto enim profundioris navigationis periculis fragilis ingenij cymba iactanda est, quanto à cœnobijs anachoresis, & ab actuali uita, quæ in congregationibus exercetur, contemplatio Dei, cui illi inæstimabiles viri semper intenti sunt, maior atque sublimior est. Vestrum igitur est conatus nostros pijs orationibus adiuuare, ne aut tam sancta materiâ imperito quidem sed fideli sermone promenda pericliteretur in nobis; aut rursus eiusdem materiæ abyssis obruatur nostra rusticitas. Proinde ab exteriori ac visibili monachorum cultu, quem prioribus digessimus libris, ad inuisibilem interioris hominis habitum transeamus, & de canonicarum orationum modo, ad illius quam

2. Thes. 5. Apostolus præcipit orationis perpetuæ iugitatem ascendat eloquium; ut quisquis iam superioris operis lectione, Iacob illius intelligibilis nomen carnalium uitiorum supplæmentatione promeruit; nunc etiam non tam mea, quàm patrum instituta suscipiens, diuinæ iam puritatis intuitu ad meritum & (ut ita dixerim) dignitatem transiens Israelis, quid in hoc quoque perfectionis culmine debeat obseruare, similiter instruat. Obtineant itaque orationes uestræ ab eo qui dignos nos, uel uisu eorum, uel discipulatu, uel consortio iudicauit, ut uobis earumdem traditionum memoriam plenam, & sermonem ad dicendum facilem conferre dignetur, quo tam sancte eas, tamq. integre, quàm ab ipsis accepimus explicantes, ipsos quodammodo suis institutis incorporatos, & quod est maius, Latino disputantes eloquio uobis exhibere possimus. Hoc sane uolumus ante omnia, tam harum collationum, quàm superiorum uoluminum præmonitum esse lectorem, ut si qua forte in his pro status sui & propositi qualitate, siue pro usu & conuersatione communi, uel impossibilia putauerit esse, uel dura, non ea secundum suæ modulum facultatis, sed secundum dignitatē & perfectionem loquentiū metiatur: quorū prius studium atque propositum mente concipiat, quo uere mortui huic conuersationi mūdanz, nullis affectionibus

paten-

parentum carnalium, nullis actuum sæcularium nexibus obligantur. Deinde locorum, quoque, in quibus commorantur, consideret qualitatem, quia in solitudine vastissima constituti, atque ab vniuersorum mortalium consortio separati, & per hoc illuminationem sensuum possidentes, contemplantur vel proloquuntur ea, quæ inexper-
tis atque ineruditis pro conditione & mediocritate consue-
tudinis suæ impossibilia forsitan videbuntur. De quibus
tamen si quis voluerit veram proferre sententiã, & utrum
impleri queant, desiderat experiri, festinet prius eorum

propositum simili studio & conuersatione susci-

pere, & tunc demum ea, quæ supra facul-

tatem hominis videbantur, non so-

lum possibilia, verumetiam

suauissima depre-

hendet.

Sed nunc iam ad collationes

corum & institu-

ta propere-

mus.

PRÆFATIONIS FINIS.

COLLATIO PRIMA

ABBATIS MOSI

DE MONACHI DESTINATIONE VEL FINÈ.

De habitatione Scithi, & proposito abbatis Mofi.

Cap. I.



VM in eremo Scithi, ubi monachorum probatissimi patres, & omnis commorabatur perfectio, abbatem Mosen, qui suavius inter illos egregios flores, non solum actuali, verumetiam theoretica uita fragrabat, institutione eius fundari cupiens expetissem una cum sancto abbate

Germano (cum quo mihi ab ipso tyrocinio ac rudimentis militiæ spiritualis, ita indiuiduum deinceps contubernium tam in cœnobio, quàm in eremo fuit ut cuncti ad significandam sodalitaris ac propositi nostri paritatem pronuntiarent, unam mentem atque animam dnobus inesse corporibus,) pariterque ab eodem abbate ædificationis sermonem fuis lacrymis ambiremus; (quippe cuius hunc animi rigorem manifestissime noueramus, ut nisi fideliter desiderantibus, & cum omni cordis contritione quærentibus, nequaquam penitus acquiesceret perfectionis † aperite doctrinam, ne scilicet si passim uel nolentibus eam, uel tepide sitientibus exhiberet, res necessarias, & quæ solis perfectionem cupientibus debent esse compertæ, indignis & fastidiosè suscipientibus pandens, aut iactantiæ vitium, aut proditoris crimen uideretur incurrere: (tandem fatigatus precibus nostris, ita exorsus est.

*al. ianuā
aperire*

De interrogatione abbatis Mofi, quærentis qui monacho scopos, vel quis sit finis. Cap. II.

O Mnes, inquit, artes ac disciplinæ σκοπὸν quēdā, id est, destinationem; & τέλος, hoc est, finem proprium habere noscuntur ad quem respiciens unuscuiusq. artis industrius appetitor, cunctos labores & pericula atque dispendia æquanimiter grauatèrque sustentat. Nam & agri-

agricola flagrantis solis radios, pruinas quoque & glaciem non declinans, terram infatigatus exercet, & indomitas agri glebas frequenti vomere subigit, dum scopon seruat, ut eam cunctis sentibus expurgatam, vniuersisq. graminibus absolutam, in modum solubilis arenę fauillęq. comminuat: finem, id est, perceptionem copiosarum frugum & exuberantium segetum non alias adepturum se esse confidens; quo vel ipse deinceps vitam securus exigere, vel suam possit amplificare substantiam. Referta etiam frugibus horrea libenter exhaurit, easq. putribus sulcis instanti labore commendat, præsentem diminutionem futurarum messium contemplatione non sentiens. Illi etiam, qui negotiationum solent exercere commercia, non incertos pelagi timent casus, non vlla discrimina perhorrescunt, dum ad finem quæstus spe proposita prouocantur. Nec non etiam hi, qui militię mundialis ambitione flammantur, dum prospiciunt honorum ac potestatum finem, peregrinationum exilia ac peticla non sentiunt; neq. præsentibus ærumnis bellisq. franguntur, dum propositum sibi dignitatis finem cupiunt obtinere. Habet ergo & nostra professio scopon proprium ac finem suum, pro quo labores cunctos non solum infatigabiliter, verum etiam gratanter impendimus, ob quem nos ieiuniorum inedia non fatigat, vigiliarum lassitudo delectat, lectio ac meditatio scripturarum continuata non satiat, labor etiam incessabilis, nuditasq. & omnium rerum priuatio iucundissime sustinetur, horror quoq. huius vastissimę solitudinis non detertet. Ob quem vos ipsi proculdubio parentum spreuistis affectum, & patrium solum ac delicias mundi tot pertransitis regionibus despexistis, ut ad nos homines rusticos & idiotas, atq. in hoc eremi squalore degentes peruenire possietis. Propter quod respondete, inquit mihi, quæ sit destinatio vestra vel finis, qui ad hæc omnia sustineanda vos prouocat.

De responsione nostra. Cap. III.

ET cum persisteret nostram elicere super inchoata disputatione sententiam respondimus; Regni cælorum causa nos hæc cuncta tolerare.

De interrogatione Moysi super propositione prædicta. Cap. IV.

AD quod ille: Bene, inquit, & argute de fine dixistis; qui, vero debeat esse scopos noster, id est, destinatio,

eui

*al. quasi
finis opu-
lentiam.*

cui iugiter inhæretes finem valeamus attingere, præ omnibus nosse debetis. Et cū ignorationem confessi simpliciter fuissimus, adiecit: In omni, vt dixi, arte ac disciplina præcedit quidā scopos, id est, animi destinatio, siue incessabilis mentis intentio, quam nisi quis omni studio perseueratiāq. seruauerit, nec ad finem desiderati fructus poterit peruenire. Nā, vt dixi, agricola finē habens secure copioseq. viuendi in prouentu segetum secundarum, scopon, id est, destinationem gerit, agrum suum sentibus cunctis absolnere, eūq. vniuersis infructuosis vacuare graminibus, nec aliter se quietis finem opulentiamq. adepturum esse confidit, nisi id quod usu obtinere desiderat, quadam prius operis ac spei suæ ratione possideat, Negotiator quoque illud vel istud mercandi desiderium non deponit, per quod possit quæstuosius diuitias congregare; quia frustra concupisceret lutrum, nisi viam qua ad id tenderet, elegisset. Et qui certis quibusq. dignitatibus mundi huius cupiunt honorati, cui se officio uel ordini mancipare debeant, ante proponunt, vt per legitimum spei tramitem, finem quoque valeant desiderata dignitatis attingere. Itaque & viæ nostræ finis quidē est regnum Dei, qui vero sit scopos debet diligēter inquiri. Qui si nobis similiter compertus non fuerit, frustra nitēdo fatigabimur, quia sine via tendentibus labor est itineris, non profectus. Ad quod obstupescuntibus nobis, intulit senex: Finis quidem nostræ professionis, ut diximus, regnum Dei seu regnum cælorum est: destinatio vero, id est scopos, puritas cordis, sine qua ad illum finem impossibile est quēpiam peruenire. In hac igitur destinatione desigentes nostræ directionis obtutus, uelut ad certam lineam, cursum rectissimum dirigemus: ac si paululum quid ab hac cogitatio nostra deflexerit, ad contemplationem eius illico recurrentes, rursus eam uelut quadam norma rectissima corrigemus, quæ semper omnes conatus nostros ad vnum hoc reuocans signum, arguit statim si a proposita directione mens nostra vel paululum deuiarit.

De comparatione eius, qui destinata ferire contendat. Cap. V.

Quemadmodum hi, quibus vsus est bellica tela tractandi, cum ante regem mundi huius artis suæ cupiunt peritiam demonstrare, in paruissima quadam scutula, quæ depicta in se continet præmia; iacula vel sagitte

tas intorquere contendunt, certi quòd non aliàs, nisi destinationis suæ linea ad finem possint desiderati præmij peruenire, securi, de illo, si modo propositum scopon valuerint obtinere. Qui si forte ab eorum fuerit subtractus intuitu, nec indeclinabiliter ei sagacissimorum obtutuum peruicacia inhaerint, quantumlibet a recto tramite cassi imperitorum deeret intentio, excidisse se tamen ab illius disciplinatæ lineæ directione non sentient, quia nullum habent certum signum, quod vel peritiam directionis probet, vel arguat prauitatem; & ideo cum inutiles in aëra vacuum effuderint iactus, in quo peccauerint, quoque decepti sint diiudicare non possunt, quippe quos nulla mensura proposita arguit quantum a directione discesserint, nec quo deinceps corrigere vel reuocare debeant lineam disciplinæ docere potest passiuus obrutus. Ita igitur & nostri propositi finis quidem, secundum Apostolum, vita æterna est, ita eodem pronuntiante: Habentes quidem fructum vestrum in sanctificatione, finem vero vitam æternam, Scopos vero est puritas cordis, quam sanctificationem non immerito nuncupauit, sine qua prædictus finis non poterit apprehendi. Ac si dixisset alijs verbis: Habentes quidem scopon vestrum in cordis puritate, siue vero vitam æternam; De qua destinatione alibi docens nos idem beatus Apostolus, ipsum nomen, id est, scopon, significanter exprimens, ita intulit: Quæ posteriora sunt obliuiscens, ad ea vero quæ ante sunt extendens me, ad destinatum persequor brauium supernæ vocationis Domini. Quod eundem in Greco ponitur, κατὰ σκοπον διδωκω, id est, secundum destinationem persequor; tamquam si dixisset: Hac destinatione, qua illa quæ posteriora sunt obliuioni transmittito, id est, anterioris hominis vitia, ad finem brauij cælestis peruenire contendo. Quidquid ergo nos ad hunc scopon, id est, puritatem cordis potest dirigere, tota virtute sectandum est; quidquid autem ab hac retrahit, vt perniciosum ac noxium deuitandum. Pro hac enim vniuersa toleramus & agimus, pro hac parentes & patria, dignitates, diuitiæ, deliciæ mundi huius & voluptas vniuersa continentur, vt scilicet puritas cordis perpetua retentetur. Hac itaque nobis destinatione proposita, semper actus nostri & cogitationes ad eam obtinendam, rectissime diriguntur, Quæ si præ oculis nostris iugiter statuta non fuerit, non

*al. nullum
accusat in
dicium.*

Rom. 6.

Philip. 3.

solum cunctos labores nostros varios pariter atque instabiles reddens, incassum eos ac sine vilo emolumento compellet effundi, sed etiam cogitationes omnes diuersas sibiq. contrarias suscitabit. Necesse est enim mentem quo recurat, cui ve principaliter inhercat non habentem, per singulas horas atque momenta pro incursum varietate mutari; atque ex his, quæ extrinsecus accidunt, in illum statum continuo transformari, qui sibi primus occurrunt.

De his, qui abrenuntiantes mundo ad perfectionem sine charitate contendunt. Cap. VI.

Hinc namque est, quod nonnullos mundi huius maximas facultates, & non solum multa auri atque argenti talenta, verum etiam prædiorum magnificentiam contemnentes, post hæc videmus pro scalpello, pro graphio, pro acu, pro calamo commoueri. Qui si contemplationem mundi cordis fixam tenerent, numquam vrique pro paruis rebus admitterent, quod ne pro magnis ac pretiosis, incurrerent opibus, eisdem penitus abicere maluerunt. Nam plerumque nonnulli tanto zelo codicem seruant, ut eum ne leuiter quidem legi vel contingi ab aliquo patiantur; & inde occasiones impatientiæ ac mortis incurrant, unde monentur stipendia patientiæ & charitatis acquirere. Cumque omnes diuitias suas pro Christi amore disperferint, pristinum tamen cordis affectum in rebus minimis retinentes, & pro ipsis nonnumquam mobiliter irascentes, veluti qui non habeant apostolicam charitatem, ex omnibus instructi sterilesque redduntur. Quod in spiritu beatus apostolus præuidens: Et si distribuero; inquit, in cibos pauperum omnes facultates meas, & tradidero corpus meum ut ardeam, charitatem autem non habeam, nihil mihi prodest. Vnde liquido comprobatur perfectionem non statim nuditate nec priuatione omnium facultatum: seu dignitatum abiectione contingi, nisi ꝑ fuerit charitas illa, cuius Apostolus membra describit, quæ in sola cordis puritate consistit. Nā quid est aliud, non æmulati, non inflari, non irritari non agere perperam, non quærere quæ sua sunt, non gaudere super iniquitate, non cogitare malum, & reliqua; nisi cor perfectum ac mundissimum Deo semper offerre, & intactum a cunctis perturbationibus custodire.

1. Cor. 13.

al. affue-
rit.

De appetenda tranquillitate cordis. Cap. VII.

OMnia igitur huius gratia gerenda appetendaq. sunt nobis, pro hac solitudo sectanda est, pro hac ieiunia, uigilias, labores, corporis nuditatem, lectionem, ceterasq. uirtutes debere nos suscipere nouerimus, ut scilicet per illas ab uniuersis passionibus noxijs illasum parare eor nostram & conseruare possimus, & ad perfectionem charitatis istis gradibus innitendo conscendere, & non propter has obseruantias: si forte honesta ac necessaria occupatione præuerti, solemnitatem nostrę distractionis non potuerimus implere, incidamus in tristitiam, uel iram, siue indignationem, ob quæ expugnanda illud, quod prætermisum est, fueramus acturi. Non enim tantum est lucrum ieiunij, quantum ire dispendium; nec tantus lectione capitur fructus, quantum contemptu fratris incurritur detrimentum. Ea igitur, quę sequentia sunt, id est, ieiunia, uigilię, anachoresis, meditatio scripturarum, propter principalem scopon, id est, puritatem cordis, quod est charitas, nos conuenit exercere; & non propter illa principalem hanc perturbare uirtutem: qua in nobis integra illasq. durante, nihil oberit si aliquid eorum, quę sequentia sunt, pro necessitate fuerit prætermisum. Siquidem nec proderit uniuersa fecisse, adempta hac, quam diximus principali causa, cuius obtentu sunt omnia perpetranda. Ob hoc enim quis ꝑ utensilia cuiuslibet artis instituere sibi met ac præparare festinat, non ut ea possideat otiosa, nec ut emolumentum illius fructum, qui speratur ex ipsis, in uida instrumentorum possessione constituat, sed ut eorum ministerio peritiam finemq. illius disciplinę, cuius hęc adiumenta sunt, efficaciter apprehendat. Igitur ieiunia, uigilię, meditatio scripturarum, nuditas ac priuatio omnium facultatum, non perfectio, sed perfectionis instrumenta sunt, quia non in ipsis consistit disciplinę illius finis, sed per illa peruenitur ad finem. In casum igitur hęc exercitia molietur, quisquis his uelut summo bono contentus, intentionem sui cordis hucusque defixerit, & non ad capiendum finem, propter quem hęc appetenda sunt, omni conatu semet extenderit, habens quidem disciplinę illius instrumenta, finem uero in quo omnis fructus consistit ignorans. Quidquid igitur potest istam mentis nostrę puritatem tranquillitatemq. turbare, quamuis uile ac necessarium uide-

al. ferramensa.

M 2 deatur,

deatur, vt noxium deuitandū est. Hac enim norma & errorum peruagationumq; omniū dispersione poterimus euadere, & desideratum finē linea certæ directionis attingere.

De principali conatu erga diuinarum rerum contemplationē, & similitudine Mariæ & Marthæ. Cap. VII.

Hic ergo nobis principalis debet esse conatus, hæc immobilis destinatio cordis iugiter affectanda, vt diuinis rebus ac Deo mens semper inhæreat, quidquid ab hac diuersum est, quamuis magnum, secundum tamen aut etiam infimum, seu certe noxium iudicandum est. Huius mentis vel actus figura, etiam in Euangelio per Martham & Mariā pulcherrime designatur. Cum enim Martha sancto utique ministerio deseruiret, utpote quæ ipsi Domino eiusq; discipulis ministrabat; & Maria spiritali ratum modo intenta doctrinæ, Iesu pedibus inhæreret, quos osculans, bonæ confessionis liniebat unguento: præfertur tamen a Domino, quod & meliorem elegerit partem, & eam quæ ab ea non possit auferri. Nā cum laboraret Martha pia sollicitudine ac dispensatione distenta, solam se videns ad tantum ministerium non posse sufficere, adiutorium sororis a Domino postulabat, dicens: † Num tibi placet quia soror mea reliquit me. solam ministrare? Dic ergo illi vt me adiuuet. Vtique non ad vile opus, sed ad laudabile eam ministerium prouocabat: & tamen audit a Domino: Martha Martha sollicita es, & turbaris erga plurima: paucis vero opus est, aut etiam vno. Maria bonam partem elegit, quæ non auferetur ab ea. Videtis ergo principale bonum in theoria sola id est, in contemplatione diuina Dominum posuisse. vnde ceteras virtutes licet necessarias & viles pronuntiemus, secundo tamen gradu censendas esse decernimus, quia vniuersæ huius vnius † patrantur obtentu. Dicens enim Dominus: Sollicita es, & turbaris erga plurima: paucis vero opus est, aut etiam vno; summum bonum nō in actuali, quamuis laudabili opere, & multis fructibus abundanti, sed in diuina contemplatione, quæ vere simplex & vna est, collocauit; paucis opus esse pronuntias ad perfectam beatitudinem, id est, illam theoriam, quæ prius in paucorum seruatur consideratione sanctorum, ad quorum contemplationem conscendens, is, qui adhuc in profectu pos-

Luc. 10.

Luc. 7.

Luc. 10.

al. Non ti

bi sedet.

f. nunc ti

bi sedet.

Deut. 21.

Ibid.

al. paran

tur,

Ibid.

fitus est, ad illud quoque quod dicitur vnum, id est, Dei solus intuitum, ipso adiuuante perueniret: ut scilicet etiam sanctorum actus ac ministeria mirifica supergressus, solus Dei iam pulchritudine scientiaque pascatur. Maria ergo bonam partem elegit, quæ non auferetur ab ea. Et hoc diligentius intuendum est. Nam cum dicit: Maria bonam partem elegit; licet taceat de Martha, & nequaquam eam vituperare videatur, illam tamen laudans, hanc inferiorem esse pronuntiat. Rursum cum dicit: Quæ non auferetur ab ea, ostendit quod ab hac sua portio possit auferri; (nec enim ministerium corporale cum homine poterit iugiter permanere:) illius vero studium nullo proflus auro docet posse finire.

Interrogatio, quomodo functiones virtutum cum hominibus
 GERMANVS. *non persuerent. Cap. IX.*

AD quod nos valde permoti, Quid ergo? diximus, labor ieiuniorum, lectionis instantia, opera misericordiae iustitiae, pietatis, & humanitatis auferentur a nobis, & non permanebant cum auctoribus suis? praesertim cum ipse Dominus retributionem regni caelorum his operibus reponat, dicens: Venite benedicti patris mei, possidete regnum paratum vobis a constitutione mundi. Esuriui enim, & dedistis mihi manducare; sitiui, & dedistis mihi bibere, &c. Quomodo ergo auferentur haec, quæ introducunt factores suos in regnum caelorum?

Matt. 25,

Responsio, quod non sit earum merces, sed actio cessatura.
 MOSES. *Cap. X.*

NEc ego dixi mercedem boni operis auferendam, dicente eodem Domino: Qui potum dederit vni ex minimis istis calicem aquæ frigidae, tantum in nomine discipuli, amen dico vobis, non perdet mercedem suam. sed actionem dico, quam vel necessitas corporalis, vel impugnatio carnis, seu mundi huius inæqualitas administrari exigit, auferendam. Nam lectionis instantia, vel ieiuniorum afflictio ad emundationem cordis & castigationem carnis (quæ si elata fuerit esearum nimietate, seu mens incuria, confectum luxuriæ atque libidinis aculeis puritatem cordis infestat) in praesenti tantummodo vtiliter exercentur, donec caro concupiscit aduersus spiritum; quæ nonnumquam ab his qui labore nimio, seu ægritudine corporis, senioreque defessi sunt, etiam in praesenti videmus auferi.

Matt. 10,

Galat. 3.

al. defessi

1. Cor. 15. ri, nec ab homine posse iugiter exerceri: quanto magis ergo hæc in futuro cellabunt, cum corruptibile hoc induerit incorruptionem, corpusque istud, quod nunc animale est, surrexerit spiritale, & cœperit caro non esse iam talis, ut aduersus spiritum concupiscat? de quibus etiam beatus Apostolus manifeste pronuntiat: Corporalis, inquiens, exercitatio ad modicum utilis est: pietas autem (quæ siue dubio charitas intelligitur) ad omnia utilis est promissionem habens vitæ, quæ nunc est, & futuræ. Quæ ergo dicitur ad modicum esse utilis, manifeste pronuntiat nec per omne tempus exerceri posse, nec summam perfectionis per se solam laboranti conferre. Modicum quippe ad utrūque referri potest, id est, vel ad breuitatem temporis, quod scilicet homini tam in præsentī quàm in futuro exercitatio corporalis cœterna esse non possit, vel certe ad paruitatem utilitatis, quæ de carnali exercitatione conquirunt, eo quod afflictio corporalis initia quædam profectus, non ipsam perfectionem pariat charitatis, quæ promissionem habet vitæ præsentis & futuræ. Et ideo exercitia operum prædictorum necessaria esse censemus, quia sine ipsis ad charitatis fastigia nō possit ascendi. Hæc etiam, quæ dicitis opera pietatis ac misericordiæ necessaria sunt in hoc tēpore, dum adhuc inæqualis diuersitas dominatur, quorum ne hic quidem ꝑ expeteretur operatio, nisi inopū, indigentium, infirmorumq. pars maxima redundaret, quæ inæqualitate hominum facta est, eorum scilicet, qui ea, quæ omnibus in commune a creatore concessa sunt, in suos tantum occupant vsus nec tamen vtenda tenuerunt. Denec ergo in hoc mundo inæqualitas ista grassatur, erit hæc actio necessaria & utilis exercenti, restituens quidem bono affectui & piæ voluntati retributionem hereditatis æternæ, ipsa vero in futuro sæculo paritate regnante cessabit; cum iam non fuerit inæqualitas propter quam hæc debeant exerceri, sed cūcti ab hac multiplici, id est, actuali operatione ad charitatem Dei, & diunarum rerum contemplationem perpetua cordis puritate transibunt; cui se hi, quibus curæ est vel scientiæ vel emundationi mentis insistere, iam in hoc sæculo constituti elegerunt omni conatu ac viribus mancipare: illi scilicet semetipsos officio adhuc in carne corruptionis positi deputantes, in quorū corruptione deposita permansuri; peruenientes ad illam

illam promissionem Domini Saluatoris, qua dicitur: Beati mundo corde, quoniam ipsi Deum videbunt. *Matth. 5.*

De charitatis perpetuitate. Cap. XI.

ET quid miramini, si illa officia superius comprehensa transibunt, cum sanctus Apostolus etiam sublimiora Spiritus sancti charismata transitura describat, solam vero charitatem designet sine fine mansuram? Siue, inquit, prophetie euacuabuntur, siue lingue cessabunt, siue scientia destruetur. De hac autem: Charitas nunquam excidit. Omnia namque dona pro usu ac necessitate tribuuntur ad tempus, consummata dispensatione mox proculdubio transitura: charitas vero nullo interceptur tempore. non solum enim in presenti utiliter operatur in nobis, sed etiam in futuro sarcina corporee necessitatis abiecta, efficacior multo atque excellentior permanebit, nullo umquam corrumpenda defectu, sed per in corruptionem perpetuam flagrantius Deo atque intentius adhesura.

Interrogatio de perseverantia spiritualis theoria.

GERMANVS.

Cap. XII.

QVis ergo potest fragili carne circumdatus ita esse huic theorie semper affixus, ut nunquam cogitet de fratris aduentu, de visitatione infirmi, de opere manuum; vel certe de humanitate peregrinis vel aduenientibus exhibenda? Postremo quis non interpelletur corporis ipsius prouisione vel cura? At quemadmodum mens vel in quo illi inuisibili & incomprehensibili Deo valeat inseparabiliter coherere, cupimus edoceri.

Responsio de directione cordis in Deum, & de regno Dei.

MOSES.

& diaboli. Cap. XIII.

Inherere quidem Deo iugiter, & contemplationi eius, quemadmodum dicitis, inseparabiliter copulari, impossibile est homini istius carnis fragilitate circumdato. Verum oportet nos scire ubi nostre mentis intentionem debeamus habere defixam, & ad quam destinationem semper animę nostre reuocemus intuitum; quam cum potuerit obtinere mens gaudeat, & a qua distractam se doleat atque suspirare, totiensque se a summo bono sentiat recessisse, quotiens se ab illo intuitu deprehenderit separatam; fornicationem iudicans uel momentaneum a Christi contemplatione discessum; a quo cum paululum deuiauerit noster obtutus, rursus ad eum cordis oculos reuertentes, uelut

al. recedisse.

- rectissima lineamentis aciem reuocemus. Torum namque in animæ consistit recessu. Vnde expulso diabolo, ac nequaquam in ea iam regnantibus vitijs: consequenter regnum Dei fundatur in nobis, dicente Euangelista: Regnum Dei non venit cum obseruatione; neque dicent: Ecce hic, aut ecce illic est. Amen dico vobis, quia regnum Dei intra vos est. Intra nos vero nihil aliud esse potest, quam scientia & ignoratio veritatis, & uel uirtutum amicitia uel uitiorum; per quæ aut diabolo aut Christo regnum paramus in corde. Cuius etiam regni qualitate describit Apostolus, dicens: Non enim regnum Dei est esca & potus, sed iustitia, & pax, & gaudium in Spiritu sancto. Itaque si regnum Dei intra nos est, & ipsum regnum Dei iustitia & pax & gaudium est, ergo qui in istis commoratur, sine dubio in regno Dei est. Et e contrario illi, qui in iniustitia, & discordia, & tristitia mortem operante uersantur, in regno diaboli, & in inferno ac morte sunt constituti. His enim indicijs uel Dei, uel diaboli discernitur regnum. Et reuera si mente atque animo consideremus statum illum, in quo degunt cælestes supernæq. uirtutes, quæ uere in regno Dei sunt, quid aliud esse credendum est, quam perpetua iugisq. lætitia? Quid enim tam proprium ueræ beatitudini tamque potest esse conueniens, quam tranquillitas iugis, & gaudium sempiternum? Et ut hoc ipsum quod dicimus, ita esse non mea coniectura, sed ipsius Domini auctoritate certius instruaris, audi eum qualitem & statum mundi illius apertissime describentem: Ecce, inquit, ego creo cælos nouos, & terram nouam, & non erunt in memoria priora, neque ascendent super cor, sed gaudebitis & exultabitis usque in sempiternum in his quæ ego creo. Et rursus: Gaudium & lætitia inuenietur in ea, gratiarum actio, & vox laudis. & Erat mensis ex mense, & sabbatum ex sabbato. Et iterum: Gaudium & læticiam obtinebunt, fugiet dolor & gemitus. Et si adhuc clarius de illa conuersatione & ciuitate sanctorum uultis agnoscere, attendite quæ ad ipsam Hierusalem uoce Domini dirigantur: Et ponam, inquit, uisitationem tuam pacem, & prepositos tuos iustitiam. Non audietur ultra iniquitas in terra tua, uastitas & contritio in terminis tuis: & occupabit salus muros tuos, & portas tuas laudatio. Non erit tibi amplius sol ad lucendum per diem, nec splendor lune illuminabit te; sed erit

erit tibi Dominus in lucem sempiternam, & Deus tuus in gloriam tuam. Non occidet ultra sol tuus, & luna tua non minuetur, † sed erit tibi Dominus in lucem sempiternam, & complebuntur dies luctus tui. Et idcirco beatus Apostolus non generaliter neque simpliciter omne gaudiū regnum Dei esse pronuntiat, sed signanter ac specialiter illud solū, quod in Spiritū sancto est. Nouit enim esse aliud quoque uituperabile gaudium, de quo dicitur: Mundus iste gaudebit. &: Vē vobis, qui ridetis, quia plorabitis. *al. quis*

Regnum sane cælorum tripliciter accipiendū est. aut quoddam regnari sunt cēli, id est, sancti, † malis subditis, secundum illud: Esto tu super quinque ciuitates, & tu super decem. Illud quoque quod dicitur ad discipulos: Sedebitis super sedes duodecim, iudicantes duodecim tribus Israel. aut quoddam sancti in cēlis sint cum Domino regnaturi. uel certe quoddam ipsi cēli incipiant a Christo regnari, cum scilicet omnibus ei subiectis cœperit esse omnia in omnibus Deus.

*Ioan. 16.**Luc. 6.**al. in alijs**Luc. 19.**Matth. 19**1. Cor. 15.**De anima perpetuitate. Cap. XIV.*

Quamobrem hoc in corpore constitutus iam nouerit unusquisque illius se † regioni uel ministerio deputandum, cuius in hac uita semetipsum participem cultoremque præbuerit, illiusque se etiam in illo perenni sæculo confortem futurum esse non ambigat, cui nunc ministrum se sociumque maluerit exhibere, secundum sententiam Domini ita dicentis: Si quis mihi ministrat, me sequatur, & ubi ego sum, illic & minister meus erit. Nam quemadmodum diaboli regnum per cōniuentiam suscipitur uitio-*al. regnationi.*

tum, ita regnum Dei per, exercitationem virtutum, puritate cordis ac spiritali scientia possidetur. Vbi autem regnum Dei est, ibi proculdubio & uita habetur æterna; & ubi regnum diaboli est, ibi mortem atque infernum esse nō dubium: in quo qui fuerit, nec laudare Dominum poterit, secundum Prophetę sententiam dicentis: Non mortui lau-*Ioan. 12.*

dabunt te Domine, neque omnes qui descendunt in infernum; (sine dubio peccati.) Sed nos, inquit, qui uiuimus, non vitijs scilicet, nec mūdo huic, sed Deo, si benedicimus Dominum, ex hoc nunc & vsque in sæculum. Non enim est in morte qui memor sit Dei, in inferno autem peccati quis confitebitur Domino? id est, nemo. Nullus enim tamen-*Psal. 113.*

est milies semetipsum vel Christianum profiteatur esse
vel

Psal. 6.

vel monachum, cum peccat confitetur Domino. Nullus admittens ea, quæ Dominus execratur, remittitur Dei, nec seruum se veraciter proficitur illius, cuius præcepta contumaci temeritate contemnit. in qua morte illam viduam, quæ est in delicijs, beatus Apostolus esse pronuntiat:

- 1. Tim. 5.* Vidua, inquiens, quæ in delicijs est, viuens mortua est. Sunt ergo multi, qui viuentes in hoc corpore mortui sunt, & in inferno iacentes Deum laudare non possunt. Et contrario sunt, qui cum mortui sint corpore, Deum spiritu benedicunt atque collaudant, secundum illud: Benedicite spiritus & animæ iustorum Dominum. & Omnis spiritus laudet Dominum. Et in Apocalypsi, animæ occisorum non solum laudare Deum, sed etiam interpellare dicuntur. In Evangelio quoque euidentius Dominus ad Sadduceos: Non legistis, inquit, quod dictum est a Deo dicente vobis: Ego sum Deus Abraham, & Deus Isaac, & Deus Iacob? non est Deus mortuorum, sed viuentium. Omnes enim ei viuunt. De quibus & Apostolus: Propter quod, inquit, non confunditur Deus vocari Deus eorum. parauit enim illis ciuitatem. Nam quia nec otiose sint post separationem huius corporis animæ, neque nihil sentiant, etiã Evangelij parabola, quæ de illo paupere Lazaro, & diuite purpurato profertur, ostendit; quorum vnus beatissimam sedem, id est, sinus Abrahæ requiem promeretur, alius intolerabili ardore æterni ignis exurit. Si autem & illud, quod dicitur ad latronem: Hodie mecum eris in paradiso; voluerimus attendere, quid aliud manifeste designat, quam perdurare in animabus non solum pristinos intellectus, sed etiam vicissitudine eas congrua pro meritum actuumque suorum perfrui qualitate? Hoc enim illi nequaquam Deus promississet, si eius animam nosset post separationem carnis vel priuandam sensu, vel in nihilum resoluendam. Non enim caro eius in paraditum, sed anima erat ingressura cū Christo. Cauenda sane, immo toto horrore est detestanda prauissima hæreticorum illa distinctio, qui dum non credunt Christum potuisse eodem die, quo in inferna descendit, etiam in paradiso reperiri, ita distinguunt: Amen dico tibi hodie, & interposita distinctione inferunt, Mecum eris in paradiso: vt scilicet hæc promissio non statim post transitum vitæ huius impleta, sed post resurrectionis eius aduentum intelligatur implenda; non intel-

intelligentes illud, quod ante resurrectionis suæ diem protulit ad Iudæos, qui eum ut semetipsos credebant humanis angustiis & carnali infirmitate concludi: Nemo ascendit in cælum, nisi qui descendit de cælo, filius hominis, qui est in cælo. Quibus manifeste probatur animas defunctorum non solum suis sensibus non priuari, sed ne ipsis quidem affectibus, id est, spe atq. tristitia, gaudio ac metu carere, & ex eis, quæ sibi in illo generali examine reservantur, quiddam eas iam incipere prægustare: nec secundum opinionem quorundam infidelium in nihilum eas resoluti post huius commorationis excessum, sed viuacius subsistere, Deique laudibus intentius inhærere. Et reuera ut sequestratis paulisper testimonijs scripturarum, de ipsius animæ natura secundum mediocritatem sensus nostri paucis aliqua disputemus; nonne ultra omnis ineptriæ non dicam fatuitatem, sed insaniam est, vel leuiter suspicari illam pretiosorem hominis portionem, in qua etiam imago Dei, secundum beatum Apostolum, ac similitudo consistit, deposita hac, qua retunditur in præsentī sarcina corporali insensibilem fieri, quæ omnem rationis vim in se continens, etiam mutam atque insensibilem materiam carnis, participatione sua facit esse sensibilem? cum utique consequens sit, & hoc rationis ipsius ordo contineat, ut exuta mens ista carnali, qua nunc hebetatur pinguedine, intellectuales virtutes suas in melius repararet, & puriores eas ac subtiliores recipiat potius quàm amittat. Ita tantum autem hoc quod dicimus beatus Apostolus verum esse cognoscit, ut etiam optet ab hac carne discedere, ut separatione eius enixius valeat Domino copulari, dicens: Desiderium habeo dissolui, & cum Christo esse, multo magis melius. Quia dum sumus in corpore, peregrinamur a Domino: & idcirco audemus, & bonam voluntatem habemus magis peregrinari a corpore, & præsentē esse ad Dominum. propter quod etiam contendimus, siue absentes siue præsentē placere illi: commorationem scilicet animæ, quæ in hac carne est, peregrinationem a Domino atque abſentiam à Christo esse pronuntians, eiusq. ab hac carne separationem atque discessum præſentiam esse ad Christum tota credulitate confidens. Et euidentius iterum super hoc ipso viuacissimo animarum statu idem Apostolus: Sed accessistis, inquit, ad Sion mon-

IOAN. 3.

1. Cor. 11.

Colof. 3.

Philip. 1.

1. Cor. 5.

Hebr. 12.

tem

tem, & ciuitatem Dei viuentis, Hierusalem cælestem, & ad multorum milium angelorum frequentiam, & ecclesiã primitiuorum, qui conscripti sunt in cælis, & spiritus iustorum perfectorum. De quibus spiritibus in alio loco: Deinde patres, inquit, carnis nostræ habuimus eruditores, & reuerabamur, non multo magis subijciemur patri spirituum, & viuemus?

Ibid.

De contemplatione Dei. Cap. XV.

Contemplatio vero Dei multifarie concipitur. Nam Deus non sola incomprehensibilis illius substantiæ suę admiratione cognoscitur, quod tamen adhuc in spe promissionis absconditum est, sed etiam creaturarum suarum magnitudine, vel æquitatis suæ consideratione, vel quotidianæ dispensationis auxilio peruidetur; quum scilicet quæ cum sanctis suis per singulas generationes egerit mēte purissima perlustramus, cum potentiam ipsius, quæ vniuersa gubernat, moderatur, ac regit, cum immensitatem scientiæ eius, & oculum, quem secreta cordium latere non possunt: trementi corde miramur, cum harenæ maris vndarumq. numerū dimēsum ei: cognitumq. pauidi cogitamus, cum pluuiarum guttas, cum sæculorum dies & horas, cum præterita futurave vniuersa obstupescētes scientiæ eius assistere contemplamur, cum ineffabilem clementiã eius consideramus, quæ innumera flagitia, quæ singulis quibusque momentis sub ipsius committuntur aspectu, indefessa longanimitate sustentat, cum intuemur vocationem, quæ nos nullis præcedētibz meritis gratia suę miserationis adsciuir; cum denique quot occasiones salutis tribuit adoprands, cum quodam admirationis intuemur excessū; quodd ita nos nasci præcepit, vt ab ipsis cunabulis gratiæ nobis legisq. suæ notitia traderetur; quod ipse aduersariū vincens in nobis, pro solo bonæ voluntatis assensu æterna beatitudine ac perpetuis nos præmijs muneratur: cum postremo dispensationem incarnationis suæ pro nostra salute suscepit, ac mirabilia mysteriorum suorum in cunctis gentibus dilatauit. Sunt autem alię quoque huiusmodi contemplationes innumera, quæ pro qualitate vitæ ac puritate cordis in nostris sensibus oriuntur, quibus Deus vel videtur mundis obrutibus, vel tenerur. Quas profecto nullus perpetuo retentabit, in quo adhuc aliquid carnalium viuit affectuum: Quia non poteris, ait Dominus

Exod. 34.

minus, videre faciem meam: non enim videbit me homo & uiuet, scilicet mundo huic affectibusq. terrenis.

Interrogatio de cogitationum mobilitate.

GERMANVS. *Cap. XVI.*

Quid ergo est, quod etiam nolentibus, immo vero nescientibus nobis ita superflue cogitationes subtiliter ac latenter irrepunt, ut non solum eas expellere, verum etiam intelligere ac deprehendere difficultatis immodicæ sit? Potest ne ergo mens aliquando ab istis vacua reperiri, & numquam huiuscemodi illusionibus incurfari?

Responsio, quid possit mens super cogitationum statu, quidve MOSES. non possit. Cap. XVII.

Mentem quidem non interpellari cogitationibus impossibile est; suscipere vero eas siue respuere, omni studenti possibile est. Quemadmodum igitur ortus earum non omnimodis pendet a nobis, ita probatio vel electio consistit in nobis. Nec tamen ex eo quod diximus impossibile esse mentem cogitationibus non adiri, totum vel incurfui, vel illis spiritibustribuendum est, qui eas nobis nituntur ingerere; alioquin nec liberum in homine maneret arbitrium, nec in nobis staret nostræ correctionis industria. Sed est, inquam, nostrum magna ex parte, ut cogitationum qualitas emendetur, & vel sanctæ ac spirituales in cordibus nostris, vel terrenæ carnalesq. concreseant. Ideo namque frequens lectio, & iugis adhibetur meditatio scripturarum, ut exinde nobis spiritualis memoriæ præbeatur occasio. Idcirco decantatio crebra psalmodum, ut assidua nobis exinde compunctio ministretur. Idcirco vigiliarum, ac ieiuniorum, orationumq. sedulitas adhibetur, ut extenuata mens non terrena sapiat, sed cælestia contempletur. Quibus rursus negligentia irrepente cessantibus, necesse est ut mens vitiorum squalore concreta in carnalem partem mox inclinetur & corruat.

Comparatio aquaria mola & anima. Cap. XVIII.

Quod exercitium cordis non incongrue molarum similitudini comparatur, quas meatus aquarum præceps impetu rotante prouoluit. Quæ nullatenus quidem cessare possunt ab opere suo aquarum impulsibus circumactæ; in eius vero qui præest situm est potestate, utrum nam triticum malit, an hordeum loliumve cōminui. Illud quippe est proculdubio commolendum, quod ingestum ab illo suo

Io fuerit, cui operis illius cura commissā est. Ita igitur etiā mens per uitæ præsentis incursus undique ingruētibus tentationum torrentibus circūacta, uacua quidem cogitationum cōstitibus esse non poterit; quales uero uel admittere, uel parare sibi debeat, studij ac diligentie sue prouidebit industria. Si enim, ut diximus, ad sanctorum scripturarum meditationum iugiter recurramus, ac memoriam nostram ad recordationem spiritualium rerum & desiderium perfectionis, spemq. futuræ beatitudinis erigamus, necesse est ut ortæ cogitationes exinde spiritales, in his, quæ meditati sumus mentem faciant immorari. Sin uero desidia seu negligentia superari, uitij & otiosis confabulationibus occupemur, seu curis mundanis & superfluis sollicitudinibus implicemur, consequenter exinde uelut quædam zizaniorum species generata, operationem quoque nostro cordi noxiam ministrabit: & secundum sententiam Domini Saluatoris, ubi fuerit thesaurus operum seu intentionis nostræ, ibi & cor nostrum necessario permanebit.

Matth. 13.

Matth. 6.

De tribus cogitationumstrarum principijs. Cap. XIX.

Illud sane præ omnibus nosse debemus, tria cogitationūstrarum esse principia, id est, ex Deo, ex diabolo, & ex nobis. Ex Deo quidem sunt, eum Spiritus sancti illustratione nos uisitare dignatur, erigens nos ad sublimiorem profectum, & in quibus uel minus acquisiuiumus, uel desidiose agentes superati sumus, saluberrima compunctione castigat: uel eum reseat nobis cælestia sacramenta, & propositum nostrum ad meliores actus uoluntatemq. conuertit; ut ibi cum rex Assuerus castigatus a Domino, libros annales instigatur inquirere, quibus Mardochæi beneficia recordatus, summi eum gradu honoris exaltat, ac protinus crudelissimam super nece Iudæe gentis sententiam reuocat. Vel cum Propheta commemorat: Audiam quid loquatur in me Dominus Deus. Alius quoque: Et dixit, inquit, angelus, qui loquebatur in me. Vel cum filius Dei uenturum se una cum patre, & mansionem apud nos facturum esse promittit. Et: Non estis uos, inquit, qui loquimini, sed Spiritus patris uestri, qui loquitur in uobis. Et uas electionis: An experimentum, inquit, eius queritis, qui in me loquitur Christus? Ex diabolo uero cogitationum nascitur series, cum superuerrere nos tam uitiorum oblectatione, quam etiam occultis conatur insidijs, subtilissima calliditate mala

Ester. 6.

Psal. 84.

Zach. 1.

Ioan. 14.

Matth. 10

2. Cor. 13.

mala pro bonis fraudulenter ostentans, & transfigurans *2. Cor. 11.*
 se nobis in angelum lucis. Vel cum Euangelista refert:
 Et cœna facta, cum diabolus iam misisset in cor Iude *Ioan. 13.*
 Simonis Iscariotis vt traderet Dominum. Et iterum: Post *Ibid.*
 bucellam, inquit, introiuit in illum satanas. Petrus quoque
 ad Ananiam: Quare, ait, tentauit satanas cor tuum mētiri *Act. 5.*
 te Spiritui sancto? Et illud, quod multo ante per Ecclesia-
 sten prædictū legimus: Si spiritus potestatem habentis ascen-
 derit super te, locum tuū ne dimittas. Illud quoque quod di-
 citur ad Deū contra Achab in tertio Regnō lib. ex per-
 sona spiritus immundi: Egrediat, & eto spiritus mendax in
 ore omnium prophetarum eius. Ex nobis autem oriuntur, *3. Reg. 22.*
 cum eorum, quæ gessimus vel audiimus, naturaliter re-
 cordamur. De quibus beatus Dauid: Cogitauit, inquit, *Psal. 76.*
 dies antiquos, & annos æternos in mente habui, & medi-
 tatus sum nocte cum corde meo, & exercitabar, & sco-
 pebam spiritum meum. Et iterum: Dominus scit cogita-
 tiones hominum, quoniam vanæ sunt. & Cogitationes iu-
 storum iudicia. In Euangelio quoque Dominus ad Phari-
 sæos: Quid cogitatis mala in cordibus vestris?

*De discernendis cogitationibus ad similitudinem proba-
 bilis trapezita. Cap. XX.*

Hanc igitur tripartitam rationem oportet nos iugiter
 obseruare, & vniuersas cogitationes, quæ emergunt
 in corde nostro, sagaci discretionē discutere, origines earum
 & causas auctoresq. primitus indagantes, ut quales
 nos eis præbere debeamus, ex illorum merito, qui eas sug-
 gerunt, considerate possimus, vt efficiamur, secundū præ-
 ceptum Domini, probabiles trapezita: quorum summa
 peritia est ac disciplina, probare quodnam sit aurum pu-
 rissimum, & ut uulgo dicitur, obrizum, quod ut sit ignis
 purgatione minus excoctum: æreo quoque uiliq. denario,
 si pretiosum numisma sub colore fulgentis auri ꝑ imitetur,
 prudentissima discretionē non falli; & non solū numismata
 tyrannorum uultum exprimentia sapienter agnoscere, sed
 etiam illa, quæ sunt ueri quidem regis imagine, sed non
 legitime figurata, peritia sagaciore discernere; deinde ne
 quid illis a legitimo pondere diminutum sit, censura tru-
 tinæ diligenter inquirere. Quæ omnia nos quoque debere
 spiritaliter obseruare, euangelicus sermo sub huius nomi-
 nis demonstrat exemplo. Primum, ut quicquid cordibus
 nostris

*al. remit-
 titur
 fementi-
 tur.*

nostris irreperit, vel si quod nobis dogma fuerit intro-
missum, vtrum nam sit diuino illo & cælesti Spiritus san-
cti igne purgatum, an ad Iudaicam superstitionem perti-
nens, seu de sæcularis philosophiæ tumore descendens, in
superficie tantum præferat pietatem, diligentissime per-
scrutemur. Quod ira poterimus implere, si illud aposto-
licum fecerimus: Nolite omni spiritui credere, sed pro-
bate spiritus si ex Deo sint. Quo genere illi quoque decepti
sunt, qui post professionem monachi, nitore sermonis, &
quibusdam sunt philosophorum dogmatibus incitati, quæ
prima fronte pijs quibusdam sensibus ac religioni conso-
nis audientes velut auri fulgore fallentia, quos semel su-
perficie illexerant, velut numismatibus æreis falsisq. de-
ceptos. perpetuo nudos ac miseros reddiderunt, vel ad
sæculi eos strepitum reuocantes, vel ad hæreticos erro-
res ac præsumptiones tumidas pertrahentes. Quod etiam
Achar in libro Iesu Naue legimus fuisse perpeßum, qui de
castris Allophylorum regulam auream concupiscens atque
furatus, anathemate percussus, atque æterna meruit morte
damnari. Secundo sollicite nos explorare conueniet, ne au-
ro purissimo scripturarum praua interpretatio coaptata,
metalli pretiositate nos fallat. In quo etiam Domino Sal-
uatori callidissimus diabolus, velut homini simplici ten-
tauit imponere, dum ea quæ generaliter sunt super omnium
iustorum intelligenda personis, maliuola interpretatione
corrumpens, specialiter huic qui angelorum custodia non
egebant, conatur aptare, dicens: Quia angelis suis man-
dauit de te, vt custodiant te in omnibus vijs tuis, in mani-
bus portabunt te, ne forte offendas ad lapidẽ pedem tuum.
Pretiosa scilicet eloquia scripturarum callida assumptione
conuertēs, & ad contrarium noxiumq. sensum detorquēs,
vt imaginem tyrannici vultus sub colore nobis auri fallen-
tis obijciat, siue cum paracharaximis nos conatur illude-
re, quoddã scilicet pietatis opus admonēs affectandũ, quod
non de legitima seniorum procedens moneta, sub pretextu
virtutũ ducit ad vitia, vel immoderatis incompetentibusq.
ieiunijs, seu vigilijs nimijs, vel orationibus importunis,
vel incongrua lectione decipiēs, ad noxium pertrahit finē.
vel cum intercessionibus ac visitationibus pijs persuadet im-
pendere, quibus nos ab spiritualibus monasterij claustris,
& secreto amicæ quietis excutiat, sollicitudines etiam
curasq.

Ioan. 4.

al. illecti

Ios. 7.

Matth. 4.

Psal. 90.

f. paracha-
ragmisal. inordi-
natis.

curasq. suscipere religiosarum ac destitutatum suggerit fuminarum, ut huiusmodi laqueis monachum inextricabiliter irretitum perniciosarum sollicitudinum occupatione distendat. vel certe cum desiderare sanctum clericatus officium sub prætextu ædificationis multorum, & amore lucri spiritualis infigat, per quod nos humilitate propositi huius ac districtione diuellat. Quæ omnia cum sint nostræ salutis professioniq. contraria, tamen velamine quodam misericordiarum ac religionis oblecta, facile imperitos incautosq. decipiunt. Imitantur enim numismata veri regis, quia videntur ad præsens plena pietatis, sed non sunt à legitimis monetarijs, id est, probatis & catholicis patribus figurata; nec de sancti cardinali ac publica collationis eorum procedunt officina sed furtim fraude dæmonum fabricata, non sine detrimento imperitis quibusque & ignorantibus ingeruntur. Quæ quamvis vtilia ac necessaria videantur ad præsens, tamen si soliditati professionis nostræ incipiant post hoc esse contraria, & totum quodammodo corpus nostri labefactare propositi, tamquam necessarium quidem, sed scandalizans membrum, & quod dextre manus vel pedis agere videatur officium, proijci a nobis atque abscidi salubre est. Satiùs enim est absque vnius præcepti membro, id est, operatione vel fructu, in ceteris sanum firmumq. durare, & tamquam debilem introire in regnum cælorum, quam cum soliditate mandati incidere in aliquod scandalum, quod perniciose consuetudine separans nos a districtione regula, atque arrepti propositi disciplina, inducat in tale dispendium quod nequaquam futura detrimenta compensans, omnes præteritos fructus totumq. operationis nostræ corpus gehennæ faciat ignibus concremari. De his generibus illusionum etiam in Prouerbijs eleganter exprimitur: Sunt viæ, quæ videntur recte esse viro, nouissima autem earum veniunt in profundum inferni. Et iterum: Malignus nocet cum se commiscuerit iusto; id est, diabolus decipit cum fuerit colore sanctitatis oblectus: Odit autem sonum tutelæ, id est, discretionis vim, quæ de seniorum verbis ac monitione procedit.

De illusione abbatis Ioannis. Cap. XXI.

IN quo etiam abbatem Ioannem qui Lici commoratur, nouimus nuper illusum. Nam cum exhausto corpore atque defecto, pereceptionem cibi biduano ieiunio distulisset, accedenti ei ad refectionem die postero, veniens dia-

N bolus

*al. canonici
cali*

*Math. 5.
c. 18.*

Prou. 16.

*Front. 11.
sec. lxx.
Ibid.*

*f. paracha
ragmo.*

f. scrupulo

*al. cōpen-
santia te-
neamus.*

bolus in figura Aethiopis tecti, atque ad eius genua prouolutus: Indulge, inquit, mihi abba, quia ego tibi hunc laborem indixi. Itaque ille vir tantus & in discretionis ratione perfectus, sub colore continentiae incongruenter exercitæ intellexit se ob hoc calliditate diaboli circumuentum, taliq. distantum ieiunio, ut lassitudinem non necessariam, immo etiam spiritui nocituram, fatigato corpori superponeret; † paracharaximo scilicet illusum numismate, dum in illo veri regis imaginem veneratur, parum discutit an esset legitime figuratum. Ultima uero observatio huius probabilis trapezitæ, quam de Inquisitione ponderis esse prædiximus, taliter a nobis implebitur, si quidquid agendum cogitatio nostra suggererit, omni † scrupulo retractantes, atque in nostri pectoris trutina collocantes, æquilibratione iustissima perpendamus, an plenum sit honestate communi, an Dei timore sit graue, an integrum sensu, an humana ostentatione aut aliqua nouitatis præsumptione sit leue, si meriti eius pondus inanis imminuerit uel arroserit gloria. Et sic ea protinus ad examen publicum trutinantes, idest, ad prophetarum & Apostolorum testimonia conferentes, uel tamquam integra atque perfecta illisq. † collibrantia suscipiamus, uel tamquam imperfecta atque damnosa, nec illorum ponderi consonantia, omni diligentia refutemus.

De quadripartita discretionis ratione. Cap. XXII.

*f. paracha
ragma.*

Matth. 6.

ERit ergo hoc quadripartito, quo diximus, modo necessaria nobis ista discretio, idest, primum ut materia nos auri ueri fucatiue non lateat: secundo, ut has easdem cogitationes quæ mentiuntur opera pietatis, tamquā adulterina numismata & † paracharaxima reprobemus, utpote quæ falsam imaginem regis non legitime signata contineant: uel illa, quæ in auro pretiosissimo scripturarum, uitioso & hæretico sensu, non ueri regis, sed tyranni præferunt uultum, similiter discernentes refutare possimus; siue illa quorum pondus ac pretium ærugo uanitatis arrodens exagio seniorum adæquari non sinat, ut numismata leuia atque damnosa, minusq. pensantia recusemus, ne in illud incidentes quod observare tota uirtute præcepto Domini commonemur, cunctis laborum nostrorum meritis stipendijsq. fraudemur: Nolite, inquit, thesaurizare uobis thesauros in terra, ubi arugo & uinea demolitur & ubi fures

cffo

effodiunt & furantur. Quidquid enim contemplatione humana gloriæ fecerimus, in terra uos thesaurizare, secundum Domini sententiam, nouerimus & consequenter illud humi reconditum atque defossum vel diuersis demonijs populandum, vel edaci cenodoxiæ ærugine consumendum, vel ita superbiæ tineis deuorandum, ut ad nullam recondentis utilitatem emolumentumq. proficiat. Omnes igitur cordis nostri recessus iugiter perscrutandi sunt, & ascendendum in eos vestigia indagatione sagacissima retractanda, ne qua forte intellectualis ibidem bestia, vel leo vel draco pertransiens, perniciofa vestigia latenter impresserit, quibus accessus etiam ceteris in abdita pectoris nostri per cogitationum negligentia præbeatur. Et ita per singulas horas atque momenta terram cordis nostri euangelico aratro, hoc est, iugi Dominicæ crucis recordatione sulcantes, vel noxiarum ex nobis ferarum cubilia, vel virulentorum serpentium exterminare latibula poterimus.

De sermone doctoris secundum audientium meritum.

Cap. XXIII.

AD hæc obstupefactos nos intuens senex, & ad verba narrationis suæ inexplebili ardore succensus, pro admiratione desiderij nostri paulisper sermone suspensio, rursum adiecit: Quoniam nos, o filij, ad disputationem tam longam vestra sedulitas prouocauit, & ignis quidam *al. collationis nostræ* feruentiores sensus pro vestro desiderio *al. collationibus.* subministrat, ut ex hoc etiam ipso manifeste contempler in veritate vos perfectionis sitire doctrinam, volo vobis adhuc super discretionis eximietate vel graua, quæ inter cunctas virtutes arcem ac primatum tenet, pauca disserere excellentiamq. eius & utilitatem non solum quotidianis exemplis, sed etiam antiquis patrum consultationibus ac sententijs approbare. Frequenter namque meminisse nonnullis huiusmodi sermonem cum gemitu lacrymisq. poscentibus, me quoque aliquid eis doctrinæ conferre cupientem nullatenus potuisse, & ita in me non solum sensus, verum etiam ipsum eloquium defecisse, ut non inuenirem quem admodum eos vel cum leui consolatione dimitterem. Quibus indicijs euidenter agnoscitur, Domini gratiam pro merito ac desiderio audientium disputantibus aspirare sermonem. Quem quia breuissimum illud quod superest noctis spatium non occurrit explet, indulgentes

illud potius quieti corporeæ, cui necesse est totum persolui, si id quod modicum est fuerit denegatum, plenum narrationis ordinem integro futuri diei seu noctis examini reseruemus. Decet namque discretionis optimos consultores, in hoc primum patefacere suæ mētis industriam, & utrum sint, vel queant eius capaces esse hoc indicio ac patientia comprobare, ut de illa, quæ moderationis generatrix est virtute tractantes, nequaquam vitium, quod ipsi contrarium est, nimietatis incurrant; vim rationis ac naturæ eius, quam verbis excolunt, effectû atque opere violantes. In hoc ergo nobis discretionis bonum, de qua quantum Dominus dederit adhuc indagare disponimus, primitus profit, ut nos de ipsius excellentia & moderatione, quæ prima virtus esse cognoscitur, differentes, disputationis quoque vel temporis modum non permittat excedere. His itaque beatus Moses collationi nostræ dans finem, adhuc nos audios, ac de suo ore pendentes degustare somnum paulisper hortatus est, iisdem ipsis, quibus insidebamus, psithijs admonens incubere, embrimijs pariter capiti nostro ceruicalium vice suppositis, quæ crassioribus papyris in longos gracilesq. fasciculos coaptatis, sesquipedali intervallo molliter nexa, nunc quidem humillimum sedile ad scabelli vicem fratribus in synaxi confidentibus præstat, nunc vero subiecta ceruicibus dormientium præbent capiti non nimie durum, sed tractabile aptumq. fulmen tum. Ad quos monachorum usus hæc idcirco vel maxime opportuna habentur & congrua, quod non solum sint aliquatenus mollia, paruoq. & opere præparentur & prætio, ut potestissimum papyro per ripas Nili fluminis emergente, quam cuique volenti in usum adsumere, nemo prohibeat defecare, sed etiam quod ad remouendum, seu cum necesse fuerit ad mouendum habilis materiæ levisq. naturæ sint. Atque ita præcepto senis tandem sumus ad degustationem somni onerosa composti quiete, tam digestæ collationis in flammæ gaudio, quam repromissæ disputationis expectatione suspensi.

*Primæ Collationis Abbatis Mosi de Monachi
destinatione finis.*

COLLATIO SECVNDA

ABBATIS MOSI

DE DISCRETIONE.



Præmium abbatis Mosi super discretionis gratia.

Cap. I.



EGVSTATO itaque matutino sopore, cum ortum lucis tandem nobis claruisse gaudentes, repromissam narrationem repositere cœpissimus, beatus Moses ita exorsus est: Cum videam vos tanto desiderij ardore flammatos, ut ne ipsum quidem parvissimum quietis momentum (quod spiritali collationi subtrahens, refectioni carnis malueram deputare) ad requiem credam vestri corporis profecisse, mihi quoque hunc vestrum consideranti feruorē sollicitudo maior incumbit. Necesse est enim etiam me in persoluendo debito, tanto maiorem deuotionis curam gerere, quanto vos id attentius video postulare, secundum illam sententiam: Si sederis cœnare ad mensam potentis, *sa- Prom. 23.* pienter intellige quæ apponuntur tibi, & immitte manum *sec. lxx.* tuam sciens quia talia te oportet præparare. Quamobrem de bono discretionis eiusq. virtute dicturi, in quam sermo nocturnæ collationis ingressus, finem nostræ disputationi dedit, congruum credimus eius excellentiam patrum primo consignare sententijs, ut cum patuerit quid de illa senserint vel pronuntiauerint nostri maiores, tum prolatis tam antiquis quàm recentibus ruinis & casibus diuersorum, qui pro eo quòd minus eam fuerant allecuti pernicioso deiecti, sunt lapsu, in quantum possumus vtilitates eius & commoda retractemus. quibus discussis, quemadmodum expetere eam atque excolere debeamus considerantes, meriti eius & gratiæ pondus efficacius instruamur. Est enim non mediocris quædam virtus, nec quæ humana passim valeat industria comprehendere, nisi diuina fuerit

1. Cor. 12

Ibid.

largitate collata. Siquidem inter nobilissima Spiritus sancti dona, hanc quoque ita legimus ab Apostolo numerari. Alij datur per spiritum, sermo sapientiæ, alij sermo scientiæ secundum eundem spiritum: alij fides in eodem spiritu: alij gratia sanitarum in vno spiritu. Et post pauca: Alij discretio spirituum. Deinde completo omni catalogo spiritualium charismatum subdit: Omnia autem hæc operatur vnus atque idem spiritus, diuidens singulis prout vult. Videtis ergo non terrenum nec paruum esse discretionis munus, sed diuinæ gratiæ maximum præmium; quam nisi monachus omni intentione fuerit assecutus, & ascendendum in sese spirituum discretionem certa ratione possederit, necesse est eum velut in nocte cæca tetrisque tenebris oberrantem, non solum in perniciosis foueis præruptisq. concidere, sed etiam in planis ac directis frequenter offendere.

Quid discretio conferat monacho, & disputatio super hoc beati Antonij. Cap. II.

MEmini igitur quondam in annis adhuc pueritiæ constitutus in partibus Thebaidis, vbi beatus Antonius morabatur, seniores ad eum perfectionis inquirenda gratia conuenisse. cumq. a vespertinis horis vsque ad lucem fuisset protracta collatio, circa quæstionem hanc maximum noctis spatium consumpsisse. Nam diutissime quærebatur, quænam virtus vel obseruantia monachum possit a diaboli laqueis ac deceptionibus custodire semper illæsum, vel certe recto tramite firmoq. gressu ad perfectionis culmen euehere. Cumque pro captu mentis suæ proferret vnusquisque sententiam, & alij quidem hoc in ieiuniorum vigiliarumq. studio collocarent, quod his videlicet extenuata mens, ac puritatem cordis & corporis assecuta, Deo facilius vniretur. Alij in contemptu vniuersarum rerum, quibus mens si penitus nudaretur, tamquam nullis deinceps retinentibus laqueis ad Deum expeditior perueniret. Alij auachoresin necessariam, id est, remotionem & eremi secreta censerent: in qua commaneus, quis familiarius interpellare Deum, eiq. possit peculiaris inhaerere. Nonnulli sectanda charitatis, id est, humanitatis officia definirent, eo quod his regna cælorum daturum se Dominus in Euangelio, velut specialius repromittat dicens: Venite benedicti patris mei, possidere paratum vo-

Mat. 25.

bis

his regnum a constitutione mundi. Esuriui enim, & dedistis mihi manducare; sitiui, & dedistis mihi bibere, &c. Cumq. in hunc modum diuersis virtutibus aditum certiorum ad Deum parari posse decernerent, essetq. noctis maximum tempus hac inquisitione consumptum intulit deum beatus Antonius: Omnia quidem hæc quæ dixistis, necessaria sunt & vtilia sitientibus Deum, atque ad eum cupientibus peruenire, sed his principalem tribuere gratiam nequaquam nos innumeri multorum casus & experientia permittunt. Nam sæpe innumeros acerrime ieiunijs seu vigilijs incubantes, ac mirifice in solitudine secedentes, priuationem quoque omnium facultatum ita sectantes, vt ex ipsis ne vnus quidem diei victum sibi met, vnumve denarium superesse paterentur, humauitatis etiam studia tota deuotione complentes, ita vidimus repente deceptos, vt arreptum opus non potuerint congruo exitu terminare, summumq. feruorem & conuersationem laudabilem detestabili fine concluderint. Quamobrem quid principaliter ducat ad Deum manifeste poterimus agnoscere, si ruinæ ac deceptionis illorum causa diligentius a nobis fuerint indagata. In illis namque cum exuberarent prædictarum virtutum opera, discretio sola deficiens vsque ad finem ea durare non sinit. Nec enim alia lapsus eorum causa deprehenditur, nisi quod minus a senioribus instituti, nequaquam poterant rationem discretionis adipisci, quæ prætermittens vtramque nimietatem, via regia monachum docet semper incedere, & nec dextera virtutum permittit extolli, id est, feruori, excessu iuste continentiae modum inepta præsumptione transcendere, nec oblectatum remissione desistere ad vitia sinistra concedit, hoc est, sub prætextu gubernandi corporis contrario spiritus tepore lentescere. Hæc namque est discretio quæ oculus & lucerna corporis in Euangelio nuncupatur, secundum illam sententiam Saluatoris: Lucerna corporis tui est oculus tuus. quod si oculus tuus simplex fuerit, totum corpus tuum lucidum erit; si autem oculus tuus nequam fuerit, totum corpus tuum tenebrosum erit. eo quod ipsas cogitationes hominis vniuersas actusq. discernens, cuncta quæ sunt gerenda peruideat atque perlustret: quæ si in homine nequam fuerit, id est, non vero iudicio & scientia communita, seu quolibet errore ac præsumptione decepta, totum corpus nostrum

Math. 6.

al. ipsa

faciet tenebrosum, hoc est, omnem aciem mentis actusq. nostros reddet obscuros, cæcitate scilicet vitiorum & perturbationum tenebris inuolutos. Si enim, inquit lumen quod in te est, tenebræ sunt, ipsæ tenebræ quantæ erunt? Nulli namque dubium est, errante iudicio cordis nostri, & ignorationis nocte possessio, cogitationes quoque & opera nostra, quæ ex discretionis deliberatione descendunt, maioribus peccatorum tenebris implicari.

De errore Saulis & Achab, quo per discretionis imperitiam sunt decepti. Cap. III.

Denique ille, qui primus Dei iudicio regnum Israelis emeruit, quia hunc discretionis oculum nequam habuit, velut toto corpore tenebrosus effectus, etiam ipso deiectus est regno, dum lucernæ huius tenebris atque errore deceptus, acceptabiliora Deo sacrificia suæ, quàm præceptum Samuelis, obedientiamq. iudicauit. Atque ex illa magis parte causam offensionis incurrit, ex qua reprobendam sibi diuinam sperauerat maiestatem. Huius, inquam, discretionis ignoratio Achab regem Israel post illum sublimissimæ victoriæ triumphum, qui ei fuerat Dei fauore concessus, credere compulit meliorem esse misericordiam suam quàm executionem seuerissimi, & quæmadmodum ipsi videbatur, crudelis imperij. Qua consideratione mollitus dum mauult cruentam victoriam clementia temperare, ob indiscretam misericordiam velut toto corpore redditus tenebrosus irrecuocabili, morte damuatur.

Quæ de bono discretionis in scripturis sanctis referantur. Cap. IV.

Hæc est discretio, quæ non solum lucerna corporis, sed etiam sol ab Apostolo nuncupatur, secundum illud: Sol non occidat super iracundiam vestram. Hæc etiam vitæ nostræ gubernatio dicitur, secundum illud: Quibus non est gubernatio, cadunt vt folia. Hæc consilium rectissime nominatur, sine quo nihil agere omnino scripturæ auctoritate permittitur, ita vt ne ipsum quidem spiritale vinum, quod lætificat cor hominis, sine ipsius sinamur moderatione percipere, secundum illud: Cum consilio omnia fac, cum consilio vinum bibe. Et iterum. Sicut ciuitas muris diruta & non circumdata, sic est vir qui nō cum consilio aliquid agit. Cuius priuatio quàm perniciofa sit monacho, testimonij huius exemplum figurate declarat, diruta eum

ac sine muris comparans ciuitati. In hac sapientia, in hac intellectus sensusq. consistit, sine quibus nec interior nostra ædificari domus, nec spirituales poterunt diuitiæ congregari, secundum illud: Cum sapientia ædificatur domus, & cum intellectu iterum erigitur: cum sensu implentur cellaria omnibus diuitijs prætiosis & bonis. Hæc, inquam, est solidus, cibus, qui nisi a perfectis tantum ac robustis sumi non potest, secundum illud: Perfectorum autem est solidus cibus, eorum qui pro consuetudine exercitatos habent sensus ad discretionem boni ac mali. Quæ in tantum utilis nobis ac necessaria comprobatur, ut etiam verbo Dei eiusq. virtutibus coaptetur secundum illud: Viuis est enim Dei sermo & efficax, penetrabilior omni gladio ancipiti, & pertingens vsque ad diuisionem animæ ac spiritus, compagum quoque & medullarum, & discretor cogitationum & intentionum cordis. Quibus manifestissime declaratur, nullâ sine discretionis gratia perfecte posse vel perfici, vel stare virtutem. Et ita tam beati Antonij quàm vniuersorum sententia definitum est, discretionem esse, quæ fixo gradu intrepidum monachum perducatur ad Deum, prædictasq. virtutes iugiter conferuet illæsas, cum qua ad consummationis excelsa fastigia minore possit fatigatione conscendi, & sine qua multi etiam propensius laborantes, perfectionis nequieverint culmen attingere. Omnium namque virtutum generatrix, custos, moderatrixq. discretio est.

*Prov. 24.
sec. lxx.*

Hebr. 5.

Hebr. 4.

De morte Heronis senis. Cap. V.

ET ut hanc eandem definitionem antiquitus a sancto Antonio & ceteris patribus promulgatam, recens quoque, sicut promissimus, confirmet exemplum; recolite id, quod nuper gestum oculorum vestrorum vidistis obrutibus, senem videlicet Heronem ante paucos admodum dies illusionem diaboli a summis ad ima deiectum, quem quinquaginta annis in hac eremo commoratum, singulari distributione rigorem continentiae tenuisse meminimus, & solitudinis secreta ultra omnes hic commorantes miro seruire sectatum. Hic igitur quo pacto, quave ratione post tantos labores ab insidiatore delusus, grauissimo corruens lapsu, cunctos in hac eremo constitutos luctuoso dolore percussit? Nonne quia minus discretionis virtute possessa, suis definitionibus regi, quàm consilijs vel collationibus fratum,

trum, atque institutis maiorum, maluit obedire? Siquidem tanto rigore inimitabilem ieiunij continentiam semper exercuit, & solitudinis cellaq. ita iugiter secreta sectatus est, ut ab eo participationem ineundi cum fraternitate conuiuij, nec veneratio quidem diei paschalis aliquando potuerit obtinere. In qua fratribus cunctis pro anniuersaria solemnitate in ecclesia retentatis, solus non potuerit aggregari, ne quantumcumque perceptione leguminis parui a suo videretur proposito relaxasse. Qua presumptione deceptus, angelum satanę velut angelum lucis cum summa veneratione suscipiens, eiusq. præceptis prono obediens famulatu, semetipsum in puteum, cuius profunditatem oculorum non attingit intuitus, præcipitem dedit, de angeli videlicet sui sponsione non dubitans, qui cum pro merito virtutum ac laborum suorum nequaquam posse firmauerat, vlli iam discrimini subiacere. Cuius rei fidem ut experimento suę sospitatis euidentissime comprobaret, supradicto se puteo nocte intempesta illusit iniecit, magnum scilicet virtutis suę meritum probaturus, cum inde exisset illæsus. De quo cum pene iam exanimis ingenti fratrū labore fuisset extractus vitam die terciā finiturus, quod deterius est, ita in deceptionis suę obstinatione permansit, ut ei ne experimento quidem mortis suę persuaderi potuerit, quod fuisset dæmonum calliditate delusus. Quamobrem pro meritis laborum tantorum & annorum numerositate, qua in eremo perdurauit, ac miseratione & humanitate summa, ab his qui eius compatiebantur exitio, uix a presbytero & abbate Paphnutio potuit obtineri, ut non (inter biothanatos reputatus) etiam memoria & oblatione pausantium iudicaretur indignus.

De ruina duorum fratrum ob imperitiā discretionis. Cap. VI.

Quid dicam de illis duobus fratribus, qui ultra illam eremum Thebaidis, ubi quondam fuerat beatus Antonius, habitantes, minus cautā discretionem permoti, euntes per extentam solitudinis vastitatem, nullam escam penitus sumere decreuerunt, nisi quam per semetipsum illis Dominus præstitisset? Cumq. errantes eos per deserta & deficientes iam fame a longe Marices conspexissent, (quę gens cunctis pene nationibus feris immanior atque crudelior est, non enim eos ad effusionē sanguinis, ut nonnullas gentes, desiderium prædę, sed sola feritas mentis insti-

instigat,) eisq. contra naturam feritatis sue cum panibus occurrissent, unus ex eis subueniente discretionē uelut a Domino sibi porrectos, cum gaudio & gratiarum actione suscepit, reputans escam sibi diuinitus ministrari, nec sine Deo factum, ut hi qui semper hominum cruore gaudent, deficientibus ac iam tabescentibus, uitæ subsidia largirentur: alius uero recusans cibum, uelut ab homine sibi oblatum, inediæ defectione consumptus est. Quorum licet initia ex reprehensibili persuasione descenderint, unus tamen subueniente discretionē, id quod temere incauteq. conceperat, emendauit: alius autem in stulta præsumptione perdurans, ac penitus discretionis ignarus, mortem quam Dominus auerti uoluit, sibi ipsi consciuit; nequaquam credēs instinctu diuino factū, quod immites barbari propriæ feritatis obliti, panes eis pro gladijs obtulissent.

De alterius illusione, quam per imperitiā discretionis, incurrit. Cap. VII.

Quid etiam de illo commemorem (cuius nominis quia adhuc superest, mentionem facere nolumus) qui dum longo tempore dæmonem in angeli suscipit claritate, reuelationibus eius innumeris sepe deceptus, credidit nuntium esse iustitiæ? Nam exceptis his, etiam per omnes noctes in cella eius lumen absque ullius lucernæ præbebat officio. Ad extremum iubetur a dæmone, ut Deo filium suum, qui cum eodem pariter in monasterio commanebat, offerret; ut scilicet hoc sacrificio Abrahæ patriarchæ meritis equaretur. Cuius in tantum est credulitate seductus, ut parricidium opere perfecisset, nisi eum uidens puer cultrū extra consuetudinem acuendo præparare, & uincula quibus eum uelut oblaturus ad immolandum constringere disponebat, inquirere, præfatio sceleris futuri perterritus aufugisset.

De lapsu & deceptione monachi Mesopotamēni. Cap. VIII.

Longum est deceptionem illius quoque monachi Mesopotamēni narrando percurrere, qui in illa prouincia per paucis imitabilem exhibens continentiam, quam per annos multos singulariter in cella reclusus exegerat, ita est ad extremum diabolicis reuelationibus somnijsq. delusus, ut post tantos labores atque virtutes, quibus omnes monachos ibidem residentes excesserat, ad Iudaismum

& con-

& concisionem carnis lapsu miserabili fuerit deuolutus. Nā cum volens eum consuetudine visionum ad credulitatem futuræ deceptionis illicere, verissima quæque multo tempore diabolus velut veritatis nuntius reuelasset, ad extremum ostendit Christianum populum vna cum principibus religionis ac fidei nostræ, Apostolis scilicet atque martyribus, tenebrosū ac tetrum, omniq. macie tabidū atque deformem: econtra Iudæorum plebem vna cum Mose, patriarchis atque prophetis, summa tripudiantem lætitia, & splendidissimo lumine coruscantem; suadens vt si mallet meriti ac beatitudinis illorum particeps fieri, circumcisionem quoque suscipere festinaret. Horum itaque profecto nullus tam lugubriter fuisset illus, si rationem discretionis huius assequi laborasset. Quamobrem inquantum perniciosum sit discretionis gratiam non habere, multorum casus & experimenta declarant.

Interrogatio de acquirenda vera discretionē.

Cap. IX.

AD hæc Germanus: Et nouellis exemplis & definitionibus antiquorum satis abūde perparauit discretionem fontem quodammodo atque radicem cunctarum esse virtutū. Quomodo ergo acquiri debeat, cupimus edoceri; aut quemadmodum vtrum vera & ex Deo, an falsa & diabolica sit, possit agnosci, vt secundum illam euangelicam, *Collat. 1.* quam superiore tractatu dissēuisti, parabolam, qua iubemur fieri probabiles trapezitæ, numismati impressam veri regis imaginem peruidentes, deprehendere valeamus, *cap. 20.* quod non sit in moneta legitima figuratum, atque illud, sicut vulgari vsus verbo hesternā collatione dixisti, tamquam † paracharaximū reprobemus, illa instructi peritiā *f. paracha* quam satis copiose. & integre prosecutus, spiritali atque *vagnum.* euangelico trapezitæ esse debere signasti. Quid enim proderit virtutis eius & gratiæ merita cognouisse, si quemadmodum expetenda, vel acquirenda sit, nesciamus?

Responsio quemadmodum possidentur vera discretio.

Cap. X.

TVNC Moses: Vera, inquit, discretio non nisi vera humilitate conquiritur. Cuius humilitatis hæc erit prima probatio, si vniuersa non solum, quæ agenda sunt, sed etiam quæ cogitantur, seniorum referuentur examini, vt nihil quis suo iudicio credens illorum per omnia definitionibus ac-

quie-

quiescat, & quid bonum vel malum debeat iudicare eorum traditione cognoscat. Quæ institutio non solum per veram discretionis viam iuuenem recto tramite docebit incedere, verum etiam a cunctis fraudibus & insidijs inimici seruabit illæsum. Nullatenus enim decipi poterit quisque, si non suo iudicio, sed maiorum viuat exemplo: nec valebit ignorationi eius callidus hostis illudere, qui vniuersas cogitationes in corde nascentes perniciofa verecundia nescit obtegere, sed eas maturo examine seniorum vel reprobat vel admittit. Illico namque vt patefacta fuerit cogitatio maligna marcescit; & antequam discretionis iudicium proferatur, serpens teterrimus velut e tenebroso ac subterraneo specu confessionis virtute protractus ad lucem & traductus quodammodo ac dehonestatus abscedit. Tandiu enim suggestiones eius noxiæ dominantur in nobis, quamdiu cælantur in corde. Et vt virtutem sententiæ huius efficacius colligatis, referam vobis abbatis Serapionis factum, quod ille iunioribus solebat instructionis gratia frequenter inferre.

Verba abbatis Serapionis, & de marcove patefactarum cogitationum, & de periculo propria confidentia. Cap. XI.

Cum adhuc essem puerulus, inquit, & cum abbate Theona commanerem, hæc mihi fuerat inimici impugnatione consuetudo feralis ingesta, vt postquam refecissem hora nona cum sene, vnum paxamacium quotidie in sinu meo latenter absconderem, quod sero illo ignorante occulte comederem: quod furtum licet conniuentia & cogitationis & inoliti semel desiderij incontinentia sine cessatione committerem, expleta tamen concupiscentia fraudulenta, ad memetipsum reuertens super admissio furti crimine grauius cruciabar, quam super esu eius fueram iuncundatus. Cumque illud molestissimum opus velut ab exactoribus Pharaonis indictum mihi vice laterum singulis diebus explere non sine cordis mei dolore compellerer, nec tamen erui me possem ab hac eorum sæuissima tyrannide, & clandestinum furtum seni manifestare confunderer, contigit Dei nutu de hoc me captiuitatis iugo volentis eripere, vt quidam fratres cellam senis obtentu ædificationis expeterent. Cumque refectione transacta, collatio spiritualis agitari cœpisset, respondensq. senex propositis interrogationibus eorum, de gastrimargiæ vitio & occultarum

al. voluptatis.

Exod. 32

tarum

tatum cogitationum dominatione disliceret, earumq. naturam & atrocissimam vim, quam haberent donec celarentur; exponeret; ego collationis huius virtute compunctus, & conscientia redarguente perterritus, velut qui crederem ob hoc ea fuisse prolata, quod seni Dominus secreta mei pectoris reuelasset, in occultos primum gemitus excitatus, deinde cordis mei compunctione crescente, in apertos singultus lacrymasq. prorumpens, paxamacium quod consuetudine vitiosa subtraxeram clanculum comedendum, de sinu furti mei conscio ac susceptore produxi; eumque in medium proferens, quemadmodum quotidie latenter ederem, prostratus in terram cum venix postulatione confessus sum, & vbertim profusis lacrymis, vt absolutionem durissimæ captiuitatis a Domino poscerent, imploraui. Tunc senex: Confide, ait, o puer, absoluit te ab hac captiuitate, etiam, me tacente, confessio tua. Victorem namque aduersarium tuum hodie triumphasti, validius eū tua confessione prosternens, quā ipse fueras ab eo tua taciturnitate deiectus, quem vtrique nequaquam vel tua vel alterius responsione confutans, in te nunc vsque permiseras dominari; secundum illam Salomonis sententiam: Quia non sit contradictio ab his, qui faciunt malum cito, ideo repletum est cor filiorum hominum in ipsis, vt faciāt mala. Et idcirco iam te post hanc publicationem † suam nequissimus spiritus iste nullatenus inquietabit vltius, nec in te latibulum sibi teterrimus serpens vsurpabit deinceps, de tenebris cordis tui salutari confessione protractus ad lucem. Necdum senex hæc verba compleuerat, & ecce lampas accensa de meo sinu procedens, ita cellam repleuit odore sulphureo, vt vehementia fœtoris ipsius vix in ea nos residere permetteret. Resumensq. senex admonitionem: Ecce, inquit, Dominus tibi sermonum meorum veritatem visibiliter approbavit, ut passionis incentorem de corde tuo salubri confessione depulsum oculis peruideres, patefactumq. hostem nequaquam locum in te ulterius habiturum, aperta eius expulsionem cognosceres. Itaque secundum sententiam senis, ita est, inquit, in me confessionis huius virtute dominatio diabolicæ illius tyrannidis extincta atque in perpetuum consopita, vt numquam mihi ne memoriam quidem concupiscentiæ huius vltius tentauerit inimicus ingerere, nec me post hæc aliquando pulsatum

*Eccle. 8.
sec. lxx.*

ab. tuam

factum furtiui illius desiderij instigatione persenserim. Quē
sensum in Ecclesiaste quoque pulcherrime legimus figura- *Ecclesi. 10.*
tum: Si momorderit, inquit, serpens non in sibilio, non est *sec. lxx.*
abundantia incantatori; taciti serpentis morsum pernicio-
sum esse designans: id est, si per confessionem suggestio
seu cogitatio diabolica incantatori cuiquam, spiritali sci-
licet uiro, qui carminibus scripturarum mederi protinus
uulneri, & extrahere de corde consuevit noxia uenena ser-
pentis, patefacta non fuerint, succurrere periclitanti peri-
turoe non poterit. Hoc igitur modo ad scientiam discre-
tionis ueræ peruenire poterimus, ut seniorum uestigia sub-
sequentes, neque agere quidquā noui, neque discernere no-
stro iudicio præsumamus, sed quemadmodum nos uel tra-
ditio illorum, uel uitæ probitas informant, in omnibus
gradiamur. Qua institutione formatus, non modo ad per-
fectam discretionis rationem quisque perueniet, uerum-
etiam munitus a cunctis insidijs inimici tutissimus per-
manebit. Nullo namque alio uitio tam præcipitem diabolus
monachum pertrahit ac perducit ad mortem, quā
cum eum neglectis consilijs seniorum suo iudicio persua-
serit definitioniq. confidere. Etenim cum omnes artes ac
disciplinæ humano ingenio repertæ, & quæ nihil amplius
quā uitæ huius commodis prosunt, licet manu palpari
queant, & oculis peruideri, recte tamen a quoquam sine
instituentis doctrina nequeant comprehendi, quā ine-
ptum est, credere hanc solam non egere doctore, quæ & in-
uisibilis & occulta est, & quæ non nisi corde purissimo per
cuius uidetur, error non temporale damnum, nec quod fa-
cile reparetur, sed animæ perditionem parit, mortemq. per-
petuam. Habet enim non aduersus visibiles, sed inuisibiles
atque immites hostes diurnum nocturnumq. conflictum,
nec contra vnum seu duos, contra innumerabiles cateruas
spiritalis certamen, cuius casus tanto perniciosior cunctis,
quanto & infestior inimicus, & congestius occultior. Et
ideo semper seniorum summa cautione sunt sectanda ve-
stigia, atque ad eos cuncta, quæ in postris cordibus oriun-
tur, sublato confusionis velamine deferenda.

Confessio verecundia, ob quam confunderemur, cogitationes
GERMANVS. nostras senioribus reuelare. Cap. XII.

O Ccasione nobis perniciosæ verecundiæ, qua cogita-
tiones malas studeamus obtegere, illa præcipue creat
causa,

causa, qua nouimus quendam in Syria partibus, ut credebatur, principum seniorum cuidam fratri cogitationes suas simplici confessione proderent, postmodum quadam indignatione commotum easdem grauiter exprobrasse. Unde fit ut dum eas in nobis premimus ac senioribus erubescimus publicare, curationum remedia consequi nequeamus.

Responsio de confusione calcanda, & periculo non condolentis.
MOSES. Cap. XIII.

Sicut non sunt omnes iuuenes pari modo vel feruentes spiritu, vel disciplinis ac moribus optimis instituti, ita ne senes quidem cuncti uno modo vel perfecti possunt vel probatissimi reperiri. Diuitia enim senum non sunt canities capitis, sed industria iuuentutis ac praeceptorum laborum stipendijs metienda: Quae enim non congregasti, inquit, in iuuentute, quomodo inuenies in senectute tua? Eccl. 25.
Sap. 4. Senectus enim honorabilis est, non diuturna, neque numero annorum computata. Cani autem sunt sensus hominis, & aetas senectutis vita immaculata. Et idcirco non omnium seniorum quorum capita canities tegit, quosque vitae longauitas sola commendat, nobis sunt sectanda vestigia, seu traditiones ac monita suscipienda, sed eorum quos laudabiliter vitam suam ac probatissime cōpeximus in iuuentute signasse, nec praesumptionibus proprijs, sed maiorum traditionibus institutos. Sunt enim nonnulli, quorum etiam quod est lugubrius, maior est multitudo, qui in tepore suo quem ab adolescentia conceperunt, atque ignauia senescentes, auctoritatem sibi non maturitare morum, sed annorum numerositate conquirunt. Osee. 7. De quibus exprobratio illa Domini proprie satis dicitur per prophetam: Et comederunt alieni robur eius, & ipse nesciuit, sed & cani effusi sunt in eo, & ipse ignorauit. Hos, inquam, in exemplum iunioribus, non vitae probitas, nec ulla propositi huius laudabilis atque imitanda districtio, sed auaritia sola prouexit. Quorum canitiem callidissimus inimicus, ad deceptionum iuniorum in praediuicaciam auctoritate proponens, etiam illos qui ad viam perfectionis: vel suis vel aliorum potuerunt monitis incitari, subuertere ac decipere exemplis eorum fraudulenta subgilitate festinat, vel in teporem eos noxium, vel in letalem desperationem doctrinis eorum institutisque perducens. Cuius rei volens vobis exem-

pla proferre, auctoris nomine prætermisso, ne nos quoque illius qui patefacta sibi fratris vitia publicauit, simile aliquid admittamus, rem tantum gestam, quæ instructionem necessariam vobis conferre possit, exponam. Cum igitur ad senem quendam nobis optime cognitum quidam non ignauissimorum iuuenum profectus sui & curationis gratia perrexisset, & carnalibus incentiuis ac fornicationis spiritu semetipsum inquietari simpliciter prodidisset, consolationem credens laboribus suis oratione senis, & remedia inflictis vulneribus reperturum; ille amarissimis eum inerepans verbis, miserabilemque & indignum, nec monachi nomine censendum esse pronuntians, qui potuerit huiusmodi vizio & concupiscentia titillari, ita suis econtrario correptionibus vulnerauit, vt eum summa desperatione deiectum ac letali tristitia consternatum e sua cella dimitteret. Cumque ei tali mœnore depressò, nec iam de remedio passionis, sed de expletione conceptæ concupiscentiæ profunda cogitatione tractanti, abbas Apollo, seniorum probatissimus occurrisset, laboremque & oppugnationis vehementiam, quæ in corde eius tacite voluebatur, de contemplatione vultus, & deiectione coniectans, causam tantæ perturbationis inquireret, atque ille molliter se compellanti seni ne responsum quidem vllum posset referre, magis ac magis eum sentiens senex non inaniter causam tantæ tristitiæ silentio velle contegere, quam ne vultu quidem dissimulare valeret, intentius ab eò causas occulti doloris cœpit inquirere. Quibus ille constriktus, pergere se ad vicum cōfiteatur, vt quia, secundum sententiam illius senis, monachus esse non posset, nec refrænare stimulos carnis, nec impugnationis remedia consequi iam valeret, uxorem duceret, ac relicto monasterio reuertèretur ad sæculum. Quem senior blanda consolatione demulcens, seque asserens ipsdem quotidie incentiuorum stimulis atque æstibus agitari, & idcirco non debere eum prorsus desperatione concidere, nec mirari super impugnationis ardore, qui non tam laboris studio quàm misericordia Domini & gratia vinceretur; vnius tantum diei ab eodem poposcit inducias, & vt reuertèretur ad suam tellulam deprecatus, ad monasterium prædicti senis tota festinatione perrexit. Cumque eidem proximasset, expansis manibus orationem cum lacrymis fundens: Conuertere,

al. *senec-
tus.*

ait, Domine, qui occultorum & infirmitatis humanæ solus arbiter pius, ac † secretus es medicus, impugnationem illius iuuenis in senem istum, vt condescendere infirmitatibus laborantium, & compati fragilitati iuniorum vel in senectute doceatur. Cumque ille hanc precem cum gemitu conclusisset, cernit Æthiopem tetrum contra illius cellulam stantem, atque aduersus eum ignita iacula dirigentem. Quibus cum fuisset ille protinus sauciatus, & progressus e cella, huc atque illuc velut amens & ebrius curritaret, atque egrediens & ingrediens, iam se in ea continere non posset, eadem via concitus pergere cepit, qua iuuenis ille discesserat. Quem abbas Appollo velut amentem factum quibusdam furijs agitari conspiciens, intellexit ignitum diaboli quod viderat telum in eius corde fuisse defixum, illamq. in eo confusionem mentis ac perturbationem sensuum intolerandis æstibus operari; accedensq. ad eum: Quo, inquit, properas, aut quænam te causæ senilis illius grauitatis oblitum, ita pueriliter inquietant, ac mobiliter cursitare compellunt? Cumque ille pro conscientie suæ reatu ac turpi exagitatione confusus, crederet ardorem sui pectoris deprehensum, ac reiectis seni sui cordis arcanis nullam responsionem percussanti reddere prorsus auderet: Reuertere, inquit, ad cellam, tandemq. te intellige vel ignoratum hactenus a diabolo, vel despectum, nec in eorum numero reputatum, quibus ille quotidie configere & colluctari profectibus eorum ac studijs instigatur, qui vnum eius in te directum iaculum post tantam annorum seriem, quam in hac professione triuisti, non dicam respuere, sed ne vno quidem die differre quiuisti; quo te idcirco Dominus passus est sauciari, vt saltem in senecta disceres compati infirmitatibus alienis & fragilitati condescendere iuniorum tuis exemplis atque experientia doceretur; qui suscipiens iuuenem infestatione diabolica laborantem, non modo nulla consolatione fouisti, sed etiam perniciosa desperatione deiectum, inimici manibus tradidisti, quantum in te est, ab eodem lugubriter deuorandum. quem sine dubio nequaquam tam vehementi conflictu fuisset aggressus, quo te nunc vsque est appetere dedignatus, nisi futuro profectui eius inuidens inimicus, illam virtutem, quam animo eius inelle cernebat, anticipare ac peruertere suis ignitis iaculis festinasset; proculdubio iudicans fortiorem cui

tanta

ranta vehementia configere operæpretium iudicauit. Disce itaque tuis exemplis laborantibus compati, & periclitantes nequaquā pernicioſa deſperatione terrere, nec duriffimis ſermonibus aſperare, ſed potius leni blandaq. conſolatione reſicere, & ſecundum præceptum ſapientiſſimi Salomonis: Eruere eos, qui ducuntur ad mortem, & re-
Prou. 24.
 dimere eos, qui interficiuntur ne parcas, noſtriq. Saluatoris *ſec. lxx.*
 exemplo, arundinem quaſſatam non contere, & liuum *Matth. 12*
 fumigans non extingui, illamq. a Domino gratiam poſcere, qua ipſe quoque ſiducialiter valeas opere ac veritate cantare: Dominus dedit mihi linguam eruditam, vt
Eſai. 50.
 ſciam ſuſtentare eum, qui laſus eſt verbo. Nullus enim inimici ſuſſerre poſſet inſidias, ſeu carnales ætus naturali quodammodo igne ſagranges, vel extingui vel reprimere, niſi gratia Dei vel iuuaret fragilitatem noſtram, vel protegeret ac muniret. Et idcirco ſalutaris huius diſpoſitionis ratione finita, qua vel illum iuuenem pernicioſis ætibus Dominus liberare, vel de impugnationis vehementia & compatiendi affectu te voluit erudire, communibus eum precibus imploremus, quo ſagellum iſtud, quod vtilitatis gratia tibi Dominus inferre dignatus eſt, iubeat amoueri: (Ipſe enim dolere facit, & ruruſum me-
Iob. 5.
 derur, percutit, & manus eius ſauant: ipſe humiliat & *ſec. lxx.*
 exaltat, ipſe occidit & viuificat, deducit ad inferos & redu-
1 Reg. 2.
 cit.) & ignita diaboli iacula que me ꝑ arbitro tibi permittit *al. impe-*
 inſigi, ſpiritus ſui rore redundante reſtinguat. Quam ten-
trante,
 rationem licet eadem celeritate, qua inferri Dominus paſ-
arbitror.
 ſus eſt ad vnam ſenis orationem ruruſum abſtulerit, euiden-
 ti tamen experimento docuit, non modo non exprobrari patefacta cuiuſque vitia debere, ſed ne leuiter quidem laborantis dolorem debere contemni. Et idcirco nequaquam nos vnus ſenis ſiue paucorum vel impetitia vel leuitas ab illa ſalutari quam prædiximus via & traditione maiorum deterreat & excludat, quorum cahitie ad deceptionem juniorum calliſſimus abutitur inimicus; ſed abſque vlllo conſuſionis operimento omnia debent ſenioribus reuelari, atque ab eis vel remedia vulnerum, vel exempla conuerſationis ac vitæ ſiducialiter ſumi, in quibus parem opem & ſimilem experiemur effectum, ſi nihil penitus aſſectare noſtro iudicio ac præſumptione tentemus.

De *vocatione Samuelis.* Cap. XIIIII.

Denique in tantum placita Deo hæc sententia comprobatur, vt etiam scripturis sanctis hanc eandem institutionem non otiose repetiamus insertam, ita vt puerum Samuellem iudicio præelectum suo, nollet per semetipsum diuini colloquij disciplina Dominus erudire, sed recurrere semel & iterum pateretur ad senem, eumque quem ad suum vocabat alloquium, etiam illius, qui ostenderat Deum, dum modo senioris, doctrina vellet institui; & quæ sua vocatione dignissimum iudicaret, senioris mallet institutione formari, vt scilicet & illius, qui ad diuinum ministerium vocabatur, probaretur humilitas, & iunioribus forma subiectionis huius proponeretur exemplo.

De *vocatione Pauli Apostoli.* Cap. XV.

Paulum quoque per semetipsum vocans & alloquens Christus, cum posset ei perfectionis viam referare cōfestim, dirigere ad Ananiam mauule, & ab eo iubet viam veritatis agnoscere, dicens: Surge, & ingredere ciuitatem, & ibi tibi dicetur, quid te oporteat facere. Mirrit itaque & hunc ad seniore, eumque illius potius doctrina quam sua cenfer institui, ne scilicet quod recte gestum fuisset in Paulo, posteris malum præsumptionis præberet exemplum, dum vnusquisque sibi met persuaderet, simili modo se quoque debere Dei solius magisterio atque doctrina potius quam seniorum institutione formari. Quam præsumptionem etiam ipse Apostolus non solum litteris, sed etiam opere atque exemplo docet omnimodis detestandam, ob hoc solummodo se asserens Hierosolymam conscendisse, vt Euangelium quod comitanto gratia Spiritus sancti cum potestate signorum & prodigiorum gentibus prædicabat, cum suis coapostolis & antecessoribus priuata quodammodo ac domesticæ examinatione conferret: Et contuli, inquit, cum illis Euangelium quod prædico inter gentes, ne forte in vacuum currerem aut cucurrissem. Quis ergo tam præsumptor & cæcus sit, qui se audeat suo iudicio ac discretionis committere; cum vas electionis indiguisse se coapostolorum suorum collatione testetur? Vnde manifestissime comprobatur, nulli a Domino viam perfectionis ostendi, qui habens vnde valeat erudiri, doctrinam seniorum vel instituta contempserit, paruipendens illud colloquium

eloquium, quod oportet diligentissime custodiri: Interroga patrem tuum, & annuntiabit tibi; seniores tuos, & dicent tibi. *Dent. 32.*

De appetenda discretione. Cap. XVI.

OMni igitur conatu debet discretio. bonum virtute humilitatis acquiritur, quæ nos illatos ab utraque potest nimietate seruare. Vetus namque sententia est, *αὐχρόντες ἰσότητες*, id est, nimietates æqualitatis sunt. Ad unum enim finem nimietas ieiunij & voracitas peruenit, eodemque dispendio vigiliarum immoderata continuatio monachum, quo somni grauissimi torpor inuoluit. Nam per excessum continentie debilitatur quemque ad illum statum reuocari necesse est, in quo negligens quisque per incuriam detinetur: ita ut frequenter quos per gastrimargiam decipi non potuisse conspeximus, per immoderationem ieiuniorum viderimus fuisse deiectos, atque ad eandem quam vicerant passionem infirmitatis occasione collapsos. Vigiliæ quoque & pernoctationes irrationabiles deiecerunt quos somnus superare non potuit. Quapropter secundum Apostolum, *2. Cor. 6.* per arma iustitiæ quæ a dextris sunt & a sinistris, recto moderamine transendum est, & ita inter utrasque nimietates discretione moderante gradiendum est, ut nec a tradito continentie tramite acquiescamus abduci, nec rursus remissione noxia, in gulæ ac ventris desideria concidamus.

De immoderatis ieiunijs & vigilijs. Cap. XVII.

ETenim memini me frequenter ita appetitum cibi penitus respuisse, ut duobus diebus ac tribus refectioe dilata, ne memoria quidem vilius edulij meam interpellauerit mentem; & rursus ab oculis meis ita somnium diaboli impugnatione subtractum, ut plures noctes ac dies paululum quid somni meis oculis a Domino precarer infundi, grauiusque me periclitatum somni cibi que fastidio, quam soporis & gastrimargiæ colluctatione perferens. Itaque sicut festinandum nobis est ne appetitu corporeæ voluptatis in dissolutionem noxiam delabamur, & ante præstitutum tempus vel cibo indulgere, vel modum eius præsumamus excedere; ita est etiam somni refectio hora legitima, etiam si horreat, inherenda. Vtrumque enim bellum aduersarij factione consurgit, & perniciosius continentia immoderata, quam saturitas remissa supplantat. Ab hac

O 3

namque

namque ad mensuram distractionis intercedente salutari compunctione conscendi potest, ab illa non potest.

Interrogatio de continentia vel refectionis mensura.

GERMANVS. *Cap. XVIII.*

Quis igitur est continentiae modus, quem æquo moderamine retinentes, inter utramque nimietatem illam transire possimus?

MOSES. *De optimo cibi quotidiani modo. Cap. XIX.*

Super hac re inter maiores nostros frequenter nouimus shabutum fuisse tractatum. Nam discurrentes continentias diuersorum, qui vel solis leguminibus, vel oleribus tantum, vel pomis vitam iugiter exigebant; præposuere cunctis illis refectionem † sicci panis; cuius æquissimum modum in duobus paxamacijs statuerunt, quos paruulos panes, vix vnius libræ pondus habere certissimum est.

Obiectio de facilitate continentia, qua duobus paxamacijs
GERMANVS. *sustinetur. Cap. XX.*

Quod nos gratanter amplexi, respondimus, hunc modum nos minimæ pro continentia reputare; quippe qui integrum eum nequaquam possemus infumere.

Responsio de vi huius mensurae continentia.

MOSES. *Cap. XXI.*

Si vultis experiri vim statuti huius, modum istum iugiter retinere; nullum extrinsecus coctionis pulmentum die Dominico vel sabbati, neque sub aliqua aduenientium fratrum occasione sumentes; nam his resecta caro non solum minore quantitate diebus residuis poterit sustentari, verum etiam totam refectionem sine labore differre, illorum scilicet ciborum, quos extrinsecus sumpserit, adiectione suffulta. Quod nullo modo facere, nec refectione panis differre in diem posterum præualebit, quisquis fuerit semper prædictæ mensuræ quantitate contentus. Etenim meminimus seniores nostros (quod nos quoque retineo frequenter fuisse perperellos cum tanto labore ac difficultate hanc parsimoniam sustentasse, tantaque vi atque inedia prædictam custodisse mensuram, ut inuiti quodammodo nec sine gemitu atque tristitia hunc finem sibi refectionis imponeretur.

Qui nam generalis continentia ac refectionis modus sit. Cap. XXII.

Generalis tamen hic continentiae modus est, ut secundum capacitatem virium vel corporis vel ætatis tantum

num sibi met cibi vnusquisque concedat, quātum sustentatio carnis, non quantum desiderium saturitatis exposcit. In vtraque enim parte sustinebit maximum detrimentū, quisquis inæqualitatem tenens, nunc ventrem ieiuniorum ariditate constringit, nunc escarum nimietate distendit. Vt enim mens cibi inanitate lassata perdit orationis vigorē, dum carnis lassitudine nimia prægrauata dormire compellitur; ita rursus nimietate voracitatis oppressa emittere ad Deum preces puras leuesq. non poterit. Sed nec castimonix quidem ipsius puritatem indurpta valebit iugitate seruare, dum ei etiam diebus illis quibus carnē aciore videtur continentia castigare, præterita cibi materia, quamuis ad præsens defecto sit corpore, ignem carnalis concupiscentiæ subministrat.

Quemadmodum abundantia humorum genitalium castigetur. Cap. XXIII.

NAm quod semel per escarum abundantiam concretū fuerit in medullis, necesse est egeri atque ab ipsa naturæ lege propelli, quæ exuberantiam cuiuslibet humoris superflui velut noxiam sibi atque contrariā in semetipsa residere non patitur. Ideoq. rationabili semper & æquali est corpus nostrum parsimonia castigandum, vt si naturali hac necessitate commorantes in carne omnimodis carere non possumus, saltem rarius nos & non amplius quā tri-
na vice resptos † isto deliquio totius anni cursus inue-
niat. Quod tamen sine vlllo pruritu quietus egerat sopor,
non fallax imago index occultæ voluptatis eliciat. Quam-
obrem hæc est tēperata quam diximus continentix æqua-
litas atque mensura, quæ patrum quoque iudicio compro-
batur, vt quotidianam panis refectionem quotidiana com-
mitetur esuries, in vno eodemq. statu animam pariter cor-
pusq. conseruans; nec ieiunij fatigatione concidere, nec
grauari mentem saturitate permittens. Tanta nanique fru-
galitate finitur, vt interdum se post vesp̄eram nec sentiat
aut meminerit refecisse.

*al. ista col
luuione.*

De labore æqualis refectionis, & de fratri Benjamin edacitate. Cap. XXIII.

ET intantum hoc non sine labore perficitur, vt malint hi qui perfectionem discretionis ignorant, etiam bi-
duo protelare ieiunia, idq. quod hodie sumpturi fuerant
in crastinum referuare, dummodo ad refectionem perue-
nientes

nientes desiderata satietate poriantur. Quod nuper Beniamin ciuem vestrum pertinaciter tenuisse cognoscitis, qui ne quotidie duo paxamacia percipiens aequali castigatione continuam parcitatem iugiter retentaret, maluit biduana semper continuare ieiunia, dummodo ad refectiorem veniens duplicata mensura repleret ventris ingluuiem, id est, ut quattuor paxamacia comedens desiderata saturitate gauderet, & expretionem ventris biduano ieiunio quodammodo compararet. Qui obstinatione & pertinacia mentis suae definitionibus potius proprijs quam seniorum traditionibus acquiescens, quali siue suum, propositum terminarit, proculdubio meministis. Siquidem relicta eremo, rursus ad inanem philosophiam mundi huius ac vanitatem seculi deuolutus, praedictam sententiam seniorum sui casus signare exemplo, ruinaque sua cunctos docer, neminem suis definitionibus, vel proprio iudicio confidentem, perfectionis culmen aliquando posse conscendere, sed nec diaboli quidem perniciosas illusiones euadere.

Interrogatio quomodo una semper eademque mensura seruetur.
GERMANVS. tur. Cap. XXV.

Quomodo igitur a nobis hic modus indirapte poterit custodiri? Nam nonnumquam hora nona soluta iam statim ieiunij superuenientibus fratribus necesse est eorum obtentu aut adijci aliquid ad statutam solitamque mensuram, aut certe humanitatem, quam iubemur omnibus exhibere, penitus et abdicari.

al. euitari

Responsio de non excedendo refectiōis modo.

MOSES. Cap. XXV.I.

al. adorationem.

Vtraque vno modo ac sollicitudine pari conuenit obseruari. Nam & mensuram cibi causa continentiae ac puritatis cum omni scrupulo custodire debemus, & humanitatem atque adhortationem aduenientibus fratribus charitatis obtentu similiter exhibere, quia satis absurdum, est ut fratri immo Christo mensam offerens non eum cibum pariter sumas, aut ab eius refectiōe te facias alienum. Itaque in neutra parte reprehensibiles inueniemur, si haec a nobis consuetudo retineatur, ut hora nona de duobus paxamacijs, quae nobis canonica mensura iure debentur, vno paxamacio praelibato, aliud huius expectationis gratia in vespere referuamus: quem, si superuenerit quispiam fratrum cum ipso pariter infumamus nihil consuetudini solitae

solita amplius adiungentes, & hac dispensatione nequaquam fratris nos contristabit aduetus, qui uobis debet esse gratulabilis si quidē ita ei exhibebimus humanitatis obsequia, ut nihil a rigore continentię relaxemus. Si uero nullus aduenerit, hoc quoque uelut de canōnico modo debitū nobis libere præsumentus: qua parcitate nec stomachus uespere poterit aggruari (quippe hora nona uero pax amatio iam præmissa) quod plerumque his qui districtiorē abstinentiam se tenere credentes, totam refectionem ad uesperam differunt, euenire consuevit. Nam recens esca percipio tam in uesperinis quā in nocturnis orationibus tenuem leuemq. sensum inueniri non sinit. Ideoque commodum satis & uite hora nona refectionis tempus indultum est, in quo resiciens monachus non solum in nocturnis uigilijs leuis ac uacuus, verumetiam in ipsīs uespertinis solemnitatibus digesto iam cibo inuenietur apulissimus. Talibus nos sanctus Moses geminæ institutionis epulis saginauit; non solum discretionis gratiam atque uirtutē præsenti eruditione uerborum, sed etiam abrenuntiandi rationem, & destinationem sinemq. propositi antea acta disputatione demonstrans, ut quod antea seruiore tantum spiritus ac zelo Dei elausis quodam modo oculis sectabamur, luce elatius aperiret; faceretq. sentire quantum a puritate cordis & directionis lineā fuissēmus ad id temporis euagati; quippe cum etiam omnium uisibiliū in hoc sæculo artium disciplina absque destinationis ratione subsistere; ac sine contemplatione certi finis attingi omnino non possit.

al. gratissimus.

*Collationis I I. beati Mosi de discretione
finis.*

COLLATIO TERTIA,
QVÆ EST ABBATIS
PAPHNVTII,

DE TRIBVS ABRENN-
TIATIONIBVS.

De conuersatione ac vita abbatis Paphnutij. Cap. I.



In illo sanctorum choro, qui velut astra pu-
rissima in nocte mundi istius refulgebant,
vidimus sanctum Paphnutium vice lumi-
naris magni claritate scientiæ coruscantē.
Hic namque presbyter congregationis no-
stræ, id est, illius quæ in eremo Scithj mo-
rabatur, fuit; in qua ita vsque ad extremam durauit ætatē,
vt numquam e cella, quā iunior cœperat habitare, quæque
ab ecclesia milibus quinque distabat, saltem ad viciniora
migrauerit; nec festus annis die sabbati vel Dominico ven-
turus ad ecclesiam vexaretur tanti itineris spatio, sed nec
vacuus quidem reuerti exinde contentus, vas aquæ, quam
per totam hebdomadam erat sumpturus suis ceruicibus
superponēs reportabat ad cellam. Cumque nonagenariam
excessisset ætatem, nūquam passus est eam iuniorum sibi
labore deserti. Hic itaque ab adolescentiâ sua scholis cœ-
nobiorum tanto ardore se tradidit, vt in eis paruo tempore
commoratus tam subiectionis bono quàm vniuersarum
virtutum scientia pariter ditaretur. Humilitatis namque &
obedientiæ disciplina omnes suas mortificans voluntates,
& per hanc extinctis vniuersis vitijs, cunctisq. virtutibus
consummatis, quas monasteriorum instituta vel antiquis-
simorum patrum doctrina fundauit, sublimioris profectus
ardore succensus eremi festinauit penetrare secreta, vt Do-
mino cui inter fratrum turbas positus sitiebat inseparabi-
liter inlætare, nullo deinceps humano consortio retrahen-
te, facilius vniretur. Vbi rursum tanto seruiore etiam ip-
sorum anachoretarum virtutes superans, desiderio & in-
tentione iugis ac diuinæ illius theoriæ, cunctorum deuota-
bat

bat aspectus, vastiora & inaccessibilia solitudinis penetrans loca, multoq. in eis tempore delitescens, vt ab ipsis quoque anachoretis difficulter ac rarissime deprehensus, angelorum quotidiano consortio delectari ac perfrui crederetur, atque ei merito virtutis huius ab ipsis inditum fuerit Bubali cognomentum.

De sermone eiusdem senis, ac responsione nostra. Cap. II.

Huius igitur magisterio institui cupientes, cogitationū etiam stimulis agitati, ad cellam eius iam die aduersperascente peruenimus. Qui habito aliquantisper silentio cum propositum nostrum prædicare cœpisset, quod scilicet patriam relinquentes, tot prouincijs pro amore Domini perlustratis egestatem ac vastitatem eremi tolerare & imitari rigorem conuersationis illorum † toto opere nitermur, quem vix ipsi qui in eadem necessitate atque inopia nati educatiq. sunt sustinerent; respondimus nos ob id ad eius doctrinam ac magisterium tetendisse, vt imbuti aliquatenus tanti viri institutionibus ac perfectione possemus, quam innumerais documentis eidem senseramus inesse; non vt illis, quæ tamen in nobis non essent, laudibus grauaremur, aut elatione animi, qua in nostris quoque cellulis nonnumquam suggestione inimici titillabamur, ipsius quoque sermonibus inflaremur. Quamobrem illa nobis potius precabamur infundi, quibus compungi vel humiliari, non quibus nobismetipsis blandiri extolliq. possemus.

al. tanto-
pere

Propositio abbatis Paphnutij de tribus vocationum generibus, & de tribus abrenuntiationibus. Cap. III.

Tunc beatus Paphnutius: Tres, inquit, vocationum sunt ordines; tres quoque renuntiationes monacho in quocūque vocationis ordine constituto necessarias nouerimus. Et primam quidem causam, qua tres esse vocationum ordines diximus, oportet diligenter inquirere, vt cum cognouerimus nos ad Dei cultum primo gradu vocationis ascitos, secundum eius sublimitatem, conuersationis quoque nostræ congruentiam temperemus. Nihil enim proderit sublimiter inchoasse, si similem principijs non exhibuerimus & finem. Quod si etiam ultimo ordine nos a conuersatione sæculi extractos fuisse cognoscimus, quanto minus probabili ad religionem principio videmur inniti, tanto acius nosmetipsos ad meliorem finem spirituali seruiore incitare curemus. Secundam quoque causam tri-

næ abrenuntiationis omnimodis nosse nos convenit; quia nullo modo perfectionem poterimus attingere, si eam vel ignoraverimus; vel scientes non contenderimus opere consummare.

Expositio trium vocationum.

Cap. IV.

VT igitur tres hi vocationum modi speciali distinctione pandantur; primus ex Deo est; secundus per hominem; tertius ex necessitate. Ex Deo quidem est, quotiens inspiratio quædam immissa in cor nostrum nonnumquam etiam dormientes nos ad desiderium æternæ vitæ ac salutis exsuscitat, Deumq. sequi & eius inhzere præceptis compunctione saluberrima cohortatur, ut in scripturis sanctis Abraham voce Dominica, de genitili solo & totius cognationis affectibus, patrisq. domo legimus evocatum, dicente Domino: Exi de terra tua, & de cognatione tua, & de domo patris tui. Quo etiam modo beatorum Antonium accitum esse cognovimus, qui occasionem suæ conversionis a sola diivinitate percepit. Namque ingressus ecclesiam, ibiq. audiens in Evangelio Dominum prædicantem: Qui nō odit patrem & matrē & filios & uxorem & agros, insuper & animam suam, non potest meus esse discipulus, &c. Si vis perfectus esse, vade & vende omnia, quæ habes, & da pauperibus, & habebis thesaurum in cælo; & veni sequere me. Præceptum hoc Domini velut specialiter ad se directum cum summa cordis compunctione suscepit, cōsestiq. renuntians cunctis secutus est Christum, nulla exhortatione neque doctrina hominum provocatus. Secundus vocationis modus est, quem fieri per hominem diximus, cum vel exemplis quorundam sanctorum vel monitis instigati, ad desiderium salutis accendimur. Quo nos quoque per gratiā Domini retinemus asecitos, qui prædicti vici monitis ac virtutibus incitati, huc nos studio professioni tradidimus; quo ordine etiā in scripturis sanctis per Moysen filios Israel de afflictione Ægypti legimus liberatos. Tertius vero vocationis modus est, qui ex necessitate descendit, cum diivitijs mundi huius vel voluptatibus obligati, ingruentibus repente tentationibus; quæ vel mortis pericula committantur, vel amissione bonorum ac proscriptione percunt, vel carorum morte compungunt, ad Deum, quem sequi in rerum prosperitate contempnimus, saltem iniuncti prope-

propterare compellimur. Cuius vocationis necessitatem in scripturis quoq. sæpiissime reperimus, cum filios Israël ob merita peccatorum legimus a Domino traditos hostibus suis, ob quorum dominationem crudelitatemq. sæuissimam, rursus conuersos ad Dominum proclamasse: Et misit eis, inquit Dominus saluatorem Aod filium Gera, filij Iemini, qui utrâque manu pro dextera utebatur. Et rursum: Clamauerunt, inquit, ad Dominum, qui suscitauit eis saluatorem, & liberauit eos, Othoniel filium Cenez, fratrem Caleb iuniorem. Et de talibus in Psalmo dicitur: Cum occideret eos, tunc quærebant eum, & reuertebantur & diluculo veniebant ad Deum, & recordati sunt, quia Deus adiutor eorum est; & Deus excelsus redemptor eorum est. Rursumque: Et clamauerunt ad Dominum cum tribularentur, & de necessitatibus eorum liberauit eos. *Iudic. 3. Ibid. Psal. 77. Ps. 100.*

Quod & desidioſo vocatio prima non possit, & strenuo postrema non obsit. Cap. V.

EX his itaque tribus modis licet priores duo melioribus inniti principij videantur, nonnumquam tamen inuenimus etiam de tertio gradu, qui infimus videtur ac tepidus, perfectos viros ac spiritu feruentissimos extitisse, talisq. conformes, qui optimo principio aggressi Domini famulatum, reliquam quoque vitam laudabili feruore spiritus exegerunt, & iterum de illo superiori gradu plurimos reperfectos ad vituperabilem finem sæpiissime recidisse: ac perinde sicut illis nil obfuit, quod non suo viderentur arbitrio, sed necessitatis compulsionem conuersi, quippe quibus hanc ipsam occasionem, qua compungerentur, Domini benignitas procurauit; ita etiam istis omnino nihil profuit sublimiora conuersionis habuisse principia; quia non studuerunt reliquam vitam sine congruo terminare. Nec enim abbatem Moſi, qui habitauit in loco istius eremi, qui Calamus nuncupatur, quidquam defuisse ad perfectam beatitudinis meritum, quod metu mortis, quæ ei propter homicidij crimen intentabatur, impulsus ad monasterium decucurrit, quia ita necessitatem conuersionis arripuit, ut eam in voluntatem prompta animi virtute conuertens ad perfectionis fastigia summa peruenerit; sicut etiam e contrario plurimos quos nominatim memorare non debemus, ut profuit Domini seruitiuem meliorem arripuisse principio, qui deinceps cupidis ignauia ac duritia subsequente, in te-

in teporem noxium, ac in profundum mortis barathrum conciderunt. Quam rem in Apostolorum quoque vocatione vidimus euidenter expressam. Quid enim profuit Iudæ apostolatus sublimissimum gradum eodē ordine, quo Petrus ceteriq. Apostoli adsciti sunt, voluntarie suscepisse, qui vocationis suæ præclara principia cupiditatis ac philargyræ pestifero sine consummans, vsque ad traditionem Domini crudelissimus parricida prorupit? Aut quid obfuit Paulo quòd repente cæcatus ad viam salutis velut inuitus videtur attractus, qui postea Dominum toto animi feruore sectatus, initium necessitatis voluntaria deuotione consummans, gloriosam tantis virtutibus vitam inimitabili sine conclusit? Totum ergo in fine consistit, in quo potest quis & optimæ conuersionis initijs dedicatus inferior per negligentiam reperiri, & necessitate attractus ad nomen monachi profitemdum, effici per timorem Dei diligentiamq. perfectus.

Expositio trium abrenuntiationum. Cap. VI.

Nunc de abrenuntiationibus differendum est, quas tres esse & patrum traditio, & scripturarum sanctarum demonstrat auctoritas, quasq. vnumquemque nostrum omni studio oportet implere. Prima est, qua corporaliter vniuersas diuitias mundi facultatesq. contemnimus; secunda, qua mores ac vitia affectusq. pristinos animi carnisq. respuimus; tertia, qua mentem nostram de præsentibus vniuersis ac visibilibus euocantes, futura tantummodo contemplamur, & ea, quæ sunt inuisibilia, concupiscimus. Quæ tria vt simul perficiantur, etiam Abrahæ legimus Dominum præcepisse, cum dixit: Exi de terra tua, & de cognatione tua, & de domo patris tui. Primum dixit, Exi de terra tua, id est, de facultatibus mundi huius, opibusq. terrenis; secundo, de cognatione tua, id est, de conuersatione & moribus vitijsq. prioribus, quæ nobis a nostra natiuitate cohærentia velut affinitate quadam & consanguinitate cognata sunt; tertio, de domo patris tui, id est, de omni memoria mundi huius, quæ oculorum occurrit obrutibus. De duobus enim patribus, id est, siue de illo, qui deserendus est, siue de illo, qui expetendus est, ita per Dauid ex persona Dei canitur: Audi filia, & vide, & inclina aurem tuam, & obliuiscere populum tuum, & domum patris tui. Nam qui dicit: Audi filia, pater utiq. est & illum

1. Tim.

Matt. 26.

Act. 9.

Gen. 12.

Psal. 44.

iam cuius domum vel populum obliuioni tradi debere
persuadet, patrem nihilominus suæ filix fuisse testatur.
Quod ita sit, cum mortificati cum Christo ab elementis
huius mundi contemplamur, secundum Apostolum, iam
non ea quæ videntur, sed quæ non videntur. quæ enim vi-
dentur, temporalia sunt; quæ autem non videntur, æter-
na. Et exeuntes corde de hac temporali ac visibili domo, in
illam in qua sumus iugiter permansuri, nostros oculis men-
temq. dirigimus. Quod tunc implebimus, cum in car-
ne ambulantes non secundum carnem militare Domino
cœperimus, illam beati Apostoli sententiam opere ac vir-
tute clamantes: Noster autem municipatus in cælis est.
His tribus abrenuntiationibus proprie tres libri Salomonis
aptantur. Nam Prouerbia primæ abrenuntiationi conue-
niunt, quibus concupiscentiæ carnalium rerum, ac terrene
vitia refecantur. Secundæ abrenuntiationi Ecclesiastes,
vbi vniuersa, quæ aguntur sub sole, vanitas pronuntiantur.
Tertiæ canticum canticorum, in quo mens visibilia cun-
cta transcendens verbo, iam Dei cœlestium rerum contem-
platione coniungitur.

2. Cor. 4.

1. Cor. 10.

Philip. 3.

τὸ πολὺ

τὰ μα.

Eccl. 1.

*Quemadmodum singularum renuntiationum sit apprehen-
denda perfectio. Cap. VII.*

Q Vapropter non multum proderit, primam nos abre-
nuntiationem consummata deuotione fidei suscepisse,
se, si secundam non eodem studio, atque eodem
impleuerimus ardore. Et ita cum etiam hanc fuerimus in-
depti, ad illam quoque tertiam peruenire poterimus, qua de
domo prioris nostri parentis egressi, (quem ab exordio na-
tuitatis nostræ secundum veterem hominem ac pristinam
conuersationem, quando eramus natura filij iræ, sicut &
ceteri patrem nobis fuisse meminimus,) omnem mentis
intuitu ad cœlestia desectemus. De quo etiā patre ad Hieru-
salem, quæ verum patrem Deum contemplerat, dicitur:
Pater tuus Amorrhæus, & mater tua Chetæa. Et in Euāge-
lio: Vos ex patre diabolo estis, & desideria patris vestri vul-
tis facere. Quem cum dimiserimus de visibilibus ad inui-
sibilia transmigrantes, cū Apostolo dicere poterimus: Sci-
mus autem, quoniam si terrestris domus nostra huius habi-
tationis dissoluatur, quod habitationem habemus ex Deo,
domum non manufactam, æternam in cælis. Et illud quod
paulo ante commemorauimus: Noster autē municipatus

Ephes. 2.

Ezech. 16

Iou. 8.

2. Cor. 5.

Philip. 3.

in

in cælis est: unde & saluatorem expectamus Dominum Iesum Christum, qui reformabit corpus humilitatis nostræ
Psal. 118. conforme corpori claritatis suæ. Et illud beati David: *Quia*
 incolæ ego sum in terra, & peregrinus, sicut omnes patres
 mei; ut secundum Domini vocem, tales efficiamur, quales
 illi de quibus hæc Dominus ad patrem in Euangelio loque-
 batur: *De mundo hoc nō sunt, sicut & ego non sum de hoc*
Ioan. 17. mundo. Et rursus ad ipsos Apostolos: *Si de hoc mundo es-*
Ioan. 15. *setis, mundus quod suum est utique diligeret; sed quia de*
 hoc mundo non estis, sed ego elegi vos de hoc mundo, pro-
 pterea odit vos mundus. Huius ergo renuntiationis tertiæ
 veram perfectionem tunc merebimur obtinere, quando
 meus nostra nullo carnez pinguedinis hebetata contagio,
 sed peritissimis elimationibus expolita, ab omni affectu &
 al. diuina
 rum scri-
 pturaru. uisque transierit, ut circumdatam se fragilitate carnis ac situ
 corporis, supernis & incorporeis intenta non sentiat, atque
 in huiusmodi rapiatur excessus, ut non solum nullas voces
 auditu corporali recipiat, nec intuentis prætereuntium
 imaginibus occupetur; sed ne adiacentes quidem moles,
 & ingentes materias obiectas oculis carnis aspiciat. Cuius
 rei fidem atque virtutem nemo capiet, nisi qui hæc, quæ di-
 cuntur, experientia magistrante perceperit; cuius videli-
 cet ita Dominus oculos cordis de vniuersis præsentibus
 auocarit, ut ea non tamquam transitura, sed quasi transacta
 iam reputet; & velut inanem fumum in nihilum resoluta
 conspiciat, ambulansq. ut Enoch cum Deo, ac de humana
 conuersatione moribusq. translatus, non inueniatur in præ-
 sentis sæculi vanitate. Quod in illo etiam corporaliter fa-
 ctum, lectio Geneseos ita commemorat: Ambulauiq. Enoch
 cum Deo, & non inueniebatur, quia transtulit illum Deus.
Gen. 5.
Hebr. 11. Apostolus quoque ait: Fide Enoch translatus est, ut non vi-
 deret mortem: De qua morte Dominus in Euangelio: *Qui*
Ioan. 11. *viuit, inquit, & credit in me, non morietur in æternum.*
 Quapropter festinate debemus, si perfectionem veram de-
 sideramus attingere, ut quemadmodum corpore parentes,
 patriam, diuitias mundi, voluptatesq. despeximus; ita
 etiã corde hæc omnia relinquentes, nulla rursus ad ea quæ
 dimissimus concupiscentia reuertamur, ne (sicut illi qui
 educti per Moysen, cum utique corpore non rediissent, corde
 tamen

tamen reuerſi in Aegyptum dicuntur, relicto ſcilicet Deo, qui eos eduxerat cum tanta virtute ſignorum, idola Aegypti quæ contempſerant venerantes, ſicut ſcriptura commemorat: Et reuerſi ſunt cordibus ſuis in Aegyptum, dicentes *Exod. 32.* ad Aaron: Fac nobis deos qui præcedant nos.) cum illis etiam pariter condemnemur, qui in eremo commorantes, poſt eſcam mannae cæleſtis deſiderauerunt vitiorum foetidos, ac ſordidæ vilitatis cibos; noſq. cum eis ſimiliter murmurare videamur: Bene nobis erat in Aegyptio, vbi ſedebamus ſuper ollas carniū, & comedebamus cepe & allia, & cucumeres & pepones. Quæ figura licet in illo præceſſerit populo, tamen nunc quoque eam quotidie in noſtro ordine ac profeſſione videmus impleri. Omnis enim quicūque poſt renuntiationem mundi huius ad antiqua reuertitur ſtudia, & ad priſtina deſideria reuocatur, hæc eadem cum illis opere ac mente proclamatur, dicens: Bene mihi erat in Aegyptio. Quorum vereor ne tanta inueniēda ſit multitudo, quantas tunc ſub Moſe præuaticantium turbas legimus extitiſſe. Nam cum ſexcenta fere milia armatorum de Aegyptio di- *Exod. 12.* numerentur egreſſa, ex his non ſunt amplius quàm duo tantum terram repromiſſionis ingreſſi. Vnde feſtinandum eſt *Num. 14.* nobis, vt a paucis ac rariſſimis ſumamus exempla virtutū, quia ſecundum illam, quam diximus figuram, in Euangelio *Matt. 22.* quoque multi vocati, pauci autem dicuntur electi. Nihil ergo nobis proderit abrenuntiatione corporalis, & localis quodammodo tranſmigratione ex Aegyptio, ſi renuntiatione cordis quæ ſublimior & vtilior eſt, non valuerimus ſimiliter obtinere. De illa enim abrenuntiatione corporali, quam diximus, ita pronuntiauit Apoſtolus: Si diſtribuerō omnes *1. Cor. 13.* facultates meas in cibos, pauperum, & tradiderō corpus meum vt ardeam, charitatem autem non habuerō, nihil mihi prodeſt. Quod beatus Apoſtolus numquam dixiſſet, niſi quia futurum ſpiritu præuidebat, vt aliqui facultatibus vniuerſis in pauperum alimenta diſperſis, ad perfectionem euangelicam, & charitatis arduum culmen peruenire non poſſent; quia ſcilicet priſtina vitia morumq. incontinentiam, vel ſuperbia, vel impatientia dominante in ſuis cordibus retinentes, nequaquam ſe ab illis expurgare curarent, & ob id ad charitatem Dei, quæ numquam cadit, minime peruenirent, qui vtique inferiores effecti hoc ſecundo renuntiationis gradu, multo minus illum tertium

qui proculdubio est sublimior, apprehendent. Diligentius, tamen etiam hoc mente perpendite, quod non simpliciter dixerit: Si distribuero facultates meas; videretur enim de illo forte dixisse, qui necdum euangelicum implens mandatum, adhuc sibi ex eis, sicut nonnulli tepidorum faciunt, aliquid reseruasset; sed: Si distribuero, inquit, omnes facultates meas in cibos pauperum, id est, etiam si perfecte abrenuntiavero divitijs istis terrenis. Huic quoque renuntiationi aliud maius adiunxit: Et si tradidero corpus meum. ut ardeam, charitatem vero non habuero, nihil sum. Ac si alijs verbis dixisset: Si distribuero in cibos pauperum omnes facultates meas, secundum euangelicum illud mandatum, quo dicitur: Si vis perfectus esse, vade, vende omnia quæ habes, & da pauperibus, & habebis thesaurum in cælo, & veni sequere me; ita scilicet abrenuntians, ut ex his nihil penitus mihi reseruë, & huic erogationi martyrium exustione meæ carnis adiunxero, ita ut corpus meum tradam pro Christo, & tamen vel impatiens, vel iracundus, vel invidus, vel superbus sim, vel aliorum inflammer iniurijs, vel quæram quæ mea sunt, vel ea quæ mala sunt cogitë, vel uniuer-
sa quæ mihi possunt inferri, non patienter libenterque sustineam, nihil mihi proderit exterioris hominis abrenuntiationis
arque combustio, interiore adhuc vitij pristinis inuoluto, eo quod simplicem substantiam mundi huius primæ conuer-
sionis feruore contemnens, quæ nec bona esse nec mala, sed media definitur, vitiosi cordis noxias facultates similiter abijcere non curarim, nec attingere Dominicam charitatē, quæ patiens, quæ benigna est, quæ non æmulatur, non inflatur, non irritatur, non agit perperam, non quærit quæ sua sunt, non cogitat malum; quæ omnia suffert, omnia sustinet; postremo quæ sectatorem suum numquam cadere sin-
nit supplantatione peccati.

*De proprijs diuitijs in quibus consistit anima pulchritudo vel
fœditas. Cap. VIII.*

Estinare igitur omni debemus instatia, ut interior quæ noster homo vitiorum suorum diuitias, quas in anteriore conuersatione contraxit, uniuerſas abijciat atque dispergat, quæ corpori atque animæ iugiter coherentes propriæ nostræ sunt, ac nisi adhuc in hoc corpore constitutis nobis abiectæ fuerint & abscisæ, etiam post excessum

nos

nos non desinent comitari. Vt enim virtutes vel ipsa charitas quæ earum fons est, in hoc sæculo † conquiritur, post finem quoque huius vitæ pulchrum ac splendidum amorem suum † reddunt, ita vitia obfuscata quodammodo mentem coloribus tetris ad illam perennem commorationem infectamque transmittunt. Pulchritudo enim vel fœditas animæ virtutum seu vitiorum gignitur qualitate. Ex quibus quidam attractus color, aut ita eam splendidâ reddet ac pulchram, ut a Propheta mereatur audire: Et concupiscet rex decorem tuum, aut certe atram, fœtidam, atque deformem, ita ut fœtorem propriæ turpitudinis ipsa confiteatur & dicat: Computruerunt & corruptæ sunt cicatrices meæ a facie insipientiæ meæ. Et ipse Dominus ad eam: Quare, inquit, non est obducta cicatrix filia populi mei? Et idcirco hæ sunt propriæ nostræ diuitiæ, quæ cum anima iugiter commorantur, quas nobis nullus regū, nullus hostium nec conferre poterit, nec auferre. Hæ sunt propriæ diuitiæ nostræ quas ne ipsa quidem mors valebit ab anima separare, quibus vel renuntiantes ad perfectionem possumus peruenire, vel implicati æterna morte percelli.

De tripartito genere diuitiarum. Cap. IX.

Tripartito enim modo in scripturis sanctis intelliguntur diuitiæ, id est, malæ, bonæ, mediæ. Et malæ quidem sunt de quibus dicitur: Diuites eguerunt & esurierunt. Et: Væ vobis diuites, quia recepistis consolationem vestram. Quas etiam diuitias abiecit summa perfectio est. Ad quarum distinctionem pauperes illi sunt, qui in Evangelio Domini voce laudantur: Beati pauperes spiritu, quoniam ipsorum est regnum cælorum. Et in Psalmo: Iste pauper clamauit, & Dominus exaudiuit eum. Et iterum: Pauper & inops laudabunt nomen tuum. Sunt etiam bonæ, quas acquisisse magnæ virtutis ac meriti est, quas vir iustus possidens collaudatur, dicente David: Generatio rectorum benedicetur: gloria & diuitiæ in domo eius, & iustitia eius manet in sæculum sæculi. Et iterum: Redemptio animæ viri propriæ diuitiæ. De quibus diuitijs spiritualibus in Apocalypsi dicitur illi qui eas non habens vituperabiliter pauper & nudus est: Incipiam te, inquit, euomere ex ore meo, quia dicis, quod diues sum & locuples, & nullius egeo, & nescis quia tu es miser, & miserabilis, & pauper.

& cæcus, & nudus. suadeo tibi emere a me aurum ignitum probatum, vt locuples fias, & vestimentis albis induaris, & non appareat confusio nuditatis tuæ. Sunt quoque mediæ, id est, quæ possunt vel bonæ esse, vel malæ. Ad vtramque enim partem pro arbitrio vel qualitate vtentium transferuntur. de quibus beatus Apostolus: Diuitibus, ait, huius mundi præcipe non sublime sapere, nec sperare in interito diuitiarum, sed in Deo, qui præstat nobis abunde omnia ad fruendum, benefacere, diuites fieri in bonis operibus, facile tribuere, communicare, thesaurizare sibi fundamentum bonum in futurum, vt apprehendant veram vitam. Quas iterum diues ille in Euangelio retinens, ac nequaquam indigentibus ministrans, de cuius micis saturari pauper Lazarus ante fores eius expositus cupiebat, intolerandis gehennæ ignibus, & æternò deputatur ardori.

Non posse quemquam primo tantum renuntiationis gradu esse perfectum. Cap. X.

HAsigitur visibiles mundi diuitias relinquentes, non nostras sed alienas abijcimus facultates, quamuis eas gloriemur vel nostro labore quæsitæ, vel parentum ad nos hereditate transmissas. Nihil enim, vt dixi, nostrum est, nisi hoc tantum quod corde possessum, atque animæ nostræ cohærens, a nemine potest prorsus auferri. De illis autem visibilibus diuitijs ad eos, qui illas tamquam proprias retentantes communicare indigentibus nolunt, increpans loquitur Christus: Si in alienis fideles non fuistis, quod vestrum est quis dabit vobis? Euidenter igitur has diuitias alienas esse, non solum quotidiana experientia docet, verumetiam sententia Domini ipsa appellatione signauit. De visibilibus vero pessimisq. diuitijs loquitur Petrus ad Dominum: Ecce nos reliquimus omnia, & secuti sumus te; quid ergo erit nobis? Qui vtique nihil amplius quàm vilissima cōscissaq. relictia diuinitate nesciunt. Quæ omnia nisi in hac abrenuntiatione vitiōrū, quæ vere magnā & summa est, fuerint intellecta, nec pretiosum aliquid inueniemus Apostolos reliquisse, ac post Dominū abijisse, propter quod illis tantā beatitudinis gloriā largiretur, vt ab eodē mereretur audire: In regeneratione cū sederit filius hominis in sede maiestatis suæ, sedebitis & vos super sedes duodecim, iudicantes duodecim tribus

Israel.

Israel. Si igitur hi qui perfecte terrenas istas visibilesq. abdicant facultates, certis ex causis ad illam apostolicam claritatem peruenire non possunt, nec illi sublimiorem paucorumq. admodum renuntiationis tertium gradum expedito queunt vigore conscendere, quid illi de semetipsis iudicare debebunt, qui nec primam quidem, quæ facilis est, perfecte arripientes, atque antiquas pecuniarum suarum sordes cum infidelitate pristina retinentes, nudo tantum sibi autumant monachorum vocabulo gloriantur? Ergo prima, quam diximus, abrenuntiatio rerum alienarum est, ideoq. per se solam, perfectionem renuntianti conferre non sufficit, nisi peruenierit ad secundam, quæ vere abrenuntiatio rerum nostrarum est, quam ad expulsiōem omnium vitiorum, tertiæ quoque abrenuntiationis fastigia conscendemus; per quam non solum omnia, quæ in hoc mundo geruntur, vel particulatim ab hominibus possidentur, verumetiam ipsam cunctorum elementorum plenitudinem, quæ putatur esse magnifica, tamquam vanitati subiecta, & mox transituram transcendentes, animo ac mente despiciamus, intuentes dumtaxat, secundum Apostolum, non ea quæ videntur, sed quæ non videntur. quæ enim videntur, temporalia sunt; quæ autem non videntur, æterna: vt ita demum illud supremum mereamur audire, quod ad Abraham dicitur: Et veni in terram quam tibi monstrauero. Per quod euidenter ostenditur, quod nisi quis tres superiores illas abrenuntiationes omni mentis ardore compleuerit, ad quartum hoc peruenire non possit, quod remunerationis ac præmij vice taliter renuntianti tribuitur, id est, vt terram repromissionis mereatur intrare, nequaquam sibi iam vitiorum spinas ac tribulos germinantem, quæ post expulsionem passionum cunctarum puritate cordis in hoc corpore possidetur, quam non virtus vel industria laborantis, sed ipse Dominus ostensurum se esse promittit: Et veni, inquit, in terram quam tibi monstrauero. Per quod manifeste probatur & initium nostræ salutis Domini fieri vocatione dicentis: Exi de terra tua; & consummationem perfectionis ac puritatis ab eodem similiter tribui, cum dicit: Et veni in terram, quam tibi monstrauero, id est, nō quam tu ex te metipso nosse, vel industria tua valeas reperire, sed quam ego tibi non solum ignoanti, sed etiam non inquirenti monstrauero. Ex quo

*Rom. 8.**2. Cor. 4.**Gen. 12.**Gen. 30.**Gen. 12.**Ibid.**Ibid.*

manifeste colligitur, quòd quemadmodum inspiratione Domini prouocati, ad viam salutis accurrimus, ita etiam magisterio ipsius & illuminatione deducti, ad perfectionem summæ beatitudinis peruenimus.

Interrogatio de libero arbitrio hominis & gratia Dei.

GERMANVS.

Cap. XI.

*al. perti-
nent.*

IN quo ergo liberum consistit arbitrium, nostræq. quòd laudabiles sumus, reputatur industriæ, si Deus in nobis omnia, quæ ad nostram perfectionem tendunt, & incipit & consummat?

Responsio de dispensatione diuina gratia manente arbitrij
PAPHNVTVS. *libertate. Cap. XII.*

Gen 12.

Ibid.

Ibid.

Psal. 116.

Psal. 39.

Psal. 117.

Ibid.

Hoc vos recte mouisset, si in omni opere vel disciplina principium tantum esset ac finis, & non etiam quædam medietas interesset. Itaq. sicut occasiones salutis diuersis modis Deum cognoscimus operari, ita nostrum est occasionibus a Diuinitate cōcessis, vel euixius vel remissius famulari. Nam sicut Dei fuit vocātis oblatio: Exi de terra tua; ita Abrahamæ exeuntis fuit obedientia. & quemadmodum illud quod dicitur: Et veni in terram, vt fiat obtemperantis est opus, ita illud quod additur: Quam tibi monsttrauero, iubētis Dei vel promittentis est gratia. Certos tamen esse nos cōuenit, quòd omnem virtutem indefessis conatibus exercentes, nequaquam diligentia vel studio nostro perfectionem possumus attingere; nec sufficiat humana sedulitas laborum merito ad tam sublimia beatitudinis præmia peruenire, nisi ea Domino nobis cooperante, & cor nostrum ad id quod expedit dirigere fuerimus indepti; ideoq. debemus cū Dauid orantes momentis singulis dicere: Perfice gressus meos in semitis tuis, vt non moueantur vestigia mea. &: Statuit supra petram pedes meos, & direxit gressus meos: vt nostrum arbitrium quod procliuius vel ignorantia boni, vel oblectatione passionum fertur ad vitia, ille inuisibilis rector mentis humanæ, ad virtutum potius studia retorquere dignetur. Quod vno versiculo per Prophetam manifestissime legimus decantari: Impulsus versatus sum vt caderem; in quo liberi arbitrij infirmitas designatur: Et Dominus suscepit me; rursum adiutorium Domini inunctum eidem semper ostenditur, quo ne penitus libero collabamur arbitrio, cum rigubasse nos viderit, porrectione quodammodo manuum suarum

rum sustentat atque confirmat. Et iterum: Si dicebam, *Psal. 93.*
 motus est pes meus, lubrica scilicet arbitrij facultate, Mi-
 sericordia tua Domine adiunabat me; iterū mobilitati suæ
 Dei coniungit auxilium, quo, ne moueretur pes fidei suæ
 non industrie propriæ fuisse, sed misericordiæ Domini con-
 sistetur. Et iterum: Secundum multitudinem dolorum meo- *Ibid.*
 rum in corde meo, qui libero utique mihi nascebantur ar-
 bitrio, Consolationes tuæ lætificauerunt animam meam;
 per tuam scilicet inspirationem venientes in cor meum, &
 referātes, contemplationem futurorum bonorum, quæ pro
 tuo nomine laborantibus præparasti, non solum abstule-
 runt omnem anxietatem cordis mei, verumetiam summā
 læntiam contulerunt. Et rursus: Nisi quia Dominus adiu- *Ibid.*
 uuit me, paulominus habitauerat in inferno anima mea; li-
 beri utiq. arbitrij prauitate se in inferno habiturum fuis-
 se testatur, nisi Domini fuisset adiutorio ac protectione sal-
 uatus. A Domino enim, non a libero arbitrio, gressus ho- *Psal. 36.*
 minis diriguntur. Et cum ceciderit iustus, libero dunraxat
 arbitrio, non collidetur. Quare? Quia Dominus supponit *Ibid.*
 manum suam. Hoc est apertissime dicere: Nullus iustorū
 sibi sufficit ad obtinendam iustitiam, nisi per momenta
 singula tirubanti, eidem & corruenti fulmenta manus suæ
 supposuerit diuina clementia, ne prostratus intereat peni-
 tus, cum fuerit liberi arbitrij infirmitate collapsus.

Quod directio via nostra ex Deo sit. Cap. XIII.

Nec sane vñquam viri sancti directionem viæ, qua
 gradiebantur, ad profectum virtutum consummatione-
 nemq. tendentes, industria se propria obtinuisse testati
 sunt; sed eam potius a Domino precabantur, dicentes: *Psal. 24.*
 Dirige me in veritate tua. &: Dirige in conspectu tuo viam *Psal. 5.*
 meam. Alius autem non solum fide, sed etiam experimen-
 to, & quodammodo ipsa rerum natura, hoc ipsum se de-
 prehendisse proclamar: Cognoui Domine quia non est in *Hier. 20.*
 homine via eius, nec viri est vt ambulet, & dirigat gres-
 sus suos. Et ipse Dominus ad Israël: Et dirigam cum ego, *Osee. 14.*
 inquit, vt abierem virentem; ex me fructus tuus inuētus est.

*Quod scientia legis magisterio & illuminatione Domini
 conferatur. Cap. XIV.*

Lgis quoque ipsius scientiam non lectionis industria,
 sed magisterio & illuminatione Dei quotidie deside-

- Psal.* 24. rant adipisci dicentes ad eum : Vias tuas Domine demon-
Psal. 118. stra mihi, & semitas tuas edoce me. & : Reuela oculos
Psal. 142. meos, & considerabo mirabilia de lege tua. & : Doce me
 facere voluntatem tuam, quia Deus meus es tu. Et iterum :
Psal. 93. Qui doces hominem scientiam.

Quod intellectus quo mandata Dei possimus agnoscere, & bona voluntatis effectus a Domino condantur. Cap. XV.

- I*psum etiam intellectum beatus David, quo mandata
Psal. 118. Dei possit agnoscere, quæ utique in libro legis nouerat
 esse perscripta, a Domino postulat promereri, dicens : Ser-
 uus tuus ego sum, da mihi intellectum, vt discam manda-
 ta tua. Vtique & intellectum semel sibi per naturam præsti-
 tum possidebat, notitiam quoque mādatorum Dei, quæ de-
 scripta tenebantur in lege, vtique habebat in promptu, &
 tamen vt hanc plenius apprehendat Dominum deprecatur,
 sciens nequaquam sibi met sufficere posse id quod per
 naturam conditionis insertum est, nisi quotidiana Domini
 illuminatione ad intelligendam spiritaliter legem ac
 mandata eius aperius agnoscenda, sensus ipsius ab eodem
 fuerit illustratus, ipso etiam vase electionis, hoc quod di-

- Philip.* 2. cimus, clarius prædicante : Deus est enim qui operatur in
Philip. 1. vobis & velle & perficere pro bona voluntate. Quid potuit
 apertius dici, quàm vt & bonam voluntatem nostram, &
 operis consummationem a Domino in nobis pronuntiaret
 impleri ? Et iterum : Quia vobis donatum est pro Christo
 non solū vt in eum credatis, sed vt etiā pro illo patiamini.
 Hic quoque & initium conuersionis ac fidei nostræ, & pas-
 sionum tolerantiam donari nobis a Domino declarauit.

- Psal.* 87. Quod intelligens David quoque similiter orat sibi hoc ip-
 sum Domini miseratione concedi, dicens : Confirma Deus
 hoc quod operatus es in nobis ; ostendens non sufficere sibi
 salutis principia dono Dei gratiaq. collata, nisi fuerint ead-
 em miseratione ipsius & quotidiana opitulatione perfec-
Psal. 145. ta. Non enim liberum arbitrium, sed Dominus soluit
Ibid. compeditos. Non nostra virtus, sed Dominus erigit eli-
 sos. Non lectionis industria, sed Dominus illuminat cæ-
 cos : quod Græce dicitur ; κύριος σοφοῦ τυφλοῦς, id est Do-
 minus sapientes facit cæcos. Non nostra cautio, sed Domi-
Psal. 244. nus custodit aduenas. Non nostra fortitudo, sed Dominus
 alleuat siue suffulcit omnes, qui corruunt. Hæc autem di-
 cimus, non vt studium nostrum vel laborem atque indu-
 striam

striam quasi inaniter & superfluo impendenda vacuemus, sed vt nouerimus nos sine auxilio Dei nec adniti posse, nec efficaces nostros esse conatus ad capeſſendū tam immane præmiū puritatis, nisi nobis adiutorio Dei ac misericordia fuerit contributum. Equus enim paratur in diem belli, a *Pron.*

Domino autem est adiutorium: quia non est in fortitudi- *1. Reg. 2.*
ne potens vir. Oportet igitur nos semper cum beato Da- *sec. lxx.*
uid canere: Fortitudo mea, & laudatio mea; non liberum *Psal. 117.*
arbitrium, sed Dominus: & factus est mihi in salutem. *Ibid.*

Quod doctor quoque gentium non ignorans, idoneum se factum ministerio noui testamenti non suo merito nec sudore, sed Dei miseratione, proclamat: Non quod ſumus, *2. Cor. 3.*
inquit, idonei cogitare aliquid a nobis, quasi ex nobis, sed sufficientia nostra ex Deo est. quod minus Latine, sed expressius dici potest: Idoneitas nra ex Deo est. Denique sequitur: Qui & idoneos nos fecit ministris noui testamenti. *Ibid.*

Quod ipsa fides a Domino concedatur. Cap. XVI.

IN tantum autem vniuersa, quæ ad salutem pertinent, Apostoli sibi a Domino largita senserunt, vt ipsam quoque fidem præstari sibi a Domino postularent, dicentes: Domine, auge nobis fidem. plenitudinem eius non libero *Luc. 17.*
arbitrio præsumentes, sed Dei sibi credentes munere conferendam. Denique docet nos idem auctor salutis humanæ, quàm ipsa fides nostra lubrica sit & infirma, & nequaquam sibi sufficiens, nisi fuerit auxilio Domini roborata, dicens ad Petrum: Simon Simon, ecce satanas expetiuit vos vt cri- *Luc. 22.*
braret tamquam triuicum; sed ego rogavi patrem meum, vt non deficiat fides tua. Quod alius in semetipso sentiēs fieri, & quodam modo fidem suam infidelitatis fluctibus ad perniciosi naufragij videns scopulos perurgeri, ad eundē Dominum auxilium fidei suę postulans: dicit: Domine adiuua *Marc. 9.*
infidelitatem meam. In tantum itaque senserunt euangelici & apostolici viri, vniuersa quæ bona sunt, auxilio Domini consummari, & ne ipsam quædæ fidē suam † consiliū sunt *al. confesse*
illam se posse suis viribus vel arbitrij libertate seruare, vt hanc vel adiuuari in se, vel donari sibi a Domino postularent. Quæ si in Petro ne deficeret Domini egebat auxilio, quis erit tam præsumptor & cæcus, qui se † erga huius cu- *al. ad*
stodiam quotidiano Domini credat adiutorio non egere? præsertim cum ipse Dominus in Euangelio hoc ipsum euidenter expresserit, dicens: Sicut palmes non potest fructū *Ioan. 15.*
facere

Ibid.

facere a semetipso nisi in vitę manseritis; ita & vos nisi in me manseritis. Et iterum: Quia sine me nihil potestis facere. Quam sit igitur ineptum ac sacrilegum quidquam de bonis actibus nostrę industrię & non Dei gratię vel adiutorio deputare, manifeste probatur Dominica protestante sententiā sine sua cooperatione vel inspiratione spirituales fructus exhibere neminem posse. Omne enim datum bonum, & omne donum perfectum desursum est, descendens a patre luminum. Zacharias quoque: Quia si quid bonum, ipsius est; & si quid optimum, ab ipso. Et ideo constanter beatus Apostolus: Quid, inquit, habes quod non accepisti? Quod si accepisti, quid gloriaris quasi non acceperis?

*Iacob. 1.**Zach. 9.**sec. lxx.**1. Cor. 4.*

Quod moderatio, & tolerantia temptationum nobis a Domino tribuantur. Cap. XVII.

*1. Cor. 10.*** 1. Cor. 10.**Hebr. 13.*** 1. Cor. 10.**1. Cor. 10.**2. Thess. 2.*

Summam quoque tolerantię, qua tentationes illatas sustinere possimus, non tam in nostra virtute, quā in Dei misericordia & moderatione consistere, beatus Apostolus ita pronuntiat: Tentatio vos non apprehendat, nisi humana. fidelis autem Deus qui non permittet vos tentari super id quod potestis, sed faciet cum tentatione etiam exitum, ut sustinere possitis. Deum quoque aptare siue confirmare animos nostros ad omne opus bonum, & operati in nobis ea, quę sibi sunt placita, idem Apostolus docet: Deus autem pacis qui eduxit de tenebris pastorem magnum ouium in sanguine testamēti æterni Iesum Christum, apter vos in omni bono, ut faciatis eius voluntatem, faciens in vobis, quod placent coram se. Quod etiam Thessalonicensibus ut eueniat ita precatur, dicens: Ipse autem Dominus Iesus Christus, & Deus pater noster qui dilexit nos, & dedit consolationem æternam & spem bonam in gratia exhortetur corda vestra, & confirmet in omni opere & sermone bono.

Quod perpetuas timoris Dei nobis a Domino conferatur.

Cap. XVIII.

Hier. 32.

Ipsum denique timorem Dei, quo firmiter cum tenere possimus a Domino nobis infundi, Hieremias propheta ex persona Dei, manifeste testatur; ita dicens: Et dabo eis cor vnum, & viam vnā, ut timeant me vniuersis diebus, & bene sit eis & filiis eorum post eos, & feriam eis pactum sempiternum, & non desinam eis benefacere; & timorem meum dabo in corde eorum, ut non recedent a me. Ezechiel

quo-

quoque: Et dabo eis cor nouum, & spiritum nouum tribuā *Ezech. 12*
 in visceribus eorum. & auferam cor lapideum de carne eo- *36.*
 rum, & dabo eis cor carneū; vt in præceptis meis ambulēt,
 & iudicia mea custodiant, faciantq. ea, & sūt mihi in popu-
 lum, & ego sim eis in Deum.

Quod initium voluntatis bonæ & consummatio eius a
Domino sit. Cap. XIX.

Quibus manifestissime perdoceamur & initium volun-
 tatis bonæ nobis Domino inspirante cōcedi, cum aut
 per se, aut per exhortationē cuiuslibet hominis, aut per ne-
 cessitatem nos ad salutis attrahit viam, & perfectionem vir-
 tutum ab eodem similiter condonari; nostrum vero hoc es-
 se, vt adhortationem auxiliumq. Dei vel remissius vel eni-
 xius exequamur, & pro hoc nos vel remunerationē vel sup-
 plicia dignissime promereri, quod eius dispensationi ac pro-
 uidentia erga nos benignissima dignatione collata, vel ne-
 gleximus vel studuimus nostræ obedientia deuotionem cō-
 gruere. Quod euidenter in Deuteronomio aperteq. describi-
 tur: Cum, inquit, introduxerit te Dominus Deus tuus in ter- *Deut. 7.*
 ram, quam possellurus † ingredieris, & deleuerit gētes mul- *al. ingre-*
 tas coram te, Ethæum, & Gergesæum & Amorrhæum, Cha- *deris.*
 nanæum & Pherezæum, Euxum & Iebusæum, septem gen-
 tes multo maioris numeri & robustiores te, tradideritq. Do-
 minus Deus tuus eas tibi, percuties eas vsque ad internecio-
 nem: non inibis cum eis fœdus, neque sociabis cum eis cōiug-
 ia. Quod igitur introducuntur in terram repromissionis,
 quod delentur gentes multæ coram eis, quod traduntur in
 manus eorū nationes maioris numeri, & robustiores quàm
 populus Israel, Dei esse gratiam scriptura pronuntiat. Vtrū
 autem percutiat eas Israel vsque ad internecionem, an eas
 referuet & parcat, & vtrum ineat cum eis fœdus, & vtrum
 societ cum eis coniugia, an non societ, ipso esse restatur.
 Quo testimonio manifeste discernitur, quid libero arbitrio,
 quidve dispensationi vel quotidiano adiutorio Domini de-
 beamus adscribere, & quod diuinæ sit gratiæ præstare nobis
 occasiones salutis, & prouentus secundos, atque victoriam;
 nostrum vero, vt concessa Dei beneficia vel intentius vel se-
 gnius exequamur. Quam rationem etiam in illorum cæ-
 corum curatione satis euidenter videmus expressam. Quod
 enim transijt ante eos Iesus, diuinæ prouidentia & digna-
 tionis

Matt. 20. tionis est gratia. Quod vociferantur & dicunt: Miserere nostri Domine fili Dauid, fidei ipsorum & credulitatis est opus. Quod visum recipiunt oculorum, diuinæ miserationis est munus. Quod autem etiam post perceptionem cuiuslibet muneris tam gratia Dei quam ratio liberi arbitrii perseueret, leproforum quoque decem, qui pariter curati sunt, declarat exemplum. Ex quibus dum vnus per arbitrii sui bonum, gratiarum restituit actionem, Dominus nouem requirens, vnumque collaudans, sollicitudinem adiutorij sui etiam circa immemores beneficiorum suorum iugem retinere se monstrat. Hoc ipsum enim visitationis suæ donum est, quod vel suscipit & approbat gratum, vel requirit ac reprehendit ingratos.

Quod nihil in hoc mundo sine Deo geratur. Cap. XX.

Rom. 1.
Ibid.
al. decre-
uerunt.
Psal. 80.
Ibid.

CRedere tamen inconcussa fide nos conuenit, nihil sine Deo prorsus in hoc mundo geri. Aut enim voluntate eius aut permissu agi vniuersa fatendum est, vt scilicet hæc quæ bona sunt, voluntate Dei perfici auxilioq. credantur: quæ autem contraria sunt, permissu eius, cum pro nequitijs ac duritia cordis nostri nos deserens diuina protectio, diabolum nobis, vel ignominiosas corporis passionum patitur dominari. Quod etiam Apostoli vocibus euidentissime perdocemur, dicentis: Propter quod tradidit illos Deus in passionem ignominie. Et iterum: Quia non crediderunt Deum habere in nouitia, tradidit illos Deus in reprobum sensum, vt faciant ea quæ non conueniunt. Ipse quoque Dominus per Prophetam ait: Et non audiuit populus meus vocem meam; & Israel non intendit mihi. Propter quod: Dimisi eos, inquit, secundum adinventiones cordium eorum, ambulabunt in adinventionibus suis.

Obiectio super liberi arbitrii potestate.

GERMANVS *Cap. XXI.*

Ibid.
Ibid.

Hoc testimonium apertissime liberum demonstrat arbitrium, quo dicitur: Si populus meus audisset me. & alibi: Et non audiuit populus meus vocem meam. Cum enim dicit: Si audisset, ostendit in potestate illius fuisse vel acquiescendi, vel non acquiescendi iudicium. Quomodo igitur non in nobis nostra salus est collocanda, cum ipse nobis vel audiendi, vel non audiendi concesserit facultatem?

Respon-

*Responsio quod liberum arbitrium nostrum adiutorio**Domini semper indigeat.*PAPHNVTVS *Cap. XXII.*

A Cute quidem considerastis hoc, quod dicitur: Si audisset me; sed nequaquam quis sit, qui ad audientem vel non audientem loquatur. attenditis; nec illud quod sequitur: Pro nihilo viiq. inimicos eorum humiliassem, & super tribulantes eos misissem manum meam. Nemo igitur hæc, quæ protulimus, vñ nihil geri sine Domino probaremus, prava interpretatione detorquens ad defensionem liberi arbitrij ita conetur assumere, vt ab homine gratiam Dei prouisionemq. quotidianam, tentet auferre per hoc quod dicitur: Et non audiuit populus meus vocem meam. & iterum: Si populus meus audisset me, Israel si in vijs meis ambulasset, &c. sed respiciat quod sicut liberi arbitrij facultas populi inobediētia comprobatur, ita quotidiana circa eum prouisio Dei clamantis quodammodo & monentis ostenditur. Cum enim dicit: Si populus meus audisset me, prius & siquæ locutum eis euidenter ostendit: quod fieri a Domino non solum per legem perscriptam litteris, verum etiam quotidianis monitis solet, secundum illud quod per Esaiam dicitur: Tota die expandi manus meas ad populum non credentem mihi, & contradicentem. Vtrumq. ergo potest hoc testimonio comprobari quod dicitur: Si populus meus audisset me, Israel si in vijs meis ambulasset; pro nihilo utiq. inimicos eorum humiliassem, & super tribulantes eos misissem manum meam. Nam sicut liberum arbitrium per inobedientiam populi demonstratur, ita dispensatio Dei & auxilium eius versiculi ipsius initio declaratur ac fine, cum se & priorem locutum fuisse commemorat, & postea inimicos eius humiliaturum, si ab eodem fuisset auditus. Nos enim per hæc, quæ protulimus, non liberum arbitrium hominis volumus submouere, sed huic adiutorium & gratiam Dei per singulos dies ac momenta necessariam comprobare. His sermonibus eruditos abbas Paphnutius e sua cella non tam alacres quam compunctos corde ante medium noctis emisit, hoc nobis præcipuum, suæ collationis conferens munere; vt cum per abrenuntiationem primam, quam tota virtute studebamus implere, attingenda nobis perfectionis culmina crederemus, inciperemus agnoscere necdum nos cœpisse monachorum fastigia somnare: quippe qui

*Ibid.**Ibid.**Ibid.**Ro. 10. ex**Esai. 65.**sec. lxx.**Psal. 80.*

qui de secunda abrenuntiatione parum quid in cœnobijs eruditi, tertiam in qua omnis perfectio continetur, quæque illas inferiores duas multis modis excedit, ne auditu quidem nos antea percepisse nossemus.

TERTIÆ COLLATIONIS

abbatis Paphnutij de tribus abrenuntiationibus finis.

COLLATIO QVARTA, QVÆ EST ABBATIS

DANIELIS,

DE CONCVPISCENTIA CAR-
NIS ET SPIRITVS.

De vita Abbatis Danielis. Cap. I.



INTER ceteros Christianæ philosophiæ viros, abbatem quoque vidimus Danielē, æqualem quidem in omni virtutum genere his qui in eremo Scithi commanebant, sed peculiarius gratia humilitatis ornatum, qui merito puritatis ac mansuetudinis suæ, a beato Paphnutio solitudinis eiusdem presbytero, & quidem cum multis iunior esset ætate, ad diaconij est prælatus officium. Intantum enim beatus Paphnutius ipsius virtutibus adgaudebat, vt quem vitæ meritis & gratia patem nouerat, cœquare sibi etiam sacerdotij ordine festinaret. siquidem nequaquam ferens in inferiore cum ministerio diutius immorari, optansq. sibi met successorem dignissimum providere, superstes cum presbyterij honore prouexit. Qui tamen prioris humilitatis consuetudinem non omittens, nihil vñquam sibi illo præsentē de sublimioris ordinis adiectione donauit, sed semper abbate Paphnutio spirituales hostias offerente, hic velut diaconus in

in prioris ministerij permanfit officio. In quo tamē beatum Paphnutium, cum talis vir esset ac tantus, vt in multis etiā præscentiæ gratiam possideret, hæc spes substitutionis electioq. frustrata est. Nam non multo post hunc, quem sibi parauerat successorem, præmisit ad Deum.

*Inquisitio unde oriatur repentina commutatio mentium
ab ineffabili latitia in moerissimam animi
deiectionem. Cap. II.*

Hic igitur beatus Daniel inquirentibus nobis, cur interdum residentes in cellula tanta alacritate cordis, cum ineffabili quodam gaudio & exuberantia sacratissimorum sensuum repleremur, vt eam nō dicam sermo subsequi, sed nec ipse quidē sensus occurreret, oratio quoq. pinguis emitteretur ac prompta, & mens plena spiritalibus fructibus preces suas efficaces ac leues etiam per soporem supplicans ad Deum peruenire sentiret: ac rursus nullis existentibus causis tanto subito repleremur angore, & irrationabili quadam tristitia premeremur, vt non solum nosmetipsos huiusmodi sensibus arescere sentiremus, verum etiam horreret cella, sorderet lectio, ipsa quoque instabilis ac nutabunda, & quodāmodo ebria emitteretur oratio, ita vt ingemiscensibus & conantibus nobis, ad directionem pristinam mens nostra reuocari nō possit; quantoq. intentius ad Dei reduceretur intuitum, tanto vehementius ad discursus instabiles lubrico raperetur excessu, & ita omni spiritali fructu redderetur effugata, vt nec desiderio regni cælorū, nec metu gehennæ propostum, ab hoc letali somno excitari valeret; ita respondit.

Responsio super propofita questione. Cap. III.

Tripertita a maioribus ratio nobis super hac, quam dicitis, sterilitate mentis est tradita. Aut enim de negligentia nostra, aut de impugnatione diaboli, aut de dispensatione Domini ac probatione descendit. Et de negligentia quidem, cum vitio nostro tempore præcedente indifferenter nosmetipsos & remissius exhibentes, & per ignauam desidiā noxijs cogitationibus pasti, terram cordis nostri spinas & tribulos facimus germinare, quibus in ea pullulantibus consequenter efficimur steriles, atque ab omni reddimur spiritali fructu & contemplatione deserti. De impugnatione vero diaboli, cum etiam bonis nunquam studijs dediti, callida subtilitate mentem nostram

Cen. 3.

al. ieiuni.

stram aduersario penetrante, vel ignorantes ab optimis intentionibus abstrahimur vel inuiti.

Quod dispensationis ac probationis Dei duplex causa sit.

Cap. IV.

Dispensationis autē ac probationis duplex est causa. Prima, ut paulisper a Domino derelicti, & mentis nostrae infirmitatem humiliter intuentes, super præcedēte puritate cordis, quæ nobis illius est visitatione donata, nullatenus exrollamur, probātesq. nos ab eo derelictos, gemitibus nostris & industria illū lætitiæ ac puritatis statū recuperare nō posse intelligamus, & præteritam cordis alacritatē non nostro studio, sed illius nobis dignatione fuisse collatā, & præsentē de ipsius rursus gratia & illuminatione poscendā. Secunda vero probationis est causa, ut perseuerantia nostra vel mentis constantia & desiderium comprobetur, & qua iutentione cordis vel orationū instantia, deferentem nos visitationem sancti Spiritus requiramus manifestetur in nobis, ac pariter agnoscentes quanto labore amissum istud spiritale gaudiū & puritatis lætitia conquiratur, sollicitius inuentā custodire, ac tenere intentius studeamus. Quodāmodo enim negligētius custodiri solet quidquid creditur facile posse reparari.

Quod studium & industria nostra nihil sine Dei adiutorio proualeat. *Cap. V.*

*al. animi
nisentis.
Rom. 9.*

Per quæ euidenter probatur, gratiam Dei ac misericordiā semper operari in nobis ea, quæ bona sunt. Qua deferēte, nihil valere studium laborantis, & quantalibet annitētis industriā sine ipsius iterum adiutorio statū pristinum recuperare non posse, illudq. in nobis iugiter adimpleri: Nō volētis neque currētis, sed miserētis est Dei. Quæ gratia nō numquā ecōtrario negligētes ac resolutos in inspiratione hac, quā dicitis, sancta, & exuberantia spiritaliū cogitationū visitare nō despiciat, sed inspirat indignos, exsuscitat dormiētes, & illuminat ignorantiæ cæcitare possessos, elemēterq. nos atque castigat, infundēs se cordibus nostris, ut vel sic de inertia somno cōpunctione ipsius instigati surgere prouocemur. Deniq. frequēter etiā odoribus ultra omnē suauitatē cōpositionis humane, in his ipsis subito visitationibus adimplemur, ita ut mēs hac oblectatione resoluta in quendā spiritus rapiatur excessum, seq. cōmorari obliuiscatur in carne.

Quod

Quod utile nobis sit, interdū a Domino derelinqui. Cap. VI.

Intantum vero illum, quem dixi, abscēssum, & ut ita loquar, desertionem Dei, beatus David vtilem esse cognouit, ut nequaquam orare maluerit, ne a Deo penitus in nullo relinqueretur: hoc enim sciebat, incongruum esse vel sibi vel humanæ naturæ ad quamlibet perfectionem peruenienti; sed temperari eam potius deprecatus sit, dicens: Non me derelinquas vsquequaque. Ac si diceret alijs verbis: Scio quod derelinquere soleas vtiliter sanctos tuos, ut probes eos, aliter enim ab aduersario tentari non possunt, nisi a te paulisper fuerint derelicti: & ideo nō rogo ut nunquam me derelinquas, quia non expedit mihi, ut non vel meam infirmitatem sentiens dicam: Bonum mihi, quia humiliasti me; vel exercitium non habeam præliandi, quod sine dubio habere non potero, si mihi semper & indurpate cohæserit diuina protectio. Suffultum namq. me tua defensione tentare diabolus non audebit, illud obijciens & exprobrans, vel mihi vel tibi, quod aduersus athleras tuos solet calumniosa voce proferre. Numquid gratias Iob colit Deum? nonne tu vallasti eum ac domum eius, vniuersamq. substantiam eius per circuitum? sed magis peto ne me vsquequaque deferas, quod Græce dicitur, *ἐως σφοδρα* id est, vsque ad nimietatem. Quantum enim mihi vtile est si me paululum subrelinquas, ut desiderij mei cōstantia comprobetur, tantum noxium est, si pro meritis ac delictis meis nimium me deferi patiaris: quia nulla virtus humana si diutius in tentatione, tuq. deseratur auxilio, sua poterit constantia perdurare, & non protinus aduersarij vel potentia vel factione succumbere, nisi tu ipse, qui es humanarum virium cōscijs ac luctaminum moderator nō permiseris tentari nos super id, quod possumus, sed feceris cum tētatione etiam exitum, ut sustinere possimus. Tale quid & in Iudicum libro super exterminatione gentium spiritalib; quæ aduersantur Israeli; mystice legimus designatum: Hæ sunt, inquit, gentes, quas Dominus dereliquit, ut erudiret. In eis Isaaclem, & haberent consuetudinem cum hostibus præliandi. Et iterum post pauca; Dimisitq. eos Dominus, ut in ipsis experiret Israellem, vtrum audirent mandata Domini, quæ præceperat patribus eorum per manum Moïsis, an non. Quam vtrique pugnam non inuidens Deus quieti Israelis, nec male eidem consulens, sed sciens esse utilissimam, reseruauit,

Psal. 118.

Ibid.

Iob. 1.

sec. lxx.

1. Cor. 10.

Iudic. 3.

Ibid.

*Q*ui dum

vt dum gentium semper istarum impugnatione deprimere-
tur, numquam se sentiret auxilio Domini non egere, & ob
id semper in eius meditatione & inuocatione persistēs, nec
inerti otio solueretur, nec bellandi vsum & exercitia virtu-
tis amitteret. Frequenter enim quos non potuerunt aduersa
superare, securitas & prosperitas deiecerunt.

*De utilitate eius pugna quam Apostolus ponit in collutatione
carnis & spiritus. Cap. VII.*

Galat. 5. **H**anc pugnam vtiliter nostris quoq. membris insertam
etiam in Apostolo legimus: Caro enim concupiscit
aduersus spiritum, spiritus autem aduersus carnem. Hęc au-
tem sibi inuicem aduersantur, vt nō quæcumque vultis illa
faciatis Habes & hic pugnam inuisceratā quodāmodo cor-
pori nostro, dispensatione Domini procurante. Quidquid
enim generaliter & sine aliqua exceptione omnibus inest,
quid aliud iudicari potest, nisi ipsi humanæ substantiæ post
ruinam primi hominis velut naturaliter attributū; & quod
vniuersis cōgenitū concretūq.prehenditur, quomodo nō
credendum sit arbitrio Domini non nocentis, sed consulenti-
bus insertum? Causam vero huius belli, id est, carnis & spiri-
tus, hanc esse pronunciat: vt non, inquit, quæcumq. vultis
illa faciatis. Ergo id, quod procurauit Dominus, vt a nobis
nō posset impleri, id est, vt non quæcumque volumus illa
faciamus, si impleatur, quid aliud credi potest esse quā
noxium? Et est quodammodo vtiliter hęc pugna nobis di-
spensatione creatoris inserta, & ad meliorem nos statum
prouocans atque compellens, qua sublata proculdubio pax
e contrario perniciofa succederet.

*Interrogatio quid sit, quod in capitulo Apostoli post aduersan-
tes sibi concupiscētiās carnis & spiritus, tertia adij-*
GERMANVS *ciatur voluntas. Cap. VIII.*

Ibid. **L**icet nobis quædā intellectus lineæ iā prælucere videā-
tur, tamē quia necdum possumus Apostoli sententiā ad
liquidū peruidere, volumus hęc nobis aperius explanari.
Tres enim res hic indicari vidētur. Prima, carnis aduersus
spiritū pugna. Secunda, spiritus aduersus carnē cōcupiscē-
tia. Tertia, volūtas nostra quę velut media collocat, de qua
dicitur: Vt nō quæcūque vultis illa faciatis. Super qua re li-
cet, vt dixi, suspiciones quasdam ex his, quæ exposita sunt
intelli-

intelligentiæ colligamus, volumus tamen quia se obtulit huius collationis occasio, aliquid nobis lucidius disputari.

Responsio de intellectu interrogantis.

DANIEL

Cap. IX.

Discernere diuisiones & lineas quæstionum portio intellectus est, & maxima pars intelligentiæ scire quid nescias: Propter quod dicitur: Insipienti interroganti sapientiam, sapientia reputabitur; quia licet is, qui interrogat, vim propositæ quæstionis ignoret, tamen quia prudenter inquirat, & intelligit, quòd non intelligat, hoc ipsum illi reputatur ad sapientiam, eo quòd quid nesciret, prudenter agnouerit. Secundum diuisionem itaq. vestram tres hoc loco res ab Apostolo nominari videntur, concupiscentia carnis aduersus spiritum, & spiritus aduersus carnem, quarum aduersus se inuicem pugna hanc videtur habere causam atque rationem, vt ea, quæ volumus, inquit, facere nequeamus. Quarta igitur superest causa, quam minime vos vidistis, vt illud scilicet quod nolumus, faciamus. Nunc ergo opus est nobis, vt prius duarum concupiscentiarum vim, id est, carnis & spiritus agnoscamus, & ita demum quæ voluntas sit nostra, quæ inter vtramq. posita est, discutere valeamus; deinde quid possit voluntatis nostræ non esse simili-
liter discernamus.

Quod vocabulum carnis non in vna significatione ponatur. Cap. X.

Vocabulum carnis in scripturis sanctis multifarie legimus nominari. Nam nonnumquam significat hominem integrum, id est, qui ex corpore constat & anima; vt ibi: Et verbum caro factum est. &: Videbit omnis caro salutare Dei. Nonnumquā homines peccatores atque carnal-
les, vt ibi: Non permanebit spiritus meus in hominibus istis, eo quòd sint caro. Interdum pro ipsis peccatis ponitur, vt ibi: Vos autem non estis in carne, sed in spiritu. & iterum: Caro & sanguis regnum Dei non possidebunt. Denique sequitur: Neque corruptio incorruptelam possidebit. Nonnumquam pro cognatione & propinquitate, vt ibi: Ecce nos os tuum & caro tua sumus. & Apostolus: Si quo modo in æmulationem inducam carnem meam, & saluos faciam alios quos ex illis. Quærendum ergo nobis est, secundum quam significationem ex his quatuor, carnem hic debeamus accipere. Manifestum namque est secundum illud, quod positum
Q 2 est:

*Ioan. 1.**Luc 3.**Gen. 6.**Galat. 5*

est: Et verbum caro factum est. Vel illud: Et videbit omnis caro salutare Dei; penitus stare non posse, sed neque secundum illud quod dicitur: Non permanebit spiritus meus in hominibus istis, eo quod sint caro: quia non sicut ibi abrupte de homine peccator, ita & hic ponitur caro, cum dicitur: Caro concupiscit aduersus spiritum, & spiritus aduersus carnem. Neque enim de rebus substantialibus loquitur, sed de actualibus, quæ in vno eodemque homine vel pariter vel singillatim cum quadam temporis vicissitudine & mutatione luctantur.

Quid in hoc loco caro ab Apostolo nominetur, & quid sit concupiscentia spiritus. Cap. XI.

Ibid.

Quamobrem in hoc loco carnem non hominem, id est, hominis substantiam, sed voluntatem carnis & desideria pessima debemus accipere, sicut nec spiritum quidem aliquam rem substantialem, sed animæ desideria bona & spiritualia designari. Quem sensum idem beatus Apostolus superius euidenter expressit, ita inquit: Dico autem: Spiritu ambulate, & desideria carnis non perficiatis. Caro enim concupiscit aduersus spiritum, spiritus vero aduersus carnem. Hæc autem sibi inuicem aduersantur, ut non quæcumque vultis illa faciatis. Quæ cum utraque, id est, desideria carnis & spiritus in vno eodemque sint homine, intestinum quotidie intra nos geritur bellum, dum concupiscentia carnis, quæ præcipitanter fertur ad vitia, his quæ ad præsentem requiem pertinent, delicijs gaudet. Quibus econtra concupiscentia spiritus aduersata, ita desiderat tota spiritualibus studijs inhaerere, ut etiam necessarios carnis usus optet excludere, sic illis iugiter cupiens occupari, ut nullam optet fragilitati eius curam penitus impartiri. Caro luxurijs ac libidine delectatur, spiritus ne ipsis quidem naturalibus desiderijs acquiescat. Illa cupit satiari somno, repleti cibo; hic ita vigilijs & ieiunijs saginatur, ut ne ad ipsum quidem necessarium vitæ usum somnum cibumque velit admittere. Illa vniuersis exuberare copijs concupiscit; hic ne ipsius quidem exigui panis quotidianam substantiam habere contentus est. Lauacris illa nitescere, & quotidianis adulantium cuneis appetit constipari; hic squalore sordium, & inaccessibilis eremi vastitate congaudet, cunctorumque mortalium præsentiam perhorrescit. Honoribus illa & laudibus hominum confouetur;

tur; hic irrogatis sibi iniurijs ac persecutionibus gloriatur.

*Quid sit voluntas nostra, quæ inter concupiscentiam
carnis & spiritus ponitur. Cap. XII.*

INter has igitur vitalesque concupiscentias, animæ voluntas in meditullio quodam vituperabiliore consistens, nec vitiorum flagitijs oblectatur, nec virtutum laboribus acquiescit, sic quærens a passionibus temperari carnalibus, ut nequaquam velit dolores necessarios sustinere, sine quibus & virtutes spiritus nequeunt possideri; absque castigatione carnis castimoniam cupiens corporis obtinere, sine vigiliarum labore cordis acquirere puritatem, cum requirit: carnis spiritualibus exuberare virtutibus, absque ullius exasperatione conuicij patientiæ gratiam possidere, humilitatem Christi sine honoris mundani exercere iactura, religionis simplicitatem cum sæculi ambitione sectari, Christo cum hominum laude ac favore seruire, distinctionis veritatem sine cuiuspiam vel tenui offensione proferre: postremo sic vult futura consequi bona, ut præsentia non amittat. Quæ voluntas numquam nos ad perfectionem veram faceret pervenire, sed in tepore quodam terribimo collocaret, talesque faceret, quales illi sunt, qui in Apocalypsi increpatione Domini castigantur: (Scio opera tua, quia neque frigidus es, neque calidus; utinam frigidus esses aut calidus: nunc autem quia tepidus es, incipiam te euomere de ore meo) nisi hunc tepidissimum statum alitersæcus hæc insurgentia bella dirumperent. Nam cum famulantes huic voluntati nostræ ad hanc remissionem voluerimus nosmetipsos paululum relaxare, confestim aculei carnis insurgunt, suisque nos vitijs & passionibus sauciantes, nequaquam in illa qua delectamur puritatis qualitate stare permittunt; atque ad illam, quam horremus, frigidam voluntatem, plenamque sentibus pertrahunt viam. Rursus si spiritus fervore succensi, opera carnis volentes extinguere, sine ullo respectu fragilitatis humanæ totos nosmetipsos tentaverimus ad immoderata virtutum studia cordis elatione conferre, interpellans imbecillitas carnis ab illa reprehensibili nimietate spiritus reuocat ac retardat; & ita fit, ut vitæque concupiscentia tali colluctatione alterne sibiimet repugnante, animæ voluntas, quæ nec totam se carnalibus desiderijs dedere, nec virtutum vult laboribus desudare, quodam iusto moderamine temperetur. dum hæc inter vitæque con-

al. desideria.

Apo. 3.

tentio, illam perniciosiorem excludens animæ voluntatē, ut quandam æquitatis libram in statera nostri corporis collocat, quæ spiritus carnisq. confinia iusto discernit examine nec a dextris mentem spiritus ardore succensam, nec a leua carnem vitiorum aculeis, præponderare permittens. Dumq. hæc pugna quotidianis diebus utiliter agitur in nobis, ad illud quartum, quod nolumus salubriter venire compellimur, ut puritatem cordis non otio nec securitate sed iugi sudore & contritione spiritus acquiramus, castitatemq. carnis districtis ieiunijs, fame, siti ac vigilantia sustentemus; directionem etiam cordis, lectione, vigilijs, oratione continua, & solitudinis squalore capiamus; patientiam tribulationum exercitijs, retentemus, cum blasphemijs & opprobriorum saturitate nostro seruiamus auctori; veritatem cum inuidia mundi huius & inimicitijs si necesse fuerit, exequamur; & tali colluctatione in nostro corpore militante, protractis nobis ab hac ignaua securitate, atque ad istum quem nolumus laborem ac virtutum studia prouocatis, æquitas media retentetur, & tepidum nostræ voluntatis arbitrium, hinc spiritus feruor, illinc carnis gelidissimus rigor moderatissimo calore contemperent, ac neque ad effrænata vitia mentem pertrahi concupiscentia spiritus sinat, nec rursus † ad virtutum irrationabiles appetitus, fragilitas carnis spiritum patitur extolli, ne vel inde omnigenum pullulent fomites vitiorum, vel hinc elatio morbi principalis emergens telo nos superbix grauiore confodiat, sed horum pugna æquilibratio iusta succedens sanam & moderatā inter vtrāque virtutem referet viam, itinere regio docens militem Christi semper incedere; atque ita fiet, ut cū pro tēpore huius quam diximus ignauissimæ voluntatis propensius mens ad desideria carnis fuerit deuoluta, spiritus concupiscentia refrigeretur, nequaquam eo vitijs acquiescente terrenis, rursumq. si immoderato feruore per excessum cordis ad impossibilia fuerit spiritus noster & inconsiderata præreptus infirmitate carnis ad iustum retrahatur examen, & transcendens voluntatis nostræ tepidissimum statum commodissima temperie planoq. tramite cum sudoris industria viam perfectionis incedat. Simile quid etiam in illius turris extructione legimus a Domino dispensatum in libro

Gen. 11.

Genescos, vbi linguarum oborta repente confusio sacrile-

gos

gos ausus hominum nefandosq. compescuit. Permansisset enim etiam ibi aduersus Deum, immo aduersus eos, qui diuinam eius attentare cœperant maiestatem, consensus noxijs, nisi eos dispensatione Dei repugnans inter se diuersitas linguarum per dissonantiam vocis in meliorem statum proficere compulisset, & quos ad excidium sui animauerat perniciofa consensio, ad salutem reuocasset bona vtillisq. discordia, incipientes scilicet humanam fragilitatem intercedente diuisione sentire, quam per noxiam conspirationem elati antea nesciebant,

*De utilitate cunctationis, qua ex colluctatione oritur carnis
& spiritus. Cap. XIII.*

Intantum vero utilis nobis ex huius pugnarum diuersitate cunctatio nascitur, & salutatis ex hac concertatione dilatio, vt resistente soliditate corporea, dum ab eorum effectu quæ nequiter mente concipimus, retardamur, nonnumquam in meliorem statum, seu pœnitudine subsequente, seu emendatione quadam, quæ solet procrastinatione operis & recogitatione interueniente descendere, corrigamur. Denique hos quos intelligimus ad voluntatum suarum desideria perficienda, nullo carnis obstaculo retardari, dæmones scilicet ac spirituales nequitias, & quidem cum sint de eminentiori angelorum ordine deuoluti, detestabiliore esse hominibus cōtemplamur, eo quod possibilitate eorum desiderijs adiacente, id quod nequiter semel conceperint, irreuocabili malo perficere non t̄morentur, quia sicut est animus eorum *al. veretur.* velox ad excogitandum, sic ad perficiendum pernix ac soluta substantia. dumque suppeditat eis prona facultas ea, quæ voluerint peragendi, conceptum malum nulla intercedens deliberatio salutaris emendat.

De inemendabili malitia spiritalium nequitiarum.

Cap. XIV.

Spiritualis nāque substantia nec vlla carnis soliditate t̄deuicta, vt excusationem exortæ in sese prauarum non recipit voluntatis, ita veniam malignitatis excludit, quia nulla queadmodum nos ad peccandum impugnatione carnis extrinsecus lacerata est, sed vitio solius malæ voluntatis accensa, & ob hoc sine venia peccatum, & sine remedio languor est. Sicut enim nulla sollicitante terrena materia corruit, ita nec indulgentiam quidem aut locum potest pœnitudinis obtinere. Quibus ex rebus euidenter colligitur,

Q 4 quod

quod non solum noxia non sit hæc, quæ contra se inimicæ
suscitantur in nobis carnis spiritusq. contentio, verum etiam
multam conferat nobis vilitatem.

Quid nobis proficit carnis aduersus spiritum concupiscentia.

Cap. XV.

Primo, quod desideria ac negligentias nostras statim ar-
quit, & ut quidam diligentissimus pædagogus a distri-
ctionis & disciplina linea numquam nos deuiare conce-
dens, si paululum quid securitas nostra mensuram congruæ
serietatis ex cesserit, flagellis incentiuorum stimulat conse-
stim, & increpat, atque ad competentem reuocat paritatem.
Secundo, quod pro castimonie ac puritatis integritate cum
Dei gratia concedente, ita nos longo tempore a genitali pol-
lutione videremus immunes, ut ne ipsi quidem simplici co-
mitione carnis vltimus nos inquietandos esse credamus, &
per hoc velut qui non gestemus corruptionem carnis in se-
cretis conscientie nostræ fuerimus elati, suo nos rursum
quāuis quierō ac simplici visitans fluxu humiliat ac re-
tundit, nosq. homines esse suis stimulis admonet. Quodam-
modo enim cum in ceteris generibus vitiorum & quidem
grauioribus magisq. noxijs indifferentius soleamus incur-
rere, nec tam facile in eorum compungamur admissu, in
hoc peculiarius humilitatū conscientia nostra, quod per
hanc illusionem neglectarum quoque passionum recorda-
tione mordetur, euidenter intelligēs immundam se factam
naturalibus incentiuis, quæ cum esset immundior spiritali-
bus vitijs ignorabat, & recurrēs protinus ad emendationem
anterioris ignauia commouetur nec super successibus præ-
teritæ puritatis debere confidere, quæ se perspicit pusillum
quid declinantem a Domino perdidisse, nec posse huius pu-
rificationis dumtaxat nisi per solius Dei gratiam possidere,
docentibus nos quodammodo ipsius rei experimentis, ut si
integritatem cordis perpetuo consequi delectamur, humili-
tatis studeamus virtutem iugiter obtinere.

*De incentiuis carnis, quibus nisi humiliaramur, grauius
ruerimus. Cap. XVI.*

Huius igitur puritatis elationem perniciosiorem futu-
ram cunctis sceleribus ac flagitijs, & ob hanc nihil
nos emolumenti consecuturos pro qualibet castitatis inte-
gritate, testantur illæ virtutes, quarum superius mentionem
fecimus, quæ cum nullas huiusmodi nullationes carnis
habuit.

habuisse credantur, ob solam cordis elationem perpetua ruina de illa sublimi cælestiq; statione deiectæ sunt. Ellemus itaq; penitus absque remedio tepidi, vtpote non habentes indicem negligentia; nostræ, vel in corpore nostro aut in conscientijs proprijs insidentem, nec studeremus ad perfectionis vniquam peruenire seruiorem, sed nec frugalitatis quidem distractionem vel continetia; teneremus, nisi nos hæc trinitatio carnis increfcescens humiliaret atque retunderet; aduersus spiritualium quoque vitiorum purgationem sollicitos redderet & intentos.

De emuchorum tepore. Cap. XVII.

DEnique in his, qui spadones sunt corpore, idcirco huius animi teporē plerumq; inesse deprehendimus, quia veluti soluti ab hac necessitate carnali, nec labore continentia; corporalis, nec contritione cordis se æstimant indigere; & hac resoluti securitate, numquam perfectionem cordis, sed nec spiritualium quidem vitiorum purgationē vel quærere in veritate vel possidere festinant. Qui status a carnali qualitate descendens, efficitur animalis, qui est proculdubio deterior gradus. Ipse est enim, qui de frigido ad tepidum transiens detestabilior Domini voce signatur.

Apo. 9.

Interrogatio quid intersit inter carnalem & animalem

GERMANVS *virum. Cap. XVIII.*

DE utilitate colluctationis, quæ inter carnem & spiritum suscitatur, quantum videtur nobis, euidenter expressum est, ita vt eam ipsis quodam modo manibus nostris palpabilem factam esse credamus. Et idcirco hanc quoque rationem nobis similiter cupimus aperiri, quid intersit inter carnalem & animalem virum, vel quemadmodum animalis carnali possit esse deterior.

Responsio de triplici animarum statu.

DANIEL *Cap. XIX.*

SEcundum definitionem scripturæ tres sunt animarum status. Primus carnalis, secundus animalis, tertius spiritalis. Quos in Apostolo legimus designari. Nam de carnali dicitur: Lac vobis potum dedi, non escam: necdum enim poteratis, sed nec adhuc nunc potestis; adhuc enim carnales estis. Et iterum: Vbi enim est inter vos zelus & contentio, nonne carnales estis? De animali quoque taliter commemoratur: Animalis autem homo non percipit ea quæ sunt spiritus Dei: stultitia enim est illi. De spiritali vero: Spi-

1. Cor. 3.

Ibid.

1. Cor. 2.

*Ibid.**Galat. 6.*

ro: Spiritualis autem examinat omnia, ipse autem a nemine dijudicatur. Et iterum: Vos qui spirituales estis, instruite eos, qui eiusmodi sunt, in spiritu lenitatis. Itaque festinandum est nobis, ut cum renuntiantes desierimus esse carnales, id est, a secularium cœperimus conuersatione seiungi, & ab illa manifesta carnis pollutione cessare, spiritalem sensum protinus apprehendere tota virtute nitamur, ne forte blandientes nobis quod videmur secundum exteriorem hominem huic renuntiasse mundo, vel carnalium fornicationum deseruisse contagia, tamquam qui summam perfectionis per hoc apprehenderimus, remissiores deinceps erga emundationem ceterarum passionum lentioresque reddamur, & inter vtraque detenti gradum spiritualis profectus assequi nequeamus, existimantes ad perfectionem nobis abunde sufficere, quod exteriore homine videamur de conuersatione mundi huius ac voluptatibus segregati, vel quod immunes simus a corruptela & commixtione carnali, & ita inuenti in illo tepido statu, qui deterior iudicatur, euomendos nos ex ore Domini secundum eius sententiam

Apo. 3.

*al. noxios
tepefactos.*

nouerimus, ita dicentis: Vtinam calidus esses aut frigidus; nunc autem quia tepidus es, incipiam te euomere ex ore meo. Nec immerito eos Dominus, quos iam in visceribus receperat charitatis, † noxios & tepefactos, cum quadam conuulsione pectoris sui euomendos esse pronunciat; qui cum salutarem quodammodo ei potuissent præbere substantiam, auelli ab eius visceribus maluerunt, tanto deteriores effecti illis, qui numquam ori Dominico illati sunt, cibis, quanto id quod nausea compellente proieciimus, odibilis detestamur. Quidquid enim frigidum est, etiam ore nostro susceptum vertitur in calorem, & salutifera suauitate percipitur; quod autem semel vitio perniciosi teporis abiectum est, non dicam labijs ad mouere, sed etiam eminus intueri sine ingenti horrore non possumus. Rectissime ergo pronuntiatur esse deterior, quia facilius ad salutarem † conuersationem ac perfectionis fastigium carnalis quis, id est, secularis vel gentilis accedit, quam is qui professus monachum, nec tamen viam perfectionis arripiens secundum regulam disciplinæ, ab illo semel spiritualis feruoris igne discessit. Ille namque corporalibus saltem vitijs humiliatus, atque immundum se sentiens contagione carnali, ad fontem veræ purificationis ac per-

*al. conuer
sionem.*

fectionis

fectionis culmen, quandoque compunctus, accurrit, & horrescens, illum in quo est, infidelitatis gelidissimum statum, spiritus ardore succensus, ad perfectionem facilius conuolabit. Nam qui semel, vt diximus, tepido exorsus initio monachi cœpit abuti vocabulo, nec tamen humilitate ac feruore, quo debuit iter huius professionis arripuit, infectus semel hac miserabili lue, & in ea quodammodo resolutus, nec ex sese vterius perfecta sapere, nec alterius poterit monitis etudiri. Dicit enim in corde suo, secundum illam Domini sententiam: Quia diues sum & locuples, & nullius egeo. Cui illud quoque quod subsequitur, consequenter aptabitur: Tu autem es miser & miserabilis, & pauper & cæcus & nudus. in eo factus etiam sæculari deterior, quod nec miserum se nec cæcum ac nudum, aut emendatione dignum, vel egere monitis alicuius aut institutione cognoscit, & ob hoc nec exhortationem quidem vllam verbi salutaris admittit, non intelligens ipso monachi se nomine prægrauari, ac deprimi opinione cunctorum, qua dum creditur ab omnibus sanctus, & velut Dei famulus colitur, necesse est, vt in futuro vehementiori iudicio pœnæque subdatur. Postremo quid diutius immoramur in his, quæ nobis experimento satis comperta sunt ac probata? Frequenter enim vidimus de frigidis atque carnalibus, id est de sæcularibus ac paganis, ad spiritalem peruenisse feruorem; de tepidis atque animalibus omnino non vidimus. Quos etiam per prophetam ita legimus Dominum detestari, vt spiritualibus viris atque doctoribus præcipiatur, vt ab eis monedis docendisq. discedant, & nequaquam velut in sterili atque infructuosa terra noxijsq. sentibus occupata, semen verbi salutaris expendant, sed vt contemuentes, eam nouam potius excolant terram, id est, eiga paganos ac sæculares omnem doctrinæ culturam ac verbi transferant salutis instantiam, quod ita legitur: Hæc dicit Dominus viro Iuda & habitatoribus Hierusalem: Nolite vobis nouale, & nolite ferere super spinas.

Apo. 3.

Ibid.

Hier. 4.

De male abrenuntiantibus. Cap. XX.

DEnique, quod pudet dicere, ita plerosque abrenuntiasse conspiciamus, vt nihil amplius immutasse de anterioribus vitijs ac moribus comprobentur, nisi ordinem tantummodo atque habitum sæcularem. Nam & acquirere pecunias gestiunt, quas nec antea possederunt, vel certe quas habuc-

h buerunt, retinere non desinunt; aut (quod est lugubrius) etiam amplificare desiderant; sub hoc prætextu, quod vel famulos suos semper exinde, vel fratres alere se debere iustum esse contendunt, vel certe sub obtentu congregandi cœtus reseruant, quàm velut abbâtes instituere se posse præsumunt. Qui si in veritate viam perfectionis inquirent, hoc potius tota virtute perficere uiterentur, ut scilicet exuri non solum pecunijs, sed etiam affectionibus pristinis & distentionibus vniuersis, semetipsos singulares ac nudos, ita sub seniorum impetio collocarent, ut curam non modo aliorum nullam, sed ne sui quidem gererent. E contrario autem euenit, ut dum fratribus præesse festinant, nunquam senioribus ipsi subijciantur; & a superbia inchoantes dum alios instituere capiunt, nec discere ipsi, nec agere ea, quæ sunt docenda mereantur. Quibus necesse est, ut secundum Saluatoris sententiam; cœci duces cæcorum effecti, pariter in foueam cadant. Cuius superbix licet vnum sit genus; duplex tamen eius est species; vna quæ serietatem grauitatemque iugiter imitatur, alia quæ effrenata libertate in cachinnos fatuos risusque dissoluitur. Et illa quidem taciturnitate congaudet; hæc vero dedignatur silentio coartari, nec confunditur passim proloqui etiam res incongruas & ineptas, dum erubescit vel inferior ceteris vel indoctior iudicari. Alia ob elationem clericatus ambit officium, altera despiciit, utpote iudicans illud aut dignitati pristinx; aut vitæ, ac natalium suorum meritis incongruum vel indignum. Quarum quæ deterior pronuntianda sit, vniuseuiusque discuriat ac perpendat examen. Vnum sane atque idem inobedientiæ genus est, vel propter operationis instantiam, vel propter orij desiderium senioris violare mandatum, tamque dispendiosum est pro somno quàm pro vigiliantia monasterij statuta conuellere. Tantum denique est abbatis transire præceptum ut legas, quantum si contemnas ut dormias; nec alius superbix fomes est pro ieiunio fratrem quàm pro refectone contemnere, nisi quod perniciosiora & a remedijs longinquiora sunt vitia, quæ sub specie virtutum & imagine spiritualium rerum videntur emergere, quàm illa, quæ ex aperto pro carnali voluptate gignuntur. Hæc enim velut palam expositi ac manifesti languores, & arguuntur cominus & sanantur; illa vero dum sub prætextu uirtutum teguntur, incurata perdurant, & deceptos quos-

Matt. 15.

al. ementitur.

quosque periculosius faciunt ac desperatius ægrotare.

De his qui contemptis magnis, occupantur in parvis.

Cap. XXI.

NAM illud ridiculum qualiter exprimeretur, quod nonnullos post illum primæ renuntiationis ardorem, quo vel res familiares vel opes plurimas ac militiam sæculi relinquentes, semetipsos ad monasteria contulerunt, tanto cernimus studio in his, quæ penitus abscidi non possunt, & quæ nequeunt in hoc ordine non haberi, quamvis parua viliaq. sint, esse deuinctos, vt horum cura pristinarum omnium facultatum superet passionem? Quibus profecto non magne proderit maiores opes ac substantias contempsisse, quia affectus eorum, ob quos illæ cõtemptæ sunt, in res paruas atque exiguas transulerunt. Nam vitium cupiditatis & auaritiæ, quod erga species pretiosas exercere non possunt, circa viliores materias retinentes, non abscidisse sed commutasse se probant pristinam passionem. Nam nimia diligentia deuincti erga curam pliathij, sportellæ, † sagelli, codicis, mattæ, aliarumq. similium rerum, quamuis vilissimarum, eadem tamen qua antea libidine detinentur. Quæ etiam tanta æmulatione custodiunt, atque defendunt, vt pro ipsis, aduersus fratrem commoueri, & (quod est turpius) etiam ligare non pudeat. In quibus adhuc ægritudine cupiditatis pristinæ laborantes, hæc eadem, quæ vsus corporis possidere monachum vel necessitas cogit, secundum numerum mensuramq. communem non sunt habere contenti, in hoc quoque sui cordis auaritiæ designantes, cum vel ea, quibus vii necesse est, propèhus student habere quàm ceteri, vel excedentes diligentia modum peculiarius ea attentiusq. custodiunt, & ab aliorum contrectatione defendunt, quæ vniuersis fratribus debent esse communia. Quasi vero differentia tantummodo metallorum, & non ipsa passio cupiditatis habeatur in noxa, & pro rebus quidem magnis irasci non liceat, pro vilioribus vero hoc ipsum fecisse sine culpa sit, & non idcirco pretiosiores abiecerimus materias, vt facilius disceremus viliora contemnere. Quid enim differt, vitrum quis perturbationem cupiditatis erga opes amplas atque magnificas, an erga viliores exerceat species? nisi quod in eo reprehensibilior iudicandus est, quod qui maxima spreuerit, minimis

*al succell.
li.*

nis obligetur. Ideoq. perfectionem cordis abrenuntiatio ista non obtinet; quia cum censum habeat pauperis, non abijcit diuitis voluntatem.

QVARTAE COLLATIONIS ABBATIS Danielis de concupiscentia carnis & spiritus Finis.

**COLLATIO QVINTA,
QVÆ EST SERAPIONIS,
DE OCTO PRINCIPALIBVS VITIIS.**

Aduentus noster ad abbatis Serapionis cellam, & inquisitio de generibus & impugnatio vitiorum.

Cap. I.



In illo cœtu antiquissimorum senum fuit vir nomine Serapion, apprime gratia discretionis ornatus, cuius collationem operæpretium reor litteris tradere. Ambientibus enim nobis, vt de impugnacione vitiorum aliqua disputaret, quibus origines eorum & causæ manifestius panderentur, ita exorsus est.

Narratio abbatis Serapionis de octo principalibus vitijs. Cap. II.

Octo sunt principalia vitia, quæ humanum genus infestant, id est, Primum Gastrimargia, quod sonat ventris ingluuies. Secundum Fornicatio. Tertium Philargyria, id est, auaritia siue amor pecuniæ. Quartum Ira. Quintum Tristitia. Sextum Acedia, id est, anxietas siue tædium cordis. Septimum Cenodoxia, id est, iactantia seu vana gloria. Octauum Superbia.

De

*De duobus vitiorum generibus, & efficientia eorum
quadripartita. Cap. III.*

HORUM igitur vitiorum genera sunt duo. Aut enim naturalia sunt, vt Gastrimargia; aut extra naturam, vt Philargyria. Efficientia vero quadripartita est. Quædā enim sine actione carnali cōsummari non possunt, vt est Gastrimargia & Fornicatio; quædam vero etiam sine vlla corporis actione complentur, vt est Superbia & Cenodoxia; nonnulla commotionis suæ causas extrinsecus capiunt, vt est Philargyria & Ira; alia vero intestinis motibus excitantur, vt est Acedia atque Tristitia.

*Recapitulatio de Gastrimargia & Fornicationis passione,
& curatione earum. Cap. IV.*

ET vt hæc eadem non solum disputatione quantum possumus breui, sed etiam scripturarum testimonijs manifestiora reddāmus; Gastrimargia & Fornicatio cum naturaliter nobis insint (nam nonnumquam etiam sine vllō animæ incitamento solius instigatione ac pruritu carnis oriuntur) materia tamen; vt consummentur, egent extrinsecus, & ita in effectum corporali actione perueniunt. Vnufquisque enim tentatur a propria concupiscentia; deinde concupiscentia cum fuerit concepta, parit peccatum: peccatum vero cum fuerit consummatum, generat mortem. Nam nec primus Adam per Gastrimargiam decipi potuit, nisi esæcæ materiam habens in promptu abusus ea fuisset illicitæ: nec secundus sine cuiusdam materiæ illicitatione tentatur, cum dicitur ei: Si filius Dei es, dic vt lapides isti panes fiant. Fornicatio quoque quod non nisi per corpus perficiatur, omnibus patet, ita de hoc spiritu dicente Deo ad beatum Iob: Ecce virtus eius in lumbis, & potestas eius super vmbilicum ventris. Ideoq. hæc specialiter duo, quæ ministerio carnis expleantur, extra illam spiritalem animæ curam, egent peculiarius etiam continentia corporali. Siquidem ad retundendos horum stimulos non sufficit sola mentis intentio (vt nonnumquam solet aduersus iram seu tristitiam ceterasq. fieri passionēs, quas etiam sine vlla carnis afflictione sola expugnare nouit mentis industria) nisi etiā castigatio corporalis accesserit; quæ ieiunijs, vigilijs, & cordis contritione perficitur; hisq. fuerit remouio localis adiuncta, quia sicut amborum vitio, id est, animæ & corporis generantur, ita superari nisi vtriusque labore non pote-

Iacob. 2.

Gen. 3.

Matth. 4.

Iob. 40.

Galat. 5. poterunt. Et licet beatus Apostolus omnia vitia generaliter pronuntiauerit esse carnalia, siquidem inimicitias, & iras, atque hæreses, inter cetera carnis opera numerauerit; nos tamen ad illorum curationes atque naturas diligentius colligēdas, duplici ea diuisione distinguimus. Nam ex his, quædam dicimus esse carnalia, quædam vero spiritalia; & illa quidem carnalia, quæ specialiter ad forum, & ad sensum pertinent carnis; quibus illa ita delectatur ac pascitur, ut quietas etiam incitet mentes; inuitasque eas nonnumquam pertrahat ad suę voluntatis assensum. De quibus beatus Apostolus: In quibus, ait, & nos omnes aliquando conuersati sumus, in desiderijs carnis nostrę facientes voluntatem carnis & cogitationum, & eramus natura filij irę, sicut & ceteri. Spiritalia vero dicimus, quæ instinctu animę solius orta, non solum nihil voluptatis conferunt carni, sed etiam grauissimis eam languoribus afficientia, miserrimę iucunditatis pastu animam tantum nutritum ægotantem. Et idcirco hæc quidem simplici cordis indigent medicina, quæ autem carnalia sunt, non nisi duplici, quemadmodum diximus, ad sanitatem curatione perueniunt. Vnde puritati studentibus plurimum confert, ut harum carnalium passionum ipsas materias sibi primitus subtrahant, quibus potest vel occasio vel recordatio earundem passionum ægotanti adhuc animę generari. Necesse est enim ut morbo duplici duplex adhibeatur curatio. Nam corpori ne concupiscentia in effectum tentet prorumpere, necessario effigiēs & materia illiciēsis subtrahenda est; & animę nihilominus ne eam vel cogitatione concipiat, attentior meditatio scripturarum, & sollicitudo peruigil ac remotio solitudinis utiliter apponenda. In ceteris autem vitijs humana consortia nihil obsunt, quinimo etiam plurimum conferunt his, qui carere eis in veritate desiderant, quia frequentia hominum magis arguuntur; & dum lacessita manifestantur crebrius, celeri medicina perueniunt ad salutem.

Quomodo Dominus noster solus absque peccato tentatus sit.

Cap. V.

Hebr. 4. Ideoq. Dominus noster Iesus Christus cum Apostoli pronuncietur sententia tentatus fuisse per omnia se cundum similitudinem nostram, dicitur tamen: Absque peccato, id est, absque huius passionis contagio, nequaquam sci-

licet

licet aculeos concupiscentiæ carnalis expertus, quibus nos necesse est etiam ignorantes inuitosq. compungi; quippe cui nulla inerat similitudo seminationis vel conceptionis humanæ, ita rationē conceptus eius archangelo nuntiante: Spiritus sanctus superueniet in te, & virtus altissimi obumbrabit tibi. Ideoque & quod nascetur ex te sanctum, vocabitur filius Dei. Luc. 1.

De oratione temptationis, qua a diabolo tentatus est

Dominus. Cap. VI.

IN illisenim passionibus etiam ipse tentari debuit, incorruptam imaginem Dei ac similitudinem possidens, in quibus & Adam tentatus est, cum adhuc in illa inuiolata Dei imagine perduraret, hoc est, Gastrimargia, Cenodoxia, Superbia; non in quibus post præuarcationem mandati imagine Dei ac similitudine violata, suo iam vitio deuolutus inuoluitur. Gastrimargia namque est, qua interditi ligui præsumit edulium. Cenodoxia, qua dicitur: Aperientur oculi vestri. Superbia, qua dicitur: Eritis sicut dii, scientes bonum & malum. In his tribus vitijs etiam Dominum Saluatorem legimus fuisse tentatum. Gastrimargia, cum dicitur ei a diabolo: Dic ut lapides isti panes fiant. Cenodoxia: Si filius Dei es, mitte te deorsum. Superbia, cum ostendens illi omnia regna mundi & eorum gloriam, dicit: Hæc omnia tibi dabo, si cadens adoraueris me: ut ijsdem quibus ille temptationum lineis est appetitus, nos quoque quemadmodum tētatorem vincere deberemus, suo doceret exēplo. Ideoque & ille Adam dicitur, & iste Adam. Ille primus ad ruinam & mortem; hic primus ad resurrectionem & vitam. Per illum omne genus hominum condemnatur; per istum omne genus hominum liberatur. Ille de rudi atque intracta fingitur terra; hic de Maria virgine procreatur. † Huius ergo ut suscipere cum temptationes oportuit, ita excedere necessarium † non fuit. Nec enim qui Gastrimargiam viderat, poterat Fornicatione tentari, quæ ex illius abundantia ac radice procedit; qua ne ille quidem primus Adam fuisset elusus, nisi ante generatricem eius passionem deceptus illecebris diaboli recepisset. Et ob hoc filius Dei non absolute in carne peccati venisse dicitur, sed in similitudine carnis peccati; quia cum esset in eo vera caro, manducans scilicet, & bibens, & dormiens, clauorum quoque confixionem in veritate suscipiens, peccatum

*Gen. 3.
Ibid.*

*Matth. 4.
Ibid.*

Ibid.

1. Cor. 15.

Gen. 2.

Luc. 1.

al. Huius-

al. Huius-

al. Huius-

al. Huius-

al. Huius-

al. Huius-

al. Huius-

al. Huius-

al. Huius-

al. Huius-

al. Huius-

tum eius quod prauaricatione contraxit, verum non habuit, sed imaginarium. Non enim ignitos aculeos concupiscentiæ carnalis expertus est, qui etiam nolentibus nobis natura iam administrante confurgunt, sed huius quædam similitudinem, naturam participando suscepit. Nam cum omnia, quæ officij nostri sunt, in veritate compleret, & vniuersas infirmitates gestaret humanas, consequenter huic quoque passioni putatus est subiacere; vt per has infirmitates etiam condicionem huius quoque vitij atque peccati videretur in sua carne portare. Denique in his eum tantummodo vitij diabolus tentat, in quibus illum primum deceperat, coniciens huic quoque velut hominem similiter in ceteris illudendum, si eum in illis, quibus priorem deiecerat, sensisset elisum. Verum ei secundum iam morbum, qui de radice principalis vitij pullulabat, primo certamine confutatus inferre non potuit. Videbatenim nullatenus eum initialem causam huius agitudinis suscepisse, eratque superfluum sperari ab eo fructum peccati, cuius eum semina vel radices nullo modo recepisse cernebat. Licet secundum Lucam, qui postremam temptationem illum ponit, qua dicitur: Si filius Dei es; mitte te deorsum; hæc Superbiæ passio possit intelligi, ita vt illa superior, quam Matthæus tertiam ponit, in qua iuxta prædictum Lucam Euangelistam, omnia ei regna mundi in puncto temporis ostendens diabolus reptomittit, accipiat passio Philargyriæ: quod scilicet post Gastrimargiæ victoriam, Fornicatione eum tentare non præualens ad Philargyriam transierit, quam radicem esse malorum omnium nouerat; in qua iterum superatus, nullum ei vitium ex his, quæ sequebantur eam ausus ingerere (quippe, quæ nouerat de eius radice ac fonte pullulare) ad extremam Superbiæ transiit passionem, qua nouerat etiam perfectos quosque deuictis omnibus vitij posse pulsari: qua etiam vel seipsum, cum esset vt lucifer, vel complures alios absque vilo illicitamento, præcedentium passionum, de celestibus meminerat corruisse. Iuxta hunc ergo quem prædiximus ordinem, qui ab Euangelista Luca describitur, etiam ipsa illicitatio & figura temptationum, quibus vel illum primum, vel istum secundum Adam callidissimus aggreditur inimicus, elegantissime congruit. Illi namque dicit: Aperientur oculi vestri: huic ostendit omnia regna mundi, & gloriam eorum.

eorum. Ibi dicit: Eritis sicut dii; hic: Si filius Dei es.

De consummatione Cenodoxia & Superbia sine ministerio corporali. Cap. VII.

ET vt de efficientijs ceterarum quoque passionum, quarum narrationem intercidere nos expositio Galtimarię vel Dominicę tentationis necessario compulit, eodem quo proposueramus ordine differamus. Cenodoxia atque Superbia etiā sine vilo consummari solēt ministerio corporali. In quo enim egent actione carnali, quę pro conuientia & voluntate sola conquirendę laudis & humanę glorię consequendę abunde ruinam generant animę captiuatę? Aut quem effectum habuit corporalem prędicti luciferi illius antiqua superbia, nisi quod eam tantummodo animo & cogitatione concepit, ita Propheta commemorante: Qui dicebas in corde tuo, in cælum conscendam, super astra Dei ponam solum meum, ascendam super altitudinem nubium, ero similis altissimo? Qui sicut huius superbię neminem habuit incentorem, ita ei consummationem criminis ruinęq; perpetuę cogitatio sola perfecit; & quidem cum affectatę tyrannidis nulla fuerint opera subsecuta.

Esai. 14.

De Philargyria, quod extra naturā sit; & quid intersit inter ipsam & naturalia vitia. Cap. VIII.

Philargyria & Ira licet non sint vnius naturę, (nā prior extra naturam est, sequens vero originale videtur in nobis seminarium possidere,) simili tamen oriuntur modo; extrinsecus siquidem causas commotionis plerumque concipiunt. Etenim frequenter hi, qui adhuc infirmiores sunt, vel irritatione, vel instinctu quorundam, in hac se corruisse vitia conqueruntur, ac pręcipitatos se vel ad Iracundiā vel ad Philargyriam aliorum prouocatione, cāusantur. Quod autem extra naturam sit Philargyria, hinc liquido peruidetur, quia nec originale probatur in nobis habere principium, nec de materia concipitur, quę pertingit ad animę vel carnis participationem, vitęq; substantiam. Nihil enim ad vsum vel necessitatem naturę communis pręter eseam quotidianam ac potum certum est peruenire, reliquę vero vniuersę materię quantolibet studio atque amore seruentur, alienę tamen ab humana indigentia etiā vsu vitę ipsius approbantur, ideoq; hoc velut extra naturam existens non nisi tepidos ac male fun-

datos monachos pulsat. Quæ autem naturalia sunt, etiam probatissimos monachorum & quidem in solitudine commorantes attentare non desinunt. Et intantum hoc verissimum comprobatur, ut etiam gentes nonnullas ab hac passione, id est Philargyria, liberas omnimodis agnoscamus, quia nequaquam vitij huius ægitudinem vsu & consuetudine receperunt; illum quoque priorem mundum, qui ante diluuium fuit, diutissime concupiscentiæ huius rabiem credimus ignorasse. Quæ etiam in vnoquoque nostrum recte abrenuntiante sine vilo labore probatur extingui, cum scilicet vniuersis quis substantijs abiectis, ita expenit cœnobij disciplinam, ut ex eis ne vnum quidem denarium sibimet superesse patiat. Cuius rei testes multa hominum milia possumus inuenire, qui cum sub momēto breuissimo dispersis omnibus facultatibus suis ita hanc eradicauerint passionem, ut ne tenuiter quidem ab ea pulsantur vltius; nihilominus omni tempore contra Gastrimargiam pugnantes, nisi ingenti circumspectione cordis & abstinentia corporis dimicant, securi esse non possunt.

Quod tristitia & Acedia nulla prouocatione extrinsecus generentur sicut alia vitia. Cap. I X.

Tristitia & Acedia nulla, quemadmodum superiora diximus, accedente extrinsecus prouocatione generari solent. Nam solitarios † quoque & in cremo constitutos, nulliq. humano cōmixtos consortio, frequenter atque amarissime vexare noscuntur: quod esse verissimum quisque fuerit in solitudine commoratus, & pugnas hominis interioris expertus, ipsis experimentis perfacile comprobabit.

De sex vitiorum concordia, & duorum ab eis dissidentium cognitione. Cap. X.

Hæc igitur octo vitia licet diuersos ortus ac dissimiles efficientias habeant, sex tamen priora, id est, Gastrimargia, Fornicatio, Philargyria, Ira, Tristitia, Acedia, quadam inter se cognatione, & ut ita dixerim, concatenatione connexa sunt, ita ut prioris exuberantia sequentis efficiatur exordium. Nam de abundantia Gastrimargiæ Fornicationem, de Fornicatione Philargyriam, de Philargyria Iram, de Ira Tristitiam, de Tristitia Acediam necesse est pullulare; ideoque simili cōtra hæc modo atque eadem ratione

tione pugnandum est, & a præcedentibus semper aduersus sequentia oportet nos inire certamina. Facilius enim cuiuslibet arboris noxia latitudo ac proceritas exarescit, si antea radices eius quibus innititur, vel nudata fuerint vel succisæ. Et infestantes humores aquarum continuo siccabuntur, cum generator earum fons ac profluentes venæ solerti industria fuerint obturatæ. Quamobrem vt Acedia vincatur, ante Tristitia superanda est; vt Tristitia propellatur; Ira prius extrudenda est; vt extinguatur Ira, Philargyria calcanda est; vt euellatur Philargyria, Fornicatio compescenda est; vt Fornicatio subruatur, Gastrimargiæ vitium est castigandum. Residua vero duo, id est, Cenodoxia, & Superbia, sibi quidem similiter illa qua de superioribus vitijs diximus ratione iunguntur, ita vt incrementum prioris ortus efficiatur alterius. Cenodoxiæ enim exuberantia Superbiæ fomitem patit. Sed ab illis sex prioribus vitijs penitus distident, nec simili cum eis societate fœderantur. Siquidem non solum nullam ex illis occasionem suæ generationis accipiunt, sed etiam contrario modo atque ordine suscitantur. Nam illis euulsis hæc vehementius fructificant, & illorum morte viuacius pullulant atque succrescunt. Vnde etiam diuerso modo ab his duobus vitijs impugnamur. In vnumquodque enim illorum sex vitiorum tunc incidimus, cum a præcedentibus eorum fuerimus elisi; in hæc vero duo, victores, & vel maxime post triumphos periclitamur incurere. Omnia igitur vitia quemadmodum incremento præcedentium generantur, ita illorum diminutione purgantur. Et hac ratione vt Superbia possit excludi, Cenodoxia est præfocanda. Et ita semper prioribus superatis, sequentia conquiescent, & extinctione præcedentium, residuæ passionēs absque labore marcescet. Et licet hæc quæ prædiximus octo vitia, illa qua commemorauimus ratione inuicem sibi conuexa atque permixta sint, specialius tamen in quatuor coniugationes & copulas diuiduntur. Gastrimargiæ namque Fornicatio peculiari consortio fœderatur; Philargyriæ Iræ; Tristitiæ Acedia, Cenodoxiæ Superbia familiariter coniungatur.

De origine & qualitate vniuscuiusque vitij. Cap. XI.

ET vt singillatim nunc de vniuscuiusque vitij generibus disputemus, Gastrimargiæ genera sunt tria. Primum, quod ad refectionem perurget monachum ante horam sta-

tutam ac legitimam festinare. Secundum, quod expletione venis & quarumlibet escatum voracitate latatur. Tertium, quod accuratiores & delicatissimos desiderat cibos. Quæ tria non leui dispendio monachum feriunt, nisi ab omnibus istis pari studio atque obseruantia semetipsum expedire contenderit. Nam quemadmodum absolutio ieiunij ante horam canonicam nullatenus præsumenda est, ita & ventris ingluuies & escatum sumptuosa atque exquisita præparatio similiter amputanda. Ex his enim tribus causis diuersæ ac pessimæ valitudines animæ procreantur. Nam de prima monasterij odium gignitur, atque exinde horror, & intolerantia eiusdem concrescit, quam sine dubio mox discessio aut fuga velocissima subsequetur. De secunda igniti luxuriæ & libidinis aculei suscitantur. Tertia etiam inextricabiles Philargyræ laqueos nectit ceruicibus captiuorum, nec aliquando monachum finit perfectæ Christi nuditate fundari. Cuius nobis passionis inesse vestigia, isto quoque deprehendimus indicio, cum forte ad refectionem detenti ab aliquo fratrum, contenti non sumus eo sapore cibos sumere, quo ab exhibente conditi sunt, sed quiddam superfundì eis vel adijci importuna atque effrenata poscimus libertate. Quod fieri penitus non oportet, tribus de causis. Primo, quia mens monachi semper debet in omni tolerantia ac parcitatis exercitatione versari, & secundum Apostolum, discere in quibus est sufficiens esse: nullatenus enim poterit vel occulta vel maiora corporis desideria refrænare, quisquis degustatione modicæ insuauitatis offensus, ne ad momentum quidem delicias gutturis sui valuerit castigare. Secundo, quod nonnumquam euenit ut ad horam desit illa species, quæ postulat a nobis, & verecundiam necessitati vel frugalitati suscipientis incutimus, publicantes scilicet paupertatem eius, quam soli Deo cognitam esse maluerat. Tertio, quod interdum solet sapor ille, quem nos adijci poscimus, alijs displicere, & inueniuntur iniuriam multis, dum nostræ gulæ ac desiderio satisfacere cupimus, irrogare: propter quod omnimodis hæc in nobis est castiganda libertas. Fornicationis geneta sunt tria. Primum, quod per commixtionem sexus viriusque perficitur. Secundum, quod absque femineo tactu, pro quo Onan patriarchæ Iudæ filius a Domino percussus legitur, quod in scripturis sanctis immunditia

Philip. 4.

Gen. 38.

nun-

nuncupatur, super quo Apostolus: Dico autem innuptis & viduis, bonum est illis si sic permaneat sicut & ego: quod si se non continent, nubant. melius est enim nubere quam vri. Tertium, quod animo ac mente concipitur, de quo Dominus in Euangelio: Qui viderit mulierem ad concupiscendum eam, iam merchatus est eam in corde suo. Quæ tria genera beatus Apostolus pari modo extinguenda pronuncians: Mortificate, inquit, membra vestra quæ sunt super terram, fornicationem, immunditiam, libidinem &c. Er iterum ad Ephesios de duobus: Fornicatio autem & immunditia nec nominetur in vobis. Er iterum: Illud autem scitote, quod omnis fornicator, aut immundus, aut auarus (quod est idolorum seruitus) non habet hereditatem in regno Christi & Dei. Quæ tria vt a nobis pari obseruatione caueantur, similis nos eorum a Regno Christi atque vna deterret exclusio. Philargyriæ genera sunt tria. Primum, quod renuntiantes diuitijs ac facultatibus suis spoliari non sinit. Secundum, quod ea quæ a nobis dispersa sunt vel indigentibus distributa, resumere nos maiori cupiditate persuadet. Tertium, quod ea, quæ ne antea quidem possedimus, desiderari acquiriue compellit. Iræ genera sunt tria. Vnum, quod exardefcit intrinsecus, quod Græce θυμός dicitur. Aliud, quod in verbum & opus effectumque prorumpit, quod ὀργή nuncupatur, de quibus & Apostolus: Nunc autem deponite, inquit, & vos omnia, iram, indignationem. Tertium, quod non vt ille feruor ad horam digeritur, sed per dies & tempora reseruatur, quæ μῆνις dicitur. Quæ omnia equali sunt a nobis horrore damnanda. Tristitiæ genera sunt duo. Vnum, quod vel itacundia desinente, vel de illato damno, ac desiderio præpedito cassatoque generatur. Aliud, quod de irrationabili mentis anxietate seu desperatione descendit. Acediæ genera sunt duo. Vnum, quod ad somnum præcipitat estuantes; aliud quod cellam deserere ac fugere cohortatur. Cenodoxia licet multiforis ac multiplex sit, & in diuersas species diuidatur, genera tamen eius sunt duo. Primum, quo pro carnalibus ac manifestis extollimur rebus; secundum, quo pro spiritualibus & occultis desiderio vanæ laudis inflammamur.

In quo sit utilis Cenodoxia.

Cap. XII.

VNa re tamen Cenodoxia vtiliter ab incipientibus assumitur, ab his dumtaxat qui adhuc vitijs carnalibus

R 4 insti-

instigantur, ut verbi gratia, si illo tempore, quo Fornicationis spiritu perurgentur, mente conceperint vel sacerdotalis officij dignitatem, vel opinionem cunctorum, qua sancti & immaculati esse creduntur, & ita immundos concupiscentiarum stimulos quasi turpes atque indignos vel existimationi suae vel illi ordini iudicantes, hac saltem contemplatione declinent, minore malo id, quod maius est, retundentes. Sati-
us est enim Cenodoxiae vitio quemque pulsari, quam incidere in fornicationis ardorem, unde reparari aut non valeat, aut vix valeat post ruinam. Quem sensum ex persona Dei vnus prophetarum eleganter expressit, dicens: Propter me longe faciam furorem meum, & laude mea infrænabo te ne intereas. id est, ut dum Cenodoxiae laudibus compediris, nequaquam ad inferni profunda procurras, & irrevocabiliter mortalium peccatorum consummatione mergaris. Nec mirum tantam passioni huic inesse virtutem, ut irruentem quempiam in fornicationis labem valeat refrænare, cum sit multorum experimentis saepissime comprobatum, quòd ita eum, quem semel veneni sui peste corruperit, infatigabilem reddat, ut faciat, ab eo ne biiduana quidem ieiunia vel triduana sentiri. Quod etiam nonnullos in hac eremo frequenter nouimus fuisse confessos, se in cœnobijs Syriae constitutos, quin diebus refectionem cibi sine labore tolerasse, † nunc autem tanta se fame ab hora tertia perurgeri, ut vsque nonam vix queant quotidiana differre ieiunia. Super qua re pulchre abbas Macarius cuidam percunctanti cur fame ab hora tertia in eremo pulsaretur, qui in cœnobio hebdomadibus integris refectionem saepe contemnens non sensisset esuriem, respondit: Quia nullus est hic ieiunij tui testis, qui te suis laudibus nutriet atque sustentet, ibi autem te digitus hominum & Cenodoxiae refectio saginabat. Huius autem rei figura, qua diximus, superueniente Cenodoxia, vitium Fornicationis excludi, pulchre sans in Regnorum libro ac signanter exprimitur, vbi populum Israelem a Necho rege Aegypti captiuatum ascendens Nabuchodonosor rex Assyriorum de finibus Aegypti ad suam transtulit regionem, non scilicet ut eos libertati pristinæ & genitrali restitueret regioni, sed ut a suis abduceret terris, longius asportandos quàm in terra Aegypti fuerant captiuati. Quae figura in hoc quoque competenter aptabitur. Licet enim tolerabilius sit Cenodoxiae quàm Fornicationis vitio de-
seruire,

Esai. 48.

al. iunr.

4. Reg. 24

seruire, difficilius tamen a Cenodoxia dominatione disceditur. Quodammodo enim lōgiore itineris spatio captiuus abductus laboriosius ad genitale solum & libertatem pristinam reuertetur; meritoq. ad eum increpatio illa prophetica dirigitur: Quare inueteratus es in terra aliena? Recte siquidem inueteratus dicitur in terra aliena, quisquis a terrenis vitijs non † nouatur. Superbiæ genera sunt duo. Primum, carnale; secundum spiritale, quod etiam perniciosius est. Illos namq. specialius impugnat, quos in quibuscūq. virtutibus profecisse repererit.

BARN. 3

al. reuocatur.

De varia oppugnatione omnium vitiorum. Cap. XIII.

HÆc igitur octo vitia cum omne hominum genus pulsent, non tamen vno modo imperunt cūctos. In alio namque spiritus Fornicationis locum obinet principalē, in alio superequitat Furor, in alio Cenodoxia vindicat tyrannidem, in alio arcem Superbia tenet. Et cum constet omnes ab omnibus impugnari, diuerso tamen modo & ordine singuli laboramus.

De insituyendo aduersum vitia certamine secundum ipsorum infestationem. Cap. XIV.

QUamobrem ita nobis aduersus hæc arripienda sunt prælia, vt vnusquisque vitium, quo maxime infestatur explorās, aduersus illud arripiat principale certamen, omnem curam mentis ac sollicitudinem erga illius impugnationem obseruationemq. defigens, aduersus illud quotidiana ieiuniorum dirigens spicula, contra illud cunctis momentis cordis suspina crebraq. gemituum tela contorquens, aduersus illud vigiliarum labores ac meditationes sui cordis impendens, indefinentes quoque orationum fletus ad Dominum fundens, & impugnationis suæ extinctione ab illo specialiter ac iugiter poscens. Impossibile namque est de qualibet passione triumphū quempiam promereri, priusquam intellexerit industria vel labore proprio victoriam certaminis semet obtinere non posse, cum tamen vt valeat emundari, necesse sit eum die noctuq. in omni cura & sollicitudine permanere. Cumque se ab ea senserit absolutum, rursus latebras sui cordis simili intentione perlustret, & excipiat sibi, quam inter reliquas perspexerit diuorem, atque aduersus eam specialius omnia spiritus arma commoueat, & ita semper validioribus supe-

*Pæcarpū,
spectacu-
li genus.*

superatis celerem de residuis habebit facilemque victoriam, quia & mens triumphorum processu reddetur fortior, & infirmior pugna succedens promptiorem ei prouentum faciet præliorum, ut fieri solet ab his qui coram regibus mundi huius omnigenis congredi bestiis præmiorum contemplatione consueverunt, quod spectaculi genus vulgo pancarpum nuncupatur. Hi, inquam, feras quascumque fortiores robore, vel feritatis rabie conspexerint diiores, aduersus eas primæ congressionis certamen arripiunt, quibus extinctis, reliquas quæ minus terribiles minusque vehemētes sunt, exitu faciliore prosternunt. Ita & vitijs semper robustioribus superatis, atque infirmioribus succedentibus, parabitur nobis absque vilo discrimine perfecta victoria. Nec tamen putandum, quod principaliter quis contra vnum dimicans vitium, & velut incautus aliorum tela prospiciens, inopinato ictu facilius valeat sauciari; quod nequaquam fiet. Impossibile namque est eum, qui pro cordis sui emundatione sollicitus erga impugnationem vitij cuiuslibet intentionem suæ mentis armauerit, aduersus cetera quoque vitia generalem quandam horrorem & custodiam similem non habere. Quo enim modo vel de illa, qua absolui desiderat passione merebitur obtinere victoriam, qui se indignum purificationis præmio aliorum facit contagio vitiorum? Sed cum principalis nostri cordis intentio, velut specialem sibi pugnam aduersus vnam exceperit passionem, pro ipsa orabit attentius, peculiari sollicitudine ac studio supplicans, ut eam diligentius obseruare, & per hoc celerem mereatur obtinere victoriam. Hūc namque nos ordinem præliorum exercere debere, nec tamen de nostra virtute confidere, etiā

Dent. 7.

legislator his docet verbis: Non timebis eos, quia Dominus Deus tuus in medio tui est. Deus magnus & terribilis, ipse consumet nationes has in conspectu tuo paulatim atque per partes. Non poteris delere eas pariter, ne forte multiplicentur contra te bestię terræ. Dabitque eos Dominus Deus tuus in conspectu tuo, & interficiet illos donec penitus deleantur.

Nihil nos posse aduersum vitia sine auxilio Dei, nec debere nos in eorum extolli victoria. Cap. XV.

Dent. 3.

Sed neque debere nos in eorum extolli victoria similiter, admonet: Ne postquam comederis, inquit, & satiatus fueris, domos pulchras ædificaueris, & habitaueris in eis, habue-

habuerisq. armenta bouum, & ouium greges, argenti & auri, cunctarumq. rerum copiam, eleuetur cortuum, & non reminiscaris Domini Dei tui, qui eduxit te de terra Ægypti, de domo seruitutis; & ductor tuus fuit in solitudine magna atque terribili. Salomon quoque in Proverbijs: Si ceciderit inimicus tuus, noli gratulari; in supplantatione autem eius noli extolli, ne videat Dominus & non placeat ei, & auertat iram suam ab eo: id est, ne perspicuens elationem cordis tui ab eius impugnatione discedat, & incipias derelictus ab eo rursus ab illa, quam per Dei gratiam ante superaueras passione vexari. Non enim orasset Propheta, dicens: Ne tradas Domine bestiis animam confitentem tibi; nisi scisset propter inflationem cordis quosdam vt humiliarentur, eisdem rursum vitijs, quæ vicerant, tradi. Quamobrem certos nos esse conuenit, tam ipsis rerum experientis quam innumeris scripturæ testimonijs eruditos, nostris nos viribus, nisi Dei solius auxilio fulciamur, tantos hostes superare non posse, & ad ipsum quotidie summam victoriæ nostræ referre debere; ita super hoc quoque per Moysen Domino commonente: Ne dicas in corde tuo, cum deleuerit eas Dominus Deus tuus in conspectu tuo: Propter iustitiam meam introduxit me Dominus, vt terram hanc possiderem, cum propter impietates suas istæ deletæ sint nationes. Neque enim propter iustitias tuas & æquitatem cordis tui tu ingrederis, vt possideas terras earum, sed quia illæ egerunt impie, te introeunte deletæ sunt. Rogo quid apertius potuit dici contra perniciosam opinionem eorum, præsumptionemq. nostram, qua totum quod agimus, vel libero arbitrio; vel nostræ voluntatis industria deputare? Ne dicas, inquit, in corde tuo, cum deleuerit eas Dominus Deus tuus in conspectu tuo: Propter iustitiam meam introduxit me Dominus, vt terram hanc possiderem. Nonne ijs, qui oculos animæ referatos, & aures habent ad audiendum, euidenter expressit: Cum tibi, inquit, prospere vitiorum carnalium bella successerint, & videris te de ipsorum cæno & conuersatione mundi istius liberatum, non tuæ id virtuti nec sapientiæ, prouentu pugnæ atque victoriæ inflatus, adscribas, credens te propter labores & studium tuum; & arbitrij libertatem, de spiritualibus nequitijs vel carnalibus vitijs obtinuisse victoriam. Quibus proculdubio in nullo penitus præualere potuisses,

nisi

Prov. 24.
sec. lxx.

Psal. 72.

Deut. 9.

Ibid.

nisi te Domini communisset ac protexisset auxilium.

De significatione septem gentium quarum Israel accepit terras, & quare alibi septem & alibi multe gentes esse dicantur. Cap. XVI.

- H**Æ sunt septem gētes quarum terras egressis ex Ægypto filijs Israel daturum se Dominus repromittit.
- 1. Co. 10.** Quæ omnia secundum Apostolum cum in figura contingerent illis, ad nostram commotionem scripta debemus accipere. Ita enim dicitur: Cum introduxerit te Dominus Deus tuus in terram quam possessurus ingrederis, & deleuerit gentes multas coram te, Ethæum & Gergesæum & Amorrhæum & Chananzæum & Pherezæum & Euzum & Iebusæum, septem gentes multo maiores numeri quam tu es, & robustiores te, tradideritq. eas Dominus tibi, percuties eas vsque ad internecionem. Quòd vero multo maioris numeri esse dicuntur, hæc est ratio, quia plura sunt vitia quam virtutes. Et ideo in catalogo quidem dinumerantur septem nationes, in expugnatione vero earum sine numeri adscriptione ponuntur. Ita enim dicitur: Et deleuerit gentes multas coram te. Numerosior enim est quam Israel, carnalium passionum populus, qui de hoc septenario fomite vitiorum ac radice procedit. Exinde enim pullulant homicidia, contentiones, hæreses, furta, falsa testimonia, blasphemix, comestiones, ebrietates, detractones, ludicra, turpiloquia, mendacia, periuria, stultiloquia, scurrilitas, inquietudo, rapacitas, amaritudo, clamor, indignatio, contemptus, murmuratio, têtatio, desperatio, multaq. alia, quæ commemorare perlongum est. Quæ cum a nobis leuia iudicentur, quid de illis Apostolus senserit, vel quam super his sententiam tulerit, audiamus: Neque murmuraueritis, inquit, sicut quidam illorum murmurauerunt, & perierunt ab exterminatore. Et de têtatione: Neque tentemus Christum, sicut quidam illorum tentauerunt, & a serpentibus perierunt. De detractone: Noli diligere detrahare, ne eradiceris. Et de desperatione: Qui desperantes semetipsos tradiderunt impudicitix, in operationem omnis erroris, in inmunditiam. Quòd vero clamor, sicut ira & indignatio & blasphemia condemnerur, eiusdem Apostoli vocibus manifestissime perdoceatur, ita præcipientis: Omnis amaritudo, & ira, & indignatio, & clamor, & blasphemia tollatur a vobis, cum omni malitia; aliaq. complura
- his

his similia. Quæ cum sint multo maioris numeri quàm virtutes, deiectis tamen illis octo principalibus vitijs, ex quorum natura eas certum est emanare, omnia protinus conquiescunt, ac perpetua pariter cum his internectione delentur. De Gastrimargia nãque nascuntur comestationes, ebrietates. De Fornicatione, turpiloquia, scurrilitas, ludicra, ac stultiloquia. De Philargyria, mendacium, fraudatio, furta, periuria, turpis lucri appetitus, falsa testimonia, violentia, inhumanitas ac rapacitas. De Ira, homicidium, clamor & indignatio. De Tristitia, rancor, pusillanimitas, amaritudo, desperatio. De Acedia, otiositas, somnolentia, importunitas, inquietudo, peruagatio, instabilitas mentis & corporis, verboritas, curiositas. De Cenodoxia, contentiones, hæreses, iactantia, ac præsumptio nouitatum. De Superbia, contemptus, inuidia, inobedientia, blasphemia, murmuratio, detractio. Quod autem hæ pestes etiam robustiores sint, manifeste naturæ ipsius impugnatione sentimus. Fortius enim militat in membris nostris oblectatio carnalium passionum, quàm studia virtutum, quæ non nisi summa contritione cordis & corporis acquiruntur. Si autem & illas innumerabiles hostium cateruas spiritualibus oculis contempleris, quas beatus Apostolus enumerat, dicens: Non est nobis colluctatio aduersus carnem & sanguinem, sed aduersus principatus, aduersus potestates, aduersus mundi rectores tenebrarum harum, contra spiritalia nequitiæ in cælestibus: & illud quod de viro iusto in nonagesimo dicitur Psalmo: Cadent a latere tuo mille, & decem milia dextris tuis; liquido peruidebis, quod multo maioris sint numeri & validiores quàm nos, carnales scilicet atque terreni; quippe cum illis spiritalis atque aerea concessa substantia sit.

Ephes. 6.

Psal. 90.

Interrogatio de comparatione septem gentium & octo

GERMANVS. *vitiorum. Cap. XVII.*

Quomodo igitur octo sunt vitia, quæ nos impugnant, cum per Moysen septem sint gentes dinumeratæ, quæ aduersantur Israeli, vel quemadmodum terras vitiorum commodum nobis est possidere?

Responsio, quomodo secundum octo vitia octo gentium numerus
SERAPION. *impleatur. Cap. XVIII.*

Octo esse principalia vitia, quæ impugnant monachum, cunctorum absoluta sententiæ est. Quæ figuratiter sub gentium

- tum vocabulo nominata, idcirco nunc omnia non ponuntur, eo quod egressis de Ægypto, & liberatis ab vna gente validissima, id est Ægyptiorum: Moses vel per ipsum Dominus in Deuteronomio loquebatur. Quæ figura in nobis quoque rectissime stare deprehenditur, qui de sæculi laqueis expediti, Gastrimargiæ, id est, ventris vel gulæ vitio caruisse cognoscimur. Et habemus iam contra has residuas septē gentes simili ratione confictum: prima scilicet, quæ iam deuicta est minime cōputata. Cuius etiam terra in possessiōnē Israeli nō datur, sed vt deserat eam perpetuo, & egrediat̃ur ab ea, Domini præceptione sancitur. Et idcirco ita sunt moderanda ieiunia, vt non necesse sit per immoderationem continentiæ, quæ defectiōne carnis vel infirmitate contracta est, reuerti rursus ad Ægyptiorum terram, id est, pristinā gulæ & carnis concupiscentiā, quam cum mūdo huic abrenuntiaremus, abieciimus. Quod figurat̃ illi p̃rpeffi sunt, qui egressi in solitudinem virtutum, rursus desiderauerunt ollas carnum super quas sedebant in Ægypto.
- Cur una gens quidem deseri, septem vero iubeantur extingui.* Cap. XI X.
- Q**uod autem illa gens, in qua nati sunt filij Israel, non penitus extingui, sed tantummodo deseri eius terra præcipitur, hæc vero septem vsque ad intereccionem iubentur extingui, hæc ratio est, quia quantolibet ardore spiritus succensierimus virtutum fuerimus ingressi, vicinitate ac ministerio Gastrimargiæ & quodammodo quotidiano eius commercio nequaquam carere poterimus. Semper enim in nobis edulij & esearum, vt ingenitus ac naturalis viget affectus, licet amputare superfluos eius appetitus ac desideria festinemus, quæ sicut per omnia deleri non possunt, ita debent quadam declinatione vitari. De hac enim dicitur: Et carnis curam ne feceritis in desiderijs. Dū huius ergo curæ quam præcipimur non per omnia abscondere, sed absque desiderijs exhibere, retinemus affectum, euidenter Ægyptiam nationem non extinguiamus, sed ab ipsa quadam discretionē separamur, non de superfluis seu lautioribus epulis cogitantes, sed secundum Apostolum victu quotidiano indumentoq. contenti. Quod ita figurat̃.
- Deut. 23. rater etiam in lege mandatur: Non abominaberis Ægyptiū, quia fuisti incolā in terra eius. Necessarius enim victus corpori, non sine ipsius perniciē vel animę seclēre dene-

denegatur. Illarum vero septem perturbationum velut omnimodis noxiarum, de recessibus animæ nostræ penitus ex-terminandi sunt motus. De his enim ita dicitur: Omnis amaritudo, & ira, & indignatio, & clamor, & blasphemia tollatur a vobis, cum omni malitia. Et iterum: Fornicatio autem & omnis imunditia, aut avaritia, nec nominetur in vobis, aut turpitudine, aut stultiloquium, aut scurrilitas. Possumus ergo horum, quæ naturæ superinducta sunt, radices abscidere vitiorum, vsum vero Gastrimargiæ nequaquam valebimus amputare. Non enim possumus quantumlibet profecerimus, id non esse quod nascimur. Quod ita esse tam nostra qui sumus exigui, quàm omnium perfectorum vita & conuersatione monstratur; qui cum reliquarum passionum reciderint stimulos, atque eremum toto mentis feruore & corporis expetuerint nuditate, nihilominus quotidiani victus prouidentia & annui panis præparatione, nequeunt liberari.

Ephes. 4.

Ephes. 5.

De natura Gastrimargiæ ad similitudinem aquilæ comparata. Cap. XX.

Huius passionis figura, qua necesse est quamuis spiritalem summumque monachum coartari, proprie satis aquilæ similitudine designatur. Quæ cum excelssissimo volatu ultra nubium fuerit altitudinem sublimata, seseque ab oculis cunctorum mortalium, ac a facie terræ totius absconderit, rursus ad vallium ima submitti, & ad terrena descendere, ac morticinis cadaucribus implicari, ventris necessitate compellitur. Quibus manifestissime comprobatur Gastrimargiæ spiritum nequaquam posse, ut cetera vitia, rescari, vel per omnia semel extinguui, sed aculeos eius ac superfluos appetitus virtute animi retundi tantum, ac cohiberi.

22 110 D

De persuerantia Gastrimargiæ aduersus Philosophos disputata. Cap. XXI.

Nam huius vitij naturam quidam senum cum philosophis disputans, qui eum pro simplicitate Christiana velut rusticum crederent fatigandum, sub hoc problematis figurans colore eleganter expressit. Multis, inquit, creditoribus pater meus me reliquit obnoxium; ceteris ad integrum soluens, ab omni sum eorum conventionis molestia liberatus, vni satisfacere quotidie soluendo non possum. Cumque illi ignorantes vim propositæ quæstionis, absolu-

tionem

tionem eius precario postularent. Multis, ait, vitijs sui naturali condicione constrictus, sed inspirante Domino desiderium libertatis, cunctis illis tamquam molestissimis creditoribus renuntians huic mundo, & omnem substantiam, quæ mihi successione patris obuenerat, pariter a me abiiciens satisfeci, atque ab eis sum omnimodis absolutus; Gastrimargiæ vero stimulis nullo modo carere præualui. Nec enim quamuis eam in paruum modum vilissimamq. redegerim quantitatem, vim quotidianæ compulsionis euado, sed necesse est me perpetuis eius conuentionibus perurgeri, & interminabilem quandam solutionem iugi functione dependere, atque inexplebile indictionibus eius inferre vectigal. Tum illi hunc, quem velut idiotam ac rusticum ante despexerant, pronunciauerunt primas philosophiæ partes, id est, ethicam disciplinam, apprime comprehendisse, mirari admodum potuisse eum naturaliter assequi, quod nulla sæcularis eruditio contulisset, cum ipsi sudore multo longaq. doctrina hæc attingere nequiuissent. Hæc specialiter de Gastrimargia dixisse sufficiat. Nunc reuertamur ad disputationem, quam de generali vitiorum cognatione cœperamus exponere.

Cur Abraham prædixerit Deus decem gentes expugnandas a populo Israel. Cap. XXII.

Gen. 15

Cum ad Abraham de futuris Dominus loqueretur, quod vos minime requisistis, non septem gentes legitur dinumerasse, sed decem, quarum terra semini eius danda promittitur. Qui numerus adiecta Idololatria, atque Blasphemia euidenter impletur, quibus ante notitiam Dei & gratiam baptismi, vel impia gentilium, vel blasphema Iudæorum multitudo subiecta est, donec in intellectu Aegypto commoratur. Si autem abrenuntians quis & egressus exinde per Dei gratiam deuicta pariter Gastrimargia ad eremum peruenerit spiritalem, de impugnatione trium gentium liberatus, contra septem tantum, quæ per Moysen dinumerantur bella suscipiet.

Quomodo utile nobis sit vitiorum terras possidere.

Cap. XXIII.

Quod vero istarum perniciosarum gentium regiones salubriter possidere præcipimur, ita intelligitur. Habet vnumquodque vitium in corde nostro propria statione, quam sibi vindicans in animæ nostræ recessu exterminat Israëllem,

Israelem, id est, contemplationem rerum summarū atque sanctarum, eisq. semper aduersari non desinit. Non enim possunt virtutes cum vitijs pariter commorari. Quæ enim participatio iustitiæ cum iniquitate? aut quæ societas luci ad tenebras? Sed cum ab Israelis populo, id est, virtutibus contra se dimicantibus vitia fuerint superata, locum quem sibi in corde nostro concupiscentiæ vel Fornicationis spiritus retentabat, deinceps castitas obtinebit: quem Furor cœperat, patientia vindicabit: quem Tristitia mortem operans occupauerat, salutaris & plena gaudio & lætitia possidebit: quem Acedia vastabat, incipiet excolere fortitudo: quem Superbia conculcabat, humilitas honestabit: & ita singulis vitijs expulsis, eorum loca, id est affectus, virtutes contrarię possidebunt. Quæ filij Israel, id est, animæ videntes Deum, non immerito nuncupantur, qui cum vniuersas cordis expulerint passionēs, non tam alienas possessiones perualisse quàm proprias recuperasse credendi sunt.

Quod terra, de quibus expulsi sunt populi Chanaanorum, semini Sem fuerint deputata. Cap. XXIV.

ETenim, quantum docet vetus traditio, has easdem terras Chanaanorum in quas introducuntur filij Israel, filij Sem fuerant quondam in orbis diuisione sortiti, quas deinceps per vim atque potentiam posteritas Cham perualisionis iniquitate possedit. In quo & Dei iudicium rectissimum cōprobat, qui & illos de locis alienis, quę male occupauerat expulit, & istis antiquam patrum possessionem, quæ profapiæ eorum in diuisione orbis fuerat deputata, restituit. Quę figura in nobis quoque stare certissima ratione cognoscitur. Nam voluntas Domini possessionem cordis nostri non vitijs sed virtutibus naturaliter deputauit. Quæ post prænationem Adæ insolescentibus vitijs, a propria regione depulsa, cum ei rursus per Dei gratiam diligentia nostra a c labore fuerint restitutæ; non tam alienas occupasse terras quàm proprias credendæ sunt recepisse.

Testimonia diuersa super significatione octo vitiorum.

Cap. XXV.

DE his octo vitijs & in Euangelio ita significatur: Cum autem immundus spiritus exierit ab homine, ambulat per loca arida, quærens requiem & non inuenit. Tunc dicit: Reuertar in domum meam vnde exui. Et veniens inue-

2. Cor. 6.

al. tristitia.

Matt. 12.

inuēnit vacantem, scopis mundatam, & ornatam. Tunc vadit & assumit alios septem spiritus nequiores se, & intrantes habitant ibi, & fiunt nouissima hominis illius peiora prioribus. Ecce ut ibi septem gentes legimus, excepta Aegyptiorum, de qua egressi fuerant filij Israel, ita & hic septem introire spiritus dicuntur immundi, excepto eo, qui ab homine prius narratur egressus. De hoc septenario fomite vitiorum Salomon quoque in Prouerbijs ita describit:

Prov. 26. Si te rogauerit inimicus magna voce, ne consenseris ei; **sec. lxx.** septem enim nequitiae sunt in anima eius. id est, si superatus

Gastrimargiae spiritus coeperit tibi sua humiliatione blandiri, rogans quoddam modo, ut aliquid relaxans a coepto feruore impertias ei, quod continentiae modum & mensuram iustae districtiois excedat, ne resoluaris subiectione eius, nec aridente impugnationis securitate, qua videris paulisper a carnalibus incentiuis factus quietior, ad pristinam remissionem vel praeteritas gulae concupiscentias reuertar.

Matt. 12. Per hoc enim dicit spiritus ille, quem videras: Reuertar in domum meam vnde exiui. Et procedentes ex eo confestim septem spiritus vitiorum, erunt tibi acriores quam illa passio, quae in primordijs fuerat superata, quae te mox ad deteriora pertrahent genera peccatorum.

Quod deuicta passione gula impendendus sit labor ad virtutes ceteras obtinendas. Cap. XXVI.

Quapropter ieiunij & continentiae incubantibus nobis, festinandum est, ut superata gula passione, protinus animam nostram vacuam esse a necessarijs virtutibus non sinamus, sed eis vniuersos recessus cordis nostri studiosius occupemus, ne reuersus concupiscentiae spiritus, inanes nos ab ipsis vacantesque reperiat, & non sibi iam soli aditum parare contentus, introducat secum in animam nostram septenarium hunc fomitem vitiorum, & faciat nouissima nostra peiora prioribus. Turpior enim erit post haec & immundior anima, ac supplicio grauiore plectetur, quae se renuntiasse huius saeculo gloriatur, dominatibus sibi octo vitijs, quam fuerat quondam in saeculo constituta, cum nec disciplinam monachi fuisset professa nec nomen. Nam & nequiores hi septem spiritus illo priores, qui egressus fuerat, ideo dicuntur, quia desiderium gulae, id est, Gastrimargia per sese non esset adeo noxia, nisi intromitteret grauiores alias passiones, id est, Fornicationis, Philargyniae, Irae, Tristitiae,

Tristitiæ, siue Superbiæ, quæ per semet hoxiâ animæ ac pe-
remptoria esse non dubium est. Et idcirco perfectionis pu-
ritatem numquam poterit obtinere, quisquis eam de hac
sola continentia, id est, ieiunio corporali sperauerit acqui-
rendam, nisi nouerit ob id se hanc exercere debere, vt humi-
liata carne ieiunijs, facilius aduersus alia vitia possit inire
certamen, non insolescente carne saturitatis ingluuie.

*Quod non idem ordo præliorum sit, qui ponitur in catalo-
go vitiorum. Cap. XXVII.*

Sciendum tamen non eundem esse in omnibus nobis or-
dinem præliorum, quia sicut diximus, non vno modo
impugnamur omnes, & oportet vnumquemque nostrum se-
cundum qualitatem belli, quo principaliter infestatur, cer-
tationum lætamen arripere, ita vt alium necesse sit aduer-
sus vitium quod tertium ponitur, primum exercere conflu-
ctum, alium contra quartum seu quintum, & ita prout ipsa
vitia in nobis obtinent principatum, vtque impugnationis
exigit modus, nos quoq. oportet ordinem instituere prælio-
rum, secundum quæ prouentus quoque victoriæ triumphiq.
succedens, faciet nos ad puritatem cordis & perfectionis
plenitudinem peruenire. Hucusque abbas Serapion de natu-
ra octo principalium vitiorum nobis edisserens, latentium
in corde nostro passionum genera, quarum causas atque affi-
nitates, cum ab ipsis quotidie vastatemur, nec cognoscere
penitus antea, nec discernere poteramus, ita lucide resera-
uit, vt eas quodammodo ante oculos positas, intueri nobis
velut in speculo videremur.

QVINTÆ COLLATIONIS

*abbatis Serapionis de octo princi-
palibus vitijs Finis.*

COLLATIO SEXTA.

QVÆ EST THEODORI ABBATIS,

DE NECE SANCTORVM.



Descriptio eremi, & inquisitio de nece sanctorum. Cap. I.

Arabs. I.



N Palæstinae partibus, iuxta Thecæ vicum, qui Amos prophetam meruit procreare, solitudo vastissima est vsque Arabiam ac mare mortuum (quo ingressa deficiunt fluenta Iordanis, & cineres Sodomorum) amplissima extensione porrecta. In hac summæ vitæ ac sanctitatis monachi diutissime commorantes, repente sunt a discurrentibus Saracenorum latrunculis interempti. Quorum corpora licet sciremus tam a pontificibus regionis illius quàm ab vniuersa plebe Arabum cuncta veneratione præcepta, & inter reliquias martyrum condita, vt innumeri populi e duobus oppidis concurrentes grauissimū sibi certamen indixerint, & vsque ad gladiatorum conflictum pro sancta rapina sit eorum progressa contentio, dum pia inter se deuotione decertant, quinam iustus eorum sepulchra ac reliquias possiderent, alijs scilicet de vicina commorationis ipsorum, alijs de originis propinquitate glorianibus: nos tamē vel nostra vel quorundam non mediocriter ex hac parte scadalizantium frantum offensione perimoti, inquirentesq. cur tanti meriti ac tantarum virtutum viri ita sint a latrunculis interfecti, tantumq. Dominus passus fuerit erga suos famulos facinus perpetrari, vt viros cunctis mirabiles in manus traderet impiorum; mœsti ad sanctum Theodorum singularē in conuersatione actuali perreximus virum. Hic namq. morabatur in Cellis, qui locus inter Nitriā ac Scithin situs, & a monasterijs quidem Nitriæ quinque milibus distans, octoginta milium solitudine ab eremo Scithi in qua commorabamur interueniente discernitur. Cui cum de prædictorum virorum nece queri-

querimoniam fudissemus, admirantes tantam Dei patientiam, quod viros scilicet illius meriti taliter interim permisisset, ut qui alios quoque sue sanctitatis pōdere de huiusmodi liberare tentatione debuerint, ne seipsos quidē praeiudicarent de manibus impiorum; aut cur Deus admitti in seruos suos tantū facinus cōsensisset; beatus Theodorus respondit. *al. concessisset.*

Responsio abbatis Theodori ad propositam questionem.

Cap. I I.

HAec quæstio illorum solet animos permouere, qui parum fidei vel scientiæ possidentes, merita sanctorum vel præmia, (quæ non in præsentī redduntur, sed reposita sunt in futurum) arbitrantur in huius temporalis vitæ breuitate restitui, Ceterum nos qui noui sumus in hac vita tantum sperantes in Christo (ne, secundum Apostolum, miserabiliores simus omnibus hominibus, quia scilicet in hoc mundo nihil promissionum recipientes, etiam in futuro eas pro hac incredulitate perdamus) opinionibus eorum non debemus errare; ne ignorata veræ definitionis sententia titubantes, ac trepidi in tentationibus, cum eisdem nos quoque moueamur, vel iniusticiam scilicet, vel incuriam humanarum rerum Deo (quod dictū quoque nefas est) adscribentes, quia sanctos viros recteque viuentes in tentatione non protegat, nec bonis ea, quæ bona sunt, nec malis mala retribuat in præsentī, & cum illis damnati mereamur, quos Sophonias propheta castigans: Qui dicunt, inquit, in cordibus suis, non faciet Dominus bene, sed neque faciet male, vel certe cum illis inueniamur, qui huiusmodi querimonijs Deum blasphemare dicuntur: Omnis qui facit malum, bonus est in conspectu Domini, & tales ei placeant; aut certe ubi est Deus iustitiæ, illam quoque blasphemiam quæ in subsequentiis describitur, similiter adiungentes: Vanus est qui seruit Deo, & quod emolumentum quia custodiimus præcepta eius, & quia ambulauimus tristes coram Domino? Ergo nunc beatos dicimus arrogantes. siquidem ædificati sunt facientes impietatem, & tentauerunt Deum, & salui facti sunt. Quamobrem ut hanc ignorationem, quæ prauissimi huius erroris radix & causa est, possimus euadere, primum nosse debemus, quid vere sit bonum, quid malum, & ita demum super his non falsam vulgi, sed veram scripturarum definitionem tenentes, minime infidelium hominum decipiemur errore.

1. Cor. 13.

Sophon. 2.

Malac. 2.

Malac. 3.

*De tribus quæ in hoc mundo sunt, id est, bonis, malis,
& medijs. Cap. III.*

TRia sunt omnia quæ in hoc mundo sunt, id est, bonum, malum, medium. Debemus itaque nosse quid proprie bonum, quid malum, quidve sit medium, ut nostra fides, vera scientia communiter in cunctis tentationibus inconcussa perduret. Nihil igitur in rebus dumtaxat humanis principale bonum esse credendum est, nisi virtus animi sola, quæ fide sincerâ nos ad diuina perducens illi immutabili bono facit ingiter inhærere. Et e contrario nil malum esse dicendum est, nisi peccatum solum, quod a bono Deo nos separans, malo facit diabolo copulari. Media sunt, quæ in utramque partem pro affectu & arbitrio videntis deriuari possunt, ut puta, diuitiæ, potestas, honor, robur corporis, sanitas, pulchritudo, vita ipsa, vel mors, paupertas, infirmitas carnis, iniuriæ, & cetera his similia, quæ pro videntis qualitate & affectu, vel ad bonam possunt partem proficere, vel ad malam. Nam & diuitiæ proficiunt frequenter ad bonum, secundum Apostolum, qui diuitibus huius mundi præcipit, ut facile tribuant, communicent indigentibus, thesaurizent sibi fundamentum bonum in futurum, ut per has apprehendant veram vitam. Et secundum Euangelium bonæ sunt illis qui sibi amicos faciunt de iniquo mammona. Quæ rursus retorquentur ad malum, cum ad recouedendum tantummodo, vel ad luxuriam congeruntur, & non ad vsum indigentium dispensantur. Potestas quoque & honor, corporisq. robur ac sanitas, quàm sint media & utrobique conuenientia, etiam ex hoc facile comprobatur, quod multi sanctorum in veteri testamento potiti his omnibus, & in summis diuitijs & culmine dignitatum ac fortitudine corporis constituti, Deo quoque acceptissimi fuisse nesciuntur. Et ediuerso qui his male abusi sunt, & ea ad ministerium suæ nequitie detorserunt, non immerito vel puniti sunt vel extincti; quod frequenter Regnorum liber indicat factum. De ipsa etiâ vita ac morte, quod mediæ sint, vel sancti Ioannis, vel Iudæ natiuitas protestatur. Vnius namque in tantum sibi met vita profuit, ut alijs quoque gaudium ortus eius contulisse dicatur, secundum illud: Et multi super eius natiuitate gaudebunt: de alterius vero dicitur vita; Bonum erat ei si natus non fuisset homo ille. De morte etiam Ioannis, omniumque sanctorum dicitur

tur: Pretiosa in conspectu Domini mors sanctorum eius. De iudæ autem similiumq. eius: Mors peccatorum pessima. Infirmitas etiam carnis interdum quam sit commoda, Lazari illius ulcerosi beatitudinē demonstrat. Cuius cum nulla alia virtutum merita scriptura cōmemoret, pro hoc solo quod egestatem & infirmitatem corporis patientissime tolerauit, sinus Abrahæ requiem possidere beatissima forte promeruit. Egestas quoque ac persecutiones & iniuriæ, quæ mala esse totius vulgi opinione censentur, quam sint vtilis ac necessariæ etiam ex hoc liquido comprobatur, quod sancti viri nō solum eas numquam vitare voluerunt, verum etiam virtute summa vel appetentes, vel fortiter tolerantes, amici Dei effecti, æternæ vitæ sint stipendia consecuti, beato Apostolo concinente: Propter quod placeo mihi in infirmitatibus, in contumelijs, in necessitatibus, in persecutionibus, in angustijs pro Christo. Cum enim infirmior, tunc potens sum; quia virtus in infirmitate perficitur. Et idcirco illi qui summis huius sæculi diuitijs & honoribus ac potestatibus extolluntur, non ex his principale bonum obtinisse credendi sunt, quod in solis esse virtutibus definitur, sed medium quidam: quia sicut iustis recte ac necessarie vtilibus vtilia hæc esse reperiuntur & commoda, (occasionem namque operis boni fructusque in illius vitæ æternitate parturiunt,) ita illis qui male abutuntur inutiles sunt ac incommodæ, & occasionem peccati mortisque conciunt.

Quod malum nulli inuito ab alio possit inferri. Cap. IV.

HAs itaque diuisiones fixas atque immobiles retinētes, scientesque nihil esse bonum, nisi virtutem solam, quæ ex timore Dei ac dilectione descendit, nec malum quidquam nisi peccatum solum, & separationem a Deo, diligenter nunc discutiāmus, verum Deus vnumquam sanctis suis, aut per se, aut per alium quempiam inferri permiserit malum: quod siue dubio nusquam omnino reperies. Nec enim potuit aliquando cuiquam nolenti ac resistenti malum peccati alter inferre, nisi illi soli qui illud in sele cordis igravia & corrupta voluntate suscepit. Denique cum beato Iob diabolus adhibitis vniuersæ nequitie sue machinis malum hoc peccati voluisset inferre, ac non solum cunctis eum facultatibus spoliasset, verum etiam post illum de morte septem filiorum tamque atrocem tamque inspera-

Job. 1. rum orbitatis dolorem, vulnere cum pessimo a capitis vertice usque ad plantam pedum, & intolerandis cruciatibus onerasset, nequaquam ei peccati maculam quiviit infligere, quia in cunctis immobilis perseverans, nullum blasphemie accommodavit assensum.

Obiectio, quemadmodum Deus dicatur creare mala.

GERMANVS. Cap. V.

Esai. 45. **F**requenter legimus in scripturis sanctis Deum creasse mala, vel hominibus intulisse, ut est illud: Quoniam absque me non est Deus, ego Dominus, & non est alter, formans lucem, & creans tenebras, faciens pacem, & creans mala. Et iterum: Si est malitia in ciuitate, quam Dominus non fecit?

Amos. 3.

sec. lxx.

cap. 1.

Responsio super interrogatione proposita.

THEODORVS. Cap. VI.

Hebr. 12.

Ibid.

Ibid.

Hiere. 20.

Iona 4.

sec. lxx.

Esai. 20.

sec. lxx.

Hiere. 11.

Nonnumquam solet scriptura diuina abusiue mala pro afflictionibus ponere, non quia per naturam proprie mala sunt, sed secundum hoc quod ab his sentiatur mala quibus utiliter inferuntur. Cum hominibus enim disputans diuina censura, necesse est ut humanis verbis & affectibus eloquatur. Etenim sectio vel vstio salutatis, quæ illis qui vicerum contagione putrefacti sunt, pie inferitur a medico, mala a tolerantibus creditur, nec equo calcatur, nec emendatio suavis est delinquenti. Omnes etiam disciplinae his qui crudiuntur amaræ sentiuntur ad præsens, sicut Apostolus dicit: Omnis autem disciplina in præsentem non videtur esse gaudij sed mœoris, postea autem fructum pacatissimi in his, qui per se exercitati sunt, reddit iustitiæ. Et: Quæ diligit Dominus corripit, flagellat autem omnem filium quem recipit. Quis enim est filius quem non corripit pater? Itaque mala nonnumquam poni pro afflictionibus solent, secundum illud: Et pœnitunt Deum super malitiam quam locutus est ut faceret eis, & non fecit. Et iterum: Quia tu Domine misericors, & miserator, patiens & multum misericors, & pœnitens in malitijs, id est, super tribulationibus & ærumnis quæ nobis pro peccatorum nostrorum meritis inferre compelleris. Quas sciens viles esse nonnullis, ita alius propheta, vtrique non inuidens salutem eorum, sed consulens, imprecatur dicens: Adde illis mala Domine, adde mala gloriosis terræ. Et ipse Dominus: Ecce, inquit, inducam super eos mala, id est, dolores ac vastitates, quibus in præ-

presenti salubriter castigati, ad me, quem in rebus prosperis contempserunt, reuerti tandem ac festinare cogantur. Ideoque hæc principalia esse mala non possumus definire; multus enim ad bonum proficiunt, & causas æternorum pariter gaudiorum. Et idcirco ut ad quæstionem propositam recurramus, vniuersa quæ putantur mala nobis ab inimicis, vel a quibuscumq. alijs irrogari, non sunt credenda mala esse, sed media. Non enim talia inuenientur qualia putat esse ille, qui intulit animo fimbundo, sed qualia senserit ille qui sustinet. Ideoque cum illata fuerit mors viro sancto, non ei malum illatum esse credendum est, sed medium quoddam. Quod cum peccatori malum sit, iusto requies & absolutio fit malorum: Mors enim viro requies, cuius via abscondita est. Et ideo nec vir iustus ex hac aliquod perpetitur detrimentum qui nihil pertulit noui, sed id quod ei accessurum fuerat necessitate naturæ, inimici nequitia non sine præmio vitæ perennis excepit, ac debitum mortis humanæ quod inexcusabili lege reddendum est, cum fructu vberimo passionis, ac magnæ remunerationis mercede persoluit.

*Iob. 3.
sec. lxx*

Interrogatio, an reus sit, qui iusto intulit mortē, cum iustus hāc GERMANVS beat de morte mercedem. Cap. VII.

ERGO si interemptus iustus non solum nihil mali perpeſſus est, sed etiam mercedem passionis assequitur, quomodo in reatum vocabitur, qui non nocuit mortem inferendo, sed profuit?

Responsio ad præcedentem interrogationem. (Iubus)

THEODORVS

Cap. VIII.

NOS de proprietate boni malique, vel eius quod diximus esse medium disputamus, non de affectu eorum qui ista committunt. Nec enim quis impius vel iniquus idcirco impunitus erit, quia malitia sua iusto nocere non potuit. Tolerantia enim & virtus iusti non illi, qui mortem vel supplicia intulit, sed illi proficit ad mercedem, qui illata sibi patienter excepit. Ideoque & hic merito punietur pro crudelitatis scruitia, qua malum voluit inferre, & ille nihilominus nihil mali perpeſſus est, quia virtute animi sui patienter tentationes doloresq. sustentans, ea quæ malo proposito illata sunt, ad profectum melioris status, & æternæ vitæ fecit beatitudinem pertinere.

Exem-

Exemplum beati Iob a diabolo tentati, & Domini a Iuda traditi: & quod iusto tam prospera quam aduersa proficiant ad salutem. Cap. IX.

Rom. 8.

1. Cor. 6.

Psal. 118.

Eccle. 27.

NEque, cum patientia Iob mercedē diabolo quia eum illustriorem suis tentationibus reddidit, sed illi ipsi qui eas viriliter pertulit, acquisiuit; nec Iudas æterni supplicij immunitate donabitur, quia proditio eius ad salutem generis profecit humani. Non enim prouentus considerandus est operis, sed operantis affectus. Quapropter hæc debet in nobis definitio immobiliter custodiri, quod nulli malum ab alio possit inferri, nisi qui illud ignauia sui cordis ac pusillanimitate contraxerit; hanc eandem sententiā beato Apostolo vno versiculo confirmante: Scimus autem quoniam diligentibus Deum omnia coöperantur ad bonum. Dicens enim; Omnia coöperantur ad bonum; vniuersa non solum prospera, verum etiam quæ putantur aduersa pariter comprehendit. Per quæ & in alio loco idem Apostolus se transisse describit, cum dicit: Per arma iustitiæ, quæ sunt a dextris, & a sinistris, id est, per gloriam & ignobilitatem, per infamiam & bonam famam, vt seductores & veraces, vt tristes, semper autem gaudentes, vt egentes, multos autem locupletantes, &c. Omnia ergo quæ prospera reputantur, & dextræ dicuntur partis, quæ sanctus Apostolus gloriæ & bonæ famæ vocabulo designauit; illa etiam quæ existimantur aduersa, quæ per ignobilitatem & infamiam euidenter expressit, quæque a sinistris esse describit, efficiuntur viro perfecto arma iustitiæ, si illata sibi magnanimitè sustentauerit; quod videlicet per hæc dimicans, & istis ipsis quibus impugnari putatur aduersis tamquam armis vtendo, eisque velut arcu & gladio scutoque validissimo contra illos, qui hæc ingerunt communitus, profectum suæ patientiæ ac virtutis acquirat, gloriosum constantiæ triumphum ex ipsis quæ letaliter inferuntur capiens hostium telis, nec prosperis dumtaxat elatus, nec deiectus aduersis, sed itinere plano ac via regia semper incedens, ab illo tranquillitatis statu nequaquam lætitia superueniente quasi in dexteram motus, nec aduersus ingruentibus, tristitiaque dominante velut ad leuam rursus impulsus. Pax enim multa diligentibus nomen tuum, & non est illis scandalum. De illis vero qui per singulos incurrentes casus pro eorum qualitate ac varietate mutantur, ita dicitur: Stultus autem sicut luna mu-

mutatur: Vt enim de perfectis ac sapientibus dicitur: Diligentibus Deum omnia cooperantur ad bonum; ita de infirmis pronunciatur ac stultis: Omnia aduersa viro insipienti: nec prosperis enim rebus proficit, nec emendatur aduersis. Eiusdem namque virtutis est tristitia fortiter tolerare, cuius etiam secunda moderari; & cum qui in vno eorum superatur, neutrum sufferre certissimum est. Facilius tamen quis elidi potest prosperis, quàm aduersis. Hæc enim interdum etiam inuitos retinent atq. humiliant, & compunctione saluberrima vel minus peccare faciunt, vel emendant: illa vero mollibus mentē ac perniciosos extollentia blandimentis, securos felicitatis suę prouentu ruina maiore prosternunt.

Rom. 14.

Prov. 14.

sec. lxx.

De virtute viri perfecti, qui ambidexter figuraliter nuncupatur. Cap. X.

Isti sunt ergo qui figuraliter in scripturis sanctis ἀμφοτεροδέξιοι, id est, ambidextri nuncupantur, vt ille Aod in libro Iudicum fuisse describitur, qui vtraque manu utebatur pro dextera. Quam virtutē ita poterimus nos quoque intellectualiter possidere, si ea, quæ aduersa sunt dexteraq. consentur, & ea, quæ aduersa sunt ac sinistra dicuntur, bono rectoque vsu ad partem dextram fecerimus pertinere, vt quęcumq. fuerint illata, fiant nobis, secundum Apostolum, arma iustitiæ. Duabus namq. partibus, & (vt ita dixerim) manibus interiorem hominem nostrum subsistere peruidemus; nec quisquam sanctorum carere hac sinistra, quam dicimus, potest, sed in hoc virtus perfecta discernitur, si vtramque in dextrā bene vtendo cōuertat. Et vt manifestius hoc quod dicimus possit intelligi, habet vir sanctus dexteram, successus videlicet spirituales, in qua tunc consistit, quando feruens spiritu, desiderijs & concupiscentijs omnibus dominatur, quando ab omni diabolica impugnatione securus absque vlllo labore ac difficultate vitia carnis vel respuit vel abscidit, cū sublimatus a terra vniuersa præsentia atque terrena velut inanē fumum vmbraque vacuam contemplatur, & vt mox transitura cōtemnit, cum futura per excessum mentis, non solum ardentissime concupiscit, verum etiam clarius intuetur, cum efficacius spiritalibus pascitur theorijs, cum lucidius reuerata sibi conspiciat cælestia sacramēta, cum orationes purius atque alacrius emittit ad Deum, cum ita spiritus ardore succensus ad ea

Iudic. 3.

2. Cor. 6.

membrorum glebas vermium mersis in profunda vulne-
rum digitis detrahebat. In quibus cunctis in nullâ desperan-
do blasphemiam est prolapsus, nec aduersus creatorem suum
in aliquo murmurauit, quinimmo nequaquam tanta tenta-
tionū mole atque acerbitate conterritus, ipsū quoque quod
ex omni pristina facultate suo corpori superfuerat indumē-
tum, quodq. solum quia ipso vestiebatur, a diaboli potue-
rat vastatione saluari, rescindens atque abiiciens adiecit su-
per illam quam dirissimus prædo intulerat spontaneam
nuditatem. Comam quoque capitis, quæ sola de prioris glo-
riæ reliquijs intacta remāserat, vexatori suo proiecit abici-
sam, & amputans etiam id quod sæuiens reliquerat inimi-
cus, illa cælesti aduersus eum voce tripudiat & insultat: Si
bona suscepimus de manu Domini, mala non sustinebi-
mus? Nudus egressus sum de utero matris meæ, nudus re-
uertar illuc. Dominus dedit, Dominus abstulit, sicut Do-
mino placuit, sic factum est: sit nomen Domini benedictū.
Ambidextrum etiam merito dixerim Ioseph, qui in prospe-
ris gravior patri, religiosior fratribus, acceptior Deo: in ad-
uersis castus, domino fidelis, carceris mirissimus victis,
injuris immemor, beneficis inimicis, inuidis, & quantum
in ipsis suis interfectoribus fratribus non solum pius, sed
etiam munificus inuenitur. Hi ergo eorumq. consimiles
recte ἀμφοτεροδέκται, id est, ambidextri nuncupantur. Vtraq.
enim manu utitur pro dextra, & inter hæc, quæ Aposto-
lus dinumerat transeuntes, pariter dicunt: Per arma iusti-
tiæ, quæ a dextris sunt, & a sinistris, per gloriam & ignobi-
litatem, per infamiam & bonam famam, &c. De qua dexte-
ra vel sinistra ita Salomon ex persona sponsæ loquitur in
Cantico canticorum: Leua eius sub capite meo, & dextera
illius amplexabitur me. Quas licet utraq. viles esse signi-
ficet, tamen leuam sub capite suo ponit, quia subiacere de-
bent aduersæ partes principali. Ad hoc siquidem ran-
tum viles sunt, ut pro tempore nos exerceant & erudiant
ad salutem, ac perfectos ad patientiam reddant: dexteram
vero ad confouendam se ac perpetuo conservandam salu-
tari amplexu sponsi sibi met cohære, atque insolubiliter ei
oprat innecti. Erimus igitur ambidextri, quando nos quo-
que rerum præsentium copia vel inopia non mutarit, &
nec illa nos ad voluptatis noxiæ remissionem impulerit,
nec ista ad desperationem attraxerit, & querelam; sed simi-

Job. 1.

Job. 2.

Ibid.

Genes.

cap 37.

Gen. 39.

2. Cor. 6.

Cantis. 2.

liter Deo grates in utroque referentes parem fructum de secundis aduersisq. capiemus, qualem se ille verus ambidexter doctor gentium fuisse testatur, dicens: Ego enim didici in quibus sum sufficiens esse. scio & humiliari, scio & abundare; vbique & in omnibus institutus sum, & saturari, & esurire, & abundare, & penuriam pati; omnia possum in eo qui me confortat.

De duplici genere temptationum, qua triplici modo inferuntur. Cap. XI.

Ergo licet dixerimus temptationem bipartitam esse, id est, in rebus vel prosperis vel aduersis, sciendum est tamen omnes homines triplici ratione tentari. Plerumque ob probationem, nonnumquam ob emundationem, interdum ob merita delictorum. Et ob probationem quidem, vt beatum Abraham, vt Iob, multosq. sanctorum quos tribulationes innumeras legimus pertulisse: vel illud quod in Deuteronomio dicitur ad populum per Moysen: Et recondaberis cuncti itineris, per quod adduxit te Dominus Deus tuus quadraginta annis per desertum, vt affligeret te atque tentaret, & nota fierent, quæ in tuo animo versabantur, vtrum custodires mandata illius, an non. & illud quod in Psalmo dicitur: Probaui te apud aquam contradictionis. Iob quoque: An putas me tibi aliter locutum, quam vt appareres iustus? Ob emundationem vero, cum Dominus iustos suos pro paruis quibusdam leuibusq. peccatis, seu pro elatione suæ puritatis humilians diuersis temptationibus tradit: vt omnem sordem cogitationum, & vt verbis Prophetæ dicam: Scoriam quam in occultis eorum peruidet esse concretam, excoquens in præsentem, velut aurum purum futuro transmittat examini, nihil in eis residere permittens, quod scrutans post hæc iudicii ignis prænali cruciatu expurgaturus inueniat, secundum illud: Multæ tribulationes iustorum. &: Fili, noli negligere disciplinam Domini, neque fatigeris dum ab eo increparis. quæ enim diligit Dominus, corripit; flagellat autem omnem filium quem recipit. quis enim est filius, quem non corripit pater? Quod si extra disciplinam estis, cuius participes facti sunt omnes, ergo adulterini & non filij estis & in Apocalypsi: Ego quos amo, arguo & castigo. Ad quos etiam sub figura Hierusalem, ex persona Dei ita per Hieremiam sermo dirigitur: Faciam enim consummationem in cunctis gentibus in qui-

in quibus dispersi te, te autem non faciam in consummationem, sed castigabo te in iudicio, ut non tibi videaris innoxius. Pro qua saluari emundatione orat David, dicens: Proba me Domine & tenta me; virenes meos & cor meum. Hieremias quoque utilitatē huius tentationis intel-
Psal. 25.
 ligens: Corripe, inquit, nos Domine, verumtamen in iudicio, & non in furore tuo. Et Esaias: Confitebor tibi Domine quoniam iratus es mihi, conuersus est furor tuus, & consolatus es me. Pro merito autem peccatorum plaga tentationis inferitur, ut vbi plagas populo Israeli immisurum se Dominus comminatur, dicens: Dentes bestiarum immit-
Dent. 32.
 tam in eos, cum furore trahentium super terram. & Frustra percussis filios vestros, disciplinam non recepistis. In
Hiere. 20.
sec. lxx.
 Psalmis quoque: Multa flagella peccatoris. Et in Euange-
Psal. 31.
 lio: Ecce sanus factus es, iam noli peccare, ne deterius tibi
Iean. 5.
 aliquid contingat. Inuenimus sane & quam rationem, qua ob manifestandam solummodo gloriam & opera Dei inferri quibusdam aliquas passiones scripturarum auctori-
Ioan. 9.
 tate cognoscimus, secundum illud Euangelij: Neque hic pec-
Ioan. 11.
 cavit, neque parentes eius, sed ut manifestentur opera Dei in illo. Et iterum: Infirmitas hæc non est ad mortem, sed pro gloria Dei, ut glorificetur filius Dei per ipsam. Sunt
 autem & alia vltionum genera, quibus nonnulli qui mali-
Num. 16
 tiæ supergressi sunt cumulum percutiuntur ad præsens, ut
Rom. 1.
 Dathan & Abiron siue Core legimus fuisse damnatos, & vel maxime illos, de quibus Apostolus dicit: Propter quod tradidit illos Deus in passiones ignominie, & in reprobum sensum; quod etiam ceteris poenis grauius iudicandum est. De ipsis namque Psalmista: In laboribus, inquit, hominum non sunt, & cum hominibus non flagellabuntur. Non enim merentur saluari visitatione Domini, nec temporalibus plagis consequi medicinam; qui desperantes, semetipsos tradiderunt impudicitie, in operationem
Psal. 72.
 omnis erroris in immunditiam; quiq. obduratione cordis, & vsu ac frequentia delinquendi purgationem breuissimi huius æui & vltionem vitæ præsentis excedunt. Quibus per Prophetā sermo diuinus exprobrat: Subueriti vos sicut
Ephes. 4.
 subuertit Deus Sodomam & Gomorram, & facti estis sicut torris erutus de incendio; & nec sic redistis ad me, dicit Dominus. Et Hieremias: Interfeci & peridi populum
Amos. 4.
 meum, & tamen a vijs suis non sunt reuersi. Et iterum:
Hiere. 15
 Per-

Niere. 5. Percussisti eos & non doluerunt, attriuiſti eos & renuerunt accipere diſciplinam, indurauerunt facies ſuas ſuper petram, & noluerunt reuerti. Erga quorum curationem, omnē temporis iſtius medicinam videns propheta incaſſum fuiſſe conſumptam, deſperans quodammodo iam de eorum

Iiere. 6. ſalute proclamatur: Deſecit ſufflatorium, in igne conſumptū eſt plumbum, fruſtra conſlauit conſlator; malitiæ enim eorum non ſunt conſumptæ, argentum reprobum vocat eos, quia Dominus proiecit illos. Hanc ſalutarem ignis purgationem circa eos qui prædurati ſunt ſcelenibus ſuis, inaniter ſe Dominus adhibuiſſe ſub figura ollæ concretæ

Ezech. 24 profunda rubigine peccatorum, ita conqueritur: Pone, inquiens, eam ſuper prunas vacuam, vt incaleſcat & liqueſcat æs eius; & conſectur in medio eius inquinamentum eius, & conſumatur rubigo eius: multo labore ſudatum eſt, & non exiit de ea nimia rubigo eius, neque per ignē. Immunditia tua exetabilis; quia mundare te volui, & non es mundata a ſordibus tuis. Quamobrem vt peritiſſimus medicus expenſis omnibus ſalutaribus curis, nec vllum iam remedij genus, quod infirmitati eorum poſſit aptari Dominus ſuper eſſe cōſpiciens, quodammodo iniquitatum magnitudine ſuperatur, ac diſcedere ab illa clementi ſua

Ezech. 16 caſtigatōe compellitur; itaque eis denunciatur, dicens: Iam non irāſcar tibi: & zelus meus receſſit a te. De alijs vero quorum non prædurauit cor frequentia peccatorum, nec illa ſeueriſſima, & (vt ita dixerim) cauſtica indigent medicina, ſed eruditio ſalutaris verbi ſufficit ad ſalutem, dicitur: Emendabo eos in auditu tribulationis ſuæ. Non ignoramus alias quoque animaduerſionum ſue vltionum cauſas quæ inferuntur hiſ qui grauiffime deliquerunt, non ad expianda eorum crimina, nec ad abolenda merita peccatorum, ſed ad emendationem metumq. viuentium. quæ

Oſee. 7.
ſec. lxx.

3. Reg. 14.

3. Reg. 16.

3. Reg. 21.

euidenter in Ieroboam filium Nabat; Baafa quoque filium Ahiz, & Achab atque Iezabel, illata cognoscimus, ita pronunciantē diuina cenſura: Ecce, ego inducam ſuper te malum, & demetam poſteriora tua, & interficiam de Achab mingentem ad parietem, & clauſum, & nouiſſimum in Iſrael: & dabo domum tuam ſicut domum Ieroboam filij Nabat, & ſicut domum Baafa filij Ahiz, quia egeſti vt me ad iracundiam prouocares, & peccare feciſti Iſrael. canes etiam comedent Iezabel in agro Iezrael. ſi mortuus fuerit

xit

rit Achab in ciuitate, comedent eum canes; si autem mortuus fuerit in agro, comedent eum volucres cæli. Et illud quod pro ingenti comminatione denuntiat: Non inferetur cadauer tuum in sepulchrum patrum tuorum; non quo vel illius tam profana commenta, qui vitulos aureos ad perpetuam præuaticationem plebis impiamq. a Domino separationem primus instituit, vel illorum tam innumera tamq. nefaria sacrilegiorum crimina hæc excoquere breuis ac momentanea pœna sufficeret, sed vt ceteris quoque qui futura vel negligentes vel penitus non credentes, consideratione tantummodo præsentium frangebantur, terror istarum quas meruebant vltionum, incuteretur exemplo, nec apud illam summi numinis maiestatem esse humanarum rerum & quotidianæ dispensationis incuriam documento huius seueritatis agnoscerent; ac retributorem Deum cunctorum actuum per hæc quæ grauissime formidabant manifestius peruiderent. Inuenimus sane etiam pro leuioribus culpis nonnullos eandem mortis ad præsens excepisse sententiam, qua sunt & illi puniti quos prædiximus extitisse sacrilegæ præuaticationis auctores, vt factum est in illo qui sabbato ligna collegerat; vel in Anania & Sapphira, qui parum quid clam de substantia sua infidelitatis errore seruauerant: non quodd æqualia fuerint pondera peccatorum, sed quia nouæ transgressionis præsumptores reperti debuerunt præbere ceteris quem admodum peccati, ita etiam pœnæ ac terroris exemplum, vt quisquis ea deinceps affectare tentasset, nosset sibi secundum eandem formam qua illi damnati sunt, etiam si in præsentī supplicium differatur, in futuri iudicij examinatione reddendum. Et quia videmur excessum quendam dum genera tentationum vel vltionum percurrere volumus, a proposita narratione fecisse, qua dicebamus virum perfectum in vtraque tentatione manere semper immobilem, ad eandem nunc iterum reuertamur.

3. Reg. 13.

Num. 15.
Act. 5.

Quomodo vir iustus non cera, sed adamantino signatorio debeat esse consimilis. Cap. XII.

ITaque mens viri iusti non debet esse similis ceræ vel alterius cuiusque materiæ mollioris, quæ semper characteri signantium cedens pro eius forma atque imagine figuratur, quamque in se tamdiu retinet, donec alio rursus superimpresio signaculo reformetur; atque ita sit, vt nunquā in

T sua

sua qualitate persistens, ad formam eorum, quæ imprimuntur, semper conuertatur ac transeat; qui potius debet velut quoddam esse adamantinum signatorium, ut inuiolabilem mens nostra figuram sui semper custodiens, characteris, vniuersa quæ incurrerint sibi ad qualitatem sui status si-gnet atque transformet, ipsa vero insigniri nullis incurtus possit.

*Interrogatio si possit mens iugiter in vna atque eadem quali-
GERMANVS tate durare. Cap. XIII.*

Proest ne mens nostra vnum statum iugiter retinere, & in eadem semper qualitate durare?

Responsio ad interrogantis propositionem.

THEODORVS Cap. XIV.

2. Cor. 4.

Philip. 3.

Necessè est, vt secundum Apostolum, aut renouatus quis spiritu mentis suæ per singulos dies proficiat, ad ea se quæ in ante sunt semper extendens, aut si neglexerit, cõsequens est vt retro redeat atque in deterius relabatur. Et idcirco nullo modo poterit mens in vna atque eadem qualitate durare, velut si quis contra aquas violenti fluminis nauem subigere remorum impulsione conetur, necesse est eum aut virtute brachiorum torrentis alui imperum decantem ad superiora conscendere, aut remissis manibus ad præceps prono amne reuocari. Quapropter istud erit euidentis nostri indicium detrimenti, si intellexerimus nos nihil amplius acquisisse; nec dubitemus retrorsum nos fuisse omnimodis reuocatos, quæ die non senserimus ad superiora progressos: quia, vt dixi, nec in eodem statu mens hominis potest iugiter permanere, nec in hac carne consistens, ita virtutum apicem possidebit quisquis ille sanctorum, vt immobilis perseveret. Necessè est enim aut aliquid adijci illis semper aut minui; nullaq. in omni creatura talis poterit esse perfectio, quæ mutabilitatis non subiaceat passioni, secundum illud quod in libro beati Iob legitur: Quid est homo vt immaculatus sit, & vt iustus appareat natus de muliere? Ecce inter sanctos eius nemo immutabilis, & cæli non sunt mûdi in conspectu eius. Solum namque Deum immutabilem confitemur, quem tantum modo sancti illius

Iob. 15.

Psal. 102.

Malac. 3.

Propheta ita compellat oratio: Tu autem idem ipse es. Et ipse de se: Ego sum, inquit, Dominus, & non mutor, quia scilicet solus ipse sit naturaliter semper bonus, semper plenus, semperq. perfectus, cui nihil nec adijci possit aliquando,

nec

nec minui. Ideoque debemus ad virtutum studia irremissa cura ac solitudine nosmetipsos semper extendere, i ipsiq; nos iugiter exercitijs occupare, ne cessante profectu, confestim diminutio subsequatur. Vt enim diximus, in vno mens eodemq; statu manere non praeualeret id est, vt nec augmenta virtutum capiat, nec detrimenta sustineat. Non acquisisse enim, minuisse est, quia desinens Proficiendi appetitus non aberit a periculo recidendi.

Quod detrimentum sit discedentis e cella. Cap. XV.

Ideoque iugis cellae commoratio tetentanda est. Toties enim, etiam reuersus quis, velut nouus in ea & incipiens habitator titubabit atque turbabitur, quoties ab eadem fuerit euagatus. Illam namque quam in cella residens acquisierat intentionem animi, si fuerit relaxata, recuperate fursum non sine labore poterit ac dolore, & per hoc reductus retto non de amisso cogitabit profectu, quem superadiungere potuit si cella non fuisset excussus, sed gaudebit potius si illum statum de quo recidit, semetipsum senserit recepisse. Nam si cur amissum ac praeteritum tempus ulterius rouocari non potest, ita ne illa quae perierunt possunt emolumenta restitui. Quanteumlibet enim post haec animi intentione fuerit operata, instantis diei profectus & praesentis temporis quaeustus est, non lucri semel perditum reparatio.

De mutabilitate etiam supernarum celestiumq; virtutum.

Cap. XVI.

Mutabilitati autem etiam supernas potestates, vt diximus, subiaccere, declarant, illi qui de eorum numero voluntatis corrupta vicio corruerunt. Vnde neque illi immutabilis naturae esse putandi sunt, qui in illa qua creati sunt beatitudine perseverant, eo quod in contrariam partem non fuerint similiter deprauati. Aliud namque est immutabilis naturae esse, aliud virtutis industria boniq; custodia per immutabilis Dei gratiam non mutari. Quidquid enim per diligentiam vel acquiritur, vel tenetur, potest etiam per negligentiam deperire. Ideoque dicitur: Ne beatifices hominem ante exitum suum, quod videlicet adhuc in collustatione quis, & (vt ita dixerim) scammate constitutus, quamuis vincere soleat, ac frequentes palmas victoriae consequatur, non potest tamen a metu ac suspitione incerti prouentus esse securus. Et idcirco Deus solus immutabilis vel bonus dicitur, qui bonitatem non industria studio, sed natu-

Ecc. 10.

T 2 raliter

raliter possidens, non potest aliud quid esse quam bonus. Nulla igitur virtus potest immobiliter ab homine possideri, sed ut parta iugiter teneatur, necesse est eam semper illa qua acquisita est, sedulitate atque industria custodiri.

Quod nemo ruina subitanea collabatur. Cap. XVII.

L Apud vero quispiam nequaquam subitanea ruina corruisse credendus est, sed aut pravae institutionis decipit exordio, aut per longam mentis incuriam paulatim virtute animi decidente, & per hoc sensim vitijs in crescentibus casu miserabili concidisse. Ante contritionem enim prae cedit iniuria, & ante ruinam mala cogitatio; quemadmodum domus aequam subitaneo ad ruinam procumbit impulsu, nisi aut antiquo vitio fundamenti, aut longa inhabitantium desidia, stillicidijs primum parvissimis penetrantibus corrupta sensim fuerint munimenta tectorum, quibus per vetustam negligentiam in maiorem modum patefactis atque collapsis, riuatim post haec insuit pluuia: rum imbriumque tempestas. In pigrius enim humiliabitur contignatio, & in segnitie manuum stillabit domus. Quod anima spiritualiter euenire idem Salomon alijs verbis ita designat: Stillicidia, inquit, eiiciunt hominem in die hiemali de domo sua. Eleganter ergo mentis incuriam domati comparauit tectoque neglecto, per quam primo quidem velut minuissima quaedam penetrant ad animam stillicidia passionum: quae si velut parua ac leuia neglegantur, corrumpunt tigna virtutum, & post haec insuunt imbres largissimi vitijs; per quos in die hiemali, id est, in tempore temptationis ingruente impugnatione diaboli, expelletur mens de habitatione virtutum; in qua scilicet aliquando circumspectam diligentiam retinens velut in domus propriae possessione requieuerat. His itaque copertis infinitam spiritalis cibi percepimus voluptatem, ita ut ex hac collatione maiore animi gaudio replemur, quam ante tristitia super necessitatem sanctorum fueramus affecti. Non solum enim de quibus haesitabamus edocti sumus, verum etiam illa, quae pro tenuitate sensus nostri minus inquirere noueramus, sub illius quaestionis interrogatione cognouimus.

SEXTAE COLLATIONIS ABBATIS

Theodori de necessitate sanctorum Finis.

COLLA-

COLLATIO SEPTIMA, QVÆ EST PRIMA ABBATIS

S E R E N I,

DE ANIMÆ MOBILITATE,
ET SPIRITALIBVS
NEQVITIIS.

De castitate abbatis Sereni. Cap. I.



VMMÆ sanctitatis & continentiae virū, nominisq. sui speculum abbatem Serenum, quem singulari sumus veneratione præ ceteris admirati, studiosorum mentibus insinuare cupientes, aliter arbitramur desiderium nostrum nos explere non posse, quàm si collationes eius nostris libellis tentauerimus inferere. Cui supra omnes virtutes quæ non solum in eius actu vel moribus, sed etiam in ipso vultu per Dei gratiam refulgebant, ita est peculiari beneficio donum castitatis infusum, vt iam se ne ipsis quidem naturalibus incentiuis inquietari vel in sopore sentiret. Ad quam tamen præcipuam puritatem quemadmodum gratia Dei adminiculante peruenerit, quoniam supra humanæ videtur conditione naturæ, necessariū reor primus explicare.

*Interrogatio prædicti senis super statu cogitationum
nostrarum. Cap. II.*

Hic igitur pro cordis atque animæ castitate nocturnis diurnisq. precibus, ieiunijs quoque ac vigilijs infatigabiliter insistens, cum vidisset orationum suarum obtinuisse se vota, cunctosq. æstus in corde suo concupiscentiæ carnalis extinctos, velut suauissimo gustu puritatis accensus, in maiorem sitim, zelo castitatis exarsit, & intentionibus cœpit ieiunijs atque obsecrationibus incubare, vt mortificatio passionis huius ad exteriorem etiam puritatem cætenus perueniret, vt ne ipso quidem simplici ac naturali motu, qui etiam in paruulis atque lactantibus excitatur, ulterius pulsaretur, indepti scilicet muueris experimento, quod

se nouerat non laborum merito, sed Dei gratia consecutus, ardentius animatus ad hoc quoque similiter obtinendum, credens multo facilius hos stimulos carnis radicatus Deum posse conuellere, quos etiam humanæ artis industria nonnumquam solet quibusdam poculis vel medicamentis, seu ferri sectione detrahere; quandoquidem illam spiritus puritatem, quæ sublimior est, quamque impossibile est humano labore vel studio comprehendere, suo munere contulisset. Cumque petitioni cæptæ supplicatione iugi ac lacrymis indefessis insisteret, adueniens ad eum angelus in visione nocturna, eiusque velut aperiens vterum, quandam ignitam carnis strumam de eius visceribus auellens atque proiciens, suisque omnia ut fuerant locis intestina restituens: Ecce, inquit, incentiua tuæ carnis abscissa sunt, & obtinuisti te noueris hodierna die perpetuam corporis puritatem, quam fideliter poposcisti. Hæc de gratia Dei, quæ memorato viro peculiariter attributa est, breuiter dixisse sufficiat. Ceterum de illis virtutibus, quas cum reliquis summis viris communiter possidebat, aliquid commemorari superfluum puto, ne specialis super nomine huius ista narratio alijs demere videatur id, quod de isto singulariter fuerit prædicatum. Hunc igitur summo desiderio collationis eius atque institutionis accensi, diebus quadagesimæ videre curauimus. Qui cum a nobis de qualitate cogitationum nostrarum & interioris hominis statu, tranquillissima compellatione quæssisset, vel quid nobis ad eius puritatem tantum temporis eremi habitatio contulisset, his cum querimonijs adorsi sumus.

Responsio nostra super anima mobilitate. Cap. III.

S Vpputatio temporum ac solitudinis habitatio, cuius contemplatione interioris hominis perfectionem nos consequi debuisse decet, hoc solummodo contulit nobis, ut disceremus quid esse nequeamus, non tamen fecit esse quod esse contendimus: nec tamen aut desideratæ puritatis fixam stabilitatem, aut robur aliquod firmitatis nos hac scientia nouimus assecutos, sed tantummodo confusionis ac pudoris augmenta. Etenim cum omnium disciplinarum meditatio ad hoc quotidianis studijs exerceatur atque proficiat, ut a trepidis rudimentis ad peritiam certam stabilemque perueniens, incipiat nosse quæ primitus vel ambigüe nouerat vel penitus ignorabat, & firmo (ut ita dixerim) gradu in illius

illius disciplinæ qualitate procedens, perfecte in ea ac sine ulla iam difficultate versetur; e contrario me in huius pertatatis studio laborantem, id solummodo profecisse reperio, ut sciam quid esse non possim: ex quo nihil mihi aliud sentio quam luctum tanta cordis contritione confecti, ut nunquam scilicet desit materia lacrymarum; nec tamen esse desinam quod esse non debeo. Et idcirco quid profuit didicisse quod summum est, si cognitum nequeat apprehendi? Nam cum directionem cordis ad destinatum pertendere senserimus, insensibiliter nitens inde reuoluta ad priores euagationes impetu vehementiori prolabitur, & ita quotidianis distensionibus occupata, innumeris capriuitatibus incessanter abducitur, ut propemodum iam desperetur a nobis desiderata correctio, & superflua hæc obseruantia videatur. Siquidem per momēta singula lubricis discursibus animus euagatus, cum ad timorem Dei, vel contemplationem reducit spiritalem, priusquam firmetur in ea, rursus fugacius euanesceat. Cumque cum velut expergefacti deprehenderimus ab intentione proposita deuialle, atque ad illam theoriā vnde discesserat reducentes, voluerimus eum tenacissima cordis intentione velut quibusdam vinculis obligare, in ipso conatu nostro ocius quam anguilla de recessibus mentis elabatur. Ob quam rem quotidianis huiusmodi obseruationibus æstuant, nec tamen ex ipsis aliquid nostro cordi stabilitatis robur accessisse cernentes, ad hanc opinionem fracti desperatione transducimur, ut non nostro iam, sed nature vitio has animæ peruagationes humano generi inesse credamus.

Disputatio semis de statu animæ, ac viuerite diuis.

SERENVS

Cap. IV.

Periculosa præsumptionis est, necdum rebus recte discussis, nec certa ratione collectis; de natura cuiuslibet rei præpropere definire, ac de fragilitatis suæ consideratione capere coniecturam, non de statu & qualitate ipsius disciplinæ, vel de aliorum experientia, proferre sententiam. Nec enim si quis natandi ignarus, sciens pondus corporis sui ferri aquarum liquore non posse, experimento suæ voluerit imperitiæ definire, neminem penitus posse liquidis elementis solida carne circumdatum sustineri, idcirco vera eius opinio iudicanda est, quam secundum experientiam suam visus est protulisse, cum hoc non solum non esse impossi-

possibile, sed etiam perfacile ab alijs fieri, ratione certissima & oculorum fide non dubia comprobetur. *Nous* itaque, id est mens, ἀκίνητος καὶ πολυκίνητος, id est: semper mobilis, & multum mobilis designatur. Quod etiam in Sapientia, quæ dicitur Salomonis, alijs verbis ita describitur:

Sap. 9.

Τὸ γεῶδες σκῆνος βρέκει νοῦν πολυφροντίδα, id est: Terrenum habitaculum aggrauat mentem multa cogitantem. Hæc igitur pro condicione naturæ numquam potest otiosa consistere, sed accessit eam nisi prouisum habuerit ubi suos exerceat motus, & in quibus iugiter occupetur, propria mobilitate discurrere, & per omnia volitare, donec longo exercitio, vsuq. assuefacta diuturno, quod vos incassum dicitis laborare, experiatur & discat quas memoriæ suæ materias debeat præparare, erga quas circumagat indefessos volatus, & immorandi robur acquirat, & ita præualeat aduersas inimici suggestiones, quibus distrahebatur extrudere, atque in illo quem desiderat statu & qualitate durare. Non ergo hanc nostri cordis euagationem, vel humanæ naturæ, vel Deo creatori ejus debemus adscribere.

Ecel. 7.

sec. lxx.

Prou. 19.

sec. lxx.

Vera est enim scripturæ sententia, quia Deus hominem fecit rectum, & ipsi quæsierunt cogitationes multas. A nobis ergo earum qualitas pendet: quia cogitatio bona, inquit, scientibus eam appropinquat, vir autem prudens inueniet eam. Quidquid enim ut inueniri possit, nostræ prudentiæ industriæq. subiectum est, si non fuerit inuentum, sine dubio nostræ desidii vel imprudentiæ, non naturæ vitio deputandum est. Cui sensui Psalmista quoque congruit,

Psal. 83.

dicens: Beatus vir cuius est auxilium abs te Domine, ascensus in corde suo disposuit. Videtis ergo in nostra ditione consistere, ut siue ascensus, id est, pertingentes ad Deum cogitationes, siue descensus, ad terrena scilicet & carnalia corruentes in nostris cordibus disponamus. Quæ si non in nostra potestate consisterent, nec Phariseos Dominus increpasset: Quid cogitatis mala in cordibus vestris? nec

Matth. 9.

Esaï. 1.

Hiere. 4.

per Prophetam præcepisset, dicens: Auferre malum cogitationum vestrarum ab oculis meis. &: Usquequo morabuntur in te cogitationes noxiæ? Nec in die iudicii earum qualitas quemadmodum operum exigeretur a nobis, ita per

Esaï. 66.

Esaïam Domino comminante: Ecce ego, inquit, venio ut congregem opera & cogitationes eorum, cum omnibus gentibus & linguis. Sed nec condemnari quidem earum testi-

testimonio vel defendi in illo terribili atque metuendo examine, secundum beati Apostoli sententiam mereremur, ita dicentis: Et inter se inuicem cogitationibus accusantibus, *Rom. 2.* aut etiam defendentibus, in die quum iudicabit Deus occulta hominum, secundum Euangelium meum.

De perfectione animæ, ex similitudine euangelici Centurionis assumpta. Cap. V.

Huius ergo perfectæ mentis figura per illum euangelicum Centurionem pulcherrime designatur, cuius virtus atque constantia, qua non quibuslibet ingruentibus cogitationibus abducebatur, sed pro suo iudicio vel admitterebat bonas, vel contrarias absque vlla difficultate pellebat, hac tropica significatione descripta est: Nam & ego homo *Matth. 8.* sum sub potestate constitutus, habens sub me milites, & dico huic, vade, & vadit: & alij, veni, & venit: & seruo meo, fac hoc, & facit. Si igitur nos quoque viriliter aduersus perturbationes & vitia dimicantes, poruerimus ea ditioni nostræ, † discretioniq. subijcere, ac militantes in carne *al. distinctioniq.* nostra passionibus extinguere, vel instabilem cogitationum nostrarum cohortem rationis imperio subiugare, ac Dominiæ crucis salutari vexillo dirissimas aduersariarum potestatum turmas a terminis nostri pectoris propulsare, protantium meritis triumphorum, ad spiritualis huius centurionis ordinem prouchemur, quem in Exodo quoque per *Exod. 18.* Moysen mystice legimus designatū: Constitue tibi *χιμαίχας* & centuriones, & quinquagenarios, & decanos. Et ita nos quoque dignitatis huius apice sublimati, habebimus hanc imperandi potestatem atque virtutem, qua non quibus nolumus cogitationibus abducamur, sed his quibus spiritualiter delectamur, immorari vel inhzrere possimus, malis quidem suggestionibus imperantes, abite, & abibunt; bonis vero venite, & venient: seruo quoque nostro, id est corpori, ea quæ castitatis vel continentię sunt similiter iniungemus, & sine contradictione deseruiet, non iam suscitans nobis aduersos concupiscentię stimulos, sed omnem spiritui exhibens famulatum. Huius centurionis qualia arma sint, vel ad quæ præliorum exercitia præparentur, audi beatum Apostolum prædicantem: Arma, inquit, militię nostrę non carnalia sunt, sed potentia Deo. Dixit qualia sint, id est, non carnalia nec infirma, sed spiritualia & potentia Deo: deinde ad quos sint † exercenda conflictus consequen-

al. exercenda.

*Ibid.**1. Reg. 18.**Ephes. 6.**1. Thes. 5.**1. Cor. 13.**1. Thes. 5.**Ephes. 6.**Hebr. 4.**Baruc. 3.*

sequenter insinuat: Ad destructionem munitionum cogitationes purgantes, & omnem altitudinem extollentem se aduersus scientiam Dei, & captiuantes omnem intellectum in obedientiam Christi, & preparati. Vt scilicet omnem inobedientiam, cum impleta fuerit vestra obedientia. Quæ quoniam singillatim percurrere sicut necessarium; ita etiam alterius temporis est; armorum tantummodo volo vobis genera proprietatesque patefacere, quibus nos quoque si volumus bella Domini præliari, & inter centuriones euangelicos militare, accincti iugiter debemus incedere: Sumite, inquit, securum fidei, in quo possitis omnia tela nequissimi ignita restringere. Fides est ergo, quæ excipiens ardentissima libidinum tela, metu futuri iudicii & celestis regni credulitate mortificat: Et loriceam, inquit, charitatis. Ipsa nempe est quæ vitalia pectoris nostri circumdans atque communiens, leralibus perturbationum obiecta vulneribus contrarios retundit ictus, nec ad interiorem hominem nostrum iacula diaboli penetrare permittit. Omnia enim suffert, omnia patitur, omnia sustinet. Et galeam spem salutis. Galea munimen capitis est. Quia ergo caput nostrum est Christus, debemus istud semper spe futurorum bonorum velut inexpugnabili galea in cunctis tentationibus ac persecutionibus communiare, & principaliter fidem eius illęsam atque integram custodire. Alijs enim membris truncatum quempiam, licet debilem, possibile tamen est vtrumque superare: sine capite vero nemini vel brevis vite spatium protogatur. Et gladium spiritus, quod est verbum Dei. Penetrabilis namque est omni gladio aucipiti, & pertingens vsque ad diuisionem anime ac spiritus, compagum quoque & medullarum, & discretor cogitationum & intentionum cordis; diuidens scilicet & abscidens quidquid in nobis carnale terrenum vè repererit. Quibus armis quisquis fuerit communitus, ab hostium semper telis ac populatione defensus, non vt captiuus ac subditus ad hostilem cogitationum terram constrictus deprestantium vinculis abducetur, nec audiet per prophetam: Quare inueteratus es in terra aliena? sed tamquam triumphator ac victor in illa qua voluerit cogitationum regione consistet. Vis etiam ipsum robur ac fortitudinem centurionis huius, qui hæc arma, quę prædiximus non carnalia, sed potentia Deo, gestat, agnoscere? Audi ipsum regem viros fortes ad spiritalem militiam congreg-

gre-

gregantem, quò eos dilectu signet ac probet: Infirmus, inquit, dicat: quia fortis sum ego. &: Qui patiens est, sit pugillator. Videris ergo bella Domini præliari nisi patientes infirmosq. non possent illa: procul dubio infirmitate, qua fundatus ille noster centurio euangelicus cum fiducia loquebatur: Cum enim infirmor, tunc potens sum. Et iterum: Virtus enim in infirmitate perficitur. De qua infirmitate vnus prophetarum; Et erit, inquit, qui infirmatur inter eos, sicut domus David. Patiens etiam hæc bella præliabitur: nempe illa patientia de qua dicitur: Patientia vobis necessaria est, vt voluntatem Dei facientes, recipiatis remunerationem.

De perseuerantia erga cogitationum custodiam. Cap. V. I.

DEbere tamén ac posse nos Domino coherere, & experientia propria deprehendemus, si mortificatas voluntates, ac desideria mundi huius habeamus abscessa; & illorum auctoritate docebimur, qui Domino colloquentes, fiducia liter dicunt: Adhæsit anima mea post te. &: Adhæsi testimonijs tuis Domine. &: Mihi autem adhæret Deo bonum est. &: Qui adhæret Domino, vnus spiritus est. Nò ergo debemus his euagationibus animæ fatigati ab hoc studio relaxari. Qui enim colit tertam suam, saturabitur panibus: qui autem sectatur otium, replebitur egestate. Nec ab intentione huius obseruantie perniciofa desperatione frangamur, quia: In omni sollicito inest amplius: at qui suauis & sine dolore est, & in egestate erit. Et iterum: Vir in laboribus laborat sibi, & vim facit perditioni suæ. Nec non etiam: Regnum celorum vim patitur, & violenti diripiunt illud. Nulla namque virtus sine labore perficitur; nec vlli possibile est ad istam quam cupitis stabilis æternam mentis sine ingenti cordis contritione conscendere. Homo enim ad laborem nascitur. Qui vt in virum perfectum possit occurrere, in mensuram ætatis plenitudinis Christi, maiori cum intentione necesse est semper esse peragilem iugiq. sollicitudine desudare. Ad cuius tamén mensuræ plenitudinem nemo perueniet aliàs in futurum, nisi qui præmeditatus & imbutus ea fuerit in præsentem; eamq. adhuc in hoc sæculo positus prælibauerit, Christi q. membrum pretiosissimum designatus, artham compaginis illius per quam corpori eius valeat copulari, in hac carne possiderit; vnum dumtaxat desiderans, vnum sinens, ad vnum omnes non solum actus suos, verum etiam cogitationes semper

Ioel. 3.

sec. lxx.

Ibid.

2. Cor. 12.

Ibid.

Zach. 12.

sec. lxx.

Hebr. 10.

Psal. 68.

Psal. 118.

Psal. 72.

1. Cor. 6.

Prou. 28.

Prou. 14.

sec. lxx.

Prou. 16.

sec. lxx.

Matt. 23.

Iob. 5.

Ephes. 4.

per intendens, vt illud quod in futurum dicitur de beata cō-
 uersatione sanctorum, iam subarthatum teneat in præsenti,
 id est; vt sit ei Deus omnia in omnibus.

1. Cor. 13.

*Interrogatio de mobilitate anima & impugnatione nequitia-
 GERMANVS rum celestium. Cap. VII.*

Posset forsitan hæc volubilitas mētis aliquatenus coer-
 ceri, si eam non tantus aduersariorum numerus circū-
 uallans, ad ea quæ non vult, immo quo illam suæ quoque
 naturæ mobilitas rapit, indefinenter impelleret. Quam cum
 tam innumerabiles, tam potentes, tamq. terribiles circum-
 agant inimici, resisti illis, ab hac præsertim fragili carne,
 impossibile crederemus, nisi ad hanc opinionem vestris sen-
 tentijs velut cælestibus animatemur oraculis.

Responsio super Dei adiutorio & liberi arbitrij potestate.

SERENVS

Cap. VIII.

Adversarios nobis quidem iugiter insidiari, quicumque
 interioris hominis experti sunt pugnas, dubitare non
 possunt. Sed ita dicimus hos nostris profectibus aduersari,
 vt eos tantummodo incentores malorum, non etiam im-
 pulsores esse credamus. Ceterum nullus hominum posset
 omnino vitare peccatum quodcumque illi cordibus nostris
 † ingerere voluissent, si eis quemadmodum ad suggeren-
 dum, ita & ad compellendum facultas violenta suppete-
 ret. Quamobrem sicut in illis est instigationis copia, ita
 & in nobis virtus respuendi, siue acquiescendi libertas est
 attributa. Quorum tamen potentiam & impugnationes si
 peti nescimus, etiam protectiones atque adiutoria Dei ecō-

al. inuere-
 re.

3. Ioan. 4.

trario conferamus, de quo dicitur: Maior est enim qui in
 vobis est, quàm qui in mundo. Cuius auxilia multo vehe-
 mentiore militant virtute pro nobis, quàm aduersum nos
 illorum multitudo confligit. Nam bonarum rerum non tã-
 tum suggestor, sed etiã fautor atque impulsor est Deus: ita
 vt nonnumquam nos etiam inuitos & ignorantes attrahat
 ad salutē. Constat ergo neminem posse a diabolo decipi, nisi
 illū qui præbere ei maluerit suæ voluntatis assensum. Quod
 Ecclesiastes his verbis euidenter expressit: Quia enim non sit
 contradictio ab his qui faciunt malū cito, ideo repletum est
 cor filiorū hominum in ipsis, vt faciant malū. Ergo manife-
 stū est hinc vnumquēque delinquere, quòd ingruentibus co-
 gitationibus prauis non eis confestim repulsam contradi-
 ctionis obijciat. Nam: Resistere ei, inquit, & fugiet a vobis.

Ecclef. 3.
 sec. lxx.

Iacob. 4.

In-

Interrogatio super anima ac demonum coniunctione.

GERMANVS Cap. IX.

QUod istud quæso est animæ cum istis spiritibus nequâ tam indiscretum permixtumq. consortium, quo sic eidem non dicam iungi, sed vniri possint & alloqui eam insensibiliter, & inferi, atque inspirare illi quæcumque voluerint, & ad ea quæ placuerint eam valeant instigare, eiusq. cogitationes ac morus videant atque perlustrant; tantaq. inter ipsos ac mentem vnitas fiat, vt sine Dei gratia quid ex illorum incitamento, quid ex nostra voluntate procedat, discerni pene non possit?

Responsio in quem modum immundi spiritus humanis mentibus copulentur. Cap. X.

NON mirum est posse spiritum spiritui insensibiliter coniugari, & occultam suadendi vim ad ea, quæ libita fuerint exercere. Est enim inter eos, sicut inter homines, quædam substantiæ similitudo atque cognatio. Siquidem definitio, quæ de natura animæ assumitur, etiam illorum substantiæ similiter coaptatur. Altinsecus vero eos sibi inferi vel vniri, ita vt capax alter alterius esse possit, omnimodis impossibile est. Hoc namque solum modo deitati, quæ solâ incorporea simplexq. natura est, rectissime tribuetur.

Obiectio vtum possint immundi spiritus eorum quos suppleuerint animabus inferi vel vniri.

GERMANVS Cap. XI.

HIC rationi satis arbitramur esse contrariū illud quod videmus in accepijs fieri, cum afflati spiritibus immundis loquuntur & agunt ea quæ nesciunt. Quomodo ergo animas illorum spiritibus illis non credamus vniri, quorum videmus illas velut organum factas, & derelicto naturali statu ad illorum motus affectusq. transire, ita vt iam non suas, sed illorum voces & gestus voluntatesq. depromant?

Responsio quemadmodum energumenis immundi spiritus dominentur. Cap. XII.

PREDICTÆ definitioni nostræ non est contrarium id quod dicitis in energumenis fieri, cum spiritibus immundis accepi loquuntur, vel agunt ea quæ nolunt, vel ea quæ ignorant proferre coguntur. Non enim vno modo istam eos infusione spirituum sustinere certissimum est. Quidam enim sic afficiuntur, vt nequaquam ea quæ gerunt vel loquun-

loquuntur intelligant; quidam vero notunt, & postea retor-
dantur. Quod fieri per infusionem spiritus immundi non
ita putandum est, ut animæ ipsius penetrans substantiam,
& velut unitas ei, & quodammodo indutus ea, sermones
ac verba per os patiens emittat. Nullo namque modo istud
ab eis fieri posse credendum est. Nec enim per aliquam ani-
mæ diminutionem, sed per corporis debilitatem hoc eueni-
re manifesta ratione deprehenditur; cum scilicet in illis mē-
bris, in quibus vigor animæ continetur, immundus spiritus
insidens, eisq; importabile atque immensum pondus im-
ponens, obscuritate teterrima intellectuales eius obruit & in-
tercipit sensus. Quod nonnumquam etiam vini febrisq; vi-
tio, seu nimij frigoris, alijsq; valitudinibus extrinsecus su-
peruenientibus videmus accidere. Quod ne beato Iob dia-
bolus, qui carnis eius acceperat potestatem, moliretur infer-
re, præcepto Domini prohibetur, dicentis: Ecce trado eum
in manus tuas, tantum animam eius custodi; id est, tantum-
modo eum amentem ne facias debilitato animæ domici-
lio, & obruas intellectum ac sapientiam resistentis, princi-
pali scilicet cordis eius tuo pondere præfocato.

Iob. 2.

*Quod spiritus spiritui penetrabilis esse non possit, sed incorpo-
reo soli Deo. Cap. XIII.*

NEque enim si crassæ huic solidæq; materiæ, id est car-
ni, spiritus admiscetur, quod fieri facillime potest, id
circo & animæ, quæ itidem spiritus est, ita uniti posse etc.
dicitur, ut eam quoque similiter suæ reddat naturæ capa-
cem. Quod soli est possibile Trinitati, quæ sic vniuersæ in-
tellectualis naturæ efficitur penetratrix, ut non solum cir-
cumplecti eam atque ambire, sed etiam illabi ei, & velut in-
corporea corpori possit infundi. Licet enim pronuntiemus
nonnullas esse spirituales naturas, ut sunt angeli, archange-
li, ceteræq; virtutes, ipsa quoque anima nostra, vel certe aer
iste subtilis, tamen incorporeæ nullatenus æstimandæ sunt.
Habent enim secundum se corpus, quo subsistunt, licet
multo tenuius quam nos. Nam sunt corpora, secundum Apo-
stoli sententiam ita dicentis: Et corpora cælestia, & corpo-
ra terrestria. Et iterum: Seminatur corpus animale, surget
corpus spiritale. Quibus manifeste colligitur, nihil esse
incorporeum, nisi solum Deum, & idcirco ipsi tantummo-
do penetrabiles omnes spirituales atque intellectuales esse
sub-

1. Cor. 15.

Ibid.

substantias, eo quod solus, & totus, & vbiq; & in omnibus est, ita vt & cogitationes hominum, & internos motus, atque abdita mentis vniuersa conspiciat atque perlustret. De ipso siquidem solo pronuntiavit beatus Apostolus, dicens: *Hebr. 4.* Viuus est enim sermo Dei & efficax, & penetrabilior super omnem gladium ancipitem, & pertingens vsque ad diuisionem animæ & spiritus, compagum quoque ac medullarum, & discretor cogitationum & intentionum cordis; & non est creatura inuisibilis in conspectu eius. Et Beatus Dauid: *Qui Psal. 32.* singit, inquit, singillatim corda eorum. Et iterum: Ipse enim *Psal. 43.* nouit occulta cordis. Salomon quoque: *3. Reg. 8.* Quia tu solus nosti corda filiorum hominum.

Obiectio, qua demones credi debent cogitationes hominum GERMANVS peruidere. Cap. XIV.

HAc ratione qua dicis, nec cogitationes quidem nostras intueri isti spiritus possunt, quod existimare valde putamus absurdum; dicente scriptura: Si spiritus potestatem *Eccl. 10.* habentis ascenderit super te. Et iterum: Cum diabolus *Ioan. 13.* fuisset in cor Simonis Iſcariotis, vt traderet Dominum. Qui ergo credi potest non patere eis cogitationes nostras, quarum seminarium, pro parte maxima, ipsis immittentibus atque instigantibus oboriri sentimus?

Responsio quid possint demones in cogitationibus hominum, SERENVS quidve non possint. Cap. XV.

Nilli dubium est, quod possint immundi spiritus cogitationum nostrarum attingere qualitates, sed indicijs eas sensibilibus forinsecus colligentes, id est, ex nostris dispositionibus, aut verbis, & studijs in quæ propensus nos conspexerint inclinati. Ceterum illas, quæ necdum de internis animæ prodierunt; adire omnino non possunt. Ipsas quoque cogitationes quas ingerunt, vtrum susceptæ vel quemadmodum susceptæ sint, non per ipsius animæ naturam, id est, per illum interiorem motum in medullis (vt ita dixerim) latitantem, sed ex motibus atque indicijs exterioris hominis deprehendunt; vt puta cum suggesserint gastrimagiam, si viderint monachum ad fenestram oculos aut ad solem curiosius erexisse, vel de hora sollicitius inquisisse, cognoscunt desiderium gulæ fuisse susceptum. Si fornicationem ingentes sentierint eum patienter telum libidinis suscepisse, seu viderint carne commotum, aut certe non vt oportuit aduersus suggestionis immundæ suspiralle

rasse lasciuiam, intelligunt in penetralibus animæ libidinis iaculum fuisse defixum. Si incitamenta tristitiæ, si iræ, si furoris admouerint, vtrumnam cordi infederint, gestu corporis, & sensibili commotione dinoscunt; scilicet cum vel infremuisse tacitum, vel cum quadam indignatione suspirasse, seu vultum considerauerint quodam pallore aut rubore mutasse, & ita subtiliter quisnam cui sit vitio deditus deprehendunt. Illo namque vnumquemque nostrum delectari certa ratione cognoscunt, ad cuius instigationem mox quodam nutu vel motu corporis consensum conuiuentiamque ab eo præstitam fuisse peruiderint. Quæ ab illis æreis virtutibus ita deprehendi non mirum est, cum hoc a prudentibus quoque viris sapissime fieri videamus, ut scilicet interioris hominis statum de figura & vultu seu qualitate exterioris agnoscant. Quanto ergo certius hæc ab eis poterunt deprehendi, quos vtiq; ut spiritalis naturæ, multo subtiliores ac sagaciores hominibus esse non dubium est?

Similitudo qua immundi spiritus cogitationes hominum doceantur agnoscere. Cap. XVI.

Quemadmodum enim nonnulli latronum in his domibus, quas furim aggredi cupiunt, occultas hominum solent explorare substantias, qui per terras noctis tenebras cauta spargentes manu minutias arenarum, reconditas opes, quas visu peruidere non possunt, tinnitu quodam ad earum lapsum respondente deprehendunt, ac sic ad certissimam rei vel metalli cuiusque notitiam, quadam elicitæ vocis proditione perueniunt; ita hi quoque ut thesaurum nostri cordis explorent, velut arenas quasdam, suggestiones nobis noxias inspargentes, cum secundum illarum qualitatem affectum corporeum viderint emeruisse, velut quodam de intimis conclauibus prodeunte tinnitu, quid sit reconditum in abditis interioris hominis recognoscunt.

Quod non singuli quique dæmones vniuersas hominibus ingerant passiones. Cap. XVII.

Hoc tamen nosse debemus non omnes dæmones vniuersas hominibus inferre passiones, sed unicuique vitio certos spiritus incubare: & alios quidem immunditijs ac libidinum sordibus oblectari, alios blasphemijs, alios iræ furoriqu; peculiariter imminere, alios pasci tristitia, alios cenodoxia, superbiaque mulceri; & vnumquæque illud vitium

vitiū humanis cordibus, quo ipse gaudet inferere: sed nec cunctas pariter suas ingerere prauitates, sed vicissim prout temporis, vel loci, vel suscipientis opportunitas prouocarit.

Interrogatio, an inter daemones impugnationis ordo ac vicissitudo
GERMANVS tudinis disciplina seruetur. Cap. XVIII.

Ergo credendum est inter eos ordinatam, & (vt ita dixerim) disciplinatam esse nequitiam, vt quidam vicissitudinis ab eis ordo seruetur, ac rationabilis geratur impugnationis incursio, cum constet nec modum nec rationem nisi inter bonos atque honestos posse subsistere; secundum illam scripturæ sententiam: *Quæres sapientiam apud malos, & non inuenies.* & : Inimici nostri insensati. Illud etiam: Non est sapientia, non est fortitudo, non est consilium apud impios?

Prov. 14.

sec. lxx.

Deut. 32.

sec. lxx.

Prov. 21.

sec. lxx.

1. 10. 2.

Responsio, in quem modum consensio daemonum super vicissitudo
SERENVS tudinis impugnatione subsistat. Cap. XIX.

Non esse inter malos perpetuam in omnibus consensionem, nec posse perfectam stare concordiam etiam in illis ipsis vitijs, quibus communiter oblectantur, certa definitio est. Numquam enim poterit, quemadmodum dixistis, in rebus indisciplinatis disciplina modusq. seruari. In nonnullis tamen, vbi scilicet vel operationis communio, vel necessitas exigit, seu cuiusdam lucri inuitat confortium, necesse est eos temporalem commodare consensum. Quod esse in hac militia nequitie spiritualis manifestissime peruidemus, vt non solum tempora inter se vicissitudinesq. custodiant, sed etiam locis quibusdam specialiter inhaerere, eaq. iugiter obsidere noscantur. Nam quia necesse sit eos immutatis tentationibus certisq. vitijs atque temporibus exercere impugnationes suas, hinc liquido comprobamus, quia nullus potest simul cenodoxia: vanitate deludi, & concupiscentia fornicationis exuri: nec potest tumida inflari elatione spiritualis superbix, & carnalis gastrimargix pariter humilitate submitti. Nec potest quis cachinnis fatuis risuq. dissolui, & iracundix sub eodem tempore stimulis incitari, seu certe edacis tristitiæ: mœrore suppleri: sed necesse est vnumquemque spiritum ita singulatim impugnationem mentis arripere, vt cum aut victus abscesserit, alij eam spiritui cedat acrius impuguandam, aut certe si victor extiterit, alij nihilominus tradat similiter illudendam.

*Quod non sint unius fortitudinis contraria potestates, ne-
tentandi facultas in eorum sit arbitrio collo-
cata. Cap. XX.*

Illud etiam nequaquam ignorare debemus, non esse om-
nes eiusdem ferocitatis & desiderij, sed ne vnus qui de
fortitudinis atque nequitia; & incipientibus quidem atque
infirmis non nisi infirmiores spiritus in certamine compa-
rari, & his nequitij spiritualibus superatis gradatim sem-
per aduersus athletam Christi robustior pugna succedit. Pro
comparatione siquidem virium ac profectus humani, etiā
difficultas colluctationis augetur. Nullo enim modo quili-
bet sanctorum sufficeret talium tantorumq. hostium suf-
ferre nequitiam, vel insidijs eorum posset occurrere, sed nec
crudelitatem quidem ac sauitiam sustinere, si non certa-
mini nostro clementissimus arbiter atque agonotheta prae-
sident Christus, & exaequaret colluctantium vires, & im-
moderatos eorum repelleret ac refrænaret incursus, face-
retq. cum tentatione & exitum, vt sustinere possimus.

*Quod demones cum hominibus non sine suo labore
conflegant. Cap. XXI.*

Hanc autem illos colluctationem non sine suo credi-
mus labore conficere. Habent namque etiam ipsi in
suo conflictu quandam anxietatem atque tristitiam, & ma-
xime cum fuerint validioribus æmulis, id est, viris sanctis
perfectisq. congressi. Alioquin iam non conflictus nec col-
luctatio, sed simplex tantum, & vt ita dixerim, secunda illis
esset hominum attributa deceptio. Et quomodo staret il-
lud Apostoli quod dicit: Non est nobis colluctatio aduer-
sus carnem & sanguinem, sed aduersus principatus, ad-
uersus potestates, aduersus mundi rectores tenebrarum
harum, contra spiritualia nequitia in caelestibus. Illud quo-
que: Sic pugno non quasi aerem verberans. Et iterum: Bo-
num agonem certavi. Vbi enim agon dicitur, & certa-
men, & pugna, seu colluctatio, necesse est & virorumq. su-
dor, & labor, & sollicitudo subeatur, & æqualiter illos vel
super deiectione maneat dolor atque cōfusio, vel de victo-
ria gaudium consequatur. Vbi vero alio cum sudore lu-
ctante, alius cum otio ac securitate configit, & ad diicien-
dum æmulum sola pro viribus vitur voluntate, non pugna
dicenda est, nec colluctatio, neque certamen, sed iniqua que-
dam & irrationabilis oppugnationis impressio. Sed pla-
ne al-

Ephes. 6.

1. Cor. 9.

2 Tim. 4.

al. utri-

que.

ne laborant & ipsi non minus impugnantes humanum genus, & defudant, vt præualeant de vnoquoque illam quam cupiunt obtinere victoriam, & retorquetur in eos illa confusio, quæ nos manebat si ab ipsis fuisset elisi, secundum illud: Caput circuitus eorum, labor laborum ipsorum operiet eos. & Conuerteretur dolor eius in caput eius. & iterum: Veniat illi laqueus quem ignorat, & capio, quam abscondit apprehendat eum, & in laqueo cadat in ipso; scilicet quem super hominum deceptione molitur. Dolent igitur etiam ipsi non minus, & quemadmodum nos elidunt, ipsi quoque similiter eliduntur, nec victi sine confusione discedunt. Quas eorum ruinas atque cōflictus, ille qui sanos interioris hominis oculos possidebat, quotidie cernēs, vidensque eos supergaudere ruinis & casibus singulorum, ac timens ne de se quoque eueniret eis ista lētitiā, Dominū deprecatur: Illumina, inquit, oculos meos ne vñquā obdormiā in morte; ne quando dicat inimicus meus: præualui aduersus eum, qui tribulant me exultabunt, si motus fuero. & Deus meus ne supergaudeant mihi, ne dicant in cordibus suis: euge euge animæ nostræ, neque dicāt: deuorauimus eū. & Frenduerunt super me dentibus suis Domine quādo respicies? Insidiatur enim in abscondito, vt leo in cubili suo, insidiatur vt rapiat pauperem; & quærat a Deo escam sibi. Qui rursus cunctis expensis conatibus, eum deceptionem nostram non potuerint obtinere, super casto labore suo necesse est vt confundantur, & erubescant, qui quærunť animas nostras, vt aufert eas; induantur confusione & pudore, qui cogitant nobis mala. Hieremias quoque: Confundantur, inquit, illi, & non confundat ego; paueant illi, & nō paueam ego; induc super eos irā furoris tui, & duplici contritione contrete eos: Nulli etenim dubium est, cū a nobis fuerint superati, cōtritione eos duplici conterendos. Primum quod hominibus expetentibus sanctitatem, illi eam possidentes amiserint, causaque extiterint perditionis humane. Deinde quod spirituales substantiæ fuerint a carnalibus terrenisq. deuictæ. Has igitur ruinas hostium suasq. victorias intuens vnusquisque sanctorum, cū exultatione proclamaret: Persequar inimicos meos, & comprehendam illos, & non conuertar donec deficiant. conteram illos, nec poterunt stare: cadent subtus pedes meos. Contra quos etiam, orans idē Propheta: Iudica, inquit, Domine nocentes me: Psal. 139. Psal. 7. Psal. 34. Psal. 12. Psal. 34. Ibid. Psal. 9. Psal. 109. Psal. 39. Psal. 34. Hiero. 17. Psal. 17. Psal. 34.

expugna impugnantes me. apprehende arma & scutum, & exurge in adiutorium mihi. effunde frameam, & concluda aduersus eos, qui persequuntur me, dic animæ meæ: salus tua ego sum. Quos cum subditis & extinctis vniuersis passionibus vicerimus, merebimur illam benedictionis vocem consequenter audire: Exalterur manus tua super hostes tuos, & omnes inimici tui interibunt. Hæc igitur omnia, & his similia sacris voluminibus inserta legentes siue canentes, nisi contra istas nequitias spirituales, quæ nobis insidiantur diebus ac noctibus acceperimus fuisse conscripta, non modo ex eis ædificationem nullam lenitatis ac patientiæ consequemur, sed etiam durum quædam atque contrarium euangelicæ perfectioni concipiemus affectum. Non solum enim docebimur non orare pro inimicis nostris, nec diligere eos, sed etiam detestari illos implacabili odio prouocabimur, & maledicere eis, atque orationem aduersus eos indefinenter effundere. Quæ tali spiritu prolocutus fuisse viros sanctos & amicos Dei intelligere perquam scelestum est ac profanum; quibus ante aduentum Christi idcirco non est lex posita, eo quod transcendentes mandata eius, euangelicis parere præceptis, & apostolicæ perfectioni studere, præuenientes dispensationem temporis, maluerunt.

Quod non sit potestas nocendi in arbitrio demonum collocata. Cap. XXII.

Non habere autem eos potestatem quemquam hominum lædendi, exemplum beati Iob manifesta ratione demonstrat, vbi non amplius eum tentare audet inimicus, quam diuina ei dispensatione conceditur; & confessio eorundem spirituum euangelicis monumentis inserta testatur, dicentium: Si eijs nos, mitte nos in gregem porcorum. Qui multo magis credendi sunt in nullo hominum, qui ad imaginem Dei creati sunt introire pro arbitrio suo posse, cum in animalia muta ac immunda ingrediendi absque Dei permisso non habuerint potestatem. Ceterum nemo posset, non dicam iuuenum, quos videmus in hac eremo constantissime commorari, sed nec perfectorum quidem tantis taliumque hostium agminibus circumseptus in eremo singulariter habitare, si in ipsis esset pro voluntate sua nocendi vel tentandi facultas atque libertas. Quod euidentius etiam Domini ac Saluatoris nostri confirmat sententia, quam pro humilitate

mitate hominis assumpti protulit ad Pilatum, ita dicens: Non haberes in me potestatem ullam, nisi datum tibi fuisset desursum. Ioan. 19.

De imminuta demonum potestate. Cap. XXXIII.

Satis tamen nobis est & experientia, & seniorum relatione compertum, non eandem vim habere nunc dæmones, quam anteriore tempore inter anachoretarum dumtaxat principia, in quibus adhuc raritas monachorum in eremo commanebat. Tanta namque erat eorum feritas, ut vix pauci, & admodum stabiles atque ætate prouecti, tolerare habitationem solitudinis possent. Siquidem in ipsiis cœnobijs in quibus commorabantur octo vel decem, ita eorum atrocitas grassabatur, & frequentes ac visibiles sentiebantur aggressus, ut non auderent omnes pariter noctibus obdormire, sed vicissim alijs degustantibus somnum, alijs vigilias celebrantes, psalmis & orationibus seu lectionibus inhærebant. Cumq. illos ad soporem naturæ necessitas inuitaret, expergefactis alijs ad eorum, qui dormituri erant custodiam similiter excubiæ tradebantur. Vnde dubitari non potest, hanc securitatem vel confidentiam quæ nunc non solum nobis qui videmur pro experientia senectutis aliquatenus roborati, sed etiam iunioribus ætate conferatur, vnum esse e duobus. Aut enim virtute crucis etiam deserta penetrâre, & vbiq. eius gratia coruscante, retinfa est nequitia dæmonum; aut negligentia nostra illos ab impugnatione pristina reddidit lentiores, dum dedignatur aduersum nos illa intentione configere, qua tunc contrarios probatissimos Christi milites sæuiebant, hac scilicet nos fraudulentia & visibilium tentationum cessatione diutius elidentes. In tantum enim teporem videmus corruisse nonnullos, ut necesse sit eos etiam remissioribus monitis appalpari: modo ne desertis cellulis suis ad perniciosiores inquietudines reuoluantur, & circumuehentes ac vagi crassioribus (ut ita dixerim) vitijs implicentur: magnusq. fructus ab eis obtineri credatur, si solummodo se etiam cum qualibet ignauia valeant in solitudine continere; ac pro ingenti remedio soleat eis a senioribus dici: Sedete in cellulis vestris, & quantum libitum fuerit manducate, & bibite, atque dormite, dummodo in eis iugiter perduretis.

al. invisibilium tentationum diutius.

Qua ratione daemones sibi in eorum corpora quos arrepturi sunt aditum parent. Cap. XXIV.

Constat ergo immundos spiritus non aliter posse in illos, quorū obtenturi sunt corpora penetrare, nisi prius eorum mentes cogitationesq. possederint. Quos cum timore ac memoria Dei vel spiritali meditatione nudauerint. velut exarmatos omni præsidio ac munitione diuina, facile vincendos audenter inuadunt, domicilium deinceps in eis, velut in possessione sibi tradita, præsumentes.

Quod miserabiliores sunt hi qui a vitijs, quam qui ab ipsis daemonibus possidentur. Cap. XXV.

Licet multo illo grauius constet vehementiusq. vexari, qui cum corporaliter ab ipsis suppleri minime videantur. animo tamen perniciosius possidentur, eorum scilicet vitijs ac volupratibus inuoluti. Secundum Apostoli namque sententiam, a quo quisque superatur, ei & seruus addicitur. Nisi quod isti in hoc desperatius ægrotant, quod cum sint eorum mancipia, nec impugnari se ab illis, nec dominatum eorum ferre cognoscunt. Ceterum corporaliter traditos satanæ, vel infirmitatibus magnis etiam viros sanctos nouimus pro leuissimis quibusque delictis; cum in illis ne tenuissimum quidem næuum aut maculam in illo iudicij die pariatum inuenire diuina clementia, omnem cordis eorum scoriā, secundum prophetā, immo Dei sententiā, excoquens in præsenti, vt eos tamquam aurum vel argentum ignitum, ad illam perpetuitatem, nulla indigentes penali purgatione, transmittat: Et excoquam, inquit, ad purum scoriā tuā, & auferam omne stannum tuum; & post hoc vocaberis ciuitas iusti, vrbs fidelis. Et iterum: Sicut probatur argentum & aurum in camino, ita eligit corda Dominus. Et iterum: Aurum & argentum probat ignis, vir autem probatur in fornace humiliationis. Illud quoque: Quem enim diligit Dominus corripit; flagellat autem omnem filium quem recipit.

Esai. 1.

Prov. 17.

sec. lxx.

Eccli. 2.

Hebr. 12.

De nece propheta seducti, & infirmitate abbatis Pauli, quam pro sua emendatione promerunt. Cap. XXVI.

Quod in illo propheta atque homine Dei, in tertio Regnō libro manifeste videmus impletū; qui pro culpa vini inobedientiæ, quam tamen non de industria nec vitio propriæ voluntatis, sed alterius circumuentione contraxit,

traxit, confestim a leone conteritur, ita de eo scriptura nar-
 rante: Vir Dei est, qui inobediens fuit ori Domini, & tra- 3. Reg. 13.
 didit eum Dominus leoni, & confregit eum, & occidit eum
 iuxta verbum Domini quod locutus est ei. In quo facto &
 solutionem delicti præsentis atque erroris incauti, & iusti-
 tiæ merita, pro quibus prophetam suum temporaliter Do-
 minus tradidit vexatori, parcitas ipsa & continentia præ-
 datoris ostendit, quia nihil penitus audet voracissima be-
 stia de tradito sibi cadauere degustare. Cuius rei nostris
 quoque tēporibus satis euidens contigit & aperta probatio
 in abbate Paulo vel Mose, qui habitauit locū huius solitu-
 dinis, qui Calamus nūcupatur. Nam prior commoratus est
 in eremo, quæ adiacet Panephysi ciuitati; quam solitudi-
 nem nos olim factam aquæ salissimæ inundatione co-
 gnouimus. Quæ quotiens flauerit spiritus aquilonis de sta-
 gnis impulsæ, ac superfusa adiacentibus terris, ita omnem
 illius superficiem contexit regionis, ut antiquos ibidem
 vicos, qui olim hac ipsa de causa omni sunt habitatore de-
 ferti, faciat velut insulas apparere. Hic igitur abbas Pau-
 lus in tantam cordis puritatem quiete solitudinis silentio-
 que profecerat, ut non dicam vultum femineum, sed ne ve-
 stimenta quidem sexus illius conspectui suo pateretur of-
 ferri. Nam cum eidem pergenti ad cuiusdam senioris cel-
 lam vnacum abbate Archebio eiusdem solitudinis acco-
 la, casu mulier obuiasset, offensus occurſu eius, tanta fuga
 ad suum rursus monasterium (prætermisso quod arripue-
 rat piz visitationis officio) recurrit, quanta nullus a fa-
 cie leonis vel immanissimi draconis aufugeret, ita ut ne
 memorati quidem abbatis Archebij reuocantis eum cla-
 more ac precibus flecteretur, ut ad requirendum senem,
 quemadmodum proposuerant, cæpto itinere tenderent.
 Quod licet zelo castitatis & puritatis ardore sit factum, ta-
 men quia nō secundū scientiā præsumptū est, sed obseruan-
 tia disciplinæ, iustæq. districtiois excessus est modus (non
 enim solam familiaritatem quæ vere est noxia feminarum,
 sed ipsam quoque figuram sexus illius credidit execrandā)
 tali confestim correptione percussus est, ut eius vniuersum
 corpus paralyseos valitudine solueretur, nullumq. in eo
 membrum penitus explere suum præualeret officium. Si-
 quidem non solum pedes ac manus, sed etiam linguæ mo-
 tus, quo elocutio vocis exprimitur, ipsaq. aures ita audi-

tus proprii amiserant sensum, ut in eo nihil amplius ex homine, quam immobilis tantum atque insensibilis figura remaneret. Eo autem redactus est, ut infirmitati eius nullo modo virorum diligentia deferuire sufficeret, nisi sola ei muliebris sedulitas ministrasset. Nam delato ad cœnobium sanctarum virginum, cibus ac potus, quem ne nutu quidem petere poterat, femineo ingerebatur obsequio, explendisq. omnibus naturæ necessitatibus, eadem illi diligentia per annos ferme quattuor, id est, usque ad vitæ suæ terminū seruebat. Qui cum tanta esset omnium membrorum debilitate constrictus, ut nulli in eo artus viuacem motum aut sensibilem retentarēt, nihilominus tanta ex eo virtutum gratia procedebat, ut cum de oleo quod cadauere suo potius quam corpore contigisset, vngerentur infirmi, confestim cunctis valitudinibus curarentur, ita ut super hac eius valitudine, etiam ipsis infidelibus euidenter aperteq. claresceret, & debilitatem membrorum omnium dispensatione atque amore Domini contributam, & sanitarum gratiam pro testimonio puritatis ac manifestatione meritorum, ei Spiritus sancti virtute præstari.

De tentatione abbatis Mosi. Cap. XXVII.

SECUNDUS vero, quem diximus in hac eremo commoratum, eum ipse quoque singularis & incomparabilis vir esset, ob reprehensionem vnius sermonis, quem contra abbatem Macarium disputans paulo durius protulit, quadam scilicet opinione præuentus, tam diro confestim est traditus dæmoni, ut humanas egestionem ori suo suppletus ingereret. Quod flagellum purgationis gratia se Dominus intulisse, ne scilicet in eo vel momentanei delicti macula resideret, velocitate curationis eius atque auctore remedij demonstrauit. Nā continuo abbate Macario in oratione submisso, dicto citius nequam spiritus ab eo fugatus abscessit.

Quod sperni non debeant hi, qui spiritibus traduntur immundis. Cap. XXVIII.

EX quo manifeste perpenditur, non debere eos abominari vel despici, quos videmus diuersis tentationibus siue istis nequitia spiritualibus tradi: quia duo hæc credere immobiliter nos oportet. Primo quod sine Dei permittu nullus ab eis omnino tentetur. Secundo quod omnia, quæ nobis a Deo inferuntur, siue tristitia ad præsens, seu læta videantur, velut a pijsimo patre, clemētissimoq. medico pro nostris

nostris vilitatibus irrogentur, & idcirco eos velut pædagogis traditos humiliari, vtdiscendentes ex hoc mundo, vel purgatiores ad vitam aliam transferantur, vel pœna leuiores plectantur; qui, secundum Apostolum, traditi sunt in præsentem satanæ in iteritum carnis, vt spiritus saluus fiat in die Domini nostri Iesu Christi.

Obiectio cur hi, qui spiritibus vexantur immundis, a communione Dominica separentur. Cap. XXIX.

ET quomodo eos non solum despici ab hominibus vel horreri, sed etiam a communione Dominica in nostris prouincijs perpetuo vidimus abstinere, secundum illam Euangelij sententiam: Nolite sanctum dare canibus, neque mittatis margaritas vestras ante porcos; cum de illis, quemadmodum dicitis, ita credendum sit, quod eis purgationis vel vilitatis obtentu; huius tentationis humiliatio tribuatur?

Responsio super proposita questione.

SERENVS *Cap. XXX.*

SI habuerimus hanc sententiam, immo fidem, quam superius comprehendi, vt & omnia per Deum fieri, & pro vilitate animarum dispensari vniuersa credamus, non solum nequaquam despiciemus eos; sed etiam pro ipsis, tamquam pro membris nostris, incessanter orabimur, & usque totis visceribus ac pleno compatiemur affectu (cum enim patitur vnum membrum, compatiuntur omnia membra) scientes nos absque illis, vt pote membris nostris, omnimodis consummari non posse, quemadmodum legimus ne anteriores quidem nostros sine nobis repromissionis summam consequi potuisse, ita de illis Apostolo pronuntiante: Et hi omnes testimonio fidei comprobati, non acceperunt repromissiones, Deo pro nobis melius aliquid prouidente, ne sine nobis consummarentur. Communionem vero eis sacrosanctam a senioribus nostris numquam meminimus interdictam, quinimmo si possibile esset etiam quotidie eis impertiri eam debere censebant. Nec enim secundum Euangelij sententiam, quam incongrue huic sensui coaptastis: Nolite sanctum dare canibus; ad dæmonis escam sacrosancta communio, & non potius ad purgationem ac tutelam corporis animæque peruenire credenda est; quæ ab homine percepta, eum qui in membris eius insidet spiritum, seu in ipsis latitare & conatur, velut exurens fugat incendio.

1. Cor. 5.

Matth. 7.

1. Cor. 12.

Hebr. 11.

*al. damna
tionē hac.*

al. cognoscitur.

cendio Hoc namque modo curatum & abbatem Androni- cum nuper aspeximus, aliosq. quamplures. Magis namque ac magis inimicus insultabit obfesso, cum eum a cælesti medicina viderit segregatum; tantoq. dirius ac frequentius attentabit, quanto eum ab spiritali remedio longius sen- serit abdicatum.

Quod miserrabiles sint hi, qui subdi temporalibus istis tentatio- nibus non merentur. Cap. XXXI.

Ceterum illi sunt vere miseri ac miserrabiles iudican- di, qui cum se vniuersis criminibus flagitijsq. conta- minent, non solum nullum visibiliter in eis signum diabo- licæ suppletionis ostenditur, sed nec aliqua quidem ope- rationibus eorum condigna teutatio, nec vllum flagellum correptionis infertur. Non enim merentur celerem expedi- tamq. istius temporis medicinam, quorum duritia & im- pœnitentes cor pœnam vitæ præsentis excedens, thesau- rizat sibi iram & indignationem in die iræ & reuelationis iusti iudicij Dei; in quo vermis eorum non morietur, & ignis eorum non extinguetur. Contra quos Propheta ve- lut anxius pro afflictione sanctorum, videns eos ærumnis varijs ac tentationibus subiacerere, & econtra peccatores non solum absque vlllo humiliationis flagello cursum istius mundi transire, sed etiam affluentia diuitiarum ac summa rerum omnium prosperitate gaudere, intolerabili zelo, ac spiritus sui seruire succensus, exclamat: Mei autem pene moti sunt pedes, paulominus effusi sunt gressus mei: quia zelauit super iniquos, pacem peccatorum videns: quia non est respectus morti eorum, & firmamentum in plaga eo- rum: in labore hominum non sunt, & cum hominibus non flagellabuntur; scilicet in futuro cum dæmonibus punien- di, qui in præsentem non meruerunt in sorte ac disciplina si- liorum cum hominibus flagellari. Hieremias quoque cum Deo super hac impiorum prosperitate disceptans, licet ne- quaquam dubitare se de iustitia Domini profiteatur, di- cens: Iustus quidem tu es Domine, si disputem tecum: cau- sam tamen huius tantæ inæqualitatis inquirens, subiungit, & dicit: Verumtamen iusta loquar ad te. Quare via impio- rum prosperatur; bene est omnibus qui præuaricantur, & inique agunt? plantasti eos & radicem miserunt, proficiunt & faciunt fructum. Prope es tu ori eorum, & longe a reni- bus eorum. Quorum ruinam descente Domino per prophe- tam,

Rom. 3.

Esaï. 66.

Psal. 72.

Hiere. 12

Ibid.

nam, & ad eorū curationē medicos atque doctores solite
 dirigente, & quodāmodo eos ad planctum similem prouo-
 cante ac dicente: Subito cecidit Babylon, contrita est, vlu-
 late super eam, tollite resuiam ad dolorem eius, si forte sa-
 netur. respondent desperantes angeli, quibus salutis huma-
 næ cura commissa est; vel certe propheta ex persona Apo-
 stolorum seu spiritualium virorum atque doctorum viden-
 tium duritiam mentis eorum & impœnitens cor: Curavi-
 mus Babylonem, & non est sanata; relinquamus eam, &
 amamus vnusquisque in terrā suam; quoniā peruenit vsque
 ad cælos iudicium eius, & eleuatum est vsque ad nubes. De
 istorum igitur desperato languore, ex persona Dei loquitur
 Esaias ad Hierusalem: A planta pedis vsque ad verticem
 non est in eo sanitas. vulnus; & liuor, & plaga tumens; non
 est circumligata, nec curata medicamine, neque fora oleo.

Hier. 18

Ibid.

Esai. 1.

*De diuersitate studiorum ac voluntatum, quæ in aereis pote-
 statibus sunt. Cap. XXXII.*

Tot autem esse in immundis spiritibus quorū in homi-
 nibus studia non dubie comprobatur. Nam nonnul-
 los eorum, quos etiam Faunos vulgus appellat, ita seducto-
 res ac ioculatores esse manifestum est, vt certa quæque lo-
 ca seu vias iugiter obfidentes, nequaquam tormentis eorum
 quos potuerint prætereuntes decipere, delectentur; sed de
 risu tantummodo & illusione contenti, fatigare eos potius
 studeant quàm nocere: quosdam solummodo innocuis in-
 cubationibus hominum pernoctare: alios ita esse furori ac
 truculentia deditos, vt non sint contenti illorum tantum-
 modo corpora, quos suppleuerint, atroci dilaceratione ve-
 xare, sed etiam irruere super eminus transeuntes, atque affi-
 cere illos sæuissima cæde festinent; quales illi in Euange-
 lio describuntur, ob quorum metum per viam illam tran-
 sire iam nullus audebat, quos eorumq. consimiles bellis
 quoque & sanguinis effusione, pro insatiabili feritate gau-
 dere non dubium est. Alios ita eorum corda, quos cepe-
 rant, inani quodam tumore vidimus infecisse; quos etiam
 Bacuceos vulgus appellat, vt semetipsos vltra sui proceri-
 tatem corporis erigentes, nunc quidem se in quosdam fa-
 stus gestusq. sustollerent, nunc vero velut acclines ad quæ-
 dam se tranquillitatis & adfabilitatis statum communes
 blandosq. summitteret, seseque velut illustres & circumspici-
 etabi-

Matth. 8.

al. homi- stabiles † omnibus æstimantes, nunc quidem adorare se
nibus. potestates sublimiores corporis inflexione monstrarent;
 nunc vero ab alijs se crederent adorari; & omnes morus
 quibus vera officia, aut superbe, aut humiliter peraguntur,
 explerent. Alios reperimus non solum studere mendacijs;
 sed etiam blasphemias hominibus inspirare. Cuius rei etiã
 nos testes sumus, qui audiuius apertissime dæmonem
 confitentem, per Arium & Eunominum se impietatem sa-
 crilegi dogmatis edidisse. Quod etiam in tercio Regnorum
 libro vnum ex eisdem ipsis manifeste legimus prædican-
 tem: Egrediar, inquit, & ero spiritus mendax in ore omniũ
 prophetarum eius. De quibus Apostolus arguens illos, qui
 ab ipsis decipiuntur, ita infert: Attendentes spiritibus sedu-
 ctoribus, & doctrinis dæmoniorum in hypocrisis loquen-
 tium mendacium. Esse autem & alia dæmonum genera;
 id est, mutorum atque surdorum, Euangelistę testantur. In-
 cēntores etiam libidinum atque luxurię quosdam spiritus
 esse propheta commemorat: Spiritus, inquit, fornicatio-
 nis decipit eos, & fornicati sunt a Deo suo. Nocturnos
 quoque, siue diurnos, ac meridianos dæmones similiter
 scripturarum auctoritas docet. De quorum diuersitate per
 lōgum est, si volumus omnia scripturarum diuina per-
 scrutantes singillatim percurrere; qui per prophetam ono-
 centauri, qui pilosi, qui sirenę, qui lamię, qui vlulę, qui
 struthiones, qui eritij designantur; qui aspis, qui basiliscus
 in psalmo, qui leo, qui draco, quive scorpis in Euangelio
 nuncupetur; qui princeps mundi huius, qui rectores tene-
 brarum hārū, quive spiritalia nequitie ab Apostolo no-
 minentur. Quę vocabula non casu nec fortuitu indita illis
 debemus accipere, sed significatione istarum ferarum quę
 apud nos vel minus noxię vel magis perniciosę sunt, il-
 lorum feritates rabiesq. distingui; & ex similitudine ne-
 quitie virulentę, seu principatus, quem istis inter ceteras
 feras siue serpentes quędam excellentia malitię suę con-
 fert, illos quoque eorū vocabulis nuncupari; vt scilicet alius
 quidem ob vehementiam furoris & rabiem feritatis suę,
 leonis appellationem, alius basilisci ob illud mortiferum
 virus, quod priusquam sentiat interimit, alius vero ob te-
 pore malitię suę onocentauri, aut eritij nomen, struthio-
 nisve sortitus sit.

Interrogatio unde differentia nequitiarum celestium tanta
 GERMANVS *processerit. Cap. XXXIII.*

Non quidē ambigimus illos quoque ordines quos Apo-
 stolus enumerat, ad istos referri: Quia non est nobis *Ephes. 6.*
 colluctatio aduersus carnem & sanguinem, sed aduersus
 principatus, aduersus potestates, aduersus mundi rectores
 tenebrarum harum, cōtra spiritalia nequitiae in caelestibus.
 Volumus tamen nosse vnde sit hęc tanta inter eos differen-
 tia, vel quemadmodum tanti nequitiae extiterint gradus.
 An ad hoc creati sint, vt hos ordines militiae fortiteretur, &
 quodammodo huic nequitiae militarent?

Dilatio super absolutione proposita quaestionis.

SERENVS *Cap. XXXIV.*

Quamquam propositiones vestrae totum tempus no-
 cturnae quietis ita nostris furentur obrutibus, vt ap-
 propinquantis aurorae nequaquam viciniam sentiamus, &
 vsque ad ortum solis insatiabiliter collationis huius verba
 contexere prouocemur, tamen quoniam absolutio proposi-
 tae quaestionis eum exceperit indagari, in quoddam amplissi-
 mum ac profundissimum nos edueet quaestionū pelagus,
 quod praesentis horae breuitas transmeari non sinet, cōmo-
 dius reor, vt eam futurae noctis indagini reseruemus, quo
 & mihi sub huius quaestionis occasione, de vestro propen-
 siori colloquio laetitia spiritalis ac fructus vberior confera-
 tur, & propositarum quaestionum sinus, praebente nobis
 Spiritu sancto prosperos status, liberius penetrare possi-
 mus. Quamobrem soporis modicum degustantes discuti-
 mus obrepentem oculis nostris, vicina iam luce, torpo-
 rem, ac deinceps pariter ad ecclesiam procedentes, quo-
 niam nos hoc facere Dominicae dici solemnitas commo-
 net, reuersi post synaxin, ea quae Dominus ad instructio-
 nem communem pro desiderio vestro largitus fuerit, du-
 plicato gaudio conferemus.

PRIMAE COLLATIONIS

*abbatis Sereni de anima mobilitate, &
 spiritalibus nequitijs, Finis.*

COLLATIO OCTAVA,
 QUÆ EST SECVNDA ABBATIS
 SERENI,
 DE PRINCIPATIBVS, SEV
 POTESTATIBVS.

De humanitate abbatis Sereni. Cap. I.



Onsummatis, quæ diei solemnitas exige-
 bat, & ecclesiæ congregatione dimissa re-
 uersi ad cellam senis, refectioni primum lautis-
 sime sumus. Nam pro muria quæ superie-
 cta olei gutta quotidianæ refectioni sole-
 bat apponi, modicum liquaminis miscuit,
 & olei quiddam solito propensius superfu-
 dit. Nam illam olei guttam ob hoc vnusquisq. quotidie refe-
 cturus instillat, non vt eius ex hoc guttur quandâ suauitatē
 percipiat (quippe cuius tantus est modus, vt vix ip[sus] gut-
 turis ac faucium meatus non dicam lenire, sed pertransire
 sufficiat) sed vt hoc usu iactantiam cordis, quæ pro absti-
 nentia districtiore blande solet ac latetèr irrepere, & stimu-
 los elationis obtundat: quia quanto abstinentia ipsa occul-
 tius exercetur, nulloq. hominum teste perficitur, tanto sub-
 tilius occultatorem suum tentare non desinit. Deinde appo-
 suit salem frictum, oliuas ternas, quibus post hæc superin-
 tulit canistrum habens cicer frictum, quod illi trogalia vo-
 cant, ex quibus quina tantum sumpsimus grana, myxaria
 bina, caricas singulas: hunc enim numerum in illa erem-
 o quemquam excessisse culpabile est. Quæ refectione transac-
 ta, repromissam quæstionis absolutionem cum reposcere
 cœpissimus: Proferre, inquit senex, interrogationem ve-
 stram, cuius in hanc horam distuleramus indaginem.

Propositio de diuersitate nequitiarum celestium.

GERMANVS

Cap. II.

Ephes. 6.

Vnde, quæsumus, tanta varietas aduersariarum potesta-
 tum contra hominem ac diuersitas ista processit, quâ
 beatus Apostolus ita dinumerat: Non est nobis colluctatio
 aduersus carnem & sanguinem, sed aduersus principatus,
 aduer-

aduersus mundi rectores tenebrarum horum, contra spiritalia nequitiae in caelestibus. Et iterum: Neque angeli, neque principatus, neque virtutes, neque creatura alia poterit nos separare a charitate Dei, quae est in Christo Iesu Domino nostro. Vnde ergo tantae militiae æmula nobis emerisit aduersitas? An ad hoc potestates istas a Domino conditas esse credendum est, ut his contra hominem gradibus atque ordinibus militarent?

Rom. 8.

2. Cor. 12.

1. Cor. 13.

1. Cor. 13.

2. Cor. 12.

1. Cor. 13.

1. Cor. 13.

1. Cor. 13.

1. Cor. 13.

al. noscuntur.

al. decocta

Responsio de multiplici esca scripturarum sanctarum.

SERENVS

Cap. III.

Diuiinarum scripturarum auctoritas, de his in quibus nos voluit erudire, quædam etiam his qui acumine ingenij carent tam lucide & euidenter effata est, ut non solum nulla occultioris sensus obscuritate velentur, sed nec ullo quidem patrocínio interpretationis indigeant, in superfluitate vocis ac litterarum suos intellectus ac sententias præferentia: quædam vero ita contexta, & quibusdam obscurata mysterijs, ut in eorum discussione & intellectu immensum nobis exercitij campum ac sollicitudinis reservaret. Quam rem multas ob causas Deum dispensasse, manifestum est: primum, ne sacramenta diuina nullum habentia spiritalis intellectus velamen obductum, cunctis hominibus, id est, tam fidelibus quam profanis, æquali scientia & notitia panderetur, & per hoc inter inertes ac studiosos nulla esset virtutis prudentiaeque distantia: tum veterum inter ipsos domesticos fidei, dum intellectu spacia cetera eis immensa tenduntur, esset in quibus & desidioforum argueretur ignauia, & studioforum alacritas atque industria probaretur. Ideoque satis proprie scriptura diuina agro optimo ac fertili comparatur, qui cum multa gignat ac proferat, quæ ad hominum victum sine aliqua ignis coctione proficiant, quædam nisi prius flammæ calore mollita atque mitigata omnem asperitatem suæ deposuerint crudelitatis, vel incongrua humanis visibus vel noxia sentirentur. Nonnulla vero ita vtrique vsui apta & nascuntur; ut hæc incocta sua cruditate displiceant vel offendant, & tamen ignis calore & lenita salubriora reddantur. Plura quoque ad escam tantummodo irrationabiliu proferuntur cibis hominum minime profutura, quæ etiam in sua asperitate manentia absque vlla ignis coctione vitalem iumentis conferunt satietatem. Quam rationem satis euidenter aspiciamus in hoc vberissimo spiritualium scripturarum

rarum

- rarum paradiso contineri, in quo ita quædam significatio-
ne litteræ plana ac luculenta resplendent, vt cū sublimiore
interpretatione non egeant, simplici tantum litteræ sono
abunde pascant ac nutriant audientes; vt est illud: Audi
Deut. 6. Israel, Dominus Deus tuus, Deus vnus est. Et: Diliges Do-
Ibid. 6. minum Deum tuum ex toto corde tuo, & ex tota anima
Matt. 22. tua, & ex tota virtute tua. Quædam autem si allegorica ex-
planatione extenuata non fuerint, & spiritalis ignis exami-
natione mollita, nullo modo ad salutarem interioris homi-
nis cibū sine corruptionis labe peruenient, magisq. ex eorū
perceptione læsio quàm vtilitas aliqua subsequetur,
vt est illud: Sint lumbi vestri præcincti, & lucernæ ardentes,
Luc. 12. &: Qui non habet gladium, vendat tunicam suam, & emat
Luc. 22. sibi gladium. &: Qui non accipit crucem suam & sequitur
Matt. 10. me, non est me dignus. Quod quidam districtissimi mona-
Rom. 10. chorum, habentes quidem zelum Dei, sed non secundum
scientiam, simpliciter intelligentes, fecerunt sibi cruces li-
gneas, easq. iugiter humeris circumferentes, non ædifica-
tionem, sed risum cunctis videntibus intulerunt. Nonnul-
la vero ad vtramque perceptionem, id est, tam historicam
quàm allegoricam ita cōmode ac necessarie capiuntur, vt
vtraque explanatio vitales animæ succos subministret, vt
est illud: Si quis te percusserit in dextram maxillam tuam,
Matth. 5. præbe illi & alteram: Cum persequetur vos in ciuitate ista,
Matt. 10. fugite in aliam. &: Si vis perfectus esse, vade vende omnia
Matt. 19. quæ habes, & da pauperibus, & habebis thesaurum in cæ-
Psal. 103. lo, & veni sequere me. Producit sane & scœnum iumentis,
quibus pabulis omnes scripturarū repleti sunt campi, sim-
plicem nempe puramq. narrationem lectionis historicæ,
qua simpliciore quicq. ac minus capaces perfectę atque in-
Psal. 35. tegræ rationis (de quibus dicitur: Homines & iumenta sal-
uabis Domine,) secundum status, ac mensuræ suæ condi-
tionem, ad opus tantum & laborem actualis vitæ vegetio-
res robustioresq. reddantur.
- De gemina sententia super intellectu scripturarum
sanctarum. Cap. XV.*
- Q**uamobrem de his quæ aperta explanatione prolata
sunt, nos quoque cōstanter possumus definire, auden-
terq. nostram proferre sententiam. Ea vero quę meditatio-
ni & exercitio nostro reseruans obiecta sanctis scripturis
spiritus diuinus inseruit, quibuscumque ea volens, indicijs &
opi-

opinionibus colligi, ita pedetentim debent cauteq. conferri, ut sit eorum assertio seu confirmatio in disputantis uel suscipientis arbitrio collocata. Nonnumquam enim cum super una re diuersa promatur sententia, potest utraque rationabilis iudicari, & sine detrimento fidei uel fixe uel medie suscipi, id est, ut ei nec plena credulitas, nec absoluta refutatio deputeretur; priorq. sequens opinio derogare non debeat, cum neutra earum fidei inueniatur obistere; quale est illud, quod Elias uenerit in Ioanne, & iterum sit aduentum Domini præcessurus; & de abominatione desolationis, quod steterit in loco sancto per illud simulachrum Iouis quod Hierosolymis in templo positum legimus, & iterum stare habeat in Ecclesia per aduentum Antichristi, illaq. omnia, quæ in Euangelio sequuntur, quæ & impleta ante captiuitatem Hierosolymorum, & in fine mundi huius intelliguntur implenda, e quibus neutra opinio impugnat aliam, nec sequentem prior intellectus euacuat.

Matt. 11.

Matt. 24.

2. Mac. 6.

Quod proposita questio inter illa, quæ medie tenenda sunt debeat accipi. Cap. V.

ET idcirco proposita a vobis questio licet non satis uideatur nec frequenter inter homines uentilata, nec apud plurimos pateat, & ex hoc ipso apud aliquos ea, quæ proferemus forsitan uideantur ambigua, ita debemus nostram temperare sententiam, quoniam fidei Trinitatis nihil præiudicant, ut inter illa habeantur quæ medie sunt tenenda, quamquam non tali opinione qualis suspicionibus tantum & coniecturis colligi solet, sed manifestis scripturarum testimonijs omnia comprobentur.

De eo quod nihil a Deo malum creatum sit. Cap. VI.

ABsit ergo ut Deum quidquam creasse confiteamur, quod substantialiter malum sit, dicente scriptura: Omnia quæ fecit Deus bona sunt ualde. Si enim a Deo tales isti creati sunt, uel ad hoc facti, ut hos malitiæ gradus teneant, ac semper deceptionibus & ruinis hominum uacent, contra prædictæ scripturæ sententiam infamabimus Deum uelut creatorem atque inuentorem malorum, quod scilicet pessimas uoluntates ac naturas ipse cōdiderit, ad hoc eas creans, ut semper in nequitia perseverantes numquam transire possint in bonæ uoluntatis affectum. Hanc igitur rationem diuersitatis huius traditione patrum de sanctarum scripturarum fonte percepimus.

Genes. 1.

De initio principatum seu potestatum. Cap. VII.

Iob. 38.

sec. lxx.

Gen. 1.

Ibid.

Iuan. 1.

Colos. 1.

Ante conditionem huius visibilis creaturæ spirituales cælestesq. virtutes Deum fecisse, quæ pro hoc ipso quod scirent se ad tantam beatitudinis gloriam beneficio creatoris ex nihilo fuisse productas, perpetuas ei gratias referentes indefinenter eius laudibus inhaerent, nemo fidelium dubitat. Nec enim existimare debemus creationis & opificij sui principia ab huius mundi constitutione Deum primitus inchoasse, quasi in illis anterioribus atque innumeris sæculis, ab omni providentia & dispensatione diurna fuerit otiosus, ac tamquam non habens in quos bonitatis suæ beneficia exerceret, solitarius, atque ab omni munificentia alienus fuisse credatur; quod de illa immensa ac sine principio & incomprehensibili maiestate satis humile est incongruumq. sentire, ipso Domino de illis potestatibus hæc dicente: Quando facta sunt simul sidera, laudauerunt me voce magna omnes angeli mei. Qui ergo interfuerunt creationi siderum, ante istud principium, in quo factum dicitur cælum & terra, creati fuisse manifestissime comprobantur; quippe qui pro istis omnibus visibilibus creaturis, quas videbant ex nihilo processisse, creatorem magna voce referuntur & admiratione laudasse. Ante istud ergo temporale principium quod a Mose ponitur, quodq. mundi huius secundum historicum, immo Iudaicum sensum signat ætatem, salvo scilicet nostro sensu, quo nos interpretamur omnium rerum Christum esse principium, in quo etiam omnia creauerit pater, secundum illud: Omnia per ipsum facta sunt, & sine ipso factum est nihil: ante istud, inquam, Geneseos temporale principium, omnes illas potestates cælestesq. virtutes Deum creasse non dubium est. Quas Apostolus per ordinem numerans, ita describit: Quia in Christo creata sunt omnia, siue quæ in cælis, siue quæ in terra sunt, visibilia & invisibilia, siue angeli, siue archangeli, siue throni, siue dominationes, siue principatus, siue potestates: omnia per ipsum, & in ipso creata sunt.

De lapsu diaboli & angelorum. Cap. VIII.

DE istorum itaque numero nonnullos principes fuisse collapsos lamentatio Ezechielis siue Esaiæ manifestissime docet, in quibus principem Tyri, aut illum Luciferum, qui mane oriebatur, flebili planctu cognoscimus lamentari. Et de illo quidem ita Dominus ad Ezechiel: Fili hominis,

nis, leua planctum super principem Tyri, & dices ei: Hæc dicit Dominus Deus: Tu signaculum similitudinis, plenus sapientia, perfectus decore, in delicijs paradisi Dei fuisti. Omnis lapis pretiosus operimentum tuum, sardius, topazius, & iaspis, chrysolithus, & onyx, & berrillus, sapphyrus, & carbunculus, & smaragdus: aurum opus decoris tui, & foramina tua in die, qua conditus es, præparata sunt. Tu Cherub extentus & protegens, & posui te in monte sancto Dei, in medio lapidum ignitorum ambulasti. perfectus in vijs tuis a die conditionis tuæ, donec inuenta est iniquitas in te. In multitudine negotiationis tuæ repleta sunt interiora tua iniquitate, & peccasti; & eieci te de monte Dei, & perdidisti te o Cherub protegens de medio lapidum ignitorum. Eleuatum est cor tuum in decore tuo; perdidisti sapientiam tuam a decore tuo, in terram proieci te: ante faciem regum dedi te, vt cernerent te. in multitudine iniquitatum tuarum, & iniquitate negotiationis tuæ polluisti sanctificationem tuam. Esaïas quoque de alio: Quomodo cecidisti de cælo lucifer qui mane oriebaris? corruisti in terram qui vulnerabas gentes? qui dicebas in corde tuo: In cælum conscendam, super astra Dei & exaltabo solium meum, sedebo in monte testamenti, in lateribus Aquilonis. ascendam super altitudinem nubium, ero similis altissimo. Quos tamen nõ solos ex illo beatissimæ stationis apice corruisse scriptura commemorat, dicens: Tertiam partem stellarum draconem illum pariter pertraxisse: Vnus quoque Apostolorum euidentius dicit: Angelos vero qui non seruauerunt suum principatum, sed reliquerunt domicilium suum, in iudiciũ magni diei, vinculis æternis sub caligine reseruauit. Illud etiam quod ad nos dicitur: Vos autem sicut homines moriemini, & sicut vnus de principibus cadetis; quid aliud quàm multos principes cecidisse significat? Quibus indicijs ratio diuersitatis huius ista colligitur, has differentias ordinum, quas instar sanctarum cælestiumq. virtutum aduersæ potestates habere dicuntur, vel ex illius anterioris ordinis gradu, in quo vnaquæque creata fuerat, nunc etiam retentare; vel certe de cælestibus deuolutas ad similitudinem illarum virtutum, quæ ibidem perseuerant, pro nequitia suæ merito in qua vnaquæque in malum & profecit, hos inter se gradus & ordinum vocabula in parte contraria vindicasse.

*Esaï. 14.**al. ponã.**Apoc. 12.**Iudas in epist.**Psal. 81.**al. crenit.*

: *Obiectio quod ruina diaboli a deceptione Eue principium*

GERMANVS *sumpsit. Cap. IX.*

Gen. 3. Nos haecenus credebamus causam atque initium ruinæ seu prauaricationis diaboli, quæ de angelica statione deiectus est, inuidiam specialiter extitisse, quando Adam & Eua liuida calliditate decepit.

Responsio de initio lapsus diaboli.

SERENVS *Cap. X.*

Ibid. Non esse istud prauaricationis illius seu deiectionis initium, Genesios lectio manifestat, quæ ante illorum deceptionem serpentini nominis eum nota credidit inurendum, ita dicens: Serpens autem erat sapientior; siue, ut Hebraici exprimunt libri; callidior cunctis bestiis terræ, quas fecit Dominus Deus. Intelligitis ergo quod ante illam circumuentionem primi hominis, de angelica discesserat sanctitate, ita ut non solum nominis huius insigniri mereretur infamia, sed etiā in nequitia tergiversatione ceteris præferretur bestiis terræ. Non enim tali vocabulo scriptura bonū angelum designasset, nec de his qui in illa beatitudine perseuerant diceret: Serpens autem erat sapientior omnibus bestiis terræ. Nam hoc cognomen non solum Gabrieli siue Michaeli nullo modo posset aptari, sed ne bono quidem cuiquam homini conueniret. Apertissime itaque & serpentis vocabulum, & comparatio bestiarum non sonat angelī dignitatem, sed prauaricatoris infamiam. Denique liuoris ac seductionis materia, quā ut hominem deciperet instigatus est, de anterioris ruinæ extitit causa, quod scilicet de limbo terræ nuperrime figuratum, ad illam eum gloriam cerneret euocandum, unde cum esset vnus de principibus se meminerat corruisse. Et idcirco priorem eius lapsum, quo superbiendo corruerat, quo etiam serpens meruerat nuncupari, secunda ruina per inuidiam subsecuta est; quæ inueniens eum adhuc aliquid in sese erectum habentem, ita ut etiam cuiusdam colloqui atque consilij cum homine posset habere consortium, sententia Domini vtiliter in ima deiectus est, ut non iam sicut ante sublime aliquid intuens, & excelsus incederet, sed ut solo coharens reperet potius, & humiliatus super ventrem terrenis vitiis & operibus pasceretur; occultum deinceps publicans inimicum, ac ponens inter ipsum & hominem viles inimicitias, salutaremque discordiam; ut dum cauetur tãquam hostis no-

Gen. 3. xius,

xius, amicitijs fraudulentis vltterius homini nocere non posset.

De eius qui decipit siue decipitur pœna. Cap. XI.

IN quo tamen & illud nos præcipue debet intruere, vt a malis consilijs declinemus, quòd licet deceptionis auctor congrua pœna & condemnatione plectatur, ne ille quidem qui seducitur supplicio careat, licet aliquantulo leuiore, quam ille qui auctor deceptionis extiterit. Quod hic expressum plenissime cernimus. Adam namq; qui seductus est, immò (vt Apostoli verbis eloquar) qui seductus non est, sed seductæ acquiescens, in exitiabilem viderur accessisse consensum, sudore vultus ac labore tantummodo condemnatur: qui tamen illi nō per suam, sed per terræ maledictionem sterilitatemq; decernitur. Mulier vero quæ huius rei persuasor extitit, multiplicatione gemituum, ac dolorum atque tristitiæ premitur, perpetuo pariter iugo subiectionis addicta. Serpens autem, qui primus incentor huius offensæ fuit, perenni maledictione multatur. Quamobrem summa sollicitudine & circumspeditione cauendum est a consilijs prauis; quia sicut auctorem puniunt, ita deceptum nec peccato faciunt catere, nec pœna.

De cōspiratione demonum & inquietudine, quam in hoc aere semper exercent. Cap. XII.

Tanta vero spirituum densitate constipatus est aer iste, qui inter cælum terramq; diffunditur, in quo nō quieti otiosq; peruolitant, vt satis utiliter humanis aspectibus eos prouidentia diuina subtraxerit. Aut enim terrore concursus eorum vel horrore vultuum, in quos se pro voluntate sua cum libitum fuerit transformant atque conuertunt, intolerabili formidine consternarentur homines atque deficerent, nequaquam valentes hæc carnalibus oculis intueri, aut certe nequiores quotidie redderentur, exemplis eorum iugibus & imitatione vitiati; & per hoc inrer homines & immundas atque aereas potestates fieret noxia quædam familiaritas, ac perniciofa coniunctio, quia hæc flagitia quæ nunc inter homines admittuntur, vel parietum septis, vel locorum intervallo, & quadam verecundiæ confusione cælantur, si aperta iugiter visione conspicerent, ad maiorem furoris incitarentur insaniam, nullo scilicet interueniente temporis puncto, quo ab istis sceleribus eas cernerent defluentes; quippe quas nulla lassitudo carnalis, seu occupa-

tio rei familiaris, ac distentio quotidiani victus, quemadmodum nos, a cæptis intentionibus etiam inuitissimos nunquam cessare compellunt.

Quod impugnationem, quam erga homines aerea potestates impendunt, etiam aduersum se commoueant.

Cap. XIII.

HAs namq. impugnationes, quibus homines impetunt, etiam contra se inuicem ipsas affectare certissimum est. Nam discordias atque conflictus super nonnullis gentibus pro quadam sibi nequitiae vernacula familiaritate suscepis, indefesso certamine similiter exercere non desinunt. Quod etiam in visione Danielis prophetae manifestissime legimus figuratum, angelo Gabriele ita narrante:

Dan. 10. Noli timere Daniel, quia ex die primo quo posuisti totum ad intelligendum, ut te affligeres in conspectu Dei tui, exaudita sunt verba tua, & ego veni propter sermones tuos. Princeps autem regni Persarum restitit mihi viginti & vno diebus: & ecce Michael vnus de principibus primis venit in adiutorium meum, & ego remansi ibi iuxta regem Persarum. Veni autem ut docerem te, quæ ventura sunt populo tuo in nouissimis diebus. Quem principem regni Persarum aduersariam potestatem esse, quæ fauebatur genti Persarum inimicæ populo Dei, minime dubitandum est; quique ad impediendam vtilitatem, quam videbatur per absolutionem questionis pro qua propheta Dominum exorauerat, ab archangelo ministradam, & liuens semetipsum, ne ocius ad Danielem salutaris angeli consolatio perueniret, Deiq. populum cui Gabriel archangelus præerat, confortaret, obiecit. Qui tamen ait, ne tunc quidem ob impugnationis illius vehementiam se ad eum peruenire potuisse, nisi in adiutorium sibi Michael archangelus aduenisset, & occurrens principi regni Persarum, seque confistui eius interserens & opponens, eumq. ab ipsius impugnatione defendens, ad instructionem prophetae post vicissimum & vnum diem peruenire fecisset. Et post pauca:

Ibid.

Et ait, inquit, angelus: Numquid scis quare venerim ad te? Et nunc reuertar ut prælior aduersus principem Persarum. Cum enim ego egrederer, apparuit princeps Græcorum veniens. Verumtamen annuntiabo tibi quod expressum est in scriptura veritatis. Et nemo est adiutor meus in his om-

Dan. 12. nibus, nisi Michael princeps vester. Et iterum: In tempore illo

Ille confurget Michael princeps magnus, qui stat pro filiis populi tui. Legimus ergo Græcorum quoque principem similiter alium nuncupari, qui utique fauens genti sibi subditæ, tam populo Israeli, quam nationi Persarum videbatur aduersus. Ex quo liquido peruidetur, quod discordias gentium & conflictus ac similitates, quas inter se isti instigantibus gerant, etiam contra se aduersæ exerceant potestates, & illatum vel victoria gaudeant, vel diminutione crucientur; & ob hoc non possunt inter se esse cõcordes, dum unusquisque pro his, quibus præst, contra alterius gentis præsaleat inq̃ etiam semper æmulatione contendit.

Vnde factum sit ut potestatum seu principatuum nomina spirituales nequitie sortirentur. Cap. XIV.

Hoc ergo præter illas, quas superius exposuimus opiniones, etiam idcirco dici principatus vel potestates, evidenti possumus ratione colligere, quod scilicet vel diuersis generibus dominentur ac præsent, vel certe quod in inferioribus (spiritus atque demonia (de quibus etiam Euangelia, legiones esse propria ipsorum confessione testantur) suos exerceant principatus. Non enim dominationes dici possumus, nisi habeant in quos ditionem suæ dominationis exerceant, nec potestates aut principatus vocari queunt, nisi fuerint in quos sibi vindicent principatus. Quod etiam in Euangelio designari calumniatibus Phariseis manifestissime reperimus: In Beelzebub principe demoniorum hic ei eicit demones. Nam & rectores tenebrarum harum legimus appellari, & alium mundi huius principem nuncupari. Quos tamen gradus beatus Apostolus in futurum, cum omnia fuerint Christo subiecta, asserit euacuandos: Cum tradiderit, inquit, regnum Deo & patri, cum euacuauerit omnem principatum, & potestatem, & dominationem, quod utique nõ aliter fiet, nisi fuerint de ipsorum ditione sublati, in quos in hoc sæculo potestates seu dominationes vel principatus administrare noscuntur.

Quod non sine causa sanctis celestibusq̃ virtutibus angelorum seu archangelorum sint nomina indita. Cap. XV.

Nam quia bonæ parti eorundem ordinum vocabula non sine ratione causave sint indita, sed officiorum vel meritorum seu dignitatum sint nomina, nulli dubium est. Etenim de officio nuntiandi Angelos, id est, nuntios appellari manifestum est: & Archangelos, eo quod ipsis angelis præsent,

. 11. 20. 1

Luc 8.

Luc. 11.

Ephes. 6.

1 Ioan. 1. 4.

1 Cor. 15.

nominis ipsius proprietas docet: Dominationes etiam ab eo quoddam quibusdam dominantur: Principatus quoque quoddam habeant quorum sint principes: & Sedes, quod ita scilicet Deo cohæreant, & domesticæ sint ei ac familiares, ut in ipsis velut in quadam sede diuina maiestas peculiariter requiescat, & quodammodo in eis firmiter reclinetur.

De subiectione demonum, quam suis principibus præbent.

Cap. XVI.

Luc. 11.

REgi autem immundos hos spiritus a nequioribus potestatibus, eisque subditos esse, præter illa scripturarum testimonia, quæ in Euangelijs quoque calumniantibus Pharisæis, Domini legimus responsione descripta: Si ego in Beelzebub principe demoniorum eicio demones; etiam perspicuæ visiones & experimenta sanctorum multa nos edocent. Nam cum vnus ex fratribus nostris in hac solitudine iter ageret, aduersperascente iam die, antrum quoddam reperiens, ibidem substitit, vespertinam volens in eo synaxin celebrare. Vbi dum psalmos ex more decantat, tempus mediæ noctis excessit. Cumque finita solemnitate refecturus lassum corpus paululum, resedisset, repente cœpit cateruas demonum vndique confluentium innumera- biles intueri, quæ infinita constipatione atque ordine longissimo procedentes, aliæ præbant principem suum, aliæ suo agmine sequebantur. Qui tandem aliquando & magnitudine præceteris cunctis, & aspectu terribilior aduenit: ac posito folio cum in tribunali quodam sublimissimo consedisset, vniuscuiusque actus diligenti cœpit examinatione discutere, illosque qui necdum se circumuenire æmulos suos potuisse dicebant, velut inertes ignauosque a conspectu suo cum nota & iniuria iubeat expelli, spacia temporis tanti, & opus inaniter ab eis expensum cum fremitu & indignatione furoris exprobrans. Illos vero qui se nuntiabant configuatos sibi met decepisse, summis laudibus cum exultatione ac fauore cunctorum, ut fortissimos bellatores ad exemplum cunctorum gloriosissimos coram omnibus emittebat. In quorum numero cum quidam nequissimus spiritus, utpote quandam triumphum sublimissimum delatus, lætior aduenisset, nomen monachi optime cogniti designauit, asserens se post quindecim annos quibus cum iugiter obsedisset, tandem aliquando præualuisse, ut eum eadem ipsa nocte ruina fornicationis elideret: nam cum qua-

quadam sacra puella non solum impulisse vt stupri crimen incurreret, sed etiam persuasisse vt eam sibi iure coniugij retentaret. Super cuius prosecutione cum immane cunctorum gaudium fuisset exortum, summis a principe tenebrarum laudibus eleuatus; magnisq. præconijs coronatus: abscessit. Aurora itaq. superueniente, cum omnis ab oculis euauisset demonum multitudo, dubitans frater de immundi spiritus assertionem, magisq. id ratus, quod inolita consuetudinis suæ fallacia sibi voluisset illudere, & innocenti fratri inurere crimen incesti; memor euangelicæ sententiæ, quod in veritate non stetit, quia non est veritas in eo; cum loquitur mendacium; de proprijs loquitur, quia mendax est, & pater eius; Pelusum petijt, vbi illum quem immundus spiritus asseruit esse deiectum, nouerat commorari; (erat siquidem illi etiam notissimus frater.) Quem cum requisisset, reperit quod eadem nocte, qua terribilissimus ille demon ruinam eius suæ cohorti & principi renuntiauerat, monasterio pristino derelicto, vicum petisset, & cum designata puella fuisset lapsu miserabili deuolutus.

Quod singulis hominibus duo semper angeli adhæreant.

Cap. XVII.

NAm quod vnicuique nostrum duo cohæreant angeli, id est, bonus & malus, scriptura testatur. Et de bonis quidem Saluator: Ne contemnatis, inquit, vnum ex pusillis istis, dico enim vobis, quod angeli eorum in cælis semper vident faciem patris mei qui in cælis est. Illud quoque: Immitter angelus Domini in circuitu timentium eum, & eripiet eos. Necnon etiam quod in actibus Apostolorum de Petro dicitur: Quia angelus eius est. De vtrisque vero, liber Pastoris plenissime docet. Si autem consideremus & illum, qui beatum Iob expetiit, apertissime instruemur illum fuisse, qui semper insidiatus ei, nūquam eum ad peccatum potuerit incitare, & idcirco potestatem a Domino poposcisse, velut qui non virtute illius; sed Domini defensione, qui illum semper protegeret, vinceretur. De Iuda quoque dicitur: Et diabolus iter a dextris eius.

Differētia nequitia, quæ aduersus spiritibus inest, per duos philosophos approbata. Cap. XVIII.

DE differētijs sane demonum etiam per illos duos philosophos, qui quondam magicis artibus vel inuicem eorum, vel fortitudinem suamq. nequitiam fuerant frequen-

frequentè experti, multū cognitionis accepimus. Hi namq[ue] despiciētes beatū Antonium velut imperitam ac sine literis virū; volentesq[ue] eum (si nihil amplius lādere posuissent) saltem de cella sua magicis prastigijs, & circumuersione dæmonum proturbare; spiritus ei nequissimos immiserunt, ad impugnationem hanc morsu liuoris adducti, eo quodd in maximā hominum turbæ ad eum veluti famulū Dei quotidie conuenirent. Cumq[ue] illo nunc quidem impudente pectori suo frontiq[ue] signaculum crucis, nunc vero orationi suppliciter incubante, ac approximare quidem distissimī dæmones eidem prorsus auderent, atque ad illos qui eos direxerant absque vilo reuertere[n]tur effectū, & alios illi in nequitia vehementiores rorsus immitterent, iidemq[ue] ipsi incassum suas expēdentibus vires, atque inauiter redeuntibus, potētiore[n]s nihilominus aduersus militem Christi virtutem iterum destinati, nihil penitus praualescent, eo quidem profecerunt tales: tantāq[ue] eorum insidia tota magica arte quæsitæ, vt per hæc euidentissime comprobarent, magnā professioni Christianorum inesse virtutem, quibus illæ tam leuæ & tam potentes vmbre, quas assumabant solum lunamq[ue], si ad eas directæ fuissent, obducere potuisse, hūc non solum nil lādere; sed ne ad punctum quidem de monasterio suo valuerint proturbare.

Quod dæmones nihil aduersus homines praualeant, nisi eorum prius mentes obsederint. Cap. XLX.

Cumq[ue] pro hac admiratione confestim veniētes ad abbatem Antonium, impugnationum suarum magnitudinem, & causas atq[ue] insidias patefecissent liuoris occulti, Christianos se fieri protinus poposcerunt. requisito autem ab illis proditæ impugnationis die, asseruit se amarissimis cogitationum stimulis tunc fuisse pulsatum. Quo experimēto sententiam nostram, quam hesterno die in collatione protulimus, probauit ac definiuit beatus Antonius: nullatenus dæmones posse mentem cuiusquam vel corpus inuadere, nec habere facultatem in cuiuslibet animam penitus irruendi, nisi eam primo destituerint omnibus cogitationibus sanctis, ac spiritali contemplatione vacuam nudamq[ue] reddiderint. Sciendum tamen duobus modis immundos spiritus hominibus obedire. Aut enim sanctitati fidelium diuina gratia ac virtute subduntur; aut sacrificijs impiorum seu quibusdam carminibus delinici, velut famu-

liaribus adulantur. Qua opinione Pharisei quoque decepti
arbitrati sunt etiam Dominum Saluatorem hac arte dæmo- Luc. 11. 18
nijs imperasse; dicentes: In Beelzebub principe dæmonio-
rum eijsent dæmones: secundum illam scilicet consuetudi-
nem, qua nouerant suos magos vel maleficos per inuoca-
tionem illius nominis, ac ritu sacrificiorum, quo eū delectari
& gaudere cognoscunt, velut domesticos eius habere etiam
in dæmones ei subditos potestatem.

Interrogatio de apostatis angelis, qui in Genesi cū filiabus ho-
minū concubuisse dicuntur. Cap. XX.

Quia Genesios lectio paulo ante in medium Dei dispē-
satione prolata est, quæ nos oportune commouit,
ut id quod semper discere cupiebamus, nunc possi-
mus congruē sciscitari; quid etiam de illis apostatis angelis
sentiendum sit, optamus agnoscere, qui se cum filiabus ho- Gen. 6.
minum miscuisse dicuntur, verum hoc possit spiritali natu-
ræ secundum litteram conuenire. Illud quoque Euangelij
testimonium, quod de diabolo paulo ante dixisti: Quia me- Ioh. 8.
dax est, & pater eius; similiter desideramus audire, quinam
eius pater intelligendus sit.

Solutio propositæ questionis.

SERENVS *Cap. XXI.*

Dvas quæstiones non mediocres pariter protulisti, de
quibus quantū possumus, eodē quo proposuisti ordi-
ne respondebo. Nullo modo credendū est spirituales naturas
coire cū feminis carnaliter posse. Quod si aliquādo hoc se-
cundum litteram fieri potuisset, quomodo nunc quoque
idipsum non vel raro cōtingeret, ut absque femine vel coi-
tu viri aliquos nasci similiter de mulieribus conceptū dæ-
monū cerneremus? cū præsertim constet eos libidinū sor-
dibus admodū delectari; quas proculdubio per semetipsos
exercere quā per homines mallent, si id vllō modo posset
impleri, Ecclesiaste quoque idipsum pronuntiante: Quid est Eccl. 1.
quod fuit ipsum quod futurū est: & quid est quod factū est?
ipsum quod fiet: & nō est omne recēs sub sole quod loqua-
tur & dicat: ecce hoc nouū est; iā fuerunt in seculis, quæ fue-
runt ante nos. Sed ita quæstio huius propositionis absolui-
tur. Post necē Abel iusti, ne a fratricida & impio omne ho-
minū genus exordium sumeret, in locū fratris extincti na- Gen. 4.
scitur Seth, qui non solū posteritati, sed etiā fraternæ iusti-
tiæ pietatiq. succederet. Cuius progenies patris secūra iu-
sticiam,

*Gen. 1.**1. Para. 1**Gen. 4.**Psal. 51.**Gen. 2.**4. 332*

stitiam, a societate & coniunctione cognationis illius quæ ex Cain sacrilegò descendebant, semper diuisa permanfit, sicut etiam genealogiæ discretio manifeste declarat, ita dicens: Adam genuit Seth, Seth genuit Enos, Enos genuit Cainam, Cainam autem genuit Malaleel, Malaleel autem genuit Iared, Iared genuit Enoch, Enoch autem genuit Mathusalem, Mathusalem genuit Lamech, Lamech genuit Noe. Item genealogia Cain ita diuisa describitur: Cain genuit Enoch, Enoch genuit Irad, Irad genuit Mauiael, Mauiael genuit Mathusael, Mathusael genuit Lamech, Lamech genuit Iubal. Itaq. illa generatio quæ de Seth iusti propagine descendebat, suæ linæ iugiter agnationiq. permixta, in patrum atque atauum sanctitate longa ætate durauit, nequaquã scilicet sacrilegijs ac malitia nequissimæ proles infecta, quæ in semet impietatis germen velut auita traditione retinebat insertum. Donec ergo perseuerauit inter illos generationis eorum ista discretio, semen illud Seth, utpote de optima radice procedens, pro merito sanctitatis angeli Dei, siue, ut diuersa exemplaria continent, filij Dei vocati sunt: & e contrario illi propter impietatem vel suam vel patrum suorum & opera terrena, filij hominum nuncupantur. Cum esset ergo inter ipsos vsque ad illud tempus hæc utilis sanctaq. diuisio, videntes post hæc filij Seth, qui filij Dei erant, filias eorum, qui de Cain progenie nascebatur, desiderio pulchritudinis earum accensi, acceperunt sibimet de ipsis vxores, quæ viris suis parentum suorum nequitas infundentes, ab illa eos ingenerata sanctitate ac simplicitate paterna protinus corruerunt. Ad quos satis congrue directum est illud eloquium: Ego dixi, dij estis, & filij excelsi omnes. Vos autem sicut homines moriemini, & sicut vnus de principibus cadetis. Quippe ab illa vera physice philosophiæ disciplina tradita sibi a maioribus exciderunt, quam primus homo ille, qui vniuersarum naturarum institutionem e vestigio subsecutus potuit euidenter attingere, suisq. posteris certa ratione transnittere. Quippe qui mundi ipsius infantiam adhuc teneram, & quodammodo palpitantem rudemq. conspexerat, & in quem tanta fuit non solum sapientiæ plenitudo, sed etiam gratia prophetiæ, diuina illa insufflatione transfusa, ut vniuersis animantibus nomina rudis adhuc mundi huius habitatoris imponeret, ac non solum omni genus bestiarum atque serpentium furores virusq. discerneret, sed

etiam

etiam virtutes herbarū, arborum lapidumq. naturas ac tēporum necdum expertorum vicissitudines partiretur; ita vt potuerit efficaciter dicere: Dominus dedit mihi eorum, *Sap. 7.* quæ sunt, scientiam veram, vt sciam dispositionem orbis terrarum, & virtutes elementorum, initium & consummationem & medietatem temporum, vicissitudinum mutationes, & dimensiones temporum, annorum cursus, & stellarum dispositiones, naturas animalium, & iras bestiarum, vim spirituum, & cogitationes hominum, differentias arborum, & virtutes radicum, & quæcumque sunt abscondita & in promptu cognoui. Hanc ergo scientiam omnium naturatum per successiones generationum semen Seth paterna traditione suscipiens, donec diuisum a sacrilega propagine perdurauit, quemadmodum sancte perceperat, ita etiā vel ad Dei cultum, vel ad vtilitatem vitæ communis adrexit. Cum vero impiæ generationi fuisset admixtum, ad res profanas ac noxias, quæ pie didicerat instinctu quoque demonum deriuauit, curiosasq. ex ea ꝑ maleficiorum artes, *al. maleficorum:* atque præstigias, ac magicas superstitiones audacter instituit; docens posteros suos vt sacro illo cultu diuini nominis derelicto, vel elementa hæc, vel ignem, vel aereos demones venerarentur & colerent. Hæc igitur quam diximus curiosarum rerum notitia, quomodo in diluuiο non perierit, ac superuenientibus sæculis innotuerit, licet hoc minime absolutio propōsitæ quæstionis exposcat, tamen quia nos occasio huius expositionis admonuit, perstringendum breuiter puto. Quærum itaque antiquæ traditiones ferunt, Cham filius Noe, qui superstitionibus istis & sacrilegis ac profanis fuerat artibus institutus, sciens nullum se posse super his memorialem librum in arcam prorsus inferre, in qua erat vna cum patre iusto ac sanctis fratribus ingressurus, scelestas artes ac profana commenta diuersorum metallorum laminis, quæ scilicet aquarum corrumpi inundatione non possent, & durissimis insculpsit lapidibus. Quæ, petacto diluuiο, eadem quæ calauerat curiositate perquirens, sacrilegiorum ac perpetuæ nequitie seminarium transmisit in posteros. Hac itaque ratione illa opinio vulgi, qua credunt angelos vel maleficia vel diuersas artes hominibus tradidisse, in veritate completa est. De illis ergo, quemadmodum diximus, filijs Seth & filiabus Cain nequiores filij procreati sunt, qui fuerunt robustissimi venatores, violentissimi ac

Gen. 6. truculentissimi viri; qui pro enormitate corporum, vel crudelitatibus atque malitiis, gigantes nuncupati sunt. Hi namque finitimos populari, ac rapinas inter homines exercere plim coeperunt, præda potius exigere vitam suam, quam sudore operis sui ac labore contenti; & quorum usque coecelera supercreuerat, ut expiari mundus aliis nisi diluuij inundatione non posset. Ita ergo filijs Seth libidinis instigatione transgressis illud mandatum, quod ab exordio mundi huius naturali instinctu diuissime fuerat custoditum, necesse fuit per litteram legis postea reparari: Filiam tuam non dabis filio eius uxorem, nec de filiabus eorum accipies filio tuo, quia seducunt corda vestra, ut discedatis a Deo vestro, & sequamini deos earum, ac seruiatis eis.

*Deut. 7.**Exod. 34.**1. Reg. 11.*

Obiectio quomodo generi Seth cum filiabus Cain profana commixtio ante interdictum legis potuerit imputari.

GERMANVS

Cap. XXII.

Merito potuisset illis ex hac præsumptione vel nouitate coniugij crimen transgressionis adscribi, si data fuisset illis ista præceptio. At cum seiunctionis istius obseruantia necdum aliqua fuisset constitutione præfixa, quemadmodum illis permixtio generis ad noxam debuit imputari, quæ nullo fuerat interdicta mandato? Lex enim non præterita solet crimina, sed futura damnare.

Responsio quod naturali legi ab initio homines iudicio seu poena fuerint obnoxij.

SERENVS

Cap. XXIII.

Deus hominem creans omnem naturaliter ei scientiam legis inseruit, quæ si fuisset ab homine secundum propositum Domini, ut coeperat, custodita, non utique necessarium fuisset aliam dari, quam litteris postea promulgauit. Erat enim superfluum extrinsecus offerri remedium, quod adhuc intrinsecus vigeat insertum. Sed quia hæc, ut diximus, penitus corrupta iam fuerat libertate vsque peccandi, velut huius executor ac vindex, & ut ipsis scripturæ verbis eloquar, adiutrix apposita est Mosaica legis leuiter districtio, ut vel metu poenæ præsentis non penitus bonum scientiæ naturalis extinguerent, secundum prophetæ sententiam dicentis: Legem dedit in adiutorium; quæ etiam secundum Apostolum, paedagogus velut paruulis data fuisse describitur, erudiciens scilicet eos atque custodiens, ne ab illa disciplina

*Esa. 8.**sec. lxx.**Galat. 3.*

Plina in qua naturaliter fuerant instituti, quadam obliuione discederent. Nam quia sit homini omnis scientia legis ab initio creationis infusa, hinc manifeste probatur, quod madata legis absque litteræ lectione ante legem, immo ante diluuium omnes sanctos obseruasse cognoscimus. Quæ admodum enim scire potuit Abel, necdum lege mandante, quod de primitiuis ouium suarum, & de adipe ipsarum ad sacrificium Deo deberet offerre, nisi per insitam sibi legem naturaliter fuisset edoctus? Quæ admodum Noe quod mundum vel quod immundum esset animal discreuisset, nondum hæc legali distinguente mandato, nisi scientia naturali fuisset instructus? Vnde Enoch didicit ambulare cum Deo, nullam legis illuminationem ab aliquo consecutus? Vbi Sem & Iaphet legerant: Turpitudinem patris tui non reuelabis; vt incedentes retrorsum, patris verenda velarent? Vnde monitus Abraham spolijs hostium, quæ sibi offerebantur, ne retributionem laboris sui consequeretur, abstinuit: vel decimas sacerdoti Melchisedech, quæ Mosaica lege præcipiuntur, exsoluit? Vnde idem ipse Abraham, vnde Lot, transeuntibus ac peregrinis humanitatis iura & ablutione pedum, necdum euangelico coruscante mandato, suppliciter obtulerunt? Vnde et Iob tantam deuotionem fidei, tantam castimonie puritatem, tantam humilitatis, mansuetudinis, misericordie, humanitatis scientiam consecutus est, quantam nunc ne ab illis quidem, quæ Euangelia memoriter retineat videmus impleri? Quem sanctorum legimus ante legem vllum legis non obseruasse mandatum? Quis illorum non custodiuit: Audi Israel, Dominus Deus tuus et Dominus vnus est? Quis non impleuit illorum: Non facies tibi sculptile, neque vliam similitudinem eorum, quæ in celo sunt, siue quæ in terra, vel eorum quæ sunt in aquis sub terra? Quis eorum non obseruauit: Honora patrem tuum & matrem tuam: vel illa quæ in Decalogo subsequuntur: Non occides, non adulterabis, non facies furtum, non falsum testimonium dices, non concupisces uxorem proximi tui, aliaque his multo maiora, quibus non solum legis, sed etiam Euangelij præuenere mandata?

De eo quod iuste puniti sunt hi, qui ante diluuium peccauerunt.

Cap. XXIV.

Ita ergo intelligimus ab initio Deum omnia creasse perfectæ, nec fuisse quod ordinationi eius principali velut impro-

Gen. 4.

Gen. 7.

Gen. 5.

Leuit. 18.

Gen. 9.

Gen. 14.

Exod. 22.

Gen. 18.

Gen. 19.

Ioan. 13.

al. Ioseph.

Dent. 6.

al. Deus.

Exod. 20.

Ibid.

improvidæ & imperfectæ necesse esset adiungi, si in illo statu ac dispositione, qua ab ipso creata sunt, vniuersa mansissent. Et idcirco in eos qui ante legem, immo ante diluuium peccauerunt, iusto iudicio Deum animaduertisse probabimus, quia transgressi naturalem legem, sine vlla meruerunt excusatione puniri. Nec in illorum incidemus blasphemias calumniamq., qui ignorantes hanc rationem, derogant Deo veteris testamenti, ac detrahentes nostræ fidei substantesq. respondent: Quid ergo placuit Deo vestro, ut post tot annorum milia legem voluerit promulgare, tanta scacula passus sine lege transire? Quod si postea melius aliquid adiuuenit, apparet eum in primordio mundi inferiora vel deteriora sapuisse, & post hæc velut experimentis edoctum, cœpisse rectiora prospicere, ac principales ordinationes suas in melius emendare. Quod immensæ præscientiæ Dei penitus conuenire non potest, nec sine ingenti blasphemia hæc de ipso ab hæretica insania proferuntur, dicente Ecclesiaste: Cognoui quoniam omnia quæ fecit Deus ab initio ipsa erunt in æternum. Super illa non est quod addatur, & ab illis non est quod auferatur. Et idcirco iustis lex non est posita, iniustis autem & non subditis, impijs & peccatoribus, sceleratis & contaminatis. Illi namque habentes naturalis illius atque iustæ legis sanam atque integram disciplinam, nequaquam lege hac extrinsecus adhibita litterisq. descripta, quæque in adiutorium illi naturali data est, indigebant. Ex quibus apertissima ratione colligitur, nec legem istam perscriptam litteris dari ab initio debuisse, (erat enim superfluum hoc fieri stante adhuc naturali lege, nec ad iuregrum violata;) nec euangelicam perfectionem tradi ante legis potuisse custodiam. Non enim poterant audire: Qui te percusserit in dextram maxillam tuam, præbe illi & alteram; qui contenti non erant talionis equalitate iniurias proprias vlcisci, sed letales calces ac telorum vulnera pro alapa leuissima rependebant, & pro vno dente, percutientium animas expetebant. Sed nec dici poterat illis: Diligite inimicos vestros; in quibus magnus fructus & utilitas ducebatur, ut amicos suos diligerent, declinarent uero inimicos, & solo ab eis odio dissiderent, nec opprimere illos & interficere festinarent.

Ecl. 3.

sec. lxx.

1. Tim. 1.

Esai 3.

sec. lxx.

Matt. 5.

Ibid.

Quomodo intelligendum sit, quod in Euangelio dicitur de diabolo: Quia mendax est, & pater eius. Cap. XXV.

Illud vero quod vos de diabolo mouerat: Quia mendax est, & pater eius; quod videlicet tam ipse quàm pater suus mendax pronuntiari videatur a Domino, satis absurdum est hoc vel leuiter opinari. Vt enim paulo. ante diximus, spiritus spiritum non generat, sicut nec animam quidem potest anima procreare, licet concretionem carnis non dubitemus humano semine coalescere; ita de vtraque substantia, id est, carnis & animæ, quæ cui adscribatur auctori, Apostolo manifestius distinguente: Deinde patres, inquit, carnis nostræ habuimus eruditores, & reuerbamur; non multo magis subijciemur patri spirituum, & viuemus? Quid hac diuisione clarius potuit definiri, vt carnis quidem nostræ patres homines pronuntiaret, animarum vero Deum solum esse patrem constanter exprimeret? Quamquam & in ipsa corporis huius concretionem ministerium tantummodo sit hominibus adscribendum, summa vero conditionis Deo omnium cteatori, dicente Dauid: Manus tuæ fecerunt me & plasmauerunt me. Et beatus Iob: Nonne sicut lac, inquit, mulsisti me, & coagulasti me vt caseum, ossibus & neruis ꝑ inseruisti me? Et Dominus ad Hieremiam: Priusquam te formarem in utero noui te. Ecclesiastes vero vtriusque substantiæ naturam atque originem, examinatione ortus atque initij, ex quo videlicet vnaquæque processit, & cōsideratione finis, ad quæ vnaquæque cōtendit, satis euidenter ac proprie colligens, pariterque de corporis huius atque animæ separatione disceptans, ita dissetuit: Priusquam cōuertatur puluis in terram sicut fuit, & spiritus reuertatur ad Deum qui dedit eum. Quid apertius dicere potuit, quàm vt materiam carnis quā puluerem nominauit, quia de hominis semine sumit exordium, eiusque videtur ministerio seminari, velut e terra sumptam iterum reuerti pronuntiaret ad terram; spiritum vero, qui non per commixtionem sexus vtriusque generatur, sed peculiariter a Deo solo tribuitur, ad auctorem suum redire signaret? Quod etiam per illā Dei insufflationē, qua Adam primus animauit, euidenter exprimitur. Itaq. his testimonijs manifeste colligimus, patrē spirituum neminē dici posse nisi Deum solum, qui eos ex nihilo cum voluerit facit; homines vero carnis nostræ patres tantummodo nominari.

Ioan. 8.

Hebr. 12.

Psal. 118.

Iob. 10.

Eveipas

Hiere. 1.

Eccle. 12.

Gen. 2.

Igitur & diabolus secundū hoc quod vel spiritus vel angelus bonus creatus est, patrem neminem habuit nisi Deum conditorem suum. Qui cum superbia fuisset elatus, & dixisset in corde suo: Ascendam super altitudinem nubium, ero similis altissimo; factus est mendax, & in veritate non stetit, sed de proprio nequitiae thesauro mendacium proficiens, non solum mendax, sed etiam pater ipsius mendacii factus est, quo deitatem homini repromittens ac dicens: *Gen. 3.* Eritis sicut dii; in veritate non stetit, sed ab initio factus est homicida, vel Adam in cōdicionem mortalitatis inducēs, vel Abel instigatione sua per manum fratris interimens. *Gen. 4.* Sed iam disputationem nostram duarum ferme noctium lucubratione confectam subsequens aurora conclusit, ac de profundissimo quæstionum pelago cymbam huius collationis ad tutissimum silentii portum compendium nostræ rusticitatis attraxit. In quo quidem profundo quanto nos interius flatus diuini spiritus introduxerit, tanto diffusior præcedens oculorum aciem semper aperietur immensitas, ac secundum sententiam Salomonis, longius fiet a nobis magis quā erat, & alta profunditas, quis inueniet eā? Quamobrem Dominum deprecemur, ut in nobis vel timor eius, vel charitas, quæ cadere nescit, immobilis perseueret; quæ nos & sapientes in omnibus faciat, & a diaboli telis protegat semper illæsos. His etenim custodibus impossibile est, quempiam laqueos † eius incurrere. Inter perfectos autem & imperfectos ista distantia est, quod in illis quidem fixa, & (ut ita dixerim) maturior charitas tenacius perseuerans, firmitus eos ac facilius facit in sanctitate durare; in his veto velut infirmius collocata, ac facilius refrigerescens, cito ac sæpius eos peccatorū compellit laqueis implicari. Quibus auditis ita nos collationis huius sermo flammavit, ut maiore mentis ardore abeuntes a cella senis, quā antea venientes, doctrinæ eius plenitudinē sitiremus.

COLLATIONIS SECVNDÆ

Abbatis Sereni de Principatibus,

& Potestatibus Finis.

COLLATIO NONA,

QVÆ EST PRIMA

ABBATIS ISAAC,

DE ORATIONE.

Proœmium collationis.



E perpetua orationis atque incessabili iugitate, quod in secundo institutionū libro promissum est, collationes huius senis, quem nunc in medium proferemus, id est abbatis Isaac, Domino fauente complebunt. Quibus explicatis, & præceptis beatissimæ memoriæ Papæ Castoris, & desiderio vestro, o beatissime Papa Leonti, & sancte frater Helladi, satisfecisse me credo; voluminis amplitudine primitus excusata, quæ studentibus nobis non solum sermone succincto narranda perstringere, sed etiam plurima silentio præterire, in maiorem modum quam disposueramus extensa est. Præmissa namq. super diuersis institutis disputatione copiosa, quam nos studio breuitatis rescicare maluimus, hæc ad extremum beatus Isaac intulit verba.

Verba abbatis Isaac super orationis qualitate. Cap. I.

Omnis monachi finis, cordisq. perfectio, ad iugem atque indiruptam orationis perseverantiam tendit, & quantum humanæ fragilitati conceditur, ad immobilem tranquillitatem mentis ac perpetuam nititur puritatem. Ob quam omnem tam laborem corporis, quàm contritionem spiritus indefesse quarimus, & iugiter exercemus, & est inter alterutrum reciproca quædam inseparabilisq. coniunctio. Nam sicut ad orationis perfectionem omnium tendit structura virtutum, ita nisi huius culmine hæc omnia fuerint colligata atque compacta, nullo modo firma poterunt vel stabilia perdurare. Quemadmodum enim si ne illis acquiri vel consummari non potest hæc, de qua loquimur, perpetua orationis iugisq. tranquillitas, ita ne illæ quidem virtutes, quæ hanc præstaurant, absque huius

al. effectus

Luc. 14.

*al. nisi e-
gesto prius
omni &c.
al. effusus
succidijs.*

Luc. 6.

Matth. 7.

possunt assiduitate compleri. Et ideo nec recte tractare de orationis et affectu, nec ad eius principalē finem, qui vniuersarum virtutum molitione perficitur, subitanea disputatione poterimus intrare, nisi prius vniuersa, quę illius obtentu vel abscidenda sunt vel paranda, per ordinē dinumerata fuerint ac discussa; & secundum euangelicę parabolę disciplinam, ea quę ad spiritualis ac sublimissimę illius extructionem pertinent turris, supputata fuerint ac diligenter ante congesta. Quę tamen nec proderunt præparata, nec recte superponi sibi mer excelsa culmina perfectionis admittent, et quia nec superposita poterūt molem tantę celsitudinis sustinere, nisi prius, ut cōmuni vsus verbo proprius aliquid exprimam, diligenter egesto omni repurgio vitiorum, & et effossis succiduis mortuisq. ruderibus passionum, viuę (ut aiunt) ac solidę terrę pectoris nostri, immo illi euangelicę petrę superiecta fuerint simplicitatis & humilitatis firmissima fundamēta, quibus hęc turris spiritualium virtutum molitionibus extruenda, & immobiliter valeat stabiliri, & ad summa cęlorum fastigia confidentia proprię firmitatis attolli. Fundamentis etenim talibus innitentem, quamuis passionū imbres largissimi profundantur, quamuis ei persecutionum violenti torrentes instar arictis illidantur, quamuis irruat & incumbat aduersariorum spirituum sæua tempestas, non solum ruina non diruet, sed nec ipsa aliquatenus vexabit impulsio.

Quemadmodum pura ac sincera pariatur oratio. Cap. I I.

ET idcirco ut eo feruore ac puritate, qua debet, emitti possit oratio, hęc sunt omnimodis obseruāda. Primum sollicitudo rerum carnalium generaliter abscidenda est, deinde nullius negotij causęve non solū cura, sed ne memoria quidem penitus admittenda, detractiones, vaniloquia seu multiloquia, scurrilitates quoque similiter amputandę, itę prę omnibus siue tristitię perturbatio funditus eruenda, concupiscentię carnalis ac philargyrię noxius fomes radicatus euellendus; & ita his ac similibus vitij extrusis penitus & abscisis, quę hominum possunt patere conspectibus, taliq. ut diximus, repurgij emundatione præmissa, quę simplicitatis & innocentię puritate perficitur, iacienda sunt primum profundę inconcussa humilitatis fundamina, quę scilicet tutrem celos pulsaturam valeant sustinere, deinde superponenda virtutum spiritualis

extru-

extructio, & ab omni discursu atque euagatione lubrica animus inhibendus, vt ita paulatim ad contemplationem Dei ac spirales intuitus incipiat sublimari. Quidquid enim ante orationis horam anima nostra conceperit, necesse est vt orantibus nobis per ingestionem recordationis occurrat. Quamobrem quales orantes volumus inueniri, tales nos ante orationis tempus præparare debemus. Ex præcedenti enim statu mens in supplicatione formatur, eorumdemq. actuum procumbentibus nobis ad precem, verborum quoque vel sensuum ante oculos imago præludens, aut irasci nos secundum præcedentem qualitatem, aut tristari, aut concupiscentias causasve præteritas retractare, aut risu fatuo (quod etiam pudet dicere) cuiusquam scurrilis dicti vel facti tirillatione pulsari, aut ad priores faciet volitare discursus. Et idcirco quidquid orantibus nobis volumus vt irrepat, ante orationem de abditis nostri pectoris extrudere festinemus, vt apostolicum illud possimus implere: Sine intermissione orate. & In omni loco leuantes puras manus sine ira & disceptatione. Alias namque mandatum istud perficere non valebimus, nisi mens nostra ab omni vitiorum purificata contagio, virtutibus tantum velut naturalibus bonis dedita, iugi omnipotentis Dei contemplatione pascatur.

1. Thess. 5.

1. Tim. 2.

De mobilitate anima pluma vel pennula cõparata. Cap. III.

VT enim qualitas animæ non inepte subtilissimæ plumæ seu pennæ leuissimæ comparatur, quæ si humoris cuiuspiam extrinsecus accidentis corruptione vitiata non fuerit vel infusa, mobilitate substantiæ suæ tenuissimi spiritus adiumento, velut naturaliter ad sublimia cælestiaq. sustollitur; si vero humoris cuiusquam aspergine vel infusione fuerit prægrauata, non modo in nullos aereos volatus naturali mobilitate raptabitur, sed etiam ad ima terræ cõcepti humoris pondere deprimetur: ita mens quoque nostra si accidentibus vitijs curisq. mundanis aggrauata non fuerit, noxiæve libidinis humore corrupta, velut naturali puritatis suæ beneficio subleuata, leuissimo spiritualis meditationis afflatu sublimabitur ad superna, & humilia deserens atque terrena, ad cælestia & inuisibilia transfere-
tur. Vnde proprie satis præceptis Dominicis admonemur: Videte nequando grauentur corda vestra in crapula &

Luc. 21.

ebrietate, & curis secularibus. Et idcirco si volumus ora-

tiones nostras non solum cælos, sed etiam quæ super cælos sunt penetrare, curemus mētem ab omnibus terrenis vitijs expurgatam, cunctisq. mundatam sœcibus passionum, ad subtilitatem perducere naturalem, vt ita ad Deum oratio eius nullo vitiorum pondere prægrauata conscendat.

De causis quibus mens nostra grauatur. Cap. IV.

NOtandum tamen quibus ex causis grauari mentem Dominus designauerit. Non enim adulteria, non fornicationes, non homicidia, non blasphemias, non rapinas, quæ mortalia esse & damnabilia nullus ignorat, sed crapulam posuit & ebrietatem, & curas siue sollicitudines sæculares. Quæ intantum nemo hominum mundi huius cauet, aut damnabilia iudicat, vt etiam nonnulli (quod puderet dicere) semetipsos monachos nuncupantes, iisdem ipsis distentionibus velut innoxij & vtilibus implicentur. Quæ tria licet secundum litteram perpetrata aggrauēt animam, atque a Deo separent, ac deprimant ad terrena, est tamen eorum facilis declinatio, & maxime nobis, qui tam longa remotione ab omni sæculi huius conuërsatione disiungimur, & istis visibilibus curis atque ebrietatibus & crapulis penitus nulla occasione miscemur. Verum est alia quoque crapula non minus noxia, & ebrietas spiritalis difficilior euitanda, cura quoque ac sæcularis sollicitudo, quæ nos etiam post omnium facultatum nostrarum perfectam renuntiationem, & vini epularumq. continentiam cunctarum, & quidem in solitudine constitutos frequenter inuoluant, de quibus propheta: Expergiscimini, inquit, qui estis ebrij, & non a vino. Alius quoque: Obstupefcite & admiramini, fluctuate & vacillate, inebriamini, & non a vino, mouemini, & non ab ebrietate. Cuius ebrietatis & crapulæ vinum consequenter necesse est, vt secundum prophetā, furor draconum sit. Ipsumq. vinū de qua radice procedat aduerte: Ex vinea enim Sodomorum vitis eorum; & sarmentum eorum ex Gomorra. Vis etiam fructum vitis istius atque sarmenti germen agnoscere? Vua eorum vua felis, botrus amaritudinis ipsis. Propter quæ omnia nisi fuerimus cunctis vitijs expurgati, & ab omnium passionum crapula sobrij, absque ebrietate vini epularumq. omnium affluentia erit, cor nostrum ebrietate & crapula magis noxia prægrauatum. Nam quia sæculares cura etiam in nos qui

*Joel. i.
sec. lxx.
Esaï. 29.*

*Deut. 32.
Ibidem
sec lxx.
Ibid.*

qui nullis istius mundi actibus admiscemur, cadere nonnumquam possint, manifesta ratione monstratur, secūdam regulam seniorum, qui quidquid necessitatem victus quotidiani, & ineuitabilem vsum carnis excedit, ad sæculatē definierunt curam & sollicitudinē pertinere: vt verbi gratia, si cum possit operatio vnus solidi necessitatem nostri corporis expedire, ad duorum vel trium solidorum acquisitionem nosmetipsos propensiorē velimus opere ac labore distendere; & cum duarum velamen sufficiat tunicarum, ad vsum scilicet noctis atque diei, trium vel quattuor fieri domini procuremus; cumq. vnus siue duarum habitatio sufficiat cellularum, ambitione sæculari atque amplitudine delectati, quattuor seu quinque cellas, & has easdem exquisitis ornatas, & capaciores quā vsum desiderat extuamus, passionem libidinis mundialis, in quibus possumus præferentes.

De visione cuiusdam senis, quam super fratris inquietæ operatione perspexit. Cap. V.

Quod non sine instinctu dæmonum fieri manifestissima nos experimenta docuerunt. Nam quidam probatissimus seniorū cum transiret iuxta cellū fratris cuiusdam, hac animi, quam diximus, ægitudine laborātis, vt pote qui in extruendis reparandisq. superfluis inquietus quotidianis distentionibus desudaret; & eminus conspexisset eum, graui malleo saxum durissimum conterentem, vidissetq. Aethiopem quendam adstantem illi, & vna cum eodem ictus mallei iunctis confertisq. manibus illidentem, cumq. ad operis illius instantiam ignitis facibus instigantem, diuissime substitit, vel impressionem dirissimi dæmonis, vel fraudem tantæ illusionis admirans: Cum enim nimia lassitudine fatigatus frater, requiescere iam, finemq. operi voluisset imponere, instigatione illius spiritus animatus iterum resumere malleum, nec desinere ab intentione cœpti operis vrgebatur, ita vt ipsdem eius incitamenti insatigabiliter sustentatus, tanti laboris non sentiret iniuriam. Tandem igitur senex tam dira dæmonis lustrificatione permotus, ad cellam fratris diuertit, salutansq. eum: Quod est frater, inquit, istud opus quod agis? At ille: Laborauimus, ait, contra istud durissimum saxum, vixq. illud potuimus aliquando conterere. Ad hæc senex: Bene dixisti.

xisti; potuimus: non enim solus eras cum illud cæderes, sed fuit alius tecum, quem non vidisti, qui tibi in hoc opere non tam adiutor quàm violentissimus impulsor adstabat. Et idcirco morbum ambitus sæcularis nostris mentibus non inesse, non utique eorum tantum negotiorum abstinentia comprobabit, quæ etiam si velimus explere non possumus, neque illarum despectus rerum, quas si affectauerimus tam apud spirituales viros quàm apud sæculi homines notabiles prima fronte reddemur, sed cum etiam illa, quæ nostræ suppetunt potestati, & honestate quadam videntur obnubi, rigida mentis distractione respuimus. Et reuera non minus hæc, quæ parua videntur & minima, quæq. ab his qui nostræ professionis sunt, cernimus indifferenter admitti, pro qualitate sua aggrauant mentem, quàm illa maiora quæ secundum suum statum sæcularium sensus inebriare consuerunt, non sinentes, deposita facie terrena, ad Deum, in quo semper defixa esse debet intentio, monachum respirare, cui ab illo summo bono vel parua separatio, mors præsens ac perniciosissimus interitus est credendus. Cumq. mens tali fuerit tranquillitate fundata, vel ab omnium carnalium passionum nexibus absoluta, & illi vno summoq. bono tenacissime adhæserit cordis intentio, apostolicum illud implebit: Sine intermissione orate. &c. In omni loco
1. Theff. 5. leuantes puras manus, sine ira & disceptatione. Hac enim
1. Tim. 2. puritate, si dici potest, sensu mentis absorpto, ac de terreno situ ad spiritalem atque angelicam similitudinē reformato, quidquid in se receperit, quidquid tractauerit, quidquid egerit, purissima ac sincerissima erit oratio.

Vtrum maioris difficultatis sit custodire cogitationes bonas.

GERMANVS *quam parare. Cap. VI.*

Vtinam simili modo atque eadē facilitate, qua semina spiritaliu in cogitationum plerumque concipimus, etiā perpetuitatem earum possidere possemus. Cum enim fuerint siue per memoriam scripturarum, seu per recordationem spiritalium quorumq. actuum, vel certe per intuitum sacramentorum cælestium nostro corde conceptæ, insensibili quadam fuga dilapsæ quantocius euanescent. Cumq. alias qualibet occasiones spiritalium sensuum mens nostra repererit, rursus alijs irrepentibus, ipsæ quoque, quæ apprehensæ fuerant, lubrica volubilitate diffugiunt, ita ut nullam constantiā sui retinens animus, nec potestate propria

pria sanctarum cogitationum possidehs firmitatem, etiam tunc cum eas utcumq. retinere videtur, fortuito illas, & non de industria concepisse credatur. Quomodo enim ortus earum nostro arbitrio putabitur adscribendus, quarum perseverantia non consistit in nobis? Sed ne forte sub huius quæstionis indagine a cæpto narrationis ordine longius euagantes expositionem propositam super orationis statu diutius retardemus, suo hanc tempori reservantes, de qualitate orationis instantissime quæsumus informari, præsertim cum nullo tempore nos ab ea cessare beatus Apostolus moneat, dicens: Sine intermissione orate. Et ideo *1. Thess. 5.* primum de qualitate eius desideramus institui, id est, qualis debeat emitti semper oratio: deinde qualiter hanc eandem, quæcumque est, possidere vel exercere sine intermissione possimus. Non enim parua cordis intentione eam perfici posse, & experientia quotidiana, & persecutio tuæ sanctitatis ostendit, qua finem monachi ac totius perfectionis culmen in orationis consummatione consistere definisti.

Responsio de diversis orationum qualitatibus.

ISAAC

Cap. VII.

Vniuersas orationum species absque ingenti cordis atque animi puritate & illuminatione sancti Spiritus arbitror comprehendi non posse. Tot enim sunt quot in anima vna, immo in cunctis animalibus, status queunt qualitatesq. generari. Et ideo licet sciamus nos pro hebetudine cordis nostri vniuersas orationum species non posse perspicere, tamen inquantum mediocritas experientiæ nostræ assequi præualuerit, digerere eas utcumque tentabimus. Secundum mensuram namque puritatis, in qua mens vnaquæque profecit, & qualitatem status, in quo vel ex accidentibus inclinatur, vel per suam renouatur industriam, ipsæ quoque momentis singulis reformantur; & ideo vniiformes orationes emitti semper a nemine posse certissimum est. Aliter enim supplicat quisque cum alacer est, aliter cum tristitiæ seu desperationis pondere prægrauatur; aliter cum spiritualibus successibus viget, aliter cum impugnationum mole deprimitur; aliter cum veniam peccatorum, aliter cum acquisitionem gratiæ, seu cuiuslibet virtutis exposcit, vel certe extinctionem cuiuslibet vitij deprecatur; aliter cum consideratione gehen-

gehennæ ac futuri iudicij timore compungitur, aliter cum spe futurorum bonorum desiderioq. flammatur; aliter cum in necessitatibus ac periculis, aliter cum in securitate ac tranquillitate versatur; aliter cum sacramentorum celestium reuelationibus illustratur, aliter cum sterelitate virtutum ac sensuum ariditate constringitur.

De quadripartita orationum specie. Cap. VIII.

ET idcirco his super orationum qualitate digestis, licet non quantum exposcit materiæ magnitudo, sed quantum vel temporis admittit angustia, vel certe capere tenuitas nostri ingenij & cordis præualet hebetudo, maior nobis nunc imminet difficultas, vt ipsas singillatim orationum species exponamus, quas Apostolus quadripartita ratione distinxit, ita dicēs: Deprecor itaque primo omnium fieri obsecrationes, orationes, postulationes, gratiarum actiones. Quæ non inaniter ab Apostolo ita fuisse diuisa minime dubitandum est. Et primitus indagandum quid obsecratione, quid oratione, quid postulatione, quid gratiarum actione signetur: dein perquirendū, vtrum hæc quatuor species ab orante sint pariter assumendæ, id est, vt omnes simul in vnaquaque supplicatione iungantur; an vicissim singillatimq. sint offerendæ, vt puta nunc quidem obsecrationes, nunc vero orationes, nunc autem postulationes seu gratiarum actiones oporteat promi; an certe alius quidem obsecrationes, alius vero orationes, alius autem postulationes, alius gratiarum actiones Deo debeat exhibere; secundum mensuram scilicet ætatis suæ, in qua vnaqueque mens per intentionis profecit industriam.

De ordine specierum orationis. Cap. IX.

ET ideo primum proprietates ipsæ sunt nominum verborumq. tractandæ, ac discutiendum, quid inter orationem, & obsecrationem, ac postulationem, & gratiarum actionem intersit. Dein similiter perscrutandum, vtrum singillatim sint, an pariter exhibendæ. Tertio indagandum, vtrum etiam ipse ordo qui ita est Apostoli auctoritate dispositus, aliquid amplius instruat auditorem, an simpliciter accipienda sit ista distinctio, & indifferenter putanda sit ab illo taliter fuisse digesta; quod mihi satis videtur absurdum. Non enim credendum est aliquid transitorie ac sine ratione Spiritum sanctum per Apostolum protulisse: & idcirco eodem quo cœpimus ordine, prout donauerit

Domi-

Dominius, singula retractemus.

De obsecratione. Cap. X.

DEprecor itaque primo omnium fieri obsecrationes. Obsecratio imploratio est seu petitio pro peccatis, quæ vel pro presentibus vel pro præteritis admissis suis, vnuquisque compunctus veniam deprecatur. 1. Tim. 2.

De oratione. Cap. XI.

ORationes sunt, quibus aliquid offerimus seu vouemus, Deo: quod Græce dicitur, *ἑχνη*, id est, votum. nam ubi est in Græco; *τὰς ἑχὰς μου τῷ κυρίῳ ἀποδῶσα*, in Latino legitur: Vota mea Domino reddā. Quod secundum proprietatē verbi ita exprimi potest: Orationes meas Domino reddam. Et illud quod legimus in Ecclesiaste: Si voueris votum Deo, ne moram feceris reddere illud; in Græco similiter scribitur; *ἐὰν ἑχῃς τῷ θεῷ*, id est: Si oraueris orationem Deo, ne morā feceris reddere illā. Quod ita ab unoquoque nostrum implebitur: Oramus cum renuntiantes huic mundo spondemus nos mortificatos cunctis actibus & conuersationi mundanæ, tota cordis intentione Domino seruituros. Oramus cum pollicemur sæculari honore contempto, ac terrenis opibus spreto, in omni contritione cordis ac paupertate spiritus nos Domino cohæsurus. Oramus cum promittimus nos purissimam corporis castitatem, seu immobilem patientiam exhibituros esse perpetuo, vel cum de corde nostro radices iræ, siue tristitiæ mortem operantis vouemus funditus eruentas; quæ cum desidia resoluti, atque ad antiqua vitia recurrentes, minime fecerimus, erimus orationum nostrarum ac votorum rei, diciturque nobis: Melius est non vouere te, quàm vouere & non reddere. Quod secundum Græcum dici potest: Melius est non orare te, quàm orare & non reddere. Psal. 115. Eccle. 5. sec. lxx.

De postulatione. Cap. XII.

Tertio loco ponuntur postulationes, quas pro alijs quoque dum sumus in seruire spiritus constituti, solemus emittere, vel pro caris scilicet nostris; vel pro totius mundi pace poscentes, & ut ipsius Apostoli verbis eloquar, cum pro omnibus hominibus, pro regibus & omnibus qui in sublimitate sunt, supplicamus. Ibid. 1. Tim. 2.

De gratiarum actione. Cap. XIII.

Quarto deinde loco gratiarum actiones ponuntur, quas mens vel cum præterita Dei recolit beneficia, vel cum

cum præsentia contemplatur, seu cum in futurum, quæ & quanta præparauerit Deus his qui diligunt eum prospicit, per ineffabiles excessus Domino refert. Quæ etiam intentione nonnumquam preces vberiores emitti solent, dum illa quæ reposita sunt in futuro sanctorum præmia purissimis oculis intuendo, ineffabiles Deo gratias cum immenso gaudio spiritus noster instigatur effundere.

Vtrum quattuor orationum species simul & omnibus, an singillatim & vicissim unicuique sint necessaria. Cap. XIV.

EX quibus quattuor speciebus licet nonnumquã soleant occasiones supplicationũ pinguium generari; nam & de obsecrationis specie, quæ de compunctione nascitur peccatorum, & de orationis statu quæ de fiducia oblationum & consummatione votorum pro conscientie profuit puritate, & de postulatione, quæ de charitatis ardore procedit, & de gratiarum actione, quæ de beneficiorum Dei & magnitudinis ac pietatis eius consideratione generatur, feruentissimas sapissime nouimus preces igiturque prodire: ita ut constet omnes has quas prædiximus species, omnibus hominibus viles ac necessarias inueniri, ut in vno eodemque viro nunc quidem obsecrationum, nunc autem orationum, nunc postulationum puras ac feruentissimas supplicationes variatus emittat affectus; tamen prima ad incipientes videtur peculiarius pertinere, qui adhuc vitiorum suorum aculeis ac memoria remordentur. Secunda ad illos, qui in profectu iam spiritali appetituque virtutũ quadam mentis sublimitate consistunt. Tertia ad eos, qui perfectionum votorum suorum operibus adimplentes intercedere pro alijs quoque consideratione fragilitatis eorum & charitatis studio prouocantur. Quarta ad illos qui iam pœnali spina euulsa de cordibus, securi munificentias Domini ac miserationes, quas vel in præterito tribuit, vel in præsentia largitur, vel præparat in futuro, mente purissima retractantes ad illam ignitam, & quæ ore hominum nec comprehendi nec exprimi potest, orationem feruentissimo corde raptantur. Nonnumquam tamen mens, quæ in illum verum puritatis profecit affectum, atque in eam cœperit radicari, solet hæc omnia simul pariterque concipiens atque in modum cuiusdam incomprehensibilis ac rapacissimæ flammæ cuncta peruolitans, ineffabiles ad Deum preces purissimi vigoris effundere, quas ipse spiritus

al. ecstasim.

tus interpellans gemitibus inenarrabilibus, ignorantibus nobis emittit ad Deum; tanta scilicet in illius horæ momento concipiens, & ineffabiliter in supplicatione profundens, quanta non dicam ore percurrere, sed ne ipsa quidem mente valeat alio tempore recordari. Et inde est quodd in qualibet mensura quis positus nonnumquam puras intentasq. preces inuenitur emittere, quia & de illo primo & humili ordine qui est super recordatione futuri iudicii, is qui adhuc sub terroris est pœna ac metu examinis constitutus, ita ad horam compungitur, vt non minore spiritus alacritate de obsecrationis pinguedine repleatur, quàm ille qui per puritatem cordis sui munificentias Dei perlustrans atque percurrrens, ineffabili gaudio lætitiâq. resoluitur, incipit enim secundum sententiam Domini plus diligere, *Luc. 7.* quia sibi met ampliora cognoscit indulta.

Ad quas orationum species nosmetipsos tendere debeamus. Cap. XV.

TAmen expetendæ sunt nobis per profectû vitæ cōsummationemq. virtutum illæ potius supplicationum species, quæ vel de contemplatione futurorum bonorum, vel de charitatis ardore funduntur: seu certe, vt humilior & secundum incipientium mensuram loquar, pro acquisitione quarumq. virtutum, seu vitij cuiuslibet extinctione generantur. Aliter enim ad illa sublimiora, quæ prædiximus, supplicationum genera peruenire nullatenus poterimus, nisi pro ordinem postulationum † istarum sensum mens nostra fuerit gradatimq. prouecta. *al. ipsarū.*

Quod hæc quattuor supplicationum genera a Domino sint initiata. Cap. XVI.

HAs quattuor supplicationum species ita etiam Dominus exēplo suo nobis initiare dignatus est, vt in hoc quoque impleret illud quod de ipso dicitur: Quæ cœpit Iesus facere, & docere. Nam obsecrationis genus assūmit cū dicit: Pater si possibile est, transeat a me calix iste. Vel illud quod ex persona eius cantatur in psalmo: Deus Deus meus respice in me, quare me dereliquisti? aliaq. his similia. Oratio est cum dicit: Ego te clarificauī super terram, opus consummati quod dedisti mihi: vt facerem. Siue illud: Et pro eis sanctifico meipsum, vt sint & ipsi sanctificati in veritate. Postulatio est cum dicit: Pater quos dedisti mihi, volo vt vbi ego sum, & ipsi sint mecum, vt videant gloriam meam *Act. 1.* *Mat. 26.* *Psal. 21.* *Ioan. 17.* *Ibid.* *Ibid.*

- Luc. 23.** meam quam dedisti mihi. Vel certe cum dicit: Pater ignosce eis; non enim sciunt, quid faciunt. Gratiarum actio est cum dicit: Confiteor tibi Domine pater cæli & terræ, quia abscondisti hæc a sapientibus & prudentibus, & reuelasti ea paruulis: ita pater, quia sic fuit placitum ante te. Vel certe cum dicit: Pater gratias ago tibi quoniam audisti me: ego autem sciebam, quia semper me audis. Quæ tamen quattuor supplicationum genera licet singillatim ac diuerso tēpore secundum illum, quem comprehendimus, modum idem Dominus noster distinxerit offerenda, tamen etiam simul ea in supplicatione perfecta comprehendendi posse idē suis ostendit exemplis, per illam scilicet, quam ad finem Euangelij secundum Ioannem legimus cum copiosissime profudisse. Ex cuius textu, quia longum est vniuersa percurrere, diligens inquisitor hæc ita esse lectionis ipsius serie poterit edoceri. Quem sensum Apostolus quoque in epistola ad Philippenſes has quattuor supplicationum species aliquantum immutato ordine ponens, euidenter expressit, ostenditq. eas nonnumquā simul sub ardore vnius supplicationis offerri, ita dicens: Sed in omni oratione, & obsecratione, cum gratiarum actione, petitiones vestras innotescant apud Deum. per quod voluit nos in hoc specialius erudire, quòd & in oratione, & in obsecratione gratiarum actio debeat cum postulatione misceri.

De oratione Dominica. Cap. XVII.

- H**æc itaque supplicationū genera sublimior adhuc statutus præcelliorq. subsequitur, qui cōtemplatione Dei solius & charitatis ardore formatur, per quem mens in dilectionem illius resoluta atque reiecta, familiarissime Deo, velut patri proprio, peculiari pietate colloquitur. Quem statim debere nos diligenter expetere, forma Dominicæ orationis instituit, dicens: Pater noster. Cum ergo vniuersitatis Deum ac Dominum patrem nostrum esse voce propria confitemur; profecto de conditione serui in adoptionem filiorū Dei, nos profitemur adscitos: adijcētes deinde: *Qui es in cælis; vt commorationem vitæ præsentis, qua in hac degimus terra, velut peregrinam, atque a nostro patre nos longissime separantem, toto horrore vitantes, ad illam potius regionē, in qua patrem nostrum commorari fa-*temur, summo desiderio properemus, nihilque admittamus eiusmodi, quod indignos nos hac nostra professione

ac nobilitate tantę adoptionis efficiens, & hereditate pater-
 na velut degentes priuet, & iram nos faciat iustitię eius
 ac seueritatis incurrere. In quem filiorum ordinem gra-
 dumq. prouecti, illa continuo, quę est in bonis filiis, pieta-
 te flagrabimus, vt iam non pro nostris vtilitatibus, sed pro
 nostri patris gloria totum impendamus affectum, dicentes
 ei: Sanctificetur nomen tuum; nostrum desiderium, nostrũ
 gaudium, gloriam nostri patris esse testantes, imitatores
 effecti illius qui dixit: Qui a semetipso loquitur, gloriam
 propriam quęrit; qui autem quęrit gloriam eius, qui misit
 illum, hic verax est, & iniustitia in eo non est. Denique vas
 electionis hoc repletus affectu, etiam anathema fieri optat
 a Christo, dummodo ei familia multiplex acquiratur, &
 ad gloriam sui patris salus totius Israelitię plebis accre-
 scat. Securus enim optat interire pro Christo, qui nouit ne-
 minem mori posse pro vita. Et iterum: Gaudemus, inquit,
 quando nos infirmi sumus, vos autę potentes estis. Et quid
 mirum, si vas electionis pro Christi gloria & fratrum suo-
 rum conuersione gentisq. priuilegio anathema fieri optet
 a Christo, cum Michęas quoque propheta vellet se menda-
 cem fieri, & ab inspiratione sancti Spiritus alienum, dum-
 modo plagas illas & captiuitatis exitia, quę sua vaticina-
 tione prędixerat, plebs Iudaicę nationis euadat? Vtinam,
 inquit, non essem vir habens spiritum, & mendacium
 potius loqueret; vt prętermittamus illum legislatoris affe-
 ctum, qui cum fratribus suis etiam perituris interire non
 renuit, dicens: Obsecro Domine, peccauit populus iste pec-
 catum magnum; aut dimitte eis hanc noxam, aut si non fa-
 cis, dele me de libro tuo quem scripsisti. Potest autem con-
 grue satis illud, quod dicitur: Sanctificetur nomen tuum;
 etiam taliter accipi. Sanctificatio Dei nostra perfectio est.
 Itaque dicentes ei: Sanctificetur nomen tuum; alijs verbis
 hoc dicimus: Tales nos facito pater, vt sanctificationem
 tuam vel intelligere quanta sit, vel capere mereamur; vel
 certe, vt in nostra conuersatione spiritali sanctus appa-
 reas. Quod tunc efficaciter impletur in nobis, quando vi-
 dent homines opera nostra bona, & glorificant patrem no-
 strum qui in cælis est.

Ioan. 7.

Rom. 9.

2. Cor. 13

Mich. 3.

Exod. 32.

al. fac o
pater.

Matth. 3.

De eo quod dicit: Adueniat regnum tuum. Cap. XVIII.

Secunda petitio mentis purissimę aduenire iam iamque
 regnum sui patris exoptat: vel istud scilicet, quo quoti-
 die

die Christus reguat in sanctis; quod ita fit, cum diaboli imperio per extinctionem fortentium vitiorum de nostris cordibus pulso, Deus in nobis per virtutum bonam fragrantiam ceperit dominari, & deuicta fornicatione castitas, superato furore tranquillitas, calcata superbia humilitas, in nostra mente regnauerit: vel certe illud, quod praestituto tempore omnibus est perfectis ac Dei filijs generaliter repositum, in quo eis dicitur a Christo: Venite benedicti patris mei, possidete paratum vobis regnum a constitutione mundi; intentis illud quodammodo obrutibus ac defixis desiderans & expectans, dicensq. ad eum: Adueniat regnum tuum. Nouit enim testimonio conscientiae suae, cum apparuerit, mox eius se futurum esse consortem. Hæc enim dicere vel optare criminorum nullus audebit, quia nec videre tribunal iudicis volet, quisquis sub aduentu eius non palmam nec præmia suis meritis, sed poenam nouit protinus repensandam.

De eo, quod dicit: Fiat voluntas tua. Cap. XIX.

Tertia supplicatio filiorum est: Fiat voluntas tua sicut in cælo & in terra. Non potest esse iam maior oratio, quam optare ut terrena mereantur celestibus coequali. Nam quid est aliud dicere. Fiat voluntas tua sicut in cælo & in terra, quam ut sint homines similes angelis? & sicut voluntas Dei ab illis impletur in cælo, ita etiam hi, qui in terra sunt, non suam, sed eius vniuersi faciant voluntatem? Hoc quoque nemo ex affectu dicere præualebit, nisi is solus qui Deum credit omnia quæ videntur vel aduersa vel prospera pro nostris vilitatibus dispensare, magisque cum pro suorum salute & commodis prouidum atque sollicitum, quam nos ipsos esse pro nobis. Vel certe taliter accipiendum: Voluntas Dei salus omnium est, secundum illam beati Pauli sententiam: Qui omnes homines vult saluos fieri, & ad agnitionem veritatis venire. De qua etiam voluntate Esaias propheta ex persona Dei patris: Et omnis, inquit, voluntas mea fiet. Dicentes ergo ei: Fiat voluntas tua sicut in cælo & in terra; hoc eum alijs verbis oramus, ut sicut hi, qui in cælo sunt, ita omnes qui in terra consistunt, tua pater agnitione saluentur.

De pane substantiali sue quotidiano. Cap. XX.

Deinde: Panem nostrum *ἐπιούσιον*, id est, substantialem da nobis hodie; quod alius Euangelista quo-

Matt. 25.

2.

2. dicit

2. dicit

2. Tim. 2.

2. dicit

Esai. 46.

quotidianum dixit. Illud nobilitatis ac substantiæ eius significat qualitatem, qua scilicet super omnes substantias sit, atque omnes creaturas sublimitas magnificentię eius ac sanctificationis excedat; hoc vero proprietatem vsus ipsius atque vtilitatis expressit. Nam cum dicit: Quotidianum; ostendit quòd sine ipso nullo die spiritalem vitam capere valeamus. Cum dicit: Hodie, ostendit eum quotidie esse sumendum, & hesternam præbitionem eius non sufficere, nisi nobis hodie quoque similiter fuerit attributus; omniq. nos tempore hanc orationem debere profundere, indigētia eius quotidiana commoneat, quia non est dies quo non opus sit nobis huius esu ac perceptione cor nostri interioris hominis confirmare. Licet istud quod dicitur: Hodie, & ad præsentem vitam possit intelligi, id est, dum in hoc sæculo commoramur præsta nobis hunc panem. Nouimus enim eum his qui meruerint, a te & in futuro esse præstandum, sed rogamus, vt eum nobis hodie largiaris, quia nisi eum percipere quis in hac vita meruerit, in illa eius particeps esse non poterit.

De eo quo dicit: Dimitte nobis debita nostra, & reliqua.

Cap. XXI.

ET dimitte nobis debita nostra, sicut & nos dimittimus debitoribus nostris. O ineffabilis Dei clementia, quæ non solum nobis orationis tradidit formam, & acceptabilem sibi morum nostrorum instituit disciplinam, ac per necessitatem traditiæ formulæ, qua se præcepit a nobis semper orari, iræ pariter & tristitiæ radices euellit, sed etiam rogantibus tribuit, eisq. referat viam, qua clemens ac pius erga se prouocent Dei iudicium promulgari, & quodammodo potestatem tribuit, qua iudicis nostri possimus sententiam temperare, ad veniam delictorum nostrorum exemplo eum nostræ remissionis artantes, dum dicimus ei: Dimitte nobis, sicut & nos dimittimus. Itaque securus huius orationis fiducia de suis admissis veniam postulabit, quisquis remissor erga suos dumtaxat, non erga domini sui extiterit debitores. Solemus namque nonnulli (quod est deterius) erga illa quidem, quæ ad iniuriam Dei admittuntur, quamuis magnorum sint criminum, placidos nos & clementissimos exhibere; erga nostrarum vero vel parvissimarum offensionum debita, exactores immitte atque inexorabiles inueniri. Quisquis igitur in se delinquenti fratri non ex corde

Z

remiserit,

remiserit, non indulgentiam, sed condemnationem deprecatione hac sibi met impetrabit, suaq; professione semetipsum poscet durius iudicari, dicens: Remitte mihi, sicut & ego remisi. Quod cum illi secundum suam petitionem fuerit repensatum, quid aliud subsequetur, quam ut exemplo suo, implacabili ira & irremissa sententia puniatur? Ideo, si clementer volumus iudicari, uos quoque erga illos, qui in nos deliquerint, oportet esse clementes. Tantum enim remittetur nobis, quantum remiserimus nos eis, qui nobis quacumque malignitate nocuerint. Quod formidantes nonnulli, cum in ecclesia hæc oratio ad uniuersa plebe concinitur, hunc locum taciti prætermittunt; ne scilicet semetipsos obligare potius quam excusare sua professione videantur: non intelligentes quod frustra cauillationes has iudici omnium prætereundæ moliantur, qui quemadmodum iudicaturus sit supplicibus suis uoluit præmonstrare. Dum enim erga eos non uult immitis atque inexorabilis inueniri, formam sui iudicii designauit, ut quemadmodum nos ab illo iudicari cupimus, ita nostros fratres, si quid in nos deliquerint, iudicemus: quia iudicium sine misericordis ei qui non fecit misericordiam.

Iacob. 2.

De eo quod dicit: Et ne nos inducas in tentationem, sed libera nos a malo. Cap. XXI.

DEinde sequitur: Et ne nos inducas in tentationem. De quo non minima nascitur questio. Si enim oramus, ne permittamur tentari, unde erit in nobis uirtus constantiæ comprobanda, secundum illam sententiam: Omnis uir qui non est tentatus, non est probatus. & iterum: Beatus uir qui suffert tentationem. Non ergo hoc sonat: Ne inducas nos in tentationem, id est, non permittas nos aliquando tentari; sed ne permittas in tentatione positos superari. Tentatus est enim Iob, sed non est inductus in tentationem. Non enim dedit insipientiam Deo, nec ad illam ad quam traheretur tentatoris uoluntatem, ore impio blasphemus intrauit. Tentatus est Abraham, tentatus est Ioseph, sed neuter illorum est tentationem inductus, quia nullus eorum consensum præbuit tentatori. Deinde sequitur: Sed libera nos a malo, id est, ne permittas nos a diabolo tentari supra id quod possumus, sed fac enim tentatione & exitum, ut sustinere possimus.

Iacob. 1.

Gen. 22.

Gen. 39.

1. Cor. 10.

Quod

Quod non debeant alia postulari, quàm hæc tantum, quæ orationis Dominica modulo continentur.

Cap. XXIII.

Videtis ergo qualis nobis ab ipso, qui per illam exorandus est iudice, orationis sit modulus & forma proposita, in qua nulla diuitiarum petitio, nulla memoria dignitatum, nulla potentatus ac fortitudinis postulatio, nulla corporeæ † sanitatis, seu tēporalis vitæ mentio continetur. *Nihil enim caducum vult a se, nihil vile, nihil tēporale, æternitatum conditor implorari.* Itaq; magnificentiæ eius ac munificentæ maximam irrogabit iniuriam, quisquis sempiternis petitionibus prætermisissis, transitoriū aliquid & caducum ab eo maluerit postulare; & offensam potius, quàm propitiationem iudicis sui, vtilitate orationis incurret. *al. necessitatibus.*

De qualitate sublimioris orationis. Cap. XXIV.

Hæc igitur oratio licet omnem videatur perfectionis plenitudinem continere, utpote quæ ipsius Domini auctoritate vel initiata sit vel statuta, prouehit tamen domesticos suos ad illum præcellentem, quem superius commemorauimus, statum, eosq; ad illam igneam ac perpaucis cognitam vel expertam, immo (ut proprius dixerim) ineffabilem orationem, gradu eminentiore perducit, quæ omnem transcendens humanum sensum, nullo non dicam sono vocis, nec lingue motu, nec vlla verborum pronuntiatione distinguitur, sed quam mens infusione celestis illius luminis illustrata, non humanis atque angustis designat eloquijs, sed conglobatis sensibus, velut de fonte quodam copiosissimo effundit vbertim, atque ineffabiliter eructat ad Dominum, tanta promens in illo breuissimo temporis puncto, quanta nec eloqui facile, nec mens percurrere in semetipsam reuersa præualeat. Quem statum Dominus quoque inter illarum supplicationum formulas, quas vel solus in montem secedens, vel tacite facillè describitur, similiter figurauit, cum in orationis agonia constitutus, etiam guttas sanguinis inimitabili profudit exemplo.

Luc. 5.

Luc. 22.

De diuersis compunctionum causis, quibus mens ad orationem incitatur. Cap. XXV.

Qvis verò possit diuersitates & causas ipsas, atque origines compunctionum quantalibet experientia præditus sufficienter exponere, quibus mens inflammata atque succensa ad orationes puras ac feruentissimas inci-

tatur? Quorum pauca quantum potuerimus ad præsens per illuminationem Domini reminisci, exempli gratia proponemus. Nonnumquam etenim psalmi cuiuscunque verficulus occasionem orationis ignitæ nobis decantantibus præbuit; interdum canora fraternæ vocis modulatio, ad intentam supplicationem stupentium animos excitauit. Nouimus quoque distinctionem grauitatemque psallentis, etiã adstantibus plurimum contulisse feruoris; necnon exhortatio viri perfecti, & collatio spiritalis, frequenter ad vberimas preces iacentium erexit affectum. Scimus etiam fratris seu cari cuiusquam interitu non minus nos ad plenam compunctionem fuisse raptatos. Recordatio quoque teporis ac negligentiae nostræ nonnumquam nobis salutarem spiritus inuexit ardorem. Atque in hunc modum nulli dubium est occasiones innumeras non deesse, quibus per Dei gratiam torpor ac somnolentia nostratum mentium valeat excitari.

De varijs compunctionum qualitatibus. Cap. XXVI.

Quemadmodum vero, vel quibus modis istæ ipsæ compunctiones de intimis animæ conclauihus proferantur, non minoris difficultatis est indagare. Frequenter enim per ineffabile gaudium & alacritatem spiritus saluberrimæ compunctionis † fructus emergit, ita vt etiam in clamores quosdam intolerabilis gaudij immensitate prorumpat, & cellam vicini iucunditas cordis, & exultationis penetret magnitudo. Nonnumquam vero tanto silentio mens intra secretum profundæ taciturnitatis absconditur, vt omnem penitus sonum vocis stupor subitæ illuminationis includat, omnesque sensus attonitus spiritus vel contineat intrinsecus, vel remittat, ac desideria sua gemitibus inenarrabilibus effundat ad Deum. Interdum vero tanta compunctionis abundantia ac dolore suppletur, vt aliàs eam digere nisi lacrymarum euaporatione non possit.

*al. flens.
al. amittas.*

Interrogatio de eo, quod non sit in nostra potestate profusio.
GERMANVS lacrymarum. Cap. XXVII.

Hunc equidem compunctionis affectum ex parte aliqua mea quoque exiguitas non ignorat. Frequenter enim recordatione delictorum meorum obortis lacrymis, ita sum hoc ineffabili, vt præfatus es, gaudio, visitante Domino, vegetatus, vt desperare me illorum veniã non debere lætitiæ ipsius magnitudo diceret. Quo statu nihil reor esse su-

sc su-

se sublimius, si reparatio eius nostro subiaceret arbitrio. Nā nonnumquam cupiens ad similem me lacrymarum compunctionem totis viribus excitare; omnesq. errores meos atque peccata ante oculos statuēs vbertatem illam fletuum reuocare, non possum; & ita oculi mei in modum cuiusdam durissimæ silicis prædurantur, vt nulla prorsus ex eis humoris gutta distiller. & ideo quantum mihi in illa lacrymarum profusione congaudeo, tantum doleo, quòd illam cum voluero, recuperare non valeo.

Responsio de diuersitate compunctionum, qua per lacrymas
ISAAC *digeruntur. Cap. XXV III.*

NOn omnis lacrymarum profusio vno affectu, vel vna virtute depromitur. Aliter enim ille fletus emanat, qui peccatorum spina cor nostrum compungente profertur, de quo dicitur: Laboravi in gemitu meo, lauabo per singulas noctes lectum meum, lacrymis meis stratum meum rigabo. Et iterum: Deduc quasi torrentem lacrymas per diem & per noctem, & non des requiem tibi, neque taceat pupilla oculi tui. Aliter qui de contemplatione æternorum bonorum, & desiderio illius futuræ claritatis exoritur, pro qua etiam vberiores lacrymarum fontes de intolerantia gaudij & alacritatis immensitate prorumpunt, dum sitit anima nostra ad Deum fontem viuum, dicens: Quando veniam, & apparebo ante conspectum Dei? Fuerunt mihi lacrymarum panes die ac nocte; cum eiulatu quotidie & lamentatione proclamās: Heu mihi, quoniam incolatus meus prolongatus est. & Multum incola fuit anima mea. Aliter profuunt lacrymæ, quæ absque vlla quidem talium criminum conscientia, sed tamen de metu gehennæ, & terribilis illius iudicij recordatione procedunt, cuius terrore propheta percussus orat ad Deum: Non intres, inquit, in iudiciū cum seruo tuo, quia non iustificabitur in conspectu tuo omnis viuens. Est etiam aliud lacrymarum genus, quod nō pro sua conscientia, sed pro aliena duritia peccatisq. generatur, quo Samuel Saulē, quo illam quoque ciuitatem Hierusalem vel in Euāgelio Dominus, vel in Threnis Hieremias fleuisse describitur, ita dicens: Quis dabit capiti meo aquam, & oculis meis fontem lacrymarum, & plorabo in die & in nocte interfectos filiarum populi mei? Vel certe quales illæ sunt lacrymæ, de quibus in Psalmo centesimo primo canitur:

Psal. 6.

Thren. 2.

Psal. 42.

Psal. 119.

Ibid.

Psal. 140.

1. Reg. 18.

Luc 19.

Hiere. 9.

Psal. 101.

Quia cinerem sicut panem manducabam; & poculum meum cum fletu miscebam. Quas certum est non illo affectu promi, quo in sexto psalmo ex persona penitentis emergunt, sed pro anxietatibus vite atque angustijs & ærumnis, quibus iusti in hoc mundo positi deprimuntur. Quod etiam psalmi ipsius non solum textus, sed etiam titulus evidenter ostendit, qui ex persona illius pauperis, de quo in Evangelio dicitur: Beati pauperes spiritu, quoniam ipsorum est regnum cælorum, ita describitur: Oratio pauperis cum anxius fuerit, & coram Deo effuderit precem suam.

*Matth. 5.**Psal. 6.*

Quod elici non debeant lacryma, quando non spontanea proferruntur. Cap. XXI X.

AB his ergo lacrymis multum distant illæ, quæ corde obdurato de siccis oculis exprimentur, quas licet non penitus infructuosas esse credamus (bono enim proposito earum attentatur emissio, ab his præsertim qui necdum vel ad scientiam pervenire perfectam, vel pristinorum seu præsentium vitiorum potuerunt ad purum labe mundari) ab his tamen, qui in affectum iam transiere virtutum nequaquam debet hoc modo extorqueri profusio lacrymarum, neque exterioris hominis magnopere affectandi sunt fletus, qui etiam si fuerint utcumque producti, numquam pertingere ad illam spontanearum lacrymarum poterunt ubertatem. Magis enim supplicantis animum suis conatibus distrahentes humiliabunt atque ad ima demergent, & ab illa cælesti sublimitate deponent, in qua attonita mens orantis indeclinabiliter debet esse defixa, eamque compellent precum suarum intentione laxata erga steriles & coactitias lacrymarum guttulas ægrotare.

Sententia abbatis Anthonij super orationis statu. Cap. XXX.

ET ut orationis veræ percipiatis affectum, non meum vobis, sed beati Anthonij sententiam proferam: quem ita nonnumquam in oratione vidimus persistisse; ut eodem in excelsa mentis frequenter orante, cum solis ortus cœpisset infundi, audierimus eum in fervore spiritus proclamantem: Quid me impedis sol, qui ad hoc iam oris, ut me ab huius veriluminis abstrahas claritate? Cuius etiã hæc quoque est super orationis sine cælestis & plus quam humana sententia: Non est, inquit, perfecta oratio, in qua se monachus, vel hoc ipsum quod orat, intelligit. Et ut nos quoque secundum mensuram tenuitatis nostræ huic admirandæ

randæ sententiæ superadijcere aliquid audeamus, orationis quæ exauditur a Domino, inquantum experti sumus, indicia proferemus.

De exauditionis indicio. Cap. XXXI.

Cum orantes nos nulla interpellauerit hæsitatio, & fiducia petitionis nostræ quadam desperatione deiecerit, sed obtinuisse nos in ipsa orationis effusione, quod poscimus senserimus, non ambigamus preces nostras ad Deū efficaciter penetrasse. Tantum enim quis exaudiri atque obtinere merebitur, quantum vel inspicere a Deo vel Deū crediderit posse præstare. Irretractabilis namq. est Saluatoris illa sententia: Quæcumque orantes petitis, credite quia accipietis, & ¶ venient vobis.

*Marc. 16
al. fient.*

Obiectio, quod prædicta exauditionis fiducia tantum sanctis GERMANVS conueniat. Cap. XXXII.

Hanc exauditionis fiduciam nimirum de conscientie puritate credimus emanare. Ceterum nos quorum cor adhuc peccatorum spina compungit, quemadmodum eam habere possimus nullis patrocinantibus meritis, quibus exaudiendas orationes nostras fiducialiter præsumamus?

Responsio de diuersis exauditionum causis.

ISAAC *Cap. XXXIII.*

Diuersas exauditionum causas esse secundum animarum diuersum ac varium statum, euangelica, siue prophetica testantur eloquia. Habes enim in duorum consensione fructum exauditionis Dominica voce signatum, secundum illud: Si duo ex vobis consenserint super terram, de omni re, quamcumque petierint, fiet illis a patre meo qui in cælis est. Habes aliam in fidei plenitudine, quæ grano sinapis comparatur: Si enim, inquit, habueritis fidem sicut granum sinapis, dicetis monti huic: Transi hinc, & transibit; & nihil impossibile erit vobis. Habes in assiduitate orationum, quam propter indefessam petitionum perseuerantiam, importunitatem sermo Dominicus nominatit: Amen enim dico vobis, quia si non propter auariciam, vel propter importunitatem eius surget, & dabit ei quantum opus habuerit. Habes in elemosynarum fructu: Conclude, inquit, elemosynam in corde pauperis, & ipsa orabit pro te in tempore tribulationis. Habes in emendatione vitæ & operibus misericordię, secundum illud: Dissolue

Matt. 18.

Matt. 17.

Luc. 11.

Ecclesi. 29.

Esai. 58.

- colligationes impietatis, solue fasciculos deprimentes: Et post pauca quibus instructuosa ieiunij sterilitas castigatur: *Ibid.* Tunc, inquit, inuocabis, & Dominus exaudiet te, clamabis, & dicet, Ecce adsum. Nonnumquam sane exaudiri etiam
- Psal. 119.* tribulationum nimietas facit, secundum illud: Ad Dominum cum tribularer clamaui, & exaudiuit me. Et iterum:
- Exod. 22.* Ne afflixeris aduenam, quia si clamauerit ad me, exaudiam eum; quia misericors sum. Videtis ergo quor modis obtineatur exauditionis gratia, ut nullus ad impetranda ea, quæ salutaria sunt & æterna, conscientia suæ desperatione frangatur. Ut enim miseriarum nostrarum contemplatione concedamus nos omnibus illis quas supra memorauimus, penitus destitutos esse virtutibus, & nec illam nos habere laudabilem cōsensionem duorum, nec illam fidem grano sinapis comparatam, nec illa pietatis opera, quæ propheta describit: tamen vel importunitatem, quæ omni volenti suppeditat, habere possumus; per quam etiam solam daturum se Dominus quidquid oratus fuerit, repromittit: Et ideo absque hæsitationis infidelitate precibus insistendum est, obtenturosque nos earum iugitate cuncta quæ secundum Deum poposcerimus minime dubitandum. Hortatur enim nos Dominus, volens ea quæ sunt æterna celestiaque præstare, ut cum importunitate nostra quodammodo coartemus, qui importunos non modo non despicit nec refutat, sed etiam inuitat & laudat; eisque præstaturum se quidquid perseueranter petierint benignissime pollicetur; dicens: Petite, & accipietis; querite, & inuenietis; pulsate, & aperietur vobis. omnis enim qui petit, accipit; & qui querit, inuenit; & pulsanti aperietur. Et iterum: Omnia quæcumque petieritis in oratione, credentes accipietis. &
- Matt. 21.* Nihil impossibile erit vobis. Idcirco si cuncta nos exauditionum, quas prædiximus, causæ omnino deficiunt, salutem animæ importunitatis instantia, quæ absque vlla vel meriti vel laboris difficultate, in cuiuscumque volentis sita est potestate. Pro certo autem non exaudiendum se supplicans quisque non dubitet, cum se dubitauerit exaudiri. Quod autem infatigabiliter Domino supplicandum sit, etiam illo beati Danielis docemur exemplo, qui exauditus a prima die, qua cœpit orare, post primam & vicesimam diem cōsequitur suæ petitionis effectum. Vnde nos quoque non debemus a cœpta orationum nostrarum intentione cessare,

cessare, si nos exaudiri tardius senserimus; ne forte aut exauditionis gratia dispensatione Domini vtiliter differatur, aut angelus diuinum ad nos beneficium delaturus, a facie omnipotentis egressus, resistente diabolo demoreretur; quem certum est transmissum a nobis desiderium inferre non posse, si nos a propositæ petitionis intentione cessare repererit. Quod etiam supradicto propheta proculdubio accidere potuisset, nisi virtute incomparabili in primum atque vicissimum diem orationum suarum perseverantiam protelasset. Ab huius igitur fidei confidentia, nulla penitus desperatione frangamur, cum orationem nostram nos obtinuisset minime senserimus, nec hæsitemus super Domini sponse dicentis: Omnia quæcumque petieritis in oratione credentes, accipietis. Retractare namq. nos conuenit illam beati Ioannis Euangelistæ sententiam; qua ambiguitas huius quæstionis euidenter absoluitur: Hæc est, inquit, fiducia quam habemus ad Deum, quia quidquid petierimus secundum voluntatem eius, audit nos. Ergo super his tantum plenam nos & indubitabilem iussit exauditionis habere fiduciam, quæ non nostris commodis nec solatiis temporalibus, sed Domini congruunt voluntati. Quod etiam in oratione Dominica admiscere præcipimus, dicentes: Fiat voluntas, tua scilicet, non nostra. Si enim & illud Apostoli recordemur: Quoniam quid oremus, secundum quod oportet nescimus; intelligemus nonnumquam nos salutis nostræ contraria postulare, & commodissime nobis ab eo, qui vtilitates nostras rectius quam nos ac veracius intuetur, ea quæ poscimus denegari. Quod illi quoque magistro gentium accidisse nõ dubium est, cum oraret auferri a se angelum satanæ, qui vtiliter ad colaphizandum eum appositus fuerat voluntate Domini, dicens: Propter quod rer Dominum rogaui, vt discederet a me; & dixit mihi: Sufficit tibi gratia mea; nam virtus in infirmitate perficitur. Quem sensum etiam Dominus noster orans ex persona hominis assumpti, vt formam quoque orandi nobis quemadmodum cetera suo præberet exemplo, ita cū oraret expressit: Pater, si possibile est, trāseat a me calix iste; verumtamen non sicut ego volo, sed sicut tu; cum vtique eius a patris voluntate non discreparet voluntas. Venerat enim saluare quod petierat; & dare animam suam redemptionem pro multis; de qua ipse dicit: Nemo tollit animam meam

Matt. 21.

1. Ioan. 5.

Matt. 6.

Rom. 8.

2. Cor. 12.

Matt. 26.

Matt. 18.

Matt. 20.

Ioan. 10.

meam a me, sed ego pono eam a meipso. Potestatem habeo ponendi eam; & potestatem habeo iterum sumendi eam. Ex cuius persona super vanitate voluntatis suæ, quam cum patre iugiter possidebat, per beatum quoque David in

Psal. 39.

Ioan. 3.

Galat. 1.

Rom. 8.

Eesai. 53.

Galat. 1.

Ioan. 2.

Matt. 26.

al. oratio-

nis.

al. abest

negatio.

Deus meus volui. Nam & si de patre legimus; Sic enim Deus dilexit mundum, ut filium suum unigenitum daret; & de filio nihilominus inuenimus: Qui dedit semetipsum pro peccatis nostris. Et quæadmodum de illo refertur: Qui etiam proprio filio non pepercit, sed pro nobis omnibus tradidit eum; ita de isto narratur: Oblatus est, quia ipse voluit; & ita patris & filij voluntas una per omnia designatur, ut etiam in ipso resurrectionis Dominiæ sacramento operatio non dissimilis fuisse doceatur. Nam sicut resurrectionem corporis eius patrem operatum beatus Apostolus prædicat, dicens: Et Deum patrem qui suscitauit eum a mortuis; ita filius suscitaturum se templum sui corporis protestatur: Soluite, inquit, templum hoc, & ego in tribus diebus suscitabo illud. Et idcirco his, quæ prædiximus, exemplis Dominiæ eruditi, cunctas obsecrationes nostras simili nos quoque debemus oratione concludere, & hanc vocem cunctis petitionibus nostris semper adiungere: Verumtamen non sicut ego volo, sed sicut tu. Satis vero constat, illum trinæ & curuationis numerum, qui solet in congregatione fratrum ad concludendam synaxim celebrari, eum qui intento animo & non supplicat, obseruare non posse.

De oratione intra cubiculum, & clauso ostio deferenda.

Cap. XXXIV.

Matth. 6.

ANte omnia sane illud euangelicum præceptum diligentius obseruandum est, ut intrantes in cubiculum nostrum clauso ostio nostro oremus patrem nostrum; quod ita a nobis implebitur. Intra nostrum cubiculum supplicamus, cum ab omnium cogitationum seu solitudinū strepitu cor nostrum penitus amouentes, secreto quodammodo ac familiariter preces nostras Domino referamus. Clauso oramus, ostio, cum strictis labijs omniq. silentio supplicamus non vocum, sed cordium scrutatori. In abscondito oramus quando corde tantum, & intenta mente petitiones nostras soli pandimus Deo; ita ut ne ipsæ quidem aduersæ valeant potestates genus nostræ petitionis agnoscere. Propter quod

quodd summo est orandum silentio, non solum ne fratres adstantes nostris susurris vel clamoribus auocemus, & orationum sensibus obstrepamus, sed ut ipsos quoque inimicos nostros, qui nobis orantibus maxime insidiantur, lateat nostræ petitionis inrentio. Ira enim præceptum illud implebimus: Ab ea quæ dormit in sinu tuo custodi claustra oris tui.

Miche. 7.

De utilitate brevis & tacita orationis. Cap. XXXV.

OB quod frequenter quidem, sed breuiter est orandum, ne immorantibus nobis inferere aliquid cordi nostro possit insidiator. Istud namq. est sacrificium verum, quia: Sacrificium Deo spiritus contritus. Hæc salutaris oblatio, ista sunt pura libamina, istud sacrificium iustitiæ, istud est sacrificium laudis, hæc veræ ac pingues hostiæ, ista sunt holocaustomata medullata, quæ contritus & humiliatus cordibus offeruntur; quæque hac qua diximus disciplina & infectione spiritus exhibentes, efficaci poterimus virtute cantare: Dirigatur oratio mea sicut incensum in conspectu tuo, elevatio manuum mearum sacrificium vespertinum. Quod etiam nos opportuna commonet deuotione persolvere, horæ ipsius ac noctis aduentus: de quo quidem licet pro tempore nostræ mensura multa prolata videantur, diuq. sit protracta collatio; pro sublimitate tamen ac difficultate materię paucis admodum credimus disputatum. His sancti Isaac sermonibus stupefacti potius quàm repleti, vespertina synaxi celebrata, sopore paululum membra laxauimus, primoq. diluculo, sub placito plenioris tractatus, iterum reuersuri ad nostrâ discessimus, tam de præceptorum acquisitione, quàm de promissorum securitate gaudentes. Excellentiam siquidem orationis nobis tantummodo præmonstratam, ordinem vero atque virtutem, qua etiam perpetuas eius vel acquirenda est, vel renenda; necdum nos integre percepisse illius disputationibus senseramus.

Psal. 50.

Leuit. 10.

Psal. 4.

Psal. 65.

Psal. 140.

COLLATIONIS PRIMÆ

abbatis Isaac de Oratione, Finis.

COLLA-

COLLATIO DECIMA,
 QVÆ EST SECVNDA
 ABBATIS ISAAC,
 DE ORATIONE.

Proœmium collationis.

INTER hæc anachoretarum instituta sublimia, quæ utcumque, donante Deo, licet imperito digesta sunt stylo, quiddam nos interserere atque contexere, quod velut pulchro corpori næuum quendam videatur apponere, narrationis ipsius ꝑ ordo cōpellit: quamquam non dubitem ex hoc ipso non minimam instructionem super omnipotentis Dei, quæ in Genesi legitur imagine, quibusque simplicioribus conferendam; præsertim cum tanti dogmatis causa vertatur, ut ignoratio eius sine ingenti blasphemia, & catholicæ fidei detrimento esse non possit.

al. causa.

Gen. i.

De cōsuetudine, qua super significatione Pascha intra Ægypti prouinciam retentatur. Cap. I.

INtra Ægypti regionem mos iste antiqua traditione seruatur, ut peracto Epiphaniarum die, quem prouinciæ illius sacerdotes vel Dominici baptismi, vel secundum carnem natiuitatis esse definiunt, & idcirco vtriusque sacramenti solemnitatem non bifarie, ut in occiduis prouincijs, sed sub vna dici huius festiuitate concelebrant, epistolæ pōtificis Alexandrini per vniuersas Ægypti ecclesias dirigantur, quibus & initium Quadragesimæ, & dies Paschæ non solum per ciuitates omnes, sed etiam per vniuersa monasteria designentur. Secundum hunc igitur morem post dies admodum paucos quàm superior cum abbate Isaac fuerat agitata collatio, Theopili prædictæ vrbis episcopi solennes epistolæ commearunt, quibus cum denuntiatione Paschali contra ineptam quoque Anthropomorphitarum hæresim longa disputatione disseruit, eamq. copioso sermone destruxit. Quod tanta est amaritudine ab vniuerso prope modum genere monachorum, qui per totam prouinciam

Ægy-

Ægypti morabantur, pro simplicitatis errore susceptum, vt e contrario memoratum pontificem, velut hæresi grauissima deprauatum, pars maxima seniorum ab vniuerso fraternitatis corpore decerneret detestandum, quòd scilicet impugnare scripturæ sanctæ sententiam videretur, negans omnipotentem Deum humanæ figuræ compositione formatum, cum ad eius imaginem creatum Adam scriptura manifestissime testaretur. Denique & ab his qui erant in Scithi eremo commorantes, quique perfectione ac scientia omnibus, qui erant in Ægypti monasterijs, præeminebant, ira est hæc epistola refutata, vt præter abbate Paphnutiū nostræ congregationis presbyterum, nullus eam ceterorum presbyterorum, qui in eadem eremo alijs tribus ecclesijs præsidebant, nec legi quidem aut recitari in suis conuentibus prorsus admitterent.

De abbate Serapione. & Antropomorphitarum hæresi, quam simplicitatis errore contraxit. Cap. II.

INter eos ergo, qui hoc detinebantur errore, fuit antiquissimæ distinctionis atque in actuali disciplina per omnia consummatus nomine Serapion, cuius imperitiā super prædicti dogmatis opinione tantum præiudicabat cunctis veram tenentibus fidem, quantum ipse vel vitæ merito vel antiquitate tēporis, omnes fere monachos anteibat. Cumque hic sancti presbyteri Paphnutij multis adhortationibus ad tramitem rectæ fidei non posset adduci, eo quòd nouella ei hæc persuasio, nec ab anterioribus aliquando comperta vel tradita videretur, accidit vt quidam diaconus vir summæ scientiæ nomine Photinus, desiderio videndi fratres, qui in eadem eremo commanebant, de Cappadociæ partibus adueniret. Quem beatus Paphnutius summa gratulatione suscipiens, & ad cōfirmationem fidei, quæ fuerat prædicti pontificis litteris comprehensa produciens in medium, coram cunctis fratribus sciscitatur, quemadmodum illud quod in Genesi dicitur: Faciamus hominem ad imaginem & similitudinem nostram; catholicæ Orientis interpretarentur ecclesiæ. Cumque ille non secundum humilem litteræ sonum, sed spiritaliter imaginem Dei ac similitudinē tradi ab vniuersis ecclesiarum principibus explanaret, idq. copioso sermone ac plurimus scripturarum testimonijs approbasset, nec posse in illam immensam & incomprehensibilem atque inuisibilem maiestatem aliquid eiusmodi cadere quod hu-
mana

mana compositione valeat ac similitudine circumscribi, quippe qui incorporea & incompressa simplexq. natura sit, quique sicut oculis deprehendi, ita mente nō valeat aestimari: tandem senex multis ac validissimis doctissimi visu assertionibus motus, ad fidem catholicæ traditionis attractus est. Cumq. super hoc eius assensu, infinita vel abbatem Paphnucium, vel nos omnes læticia repleuisset, quod scilicet virum tantę antiquitatis, tantisq. virtutibus cōsummatum, imperitia sola & simplicitate rusticitatis errantem, nequaquam vsque ad finem deuiare Dominus a tramite rectæ fidei permisisset, & pro gratiarum actione surgentes preces Domino pariter funderemus, ita est in oratione senex mente confusus, eo quod illam ἀνθρώπου μορφήν imaginē deitatis, quam proponere sibi in oratione consueuerat, aboleri de suo corde sentiret, ut in amarissimos fletus crebrosq. singultus repente prorumpens, in terramq. prostratus, cum eiulatu validissimo proclamaret: Heu me miserū, tulerūt a me Deum meum, & quē nunc teneā non habeo, vel quem adorē aut interpellē iam nescio. Super qua re valde permoti, necnon etiā præteritæ collationis virtute adhuc in nostris cordibus insidente, ad abbatem rediimus Isaac, quem cominus intuentes his sermonibus sumus adorsi.

De reditu nostro ad abbatem Isaac, & inquisitione erroris, quē senex prædictus incurrit. Cap. I. I. I. et.

Licet nos præteritæ collationis, quæ super orationis statu digesta est, desiderium, recurrere ad tuam beatitudinem postpositis omnibus inuitaret, adiecit tamen aliquid huic cupiditati etiam abbatis Serapionis tam grauis error, nequissimorum (ut arbitramur) dæmonum calliditate conceptus. Non enim parua desperatione dei jicimur, considerantes cum labores tantos, quos per quinquaginta annos in hac eremo laudabiliter exegit, ignorantia huius vitio non solum penitus perdidisse, sed etiam perpetuæ mortis incurrisse discrimen. Vnde ergo, vel cur ei hic tam grauis error irrepserit, primum desideramus agnoscere, deinde quāsumus edoceri, quemadmodum ad illam orationis qualitatem de qua pridem non solum copiose, sed etiam magnifice disputasti, peruenire possimus. In hoc enim profectus nobis admirabilis illa collatio, ut stuporem tantummodo mentis incuteret, non quemadmodum eam perficere vel approbando valeremus ostenderet.

Respon-

Responsio de origine hæreseos superius comprehensa.

ISAAC

Cap. I V.

NON est mirandum hominem simplicissimum, & de substantia ac natura diuinitatis numquam penitus eruditum, rusticitatis vitio & consuetudine erroris antiqui nunc decipi, vel (vt verius dicam) in errore pristino perdurare, qui non recenti, sicut putatis, dæmonum illusionem, sed ignorantia pristina gentilitatis infertur, dum secundum consuetudinem erroris illius, quo dæmones hominum figura compositos excolebant, nunc quoque illam incomprehensibilem atque ineffabilem veri numinis maiestatem sub circumscriptione alicuius æstimant imaginis adorandam, nihil se tenere credentes, si propositam non habuerint imaginem quandam, quam in supplicatione positi iugiter intempellent, eamque circumferant mente ac præ oculis teneant semper affixam. Super quorum errore competenter ditigitur illa sententia: Et mutauerunt gloriam incorruptibilis Dei in similitudinem imaginis corruptibilis hominis. Hieremias quoque: Populus, inquit, meus mutauit gloriam suam in idolum: Qui error licet origine hac, qua prædiximus quorundam sensibus sit inolitus, nihilominus tamen in illorum quoque animis, qui numquam gentili superstitione polluti sunt, sub colore testimonij huius quo dicitur: Faciamus hominem ad imaginem & similitudinem nostram; imperitia seu rusticitate faciente, contractus est, ita vt etiam hæresis quæ dicitur Anthropomorphitarum, sub occasione detestandæ huius interpretationis emerferit, quæ immensam illam ac simplicem diuinitatis substantiam lineamentis nostris & humana figuratione compositam pertinaciter peruersitate contendit; quam tamen si quis fuerit catholicis dogmatibus institutus, vt gentilem blasphemiam detestabitur, & ita ad illam orationis purissimam perueniet qualitatem, quæ non solum nullam diuinitatis effigiem, nec lineamenta corporea (quod dictu quoque nefas est) in sua supplicatione miscebit, sed nec ullam quidem in se memoriam dicti cuiusquam, vel facti speciem, seu formam cuiuslibet characteris admittet.

*Rom. 1.**Hiere. 2.**Gen. 1.*

Quibus ex causis unicuique nostrum aut humilis Christus Iesus, aut glorificatus apparent. Cap. V.

SECUNDUM menturam namque puritatis suæ, sicut superiore collatione præfatus sum; vnaquæque mens in oratione

nc

ne sua vel erigitur vel formatur: tantum scilicet a terrenarum ac materialium rerum contemplatione discedens, quantum eam status suæ prouexerit puritatis, feceritq. Iesum vel humilem adhuc & carneum, vel glorificatum & in maiestatis suæ gloria venientem, internis obtutibus animæ peruiideri. Non enim poterunt Iesum intueri venientem in regno suo, qui adhuc sub illa quodammodo Iudaica infirmitate detenti, nō queunt dicere cum Apostolo: Et si cognouimus secundum carnem Christum, sed nunc iam non nouimus. Sed illi soli purissimis oculis diuinitatem ipsius speculantur, qui de humilibus ac terrenis operibus & cogitationibus ascendentes cum illo secedunt in excelsa solitudinis monte, quo liber ab omnium terrenarum cogitationum ac perturbationum tumultu, & a cunctorum vitiorum permixtione secretus, fide purissima ac virtutum eminentia sublimatus, gloriam vultus eius ac claritatis reuelat imaginem his, qui mundis eum merentur animæ obtutibus intueri. Ceterum videtur etiam Iesus ab his, qui in ciuitatibus & castellis ac viculis commorantur, id est, qui in actuali conuersatione sunt atque in operibus constituti; sed non in illa claritate, qua illis apparuit, qui cum ipso possunt in prædicto virtutum monte conscendere, id est, Petro, Iacobo & Ioanni. Ita enim in solitudine & Mose apparuit, & Eliæ locutus est. Quod volens noster Dominus confirmare, ac perfectæ nobis relinquere puritatis exempla, & quidem cum ipse fons inuiolabilis sanctitatis ad obtinendam eam secessionis adiutorio ac solitudinis beneficio extrinsecus non egeret (non enim vllis turbarum sordibus puritatis plenitudo poterat maculari, nec contaminari humano consortio qui vniuersa polluta mūdāt atque sanctificat) secessit tamē in montem solus orare, per hoc scilicet nos instruens suæ secessionis exemplo, vt si interpellate nos quoque Deū voluerimus puro & integro cordis affectu, ab omni inquietudine & confusione turbarum similiter secedamus, vt in hoc corpore commorantes ad similitudinem quandam illius beatitudinis quæ in futuro repromittitur sanctis, vel ex parte aliqua nos aptare possimus, sitq. nobis omnia & in omnibus Deus.

In quo noster finis seu perfecta beatitudo consistat. Cap. VI.

Tunc enim perfecte consummabitur in nobis illa nostri Saluatoris oratio, qua pro suis discipulis orauit ad patrem

2. Cor. 5.

Matt. 17.

Ibid.

Exod. 3.

3. Reg. 19

Matt. 14.

1. Cor. 15.

Patrem dicens: Vt dilectio, qua dilexisti me, in eis sit, & ipsi in nobis. & iterum: Vt omnes vnum sint, sicut tu pater in me & ego in te, vt & ipsi in nobis vnum sint, quando illa Dei perfecta dilectio, qua prior nos ille dilexit, in nostri quoque transierit cordis affectum, hac Dominica oratione complera, quam credimus nullo modo posse cassari. Quod ira fiet, cum omnis amor, omne desiderium, omne studiū, omnis conatus, omnis cogitatio nostra, omne, quod videmus, quod loquimur, quod speramus, Deus erit; illaq. vnitas, quæ nunc est patris cum filio, & filij cum patre, in nostrum fuerit sensum mentemq. transfusa, id est, vt quemadmodum nos ille sincera & pura atque indissolubili diligit charitate, nos quoque ei perpetua & inseparabili dilectione iungamur, ita eidem scilicet copulati, vt quidquid speramus, quidquid intelligimus, quidquid loquimur, Deus sit, in illum, inquam, peruenientes, quem prædiximus finem, quem idem Dominus orans in nobis optat impleri: Vt omnes sint vnum, sicut nos vnum sumus: ego in eis & tu in me, vt sint & ipsi consummati in vnum. & iterum: Pater quos dedisti mihi, volo vt vbi ego sum & ipsi sint mecum. Hæc igitur destinatio solitarij, hæc esse debet omnis intentio, vt imaginem futuræ beatitudinis in hoc corpore possidere mereatur, & quodammodo arrham cælestis illius conuersationis & gloriæ incipiat in hoc vasculo prægustare. Hic, inquam, finis totius perfectionis est, vt eo vique extenuata mens ab omni situ carnali ad spiritalia quotidie sublimetur, donec omnis eius cōuersatio, omnis volutatio cordis, vna & iugis efficiatur oratio.

Ioan. 17.

Ibid.

1. Ioan. 4.

Ioan. 17.

Ibid.

Interrogatio super eruditione perfectionis, per quam possimus ad perpetuam Dei memoriam peruenire.

GERMANVS

Cap. VII.

MAior nobis ad præteritæ illius collationis admiracionem, ob quam huc recurrimus, magnitudo stuporis accrescit. Quantum enim incitamento doctrinæ huius ad desiderium perfectæ beatitudinis inflammamur, tantum maiore desperatione concidimus, ignorantes quemadmodum disciplinam tantæ sublimitatis expetere vel obrinere possimus. Quapropter quæ in cella positi meditatione diutina voluere cœperamus, quia necesse est loquaci forsitan prosecutione proferre, quæsumus vt ea explicari a nobis patienter admittas. Quamquam sciamus beatitudinem tuam

A a

nullis

nullis offendi solete ineptijs infirmorum, quæ vel ob hoc sunt in medium proferendæ, vt quæ in eis absurda sunt, corrigantur. Quantum itaque opinio nostra se habet, cuiuslibet artis seu disciplinæ perfectio necesse est, vt a quibusdam mollibus incipiens rudimentis, facilioribus primo ac teneris initijs imbuatur, vt quodam rationabili lacte nutrita paulatim, educataq. succrescat, atque ita ab imis ad summa sensim gradatimq. conscendat: quibus cum fuerit planiora principia & quodammodo ianuas arreptæ professionis ingressa, ad penetralia quoque perfectionis & excelsa fastigia consequenter & absque labore perueniat. Nam quemadmodum pronuntiare puerorū quispiam simplices copulas poterit syllabarum, nisi prius elementorū characteres diligenter agnouerit? Vel quomodo citatam legendi peritiam consequetur, qui breues & perangustas descriptiones nominum necdum est idoneus coniugare? Qua autem ratione is, qui peritia grammaticæ disciplinæ minus instructus est, vel facundiam rhetoricam vel philosophicam scientiam consequetur? Quapropter huic quoque sublimissimæ disciplinæ, per quam instrui mur Deo iugiter inhærere, non dubito quædam institutionis inesse fundamenta, quibus primum firmissime collocatis, post hæc superposita extollantur perfectionis celsa fastigia. Cuius hæc esse principia tenuiter suspicamur, vt primum nouerimus, qua meditatione teneatur, vel cogitetur Deus. Deinde hanc eandem, quæcumque est, materiam quemadmodum valeamus immobiliter custodire, quod etiam non ambigimus culmen totius perfectionis existere. Et idcirco quandam memoriam huius materiam, qua Deus mente concipitur, vel perpetuo teneatur nobis cupimus demonstrari, vt eam præ oculis retinentes, cum elapsos nos ab eadem senserimus, habeamus in promptu, quo respicientes illico reuertamur, ac resumere illam sine vlla circuitus mora & inquisitionis difficultate possimus. Euenit namque, vt cū de theorijs spiritualibus euagati, ad nosmetipsos velut de letali sopore conuertimur, & tamquam expergesacti materiā quærimus, qua illam, quæ obruta est, spiritalem memoriam resuscitare possimus, retardati ipsius inquisitionis mora, priusquam reperiamus eam a nostro conatu iterum deuoluamur, & antequam spiritualis quidem ¶ pariat intuitus, concepta cordis euanescat intentio. Quam confusionem idcirco nobis accidere

cidere satis certum est, quia speciale aliquid præ oculis propositum velut formulam quandam stabiliter non tenemus, ad quam possit vagus animus post multos anfractus ac discursus varios reuocari, & post longa naufragia velut portum quietis intrare. Itaque sit, ut hac ignorantia ac diffcultate mens iugiter præpedita, errabunda semper & velut ebria, per diuersa iactetur, & ne illud quidem, quod casu potius quàm industria sibi met, occurrerit spiritale, diu ac firmiter, teneat, dum aliud ex alio semper recipiens, sicut introitus eorum atque principia, ita etiam finem discessumque non sentit.

Responsio de efficacia intellectus, qui per experientiam colligitur. Cap. VIII.

Inquisitio vestra tam minuta atque subtilis proximè puritatis præsignat indicium. Nec enim de his saltem interrogare, non dicam introspicere atque discernere quispiam præualebit, nisi quem diligens & efficax mentis industria ac sollicitudo peruigil ad perscrutandam istarum profunditatem prouexerit quæstionum, castigatq. vitæ iugis intentio per experientiam fecerit actualem, attentare puritatis huius limina ianuasq. pulsare. Eridcirco quoniam video vos non dicam pro foribus orationis illius & veræ de qua diximus adstitisse, se ipsis quodammodo experientiæ manibus penetralia eius & interiora palpare; & quædam membra iam iamque contingere, nec me laboraturum credo, ut iam intra aulam quodammodo ipsius oberrantes in & abdita quoque in quantum Dominus direxerit introducam, nec vos ad introspicienda hæc, quæ demonstranda sunt, villo difficultatis obstaculo retardandos. Proximus enim cognitioni est, qui quid inquirere debeat prudenter agnoscit, nec a scientia longe est, qui cœpit intelligere quid ignoret. Et idcirco non vereor notam prodicionis vel leuitatis incurrere, si ea quæ in superiore tractatu de perfectione orationis edisserens disputationi subtraxeram, propalauero, quorum virtutem vobis in hoc exercitio ac studio collocatis etiam sine ministerio nostri sermonis per Dei gratiam arbitror referendam.

*al. abest
vera.*

al. adyta

De institutione orationis perpetua. Cap. IX.

Quapropter secundum illam institutionem, quam paruulorum eruditioni prudentissime comparastis (qui alias elementorum traditionem primam percipere haud pos-

sunt, nec eorum vel agnoscere lineas, vel intrepida manu queunt describere characteres, quàm protypis quibusdam & formulis ceræ diligenter impressis, effigies eorum exprimere contemplatione iugi & quotidiana imitatione consuecant,) huius quoque spiritualis theoriæ tradenda vobis est formula, ad quam semper tenacissime vestrum intuitum dirigentes, vel eadem salubriter voluere indurpita iugitate discatis, vel sublimiores intuitus scandere illius usu ac meditatione possitis. Hæc igitur vobis huius, quam queritis, disciplinæ atque orationis formula proponetur, quam unusquisque monachus ad iugem Dei memoriam tendens incessabili cordis volutatione meditari, expulsa omnium cogitationum varietate consuecat, quia nec aliàs eam villo modo poterit retentare, nisi ab omnibus fuerit corporalibus curis ac sollicitudinibus absolutus, quæ sicut nobis a paucis, qui antiquissimorum patrum residui erant, tradita est, ita a nobis quoque non nisi rarissimis ac vere studiis intimatur. Erit itaq. ad perpetuam Dei memoriam possidendam, hæc inseparabiliter proposita vobis formula pietatis: Deus in adiutorium meum intende, Domine ad adiuuandum me festina. Hic namq. versiculus non immerito de toto scripturarum excerptus est instrumento. Recipit enim omnes affectus, quicunque inferri humanæ naturæ possunt, & ad omnem statum atque vniuersos incursus propriè satis & competenter aptatur. Habet siquidem aduersus vniuersa discrimina inuocationem Dei, habet humilitatem piæ confessionis, habet solitudinis ac timoris perpetui vigilantiæ, habet considerationem fragilitatis suæ, exauditionis fiduciam, confidentiam præsentis semper adstantisq. præsidij. Qui enim iugiter suum inuocat protectorem, certus est eum semper esse præsentem. Habet amoris & charitatis ardorem, habet insidiarum contemplationem, inimicorumq. formidinem, quibus perspicies semetipsum die noctuq. vallatum, cõsuetur se non posse sine sui defensoris auxilio liberari. Hic versiculus omnibus infestatione dæmonum laborantibus inexpugnabilis murus est, lorica impenetrabilis, ac munitissimus clypeus. Iste in accedia & anxietate animi collocatos, seu tristitia vel cogitationibus quibuscumque depressos, salutis remedia desperare non patitur, ostendens illum, quem inuocat inspicere iugiter nostra certamina, atque a suis supplicibus non abesse.

Iste

Psal. 59.

Iste nos in spiritualibus successibus cordisq. lætitia constitutos admonet extolli penitus non debere, nec inflari de prospero statu, quem sine protectore Deo retineri non posse testatur, dum non solum eum semper, sed etiam velociter ut sibi auxilietur implorat. Iste, inquam, versiculus vnicuique nostrum in qualibet qualitate degenti necessarius & utilis inuenitur. Nam, qui se semper & in omnibus desiderat adiuuari, manifestat quod non tantum in rebus duris ac tristibus, sed etiam in secundis ac lætis pari modo Deo egeat adiutore; ut quemadmodum ex illis erui, ita in istis eum faciat immorari, in neutro sciens humanam fragilitatem sine illius opitulatione subsistere. Gastrimargiæ passione perstringor, cibos, quos eremus ignorat, inquirō, & in squalida solitudine ingeruntur mihi nidores regalium ferculorum, atque ad illorum desideria sentio me inuitissimū trahi; dicendum mihi proinde est: Deus in adiutorium meum intende, Domine ad adiuuandum me festina. Anticipare horam statutiæ refectionis instigor, seu modum iustæ ac solitiæ parcitatis retinere cum magno cordis mei dolore contendo; cum gemitu mihi est proclamandum: Deus in adiutorium meum intende, Domine ad adiuuandum me festina. Ieiunijs me ob impugnationem carnis districtioribus indigentem stomachi prohibet lassitudo, seu ventris ariditas constrictioq. deterret; ut effectus meo desiderio tribuatur, vel certe ut æstus carnalis concupiscentiæ absque temperamento districtioris ieiunii conquiescat, orandum mihi est: Deus in adiutorium meum intende, Domine ad adiuuandum me festina. Accedens ad refectionem hora legitima suggerente, perceptionem panis exhorreo, atque ab omni esu naturalis necessitatis excludor; cum ciulatu proclamandum est mihi: Deus in adiutorium meum intende, Domine ad adiuuandum me festina. Volentem me ob stabilitatem cordis insistere lectioni, interpellans dolor capitis prohibet, horaq. tertia faciem meam ad sacram paginam somnus allidit, ac deputatum quieti tempus vel transgredi vel præuenire compellor, ipsum denique canonicum synaxeos psalmorumq. modum intercidere me grauissima somni cogit impressio; similiter proclamandum est mihi: Deus in adiutorium meum intende, Domine ad adiuuandum me festina. Sublato ab oculis meis sopore, multis nunc noctibus diabolicis insomnijs video fatigatum,

omnemq. a palpebris meis refectionem nocturnæ quietis exclusam, cum suspirijs orandum est mihi: Deus in adiutorium meum intende, Domine ad adiuuandum me festina. Adhuc me in colluctatione positum vitiorum titillatio carnis repente compungit, & ad consensum pertrahere dormientem blanda oblectatione conatur; ne ignis alienus exæstians vrat suaueolentes flosculos castitatis, clamandum mihi est: Deus in adiutorium meum intende, Domine ad adiuuandum me festina. Extincta sentio libidinis incentiua, & genitalē membris meis intepuisse feruorem; vt parta hæc virtus, immo gratia Dei in me diutius vel perpetuo perseueret, intente dicendum est mihi: Deus in adiutorium meum intende, Domine ad adiuuandum me festina. Iræ, philargyniæ, tristitiæ stimulis inquietor, cogorq. propositam atque amicā mihi interrompere lenitatem; ne in amaritudinem fellis perturbatione furoris abducar, cum summo mihi gemitu proclamandum est: Deus in adiutorium meum intende, Domine ad adiuuandum me festina. Accidit, cenodoxiæ; superbiæ elatione pertentor, ac de aliorum negligentia vel tepore quiddam sibi mens subtili cogitatione blanditur; ne in me præualeat hæc inimici perniciofa suggestio, cum omni contritione cordis orandum est mihi: Deus in adiutorium meum intende, Domine ad adiuuandum me festina. Humilitatis & simplicitatis gratiam superbiæ tumore deposito, iugi compunctione spiritus acquisiui; ne rursus veniat mihi pes superbiæ, & manus peccatoris ne moueat me, grauiusq. de victoriæ meæ elatione confodiar, totis mihi proclamandum est viribus: Deus in adiutorium meum intende, Domine ad adiuuandum me festina. Euagationibus animæ innumeris ac diuersis, & instabilitate cordis exæstuo, nec cogitationum dispersiones valeo coercere, ipsamq. orationem meam fundere absque interpellatione atque phantasmate inanium figurarū, sermonumq. & actuum retractatione non possum, tantaq. me sentio sterilitatis huius ariditate constrictum, vt nullas omnino spiritualium sensuum generationes parturire me sentiam; vt de hoc animi squalore merear liberari, vnde me gemitibus multis atque suspirijs expedire nō possum, necessestie proclamabo: Deus in adiutorium meum intende, Domine ad adiuuandum me festina. Directionem rursus animæ, stabilitatem cogitationum, alacritatem cordis

Psal. 35.

dis cum ineffabili gaudio & mentis excessu, visitatione sancti Spiritus me sentio consecutum, exuberantia quoque spiritualium sensuum redundare, reuelationem sacratissimorum intellectuum, & antea mihi penitus occulcorum repentina Domini illustratione percepi; ut in his merear diutius immorari, solícite mihi est frequenterq. clamandum: Deus in adiutorium meum intende, Domine ad adiuuandum me festina. Nocturnis dæmonum terroribus circumuallatus exagitor, & immundorum spirituum phantasmatibus inquietor, spes ipsa mihi salutis ac vitæ trepidationis horrore subtrahitur; ad salutarem versiculi huius portum confugiens totis viribus exclamabo: Deus in adiutorium meum intende, Domine ad adiuuandum me festina. Rursum cum fuero consolatione Domini reparatus, & ipsius animatus aduentu velut innumeris angelorum milibus me sensero circumseptum, ita ut eorum, quos morte grauius antea tremiscebam, & quorum prius tactum, immo viciniam horrore mentis & corporis sentiebam, repente congressus expetere audeam, ac prouocare conflictus; ut in me constantiæ huius vigor per Dei gratiam diutius immoretur, totis mihi est viribus proclamandum: Deus in adiutorium meum intende, Domine ad adiuuandum me festina. Huius igitur versiculi oratio in aduersis ut eruemur, in prosperis ut seruemur, ne extollamur, incessabili iugitate fudeuda est. Huiusq. inquam, versiculi meditatio in tuo pectore indurupta voluatur. Hunc in opere quolibet, seu ministerio, vel itinere constitutus decantare non desinas. Hunc dormiens, & reficiens, & in vltimis naturæ necessitatibus meditare. Hæc volutatio cordis velut formula tibi salutaris effecta, non solum illæsum ab omni dæmonū incursione custodiet, sed etiā cunctis te vitij terrenæ contagionis expurgans, ad illas inuisibiles theorias cælestesq. perducet, atque ad illum ineffabilem ac perpaucis expertū prouehet orationis ardorem. Hunc versiculum meditantī tibi somnus irrepāt, donec incessabili eius exercitatione formatus etiam per soporem eum decantare consuescas. Hic tibi expergefacto primus occurrat, iste euigilantis cogitationes anticipet vniuersas, iste te de tuo consurgentem cubili curuationi genuum tradat, atque deinceps ad omne opus actusque deducat; hic te omni tempore prosequatur, hunc meditareris secundum præcepta legislatoris: Sedens *Dent. 6.*

in domo, & ambulans in itinere, dormiens atque confurgens hunc scribes in limine & ianuis oris tui, hunc in parietibus domus tuæ, ac penetralibus tui pectoris collocabis, ita ut hæc ad orationem procumbenti sit tibi acclinis decantatio, & exinde surgenti, atque ad omnes usus vitæ necessarios incedenti, fiat erecta & iugis oratio.

De perfectione orationis, ad quam prædicta traditione conscenditur. Cap. X.

- I**stam mens indefinenter formulam teneat, donec usu eius incessabili & iugi meditatione firmata, cunctarum cogitationum diuitias amplasque substantias abijciat & refutet, atque ita versiculi huius paupertate constricta, ad illam euangelicam beatitudinem, quæ inter ceteras beatitudines primatum tenet, prona facilitate perueniat. Beati enim, inquit, pauperes spiritu, quoniam ipsorum est regnum cælorum. Et ita quis per istiusmodi paupertatem egregius pauper existens, illud propheticum implebit eloquium: Pauper & inops laudabunt nomen tuum. Et revera, quæ maior aut sanctior potest esse paupertas, quam illius, qui nihil se præsidij, nihil virium habere cognoscens, de aliena largitate quotidianum poscit auxilium, & vitam suam atque substantiam singulis quibusque momentis diuina ope intelligens sustentari, verum se mendicum Domini non immerito proficitur, suppliciter ad eum quotidie clamans:
- Matth. 5.* Ego autem mendicus sum & pauper, Deus adiua me? Et sic ad illam quoque multiformem scientiam Dei ipso illuminante conscendens, incipiat deinceps sublimioribus ac sacratioribus mysterijs saginari, secundum illud, quod dicitur per Prophetam: Montes excelsi ceruis, petra refugium erinacius. Quod satis proprie huic, quæ diximus, sensui coaptatur, eo quod quisquis in simplicitate atque innocentia perseuerans nulli est noxius vel molestus, sed sua tantum simplicitate contentus, solummodo se ab insidiantium præda desiderat contutari, velut erinacius spiritualis effectus, iugi euangelicæ illius petreæ velamine protegatur, id est, memoria Dominicæ passionis, prædictique versiculi incessabili meditatione munitus, instantis inimici declinet insidias.
- Psal. 73.* De his spiritualibus erinacijs & in prouerbij ita dicitur: Et erinacius gens inualida, qui fecerunt in petris domos suas. Et revera quid Christiano inualidius? quid monacho infirmius, cui non solum nulla iniuriarum vindicta suppeditat,
- Psal. 39.*
- Psal. 103.*
- Prov. 30.*
- sec. lxx.*

ditat, sed ne levis quidem tacitaq. commotio saltem
intrinsecus pullulare conceditur? Quisquis autem ex
hoc proficiens statu, non solum innocentia simplicitatem
possidet, sed etiam discretionis virtute munitus, virulen-
torum serpentium exterminator effectus est, habens con-
tritum satanam sub pedibus suis, & ad figuram rationa-
bilis cerui mentis alacritate peruenit, pascetur in pro-
pheticis atque apostolicis montibus, id est, excelsissimis
eorum ac sublimissimis sacramentis, quorum iugi pa-
scuo vegetatus, omnes quoque psalmorum affectus in se
recipiens, ita incipiet decantare, vt eos non tamquam a
Propheta compositos, sed velut a se editos, quasi ora-
tionem propriam profunda cordis compunctione depro-
mat, vel certe ad suam personam æstimet eos fuisse dire-
ctos, eorumq. sententias non tunc tantummodo per
Prophetam, aut in Propheta fuisse completas, sed in se
quotidie geri impleriq. cognoscat. Tunc enim scripturæ
diuinæ nobis perpatescunt clarius, & quodammodo earum
venæ medullæq. panduntur, quando experientia nostra
earum non tantum percipit, sed etiam præuenit notio-
nem, sensusq. verborum non per expositionem nobis,
sed per documenta referantur. Eundem namque recipien-
tes cordis affectum, quo quisque decantatus vel conscrip-
tus est psalmus, velut auctores eius facti, præcedemus
magis intellectum ipsius, quàm sequemur; id est, vt prius
dictorum virtutem, quàm notitiam colligentes, quid in no-
bis gestum sit vel quotidianis geratur incurfibus, superue-
niente eorum meditatione quodammodo recordemur, &
quid in nobis vel negligentia nostra pepererit, vel diligen-
tia conquiescit, vel providentia diuina contulerit, vel in-
stigatio fraudauerit inimici, vel subtraxerit lubrica ac sub-
tilis obliuio, vel intulerit humana fragilitas, seu improvi-
da sefellent ignoratio, decantantes reminiscamur. Om-
nes namque hos affectus in Psalmis inuenimus expressos,
vt ea, quæ incurrerint, velut in speculo purissimo perui-
dentes, efficacius agnoscamus, & ita magistris affectibus
eruditi, non vt audita, sed tamquam perspecta palpemus,
nec tamquam memoriæ commendata, sed velut ipsi re-
rum naturæ insita, de interno cordis parturiamus affe-
ctu, vt eorum sensus non textu lectionis, sed experien-
tia præcedente penetremus; atque ita ad illam oratio-
nis

nis incorruptionem mens nostra perueniet, ad quam in superiori tractatu, quantum Dominus donare dignatus est, ordo collationis ascendit, quæ non solum nullius imaginis occupatur intuitu, sed etiam nulla vocis, nulla verborum prosecutione distinguitur, ignita vero mentis intentione per ineffabilem cordis excessum inexplicabili spiritus alacritate profertur, quamq. mens extra omnes sensus ac visibiles effecta materias, gemitibus inenarrabilibus atque suspirijs profundit ad Deum.

Interrogatio quemadmodum spiritales cogitationes immobili-
GERMANVS *per teneantur. Cap. XI.*

Non solum nobis traditionem spiritualis huius, quam poposcimus discipline, sed ipsam plane perfectionem satis aperte atque dilucide putamus expressam. Quid enim potest esse perfectius, quidve sublimius, quam Dei memoriam tam compendiosa meditatione complecti, atque vnus versiculi volutatione a cunctis visibilium terminis emigrare, & quodammodo affectus orationum cunctarum breui sermone concludere? Et idcirco vnum, quod superest adhuc nobis precamur exponi, quemadmodum hunc eundem versiculum, quem nobis vice formulæ tradidisti, stabiliter retinere possimus, vt sicut per Dei gratiam sumus a sæcularium cogitationum ineptijs liberati, ita spiritales quasq. immobiliter retentemus.

De mobilitate cogitationum. Cap. XII.

Cum enim capitulum cuiuslibet psalmi mens nostra cœeperit, insensibiliter eo subtrahitur, ad alterius scripturæ textum nesciens stupensq. deuoluitur. Cumque illud in semetipsa cœperit volutare, necdum illo ad integrum ventilato, oborta alterius testimonij memoria, meditationem materiæ prioris excludit; de hac quoque ad alteram, subintrante alia meditatione, transfertur: & ita animus semper de psalmo rotatus ad psalmum, de Euangelij textu ad Apostoli transiliens lectionem, de hac quoque ad prophetica deuolurus eloquia, & exinde ad quasdam spiritales delatus historias, per omne scripturarum corpus instabilis vagusq. iactatur; nihil pro arbitrio suo præualens vel abijcere, vel tenere, nec pleno quidquam iudicio & examinatione finire, palpator tantummodo spiritualium sensuum ac degustator, non generator nec possessor effectus: atque ita mens mobilis semper ac vaga, in tempora quoque synaxeos velut

ebria

etia per diuerſa diſtrahitur, nullum officium competenter exſoluens. Verbi gratia: Cum orat pſalmum, aliquam re- colit lectionem; cum decantat, aliud quid meditatur quàm textus ipſius continet pſalmi; cum lectionem recitat, faciendum aliquid voluit, factum ve reminiſcitur, atque in hunc modum nihil diſcipline nec oportune recipiens vel admiſſens, velut fortuitis agi videtur incurſibus retinendi ea, quibus delectatur, vel immorandi in eis non habens po- teſtatem. Neceſſarium ergo nobis eſt præ omnibus noſſe, quemadmodum hæc ſpiritualia competenter explere poſſi- mus officia; vel certe hunc eundem verſiculum, quem no- bis vice formulæ tradidiſti, immobiliter cuſtodire; vt om- nium ſenſuum ortus ac ſiſis non in volubilitate ſua flu- ctuent, ſed in noſtra ditione conſiſtant.

*Reſponſio quemadmodum ſtabilitas cordis ſeu cogitationum
IſAAC poſſit acquiri. Cap. XIII.*

Licet pridem ſuper hac re diſputantibus nobis de ora- tionis ſtatu, quantum reor, ſit ſufficienter expreſſum, tamen quia vobis hæc eadem poſcitis iterari, de confir- matione cordis breuiter intimabo. Tria ſunt quæ vagam men- tem ſtabilem faciunt; vigiliæ, meditatio, & oratio: qua- rum aſſiduitas & iugis intentio conferunt animæ ſtabilem firmitatem. Quæ tamen aliàs nullo modo poterit apprehen- di, niſi per operis non philargyriæ, ſed ſacri cœnobij vſu- bus dedicati, inſatigabilem iugitatem omnes omnino ſo- licitudines & curæ vitæ præſentis prius fuerint abdicatæ, atque in hanc ſolam obſeruantiam deſixerit ſe tota mentis intentio, vt ita illud apoſtolicum mandatum: Sine inter- miſſione orate, poſſimus implere. Perparum namque orat, quiſquis illo tantum tempore, quo genua fleſcit orare con- ſuevit. Numquam vero orat, quiſquis etiam flexis genibus euagatione cordis qualicumq. diſtrahitur. Et idcirco qua- les orantes volumus inueniri, tales nos eſſe oportet ante tẽ- pus orandi. Neceſſe eſt enim mentem in tempore ſuppli- cationis ſuæ de ſtatu præcedenti formari, illiſq. eam cogi- tationibus orantem vel ad cæleſtia ſublimari, vel ad terre- na demergi, quibus ante orationem fuerit immorata. Huc- uſque abbas Iſaac attonitis nobis ſecundam collationem de orationis qualitate digeſſit. Cuius doctrinam ſuper illius prædicti verſiculi meditatione, quam velut informationis loco ab incipientibus tradiderat retinendam, admirantes admo-

admodum, & excolete tenacissime cupientes, utpote quare
 compendiosam ac facilem credebamus, difficiliorem satis
 ad obseruandum experti sumus, quàm illud studium no-
 strum, quo solebamus antea per omne scripturarum cor-
 pus absque ullius obseruantia vinculo varia passim medi-
 tatione discurrere. Constat igitur neminem protus ob im-
 peritiam litterarum a perfectione cordis excludi, nec rusti-
 citatem obesse ad capessendam animæ puritatem, quæ
 compendiosissime adiacet cunctis, si modo sanam & inte-
 gram intentionem mentis iugi ad Deum versiculi huius
 meditatione seruauerint.

COLLATIONIS SECVNDÆ

*Abbatis Isaac de Oratione, & decem Collatio-
 num Patrum in Scithica eremo com-
 morantium, Finis.*

IOANNIS
CASSIANI
EREMITAE
IN SEPTEM ALIAS COLLA-
TIONES PATRVM IN THEBAIDE
ÆGYPTI REGIONE CON-
SISTENTIVM.

Ad Honoratum Episcopum & Eucherium

P R Æ F A T I O.



V M virtutē & perfectionis vestræ, qua *al. profes-*
velut magna quedam luminaria in hoc *sionis.*
mundo admirabili claritate fulgetis,
multi sanctorum qui vestro erudiuntur
exemplo, æmulari vix queant; tamen
vos, o sancti fratres, Honorate & Eu-
cheri, tanta illorum sublimium virorū,
a quibus prima anachoreseos instituta
suscepimus, laude flammamini, ut vnus quidem vestrum
ingenti fratrum cœnobio præsidens, congregationem suā,
quæ quotidiano sanctæ conuersationis vestræ docetur in-
tuitu, illorum quoque patrum præceptis optet institui: alter
vero, ut etiam corporali eorundem ædificaretur aspectu,
Ægyptum penetrare voluerit, ut hanc quasi frigoris Galli-
cani rigore torpentem provinciam derelinquens, ad illas
quas sol iustitiæ, proximius respicit, terras, maturis virtutū
frugibus redundantes, velut turtur castissimus transuolaret;
necessario hoc mihi virtus charitatis extorsit, ut vnius desi-
derio, alterius etiam labori consulens tam abruptum scri-
bendi periculum non vitarem, dummodo & priori apud
filios adderetur auctoritas, & secundo tam periculose naui-
gationis necessitas demeretur. Proinde quia fidei vestræ at-
que feruori nec illa instituta cœnobiolorum, quæ duodecim
libellis ad beatæ memoriæ episcopum Castorem, quo po-
tuimus

tuum sermone conscripsimus, nec decem collationis in
 Scythica eremo commorantium patrum, quas præcipientibus sanctis Helladio & Leonio episcopis, vtrumque digessimus, satisfacere potuerunt, nunc ut etiam iunioris nostri ratio cognoscatur, trium in aliâ eremo consistentium, quos primos vidimus, patrum septem collationes, pari conscriptas stylo, vobis credidi consecrandas; quibuscumque, quæ de perfectione in præteritis opusculis nostris obscurius forsitan sunt comprehensa vel prætermissa, suppleantur. Si vero sanctam studij vestri sitim etiam hæc satiare non quiverint, septem aliarum collationes, quæ ad sanctos, qui in Stœchadibus consistunt insulis emittendæ sunt fratres, desiderium (ut arbitror) vestri ardoris explebunt.

COLLATIO VNDECIMA,
QUÆ EST PRIMA ABBATIS
CHAEREMONIS,

DE PERFECTIONE.

Descriptio Thennesis oppidi. Cap. I.



CUM in cœnobio Syriæ consistentes, post prima fidei rudimenta succedentibus aliquatenus incrementis, maiorem perfectionis desiderare gratiam cœpissimus, statim confestim Ægyptum petere, ac remotissima etiam Thebaidis eremo penetrata, sanctorum plurimos, quorum gloriam fama per vniuersam diffuderat, si non æmulandi studio, agnoscendi saltem inuisere. Igitur ad oppidum Ægypti, cui Thennesis nomen est, emensa nauigatione peruenimus. Cuius accolæ ita vel mari, vel stagnis salis vndique circumluuntur, ut solis, quia terra deest, negotiationibus dediti, opes atque substantiam nauali commercio parent, ita ut ædificijs cum voluerint extruendis terra non superat, nisi de longinquo nauigijs apportetur.

De episcopo Archebio. Cap. II.

VBI cum aduentantibus nobis, fauens desiderio nostro diuinitas, beatissimi atque præcipui viri Archebij episcopi-

scopi præstitisset aduentum, qui raptus de anachoretarum cœtu, & episcopus Panephysi oppido datus, tanta distractione omni ævo suo propositum solitudinis custodiuit, ut nihil de præteritæ humilitatis tenore laxauerit, aut de adiecto sibi honore blanditus sit. Non enim tamquam idoneum se ad istud officiū testabatur adscitum, sed velut indignum ab illa anachoreseus disciplina querebatur expulsum, eo quod triginta septem annis in eadem commoratus, ad puritatem tantæ professionis nequaquam peruenire potuisset. Hic igitur cum in supradicta Thenese, quo cum eligendi illi episcopi causa perduxerat, pie nos atque humanissime suscepisset, agnito desiderio nostro, quo sanctos patres etiam in vltioribus Ægypti partibus inuisere desiderabamus: Venite, inquit, & videte interim senes haud longe a nostro monasterio consistentes, quorum ita & antiquitas in corporibus iam curuatis, & sanctitas in ipso etiam fulget aspectu, ut vel sola contemplatio eorum magnam intuitibus possit cōferre doctrinam: a quibus id, quod ego amissum doleo, quodq. tradere iam perditum nequeo, non tam verbis quàm ipso sanctæ vitæ discatis exemplo. Credo autem inopiam meam hoc studio aliquatenus subleuandam, si inquiringibus vobis illam euangelicam margaritam, quam ipse non habeo, saltem prouidero, vbi eam commodius comparetis.

Descriptio eremi, in qua commorabantur Charemon, Nesteros & Ioseph. Cap. III.

Sumpto itaque baculo & pera, ut illic cūctis viam ingredientibus monachis moris est, ad ciuitatem nos suam, id est Panephysin, itineris dux ipse perduxit. Cuius terras, immo etiam contiguæ regionis plurimam partem quondam opulentissimam (siquidem ex ea cuncta, ut fama est; in regios cibos subministrabantur) repentino terræmotu excilium mare transgressis limitibus occupauit, atque ita collapsis ferme omnibus vicis, opimas olim terras falsis paludibus supertexit, ut illud quod in psalmo spiritualiter decantatur: Posuit flumina in desertum, & exitus aquarum in sitim: terram fructiferam in falsuginem, a malitia inhabitantium in ea; secundum litteram de illa putent regione prædictum. In his igitur locis multa in hunc modum oppida eminentioribus tumulis collocata, fugatis habitatoribus eluuiis illa velut insulas fecit, quæ desideratam

Matt. 12.

Psalm. 106.

ram secedentibus sanctis solitudinem præbent, in quibus tres senes, id est, Chæremon, Nesteros, & Ioseph, anachoretæ antiquissimi consistebant.

De abbate Chæremon, & excusatione eius super postulata doctrina. Cap. IV.

al. tamen

Itaque beatus Archebius primum nos perducere ad Chæremonem maluit, qui & monasterio eius propior, & duobus alijs prouectior esset ætate. Nam cum centenarium vite annum spiritu tantum alacer excessisset, ita dorsum eius temporis fuerat vetustate, atque orationum iugitate curuatum, ut quasi in primæuam redactus infantiâ, submissis ac protectis terratenus manibus graderetur. Huius igitur & mirabilem vultum & incesum pariter iuuentes (siquidem defectis iam mortificatisq. omnibus membris, nequaquam censuram præteritæ distictionis amiserat) cum sermonem atque doctrinam suppliciter posceremus, ac desiderium tantum spiritualium institutionum aduentus nostri causam fuisse protestaremur, grauius ille suspirans: Quid vobis, ait, possum conferre doctrinæ, cui imbecillitas senectutis, ut rigorem pristinum relaxauit, ita loquendi quoque fiduciam ademit? Quemadmodum enim docere præsumam, quod ipse non facio; aut alium in eo instruam, quod me iam vel minus vel tepidius exercere cognosco? Ob quam rem nullum iuniorum mihi in hanc usque ætatem cohabitare, permisi, ne exemplo meo alterius distictio laxaretur. Nunquam enim erit efficax instituentis auctoritas, nisi eam effectu operis sui cordi affixerit audientis.

De responsione nostra contra excusationem eius. Cap. V.

al. imitatione.

al. admiratione.

Ad hæc nos non mediocri confusione compuncti, ita respondimus: Licet sufficere nobis ad omnem institutionem debeat, vel loci istius difficultas, vel ipsa etiam solitaria adhuc vita, quam iuuentus quoque robusta vix tolerat, quæ nos etiam te tacente, satis abundeq. instruunt atque compungunt; rogamus tamen ut taciturnitate paululum prætermissa, ea nobis potius dignanter infundas, per quæ hanc, quam videmus in te virtutem, non tam tantæ admiratione cõplecti, quàm tantæ imitatione possimus. Nam etiâ si reuelatus tibi tepor noster impetrare id, quod experimus non meretur, debet hoc saltem labor tantæ itineris obtinere, quod huc de Bethleemitici cœnobij rudimentis, institutionis vestigia desiderio, & profectus nostri amore properauerimus.

Pro-

Propositio abbatis Chæremonis, quod tribus modis vitia vincantur. Cap. VI.

TVnc beatus Chæremon: Tria sunt, inquit, quæ faciunt homines a vitijs temperare, id est, aut metus gehennæ, siue præsentium legum; aut spes atque desiderium regni cælorum, aut affectus boni ipsius amorq. virtutum. Nam timor mali contagium ita legitur execrari: Timor Domini odit malitiam. Spes etiam vitiorum omnium excludit incursum. Non enim delinquent omnes, qui sperant in eum. Amor quoque ruinam non metuit peccatorum, quia charitas nunquam cadit. & iterum: Charitas operit multitudinem peccatorum. Et idcirco beatus Apostolus omnem salutis summam in istarum trium virtutum consummatione concludens: Nunc, inquit, manent fides, spes, charitas; tria hæc. Fides namque est, quæ futuri iudicii ac suppliciorum metu, vitiorum facit contagia declinari. Spes quæ mentem nostram de præsentibus auocans, vniuersas corporis voluptates cælestium præmiorum expectatione contemnit. Charitas quæ nos ad amorem Christi & spiritaliū virtutum fructū mentis ardore succendens, quidquid illis contrarium est, toto facit odio detestari. Quæ tria licet ad vnum finem rendere videantur (prouocant enim nos a rebus illicitis abstinere) magnis tamē excellentiæ suæ gradibus ab inuicem disparantur. Duo namque superiora proprie sunt hominū eorum, qui ad profectū tendentes, necdum affectū concepere virtutū. Tertium specialiter Dei est, & eorū qui in sese imaginē Dei ac similitudinem receperūt. Ille namque solus ea, quæ bona sunt, nullo metu, nulla remunerationis gratia prouocante, sed solo bonitatis operatur affectu. Omnia enim, ut ait Salōmon, operatus est Dominus propter semetipsum. Suæ namque bonitatis obtentu, omniū bonorum copiam dignis indignisq. largitur, quia nec fatigari iniurijs potest, nec iniquitatibus hominū passibiliter permoueri, semper scilicet manens perfecta bonitas immutabilisq. natura.

Quibus gradibus ad sublimitatem charitatis possit ascendi,

& qua sit in ea stabilitas. Cap. VII.

SI quis igitur ad perfectionem tendit, de illo primo timoris gradu, quem proprie diximus esse seruilem, de quo dicitur: Cum omnia feceritis, dicite; quia serui inutilis sumus; ad altiorem spei tramitem gradu proficiēte conscendet, qui iam non seruo, sed mercenario comparatur,

B b

quia

Prov. 8.

Psal. 33.

1. Cor. 13.

1. Petr. 4.

1. Cor. 13.

Prov. 16.

Luc. 17.

Luc. 15.

al. abest,
patris
ibid.

Ibid.

quia mercedem retributionis expectat, & quasi de peccatorum absolutione & pœnali timore securus, ac bonorum sibi operum conscius, licet placiti prœmium videatur expectare, tamē ad affectum illum filij, qui de paternæ indulgentiæ liberalitate confidens, omnia quæ patris sunt, sua esse non ambigit, peruenire non potuit. Ad quē etiam ille prodigus, qui cum substantia † patris etiā filij nomen amiserat, aspirare non audebat, dicens: Iam non sum dignus vocari filius tuus. Post illas enim porcorum siliquas, quarum ei satietas negabatur, id est, vitiorum sordidos cibos, quia in semetipsum reuersus, & salutari timore compunctus, immunditiam porcorum horrere iam cœperat, ac diræ famis supplicia formidabat, velut seruus effectus, mercenarijs tantum, de mercede iam cogitans, adæquari concupiscit, ac dicit: Quanti mercenarij in domo patris mei abundant panibus, & ego hic fame pereor? Reuertat ergo ad patrem meum, & dicam illi: Pater peccaui in cælum & coram te, iam non sum dignus vocari filius tuus, fac me sicut vnum de mercenarijs tuis.

Quantum excellant qui pro charitatis affectu declinant a vitijs. Cap. VIII.

Ioan. 16.
1. Cor. 3.

Matth. 5.

SEd emissā ista humilis pœnitentiæ voce, in occursum eius pater profiliens, maiore eū quā fuerat pietate suscepit, & non contentus minora concedere, utroque gradu sine dilatione transcurso, pristinæ filiorum restituit dignitati. Festinandum proinde etiam nobis est, ut ad tertium filiorum gradum, qui omnia quæ patris sunt, sua esse credunt, per indissolubilem charitatis gratiam cōscendentes, cælestis illius patris imaginem ac similitudinem recipere mereamur, & ad imitationem illius veri filij proclamare possimus: Omnia quæ habet pater, mea sunt. Quod etiam de nobis beatus Apostolus proficitur, dicens: Omnia vestra sunt, siue Paulus, siue Apollo, siue Cephas, siue mundus, siue vita, siue mors, siue præsentia, siue futura, omnia vestra sunt. Ad quam etiā similitudinē Saluatoris præcepta nos prouocant. Estote ergo, inquit, & vos perfecti, sicut & pater vester cælestis perfectus est. In illis enim nonnumquam solet interrumpi bonitatis affectus, cum vel tepore aliquo vel lætitia vel oblectatione vigor animi relaxatus, aut metum ad præsens gehennæ, aut desiderium subtrahit futurorum. Et est quidē in illis gradus cuiusdam profectus in-

imbuens nos, vt dum vel pœnarum metu vel præmiorum spe incipimus vitia declinare, ad charitatis gradum transire possimus: Quia timor, inquit, non est in charitate, sed 1. Ioan. 45
 perfecta charitas foras mittit timorem, quoniã timor pœnam habet. Qui autem timet, non est perfectus in charitate. Nos ergo diligamus Deum, quia Deus prior dilexit nos. Ibid.
 Non ergo aliter ad illam veram perfectiõnem conscendere potesimus, nisi quemadmodum nullius alterius rei nisi nostræ salutis gratia, prior nos ille dilexit, ita eum nos quoque nullius alterius rei nisi sui tantum amoris dilexerimus obtentu. Quamobrem studendum nobis est, vt de timore ad spem, de spe ad charitatem Dei, vel ipsarum virtutum amorem, perfecto mentis chiscendamus ardore, vt transi-
 grantes in affectum boni ipsius, immobiliter, quantum humanæ est naturæ possibile, quod bonum est retentemus.

Quod charitas non solum de seruis filios faciat, sed etiã imaginem Dei ac similitudinem conferat. Cap. IX.

Multum namq. differt inter eum qui metu gehennæ vel spe retributionis futuræ vitiorum in se extinguit incendia, & eum qui diuinæ charitatis affectu ipsam malitiam & immunditiam perhorrescit, ac puritatis possidet bonum amore tantum ac desiderio castitatis, nec iam remunerationem futuræ promissionis aspiciens, sed præsentis boni delectatus conscientia agit omnia non cõtemplatione pœnarum, sed delectatione virtutum. Hic namq. status nec sub motis cunctorum hominum testimonijs abuti occasione peccati, nec occultis cogitationum violari oblectationibus potest, dum affectum virtutis ipsius medullitus retinens, quidquid illi contrarium est, non solum corde non recipit, verum etiã summo derestat horrore. Aliud namq. est præsentis boni quempiam delectatum, odio habere vitiorum carnisve contagia, aliud futuræ remunerationis intuitu illicitas concupiscências refrænare; aliudq. est præsens metuere detrimentum, & aliud futurum formidare supplicium. Postremo multo maius est propter bonum ipsum a bono nolle discedere, quàm propter metum mali malis non præbere consensum. In illo enim voluntarium bonum est, in isto vero velut coactum & tamquam nolenti violentè extortum, vel metu supplicij vel cupiditate præmiorum. Nam qui timoris obtentu a vitiorum abstinet blandimentis, adempto timoris obstaculo, rursum ad

illud quod diligit reuertetur, & ob id nec stabilitatem boni iugiter obtinebit, sed nec ab impugnatione quidem aliquando requiescet, quia nec firmam ac perpetuam pacem castimoniam possidebit. Vbi est enim inquietudo bellorum, non possunt non etiam vulnerum interuenire discrimina. Necessè est enim quempiam in conflictu positum, quamuis bellator sit, ac fortiter dimicans letalia aduersariis vulnera frequenter infligat, nonnumquam tamen hostili mucrone perstringi. Qui vero superata impugnatione vitiorum pacis iam securitate perfruitur, & transit in ipsius virtutis affectum, iugem statum illius boni cuius iam totus est, retentabit, quia damno intimæ castitatis nihil credit esse damnosius. Nec enim carius ac pretiosius quidquam præsentis iudicat puritate, cui poena grauis est, vel virtutis perniciofa transgressio, vel ipsius vitij virulenta contagio. Huic, inquam, nec reuerentia humanæ præsentiae quidquã adjiciet honestatis, nec minuet solitudo, sed vbique secum semperq. circumferens arbitram non solum actuum, sed etiam cogitationum suatum conscientiam, illi potissimum studere contendit, quem nec circumueniri, nec falli, nec subterfugere se posse cognoscit.

Quod perfectio charitatis sit pro inimicis orare, et quo iudicio anima necdum purgata noscatur. Cap. X.

Quem statum si quis de adiutorio Dei non de studij sui labore præsumens, meruerit possidere, de conditione serui, in qua timor est, & mercenaria spei cupiditate, in qua non tam bonitas largientis, quam præmium retributionis expetitur, in adoptionem incipiet transire filiorum, vbi iam non timor, non cupiditas, sed illa charitas, quæ numquam cadit, iugiter perseverat. De quo timore & charitate quosdam increpans Dominus, quid cui personæ conueniret, ostendit: Filius honorat patrem, & seruus dominum suum timebit. Et si pater ego sum, vbi est honor meus? Et si dominus ego sum, vbi est timor meus? Necessè est enim eum timere qui seruus est, quia qui sciens voluntatem domini sui fecerit digna plagis, vapulabit multis. Per hanc itaque charitatē quisquis ad imaginem Dei similitudinēq. peruenerit, bono iam propter boni ipsius delectabitur voluntatem, ac si similem quodammodo possidens patientiæ ac lenitatis affectum, nullis deinceps peccantium vitijs irascetur, sed veniam potius, infirmitatibus eorum condolens atque

com-

al. iustus

1. Cor. 13.

Malac. 2.

sec. lxx.

Luc. 12.

compariens, implorabit, seq. reminiscens tamdiu simi-
 lium passionum stimulis impugnatum, donec miseratione
 Domini saluaretur; nec suo erutum studio ab impugnatio-
 ne carnali, sed Dei protectione saluatum, non iracundiam
 sed misericordiam errantibus intelliget impendendam, il-
 lum versiculum ad Deum cum omni cordis tranquillitate
 decantans: Tu dirupisti vincula mea, tibi sacrificabo ho- *Psal. 115.*
 stiam laudis. & Nisi quia Dominus adiuuit me, paulomi- *Psal. 93.*
 nus habitauerat in inferno anima mea. Et in hac mentis
 humilitate consistens, poterit etiā euangelicum illud perfe-
 ctionis explere mandatū: Diligite inimicos vestros, benefa- *Matth. 5.*
 cite his qui oderunt vos, & orate pro persequentibus & ca-
 lumniantibus vos: & ita ad illud præmium, quod subiun-
 gitur poterit peruenire, per quod non solum imaginem Dei
 & similitudinem præferamus, verum etiam filij nuncupe-
 mur: Vt sitis, inquit, filij patris vestri, qui in cælis est, qui so- *Ibid.*
 lem suum oriri facit super bonos & malos, & pluit super
 iustos & iniustos. Quem affectum beatus Ioannes assecu-
 tum se esse cognoscens, ait: Vt fiduciam habeamus in die *1. Ioan. 4.*
 iudicii, quia sicut ille est, & nos sumus in hoc mundo. In
 quo enim infirmus & fragilis humana natura esse sicut ille
 est, potest, nisi se in bonos & malos, iustos & iniustos ad-
 imitationem Dei placida semper sui cordis extenderit cha-
 ritate? Et vt bonum propter boni ipsius operetur affectum,
 perueniens ad illam veram adoptionem filiorum Dei, de
 qua idem beatus Apostolus ita pronuntiat: Omnis qui na- *1. Ioan. 3.*
 tus est ex Deo, peccatum non facit, quia semen ipsius in eo
 est, & non potest peccare, quoniam ex Deo natus est. Et ite-
 rum: Scimus quia omnis qui natus est ex Deo, non peccat; *1. Ioan. 3.*
 sed generatio Dei conseruat eum, & malignus non tangit
 eum. Quod intelligendum est non de omni genere pecca-
 torum, sed de capitalibus tantum criminibus dici. A qui-
 bus quisquis se abstrahere atque emundare noluerit, pro il-
 lo in alio loco prædictus Apostolus ne orari quidem debe-
 re pronuntiat: Qui scit, inquit, fratrem suum peccare *Ibid.*
 peccatum non ad mortem, petat, & dabit ei vitam peccan-
 ti non ad mortem. Est peccatum ad mortem, non pro illo
 dico vt roget quis. Ceterum de illis quæ pronuntiantur non
 esse ad mortem, a quibus etiam hi, qui fideliter Christo de-
 seruiunt, quantalibet semetipsos circumspectione custo-
 diant, immunes esse non possunt, ita dicitur: Si dixerimus *1. Ioan. 1.*

Ibid.

quoniam peccatum non habemus, ipsi nos seducimus; & veritas in nobis non est. & iterum: Si dixerimus quia non peccauimus; mendacem facimus eum, & verbum eius non est in nobis. Impossibile namque est quemlibet sanctorum non in istis minutis, quæ per sermonem, per cogitationem, per ignorantiam, per obliuionem, per necessitatem, per voluntatem, per obreptionem, per somnium admittuntur incurere. Quæ licet ab illo peccato, quod ad mortem esse dicitur, aliena sint; culpa tamen ac reprehensione carere non possunt. Cum ergo quis hunc quem prædiximus bonitatis affectum, & imitationem Dei fuerit assecutus, tunc visceribus Dominiæ longanimitatis indurus, pro persecutoribus quoque suis orabit, similiter dicens: Pater ignosce eis, non enim sciunt quid faciunt. Ceterum euidentis indicium est animæ necdum vitiorum scæcibus eliquatæ, in criminibus alienis non affectu misericordiæ condolere, sed rigidam iudicantis tenere censuram. Nam quemadmodum perfectionem cordis poterit obtinere is, qui non habet illud, quod Apostolus plenitudinem legis consummare significauit: Alterutrum, inquit; onera vestra portate, & sic adimplebitis legem Christi? Sed nec illam virtutem possidet charitatis, quæ non irritatur, non inflatur non cogitat malum, quæ omnia suffert, omnia sustinet, omnia credit. Iustus enim miseretur animas pecorum suorum, viscera autem impiorum sine misericordia. Ideoq. iisdem vitijs monachum subiacere certissimum est, quæ in alio inclementi atque inhumana seueritate condemnat. Rex enim rigidus incurret in mala. &: Qui obrurat aures suas ne audiat infirmum, & ipse inuocabit, & non erit qui exaudiat eum.

*Luc. 23.**Galat. 6.**1. Cor. 13.**Prov. 12.**sec. lxx.**Prov. 13.**sec. lxx.**Prov. 21.**sec. lxx.**Interrogatio cur affectum timoris & spei dixeris*GERMANVS: *imperfectum. Cap. XI.**Psal. 33.**Psal. 118.**Hebr. 11.*

Potentius quidem atque magnifice de perfecta Dei charitate disertum est; verumtamen illud nos permouet, quoddam eam tanta laude prætuleris, timorem Dei & spem retributionis æternæ imperfecta esse dixisti, cum utique multo aliud videatur de eis Propheta sensisse dicens: Timee Dominum omnes sancti eius, quia nihil deest timentibus eum. Et iterum in obseruandis iustificationibus Dei retributionis se contemplatione fateatur exercitatum: Inclinaui, inquit, cor meum ad faciendas iustificationes tuas in æternum, propter retributionem. Et Apostolus: Fide, inquit,

inquit, Moses grandis factus, negauit se esse filium filiae Pharaonis, magis eligens affligi cum populo Dei, quam temporalis peccati habere iucunditatem, maiores diuinas aestimans thesauris Aegyptiorum, impropetiam Christi. Aspiciebat enim in remunerationem. Quomodo ergo imperfecta esse credenda est, cum & beatus Dauid retributionis obtentu iustificationes Domini se fecisse gloriatur, & legislator praemia futura prospiciens, spreu ille adoptionem regiae dignitatis, & afflictionem durissimam Aegyptiorum thesauris praetulisse dicatur.

Responsio de diuersitate perfectionum,

CHÆREMÓN.

Cap. XII.

PRO statu atque mēsurā vniuscuiusque mentis scriptura diuina ad diuersos perfectionum gradus arbitrij nostri, prouocat libertatē. Nec enim poterat vniformis omnibus perfectionis corona proponi, quia nec omnibus vna virtus aut voluntas aut seruator est, & idcirco ipsarum quodammodo perfectionum diuersos ordines diuersasq. mensuras sermo diuinus instituit. Quod ita esse euangelicarum quoque beatitudinum varietas euidenter ostendit. Licet enim beati dicantur, quorum sunt regna caelorum, & beati qui possidebunt terram, & beati qui consolationem recipient, & beati qui saturitate porientur, tamen multum credimus interesse inter habitationem regni caelorum, & possessionem illius quaecumque est terrae, & inter perceptionem consolationis, & plenitudinem saturitatemq. iustitiae, multumq. distare inter illos, qui misericordiam consequentur, & illos qui gloriosissima visione Dei perfrui merebuntur. Alia enim gloria solis, & alia gloria lunae, & alia gloria stellarum. Stella enim a stella differt in gloria, ita & resurrectio mortuorum. Cum igitur iuxta hunc modum scriptura diuina timentes Deum laudet, & dicat: Beati omnes qui timent Dominum, & plenam per hoc illis beatitudinem repromittat, iterum tamen dicit: Timor non est in charitate, sed perfecta charitas foras mittit timorem, quoniam timor poenam habet. Qui autem timet, non est perfectus in charitate. Et rursus cum seruire Deo gloriosum sit, & dicatur: Seruite Domino in timore, & Magnum tibi est vocari seruum meum. & Beatus seruus ille, quem cum venerit Dominus suus, inuenerit sic facientem; tamen ad Apostolum dicitur: Iam nō dico vos seruos, quia seruos nescit quid

Ibid. faciat dominus suus. Vos autem dixi amicos, quia omnia
 quaecumque audiui a patre meo, nota feci vobis. & iterum:
 Vos amici mei estis, si feceritis ea, quae praecepimus vobis. Vi-
 detis ergo perfectionum gradus esse diuersos, & de excelsis
 ad excelsiora nos a Domino prouocari, ita ut is, qui in ti-
 more Dei beatus & perfectus extiterit, ambulans, sicut scri-
 ptum est, de virtute in virtutem, & de perfectione ad aliam
 perfectionem, id est, de timore ad spem mentis alacritate con-
 scendens, ad beatiorum denuo statum, quod est charitas, inui-
 tetur. Et qui fuerit fidelis seruus ac prudens, ad amicitiae so-
 dalitatem & adoptionem transeat filiorum. Secundum hunc
 ergo sensum nostra quoque est intelligenda sententia, non
 quod contemplationem perpetuae illius poenae, vel beatis-
 simae retributionis quae promittitur sanctis, nullius pronun-
 tiemus esse momenti, sed quia cum sint utiles, & sectatores
 suos ad initia beatitudinis introducant, charitas rursus,
 in qua plenior fiducia perpetuumque iam gaudium est, as-
 sumens eos de timore serui & mercenaria spe, ad dilectio-
 nem Dei, & adoptionem transferat filiorum, & quodam-
 modo perfectiores faciat de perfectis: Multae enim, ait Sal-
 uator, mansiones sunt apud patrem meum. Et licet omnia
 astra esse videantur in caelo, inter claritatem tamen solis,
 & lunae, atque luciferi, ceterarumque stellarum multa distan-
 tia est. Et idcirco beatus Apostolus non solum timori ac
 spei, sed etiam cunctis charismatibus, quae magna ac miri-
 fica habentur, eam praefertens, supra modum excellentio-
 rem omnibus viam charitatis ostendit. Nam cum vellet,
 expleto omni catalogo spiritualium charismatum, virtutis
 eius membra describere, ita praefatus est: Et adhuc supra
 modum excellentiorem viam vobis demonstro: Si linguis
 hominum loquar & angelorum; & si habuero prophetiam,
 & nouerim mysteria omnia, & omnem scientiam, & si ha-
 buero omnem fidem, ita ut montes transferam, & si distribuero
 in cibos pauperum omnes facultates meas, & si tradidero
 corpus meum ut ardeam, charitatem autem non habuero, nihil
 mihi prodest. Videtis ergo nihil pretiosius, nihil perfectius,
 nihilque sublimius, & (ut ita dixerim) nihil charitate peren-
 nius inueniri. Siue enim prophetiae euacuabuntur, siue lin-
 guae cessabunt, siue scientia destruetur, charitas autem num-
 quam excidit, siue qua non solum illa praecellens: summa cha-
 rismatum genera, sed etiam martyrij ipsius gloria vacuatur.

De timore qui de charitatis magnitudine generatur.

Cap. X I I I.

Quisquis igitur in huius fuerit charitatis perfectione fundatus, necesse est ut ad illum sublimiorem timorē gradu excellentiore conscendat, quem non pœnarum terror, non cupido prœmiorū, sed amoris generat magnitudo, quo vel filius, indulgentissimum patrem, vel fratrem frater, vel amicum amicus, vel coniugem coniunx sollicito reueretur affectu, dum eius non verbera neque conuicia, sed vel tenuem amoris formidat offensam, atque in omnibus non solum actibus, verum etiam verbis, attenta semper pietate distenditur, ne erga se quantumcumque, feruor dilectionis illius intepestat. Cuius timoris magnificentia, vnus prophetarum eleganter expressit: Diuitiæ, inquiens, salutis sapientia & scientia, timor Domini ipse thesaurus eius. Non potuit timoris istius dignitatem ac meritum magis euidenter exprimere, quàm ut diuitias salutis nostræ, quæ in vera sapientia Dei scientiaq. consistunt, diceret nisi a timore Domini non posse seruari. Ad hunc igitur metum non peccatores, sed sancti prophetici inuitantur eloquijs, dicente psalmographo: Timete Dominum omnes sancti eius, quia nihil deest timentibus eum. Qui enim hoc timore Dominum metuit, perfectioni eius certum est nihil deesse. Nam de illo timore pœnali euidenter Ioannes Apostolus dicit: Qui timet, non est perfectus in charitate, quia timor pœnam habet. Multa ergo distantia est inter istum timorem cui nihil deest, qui sapientiæ scientiaq. thesaurus est, & illum imperfectum, qui principium sapientiæ nuncupatur, quiq. pœnam in sese continens, de perfectorum cordibus superueniente plenitudine charitatis extruditur. Timor enim non est in charitate, sed perfecta charitas foras mittit timorem. Et re vera si principium sapientiæ in timore consistit, quæ erit eius nisi in Christi charitate perfectio, quæ illum in sese perfectæ dilectionis continens metum, non iam principium, sed thesaurus sapientiæ & scientiæ nuncupatur? Et idcirco duplex timoris est gradus, vnus incipientium, id est, eorum qui adhuc subiugo & terrore serui sunt, de quo dicitur: Et seruus domini sui timebit. Et in Euangelio: Iam non dico vos seruos, quia seruus nescit quid faciat dominus eius. Et iterum: Seruus, inquit, non manet in domo in æternū. Imbuit enim nos

Esa. 33.

Psal. 33.

1. Ioan. 4.

Psal. 110.

1. Ioan. 4.

*Malac. 1.
sec. lxx.*

Ioan. 15.

Ioan. 8.

ut ab

vr ab illo pœnali metu ad charitatis plenissimam libertatem, & amicorum filiorumq. Dei fiduciam transeamus. Denique beatus Apostolus qui seruilem illum timoris gradum, olim charitatis Dominicæ virtute transcenderat, inferiora despiciens, maioribus se ditatum donis à Domino proficitur: Non enim, inquit, dedit nobis Deus spiritum timoris, sed virtutis & dilectionis & sobrietatis. Eos etiam qui perfecta cœlestis illius patris dilectione flagrabat, quosque ex seruis filios adoptio diuina iam fecerat, hoc adhortatur eloquio: Non enim accepistis spiritum seruitutis iterum in timore, sed accepistis spiritum adoptionis filiorum, in quo clamamus, Abba pater. De hoc etiam metu, cum illam sepriformem Spiritus sancti gratiam propheta describeret, quem in homine illo Dominico secundum incarnationis dispensationem descendisse non dubium est, dixissetq. : Et requiescet super eum spiritus Domini, spiritus sapientiæ & intellectus, spiritus consilij & fortitudinis, spiritus scientiæ & pietatis; nouissime velut quiddam præcipuum intulit dicens: Et replebit eum spiritus timoris Domini. In quo primitus illud est diligentius intuendum, quod non dixerit: Et requiescet super eum spiritus timoris Domini, sicut de illis prioribus dixerat, sed: Replebit, inquit, eum spiritus timoris Domini. Tanta enim vbertatis eius est magnitudo, vr quem semel sua virtute possiderit, non partem, sed totam eius occupet mentem. Nec immerito. Illi etenim quæ nunquam excidit charitati coharens, non solum replet, sed etiam perpetua & inseparabili eum, quem cepit, possidet iugitate, nullis lætitiæ temporalis vel volupratum oblectationibus imminutus. Quod nonnumquã illi qui foras mittitur timori euenire conlucit. Hic est igitur perfectionis timor; quo homo ille Dominicus, qui non solum redimere humanum genus, sed etiam præbere venerat perfectionis formam & exemplã virtutum, repletus fuisse narratur. Illum enim seruilem suppliciorum timorem, verus Dei filius, qui peccatum non fecit, nec dolus inuentus est in ore eius, habere non potuit.

Interrogatio de consummatione castitatis.

GERMANVS.

Cap. XIV.

Quoniam de perfectione charitatis sermo digestus est, volumus etiam de castitatis sine aliqua liberius sciscitari. Non enim ambigimus illud præcellsum fastigium castitatis,

ritatis, per quam sicut hucusque discretum est, ad imaginem Dei similitudinemque conscenditur, sine castitatis perfectione subsistere omnino non posse; sed utrum ita eius possit perpetuitas obtineri, ut nunquam libidinis titillatio integritatem nostri cordis infestet, & ita valeamus ab hac passione carnali in carne degentes peregrinari, ut nunquam incentiuorum æstibus aduramur, volumus edoceri.

Dilatio expositionis postulata.

CHÆREMON.

Cap. XV.

Symma quidem beatitudinis ac singularis est meriti, ita sistum per quem Domino cohæremus affectum, vel discere iugiter vel docere, ut meditatio eius, secundum psalmographi sententiam, omnes vitæ nostræ dies noctesque consumat, & mentem nostram insatiabiliter esurientem sitientemque iustitiam, cælestis huius cibi perpetua ruminatione sustentet. Sed consulendum est etiam iumento corporis nostri, secundum Salvatoris nostri benignissimam providentiam, ne deficiat in via. Spiritus enim promptus, caro autem infirma; quæ etiam nunc, vel exigui cibi perceptione curanda est, ut post refectionem eius etiam ad ea, quæ desideratis, diligentius indaganda, mentis quoque addatur intentio.

Psalm.

Matt. 11.

Matt. 26.

COLLATIONIS PRIMÆ

Abbatis Chæremonis de Perfectione, Finis.

COLLATIO DVODECIMA, QVÆ EST SECVNDA ABBATIS CHÆREMONIS, DE CASTITATE.

Verba abbatis Chæremonis de castitate. Cap. I.



REFLECTIONE transacta, quæ doctrinæ cibū desideratibus nobis onerosa magis visa est quàm iucunda, cum illico nos promissi sermonis debitū senex expectare sensisset: Grata est, inquit, mihi non solū attonita ad discendum vestre mentis intètio, sed etiā propositæ disciplina quæstionis. Rationa-

bilis enim revera interrogatōnis a vobis ordo servatus est. Necessè est enim, ut tam excellē plenitudinē charitatis immēsa illa perfectē atque perpetuæ castimonie præmia consequatur, parq. sit gaudiū in tanta parilitate palmarū. Tanta enim sibi societate fœderantur, ut vna absque altera nequeat possideri. Hoc igitur propositio vestra cōplexa est, ut utrū ignis illē concupiscētiæ, cuius hæc caro velut insitum sentit ardorē, ad plenū possit extingui, disputatione similipanderemus. De quo primū quid beatus Apostolus senserit, diligentius inquiramus: Mortificate, inquit, membra vestra, quæ sunt super terrā. Prius ergo quàm cetera perscrutemur, quæ ista sint membra, quæ mortificari præceperit, indagemus. Neque enim beatus Apostolus ad abscissionem manuum, aut pedum, aut genitalium immiti nos præceptione compellit, sed corpus peccati, quod vtrique constat ex membris, quamtocius destrui zelo perfectæ desiderat sanctitatis, de quo corpore alibi: Ut destruat, inquit, corpus peccati. Et quæ sit eius destructio e consequenter exponit: Ut iam, inquit, non serviāmus peccato. A quo etiam se liberari cum ciulatu postular, dicens: Infelix ego homo, quis me liberabit de corpore mortis huius?

Colos. 3.

Rom. 6.

Ibid.

Rom. 7.

De corpore peccati & membris eius. Cap. II.

Hoc itaque peccati corpus multis vitiorum membris probatur extructū, & ad eius attinere portionē quidquid

quid vel factum, vel dictum, vel cogitatione peccatur, cuius membra rectissime super terram esse dicuntur. Non enim possunt hi, qui ministerio utuntur eorum, veridice profiteri. Nostra autem conuersatio in cælis est. Huius igitur corporis in hoc loco Apostolus membra describens: Mortificate, inquit, membra vestra, quæ sunt super terram, fornicationem, immunditiam, libidinem, concupiscentiam malam, & auaritiam, quæ est simulachrorum seruitus. Primo itaque loco fornicationem credidit inferendam, quæ carnali cõmixtione perficitur. Secundum etiã membrum immunditiam nuncupauit, quæ nonnumquam absque vlllo mulieris tactu vel dormientibus vel vigilantibus per incuriam incircumspectæ mentis obrepit; & ideo notatur ac prohibetur in lege, quæ immundos quosque non solum sacrarum carnum participatione priuauit, verum etiam ne contactu suo sancta polluerent, a castrorum iussit congregatione secerni, dicens: Anima quæcumque comederit de carnibus sacrificij salutaris (quod est Domini) in qua est immunditia, peribit coram Domino; & quidquid tetigerit immundus, immundum erit. In Deuteronomio quoque: Si fuerit, inquit, inter vos homo qui nocturno pollutus est somnio, egredietur extra castra, & non reuertetur priusquam ad vespem lauetur aqua, & post solis occasum regredietur in castra. Deinde tertium peccati membrum libidinem ponit, quæ in recessibus animæ coalescens accidere cuiuspiam etiam sine passione corporis potest. Libidinẽ enim ab eo quod libeat dictam esse non dubium est. Post hæc de maioribus peccatis ad minora descendens, quartum intulit membrum: Concupiscentiam malam, quæ non solum ad prædictam impudicitie passionem, verum etiam ad omnes noxias cupiditates generaliter potest referri, quæ corruptæ tantummodo voluntatis est agritudo. De qua Dominus in Evangelio, Qui viderit, inquit, mulierem ad concupiscendum eam, iam moechatus est eam in corde suo. Multo enim maius est etiam tunc mentis lubricæ desiderium continere, cum ei illecebrosi aspectus offertur occasio. Quibus manifestissime comprobatur, ad perfectionem puritatis castimoniam continentie corporalis solam non posse sufficere, nisi etiam mentis addatur integritas. Post quæ omnia nouissimum illius corporis membrum: Et auaritiam, inquit, proculdubio ostendens non solum ab appetitu rerum alie-

*Philip. 3.
Colof. 2.*

*Leuit. 7.
sec. lxx.*

Deut. 23.

Matth. 5;

alie-

Ad. 4.

alienarum animum cōtinendum, verum etiam propria magnanimiter contemnenda. Hoc enim & in Actibus Apostolorum fecisse legitur credentium multitudo, de qua dicitur: Multitudinis autē credentium erat cor vnum & anima vna, nec quisquam eorum quæ possidebat a liquid suū esse dicebat, sed erant illis omnia communia. Quotquot enim possessores agrorum aut domorum erant, vendentes afferebant pretia eorum quæ vendebant, & ponebant ante pedes Apostolorum. Diuidebatur autem singulis prout cuique opus erat. Et ne ad paucos pertinere videretur ista perfectio, avaritiam seruitutem simulachtorum esse testatus est: nec immerito. Quisquis enim non communiēat necessitatibus egenorum, & pecuniæ suæ, quam infideli tenacitate conseruat, Christi præcepta postponit, idololatriæ crimen incurrit, amorem scilicet materiæ mundialis diuinæ præferens charitati.

Colof. 3.

De mortificatione fornicationis & immunditia. Cap. III.

Ibid.

Ephes. 5.

Ibid.

1. Cor. 6.

SI ergo multos ita pro Christo suas vidimus abiēcisse substantias, vt non solum possessionem pecuniarum, verum etiam desiderium de cordibus eorum imperpetuum probemus abscisum, consequens est vt eodem modo etiam fornicationis ardorem extingui posse credamus. Neque enim impossibilem rem Apostolus cum possibili coniunxisset, sed vtraque possibile esse sciens, pari modo mortificanda decreuit. Et in tantum beatus Apostolus fornicationem siue immunditiam de nostris membris extirpari posse confidit, vt non solum mortificari ea, sed ne nominari quidem in nobis debere pronuntiet: Fornicatio, inquit, & omnis immunditia, aut avaritia, nec nominetur in vobis, aut turpitude, aut stultiloquium, aut scurrilitas, quæ ad re non pertinet. Quæ etiam pari modo perniciosa esse, & æquali nos a regno Dei exclusionē depellere, edocet dicens: Illud autem scitote, quod omnis fornicator, aut immundus, aut avarus (quod est idolorum seruitus) non habet hereditatem in regno Christi & Dei. Et iterum: Nolite errare; neque fornicarij, neque idolis seruientes, neque adulteri, neque molles, neque masculorū cōcubitores, neque fures, neque auari, neque ebriosi, neque maledici, neque rapaces regnū Dei possidebunt. Dubiū proinde esse nō debet, fornicationis & immunditiæ de membris nostris aboleri posse cōtagium, & quādoquidem non aliter ea, quā avaritiā, stultilo-

tiloquium, scurrilitatem, ebrietatem, ac furta, quorum facilis amputatio est, mandauerit abscedenda.

Quod ad obtinendam castimoniam puritatem non sufficiat humani laboris intentio. Cap. IV.

CErros tamen esse nos conuenit, quod licet omnē con-
tinentiæ distictionem, famem ac sitim scilicet, vigi-
lias quoque & operis iugitatē, atque incessabile subeamus
lectionis studium, perpetuam tamen castimonie puritatem
horum laborum merito contingere nequeamus, nisi in his
iugiter desudantes experientie magisterio doceamur incor-
ruptionem eius diuinæ gratiæ largitate donari. Ob hoc sa-
ne solummodo se vnusquisque infatigabiliter in his exerci-
tiji perdurare debere cognoscat, vt per illorum afflictionē
misericordiā Domini consecutus, de impugnatione carnis,
ac præpotentiū dominatione viciorū diuino mereatur mu-
nere liberari, non quod adeptutū se per illa confidat istam
quā cupit inuiolatā corporis castitatem. Tanto autē erga
acquisitionem castimonie desiderio atque amore flammemur,
quanto quis pecuniarum cupidissimus appetitor, vel
qui summa honorum ambitione distenditur, vel qui into-
lerabili pulchræ mulieris amore raptatur, desiderium suū
impatientissimo ardore optat expleri, & ita fiet, vt dū pro
integritatis perpetuitate insatiabili cupiditate succēdimur,
desiderabilis despiciatur eibus, necessarius horreat potus,
somnia denique ipsi naturæ debitus respuatur, vel certe vt
deceptor fraudulētissimus puritatis, & æmulus atque cōtra-
rius castitati, attonita atque suspecta mente capiatur, & ita
vnusquisque quotidie integritatis suæ matutinus explorator
effectus, de collata sibi purificatione congaudeat, eamq. se
non suo studio nec vigilantia, sed protectione Domini sen-
tiat consecutum, ac tandiu illius perseverantiam suo cor-
pori intelligat cohæsuram, quamdiu eam Dominus sua
fuerit miseratione largitus. Qui enim hanc stabiliter obti-
net fidem, nequaquā superbum sapiens de sua virtute con-
fider, neque seductus longis obscæni liquoris inducijs, blan-
dissima securitate soluetur, sciens impurissimæ colluui-
onis aspergine se protinus maculandum, si vel paululum
quid ab eo protectio diuina discesserit; ac proinde pro per-
petuitate eius cum omni contritione & humilitate cordis,
indefessis est orationibus incubandum.

De utilitate impugnationis qua nobis de incentiuorum astibus generatur Cap. V.

Vltis autem capere super huius rei quam dicimus veritate euidens argumentum, per quod & hæc quæ dicta sunt approbetis, & istam corporis pugnam quæ inimica nobis putatur ac noxia, vtiliter membris nostris insertam esse doceamini? Considerate quæso illos qui corpore sunt spadones, quæ præcipue causa in virtutibus appetendis desides reddat ac tepidos nonne quia corrumpendæ castitatis credunt se periculum non habere? Quod tamen nemo ita proposuisse me credat, vt neminem eorum penitus inueniri posse confirmem, perfecta abrenuntiatione flagrantem, sed quia naturam suam quodammodo vincant, si qui forte eorum ad propositam perfectionis palmam summa animi distractione contendunt, cuius ardor ac desiderium eum quem semel accenderit, famam sitim, vigilias, nuditatem, cunctos labores corporis, non solum patienter, verum etiam libenter sustinere compellit. Vir enim in laboribus laborat sibi & vim facit perditioni suæ. & iterum: Animæ autem egenti etiam amata dulcia videntur. Aliàs namq. non possunt desideria præsentium rerum reprimi vel auelli, nisi pro istis affectibus noxijs quos cupimus amputari, alij salutes fuerint intromissi. Nullatenus enim valet viuacitas mentis absque alicuius desiderij vel timoris, gaudij vel mœroris affectione subsistere, nisi hæc eadem in bonam partem fuerint immutata. Et idcirco si carnales concupiscentias de cordibus nostris desideramus extrudere: spiritales earum locis plantemus protinus voluntates, vt his noster animus semper innexus, & habeat quibus iugiter immoreretur, & illecebras præsentium ac temporalium respuat gaudiorum. Cumque in hunc statum mens nostra quotidianis exercitijs erudita profecerit, tunc versiculi illius affectum experientia docente concipiet, quem omnes quidem solita psallendi modulationi concinimus, virtutem verò eius non nisi pauci expertiq. percipiunt: Prouidebam Dominum in conspectu meo semper, quoniam a dextris est mihi ne commoueat. Ille etenim solus vim atque intellectum huius carminis efficaciter assequetur, qui perueniens ad istam de qua loquimur corporis atque animæ puritatem intelligit se cunctis momentis ne rursus ad eadem reuoluatur a Domino conseruari, dextrasq. suas id est, operationes san

Prou. 16.

sec. lxx.

Prou. 27.

sec. lxx.

Psal. 18.

sanctas ab eodem iugiter communiri. Dominus enim sanctis suis non a sinistris (quia nihil habet sinistrum vir sanctus) sed a dextris semper assistit: a peccatoribus vero & im-
Ibid.
 pijs non videtur, quia non habent illas dexterarum, quibus Dominus consuevit assistere, nec possunt dicere cum Propheta: Oculi mei semper ad Dominum, quoniam ipse euolat de laqueo pedes meos. Quod nullus poterit veridice profiteri, nisi qui vniuersa, quæ sunt in hoc mundo, aut noxia aut superflua aut certe inferiora summis virtutibus iudicās, omnem intuitum suum, omne studium, omnem curam erga cultum sui cordis & castimoniam deserit puritatem, atque ita mens istis exercitijs climata, & profectibus expolita, ad perfectam corporis atque animæ perueniet sanctitatem.

Quod patientia ardorem fornicationis extinguat.

Cap. VI.

Quantum enim quis in lenitate ac patientia cordis, tantum in corporis puritate proficiet; quantoque longius iracundia propulerit passionem, tanto castitatem tenacius obtinebit. Non enim ætus corporis declinabit, nisi qui animi motus ante compresserit. Quod apertissime Saluatoris nostri ore laudata beatitudo declarat: Beati, in-
Matth. 5.
 quiens, mites, quoniam ipsi possidebunt terram. Non ergo aliter nos possidebimus terram, id est, non aliâ ditioni nostræ rebellis huius corporis terra subdetur, nisi mens nostra prius fuerit patientiæ lenitate fundata; nec poterit quis aduersus carnem suam insurgentia libidinis bella comprimere, nisi prius armis mansuetudinis instruat: Mansueti enim
Psal. 36.
 possidebunt terram, & inhabitabunt in sæculum sæculi super eam. Hanc, inquam, terram quemadmodum obtinere possimus, idem Propheta in Psalmi ipsius consequentibus edocet: Expecta Dominum, & custodi viam eius, & exaltabit te, ut heredes terram. Constat ergo ad possessionem terræ firmiter obtinendam neminem posse conscendere, nisi illos tantum qui per immobilem patientiæ lenitatem vias
Psal. 16.
 Domini duras, ac præcepta seruantes, de cæno carnalium passionum extrahente eodem fuerint exaltati. Mansueti ergo possidebunt terram, & non solum possidebunt eam, sed etiam delectabuntur in multitudine pacis, qua nemo, in cuius
Psal. 36.
 carne adhuc bella concupiscentiæ suscitantur, stabiliter perfruetur. Necessæ est enim infestari eum dirissimis dæmonum prælijs, & ignitis luxuriæ iaculis sauciatum a

- Psal. 45.* terræ suæ possessione deuolui, donec Dominus auferat bella vsque ad fines terræ, arcum conterat & confringat arma, & scuta comburat igni; illo scilicet, quem venit Dominus mittere super terram; & arcus etiam & arma confringat, quibus aduersus eum nequitie spirituales diebus ac noctibus dimicantes, ignitis confgebant cor eius iaculis passionum. Et ita cum eum Dominus conterens bella ab omnibus incentiuorum æstibus liberarit, ad illum puritatis perueniet statum, ut deposita confusione, qua semetipsum, id est, carnem suam dum impugnaretur horrebat, incipiat ea velut purissimo tabernaculo delectari. Non enim accedent ad eum mala, & flagellum non appropinquabit tabernaculo eius; ad illud scilicet propheticum patientiæ virtute perueniens, ut mansuetudinis merito non modo suam hereditet terram, verumetiam delectetur in multitudine pacis. Vbi autem adhuc superest sollicitudo certaminis, pacis esse multitudo non potest. Nō enim ait, Delectabuntur in pace, sed, in multitudine pacis. Per quod euidenter ostenditur, ita efficacissimam medicinam cordis esse patientiam, secundum illud Salomonis: Mansuetus vir cordis est medicus; ut non solum iræ, tristitiæ, acediæ, cenodoxiæ, superbiæ, verum etiam libidinis omniumq. pariter extirpet fomitem vitiorum: In longanimitate enim (ut ait Salomon) prosperitas regis. Nam qui mitis semper atque tranquillus est, nec iracundiæ perturbatione succenditur, nec acediæ atque tristitiæ angore consumitur, nec cenodoxiæ vanitate distenditur, nec superbiæ tumore sustollitur: Pax enim multa diligentibus nomen Domini, & non est illis scandalum. Et ideo non immerito pronuntiatur melior vir patiens forte; † & qui continet iram, capiente vrbem. Hanc igitur pacem donec firmam atque perpetuam obtinere mereamur, multis necesse est nos impugnationibus attentari. frequenterq. nobis est versiculus iste cum gemitu ac lacrymis repetendus: Miser factus sum & curuatus sum vsquequaque; tota die contristatus ingrediebar; quoniam lumbi mei impleti sunt illusionibus, & non est sanitas in carne mea a facie iræ tuæ, non est pax ossibus meis a facie insipientiæ meæ. Tunc enim competenter hæc & in veritate deslebitur, quando post longā puritatem corporis nostri sperantes carnalia iam nos omnimodis euasisse contagia, stimulos carnis ob elationem cordis

cordis aduersum nos rursum sentimus insurgere, vel certe per fallaciam somniorum impuritas nos pristinae colluui-
onis aspergit. Cum ergo cœperit quis diuturna cordis & corporis puritate gaudere, necesse est vt dum se credit vltcrius iam non posse ab illa sinceritate deuolui, intra femetipsum quodammodo gloriatur, & dicat: Ego dixi in *Psal. 29.*
abundantia mea, non mouebor in æternum. Sed cum vtiliter a Domino subrelictus illum puritatis statum, in quo sibi-
met confidebat, senserit perturbari, seseq. in illo spiritali viderit
titubare successu, recurrat protinus ad illius integritatis auctorem, & agnoscens infirmitatem suam, confiteatur & dicat: Domine non in mea, sed in tua voluntate *Ibid.*
præstitisti decori meo virtutem. Auertisti faciem tuam a me, & factus sum conturbatus. Illud quoque beati Iob: Si *Iob. 9.*
lotus fuero quasi aquis niuis, & fulserint velut mundissimæ manus meæ, tamen sordibus intinges me, & abominabuntur me vestimenta mea. Quod tamen is, qui suo vitio se in
sordibus tingit, non potest suo dicere creatori. Donec ergo ad puritatis perfectum statum perueniat, necesse est eum
inæqualitatibus istis frequentius erudiri, quoadusque per Dei gratiam cõfirmatus in illa quam appetit puritate effica-
citer dicere mereatur: Expectans expectaui Dominum, *Psal. 39.*
& respexit me; & exaudiuit deprecationem meam, & eduxit me de lacu miserix & de luto facis; & statuit supra petram pedes meos, & direxit gressus meos.

De differentijs & gradibus castitatis. Cap. VII.

Multi sunt enim castimonix gradus, quibus ad illam inuiolabilem conscenditur puritatem, quos licet nec perspicere nec enuntiare, vt dignum est, virtus nostra sufficiat, tamen quia series narrationis exposcit, secundum mediocritatem experientix nostræ vtcumque proferre tentabimus; reseruantes perfectiora perfectis, nec præiudicantes his qui feruentiore studio puriorem castimoniam possidentes, quanto maioris industriæ sunt, tanto etiam perspicaciæ vigore præcellunt. Proinde sex gradibus licet multa a se in vicem sublimitate distantibus, fastigia castitatis præcella distinguam (ita vt quædam media, quæ tamen multa sunt, prætermittā, quorū subtilitas ita humanos subterfugit sensus, vt eam nec mens inspicere, nec proloqui lingua præualeat) quibus sensim castitatis ipsius perfectio quotidianis profectibus adolescit. Secundum similitudinem namque

corporum terrenorum, quæ singulis diebus insensibiliter sui capiunt incrementa, & ita dum nesciunt ad perfectum habitum prouehuntur, animæ quoque robur & maturitas castitatis acquiritur. Primus itaque pudicitie gradus est, ne vigilans impugnatione carnali monachus elidatur. Secundus, ne mens illius voluptarijs cogitationibus immoretur. Tertius, ne femineo vel tenuiter ad concupiscentiam moueatur aspectu. Quartus, ne vigilans vel simplicem carnis perferat motum. Quintus, ne cum memoriam generationis humanæ, vel tractatus ratio vel necessitas lectionis ingesserit, subtilissimus mentem voluptariæ actionis perstringat assensus, sed velut opus quoddam simplex, ac ministerium humano generi necessario contributum, tranquillo ac puro cordis contempletur intuitu, nihilq. amplius de eius recordatione concipiat, quàm si operationem laterum vel cuiuslibet alterius officinæ mente pertractet. Sextus castimonie gradus est, ne illecebrofis phantasmatibus feminarum vel dormiens illudatur. Licet enim hæc ludificationem peccato esse obnoxiam non credamus, concupiscentiæ tamen adhuc medullitus latantis indicium est. Quæ tamen illusionem diuersis modis constat accidere. Nam secundum illum vsum quem vigilans exercere vel cogitare consueuerat, etiam dormiens vnusquisque tentatur. Aliter enim falluntur hi, qui carnalem copulam norunt: aliter qui femineæ sunt commixtionis expertes. Hi enim sicut simplicioribus ac purioribus somnijs inquietari solent, ita etiam faciliore diligentia ac minore possunt labore purgari. Illi autem sordidioribus magisq. expressis phantasmatibus illuduntur, donec paulatim secundum mensuram castitatis, ad quam vnusquisque contendit, in odium illius rei, quam voluptariam antea sentiebat, mens etiam somno sopita vertatur, illudq. ei quod fortibus viris pro summo laborum stipendio repromittitur per prophetam, concedatur a Domino: Et arcum, & gladium, & bellum conteram de terra, & dormire eos faciam fiducialiter, & ita demum quis ad illâ beati Sereni paucorumq. similium virorum perueniet puritatem. Quæ ideo a prædictis sex castimonie gradibus sequestratur, quia non solum possideri, sed etiâ credi non nisi a rarissimis potest. Et quia id, quod illi specialiter diuini muneris largitate collatum est, proponi ad generalis præcepti non potest formam, scilicet vt eo vsque mens nostra casti-

Osee. 2

Collat. 7.

Cap. 1.

casti.

castitatis ipsius puritate † formetur, ut etiam ipso naturali al. *firmetur.*
 inori carnis emortuo, illum obscœnum liquorem omnino
 nō perferat. Opinione sane quorundam, quā super hac car-
 nis colluione definiunt, silere non debeo, qui dicunt non
 idcirco eam dormientibus euenire, quod eam producat fal-
 lacia somniorum, sed potius quia redundantia humoris il-
 lius aliquas in ægrotanti corde singat illecebras. Denique
 aiunt quod illo tempore quo nō inquietat illa concretio,
 quemadmodum fluxus eius, ita etiam illusio conquiescat.

*Quod de natura castitatis & effectū eius in experti tractare
 non possint. Cap. VIII.*

Sed hæc suscipere vel probare, & utrum possibilia an im-
 possibilia sint, certo examine definire poterit nemo, ni-
 si per experientiam longā & puritatem cordis, ad confinia
 carnis ac spiritus verbo Domini dirigente peruenerit. De
 quo beatus Apostolus: Viuis est, inquit, sermo Dei & effi- *Hebr. 4.*
 cax, & penetrabilior omni gladio ancipiti, & pertingens
 vsque ad diuisionem animę ac spiritus, compagum quoque
 ac medullarum, & discretor cogitationum & intentionum
 cordis. Et ita inter illorum quodammodo terminos collo-
 catus, quid humanę cōdicioni necessario sit atque ineuita-
 biliter attributum, quidve consuetudine vitiosa & incuria
 iuuentutis inuectum, velut inspector & arbiter iusta truti-
 natione discernet, ac super eorum effectū atque naturā non
 falsis vulgi opinionibus abducetur, nec præiudicatis inex-
 pertorum definitionibus acquiescet; sed puritatis modum
 certę experientię suę libra & iusta examinatione perpen-
 dens, nequaquam illorum decipietur errore, qui negligē-
 tię suę vitio crebrioribus, quā natura compellit egestio-
 nibus sordidati, de naturali condicione causantur. Cumq-
 eos constet inferre potius vim naturę, & extorquere ab ea
 pollutionem, quā ipsa nō ingerit, intemperantiam suam
 ad necessitatem carnis, immo ad eius referunt creatorem,
 proprias culpas ad naturę infamiam transferentes: de qui-
 bus in Proverbijis eleganter exprimitur: Insipientia viri *Prov. 28.*
 corrumpit vias eius, Deum autem causatur in corde suo. *sec. lxx.*
 Postremo si quis huic assertioni nostrę fidem derogare vo-
 luerit, quæso ut non ante præiudicata nobiscum opinione
 disceptet, quā disciplinę huius suscipiat instituta. Cumq-
 hæc per paucis mensibus illa, qua traditur moderatione ser-
 uauerit, profectu hæc, quæ diximus, vero poterit probare

iudicio. Ceterum frustra de cuiuslibet artis ac disciplinæ fine contendit, quisque non prius omnia quæ ad consummationem eius pertinent, summo fuerit studio ac virtute sectatus. Velut si, verbi gratia, similitudinem mellis ex tritico, aut rursus ex eo sicut etiam ex raphani liniq. seminibus lenissimi olei liquorem produci posse confirmem; si quis horum penitus ignarus adlstat, nonne contra rerum naturam hoc esse conclamans, me velut apertissimi auctorem mendacij deridebit? Cui si ego testes innumeros, qui hæc se & vidisse & gustasse & fecisse testentur exhibeam, rationem insuper atque ordinem quo illæ species, vel in olei pinguedinem, vel in mellis dulcedinem transformentur edisseram, ille autem in stultissimæ persuasionis obstinatione persistens, neget ab illis seminibus quidquam vel dulcedinis vel pinguedinis posse produci; nonne magis notanda erit irrationabilis eius perucaxq. contentio, quam sermonis mei veritas irridenda, quæ multorum ac fidelium testium gravitate, & evidentibus documentis, & (quod his amplius est) experientiæ probatione fulcitur? Et ideo quisquis ad illū puritatis statum iugi cordis intentione peruenit, ut iam mente ab huius passionis titillatione penitus absoluta, per soporem caro eius velut redundantia superflui humoris expellat, conditionem modumq. naturæ certissime deprehendet, & ita cum expergefactus inuenierit carnem suam post longa tempora se incio atque ignoratè pollutam, tam demum de naturali necessitate causetur, ad illum sine dubio perueniens statum, ut talis inueniatur in nocte, qualis in die; talis in lecto, qualis in oratione; talis solus, qualis turbis hominū circumscriptus. Postremo ut nunquam se talem secretus aspiciat, qualem videri ab hominibus erubescit, nec in eo tale aliquid ineuitabilis ille oculus deprehendat; quod ab humanis aspectibus vellet esse celatum: & ita cum cœperit suavisimo lumine castitatis iugiter delectari, dicere poterit cum Propheta: Et nox illuminatio mea in delicijs meis; quia tenebræ non obscurabuntur a te, & nox sicut dies illuminabitur, sicut tenebræ eius ita & lumen eius. Denique hoc ipsum, quia supra conditionem naturæ videtur humanæ, qualiter obtinuerit idem Propheta subiungit, dicens: Quia tu possedisti renes meos; id est, non industria mea neque virtute hanc promerui puritatem, sed quia tu mortificasti insitum renibus meis

libi-

*Psal. 138.**Ibid.*

libidinosa voluptatis ardorem.

Interrogatio an corporis motum etiam dormientes possimus
GERMANVS. *evadere. Cap. IX.*

Perpetuam quidem corporis puritatem ex parte aliqua experti sumus, a vigilantibus posse per Dei gratiā possideri, & commotionem carnis distractionis rigore atque iudicio resistente, vigilantibus posse nō contingere non negamus. Vtrum autem & dormientes hac inquietudine carere possimus, volumus edoceri. Duabus namque de causis possibile hoc esse non credimus, quas licet absque verecundia nequeamus effari, tamen quoniam hoc medicinæ ipsius necessitas cogit, quæsumus, ut cum venia tui, si qua forte inuerecundius fuerint denudata, suscipias. Primum ergo est, quod per somni quietem mentis vigore laxato, observari nequaquam illius valeat commotionis obreptio. Secundo, quod etiam urinx collectio cum vesicæ capacitatem, quiescentibus nobis, indefinenter confluxu interni humoris oppleuerit, excitet membra marcentia, quod etiā paruulis, vel spadonibus eadem nihilominus lege contingit. Vnde fit, ut si non oblectatio libidinis vulneret mentis assensum, confusione tamen eam humiliter turpitudine membrorum.

Responsio, quod per somnum accidens carnis commotio non
CHÆREMON. *officiat castitati. Cap. X.*

Apparet vos necdum veræ castitatis agnouisse virtutē, quandoquidem distractionis auxilio eam a vigilantibus tantum creditis retentari. Et inde est quod putatis a dormientibus quasi rigore animi resoluta, integritatem nō posse servari. Porro castitas non, ut arbitramini, distractionis præsidio, sed amore sui & propriæ puritatis delectatione subsistit. Non enim castitas, sed continentia dicitur, ubi adhuc aliqua resistit aduersitas voluptatis. Videris ergo his qui castitatis affectum per Dei gratiam medullitus receperunt, distractionis cessationem cum dormiunt non obesse, quæ infida etiam vigilantibus ratione certissima comprobatur. Quidquid enim cum labore comprimitur, temporales dimicanti præstat inducias, non tamen perpetuam securitatis quietem tribuit post laborem. Quidquid autem profunda fuerit virtute deuictum, & absque vlla inquietudinis suspicionem compositum, iugem pacis victori conferet firmitatem. Quamobrem donec pulsari nos carnis com-

morione sentimus, nouerimus nos ad castitatis necdū peruenisse fastigia, sed adhuc sub infirmitate continentiae constitutos praelijs fatigari, in quibus necesse est dubios esse semper euentus. Quod autem inuitabilem esse commotionē carnis hoc adstruere voluistis indicio, quod ea ne ipsi quidem eunuchi carere demptis genitalibus possunt; sciendum est non eis carnales æstus nec affectum libidinis, sed solam satiæ generationis deesse virtutem. Vnde manifestum est, ne illos quidem si ad hanc ad quam nos nitimur castitatem cupiunt peruenire, ab humilitate & contritione cordis vel continentiae districtione debere laxari, licet nequaquam sit discredendum, minore ab eis castimoniam posse labore ac studio comprehendī.

Quod multū intersit inter continentiam & castitatē. Cap. XI.

- Q**uamobrem perfectio castitatis, a laboriosis continentiae rudimentis perpetua tranquillitate discernitur. Hæc est enim veræ consummatio castitatis, quæ non impugnans carnalis concupiscentiæ motus, sed toto horrore detestans, iugem atque inuiolabilē sui retinet puritatem, nec potest aliud quid esse, quàm sanctitas. Hoc autem fiet, quando iam desinens caro aduersus spiritum concupiscere, desiderijs eius virtutiq. consenserint, cœperintq. sibi inuicem pace firmissima fœderari, & secundum psalmigraphi sententiam, habitant fratres in vnum, illam repromissam a Domino beatitudinem possidentes, de qua ait: Si duo ex vobis cōsenserint super terram, de omni re quamcumque petierint, fiet illis a patre meo, qui in cælis est. Quisquis ergo intellectualis illius Iacob, id est, supplantatoris transcendit gradum, ab illa continentie colluctatione ac supplantatione vitiorū, obstupefacto femoris nervo, ad Israelis meritum perpetua cordis directione conscender. Quem ordinem etiam beatus Dauid ita Spiritus sancti vaticinatione distinxit, in†primis inquit: Notus in Iudæa Deus, id est, in anima quæ adhuc sub peccatorum confessione tenetur. Iudæa enim confessio interpretatur: In Israel autem, id est, in eo qui vider Deum, siue (vt quidam interpretantur) reatissimus Dei est, non solum notus, sed etiam magnum est nomen eius. Deinde ad sublimiora nos prouocans, ac volens etiam locum ipsum, quo Dominus delectatur, ostendere: Et factus est, inquit, in pace locus eius, id est, non in conflictu certaminis & colluctatione vitiorum, sed in castimo-

stimonix pace & in cordis tranquillitate perpetua. Hunc igitur pacis locum extinctione carnalium passionū si quis meruerit obtinere, ex hoc quoque proficiens gradu, ac Sion spiritalis, id est, specula Dei cōsequenter effectus, erit etiam habitatio eius. Non enim in conflictu continentix, sed in iugi virtutum specula Dominus cōmoratur, vbi iam non rerundit, non comprimit, sed in perpetuum confregit potentias arcuum, ex quibus videlicet aduersum nos libidinum quondā iacula dirigebantur ignita. Videtis ergo quia sicut non est in colluctatione continentix, sed in castitatis pace locus Domini, ita etiam habitatio eius in specula sit & contemplatione virtutum. Vnde non immerito portæ Sion cunctis Iacob tabernaculis præferuntur: Diligit enim *Psal. 36.* Dominus portas Sion super omnia tabernacula Iacob. Quod autem per hoc ineuitabilem esse cōmotionem carnis asseritis, quod vrina cum vesicam iugi stillatione repleuerit, quæta suscitetur membra, licet veris sectatoribus puritatis ad obtinendam eam nihil præiudicet ista commotio, quam hæc solet interdum etiā per saporem necessitas excitare; sciendū tamen est, quod ita si commota fuerint, ad quietem propriam reducantur castitatis imperio, vt non modo cum nullo pruritu, sed ne cum minima quidem libidinis recordatione sedentur. Et idcirco vt cum lege animi lex quoque congruat corporalis, etiam in ipsius aquæ potu ita est nimietas castiganda, vt humoris † quotidiana illa collectio pigrius arefactis influens membris, illum quem ineuitabilem putatis corporis motum, nō solum rarissimum, verum etiam lentum reddat ac tepidum, frigidumq. (vt ita dixerim) ignem, & absque vllius adustionis ardore rorantem suscitetur flammam, instar admirabilis illius Mosaicæ visionis, vt carnis nostræ rubus innoxio igne circumdatus non vratur; vel sicut illorū trium iuuenū, quibus ita rorante spiritu Chaldaicæ fornacis flamma discussa est; vt nec capillos eorum aut simbrias odor ignis afflaret; vt illud quodāmodo quod sanctis repromittitur per prophetam, incipiamus iam in hoc corpore possidere: Cum ambulaueris per ignem *Esa. 43.* non comburens, flamma non ardebit in te.

De mirabilibus, quæ peculiariter in sanctis suis Dominus operatur. Cap. XII.

Magnā enim vere atque mirifica sunt, nec vlli hominum penitus, nisi his tantum qui experti sunt nota, quæ

Psal. 138.

quæ Dominus fidelibus suis adhuc in isto corruptionis vasculo constitutis, ineffabili liberalitate largitur. Quæ Propheta mentis puritate perlustrans, tam ex sua quam ex illorum persona, qui in hunc statum affectumq. perueniunt, exclamauit: Mira opera tua, & anima mea nouit nimis. Alioquin nihil noui nec magni intelligitur Propheta dixisse, si alio cordis affectu vel de alijs operibus Dei hæc pronuntiasse credatur. Nullus est enim hominum, qui mira esse opera Dei etiam ex ipsius creaturæ magnitudine non agnoscat. Ceterum illa, quæ in sanctis suis quotidiana operatione dispensat, ac speciali munificentia affluenter effundit, nullus alius nisi anima perfruētis agnoscit, quæ in secreto conscientie suæ ita est beneficiorum eius arbitra singularis, ut ea non solum nullo valeat sermone discere, sed ne sensu quidem & cogitatione complecti, cum ab illo ignito feruore discedens ad istos materiales ac terrenos intuitus fuerit deuoluta. Quis enim in se opera Domini non miretur, cum insatiabilem ventris ingluuiem, & sumptuosam gulæ perniciosamq. luxuriam ita in se viderit esse compressam, ut vix ipsum exiguum ac vilissimum cibum raro inuitusq. percipiat? Quis non obstupescat opera Dei, cum illum ignem libidinis, quem naturalem antea & velut inextinguibilem esse credebat, ita refriguisse persenserit, ut ne simplici quidem corporis motu se sentiat incitari? Quomodo non virtutem Domini contremiscat quisque, cum homines quondam diros ac truculentos, qui ad summum iracundiæ furorem etiam blandissimis subditorum irritabantur obsequijs, ad tantam transisse viderit lenitatem, ut non solum iam nullis commouebantur iniurijs, sed etiam cum illatæ fuerint, summa magnanimitate congaudeant? Quis plane non miretur opera Dei, ac toto proclamet affectu: Quia ego cognoui quod magnus est Dominus; cum vel se vel alium quempiam ex rapacissimo liberalem, ex prodigo continentem, ex superbo humilem, ex delicato ac tenero squalidum hirtumq. perspexerit, & egestate atque angustia præsentium rerum etiam voluntarie perfruētem? Ista sunt profecto mira opera Dei, quæ peculiariter anima Prophetæ similiumq. eius mirificæ contemplationis intuitu stupefacta cognoscit. Ista sunt prodigia quæ posuit Dominus super terram, quæ idem Propheta considerans, ad admirationem eorum cunctos populos aduocât,

Psal. 134.

cât,

cat, dicens: Venite & videte opera Dei, quæ posuit prodigia super terram, auferens bella vsque ad fines terre; arcum conteret, & cōfringeret arma, & scuta combureret igni. Quod enim maius potest esse prodigium, quàm sub momento breuissimo ex rapacissimis publicanis Apostolos fieri, ex persecutoribus truculentis Euangelij prædicatores patientissimos reddi, ita vt eam quam persequerantur fidem, etiã effusione sui sanguinis propagarent? Ista sunt opera Dei quæ se quotidie vna cum patre operari filius protestatur, dicens: Pater meus vsque modo operatur, & ego operor. De istis operibus beatus Dauid in spiritu canens: Benedictus, inquit, Dominus Deus Israel, qui facit mirabilia magna solus. De istis & Amos propheta: Qui facit, inquit, omnia, & conuertit ea, & transmutat in matutinam vmbra mortis. Hæc nempe est mutatio dexteræ excelsi. De hac salutari operatione Dei orat Propheta Dominum, dicens: Confirma Deus hoc, quod operatus es in nobis. Et vt præteritam illas secretas atque absconditas dispensationes Dei, quas intra se peculiariter exerceri mens sanctorum omnium momentis singulis intuetur, illam cælestem infusionem lætitiæ spiritalis, qua deiectus animus insperati gaudij alacritate sustollitur, illosq. ignitos cordis excessus, & tam ineffabilia quàm inaudita solatia gaudiorum, quibus nonnumquam ignauissimo stupore torpentes, ad orationem feruentissimam velut de somno profundissimo suscitamur. Hoc, inquam, est gaudium de quo beatus Apostolus: Quod oculus, inquit, non vidit, nec auris audiuit, nec in cor hominis ascendit; eius scilicet, qui terrenis vitijs hebetatus adhuc homo est, & humanis inhæret affectibus, nihilq. de istis Dei muneribus intuetur. Denique idem Apostolus tam de se quàm de sui similibus, qui iam de humana conuersatione discesserant, subiicit, dicens: Nobis autem reuelauit Deus per spiritum suum.

*Psal. 45.**Marth. 9.
Act. 9.**Ioan 5.
Psal. 71.**Amos. 5.
sec. lxx.
Psal. 76.
Psal. 67.**al. ignotot**1. Cor. 2.**Ibid.*

*Quod soli qui experiuntur agnoscant dulcedinem
castitatis. Cap. XIII.*

IN his igitur omnibus quantum mens ad subtiliorē profecerit puritatem, tanto sublimius intuebitur Deum, & admirationis intra semetipsam potius capiet incrementa, quàm loquendi facultatem aut sermonem narrationis inueniet. Vt enim vim lætitiæ huius inexpertus mente percipere, ita explicare sermone nō valebit expertus; tamquam

quasi

si quis dulcedinem mellis ei, qui numquam quidquam dulce gustauerit velit sermonibus enarrare, profecto nec ille saporis suauitatem, quam numquam ore percepit, auribus capiet: nec ille dulcedinem, quam gustus voluptate cognouit, verbis poterit indicare, sed propria tantum agnitione suauitatis illectus, necesse est, ut experti saporis iucunditatem intra semetipsum solum modo tacitus admiraretur. Ita igitur quisquis in hunc, quem prædiximus, virtutū statum meruerit peruenire, hæc omnia, quæ in suis peculiari gratia Dominus operatur, tacita mente perlustrans, horumque omnium attonita consideratione flammatus, cum intimo

Psal. 138. cordis exclamabit affectu: Mira opera tua, & anima mea nouit nimis. Istud ergo est mirabile opus Dei, hominem carneum, carnales affectus in carne positum respuisse, & in tanta rerum atque incursum varietate vnum tenere animi statum, atque immobilem in omni accidentiū permutatione durare. Qua virtute fundatus seuex quidam, cum apud Alexandriam turbis infidelium circumfusus, non solum maledictis, verumetiam grauissimis impellentium vrgeretur iniurijs, eiq. a subfannatibus diceretur: Quid miraculi Christus vester, quem colitis fecit? Ille inquit: Vt his ac maioribus, si intuleretis, non mouear nec offendar iniurijs. *Interrogatio de cōrinentia qualitate & temporis modo, in quo GERMANVS. castitas perfici possit. Cap. XIV.*

Quoniam nos admiratio non humanæ huius neque terrenæ, sed plane cælestis atque angelicæ castitatis, ita subito stupore confudit, ut terrorem magis desperationis incuteret, quàm ad expetendam se nostros animos prouocaret; quæsumus, ut nos de obseruantia qualitate, ac temporis modo, quo acquiri vel perfici valeat, doctrina plenissimæ disputationis instituas, quatenus & consummari eam posse credamus, & ad expetendam deinceps spatio constituti temporis animemur. Incomprehensibile namque eam in carne hæc positis quodammodo iudicamus, nisi nobis ordo quidam, ac via qua ad illam valeat perueniri, certa ratione pandatur.

Responsio, intra quod tempus possibilitas castitatis possit
CHÆREMON. *agnosci. Cap. XV.*

Temerarium satis est, super consummatione huius, de qua loquimur castitatis, in tanta præsertim vel voluntatum diuersitate, vel virium, certam temporis definire men-

mensuram, quæ non facile etiam in istis materialibus artibus, ac visibilibus disciplinis decerni potest; secundum intentionem namq. animi, atque ingenij qualitatem, necesse est, eas ab vnoquoque vel celerius vel tardius apprehendi; rationem tamen obseruatiæ & temporis modum, intra quæ eius possibilitas agnoscat, constantissime possumus præfinire. Quisquis igitur extractus a cunctis otiosis confabulationibus, & mortificatus ab omni ira ac sollicitudine cura. mundana, duobus tantum paxamacijs fuerit quotidiana refectione contentus, & aquæ satietate subtracta, quietem somni trium, siue (vt alij statuerunt) quatuor horarū spatio terminarit, nec tamen laborum aut continentia huius merito, sed miseratione Domini eam se crediderit adepturum (quia sine hac fide vana est omnis humani laboris intentio.) non amplius quàm sex mensibus perfectionem istius impossibilem sibi non esse cognoscat. Euidens tamen est iam proximæ puritatis indicium, incipere eam de proprij laboris industria non sperare. Si enim vim versiculi illius vnusquisque in veritate conceperit: Nisi Dominus ædificauerit domum, in vanum laborauerunt, qui ædificant eam; sequitur, vt nec de puritatis suæ meritis extollatur; intelligens eam se non sua diligentia, sed Domini misericordia consecutum; nec contra alios immiti rigore moueat, sciens humanam nihil esse virtutem, si eam virtus diuina non iuuerit.

De fine ac remedio castitatis. Cap. XVI.

Proinde vnicuique nostrum aduersus spiritum fornicationis totis viribus desudanti, victoria singularis est, de merito conatus sui remedium non sperare; quæ fides licet facilis ac plana omnibus videatur, tamen tam difficile ab incipientibus quàm ipsius castitatis perfectio possidetur. Nam cum eis vel particula puritatis arriserit, continuo in conscientia suæ secretis elatione quadam subtiliter illabente sibi blandiuntur, credentesq. eam se diligentia suæ studio consecutos, necesse est superno illo præsidio paululum denudati, tamdiu illis, quas diuina virtus extinxerat, passionibus opprimantur, quamdiu experientia docete cognoscant se viribus atque industria sua puritatis bonum obtinere non posse. Et vt disputationem nostram de fine plenissimæ castitatis longa lucubratione confectam breuiter concludamus, in vnum omnia, quæ copiose sparsimq. digesta

gesta sunt colligentes, hæc est consummatio castitatis, ut vigilantem monachum oblectatio libidinis nulla perstringat, ut quiescentem somniorum non fallat illusio, sed cum dormienti tantum per sopitæ mentis incuriam commotio carnis obrepserit, quemadmodum sine vlla tiullatione voluptatis excitata est, ita etiam sine vlllo pruritu corporis conquiescat. Hæc de castitatis fine, quantum potuimus, non verbis, sed experientia magistrante digestimus. Quæ licet a desidiis ac negligentibus arbitrer impossibilia forsitan iudicanda, certus tamen sum a studiosis ac spiritalibus viris agnoscenda pariter ac probanda. Tantum namque inter hominem distat & hominem, quantum & illa ad quæ animi eorum tendit intentio ab inuicem disparantur, id est, vel cælum ab inferno, vel Christus a Belial, secundum sententiam Domini Saluatoris: Si quis mihi ministrat, me sequatur, & ubi ego sum, illic & minister meus erit. & iterum: Vbi est thesaurus tuus, ibi erit & cor tuum. Hucusque beatus Chæremon de castitatis perfectione disseruit, admirabilemque doctrinam sublimissimæ puritatis tali sermone concludit, suadens stupentibus atque anxijs nobis, ut quia iam noctis pars maior effluerat, tradita quieti paulum membra naturali soporis cibo minime fraudaremus, ne languens torpore corporis sui etiam mens vigorem sanctæ intentionis amitteret.

IOAN. 12.

Matth. 6.

COLLATIONIS SECVNDÆ

Abbatis Chæremonis de Castitate, Finis.

COLLATIO XIII. QVÆ
EST TERTIA ABBATIS
CHÆREMONIS,
DE PROTECTIONE DEI.

CAPVT PRIMVM.



VM ad synaxim matutinā, percepto pau- *Cōtrahāc*
lulum sopore, remeantem senem operi *collationē*
remur, ingenti abbas Germanus scrupulo *scripsit li-*
mouebatur, quodd in præterita disputatio- *brū Pro-*
ne, cuius virtus summum desiderium in- *spex Aquī*
cognitæ nobis castitatis infuderat, vnus *tanicus.*
adiectione sententiæ beatus senex meritum

humanæ cassasset industriæ; adstruens hominem quamuis
summis ad bonam frugem viribus enitatur, tamen boni
compotem esse non posse, nisi id diuini tantum muneris
largitate, non operis sui studio percepisset. Hanc igitur
quæstionem attonite voluentibus nobis, progressus cellula
beatus Chæremone, cum quiddam nos inuicem mussitare
sensisset, solito breuius orationum atque psalmorum so-
lemnitate transcurfa, quid moueret inquit:

*Interrogatio, quare non merita virtutum laborantis
industria deputentur. Cap. II.*

TVnc Germanus: Quantum excellentissimæ, inquit, su-
blimitate virtutis, quæ nocturna disputatione patefa-
cta est, pene (vt ita dixerim) a fide nostræ possibilitatis ex-
cludiniur, tātum nobis (pace tui dictum sit) videtur absur-
dum, si laborum stipēdium, id est, perfectio castitatis, quæ
instantia proprii sudoris acquiritur, non specialiter labo-
rantis deputeretur industriæ. Ineptū est enim, vt si verbī gra-
tia, agricolā erga culturam terræ irremissum studiū videri-
mus impedere, nō illius efficaciz adscribamus & fructum.

*Responsio, quod sine adiutorio Dei non solum perfectio casti-
tatis, sed omnino nihil boni perfici possit.*

CHÆREMON.

Cap. III.

Hoc ipso quod proposuistis exemplo, euidentius appro-
batur nihil posse proficere sine adiutorio Dei labo-
rantis

rantis industriam. Nec enim agricola cum omnes conatus suos in excolendis expenderit terris, confestim etiam prouentum segetum & vbertatem frugum suæ poterit industriæ deputare, quam irritam esse frequenter expertus est, nisi eam & oportunitas pluuiarum, & hiemis tranquilla serenitas subsequatur; ita ut adultos iam fructus ac perfecta maturitate solidatos, de manu quodammodo tenetium viderimus plerumque præreptos, nihilq. laborantibus illâ iugem sudoris instantiam contulisse, quia non fuit Domini opitulatione directa. Sic igitur inertibus agricolis, qui sua frequenti vomere arua non subigunt, hanc vbertatem segetum pietas diuina non confert, ita laborantibus pernox sollicitudo non proderit, nisi misericordia Domini fuerit prosperata. In quo tamen humana superbia nullatenus se gratiæ Dei vel exæquare vel admiscere contendat, participemq. se in muneribus Dei per hoc conetur inferere, ut laborem suum auctorem esse diuinæ existimet largitatis, ac prouentum copiosissimarum frugum industriæ suæ meritis respondisse gloriatur. Consideret namq. ac veridica examinatione perpendat, quod ne ipsos quidem conatus, quos pro desiderio opulentæ intentus exercuit, suis viribus impendere potuisset, nisi eum ad exercendum omne opus ruris, protectio Domini ac misericordia roborasset; & inefficax ejus voluntas fuisset ac virtus, nisi etiam peragendi copiam, quæ nonnumquam vel siccitatis vel imbriû nimietate fraudatur, diuina clementia præstiuisset. Nam cû & † bonû virtutis, & sanitas corporis, & omnium effectus operum actuumq. prosperitas a Domino fuerit condonata, orandum est ne fiat ei sicut scriptum est: Cælum æreum, & terra ferrea: Et ne residuum locustæ comedat bruchus, & residuum bruchi eruca deuoret, & residuum erucæ rubigo consumat. Nec in hoc tantum eget diuinitatis auxilio agricolæ laborantis industria, nisi etiam insperatos casus auertat, quibus etiam si desiderata fructuum fecunditate ager fuerit optimatus, non solum spei suæ vana expectatione frustrabitur, verum etiam perceptarum & reconditarum iam vel in aerea vel in horreo frugum vbertate fraudabitur. Quibus manifeste colligitur, non solum actuum, verum etiam cogitationum bonarum ex Deo esse principiû, qui nobis & initia sanctæ voluntatis inspirat, & virtutem atque opportunitatem eorû, quæ recte cupimus tribuit per-

agen-

*al. bonum
virtus.
Deut. 28.
Joel. 1.*

agendi. Omne enim datum bonum, & omne donum perfectum defursum est, descendens a patre luminum; qui & incipit, quæ bona sunt, & exequitur, & consummat in nobis, dicente Apostolo: Qui autem dat semen seminanti, & panem ad manducandum præstabit, & multiplicabit semen vestrum, & crescere faciet fructus iustitiæ vestræ. Nostrium vero est, ut quotidie attrahentem nos gratiam Dei humiliter subsequamur, † vel certe] dura ceruice & incircumcisis, ut scriptum est, auribus eidem resistentes, per Hieremiam mereamur audire: Numquid qui cadit non resurget? Aut qui auersus est non reuerteretur? Quare ergo auersus est populus iste in Hierusalem auersione contentiosa? Indurauerunt facies suas, noluerunt reuerti.

Iacob. 4.

2. Cor. 9.

Apud Prophetam est;
ne

Añ. 7.

Hier. 8.

Hier. 5.

Obiectio quemadmodum gentiles absque gratia Dei castimoniam GERMANVS. habuisse dicantur. Cap. IV.

Hic sensui cuius pietas abrupte a nobis improbari non potest, illud videtur obistere, quod ad destructionem liberi tendit arbitrij. Nam cum multos gentilium qui utique diuini adiutorij gratiam non merentur, non solum frugalitatis atque patientiæ, sed (quod magis mirum est) etiam castitatis videamus fulgere virtutibus, quomodo captiuato liberæ voluntatis arbitrio, Dei munere collatæ illis credendæ sunt; cum utique mundanæ sapientiæ sectatores, non solum Dei gratiam, sed ipsum etiam verum Deum penitus ignorantes, quantum vel lectionis serie, vel quorundam traditione cognouimus, summam castimoniam puritatem proprii laboris industria possedisse dicantur?

Responsio de philosophorum imaginaria castitate.

CHÆREMON. Cap. V.

Gratum mihi est quod dum summo agnoscendæ veritatis amore flammamini, quædam etiam inepta proponitis, quorum obiectione probatur, atque (ut ita dixerim) exploratior catholicæ fidei virtus appareat. Quis etenim sapiens tam contrarijs propositionibus vteretur, ut cælestem castimoniam puritatem, quam hesternæ die nec per Dei gratiam mortalium cuiquam assereretur posse conferri, nunc eandem etiam a gentilibus crederetur virtute propria fuisse possessam? Sed quia hæc explorandæ procul dubio (ut dictum est) studio veritatis opponitis, quid de his teneamus aduertite. Primum philosophos nequaquam credendum est talem animi castitatē, qualis a nobis exigitur asse-

D d cutos,

Ephef. s. cutos, quibus iniungitur, vt non solum fornicatio, sed ne immunditia quidem nominetur in nobis. Habuerunt autē illi quandā *μερίδα* hoc est, portiunculā castitatis, id est, abstinentiam carnis, vt tantum a coitu libidinem coercerent: hanc autem internam mentis ac perpetuam corporis puritatem, non dicā opere assequi, sed nec cogitatione potuerunt. Denique famosissimus ille philosophorum Socrates, hoc (vt ipsi concelebrant) de se non erubuit profiteri. Nam cum intuens eum quidam physiognomon dixisset: *ὄμματα παιδερασῶν*, id est, oculi corruptioris puerorum, & irruentes in eum discipuli eius, vlcisci illatum magistro vellent conuicium, indignationem eorum hac dicitur compressisse sententia; *παῦσα δὲ ἐταῖροι, εἰμὶ γὰρ, ἐπέχονδ' ἐ*, hoc est, quiescite o sodales; etenim sum, sed contineo. Aperitissime igitur non solum assertionem nostrā, sed etiam ipsorum professione monstratur, consummationem tantummodo impudicitiae, id est commixtionis turpitudinem, violenta ab illis necessitate compressam, non tamen desiderium de cordibus eorum & oblectationem illius passionis exclusam. Cum quo autem horrore proferenda est illa sententia Diogenis? Factum enim quod philosophos mundi huius velut quiddam memorabile proferre non puduit, neque dici a nobis, neque audiri sine verecundia potest. Nā cuiusdā in adulteri crimine puniendo (vt ferunt) ait: *τὸ δαρὲν πωλοῦμενον θανάτῳ μὴ ἀγοράζε*, id est, quod gratis venditur, morte non emas. Constat ergo illos verā castitatis, quā a nobis expetitur, nec agnouisse virtutem. Et ideo satis certum est circumcisionem nostrā, quę in spiritu est, non posse nisi Dei tantū munere possideri, & his inesse solummodo, qui Deo tota spiritus contritione deseruiunt.

Quod sine gratia Dei nullos industrios conatus exequi

valeamus. Cap. VI.

ET idcirco licet in multis, immo in omnibus possit ostēdi, semper auxilio Dei homines indigere, nec aliquid humanam fragilitatem quod ad salutem pertinet, per se solam, id est, sine adiutorio Dei posse perficere, in nullo tamen euentius quā in acquisitione atque custodia castitatis ostenditur. Vt enim tantisper de integritatis difficultate disputatio differatur, de instrumentis eius breuiter interim disputemus. Quis quāso praeualeat, quāuis seruens spiritu, vel squalorem solitudinis, vel hęc panis

non

non dicam quotidianam esuriem, sed ipsam saturitatem nulla hominum laude suffultus, suis viribus sustinere? Quis aquæ perpetuam sitim sine consolatione Domini tolerare? illoq. dulci ac delectabili matutino sopore humanos fraudare oculos, & intra terminos horarum quattuor omnem refectiorem quietis iugi lege concludere? Quis indefinētem lectionis instantiam, quis operis irremissam sedulitatem, nullum præsentis lucri commodum captans, absque Dei gratia explere sufficiat? Quæ omnia sicut desiderati a nobis iugiter absque diuina inspiratione non possunt, ita ne perfici quidem sine auxilio eius vllatenus queunt. Et vt hæc eadem non solum probata † nobis experientiæ disciplina, *al. vobis.* sed etiam certis indicijs & argumentis manifestiora reddamus, nonne in multis, quæ vtiliter optamus implere, cum desiderij plenius ardor ac voluntas perfecta non desit, interpellans quæcumque fragilitas castat vota cōcepta, nec proposito nostro assistit effectus, nisi virtus perficiendi Domini fuerit miseratione donata, ita vt cum sit innumera multitudo illorum, qui fideliter virtutum studijs desiderant inhære, summam tamen eorum, qui hæc perficere vel tolerare præualeant inuenias raritatem; vt prætermittam quòd ne tunc quidem, cum omnino nulla nos arceat infirmitas, facultas vniuersa, quæ volumus peragendi nostræ subiaceret potestati? Nam neque remotionis silentium, nec districtiorem ieiuniorum, nec lectionis instantiam, illo etiam, quo possumus tempore, pro nostro rectentamus arbitrio, sed quibusdam occurrentibus causis, etiam inuitissimi frequenter retrahimur a salutaribus institutis, ita vt vel loci vel temporis copiam, in quo hoc exercere possimus, necesse sit nos a Domino deprecari, nec sufficere nobis id quod possumus certum est, nisi etiam oportunitas peragendi ea, quæ nobis utique possibilia sunt a Domino tribuatur, de quibus & Apostolus; Quoniam volumus, inquit, venire ad vos & se- *1. Thes. 2* mel & iterum; & impediuit nos satanas; ita vt nonnumquam nos etiam vtiliter ab istis spiritalibus sentiamus studijs advocati, vt dum nolentibus nobis interrumpitur nostri cursus intentio, & infirmitati carnis aliquid relaxamus, etiam inuiti ad salutarem perseverantiam referemur. De qua dispensatione Dei, simile aliquid beatus Apostolus † Propter quod, inquit, ter Dominum rogaui vt disce- *1. Cor. 12* deret a me, & dixit mihi: Sufficit tibi gratia mea; nam virtus

- Rom. 8.* in infirmitate perficitur. & iterum: Quid enim oremus secundum quod oportet nescimus.
- De principali proposito Dei & providētia quotidiana. Cap. VII.*
- P**ropositum namque Dei, quo non ob hoc hominē fecerat, ut periret, sed ut in perpetuū viveret, manet immobile. Cuius benignitas cum bonæ volūtatis in nobis quantulamcumque scintillā emicuisse perspexerit, vel quā ipse tamquam de dura silice nostri cordis excusserit, confouet eam & exsuscitat, suāque inspiratione confortat, volens omnes homines saluos fieri, & ad agnitionem veritatis venire.
- 1. Tim. 2.* Quia non est, inquit, voluntas ante patrem vestrum, qui
- Matt. 18.* in cælis est, ut pereat vnus ex pusillisistis. & iterum: Nec
- 2. Reg. 14.* vult, inquit, Deus perire animam, sed retractat, cogitans ne penitus pereat, qui abiectus. Verax namque est & non mentitur, cum obrestatione definiens: Viuo ego, dicit Dominus Deus; quia nolo mortem impij, sed ut conuertatur a via sua & viuat. Qui enim, ut pereat vnus ex pusillis, non habet voluntatem, quomodo sine ingenti sacrilegio putandus est, non vniuersaliter omnes, sed quosdam saluos fieri velle pro omnibus? Ergo quicumque pereunt, contra illius pereunt voluntatem, ita eo contra vnumquemque eorum quondie proclamante: Conuertimini a vijs vestris pessimis; & quare moriemini domus Israel? & iterum: Quoties volui congregare filios tuos sicut gallina congregat pullos suos sub alas suas, & noluisti? & Quare, inquit, auersus est populus iste in Hierusalem auersione contentiosa?
- Hiere. 5.* Indutauerunt facies suas, noluerunt reuerti. Præsto est ergo quotidie Christi gratia, quæ dum vult omnes homines saluos fieri, & agnitionem veritatis venire, cunctos absque
- 1. Tim. 2.* vlla exceptione conuocat, dicens: Venite ad me omnes qui laboratis & onerati estis, & ego reficiam vos: Si autem non omnes vniuersaliter, sed quosdam aduocat, sequitur ut nec omnes sint onerati vel originali vel actuali peccato, nec veta sit illa sentētia: Omnes enim peccauerunt, & egēt gloria Dei; nec per omnes homines mors pertranxisse creditur. Et in tantum omnes, qui pereunt, contra Dei pereunt voluntatem, ut nec ipsam mortem Deus fecisse dicatur, ita scriptura testante: Quia Deus mortem non fecit, nec gaudet in perditione viuorū. Et inde est, quod plerumque dum pro bonis cōtraria postulamus, vel tardius vel nequaquam nostra exauditur oratio; & rursus, ea quæ credimus esse
- con-

contraria, vtiliter, vt benignissimus medicus, etiam inuitissimis Dominus inferre dignatur, ac nonnumquā perniciosas dispositiones nostras letalesq. conatus, a detestabili effectu retardat ac reuocat, & properantes ad mortem, retrahit ad salutem, & de inferni faucibus extrahit ignorantes.

De gratia Dei & arbitrij libertate. Cap. VIII.

Quam curam ac providentiā circa nos suam, sub figura meretricis Hierusalem & pernicioſa ad idolorum cultum alacritate tendentis, per Osee prophetam sermo diuinus eleganter expressit. Dicente namq. ea: Vadam post amatores meos, qui dant panes mihi & aquas meas, lanam meam & linum meum, oleum meum & potum meum; respondet, saluti eius non voluntati consulens diuina dignatio: Ecce ego sepiam viam eius spinis, & sepiam eam maccia, & semitas suas non inueniet, & sequetur amatores suos, & non apprehendet eos, & quæret eos, nec inueniet illos, & dicit: Reuertar ad virum meum priorem, quia bene mihi erat tunc magis quā nunc. Ac rursus cōtumacias nostras atque contemptus, quibus eum ad salutare inuitantem recursus rebelli spiritū dedignamur, tali comparatione describit: Et dixi, inquit, Patrem vocabis me, & post me ingredi non cessabis. Sed quomodo si contemnat mulier amatorem suum, sic contempsit me domus Israel, ait Dominus: Satis congrue, quoniam Hierusalē adulteræ cōparauerat a suo coniuge discedenti, amore quoque ac persecrantiam benignitatis suæ viro, qui feminam deperit cōparauit. Pietas enim ac dilectio Dei, quam circa humanum genus semper impendit, eo quod nullis ita vincatur iniurijs, vt a cura nostræ salutis abscedat, & quodam modo superata iniquitatibus nostris a principali suo proposito reuocetur, magis proprie exprimi alia comparatione non potuit, quā exemplo viri ardentissimo amore feminam diligentis, qui quanto magis negligi se ac despici ab ea senserit, tanto vehementiori circa eā zeli ardore flammatur. Adest igitur inseparabiliter nobis semper diuina protectio; tantaq. est erga creaturam suam pietas creatoris, vt non solum comitetur eam, sed etiam præcedat iugiter providentia. Quam expertus Propheta aperitissime confitetur, dicens: Deus meus, misericordia eius præueniet me. Qui cum in nobis ortum quandam bonæ voluntatis inspexerit, illuminat eam confirmatque confortat & incitat ad salutem; incrementum

Osee. 3

Ibid.

Hiere. 3.

Psalm. 138.

tribuens ei, quam vel ipse plantauit, vel nostro consensu viderit emersisse. Nam antequam clament, inquit, ego exaudiam. *Esai. 65.* adhuc loquentibus eis ego audiam. Et iterum: Ad vocem clamoris tui statim respondere debet tibi. Et non solum desideria sancta benignus inspirat, sed etiam occasionem præstat vitæ, & oportunitatem boni effectus ac salutis viæ directionem demonstrat errantibus.

De virtute bonæ voluntatis nostræ & gratiæ Dei Cap. IX.

Matth. 7. Vnde non facile humana ratione discernitur, quemadmodum Dominus petentibus tribuat, a quærentibus inueniatur, aperiatque pulsantibus; & rursus inueniatur a non quærentibus se, palam appareat inter illos qui eum non interrogabant, tota die expandat manus suas ad populum non credentem sibi & contradicentem, resistentes ac longe positos vocet, inuitos attrahat ad salutem; peccate cupientibus explere copiam subtrahat voluntatis, ad nequitiam properantibus benignus obsistat. Cui autem facile pateat, quomodo salutis summa nostro tribuatur arbitrio, de quo dicitur: Si volueritis & audieritis me, quæ bona sunt terræ manducabitis; & quomodo non volentis neque currentis, sed miserentis sit Deus? Quid etiam sit illud, quod Deus reddet unicuique secundum opera eius, & Deus est qui operatur in vobis & velle & perficere, pro bona voluntate; & hoc non ex vobis, sed Dei donum est, non ex operibus, ut ne quis gloriatur? Quid sit etiam illud quod dicitur: Appropinquate Deo, & appropinquabit vobis; & quod alibi dicit: Nemo venit ad me, nisi pater qui misit me attraxerit eum? Quid sit quod dicitur: Rectos cursus fac pedibus tuis, & vias tuas dirige; & quid sit quod orantes dicimus: Dirige in conspectu tuo viam meam. & Perfice gressus meos *Psal. 5.* in semitis tuis, ut non moueantur vestigia mea? Quid etiam sit quod iterum commonemur: Facite vobis cor nouum & *Ezech. 18* spiritum nouum. & quid sit illud, quod repromittitur: Dabo eis cor nouum, & spiritum nouum tribuam in visceribus eorum; & auferam cor lapideum de carne eorum, & dabo eis cor carneum, ut in præceptis meis ambulent; & iudicia mea custodiant? Quid sit quod præcepit Dominus, dicens: Laua a malitia cor tuum Hierusalem, ut salua fias: & quid sit, quod id ipsum propheta a Domino postulat, dicens: Cor mundum crea in me Deus. & iterum: Lauabis me, & super niuem dealbabor? Quid sit quod ad nos dicitur:

cur.

tur: Illuminate vobis lumen scientiæ. & quid sit quod de Deo dicitur: Qui docet hominem scientiam, & Dominus illuminat cæcos. vel certe quod orantes dicimus cum Propheta: Illumina oculos meos ne vnquam obdormiam in mortem: nisi quod in his omnibus & gratia Dei, & libertas nostri declaratur arbitrij? & quia etiam suis interdum motibus homo ad virtutum appetitus possit extendi, semper vero a Domino indigeat adiuuari? Nec enim cum voluerit quis sanitate perfruitur; aut de ægitudinis morbo pro arbitrij sui desiderio liberatur. Quid autem prodest salutatis gratiam concupisse, nisi Dominus, qui vitæ ipsius vsum tribuit, etiam vigorem incolumitatis impartiat? Vt autem evidentius clareat, etiam per naturæ bonum, quod beneficio creatoris indultum est, nonnumquam bonarum voluntatum prodire principia, quæ tamen nisi a Domino dirigantur, ad consummationem virtutum peruenire non possint, Apostolus testis est dicens: Velle adiacet mihi, perficere autem bonum non inuenio.

*Osee. 10.
sec. lxx.
Psal. 93.
Psal. 145.
Psal. 12.*

Rom. 7.

De liberi arbitrij infirmitate. Cap. X.

NAm libertatem scriptura diuina nostri cõfirmat arbitrij, dicens: Omni custodia serua cor tuum. Sed infirmitatem eius manifestat Apostolus, dicens: Dominus custodiat corda vestra, & intelligentias vestras, in Christo Iesu. Virtutem liberi arbitrij David enuntiat, dicens: Inclinaui cor meum ad faciendas iustificationes tuas. Sed infirmitatem eius idem orans similiter docet: Inclina, inquit, cor meum in testimonia tua, & non in auaritiã. Salomon quoque ait: Inclinet corda nostra ad se, vt ambulemus in vniuersis vijs eius, & custodiamus mandata eius, & cærimonias eius, & iudicia. Potestatem designat arbitrij nostri psalmographus, dicens: Cohibe linguam tuam a malo, & labia tua ne loquantur dolum. Infirmitatẽ eius nostra protestatur oratio, dicentibus nobis: Pone Domine custodiam ori meo, & ostium circumstantiæ labijs meis. Arbitrij nostri facultas a Domino declaratur, cum dicitur: Solue vincula colli tui captiua filia Sion. Fragilitatem eius Propheeta decantat, dicens: Dominus soluit compeditos. &: Dirupisti vincula mea, tibi sacrificabo hostiam laudis. Audiui-
mus in Euangelio Dominum conuocantem vt ad eum per liberum properemus arbitrium: Venite ad me omnes qui laboratis & operati estis, & ego reficiam vos. Sed infirmi-

*Prou. 4.
Philip. 4.
Psal. 118*

*Ibid.
3. Reg. 8.
Psal. 33.*

*Psal. 140
Esaï. 52.
Psal. 145
Psal. 115.
Matt. 11.*

- Ioan. 6.* tatem eius idem Dominus protestatur, dicens: Nemo potest venire ad me, nisi pater qui misit me attraxerit eum. *Apostolus liberum arbitrium nostrum incitat, dicens: Sic currite, vt comprehendatis. Sed infirmitatem eius Ioannes Baptista testatur, cum ait: Non potest homo accipere quidquam, nisi fuerit ei datum de cælo. Iubemur animas nostras solícite custodire, propheta dicente: Custodite animas vestras. Sed eodem spiritu alius proclamat propheta: Nisi Dominus custodierit ciuitatem, in vanum vigilauit qui custodit eam. Apostolus Philippensibus scribens, vt liberum eorum designet arbitrium: Cum metu & tremore, inquit, vestram salutem operamini. Sed vt infirmitatem eius ostendas, adiungit: Deus est enim qui operatur in vobis & velle & perficere pro bona voluntate.*

Verum bonam voluntatem nostram sequatur an prædat gratia Dei. Cap. XI.

- al quartæ.* **E**T ita sunt hæc quodāmodo indiscrete permixta atque confusa, vt quid ex quo pendeat, inter multos magna quæstione voluatur. Id est, vtum quia initium bonæ voluntatis præbuerimus, misereatur nostri Deus; an quia Deus miseretur, consequamur bonæ voluntatis initium. Multi enim singula hæc ¶ credentes, ac iusto amplius asserentes, varijs sibiq. contrarijs sunt erroribus inuoluti. Si enim dixerimus nostrū esse bonæ voluntatis principium, quid fuit in persecutore Paulo, quid in publicano Matthæo, quorum vnus cruori ac supplicijs innocentum, alius violentijs ac rapinis publicis incubans attrahitur ad salutem? Sin vero gratia Dei semper inspirans bonæ voluntatis principia dixerimus, quid de Zacchæi fide, quid de illius in cruce latronis pietate dicemus, qui desiderio suo vim quandam regnis cælestibus inferentes, specialia vocationis monita præueniunt? Consummationem vero virtutum & executionem mandatorum Dei, si nostro deputauerimus arbitrio, quomodo oramus; Confirma Deus hoc, quod operatus es in nobis, & Opera manuum nostrarum dirige super nos? Scimus ad maledicendum Israeli Balaam fuisse conductum, sed videmus maledicere cupienti non fuisse permissum. Custoditur Abimelech, ne Rebeccam tangens peccet in Deum. Ioseph fratrum liuore distrahitur, vt descensio filiorum Israel in Aegypto fieret, & illis de germani nece tractantibus, futuræ famis remedia pararetur. Quod idem Ioseph

Ioseph a fratribus agnitus manifestat, dicens: Nolite pauere, *Gen. 45.*
 nec durum vobis videatur; quod vendidistis me in his re-
 gionibus: pro salute enim vestra misit me Dominus atque
 vos. Et infra: Præmisit enim me Deus, ut refereremini su- *Ibid.*
 per terram, & escas ad viuendum habere possitis. Non ve-
 stro consilio, sed Dei voluntate huc missus sum, qui fecit
 me quasi patrem Pharaonis, & dominum totius domus eius,
 & principem in omni terra Egypti. Et cum post obitum
 patris formidantibus fratribus suspicionem timoris aufer-
 ret: Nolite, inquit, timere; numquid Dei possumus renuere *Gen. 50.*
 voluntati? Vos cogitastis aduersum me in malum, sed Deus
 vertit illud in bonum, ut exaltaret me sicut in præsentia-
 rum cernitis, ut saluos faceret populos multos. Quod etiam
 beatus David æconomice tunc factum in psalmo centesi-
 mo quarto similiter declarauit, dicens: Et vocauit famem *Psal. 104.*
 super terram, & omne firmamentum panis contriuit. Misit
 ante eos virum, in seruum venundatus est Ioseph. Hæc duo,
 id est, vel gratia Dei, vel liberum arbitrium, sibi quidem
 inuicem videntur aduersa, sed vtraque concordant, & vtra-
 que hos pariter debere suscipere pietatis ratione colligimus,
 ne vnum horum homini subtrahentes ecclesiasticæ fidei ex-
 cessisse regulam videamur. Nam cum viderit nos Deus ad
 bonum velle desistere; occurrit, dirigit, ac confortat: Ad vo- *Esai. 30.*
 e enim clamoris tui, statim ut audierit, respondebit tibi: Et
 inuoca me, inquit, in die tribulationis tuæ, & eripiam te, & *Psal. 49.*
 glorificabis me. Et rursus si nos nolle, vel intepuisse perspe-
 xerit, adhortationes salutiferas ad mouet cordibus nostris,
 quibus voluntas bona vel formetur vel reparetur in nobis.

*Quod voluntas bona nec semper gratia, nec semper sit
 homini tribuenda. Cap. XII.*

Nec enim talem Deus hominem fecisse credendus est,
 qui nec velit vnumquam, nec possit bonum. Alioquin
 nec liberum ei permisit arbitrium, si ei tantummodo ma-
 lum ut velit & possit, bonum vero a semetipso nec velle
 nec posse concessit. Et quomodo stabit illa Domini post
 præuicationem primi hominis lata sententia: Ecce Adam *Gen. 3.*
 factus est sicut vnus ex nobis, sciens bonum & malum?
 Non enim talis ante fuisse putandus est, qui boni esset prorsus
 ignarus: alioquin velut quoddam irrationabile atque
 insensatum animal cum fatendum est fuisse formatum.
 Quod satis absurdum atque a catholica fide omnimodis
 est

- Eccles. 7.* est alienum. Quinimmo secundū sapientissimi Salomonis
sec. lxx. sententiam: Fecit Deus hominem rectum, id est, ut tantum-
Ibid. modo boni scientia iugiter frueretur; sed ipsi quæsierunt
 cogitationes multas; facti enim sunt (ut dictum est) scien-
 tes bonum & malum. Concepit ergo Adam post præua-
 ricationem, quam non habuerat scientiam mali, boni vero
 quam acceperat non amisit. Denique nō amisisse genus hu-
 manū post præuaricationem. Adæ sciētiā boni, etiā Apo-
 stoli sententia euidēssime declaratur, qua dicit: Cū enim
Rom. 2. gentes, quæ legem nō habent, naturaliter ea, quæ legis sunt
 faciunt; hi legē non habētes, ipsi sibi sunt lex, qui ostendūt
 opus legis scriptum in cordibus suis, testimonium reddē-
 te illis conscientia ipsorum, & inter se inuicem cogitatio-
 nibus accusantibus, aut etiam defendentibus, in die qua iu-
 dicabit Deus occulta hominum. Quo sensu etiam Domi-
 nus per prophetam increpat Iudæorum non naturalem,
 sed voluntariam cæcitatem, quam sibi ipsi contumaciter
Eesai. 42. iuferebant: Surdi, inquit, audite, & cæci intuemini ad vi-
 dendum. Quis surdus nisi seruus meus, & cæcus nisi ad
 quem nuntios meos misi? Et ne forte hanc eorum cæcita-
 tē aliquis naturæ nō voluntati possit adscribere, alibi ait:
Eesai. 43. Educ foras populum cæcum & oculos habentem, surdum
Hiere. 5. & aures ei sunt. Et iterum: Qui habentes, inquit, oculos
 non videtis, & aures & non auditis. Dominus etiā in Euan-
Mat. 13. gelio: Quia videntes, inquit, non vident, & audientes non
 audiunt, neque intelligunt. Et adimpletur in eis prophetia
Act. 28. Esaie, dicentis: Auditū audietis & non intelligetis, & vi-
ex Esaie. 6. dentes videbitis & non videbitis. Incrassatum est enim cor
 populi huius, & auribus grauiter audierunt, & oculos suos
 concluserunt, ne quando videant oculis, & auribus audiant,
 & corde intelligant, & conuertantur, & sanem illos. De-
 nique ut possibilitatem boni eis inesse signaret, increpans
Luc. 12. Phariseos: Quid autem, inquit, etiam ex vobis ipsis non
 iudicatis, quod iustum est? Quod utique eis non dixisset, nisi
 eos iudicio naturali id, quod æquum est, scisset posse discer-
 nere. Vnde cauēdum est nobis, ne ita ad Deum omnia san-
 ctorum merita referamus, ut nihil nisi quod malum atque
 peruersum est naturæ adscribamus humanæ. In quo quidē
 sapientissimi Salomonis, immo Domini cuius hæc verba
 sunt, testimonio confutamur. Ita enim cum consummata
3. Reg. 8. templi extructione oraret effatus est. Voluitq. David pater
 meus

meus edificare domum nomini Domini Dei Israel, & ait Dominus ad David patrem meum: Quod cogitasti in corde tuo edificare domum nomini meo; bene fecisti hoc ipsum mente pertractans, verum tamen non tu edificabis domum nomini meo. Hæc ergo cogitatio atque iste tractatus regis David, utrum ne bonus & ex Deo, an malus & ab homine fuisse dicendus est? Si enim bona & ex Deo fuit illa cogitatio, cur ab eo, a quo inspirata est, eidem negatur effectus? Si autem mala & ex homine fuit, cur laudatur a Domino? Restat ergo ut & bona & ex homine fuisse credatur. In quem modum etiam nostras quotidie cogitationes possumus iudicare. Neque enim aut soli David bonum ex se metipso cogitare concessum est, aut nobis ne quid boni unquam sapere aut cogitare possimus naturaliter denegatur. Dubitari ergo non potest inesse quidem omni animæ naturaliter virtutum semina beneficio creatoris inserta, sed nisi hæc opitulatione Dei fuerint excitata, ad incrementum perfectionis peruenire non poterunt, quia secundum beatum Apostolum, neque qui plantat est aliquid, neque qui rigat, sed qui incrementum dat Deus. Adiacere autem homini in quamlibet partem arbitrii libertatem etiam liber ille, qui dicitur Pastoris apertissime docet, in quo duo angeli uni cuique nostrum adhærere dicuntur, id est, bonus ac malus, in hominis vero optione consistere, ut eligat quem sequatur. Et idcirco manet in homine liberum semper arbitrium, quo gratiam Dei possit vel negligere, vel amare. Non enim præcepisset Apostolus, dicens: Cum metu & tremore vestram salutem operamini; nisi scisset eam vel excoli a nobis posse vel negligi. Sed ne crederent se ad opus salutis diuino auxilio non egere, subiungit: Deus est enim qui operatur in vobis & velle & perficere pro bona voluntate. Et idcirco Timotheum monens; Noli, inquit, negligere gratiam Dei quæ est in te. Et iterum: Ob quam causam morio? tunc respondit: gratiam Dei quæ est in te. Inde est quod etiam Corinthiis scribens hortatur & commonet, ne indgnos se gratia Dei instructuosis operibus exhiberent, dicens: Adiunantes autem & obsecramus ne in vacuum gratiam Dei recipiant. Quam sine dubio quia in vacuum receperat Simon, non profuit ei perceptio gratiæ salutariæ. Non enim præceptis beati Petri maluit obedire dicentis: Pœnitentiam age ab hac nequitia tua, & ora Deum si forte remittatur

Liber Pastoris.

Philip. 2.

Ibid.

1. Tim. 2.

2. Tim. 2.

2. Cor. 6.

Act. 8.

tatur

- tatur tibi hæc cogitatio cordis tui ; in felle enim amaritudinis & obligatone iniquitatis video te esse. Præuenit ergo hominis voluntatem misericordia Domini , de qua dicitur : Deus meus , misericordia eius præueniet me. Et rursus Dominum , remorantem atque vltiter quodammodo subsistentem , vt nostrum experiatur arbitrium , voluntas præuenit nostra, cū dicitur : Et mane oratio mea præueniet te. & iterū : Præueni in maturitate & clamaui. & : Præueni, runt oculi mei ad te diluculo. Aduocat etiam nos & inuitat cum dicit : Tota die expandi manus meas ad populum ex *Esaï.* non credentem mihi & contradicentem. Et inuitatur a nobis cum dicimus ei : Tota die expandi manus meas ad te. *Psal. 87.* Expectat nos cum dicitur per prophetam : Propterea expectat Dominus vt misereatur nostri. Et expectatur a nobis, cum dicimus : Expectans expectaui Dominum , & intendit me. & : Expectabam salutare tuum Domine. Confortat nos cum dicit : Et ego erudiui & confortauī brachia eorum , & in me cogitauerunt malitiam. Et vt nosmetipsos confortemus, hortatur cum dicit : Confortate manus dissolutas, & genua debilia roborate. Clamat Iesus : Si quis sitit, veniat ad me & bibat. Clamat etiam ad eum Propheta : Laboraui clamans , rauæ factæ sunt fauces meæ , defecerunt oculi mei dum spero in Deum meum. Quærit nos Dominus, dicens : Quæsiui & non erat vir, vocaui & non erat qui responderet. Quæritur & ipse a sponsa siebiliter conquerente : In cubili meo in noctibus quæsiui, quem dilexit anima mea, quæsiui eum, & non inueni, vocaui eum, & non respondit mihi.

Quod gratia Dei, humani conatus compensare non possint. Cap. XIII.

ET ita semper gratia Dei nostro in bonam partem cooperatur arbitrio, atque illud in omnibus adiuuat, protegit ac defendit, vt nonnumquam etiam ab eo quosdam conatus bonæ voluntatis vel exigat vel expectet, ne penitus dormienti aut inerti otio dissoluto, sua videatur dona conferre, occasiones quodammodo quærens, quibus humanæ segnitæ torpore discussio, non irrationabilis munificentæ suæ largitas videatur, dum eam sub colore cuiusdam desiderij ac laboris impartit, & nihilominus gratia Dei gratuita perseueret, dum exiguis quibusdam paruisq. conatibus tantam immortalitatis gloriam, tanta perennis bea-

beatitudinis dona inestimabili tribuit largitate. Nec enim quia illius in cruce latronis præcesserat fides, idcirco pronuntiandum est non ei beatam commorationem paradisi gratuito esse promissam; aut pœnitentiam David regis illam vnus verbi, qua dixit: Peccaui Domino; duo tam graua eius crimina; & non potius clementiam Dei abstulisse credendum est, vt per Nathan prophetam mereretur audire: Et Dominus transtulit iniquitatem tuam, non morieris. *Luc. 23.*
 Quod igitur homicidium adulterio addidit, liberi vtique arbitrij fuit; quod autem arguitur per prophetam diuinæ dignationis est gratia. Rursum quod peccatū suum humiliter agnoscit, ptoptiæ libertatis est opus; quod vero sub breuissimo temporis puncto indulgentiam tantorum criminum promeretur, Domini miserationis est donum. Et quid de hac tam breui confessione, & incomparabili diuinæ retributionis immensitate dicamus, cū beatus Apostolus ad illam magnitudinē futuræ remunerationis aspiciens, quid de illis tam innumeris persecutionibus suis pronuntiauerit considerare per facile sit? Nam momentaneum hoc, inquit, & leue tribulationis nostræ supra modum vltra comparationem, æternum pondus gloriæ operatur in nobis. De quo & alibi cōstanter enuntiat, dicens: Quia non sunt condignæ pāssiones huius temporis ad futuram gloriam, quæ reuelabitur in nobis. *2. Reg. 12.*
 Quantumlibet ergo enisa fuerit humana fragilitas, futuræ retributioni par esse non poterit; nec ita laboribus suis diuinā imminuet gratiam, vt nō semper gratuita perseueret. Et idcirco prædictus magister gentiū, licet gratia Dei apostolatus gradū sortitū se fuisse testetur, dicens: Gratia Dei sum, quod sum; tamē se quoque diuinæ gratiæ respondisse pronuntiat, dicens: Et gratia eius in me vacua nō fuit, sed abundantius illis omnibus laboraui, *Ibid.*
 nō autem ego, sed gratia Dei mecū. Nam cū dicit: Laboraui, conatum proprii signat arbitrij. Cum dicit: Non autē ego, sed gratia Dei, virtutem diuinæ protectionis ostendit. Cum dicit: Mecum, non otioso neque securo, sed laboranti ac desudanti eam cooperatam fuisse declarat. *2. Cor. 4.*
Rom. 8.

Quod temptationibus suis Deus virtutem humani experiatur arbitrij. Cap. XIV.

Quod etiam in Iob probatissimo athleta suo, cum cum diabolo experisset ad singulare certamen, diuinam legimus prouidisse iusticiam. Si enim contra inimicum

cum non sua virtute, sed Dei solius fuisset gratia protegente congressus, & absque ulla virtute patientiæ suæ diuinæ tantum opitulatione suffultus, multiplices illas ac tota inimici crudelitate quasitas tentationum moles & exitia pertrulisset, quomodo non illam calumniosam diabolus, quam prius emiserat, vocem aduersus eum iustius iterasset: Numquid gratis Iob colit Deum? Nonne tu vallasti eum ac domum eius, & vniuersam substantiam eius per circuitum? Sed aufer manum tuam, id est, sine eum suis mecum viribus decertare; nisi in faciem tuam benedixerit tibi. Sed cum nullam eiusmodi querimoniam calumniosus hostis postconstitutum audeat iterare, non Dei, sed illius se victum viribus confitetur; licet etiam gratia Dei non in totum illi defuisse credenda sit, quæ tantam tentatori tentandi tribuit potestatem, quantam & illum resistendi nouerat habere virtutem, non eum ab illius impugnatione sic protegens, ut nullum virtuti humanæ relinqueret locum, sed hoc tantum procurans, ne violentissimus inimicus animam eius amentem faciens, & impotem sensu, impari eum atque iniquo certaminis pondere prægrauaret. Quod ergo soleat interdum tentare Dominus fidem nostram, ut fortior vel gloriosior fiat, euangelici illius Centurionis edocemur exemplo, cuius puerum cum sciret vique potestate sermonis sui se Dominus curaturum, offerre maluit præsentiam corporalem, dicens: Ego veniam, & curabo eum. Sed illo hanc eius oblationem feruentioris fidei flagrantia supergredientem atque dicente: Domine non sum dignus, ut intres sub tectum meum, sed dic tantum verbo, & sanabitur puer meus; miratur eum Dominus atque collaudat, cunctisque illis qui ex Israelis populo crediderant præfert, dicens: Amen dico vobis, non inueni tantam fidem in Israel. Nullius enim laudis esset ac meriti, si id in eo Christus, quod ipse donauerat, prætulisset. alioquin dixisset: Non dedi tantam fidem in Israel. Quam explorationem fidei etiam in illo magnificèntissimo patriarcha diuinam legimus dispensasse iustitiam, cum dicitur: Et factum est post hæc verba, tentauit Deus Abraham. Non enim illam fidem, quam ei Dominus inspirarat, sed illam, quæ vocatus semel atque illuminatus a Domino, per arbitrii libertatem poterat exhibere, experiri voluit diuina iustitia. Vnde non immerito fidei eius constantia comprobatur, atque ad eum subueniente gratia Dei, quæ pau-

paulisper eum subreliquerat ut probaret; ita dicitur: Ne in- *Ibid.*
 feras manum tuam in puerum, neque facias ei quidquam;
 nunc enim scio, quia times Dominum tu, & non pepercisti
 filio tuo dilecto propter me. Quod tentationis genus nobis
 quoque ad probationis meritum posse contingere, satis
 euidenter a legislatore in Deuteronomio prædicatur: Si sur- *Deut. 13.*
 rexerit, inquit, inter vos propheta, aut qui somnium vidisse *sec. lxx.*
 se dicat, & prædixerit signum atque portentum, & euenerit
 quod locutus est, & dixerit tibi, Eamus & seruiamus dijs
 alienis quos ignoratis, ne audias verba prophetæ illius aut
 somniatoris, quia tentans tentat te Dominus Deus tuus,
 utrum diligas eum in toto corde tuo, & custodias manda-
 ta illius, an non. Quid ergo? Cum istum prophetam aut
 somniatorem surgere permiserit Deus, ita ne eos quorum
 fidem probare disponit protecturus esse credendus est, ut
 nullum penitus locum, quo suis viribus cum tentatore con-
 fligant, libero eorum reseruet arbitrio? Et quid eos necesse
 est vel tentari, quos ita infirmos nouit ac fragiles, ut nequa-
 quam virtute sua valeant resistere tentatori? Sed utique nec
 tentari eos iustitia Domini permisisset, nisi parem in eis re-
 sistendi scisset inesse virtutem, qua possent æquitatis iudi-
 cio in utroque merito vel rei, vel laudabiles iudicari. Tale
 est illud, quod ab Apostolo dicitur: Itaque, qui se existimat *1. Cor. 10*
 stare, videat ne cadat. Tentatio vos non apprehendit nisi
 humana. Fidelis autem Deus, qui non permittit vos tenta-
 ri supra id quod potestis, sed faciet cum tentatione & exi-
 tum, ut sustinere possitis. Cum enim dicit: Qui stat, videat
 ne cadat, sollicitam reddit arbitrij libertatem, quam utique
 nouerat percepta gratia, vel stare per industriam, vel cade-
 re per negligentiam posse. Cum autem infert: Tentatio vos
 non apprehendit nisi humana, infirmitatem eorum & in-
 constantiam necdum robustæ mentis exprobrat, qua adhuc
 spiritualium nequitiarum turbinibus non poterant impu-
 gnari, aduersum quos semetipsum vel illos perfectos nouerat
 quotidie dimicare, de quibus ad Ephesios dicit: Iam non *Ephes. 6.*
 est nobis colluctatio aduersus carnem & sanguinem; sed
 aduersus principatus, aduersus potestates, aduersus mundi
 rectores. tenebrarum harum, contra spiritualia nequitiae in-
 cælestibus. Cum vero subiungit: Fidelis autem Deus, qui
 non permittet vos tentari supra id, quod potestis, non utique
 optat ne eos Dominus tentari permetteret, sed ne supra id,
 quod

quod sustinere poterant tentarentur. Illud enim indicat humani arbitrii facultatem, hoc vero Domini gratiam tentationum luctamina moderantis ostendit. In his igitur omnibus approbatur ita semper diuinam gratiam arbitrium hominis incitare, ut illud non in omnibus taliter protegat ac defendat, ut non etiam proprijs eum conatibus congruendi aduersum spirituales faciat inimicos, in quibus vel gratiam Dei victor, vel infirmitatem suam superatus intelligat, & ita discat non de sua fortitudine, sed de diuino semper sperare suffragio, atque ad suum iugiter recurrere protectorem. Et ut hoc non nostra coniectura, sed euidentioribus scripturæ adhuc testimonijs approbetur, illud quod in Iesu Naue legitur retractemus: Has, inquit, gentes dimisit Dominus, ac disperdere noluit, ut in eis experiretur Israel, utrum custodiret mandata Domini Dei sui, & haberent consuetudinem cum hostibus præliandi. Et ut incomparabili creatoris nostri clementiæ mortale aliquid, non pro pietatis æqualitate, sed ex aliqua indulgentiæ similitudine comparemus, si nutrix pia atque sollicita diu sinu parvulum gestat, ut quandoque ingredi doceat, & primum quidem eum reptare permittit, dehinc erectum ut alternis passibus innitatur, dextræ suæ virtute sustentat, mox paululum derelictum, si titubantem viderit, protinus apprehendit, nutrem suscipit, lapsum erigit, & vel arcet a casu, vel etiam decidere leuiter sinens, eleuat post ruinam; cum autem eum ad pueritiam vel adolescentiæ ac iuuentutis perduxerit robur, quædam etiâ pondera vel labores, quibus non opprimatur, sed exerceatur iniungit, & cum æmulis decertare permittit: quanto magis cælestis ille omnium pater nouit, quæ sinu gratiæ suæ gestet, quem liberæ volûtatis arbitrio in conspectu suo exerceat ad virtutem, & tamen adiuvat laborantem, exaudit vocantem, non relinquit querentem, eripit de periculo interdum etiam nescientem?

De multiplici vocationum gratia. Cap. XV.

Rom. 11.

Matt. 4.

Luc. 18.

Per quæ euidenter ostenditur, inscrutabilia esse iudicia Dei, & inuestigabiles vias eius, quibus ad salutem humanum attrahit genus. Quod etiam euangelicarum vocationum exemplis possumus approbare. Andreæ namque ac Petrum ceterosque Apostolos, nihil de salutis suæ remedio cogitantes, spontanea gratiæ suæ dignatione prælegit. Zacchæum ad conspectum se Domini fideliter extendentem, &

& exiguitatem stature suæ sycomori celsitudine subleuā-
tem, non solum suscipit, verum etiam benedictione cohabitā-
tionis illustrat. Inuitū ac repugnantē attrahit Paulum. *Act. 9.*
Alium ita præcipit sibi inseparabiliter inhære, ut ei pos-
tulanti breuissimas pro sepultura patris nō concedat indu-
cias. Cornelio precibus & eleemosynis iugiter insistenti, *Matth. 8.*
velut remunerationis vice via salutis ostenditur, eiq. angeli
visione præcipitur, ut accersiens Petrum verba salutis
ab eo, quibus vna cum omnibus suis saluaretur, agnoscat.
Et ita multiformis illa sapientia Dei, salutem hominū
multiplici atque inscrutabili pietate dispensat, ac secundum
capacitatē vniuscuiusque, gratiā suā largitatis impertit, ut
ipsas quoque curationes nō secundū vniiformem maiestatis
suæ potentiā, sed secundum mensurā fidei, in qua vnum
quēque reperit, vel sicut vnicuique ipse partitus est, maluerit
exercere. Credentē namque quod ad emundationē lepræ
suæ voluntas Christi sola sufficeret, solo voluntatis
suæ curauit assensu, dicēs: Volo, mundare. Alteri deprecanti,
ut adueniens per impositionem manus suæ defunctam
filiā suscitaret, ingressus domum eius, eodem modo quo ille
sperauerat, id quod rogabatur indulsit. Alij credenti summā
salutis in verbi eius præceptione consistere, ac respondenti:
Dic tantum verbo, & sanabitur puer meus, per sermonis
imperium resolutos artus pristino robore solidauit, *Matth. 8.*
dicens: Vade, & sicut credidisti fiat tibi. Alijs de tactu sim-
bræ eius sperantibus medicinā, vbertim sanitatis dona largitus
est. Aliorum morbis medelam rogatus indulsit. Alijs
spontaneā præstitit medicinā. Alios hortatus est ut sperarent,
dicēs: Vis sanus fieri? Alijs non sperantibus vltro ingessit
auxilium. Aliorum desideria priuquam voluntati eorū
satisfaceret explorauit, dicēs: Quid vultis ut faciā vobis?
Alij ignoranti viā qua id quod concupierat obtineret,
benignus ostendit: Si credideris, inquit, videbis gloriam Dei.
Inter alios ita vittutē curationum affluenter effudit,
ut de eis Euangelista commemoret: Et curauit omnes languidos
eorum. Inter alios vero immensa illa Christi beneficiorum
abyssus ita obrurata est, ut dicatur: Et non poterat
inter illos. Iesus virtutes facere propter incredulitatem
illorum. Et ita largitas Dei secundum capacitatem humanæ
fidei etiam ipsa formatur, ut huic quidem dicat: Secundum
fidem tuam fiat tibi; illi vero: Vade, sicut crededisti
Et fiat

Matth. 8.
Matth. 9.

Matth. 8.
Ibid.
Matth. 9.

Ioan. 5.
Matt. 20.

Ioan. 11.
Matt. 24.
Marc. 6.

Matth. 9.
Matth. 8.

Lnc. 8.

fiat tibi ; alij autem : Fiat tibi sicut vis . & rursus alterius Fides tua te saluum fecit .

Quod gratia Dei humana fidei transcendat angustias . Cap. XVI .

- N**emo autem existimet hæc a nobis ob hoc fuisse prolata, ut nitamur adstruere summam salutis in nostræ fidei ditione consistere, secundum quorundam profanâ opinionem, qui totum libero deputantes arbitrio, gratiam Dei dispensari secundum meritum vniuscuiusque definiunt. Sed absoluta plane pronuntiamus sententia, etiam exuberare gratiam Dei, & transgredi humanæ interdum infidelitatis angustias. Quod in illo euangelico factum regulo reminiscimur, qui dum facilius credit ægrotantem filium suum posse curari, quàm mortuum suscitari, præsentiam Domini festinus implorat, dicens : Domine descende, priusquam moriatur filius meus . Cuius infidelitatem licet his sermonibus Christus arguerit : Nisi signa & prodigia videritis, non creditis; tamen non secundum infirmitatem fidei eius gratiam suæ diuinitatis exercuit, nec præsentia corporali quemadmodum ille crediderat letales febrium morbos, sed verbo suæ potestatis exclusit, dicens : Vade, filius tuus viuit . Quam superabundantiam gratiæ, etiam in illius paralytici curatione Dominum legimus effudisse, cum ei languoris sui tantum, quo corpus fuerat resolutum remedia deposcenti, animæ prius sospitatē ingerit, dicens : Constans esto fili, dimittuntur tibi peccata tua . Post quod non credentibus Scribis posse eum humana peccata remittere, ad confundendam incredulitatem eorum, etiam membra eius paralyseos valitudine resoluta, potestatis suæ sermone restrinxit, dicens : Quid cogitatis mala in cordibus vestris? Quid est facilius, dicere, Remittuntur tibi peccata; an dicere, Surge, & ambula? Vt sciatis autē quia filius hominis potestatem habet in terra dimittendi peccata, tunc ait paralytico : Surge, tolle lectum tuum, & vade in domum tuam.
- Ioan. 5.** Similiter autem in illo, qui triginta & octo annos iuxta natatoriam crepidinem frustra decumbens, de aqua illius motu sperauerat medicinam, munificentiam vltroneæ largitatis ostendit. Nam cum volens eum ad salutis remedia prouocare, dixisset ei : Vis sanus fieri? Cumque ille de humani adiutorij inopia quereretur, ac diceret : Homine nō habeo, ut cum turbata fueris aqua mittat me in piscinam; incredulitati

dulitati eius & ignorantie veniam tribuens, pristinae cum sanitati, non illa qua sperauerat via, sed qua Dominus voluit miseratione restituit, dicens: Surge, tolle lectum tuum, *Ibid.* & vade in domum tuam. Et quid mirum si hæc Domini potestate gesta narrentur, cum similia etiam per seruos suos diuina gratia fuerit operata? Inredientibus namque templū Petro & Ioanne, cū ille qui claudus ex vtero matris gressum penitus ignorabat, eleemosynam postularet; illi non vilis æra, quæ poscebat infirmus, sed gressus officia largiuntur, & paruissimæ stipis sperantem solatia, insperatæ salutis præmijs locupletant, dicente Petro: Argentum & *Ibid.* aurum non est mihi, quod autem habeo hoc tibi do: In nomine Iesu Christi Nazareni, surge, & ambula.

De inscrutabili dispensatione Dei. Cap. XVII.

PER hæc igitur exempla, quæ de euangelicis protulimus monumentis, euidentissime poterimus aduertere, diuersis atque innumeris modis & inscrutabilibus vijs, Deum salutem humani generis procurare, quorundam quidem volentium & sitientium cursum ad maiorem incitare flagrantiam, quosdam vero etiam nolentes inuitosque compellere, & nunc quidem vt impleantur ea quæ vtiliter a nobis desiderata perspexerit adiuuare, nunc vero etiam ipsius sancti desiderij inspirate principia, & vel initium boni operis, vel perseverantiam condonare. Inde est quòd orantes non solum protectorem ac saluatorem, sed etiam adiutorem ac susceptorem Dominū proclamamus. In eo enim quòd prior aduocat, & ignorantes nos atque inuitos attrahit ad salutem, protector atque saluator est; in eo autem quòd nobis annitentibus opem ferre, refugientesque suscipere ac munire consuevit, susceptor ac refugium nominatur. Denique hanc dispensationis Dei multiplicem largitatem, beatus Apostolus mente pertractans, & in quodam immensum atque interminabile pietatis Dei pelagus se incidisse conspiciens, exclamauit: O altitudo diuitiarū sapientiæ & scientiæ Dei, quàm inscrutabilia sunt iudicia eius, & inuestigabiles viæ eius? Quis enim cognouit sensum Domini? Huius ergo scientiæ admirationem, quam talis ac tantus ille gentium magister expauit, euacuare conabitur quisque crediderit illius inæstimabilis abyssi profunditatem humana se posse ratione metiri. Nam qui ad plenum dispensationes Dei, quibus salutem in hominibus

Psal. 118

Psal. 117.

Eccl. 24.

Rom. 11.

operatur, vel mente concipere, vel differere se posse confidit, proculdubio impugnas apostolicæ sententiæ veritatē, scrutabilia esse Dei iudicia, & vestigabiles vias eius, profana pronuntiabit audacia, ipso quoque Domino hæc
Esaï. 55. ad eos ita testante: Non enim cogitationes meæ cogitationes vestræ, neque viæ meæ viæ vestræ, dicit Dominus, quia sicut exaltantur cæli a terra, sic exaltatæ sunt viæ meæ a vijs vestris, & cogitationes meæ a cogitationibus vestris. Hanc igitur dispensationē atque amorem suum, quem nobis tribuere Dominus indefessa pietate dignatur, volens motu humanæ affectionis exprimere, nec inueniens in hac creatura talem charitatis affectum, cui eum comparare dignius posset, tenetrimis patris matris visceribus comparavit; & vitur quidem hoc exemplo, quia carius aliud in natura hominum inueniri non potest, dicens: Numquid oblisci potest mulier infantem suum, ut non misereatur filio uteri sui? Sed non contentus hac comparatione, transcendit eam confestim atque subiungit, dicens: Et si illa oblita fuerit, ego tamen non obliuiscar tui.

Definitio patrum eo quod liberum arbitrium ad saluandum non sit idoneum. Cap. XVIII.

PER quod euidenti ratione colligitur ab his, qui non loquacibus verbis, sed experientia duce, vel magnitudinem gratiæ, vel modulum humani metiuntur arbitrij, quia non leuibus cursus, nec fortibus prælium, nec sapientibus panis, nec prudentibus diuitiæ, nec scientibus gratia,
2. Cor. 12 sed operatur hæc omnia vnus atque idem spiritus, diuidens vnicuique prout vult. Et ideo fide non dubia, & ut ita dicam palpabili experientia comprobatur, vniuersitatis Deū velut piissimum patrem benignissimumq. medicū, secundum Apostolum, indifferenter omnia in omnibus operari, & nunc quidem salutis inspirare principia, & inferere vnicuique bonæ voluntatis ardorē, nunc vero ipsius operationis effectum & consummationē donare virtutum, & nunc a ruina iam proxima lapsuq. præcipiti etiam inuitos & insecios reuocare, nunc autem occasiones & opportunitates salutis ingerere, ac præcipientes violentosq. conatus a lethalibus dispositionibus inhibere, & alios quidem volentes currentesq. suscipere, alios vero nolentes renitentesq. pertrahere, & ad bonam cogere voluntatem. Totum vero non semper resistentibus nec persequenter inuitis nobis a diuinitate

diuinitate concedi; & summam salutis nostræ, non operû
nostrorum merito, sed cælesti gratiæ deputandam; ita Do-
mini ipsius vocibus edocemur: Et recordabimini viarum *Ezech. 12*
vestrarum, & omnium scelerum vestrorum quibus polluti
estis in eis, & displicebitis vobis in conspectu vestro, in om-
nibus malitijs vestris quas fecistis, & scietis quia ego Do-
minus cum benefecero vobis propter nomen meum, non
secundum vias vestras malas neque secundum scelera ve-
stra pessima domus Israel. Et idcirco hoc ab omnibus ca-
tholicis patribus definitur, qui perfectionem cordis non
inani disputatione verborum, sed re atque opere didicerunt
diuini esse muneris; primum, ut accendatur unusquisque ad
desiderandum omne, quod bonum est, sed ita ut in alteru-
trâ partem plenum sit liberæ voluntatis arbitriû. Itemque
etiam secundum diuinæ esse gratiæ, ut effici valeant exer-
citia prædicta virtutum, sed ita ut possibilitas non extin-
guatur arbitrij. Tertium quoque, ad Dei munera pertine-
re, ut acquisitæ virtutis perseverantia teneatur, sed ita ut ca-
ptiuitatem libertas addicta non sentiat. Sic enim vniuersi-
tatis Deus omnia in omnibus credendus est operari, ut inci-
tet, protegat & confirmet, non ut auferat quam semel ip-
se concessit arbitrij libertatem. Si quid sane versutus hu-
mana argumentatione collectum, huic sensui videtur
obstistere, vitandum magis est, quàm ad destructionem fi-
dei prouocandum. Non enim fidem ex intellectu, sed in-
tellectum meremur ex fide, sicut scriptum est: Nisi credide-
ritis, non intelligetis. quia quemadmodum & Deus omnia *Esaï. 7.*
operetur in nobis, & totum libero adscribatur arbitrio, *sec. lxx.*
cui dicitur: Si volueritis & audieritis me, quæ bona sunt
terræ manducabitis,] ad plenum humano sensu ac ratione
non potest (ut arbitror) comprehendere. Hoc nos beatus Chæ-
remou confirmatos cibo laborem fecit tam inuij itineris *Esaï. 1.*
non sentire. *Hac ab-
sunt.
a v. 6.*

COLLATIONIS TERTIÆ

abbatis Chæremonis de Pro-

tectione Dei, Finis.

COLLATIO XIV. QVAE
EST PRIMA ABBATIS
NESTEROTIS
DE SPIRITALI SCIENTIA.

Verba Abbatis Nesterotis de religionum scientia. Cap. I.



SPONSIONIS nostræ & itineris ordo con-
pellit, vt abbatis Nesterotis, præclari in
omnibus summiq. scientiæ viri, institu-
tio subsequatur. Qui cum sacrarum scri-
pturarum nos aliqua memoriæ commenda-
sse, & eorum intelligentiam desidera-
re sensisset, talibus nos adorsus est ver-
bis.

Multa quidem scientiarum in hoc mundo sunt gene-
ra; tãta si quidem earum quanta & artium disciplinarumq.
varietas est. Sed cum omnes aut omnino inutiles sint,
aut præsentis tantum vitæ commodis prosint, nulla est ta-
men quæ non habeat proprium doctrinæ suæ ordinem ac
rationem, per quam ab expetentibus possit attingi. Si
ergo illæ artes ad insinuationem sui certis ac proprijs li-
neis diriguntur, quanto magis religionis nostræ disciplina
atque professio, quæ ad contemplanda inuisibiliũ sacramen-
torum tendit arcana, nec præsentis quæstus, sed æternorũ
retributionem expetit præmiorum, cetero ordine ac ratione
subsistat? Cuius quidẽ duplex est scientia. Prima *πρακτικὴ*,
id est, actualis, quæ emendatione morum, & vitiorum puri-
gatione perficitur: altera *θεωρητικὴ*, id est, quæ in contem-
platione diuinarum rerum & sacratissimorum sensuum
† cognitione consistit.

*al. cogita-
tione.*

De apprehendenda spiritalium rerum cognitione. Cap. II.

Quisquis igitur ad theoreticẽ voluerit peruenire, ne-
cesse est vt omni studio atque virtute actualem pri-
mum scientiam consequatur. Nam hæc quidẽ absque theo-
retice possideri potest, theoretice vero sine actuali omnimo-
dis apprehendi non potest. Gradus enim quidam ita sunt
ordinati atque distincti, vt his humilitas humana possit ad
sublime conscendere: qui si inuicem sibi ea quæ diximus

ratio

ratione succedant, potest ad altitudinem perueniri, ad quā sublato primo gradu non poterit transuolari. Frustra igitur ad conspectum Dei tendit, qui vitiorum contagia non declinat: Spiritus namque Dei effugiet fictum, nec habitabit in eo porę subdico peccatis. *Sap. 1.*

Quod actualis perfectio duplici ratione subsistat. Cap. III.

HAEC autē actualis perfectio duplici ratione subsistit. Nam primus eius est modus, ut omnium natura vitiorum & curationis ratio, cognoscatur. Secundus, ut ita discernatur ordo virtutum, earumq. perfectione mens nostra formetur, ut illis non iam velut coacta, & quasi violento imperio subdita famuletur, sed tāquā naturali bono delectetur atque pascatur. & arduā illam atque angustā viam cum oblectatione conscendat. Quo enim modo, vel virtutū rationem, qui secundus in actuali disciplina gradus est, vel rerum spiritualium & celestium sacramenta, quæ in theoreticæ gradu sublimiore consistunt, valebit attingere, qui naturam vitiorum suorum nec potuit intelligere, nec nixus est extirpare? Consequenter enim pronuntiabitur progredi ad excelsiora non posse, qui non euicerit planiora; multoq. minus ea, quæ sunt extrinsecus apprehendet, quisque intelligere ea, quæ sibi sunt inserta non quiverit. Sciendum tamen est duplici nobis laboris intentione sudandum in expellendis vicijs, quā in virtutibus acquirendis. Et hoc non nostra capiamus coniectura, sed illius sententia predocemur, qui solus opificij sui vires rationemq. cognoscit: Ecce inquit, constitui te hodie super gentes, & super regna, ut euellas, & destruas, & disperdas, & dissipes, & ædifices, & plantes. In expulsionē enim noxiarum rerum quattuor esse necessaria designauit, idest, euellere, destruere, disperdere, dissipare. In perficiendis vero virtutibus, & his quæ ad iusticiam pertinent acquirendis, edificare tantummodo atque plantare. Vnde liquido patet difficilius euelli ac destitui corporis animęq. passiones, quā spirituales extrui plantariq. virtutes. *Hiero. xi.*

Quod actualis vita erga multas professiones ac studia derinetur. Cap. IV.

HAEC igitur practice, quę duobus, ut dictum est, modis subsistit, erga multas professiones studiaq. diuiditur. Quidā enim summam intencionis suę erga eremi secreta, & cordis constituunt puritatem, ut in præteritis Eliam &

Elisum, nostrisq. temporibus beatum Antoniū, aliosq. eiusdem propositi sectatores, familiarissime Deo per solitudinis silentium cohabitasse cognoscimus. Quidam erga institutionem fratrum, & perugilem cœnobiorum curam, omnem studij sui sollicitudinem dederunt, ut nuper abbatem Ioannem, qui in vicinia ciuitatis cui nomen est Thmuis, grandi cœnobio præfuit, ac nonnullos eiusdē meriti viros, apostolicis etiam signis meminimus clariſſe.

Quosdam xenodochij & susceptionis pium delectat obsequium, per quod etiam in præteritis Abraham patriarcha: Gen. 18. & Lot Domino placuisse scimus, & nuper beatum Marcarium singularis mansuetudinis ac patientiæ virum, qui Hebr. 13 xenodochio ita apud Alexandriam præfuit, ut nulli eorum qui solitudinis sunt secreta sectati, inferior sit credendus. Quidam eligentes ægrotantium curam, alij intercessionē quæ pro miseris atque oppressis impenditur exequentes, aut doctrinæ instantes, aut e leemofynas pauperibus largientes, inter magnos ac summos viros, pro affectu suo ac pietate vigerunt.

De professionis arrepta persenerantia. Cap. V.

Quapropter hoc unicuique utile atque cōueniens est, ut secundum propositum, quod elegit, siue gratiam quam acceperit, summo studio ac diligentia ad operis arrepti perfectionem peruenire festinet, & aliorum quidem laudans admiransq. virtutes, nequaquam a sua quam semel elegit professione discedat; sciens secundum Apostolum, Rom. 12. vnum quidem esse corpus Ecclesiæ, multa autē membra, & habere eam donationes secundum gratiam, quæ nobis data est, differentes, siue prophetiam secundum rationem fidei, siue ministerium in ministrando, siue qui docet in doctrina, siue qui exhortatur in exhortatione, qui tribuit in simplicitate, qui præest in sollicitudinē, qui miseretur in hilaritate. Nec enim vlla membra aliorum sibi membrorum possunt ministeria vindicare, quia nec oculi manum, nec nares aurium vtuntur officio; & ideo non, omnes Apostoli, non omnes prophete, non omnes doctores, non omnes gratias habent curationum, non omnes linguis loquuntur, non omnes interpretantur.

De infirmorum mobilitate. Cap. VI.

Solent enim hi, qui necdum sunt in illa quam arripuerunt professionē fundati, cum audierint quosdam in diuersis

uersis studijs ac virtutibus prædicari: ita eorum laude succendi, vt imitari eorum protinus gestiant disciplinam; in quo irritos necessario impedit conatus humana fragilitas. Impossibile namque est vnum eundemq. hominẽ simul vniuersis, quas superius comprehendere, fulgere virtutibus. Quas si quis voluerit pariter affectare, in id eum incidere necesse est, vt dum omnes sequitur, nullam integre consequatur, magisq. ex hac mutatione ac varietate dispendiũ capiat, quàm profectum. Multis enim vijs ad Deum tenditur, & ideo vnusquisque illam, quam semel arripuit, irreuocabili cursus sui intentione conficiat, vt sit in qualibet professione perfectus.

Exemplum castitatis cuiusdam, quo docetur non omnia ab omnibus æmulanda: Cap. VII.

ABSQUE illo namque dispendio quo feriri monachum diximus, qui mobilitate mentis ad studia cupit transire diuersa, etiam hinc periculum mortis incurritur, quod nonnumquam recte quædã ab alijs gesta, malo ab alijs præsumuntur exemplo, & quæ nonnullis bene cesserunt, perniciofa ab alijs sentiuntur (vt quiddã exempli gratia proferamus) velut si quis illam viri illius imitari virtutem velit, quam solet abbas Ioannes, non ad imitationis formulam sed tantummodo pro admiratione proferre. Nam quidam veniens ad prædictum senem habitu sæculari, cum ei quasdam frugum suarum primitias detulisset, ferocissimo quendam dæmonio arreptũ ibidem reperit. Qui cũ abbatis Ioannis obtestationes ac præcepta despiciens, testaretur se nunquam ad illius imperiũ de corpore, quod obsederat migraturũ, huius aduentu perterritus, cum reuerentissima nominis illius inclamatione discessit. Cuius tam euidentem gratiã senex non mediocriter admiratus, eoq. amplius obstupescens, quod eum habitu cerneret sæculari, cœpit ab eo vitæ ac professionis eius ordinẽ diligenter inquirere. Cũque ille sæcularẽ se atque vxorio vinculo colligatum esse dixisset beatus Ioannes excellentiam virtutis eius & gratiæ merte pertractans, quãnam illi esset conuersatio attentius explorabat. Ille se rusticum, & quotidiano manuum opere victum quærere, nec vilius boni esse se cõscium testabatur, nisi quod numquam ad ruris opera manẽ exercenda procederet, neque vespere domũ reuerteretur, nisi in ecclesia pro quotidianæ vitæ comœatu, largitori eius Deo gratias retulisset

tulisset; neque se umquam de fructibus suis aliquid usur-
passet, nisi prius Deo primitias eorum ac decimas obtulisset, & numquam se boues suos per alienæ messis traduxisset, & confinium, nisi eorum prius ora clausisset, ne vel parū
damini per incuriam eius proximus sustineret. Et cum hæc
quoque abbati Ioanni necdum ad comparationem tantæ
gratiæ, quæ eum sibi prælatum esse cernebat, idonea viderentur, atque ab eo quidnam esset illud, quod tantæ gratiæ
meritis conferri posset sciscitans scrutaretur, ille reuerentia
tam sollicitæ inquisitionis adstrictus, uxorem se parentum
vi imperioque compulsam, cum profiteri monachum vellet, ante undecim annos accepisse confessus est, quam
nemine etiam nunc conscio sororis loco a se virginem custodiri.
Quod factum cum audisset senex, tanta est admiratione per-
motus, ut coram ipso publice proclamaret: Non immerito dæmonem, qui se despexerat, illius non to-
lerasse præsentiam, cuius ipse virtutem non solum in iu-
uentutis ardore, sed ne nunc quidem sine discrimine casti-
tatis auderet appetere. Quod factum abbas Ioannes licet
summa admiratione prætulerit, tamen nomen monachorum
ut experiretur hortatus est, sciens multa recte ab alijs
gesta, magnam alijs imitantibus intulisse perniciem, nec
usurpari ab omnibus posse, quod paucis Dominus speciali
munere contulisset.

al. protu-
lerit.

De spiritali scientia. Cap. VIII.

Sed ad expositionem scientiæ, de qua sumptum est sermo-
nis exordiū, reuertamur. Itaque, sicut superius diximus,
præctice erga multas professiones ac studia deriuatur. Theo-
retice vero in duas diuiditur partes, id est, in historicam
interpretationem, & intelligentiā spiritalem. Vnde etiā
Salomon cum Ecclesiæ multiformē gratiam enumerasset,
adiexit: Omnes enim qui apud eam sunt, vestiti sunt du-
pliciter. Spiritalis autem scientiæ genera sunt tria. Tropo-
logia, Allegoria, Anagoge; de quibus in Prouerbijs ita dici-
tur: Tu autem describe tibi ea tripliciter, super altitudinē
cordis tui. Itaque historia præteritarū ac visibilium agni-
tionem complectitur rerum, quæ ita ab Apostolo replica-
tur: Scriptum est enim, quia Abraham duos filios habuit,
vnum de ancilla, & alium de libera. sed qui de ancilla, se-
cundum carnem natus est; qui autem de libera, per repro-
missionem. Ad allegoriā autem pertinet quæ sequitur,
quia

Prou. 31.
sec. lxx.

Prou. 22.
sec. lxx.

Galat. 4.
Gen. 16.
Gen. 21.

quæ ea, quæ in veritate gesta sunt, alterius sacramenti for-
 mam præfigurasse dicuntur: Hæc enim, inquit, sunt duo tes- *Galt. 4.*
 tamenta: vnum quidem de monte Sina, in seruitutem ge- *al. qua*
 nerans, quod est Agar. Sina enim mons est in Arabia, qui *Ibid.*
 comparatur huic, quæ nunc est Hierusalē, & seruit cum filiis
 suis: Anagoge vero de spiritalibus mysterijs ad sublimio-
 ra quædā & sacratoria cælorum secreta conscendens, ab
 Apostolo ita subiicitur: Quæ autem sursum est Hierusalē, *Esai. 34.*
 libera est, quæ est mater nostra. Scriptum est enim: Latere
 sterilis quæ non parit, erumpe & clama quæ non parturit,
 quia multi filij desertæ, magis quam eius, quæ habet virū.
 Tropologia est moralis explanatio, ad emendationem vi-
 ræ & instructionem pertinens actualem: velut si hæc eadē
 duo testamenta intelligamus practicen & theoreticen di-
 sciplinam, vel certe si Hierusalem aut Sion animam homi-
 nis velimus accipere, secundum illud: Lauda Hierusalem *Psal. 147.*
 Dominum, lauda Deum tuum Sion. Igitur prædictæ quat-
 tuor figuræ in vnum ita si volumus confluunt, vt vna atque
 eadem Hierusalem quadrifariam possit intelligi: secundum
 historiam ciuitas Iudæorum, secundum allegoriam Ecclē-
 sia Christi, secundum anagogen ciuitas illa cælestis, quæ *Galat. 4.*
 est mater omnium nostrum, secundum tropologiam anima
 hominis quæ frequenter hoc nomine aut increpatur, aut
 laudatur a Domino. De his quattuor interpretationū gene-
 ribus beatus Apostolus ita dicit: Nūc autē fratres, si venero
 ad vos linguis loquens, quid vobis prodero, nisi vobis lo-
 quar aut in reuelatione, aut in sciētia, aut in prophetia, aut
 in doctrina? Reuelatio namque ad Allegoriam pertinet, per
 quam ea, quæ regit narratio historica, spiritali sensu & ex-
 positione referantur, vt verbi gratia: Si illud aperire tente-
 mus, quemadmodum patres nostri omnes sub nubefue-
 rint, & omnes in Mose baptizati sint in nube & in mari,
 & quemadmodum omnes eandem escam spiritalem man-
 ducauerint, & eundem spiritalem de consequenti petra bi-
 berint potum; petra autem erat Christus. Quæ expositio
 præfigurationi corporis & sanguinis Christi, quem quoti-
 die sumimus comparata, Allegoriæ rationem continet. *1. Cor. 10*
 Scientia vero quæ similiter ab Apostolo memoratur, Tro-
 pologia est, qua vniuersa quæ ad discretionem pertinent
 actualem, vtrum vtilia vel honesta sint, prudenti examina-
 tione discernimus, vt est illud, cum apud nosmetipsos iudi- *1. Cor. 11*
 care

care præcipimur, vtrum debeat mulierem non velato capite orare Deum. Quæ ratio, vt dictum est, moralem continet intellectum. Item prophetia, quam tertio Apostolus intulit loco, Anagogen sonat, per quam ad inuisibilia ac futura sermo transfertur, vt est illud: Nolumus autem ignorare vos fratres de dormientibus, vt non contristemini, sicut & ceteri qui spem non habent. Si enim credimus quod Iesus mortuus est, & resurrexit, ita & Deus eos qui dormierunt per Iesum adducet cum eo. Hoc enim vobis dicimus in verbo Domini, quoniam nos qui viuimus, qui residui sumus in aduentum Domini, non præueniemus eos qui dormierunt, quoniam ipse Dominus in iussu & in voce archangeli, & in tuba Dei descendet de cælo, & mortui qui in Christo sunt, resurgent primi. Quæ exhortationis specie Anagoges figura præfertur. Doctrina vero simplicem historicæ expositionis ordinem pandit, in qua nullus occultior intellectus, nisi qui verbis resonat, continetur, sicut est illud: Tradidi enim vobis in primis, quod & accepi, quoniam Christus mortuus est pro peccatis nostris, secundum scripturas; & quia sepultus est, & quia resurrexit tertia die, & quia visus est Cephæ. &: Misit Deus filium suum factum ex muliere, factum sub lege, vt eos qui sub lege erant redimeret. Siue illud: Audi Israel, Dominus Deus tuus, Deus vnus est.

Quod actuali scientia proficiatur ad spiritalem.

Cap. IX.

Quapropter si vobis curæ est ad spiritualis scientiæ lumen; non inanis iactantiæ vitio, sed emundationis gratia peruenire, illius primum beatitudinis cupiditate flammamini, de qua dictum est: Beati mundo corde, quoniam ipsi Deum videbunt; vretiam ad illam scientiâ peruenire possitis, de qua angelus ad Daniele ait: Qui uerum docti fuerint, fulgebunt sicut splendor firmamenti; & qui ad iustitiam erudiunt multos, quasi stellæ in perpetuas æternitates. Et in alio propheta: Illuminate vobis lumen scientiæ dum tempus est. Tenentes itaque illam quâ habere vos sentio diligentiam lectionis, omni studio festinate actualem, id est, ethi cam, quâ primum ad integrum comprehendere disciplinam. Absque hac namque illa quam diximus theoretica puritas non poterit apprehendi, quam hi tantum qui non aliorum doctum verbis, sed proprio

rum

rum actuum virtute perfecti sunt, post multa operum ac laborum stipendia, iam quasi in præmio consequuntur. Non enim a meditatione legis intelligentiam, sed de fructu operis acquirentes, cum psalmographo canunt: A mandatis tuis intellexi. Et excoctis passionibus vniuersis si-
 ducialiter dicunt: Psallam & intelligam in via immaculata. Ille enim psallens intelligit quæ canuntur, qui in via immaculata gressu puri cordis innititur. Et ideo si scientiæ spiritali sacrum in corde vestro vultis tabernaculum præparare, ab omni vos vinorum contagione purgate, & curis sæculi præsentis exuite. Impossibile namque est animam quæ mundanis vel tenuiter distentionibus occupatur, donum scientiæ promereri, vel generatricem spiritalium sensum, aut tenacem sacrarum lectionum fieri. Observato igitur in primis, & maxime tu Ioannes, cui magis ad custodienda hæc quæ dicturus sum, ætas adolescentiori suffragatur, ne studium lectionis, ac desiderij tui labor, vana elatione cassetur, ut indicas summum ori tuo silentium; hic est enim primus disciplinæ actualis ingressus: Omnis quippe labor hominis in ore ipsius, & ut omnium seniorum instituta atque sententias intento corde & quasi muto ore suscipias, ac diligenter in tuo pectore condens, ad perficienda ea potius quam ad docenda festines. Ex hoc enim cenodoxia perniciofa præsumptio, ex illo autem fructus spiritalis intelliguntur pullulabunt. Nihil itaque in collatione seniorum proferre audeas, nisi quod interrogare te aut ignoratio nocitura, aut ratio necessariæ cognitionis impulerit, ut quidam vanæ gloriæ amore distenti: pro ostentatione doctrinæ, ea quæ optime norunt, interrogare se simulant. Impossibile est enim eum qui proposito acquirendæ laudis humanæ, studio lectionis insistet, donum veræ scientiæ promeriti. Nam qui hac passione deuinctus est, necesse est ut alijs quoque & maxime superbix vitijs obligetur, & ita in actuali atque ethica congressione prostratus, scientiam spiritalem quæ ex ea nascitur, minime consequetur. Esto ergo per omnia citus ad audiendum, tardus autem ad loquendum, ne cadat in te illud quod notatur a Salomone: Si videris virum velocem in verbis, scito quia spem habet magis insipiens quam ille. Nec quemquam verbis docere præsumas, quod opere ante non feceris. Hunc enim nos ordinem tenere debere, etiam exemplis suis Dominus noster instituit, de quo

Psal. 118.

Psal. 100.

Eccl. 6.

Iacob. 1.

Prov. 29.

sec. lxx.

Act. 1.

ita dicitur: Quæ cœpit Iesus facere, & docere. Caue ergo ne ante actum profiliens ad docendum, in illorum numero deputeris, de quibus in Euangelio Dominus ad discipulos loquitur:

Matth. 23

Quæ dicunt vobis seruare, & facite; secundum vero opera eorum nolite facere: dicunt enim & non faciunt.

Matth. 5.

Alligant enim onera grauiam & importabilia, & imponunt ea super humeros hominum, digito autem suo nolunt ea mouere. Si enim ille, qui vnum mandatum minimum soluens docuerit sic homines, minimus vocabitur in regno cœlorum; qui multa & maiora negligens docere præsumperit, consequens profecto est, vt non iam minimus in regno cœlorum, sed in gehennæ supplicio maximus habeatur. Et ideo cauendum tibi est, ne illorum ad docendum inciteris exemplis, qui peritiam disputandi ac sermonis affluentiam consecuti, quia possunt ea, quæ volunt ornate copioseque disserere, scientiam spiritalem possidere creduntur ab his, qui vim eius & qualitatem discernere non nouerunt. Aliud namque est facilitatem oris & nitorem habere sermonis, & aliud venas ac medullas cœlestium intrare dictorum, ac profunda & abscondita sacramenta purissimo cordis oculo cōtemplari, quod nullatenus humana doctriua, nec eruditio sæculatis, sed sola puritas mentis per illuminationem sancti Spiritus obtinebit.

De apprehendenda vera scientiæ disciplina. Cap. X.

1. Cor. 8.

Festinandum igitur tibi est, si ad veram scripturarum scientiam peruenire desideras, vt humilitatem cordis immobilem primitus consequaris; quæ te non ad illam, quæ inflat, sed ad eam, quæ illuminat scientiam, charitatis consummatione perducatur. Impossibile namque est immundamentem donum scientiæ spiritualis adipisci. Et idcirco omni cautione deuota, ne tibi per studium lectionis, non scientiæ lumen, nec illa perpetua, quæ per illuminationem doctrinæ promittitur gloria, sed instrumenta perditionis de arrogantis vanitate nascantur. Deinde hoc tibi est omnimodis enitendum, vt expulsa omni sollicitudine & cogitatione terrena, assiduum te ac potius iugem sacrę præbeas lectioni, donec continua meditatio imbuet mentem tuam, & quasi in sui similitudinem formet, arcam quodammodo ex ea faciens testamenti, habentem scilicet in se duas tabulas lapideas, id est, duplicis instrumenti perpetuam firmitatem: vnam quoque auream, hoc est, memoriā purā atque

Hebr. 9.

sin-

sinceram, quæ reconditum in se manna perpetua tenacitate conseruet, spiritualium scilicet sensuum, & angelici illius panis perennem caelestemq. dulcedinem: necnon etiã virgam Aaron, id est, summi veriq. pontificis nostri Iesu Christi salutare vexillum, immortalis memoriæ semper viriditate frondescentis. Hæc namque est virga, quæ postquam de radice Iesse succisa est, viuacius mortificata reuirescit. Hæc autem omnia duobus Cherubim; id est, historicæ & spiritualis scientiæ plenitudine protegentur; Cherubim enim interpretatur scientiæ multitudo; quæ propitiatorium Dei, id est, placiditatem pectoris tui iugiter protegent, & a cunctis spiritualium nequitiarum incursum obumbrabunt. Et ita mens tua non solum in arcam testamenti diuini, verum etiam in regnum sacerdotale prouecta, per indissolubilem puritatis affectum, quodammodo absorpta spiritualibus disciplinis, illud implebit pontificale mandatum, quod a legislatore ita præcipitur: Et de sanctis non egreditur, ne polluat sanctuariũ Dei; id est, cor suum, in quo iugiter habiturum se Dominus repromittit, dicens: Inhabitabo in eis, & inter illos ambulabo. Quamobrem diligenter memoriæ commendanda est, & incessabiliter recensenda sacrarum series scripturarum. Hæc enim meditationis iugitas duplicem nobis conferet fructum. Primum, quòd dum in legendis ac parandis lectionibus occupatur mentis intentio, necesse est vt nullis noxiarum cogitationum laqueis captiuetur; deinde quòd ea, quæ creberrima repetitione percurfa, dum memoriæ tradere laboramus, intelligere id temporis obligata mente non quiuimus, postea ab omniũ actuum ac visionũ illecebris absoluti, præcipueq. nocturna meditatione taciti reuoluentes, clarius intuemur, ita vt occultissimorum sensuum, quos ne tenui quidem vigilantes opinatione percepimus, quiescentibus nobis, & velut soporis stupore demersis, intelligentia reueletur.

De multiplici intellectu diuinarum scripturarum.

Cap. XI.

CRescente autem per hoc studium innouatione mentis nostræ, etiam scripturarum facies incipiet innouari, & sacratoris intelligentiæ pulchritudo quodammodo cum proficietè proficiet. Pro capacitate enim humanorum sensuum, earum quoque species coaptatur, & vel terrena carnalibus, vel diuina spiritualibus apparet, ita vt hi quibus antea

- antea videbatur crassis quibusdam nebulis inuoluta, nec subtilitatem eius deprehendere, nec fulgorem valeant sustinere. Sed ut hoc ipsum quod adstruere nitimur, aliquo clarius pandatur exemplo, vnum legis testimonium protulisse sufficiat, per quod etiā omnia præcepta cælestia secundum mensuram status nostri ad omne hominum genus probemus extendi. Scriptum est in lege: Non fornicaberis. Hoc ab homine carnalium adhuc obscœnitatum passionibus obligato secundum simplicem litterę sonum salubriter custoditur. Ab eo autem qui iam ab hac lurulenta actione, & impuro discessit affectu, necesse est id ipsum spiritualiter obseruari, ut scilicet non solum a cæremonijs idolorum, sed etiam ab omni superstitione gentilium &
- Galat. 4.* auguriorum, omuiumq. signorum & dierum ac temporum obseruatione discedat, vel certe ne quorundam verborum aut nominum coniecturis, quę sinceritatem fidei polluant implicetur. Hac enim fornicatione etiam Hierusalę dicitur constuprata, quę fornicata est in omni colle sublimi, & sub omni ligno frondoso. Et quam iterum Dominus increpans per prophetam: Stent, inquit, & saluent te augures cæli, qui contemplabantur sidera, & supputabant menses, ut ex eis annuntiarent ventura tibi. De qua fornicatione & alibi arguens eos Dominus, ait: Spiritus fornicationis decipit eos, & fornicati sunt a Deo suo. Quisque vero a gemina hac fornicatione discesserit, habebit tertiam quam deuitet, quę in legis & Iudaismi superstitionibus continetur. De quibus Apostolus, Dies, inquit, obseruatis, &
- Colos. 2.* mense, & tempora & annos. & iterum: Ne tetigeris neque gustaueris, neque contrectaueris. Quę de superstitionibus legis dicta esse non dubium est, in quas si quis inciderit, proculdubio mœchatus a Christo, ab Apostolo non meretur audire: Respondi enim vos vni viro virginem castam exhibere Christo; sed illud ad eum quod sequitur voce eiusdem Apostoli dirigitur: Timeo autem ne sicut serpens seduxit Euā astutia sua, ita corrumpantur sensus vestri a simplicitate quę est in Christo Iesu. Quod si immunditiā huius quoque fornicationis effugerit, habebit quartā, quę hæretici dogmatis adulterio perpetratur. De qua idem beatus
- Act. 20.* Apostolus: Ego, inquit, scio, quia post discessionem meam intrabunt lupi graues in vos, non parcentes gregi, & ex vobis ipsis exsurgent viri loquentes peruersa, ut abducant disci-

discipulos post se. Hanc etiam qui potuerit declinare, caueat ne subtiliore peccato in fornicationis vitium collabatur, quæ scilicet in cogitationum peruagatione consistit: quia omnis cogitatio non solum turpis, sed etiam otiosa & a Deo quantulumcumque discedens, a perfecto viro immundissima fornicatio deputatur.

Interrogatio quomodo possit ad obliuionem secularium carminum perueniri. Cap. XII.

AD hæc ego occulta primum compunctione permotus, ac deinde grauiter ingemiscens, Hæc, inquam, omnia quæ copiosissime digessimus, maiora mihi intulerunt desperationis augmenta, quàm hæcenus sustinebam. Quispe cui præter illas generales animæ captiuitates, quibus non dubito infirmos quosque pulsari, extrinsecus speciale impedimentum salutis accedit, per illam quâ tenuiter videor attigisse nouitiam litterarum: in qua me ita vel instantia pædagogii, vel continuæ lectionis macerauit intentio, ut nunc mens mea poeticis velut infecta carminibus, illas fabularum nugas historiasq. bellorum, quibus a paruulo primis studiorum imbuta est rudimentis, orationis etiam tempore mediteretur, psallentiq., vel pro peccatorum indulgentia supplicanti, aut impudens poematum memoria suggeratur, aut quasi bellantium heroum ante oculos imago versetur, taliumq. me phantasmatum imaginatio semper illudens, ita mentem meam ad supernos intuitus aspirare non patitur, ut quotidianis fletibus non possit expelli.

Responsio quo pacto memoriam eorum possimus abluer.

NESTEROS

Cap. XIII.

DE hac ipsa re vnde tibi purgationis maxima nascitur desperatio, citum satis atque efficax remedium poterit oboriri, si eandem instantiam ac diligentiam, quâ te in illis secularibus studiis habuisse dixisti, ad spiritualium scripturarum volueris lectionem meditationemq. transferre. Necessè est enim mentem tuam tamdiu illis carminibus occupari, quâdiu sibi aliqua quæ intra semetipsam recolat, simili studio & assiduitate conquirat, ac pro illis infructuosas atque terrenas, spiritualia ac diuina parturiat. Quæ cum profunde atque cōceperit, atque in illis fuerit enutrita: uel expelli priores sensum poterunt, vel penitus aboleri. Vacare enim cunctis cogitationibus mens humana non potest, & ideo quamdiu spiritualibus studiis non fuerit occupata,

ff

necesse

neceſſe eſt, eam illis quæ pridem didicit implicari. Quædã enim nõ habuerit quo recurraſſet, & indefeſſos exerceat motus, necceſſe eſt, vt ad illa quibus ab infantia imbuta eſt collabatur, eaſq. ſemper reuoluat, quæ longo uſu ac meditatione concepit. Vt igitur hæc in te ſcientia ſpiritualis ſoliditate perpetua roboretur, nec ea iam temporarie perfruaris, ſicut illi, qui eam non ſuo ſtudio, ſed aliena relatione contingunt, & velut æreo, vt ita dixerim, odore percipiunt, ſed vt ſenſibus tuis inuiſcerata quodammodo & perſpecta atque palpata condatur, illud omni obſeruantia cuſtodire te conuenit, vt etiam ſi ea, quæ optime noſti, forte audieris in collatione proferri, non ex hoc quòd tibi iam nota ſint, aſpernanter faſtidioſeq. ſuſcipias, ſed ea cordi tuo illa auiditate commendes, qua debet deſiderabilia ſalutis verba, vel auribus noſtris indefinenter infundi, vel de noſtro iugiter ore proferri. Quamuis enim adhibeatur ſanctarũ rerum crebra narratio, numquam tamen animæ ſitim veræ ſcientiæ ſuſtinẽti, ſatietas generabit horrorem, ſed ea quotidie velut noua ac deſiderata ſuſcipiens, quanto frequentius hauſerit, tanto auidius vel audiet vel loquetur; & confirmationem potius perceptæ ſcientiæ ex eorum repetitione quàm vllum ex frequenti capiet collatione faſtidium. Euidens namque eſt tepidæ ac ſuperbæ mentis indicium, ſi verborum ſalutarium medicinam, quamuis ſtudio nimis aſſiduitatis ingeſtam, faſtidioſe negligenterq. ſuſcipiat.

Prov. 27. Anima enim quæ in ſatietate eſt, fauis illudit; animæ autem egenti etiam amara dulcia videntur. Si itaque hæc diligenter excepta, & in reſeſſu mentis condita, atque indiſta fuerint taciturnitate ſignata, poſtea vt vina quædam ſuaue olentia & lætificantia cor hominis, cum ſenſus canitiæ & patientiæ fuerint vetuſtate decocta, cum magna ſui fragrantia de vaſe tui peſtoris proferentur, & tamquam perennis fons de experienciæ venis & irriguis virtutum meatibus redundabunt, fluentq. continua velut de quadam abyſſo tui cordis effundent. Eueniet namque in te illud quod in Prouerbijs ad illum dicitur, qui hæc opere conſummauit: Bibe aquas de tuis vaſis, & de puteorum tuorum fonte. Superfluant tibi aquæ de tuo fonte, in tuas autem plateas pertranſcant aquæ tuæ. Ac ſecundum Eſaiam prophetâ: Eris quaſi hortus irriguus, & ſicut fons aquarum cuius non deficient aquæ; & ædificabuntur

Prov. 5.
ſec. lxx. rum tuorum fonte. Superfluant tibi aquæ de tuo fonte, in tuas autem plateas pertranſcant aquæ tuæ. Ac ſecundum Eſaiam prophetâ: Eris quaſi hortus irriguus, & ſicut fons aquarum cuius non deficient aquæ; & ædificabuntur

In te deserta a sæculis ; fundamenta generationis & generationis suscitabis ; & vocaberis ædificator sepium , auertens semitas in quietem . Illa etiam tibi beatitudo proueniet , quam idem propheta promittit : & non faciet Dominus auolare a te ultra doctorem tuum ; & erunt oculi tui videntes præceptorem tuum , & aures tuæ audient verbum post tergum monentis : Hæc via , ambulate in ea , neque ad dexteram , neque ad sinistram . Atque ita fiet vt non solum omnis directio ac meditatio cordis tui , verum etiam cunctæ euagationes atque discursus cogitationum tuarum , sint tibi diuinæ legis sancta & incessabilis ruminatio .

Esaï. 36.

Quod immunda anima neque tradere neque percipere possit scientiam spiritalem . Cap. XIV.

Impossibile est autem hæc , sicut præfati sumus , in expertum quemquam vel agnoscere vel docere . Nam qui ne ad percipiendum quidem capax est , quomodo erit idoneus ad tradendum ? De quibus tamen etiam si aliquid docere præsumpserit , inefficax proculdubio & inutilis vsque ad aures tantummodo audientium eius sermo perueniet , cor autem eorum penetrare non poterit , inertia operum & instructuositate suæ proditus vanitatis ; quia non de thesauro bonæ promittitur conscientie , sed de inani iactantiæ presumptione . Impossibile namque est immundam animam quatalibet desudauerit lectionis instantia , adipisci scientiam spiritalem . Nemo enim in vas sordidum atque corruptum unguentum aliquod nobile , aut mel optimum , aut pretiosum quidquam liquoris infundit . Facilius enim quamuis odoratissimum myrum semel horrendis imbuta sordibus testa contaminat , quam vt aliquid ex eo suauitatis aut gratiæ ipsa concipiat : quia multo citius munda corrumpuntur , quam corrupta mundantur . Ita igitur & vas pectoris nostri nisi prius fuerit ab omni sordidissima vitiorum contagione purgatum , non merebitur suscipere illud benedictionis unguentum , de quo dicitur per Prophetam : Sicut unguentum in capite , quod descendit in barbam Aaron , quod descendit in oram vestimenti eius : nec illam scientiam spiritalem & eloquia scripturatum , quæ sunt dulciora super mel & fauum ; impolluta seruabit . Quæ enim participatio iustitiæ cum iniquitate ? Aut quæ societas luci cum tenebris ? Quæ autem conuentio Christi ad Belial ?

Psal. 132

Psal. 18.

2. Cor. 6.

Obiectio de eo quod multi immundi scientiam habeant, & GERMANVS. sancti eam non habeant. Cap. XV.

Definitio ista nequaquam videtur nobis veritate suffulta, aut probabili ratione subnixā. Cum enim omnes qui fidem Christi aut nequaquā suscipiunt, aut impia dogmatum prauitate corrumpunt, immundi esse cordis manifestum sit; quomodo multi Iudeorum atque hæreticorū, vel etiam catholicorū, qui diuersis vitijs inuoluntur, perfectam scripturarum scientiam consecuti, de spiritualis doctrinæ magnitudine gloriantur; & e contra sanctorū virorū innumera multitudo, quorum cor ab omni peccatorum contagione purgatum est, simplicis fidei pietate contenta, profundioris scientiæ ignorat arcana? Quemadmodum ergo stabit ista sententia, quæ scientiam spirituale soli cordis tribuit puritati?

Responsio, quod mali scientiam veram habere non possunt. NESTEROS. Cap. XVI.

Haud recte virtutem definitionis explorat, qui non omnia diligenter prolata sententiæ verba perpendit. Prædiximus namque huiusmodi homines disputandi tantū habere peritiā & elocutionis ornatum, ceterum scripturarum venas & arcana spiritualium sensuum intrare non posse. Etenim vera scientia non nisi a veris Dei cultoribus pos-

- Hiere. 5.* scietur, quā is vique non habet populus cui dicitur: Audi popule stulte qui non habes cor; qui habentes oculos non uidetis, & aures non auditis, & iterum: Quia tu scientiam repulisti, & ego repellam te, ne sacerdotio fungaris mihi.
- Colos. 2.* Cum enim in Christo omnes thesauri sapientiæ & scientiæ absconditi esse dicantur, quomodo is, qui Christum inuenire contempsit, aut inuentū sacrilego ore blasphematur, aut certe catholicam fidem immundis operibus polluit,
- Sap. 1.* veram scientiā assecutus esse credendus est? Spiritus enim Dei effugiet fictum, nec habitabit in corpore subdito peccatis. Non ergo alias ad scientiam spiritalem nisi hoc ordine peruenitur, quem vnus prophetarum eleganter expressit, dicens: Seminate vobis ad iustitiam, metite ꝑ spem vite, illuminate vobis lumen scientiæ. Primum ergo seminandum vobis est ad iustitiam, hoc est, vt actualem perfectionem operibus iustitiæ propagemus, deinde metenda est nobis ꝑ spes vitæ, id est, virtutum spiritualium fructus expulsiōe vitiorum carnaliū cōgregandis; & ita illumina-

re no-

ze nobis lumen scientię poterimus. Quem ordinem etiam psalmographus teneri debere decernit, dicens: Beati immaculati in via, qui ambulant in lege Domini, beati qui scrutantur testimonia eius. Non enim prius dixit: Beati qui scrutantur testimonia eius, & postea intulit: Beati immaculati in via; sed prius inquit: Beati immaculati in via: per hoc euidenter ostendens, neminem recte posse ad perscrutanda Dei testimonia peruenire, nisi prius per actualement conuersationem in via Christi immaculatus incedat. Hi ergo, quos dixistis non istam quam immundi habere nō possunt, sed *ψευδωνύμου*, hoc est, falsi nominis scientiam possident, de qua beatus Apostolus: O, inquit, Timothee depositum custodi; deuitans profanas uocum nouitates, & oppositiones falsi nominis scientiæ, quod in Græco dicitur: *ἀντιθέσης τῆς ψευδωνύμου γνώσεως*. De istis ergo qui imaginem quandam scientiæ videntur acquirere, vel de his qui cum sacrorū voluminū lectioni ac memoriæ scripturarū diligenter insistant, carnalia tamen vitia non relinquunt, in Prouerbijs eleganter exprimitur: Sicut in auris aurea in naribus suis, ita mulieri male moratæ species. Quid enim prodest quempiam ornamentum eloquiorum celestium & illam pretiosissimam scripturarum speciem consequi, si eam lutulentis operibus vel sensibus inhærendo, quasi immundissimam terram subigendo confringat, aut cœnosis libidinum suarum polluat volutabris? Fiet enim ut id quod recte uientibus decori esse consuevit, non solum istos ornare non possit, verum etiam maioris cœni colluione sordescat. Ex ore enim peccatoris non est pulchra laudatio, cui dicitur per Prophetam: Quare tu enarras iustitias meas, & assumis testamentum meum per os tuum? De huiusmodi animabus, quæ nequaquam stabiliter timorem Domini possidēt (de quo dicitur: Timor Domini disciplina & sapientia est) scripturarū acquirere sensum de earum memoria & iugi meditatione conatur, falsi proprie in Prouerbijs memoratur: Ut quid fuerunt diuitiæ insipienti? Possidere enim sapientiam excors non poterit. Intantum vero ab illa eruditione sæculari quæ carnalium vitiorū sorde polluitur, vera hæc & spiritalis scientia submouetur, ut eam in uonnullis elinguis ac pene illitteratis sciamus uōnumquam mirabiliter uiguisse. Quod in Apostolis multisq. etiam sanctis uiris euidentissime

*Psal. 118.**1. Tim. 6**Prov. 11.
sec. lxx.**Eccli. 15**Psal. 49.**Prou. 15.**& 16. sec.**Prou. 17.**sec. lxx.*

Mat. 4.

Prov. 14.

Eccli. 32.

2. Cor. 6.

al. coniun-
ctione.

Isai. 30.

a. Prov. 24.

sec. lxx.

b. Prov. 19.

sec. lxx.

c. Prov. 18.

sec. lxx.

d. Prov. 29.

sec. lxx.

comprobat; qui non inani foliorum dilatabatur luxuria, sed veris spiritualis scientiæ fructibus curuabatur. De quibus in actibus Apostolorum scriptum est: Videntes autem Petri constantiam & Ioannis, & comperto quod homines essent sine litteris & idiotæ, admirabatur. Et idcirco si tibi curæ est ad eius immarcescibilem fragrantiam peruenire, cunctis primum conatibus elabora, ut a Domino puritatem castitatis obtineas. Nullus enim, in quo adhuc carnalium passionum, & maxime fornicationis dominatur affectus, spiritalem poterit scientiam possidere. In corde enim bono requiescet sapientia. & : Qui timer Dominum, inueniet scientiam cum iustitia. Hoc autem quo prædiximus ordine ad spiritalem scientiam perueniri, etiam beatus Apostolus docet. Nam cum vniuersarum virtutum suarum non solū catalogum texere, verumetiam ordinem vellet exponere, ut quæ quam sequeretur, vel quæ quam parturiret exprimeret, post aliqua intulit, dicens: In vigilijs, in ieiunijs, in castitate, in scientia, in longanimitate, in suauitate, in Spiritu sancto, in charitate non ficta. In qua coniugatione virtutum euidentissime nos voluit erudire, de vigilijs atque ieiunijs ad castitatem, de castitate ad scientiam, de scientia ad longanimitatem, de longanimitate ad suauitatem, de suauitate ad Spiritum sanctum, de Spiritu sancto ad charitatis non fictæ præmia perueniri. Cum igitur hac disciplina atque hoc ordine tu quoque ad scientiā spiritalem perueneris, habebis proculdubio, sicut diximus, nec sterilem, nec inerrem, sed viuendam fructuosamque doctrinam; semenque salutaris verbi quod a te fuerit audientium cordibus commendatū, subsequens Spiritus sancti imber largissimus secundabit; ac secundū id quod pollicitus est propheta, dabitur pluuia semini tuo, ubi cumque seminaueris i terra, & panis frugū terræ tuæ erit vberissimus & pinguis.

Quibus ratio perfectionis debeat aperiri. Cap. XVII.

Cave etiam ne hæc quæ tam lectione quàm experientia sudore didiceris, cum te græ maturior prouexerit ad docendum, vana gloriæ seductus amore, inmundis hominibus passim ingeras, illudque quod sapientissimus Salomon interdixit, incurras: a Noli applicare impiū ad pacem, neque seducaris saturitate ventris. b Non enim expedit stulto deiciere: Nec opus est sapienti ubi deest sensus; magis enim ducitur insipientia; quia: d Seruus durus non emen-

emendabitur verbis; si enim & intellexerit, non obediet. &: In aures imprudentis noli quidquam dicere, ne forte irideat sapientes sermones tuos. &: Ne dederitis sanctum canibus, neque miseritis margaritas vestras ante porcos, ne forte conculcent eas pedibus suis, & conuersi dirumpat vos. Oportet itaque ut huiusmodi hominibus spiritualium sensuum contegens sacramenta efficaciter canas: In corde meo abscondi eloquia tua, ut non peccem tibi. Sed dicas forsitan: Et quibus diuinarum scripturarum dispensanda sunt sacramenta? Docet te sapientissimus Salomō: Date, inquit, ebrietatem his qui in tristitia sunt, & vinum bibere his qui in doloribus sunt, ut obliuiscantur paupertatis, & dolorum suorum non meminerint amplius; id est, his qui pro pœnitudine actuum pœnitentiarum maiore tristitia deprimuntur, spiritualis scientiæ iucunditatem, velut vinū quod lætificat cor hominis, affluenter infundite, eosque salutaris verbi crapula refouete, ne forte iugitate mœoris ac letali desperatione demersi, abundantiore tristitia absorbeantur qui eiusmodi sunt. De illis vero qui in tēpore ac negligentia constituti, nullo cordis sui dolore mordētur, ita dicitur: Nam qui suavis & sine dolore est, in egestate erit. Quanta potes igitur cautione deuota, ne vanæ gloriæ amore detentus, illius quem Propheta collaudat, particeps esse non possis: Qui pecuniam suam non dedit ad vsuram. Omnis enim qui eloquia Dei (de quibus dicitur: Eloquia Domini eloquia casta, argentum igne examinatum, probatum terræ, purgatum septuplum) humanæ laudis amore dispensat, pecuniam suam erogat ad vsuram, nō solum nulla pro hoc præmia, sed etiam supplicia meriturus. Ob hoc enim pecunias Domini maluit profligare, ut ex ea tempotalem consequeretur ipse mercedem, non ut Dominus (sicut scriptum est) veniens, quod suum est reciperet cum vsura.

Quibus de causis spiritualis doctrina infructuosa sit.

Cap. XVIII.

DVabus autem ex causis inefficacem spiritualium rerū constat esse doctrinā. Nam aut ille qui docet inexperta commendans, vano verborum sono instruere nititur auditorem, aut certe nequam ac vitij refertus auditor, salutarē spiritualis viri sanctamque doctrinam obturato corde nō recipit. De quibus dicitur per prophetam: Excecatum est enim cor populi huius, & auribus grauitè audic-

unt,

Prov. 23

sec. lxx.

Matth. 7.

Psal. 118

Prov. 31.

sec. lxx.

Psal. 103

2. Cor. 2.

Prov. 14.

sec. lxx.

Psal. 14.

Psal. 12.

Matth. 23.

Matth. 23.

ex Esai. 6

runt, & oculos suos concluserunt, ne quando videant oculis suis, & auribus suis audiant, & corde intelligant, & conuertantur, & sanem illos.

Quod plerumque etiam indigni gratiam salutiferi sermonis accipiant. Cap. XIX.

1. Tim. 2. **N**onnumquam tamen dispensatoris nostri Dei, qui omnes homines vult saluos fieri, & ad agnitionem veritatis venire, munifica liberalitate conceditur, vt is qui dignum se euangelicæ prædicationi irreprehensibili conuersatione non præbuit, pro salute multorum spiritualis doctrinæ gratiam consequatur. Quibus autem modis etiā charismata curationum ad expellendos dæmones, a Domino concedantur, consequens est vt simili disputatione pandamus, quam confurgentes ad refectionem in vespertam referuemus; quia efficacius semper corde cōcipitur, quidquid sensim & absque nimio labore corporis intimatur.

*COLLATIONIS PRIMÆ
abbatis Nesterotis de Spirituali
scientia, Finis.*

**COLLATIO XV. QVÆ
EST SECVNDA ABBATIS
NESTEROTIS
DE CHARISMATIBVS DIVINIS.**

*Disputatio abbatis Nesterotis de tripertita charismatum
ratione. Cap. I.*



POST synaxin vespertinam ad repromissam narrationem intenti, psalms pariter ex more confedimus. Cumque silentiū aliquantisper pro senis reuerentia præberemus, taciturnitatem verecundiæ nostræ tali præuenit eloquio: Vsq̃ue ad spiritualiū rationem charismatum proferendam præcedens disputa-
tionis

tionis ordo peruenit, quā tripertitam esse maiorum irraditione percepi-
 mus. Prima siquidem curationum causa est, cum pro merito sanctitatis electos quosque ac iustos viros signorū gratia comitatur, sicut Apostolos, multosq. sanctorum signa ac prodigia secundum auctoritatem Domini fecisse manifestum est, ita dicētis: Infirmos curate, mortuos suscite, leprosos mundate, dæmones eiicite; grātis accepistis, grātis date. Secunda, cum ob ædificationem Ecclesię, vel eorum, qui infirmos suos ingerunt, vel eorum qui curandi sunt fidem, sanitatum virtus etiā a peccatoribus indignisq. procedit. De quibus Saluator in Euangelio: Multi, inquit, dicent mihi in illa die: Domine, Domine, nonne in nomine tuo prophetauimus, & in nomine tuo dæmonia eiicimus, & in nomine tuo virtutes multas fecimus? & tunc confitebor illis, Quia numquam noui vos: discedite a me operarij iniquitatis. Et e contrario si offerentium vel infirmorum desit fides, etiā illos quibus curationum dona collata sunt, non sinit sanitatum exercere virtutem. De qua re Lucas Euangelista: Et non poterat, inquit, Iesus facere inter eos virtutes propter incredulitatē illorū. Vnde idē Dominus: Multi, inquit, leprosi erāt in Israel sub Elisæo propheta, & nemo eorū mundatus est nisi Naamam Syrus. Tertius curationū modus, etiā colludicō ac factiōne dæmonū simulatur, vt dum homo manifestis criminibus obligatus propter admirationem signorum sanctus ac Dei famulus creditur, etiā vitiorum eius æmulatio suadeatur, & per hoc obrectationis aditu resecrato, etiā religionis sanctitas infametur; vel certe, vt is, qui curationum dona habere se credit, superbia cordis elatus grauius elidatur. Inde est quodd inuocantes eorum nomina, quos nulla merita sanctitatis, nec ullos spiritales fructus habere cognoscunt, vti se eorum meritis, ac de obsessis simulant corporibus effugari. De quibus in Deuteronomio: Si surrexerit, inquit, in medio tui propheta, aut qui somnium vidisse se dicat, & prædixerit signum atque portentum, & euenerit quod locutus est, & dixerit tibi: Eamus & sequamur deos alienos, quos ignoras, & seruiamus eis; non audias verba prophetę illius aut somniatoris, quia tentat vos Dominus Deus vester vt palam fiat, vtum diligatis eum an non, in toto corde & in tota anima vestra. Et in Euangelio: Exsurgent, inquit, pseudochristi, &

Matt. 10

Matth. 7

Luc. 13.

Marc. 6.

Luc. 4.

4. Reg. 5.

Deut. 13

Matt. 24

sti, & pseudoprophetae, & dabunt signa magna & prodigia ita ut in errorem inducantur, si fieri potest etiam electi.

In quo quis sanctos viros debeat admirari. Cap. II.

Qua propter numquam debemus eos, qui hoc affectant in his virtutibus admirari, sed potius intueri, verum vitorum omnium expulsionem, & morum emendationem perfecti sint. Quod vique non pro alterius fide, aut diuersitate causarum, sed pro vniuscuiusque studio Dei gratia dispensante conceditur. Hæc namque est actualis scientia, quæ alio vocabulo charitas ab Apostolo nuncupatur, & vniuersis linguis hominum & angelorum, & plenitudini fidei quæ etiam montes transferat, & omni scientiæ, ac prophetiæ, & erogationi omnium facultatum, ipsiq. postremo glorioso martyrio, apostolica auctoritate præfertur. Nam cum dinumerasset vniuersa charismatum genera, atque dixisset: Alij datur per spiritum sermo sapientiæ, alij sermo scientiæ, alij fides, alij gratia sanitarum, alij operatio virtutū, & reliqua; de charitate dicturus, quemadmodū eam cunctis prætulit charismatibus paucis aduertit: & adhuc, inquit, supra modum excellentiorem viam vobis demonstro. Per quod euidenter ostenditur perfectionis ac beatitudinis summam, non in illorum mirabilium operatione, sed in charitatis puritate consistere. Nec immerito: Omnia enim illa euacuanda ac destruenda sunt, charitas vero perpetuo permansura. Ideoq. a patribus nostris opera ista signorum nequaquā vidimus affectata; quinimmo cum ea Spiritus sancti gratia possiderent, numquam exercere voluerunt, nisi forte extrema illos & inuitabilis necessitas coartasset.

De suscitato mortuo ab abbate Macario. Cap. III.

Sicut & ab abbate Macario, qui habitationē Scithicæ solitudinis primus inuenit, mortuum reminiscimur suscitatum. Nam cum hæreticus quidam qui Eunomij perfidiæ sectabatur, sinceritatem catholicæ fidei arte dialectica subuertere conaretur, magnamq. iam hominum multitudinē decepisset, rogatus a catholicis viris, qui tantę subuersionis ruina grauissime mouebantur, beatus Macarius, ut simplicitatem totius Ægypti ab infidelitatis naufragio liberaret, aduenit. Quem cū hæreticus arte dialectica fuisset aggressus, & ad Aristotelicas ignorantem spinas vellet abducere, beatus Macarius apostolica multiloquium eius bre-

breuitate concludens : Non est, inquit, in verbo regnum Dei, sed in virtute. Eamus igitur ad sepulchra, & nomen Domini super mortuum qui primus inuentus fuerit inuocemus, ac, sicut scriptum est, ostendamus ex operibus fidem nostram, vt manifestissime recte fidei documenta eius testimonio declarentur, & perspicuam veritatem non inani disputatione verborum, sed virtute signorum, & illo quod non potest falli iudicio comprobemus. Quo audito, hæreticus coram circumstanti plebe pudore constrictus, cum ad præsens præbere se cōditioni propositæ simulasset assensum, seq. affuturū in crastinū promississet, postero die expectantibus vniuersis qui studiosius ad conditum locum, spectaculi huius cupiditate confluerant, exterritus conscientia suæ infidelitatis aufugit, ac ab vniuersa Ægypto protinus transmigravit. Quem cū beatus Macarius vsque ad horam nonam cū populis præstolatus, pro sua conscientia declinasse vidisset, allūmens plebem quæ ab illo fuerat deprauata, ad condita sepulchra perrexit. Hunc autem Ægyptijs morem Nili fluminis inuexit eluuiis, vt quoniam vniuersa terræ illius latitudo instar immensi pelagi, non paruo anni tempore solita aquarum eruptione contegitur, ita vt nulla tunc cuiquā viandi copia nisi lemborum transvectione tribuatur, corpora mortuorum pigmentis condita redolentibus, in editoribus cellulis recondantur. Nam madens ebrietate continua terræ illius solum, humandi arcet officium. Si qua enim cadauera defossa susceperit, euomere ad superficiem suam inundationum nimietate compellitur. Cum igitur antiquissimo cuidam cadaueri beatus Macarius adstitisset, O homo, inquit, si venisses huc mecū hæreticus ille filius perditionis, & adstante ipso, nomen Christi Dei mei inuocans exclamasse, vtum necorā his qui pene eius fuerant fraude subuersi, surrecturus fuisses edicto. Tum ille consurgens adnucantis voce respondit. Quem interrogans abbas Macarius, quinam aliquando fuisset cum frueretur hac vita, vel qua hominum fuisset ætate, aut si nomen Christi tunc temporis cognouisset, ille se sub antiquissimis regibus vixisse respondit, Christi quæ nomen asseruit illis se non audisse temporibus. Cui rursus abbas Macarius : Dormi, inquit, in pace cum ceteris in tuo ordine a Christo in fine temporum suscitandus. Hæc igitur eius virtus & gratia quantum in ipso fuit, semper for-

1. Cor. 4.

Iacob. 2.

1. Cor. 13

1249

tasse latuisset, nisi cum necessitas totius prouinciæ periclitantis, & erga Christum plena deuotio amorq. sincerus, istud exercere miraculum compulisset. Quod vtiq. ut ab eo fieret, non ostentatio gloriæ, sed charitas Christi & totius plebis extorsit utilitas, ut beatum quoque. Eliam fecisse Regnorum lectio manifestat, qui ignem de cælo super hostias impositas pyre idcirco descendere postulauit, ut periclitantem pseudoprophetarum præstigijs fidem totius populi liberaret.

3. Reg. 18

De miraculo quod abbas Abraham in mulieris fecit vberibus. Cap. IV.

Quid etiam abbatis Abraham gesta commemorem, qui *trās* pro simplicitate & innocentia morum cognominatur? Qui cum metēdi gratia ad Ægyptum de eremo diebus quinquagesimæ perrexisset, & a muliere quadā paruulum suum lactis inopia iam tabidū atque seminecem præferente, lacrymosis precibus fuisset obstrictus, calicem ei aquæ potandum impresso crucis signaculo dedit, cuius haustu confestim mirum in modum arida iam penitus vbera copia lactis redundante fluxerunt.

De claudi cuiusdam curatione, quam est operatus. Cap. V.

Vel cum idem ipse pergens ad vicum, circumdatus est illudentium turbis, qui subsannantes ostendebant ei quendam hominem contracto genu, multis iam annis gressus officio destitutum, & antiqua debilitate reptantem; ac tentantes eum. Ostende, aiebant, abba Abraham, si seruus es Dei, & restitue hunc pristinæ sanitati, ut nomen Christi quem colis, vanum non esse credamus. Tunc ille cōfestim inuocato Christi nomine, inclinans se & apprehēdes aridū pedem hominis traxit, cuius tactu siccum continuo genu incuruumq. directum est, ac recepto vsu gressuum, quem obliuioni tradiderat annosa debilitas, lætus abscessit.

Quod meritum vniuscuiusque non ex signis debeat aestimari. Cap. VI.

ad. 3.

Hitaque viri nihil sibi pro talium mirabilium virtute donabant, quia non hæc suo merito agi, sed Domini misericordia fatebātur, his apostolicis verbis in admiratione signorum humanā gloriam resutantes: Viri fratres, quid admiramini in hoc, aut nos quid intruimini, quasi nostra virtute aut pietate fecerimus hunc ambulare? Nec quemquam in donis ac mirabilibus Dei, sed potius ex proprijs

virtu-

virtutum fructibus prædicandum esse censebant, qui industria mentis & virtute operum generatur. Plerumq. enim, ut supra iam dictum est, homines mente corrupti ac reprobi circa fidem, in nomine Domini & dæmonia expellunt, & virtutes maximas operantur. De quibus cū Apostoli causantur, & diceret: Præceptor vidimus quendā in nomine tuo eicientē dæmonia, & prohibuimus eum, quia non sequitur nobiscum; licet eisdem ad præsens responderit Christus: Nolite prohibere; qui enim non est aduersum nos, pro nobis est; tamen eis in fine dicentibus: Domine, Domine, nōne in nomine tuo prophetauimus, & in nomine tuo dæmonia eiecimus, & in nomine tuo virtutes multas fecimus? Responsum se esse testatur, Quia numquam noui vos; discedite a me operarij iniquitatis. Et idcirco etiam istos quibus hanc gloriam signorū atque virtutum pro merito sanctitatis ipse concessit, ne in his extollatur admonet, dicens: Nolite gaudere quia dæmonia vobis subiiciuntur; gaudete autem, quia nomina vestra scripta sunt in cælis. *Luc. 9.*

Quod charismatum virtus non in mirabilibus, sed in humilitate consistat. Cap. VII.

DEnique ipse auctor signorum omnium atque virtutū, cum ad doctrinæ suæ magisterium discipulos aduocaret, quid ab eo veri atque rectissimi sectatores peculiariter discere deberent, euidenter ostendit: Venite, inquit, & discite a me, non utique ut dæmones cælesti potestate pellantis, non ut leprosos mundetis, non ut cæcos illuminetis, non ut mortuos susciteris: Hæc enim etiam si per quosdam seruos meos operor, non potest se inferere laudibus Dei humana condicio, nec ullam sibi in hoc minister & famulus decerpere portionē, ubi solius diuinitatis est gloria. Vos autē, inquit, hoc discite a me, quia mitis sum & humilis corde. Hoc enim est quod cunctis generaliter discere & exercere possibile est opera autem signorum atque virtutū nec semper necessaria, nec omnibus cōceduntur. Humilitas est ergo omniū magistra virtutum; ipsa est cælestis ædificij firmissimum fundamentum, ipsa est donum proprium atque magnificum Saluatoris. Is etenim vniuersa miracula quæ Christus operatus est, sine periculo elationis exercet, qui mitem Dominum, non sublimitate signorum, sed patientiæ atque humilitatis virtute sectatur. Qui vero immun- *Matth. 11*

conferre, aut aliquod signum mirabile populis gessit ostendere, quamuis in ostentationibus suis Christi inuocet nomen, tamen alienus a Christo est, quia humilitatis magistrum superba mente non sequitur. Nam etiam cum ad patrem remeaus quoddam, ut ita dixerim, conderet testamentum, hoc suis discipulis dereliquit: Mandatum, inquit, nouum do vobis, ut diligatis inuicem sicut dilexi vos, ut & vos diligatis inuicem. Statimque subiunxit: In hoc cognoscant omnes quia mei estis discipuli, si dilectionem habueritis in inuicem. Non ait, Si signa atque virtutes similiter feceritis, sed si dilectionem in inuicem habueritis, quam certum est nisi mites atque humiles seruare non posse. Quapropter

IOAN. 13.

Ibid.

numquam monachos probos nec morbo cenodoxia vacuos nostri maiores esse dixerunt, qui semetipsos exorcistas coram hominibus profitentur, & inter admirantium turbas hanc quam vel meruerunt, vel præsumpserunt gratiam iactantissima ostentatione diffamant; sed incassum. Qui enim nititur mendacijs, hic pascit ventos, idem autem ipse sequitur aues volantes. Sine dubio enim eueniet eis illud quod in Prouerbijs dicitur: Sicut venti & nubes & pluuia manifestissimæ sunt, ita qui gloriantur in dato falso. Et ideo si quis coram nobis horum aliquid fecerit, non de admiratione signorum, sed de ornatu morum debet apud

PROV. 10.

PROV. 25.

SEC. LXX.

nos esse laudabilis; nec utrum dæmonia ei subiecta sint, sed utrum charitatis membra quæ describit Apostolus, possideat, inquirendum.

1. COR. 13

*Quod mirabilius sit de semetipso vitia, quam de altero
dæmones extrussisse. Cap. VIII.*

ET reuera maius miraculum est de propria carne fomitum eradicare luxuriam, quam expellere imundos spiritus de corporibus alienis; & magnificentius signum est, virtute patientiæ truculentos motus iracundiæ cohibere, quam acreis principibus imperare; plusque est exclusisse edacissimos de corde proprio tristiæ morbos, quam valitudines alterius febresque corporeas expulisse. Postremo multis modis præclarior virtus, sublimiorque profectus est, animæ propriæ curare languores, quam corporis alieni. Quanto enim hæc sublimior carne est, tanto præstantior eius est salus, quantoque pretiosioris excellentioris est substantiæ, tanto grauioris ac perniciosis est & ruinæ.

Quon-

Quantum præcellat vita probitas opera signorum. Cap. IX.

ET de illis quidem curationibus ita beatissimis Apostolis dicitur: Nolite gaudere, quia dæmonia vobis subiiciuntur. Hoc enim faciebat non eorum potestas, sed virtutis nominis inuocati; & idcirco monentur, vt ex hac parte nihil sibi beatitudinis aut gloriæ audeant vindicare, quæ Dei tantum potentia ac virtute perficitur, sed ex illa vitæ suæ cordisq. intima puritate, ob quam nomina eorum scribimerentur in cælis.

Reuelatio de perfectæ castitatis experimento. Cap. X.

ET vt hoc ipsum, quod diximus vel testimonijs veterum, vel diuinis oraculis approbemus, quid beatus Paphnutius vel de admiratione signorum, vel de gratia senserit puritatis, immo quid angeli relatione cognouerit, ipsius verbis atque experimentis rectius proferemus. Hic namque ita multis vigens annis districtione præcipua, vt crederet se etiam carnalis concupiscentiæ laqueis penitus absolutum (eo quòd cunctis infestationibus dæmonum, quibus diu aperteq. conflixerat, superiorem se factum esse sentiret) dū aduenientibus viris sanctis pulmentum lenticulæ quod illi atheran nominant, præpararet, manus eius in clibano, vt assollet, flamma superuolante combusta est: Quo facto cristificatus magnum in modum, cœpit secum tacitus voluere: Cur ignis, inquit, mecum non habet pacem, cum diriora mihi dæmonum celscriuit prælia? aut quemadmodum me in illo metuendo examinis die per se transiturum ille ignis inextinguibilis, & inquisitor meritorum omnium non tenebit, cui nunc extrinsecus hic temporalis ac paruulus non pepercit? Cumque æstuanti huiusmodi cogitationibus atque tristitia sopor subitus obrepisset, adueniens angelus Domini: Cur, inquit, Paphnuti, tristis es, quòd necdum pacatus tibi sit ignis iste terrenus, cum adhuc resideat in membris tuis carnalium motuum necdum ad purum excocta commotio? Cuius radices donec in tuis viuunt medullis, ignem istum materiale nequaquam tibi pacificum esse permittent. Quem utique innoxium aliàs sentire non poteris, nisi omnes internos motus his indicijs in temetipso experiaris extinctos. Vade apprehende nudam & pulcherrimam virginem, & si illā tenens, tranquillitatem tui cordis immobilem ætusq. carnales pacificos in te senseris perdurasse, huius quoque visibilis flam-

Dan. 3. *ma* miris atque innoxius in modum illorum triū in Baby-
 lonia puerorum te allamber attractus. Itaque senex huius-
 modi reuelatione perculsus, non quidem experimenti diui-
 nitus demonstrati pericula consuluit: sed interrogans con-
 scientiam suam, & puritatem sui cordis examinans, nec
 adhuc pondus castimoniarum suarum huius probationis ponderi
 compensare coniectans: Non mirum est, ait, si cedentibus
 mihi immundorum spirituum praelijs, adustiones ignis
 quas dirissimis congressibus demonum inferiores esse cre-
 debam, adhuc aduersum me senserim saeuientes. Maior
 quippe est virtus ac sublimior gratia, internam libidinem
 carnis extinguere, quam nequitias demonum extrinsecus
 irruentes signo Domini ac virtutis Altissimi potentia sub-
 iugare, vel de obsessis corporibus diuini nominis intuoca-
 tione propellere. Hucusque abbas Nesteros oratione de ve-
 ra charismatum operatione consummans; nos ad senis Io-
 seph cellam, quae sex fere millibus ab ipso aberat properan-
 tes, doctrinae suae institutione profectus est.

COLLATIONIS SECVNDAE

*abbatis Nesterotis de Charisma-
 tibus diuinis, Finis.*

COLLATIO XVI. QVAE
EST PRIMA ABBATIS
IOSEPH
DE AMICITIA.

Quid a nobis abbas Ioseph primitus inquisierit.
Cap. I.



EATVS Ioseph, cuius nunc instituta ac
præcepta pandenda sunt, vnus ex tribus
quorum in prima collatione fecimus mē-
tionem, claræ admodum familiæ, ac pri-
marius ciuitatis suæ intra Ægyptum fuit
quæ appellatur Thmuïs, & ita non solum
Ægyptia, sed etiam Græca facundia dili-

Collat. XI
cap. 3.

genter edoctus, vt vel nobis, vel his qui Ægyptiam lin-
guam penitus ignorabant, non vt ceteri per interpretem,
sed per semetipsum elegantissime disputaret. Qui cum in-
stitutionem suam nos desiderare sensisset, percontatus pri-
mum, vtrumnam essemus germani fratres, audiensq. a
nobis quòd non carnali sed spiritali essemus fraternitate
deuincti, nosq. ab exordio renuntiationis nostrę, tam in
peregrinatione, quæ ab vtroque nostrū fuerat obtentu mi-
litie spiritalis arrepta, quàm in cœnobij studio indiui-
dua semper coniunctione sociatos, tali vsus est sermo-
nis exordio.

Disputatio eiusdem senis, de infido amicitarum
genere. Cap. II.

A Micitarum ac sodalitatis multa sunt genera, quæ
diuersis modis humanum genus dilectionis socie-
tate connectunt. Quosdam enim præcedens commen-
datio primum notitiæ, post etiam amicitie fecit ini-
re commercia. In quibusdam vero contractus quidam
seu dati acceptiue depactio, charitatis fœdera copula-
uit. Quosdam negotiationis seu militie vel artis ac stu-
dij similitudo atque communio amicitie vinculis ne-
xuerunt, per quam ita etiam effera sibi inuicem cor-
da mansuescunt, vt etiam hi qui in siluis ac montibus la-

trocinij gaudent, & effusione humani sanguinis delectantur, suorum scelerum participes amplectantur ac foueant. Est etiam aliud dilectionis genus, quod instinctu naturæ ipsius & consanguinitatis lege connectitur, quo vel contribules, vel coniuges, vel parentes, seu fratres, ac filij naturaliter ceteris præferuntur, quod non solum humano generi, verumetiam omnibus alitibus atque animantibus inesse apprehenditur. Nam pullos vel catulos suos naturali affectu instigante sic protegent ac defendunt, ut frequenter pro ipsis etiam obijcere se periculis mortiq. non metuant. Denique etiã illa bestiarum vel serpentium vel alitum genera, quæ intolerabilis feritas, ac letale virus ab omnibus separat ac secernit, ut sunt basilici, vel monocerotes, vel gryphes, cum etiam visu ipso cunctis perniciosa esse dicantur, inter se tamen pro originis ipsius affectionisq. consortio pacata & innoxia perseverant. Sed hæc omnia, quæ diximus, genera charitatis, sicut malis ac bonis, feris etiam atque serpentibus videmus esse cõmunia, ita etiam vsque in finem certum est perseverare non posse. Etenim interrumpit ea frequenter ac diuidit locorum discretio, & obliuio temporalis, & verbi vel causæ negotiorumq. cõtractus. Ut enim ex diuersis vel lucri, vel libidinis, vel consanguinitatis ac necessitudinum variarum societatibus acquiri solêt, ita intercedente qualibet diuortij occasione soluuntur.

Vnde insolubilis amicitia sit. Cap. III.

IN his igitur cunctis vnum genus est insolubile charitatis, quod nec cõmendationis gratia, nec officij vel munerum magnitudo, cõtractusq. cuiusquam ratio, vel naturæ necessitas iungit, sed sola similitudo virtutum. Hæc, inquam, est quæ nullis vnquam casibus scinditur, quam non solum dissociare vel delere locorum vel temporum intervalla non prævalent, sed ne mors quidem ipsa diuellit. Hæc est vera & indurupta dilectio, quæ gemina amicorum perfectione ac virtute conerescit. Cuius semel initum scædus, nec desideriorum varietas, nec contentiosa dirumpet contrarietas voluntatum. Ceterũ multos nouimus in hoc proposito cõstitutos, qui cum pro charitate Christi flagrantissima essent sodalitate deuincti, non perpetuo eam, nec indurupte seruare potuerunt, quia licet bono societatis principio niterentur, non tamen vno nec pari studio arreptum propositum tenuerunt, fuitq. inter eos quædam tempora-

lis affectio, quia non æquali vtriusque virtute, sed vnus patientia seruabatur. Quæ quamuis ab vno magnanimitè atque infatigabiliter retentetur, necesse est tamen eam alterius pusillanimitate dirumpi. Infirmities namque eorum, qui tepidius perfectionis expetunt sanitatē, quantalibet fortium tolerantia sustententur, ab ipsis tamē qui infirmi sunt non feruntur, & (vt ita dicam) ipsum tolerati non tolerant. Habent enim insitas commotionum causas, quæ eos quietos esse non sinant, vt solent hi qui carnali ægitudine detinentur, stomachi sui infirmitatisq. fastidia, coquorum vel ministrantium negligentis imputare, & quantalibet eis obsequentium sollicitudo deseruiat, nihilominus tamen sanis causas suæ commotionis adscribere, quas sibi vtiq. vitio suæ valetudinis inesse non sentiunt. Quamobrem hæc est amicitia, vt diximus, fida insolubilisq. coniunctio, quæ sola virtutum paritate fundatur: Dominus enim inhabitare facit vnus moris in domo. Et idcirco in his tantum indurpta potest dilectio permanere, in quibus vnum propositum ac voluntas, vnum velle ac nolle consistit. Quam si vos quoque cupitis inuiolabilem retentare, festinandum est vobis vt expulsis primitus vitijs, mortificetis proprias voluntates; & vt vnito studio atque proposito, illud quo Propheta admodū delectatur, gnauiter impleatis: Ecce quā bonum & quā iucundū, habitare fratres in vnum. Quod non localiter, sed spiritualiter oportet intelligi. Nihil enim prodest, si moribus ac proposito dissidentes vna habitatione iungantur; nec obest parili virtutē fundatis, per locorum interualla disungi. Apud Deum namque morū cohabitatio, non locorum vnita fratres habitatio coniungit; nec potest vquam pacis integritas custodiri, vbi voluntatum diuersitas inuenitur.

Psal. 67.

Psal. 132.

*Interrogatio vtrum utile aliquid etiam contra votum fratris
GERMANVS. effici debeat. Cap. IV.*

Quid ergo si vno volente perficere aliquid quod secundum Deum commodū & salubre perspexerit, alius non præster assensum, exequendum ne etiam contra votum fratris est, an pro eius arbitrio negligendum?

*Responsio quod perpetua amicitia nisi inter perfectos stare
IOSEPH. non possit. Cap. V.*

Idcirco diximus plenam atque perfectā amicitia gratiā, nisi inter perfectos viros eiusdemq. virtutis perseuerare

non posse, quos eadem voluntas vnumq. propositum, aut nunquam, aut certe raro facit diuersa sentire, aut in his quæ ad profectum spiritualis pertinent vitæ, patitur dissidere. Quod si animosis cœperint contentionibus æstare, liquet utique eos numquã secundum regulam, quam prædicamus, fuisse concordēs. Sed quia nemo potest a perfectione habere principium, nisi qui ab ipso eius cœperit fundamento, & vos non quanta eius sit magnitudo, sed quem admodum ad eam perueniri possit inquiritis, necessarium teor vt paucis regulam vobis eius ac tramitem quandam, per quem gressus vestri dirigantur, aperiam, vt patientiæ ac pacis bonum facilius obtinere possitis.

Quibus modis inuiolabilis possit societas retentari. Cap. VI.

Prima igitur sunt veræ amicitie in contemptu substantiæ mundialis, & omnium quas habemus rerum despectione fundamenta. Perquam enim iniustum atque impium est, si post abrenuntiatam mundi & omnium, quæ in eo sunt, vanitatem, pretiosissimæ fratris dilectioni supellex vilissima, quæ superfuit, præferatur. Secundum est, vt ita suas vnusquisque resecet voluntates, ne sapientem atque consultum esse se iudicans, suis malit quam proximi definitionibus obedire. Tertium est, vt sciat omnia etiam quæ vtilia ac necessaria æstimat, postponenda bono charitatis ac pacis. Quartum, vt credat nec iustis nec iniustis de causis penitus irascendum. Quintum, vt aduersus se iracundiam fratris, etiã sine ratione conceptam, eodem modo quò suam curate desideret, sciens equaliter sibi perniciosam alterius esse tristitiam ac si aduersus alium ipse moueatur, nisi eam quantum in se est etiam de fratris mente depulerit. Postremum illud est, quod generaliter vitiorum omnium peremptorium esse non dubium est, vt se de hoc mundo credat quotidie migraturum. Quæ persuasio non solum nullam in corde tristitiã residere permittit, verum etiã vniuersos concupiscentiarum ac peccatorum omnium comprimet motus. Hæc igitur qui cumque tenuerit, amaritudinem iræ atque discordiæ nec pati poterit, nec inferre. His autem cessantibus, cum primum ille æmulus charitatis in cordibus amicorum tristitiæ sensim venena suffuderit, necesse est vt frequentibus iurgijs paulatim dilectio tepescat, amantium corda diu exulcerata quandoque dissociet. Nam qui per callē prædictæ directionis ingreditur, in quo ab amico vniquam suo poterit

rit diffidere, qui primam litium causam, quæ ex paruulis rebus, vilissimisq. materijs generari solet, nihil suum vindicans radicitus amputarit, illud quod in actibus Apostolorum legimus de vanitate credentium omni virtute custodiens: Multitudinis autem credentium erat cor vnum & anima vna, nec quisquam eorum quæ possidebat aliquid suum esse dicebat, sed erant illis omnia communia? Deinde quemadmodum ab eo seminarium dissensionis exsurgit, qui non suæ sed fratris seruiens voluntati, Domini atque auctoris sui fuerit imitator effectus, qui loquens ex persona hominis quem gerebat: Non veni, inquit, ut facerem voluntatem meam, sed voluntatem eius qui misit me? Quo autem modo vllum contentionis fomitem suscitabit, qui de intelligentia ac sensu suo, non tam proprio iudicio quàm fratris credere decreuit examini, pro eius scilicet arbitrio, vel probans sua inuenta, vel improbens, & euangelicum illud pij cordis humilitate consummans: Verumtamen non sicut ego volo, sed sicut tu? Aut qua ratione aliquid quo frater mæstificetur admitter, qui bono pacis nihil pretiosius iudicat, Dominicæ illius sententiæ memoriam non amittens: In hoc cognoscent omnes quod mei estis discipuli, si dilectionem habueritis in inuicem, per quam velut speciali signaculo gregem ouium suarum in hoc mundo voluit Christus agnosci, atque hoc a ceteris, ut ita dixerim, caractere discerni? Qua uero ex causa vel in se recipere, vel in alio residere rancorem tristitiæ sustinebit, cui summa definitio est, iracundiæ quæ perniciofa & illicita est, iustas causas esse non posse, eodemq. se modo succensente sibi fratre orare non posse, quo si fratri suo ipse successeat; illam Domini Saluatoris humili semper retinens corde sententiam: Si offers munus tuum ad altare, & ibi recordatus fueris quod frater tuus habet aliquid aduersum te, relinque ibi munus tuum ante altare, & vades prius reconciliare fratri tuo, & sic veniens offer munus tuum? Nihil enim proderit si te quidem asseras non irasci, & credas te illud implere mandatum quo dicitur: Sol non occidat super iracundiam vestram. &: Qui irascitur fratri suo, reus erit iudicio; alterius vero tristitiam quam delinire tua mansuetudine potuisti, contumaci corde despicias. Eodē namque modo præcepti Domini præuaricatione plecteris. Qui enim dixit irasci te aduersus alterum non debere,

Act. 4.

Ioan. 5.

Matt. 26.

Ioan. 13.

Matth. 5.

Ephes. 4.

Matth. 5.

1. Tim. 2. dixit nec alterius contemni debere tristitiam; quia non interest apud Deum qui omnes homines vult saluos fieri, vtrum te an alium quempiam perdas. Vnum siquidem cuiuslibet interitu ei nascitur detrimentum, itidemque illi cui grata omnium perditio est, vnum lucrum, vel tua vel fratris morte conquiratur. Quemadmodum postremo poterit vel tenuem contra fratrem retinere tristitiam, qui se credit quotidie, immo continuo ab hoc saeculo migraturum?

Quod nihil charitati proponendum sit, nec iracundia postponendum. Cap. VII.

Sicut ergo nihil proponendum est charitati, ita furori vel iracundiae nihil est e contrario postponendum. Omnia namque quamuis vtilia ac necessaria videantur, spernenda tamen sunt, vt ira perturbatio deuitetur; & omnia etiam, quae putantur aduersa, suscipienda atque toleranda sunt, vt dilectionis pacisq. tranquillitas illibata seruetur; quia nec ira atque tristitia perniciosius quidquam, nec charitate vtilius est credendum.

Quibus de causis inter spirituales nascatur dissensio.

Cap. VIII.

Galat. 5. **N**Am quemadmodum carnales adhuc & imbecilles fratres ob vilem terrenamq. substantiam cito inimicus ille disungit, ita etiam inter spirituales gignit pro intellectu diuersitate discordiam. Ex qua sine dubio contentiones rixeq. verborum, quas Apostolus damnat, plerumque confurgunt, vnde consequenter diuortia inter vnanimis fratres hostis inuidus ac malignus interferit. Vera est namque sapientissimi Salomonis illa sententia: Odiū suscitatur contentio, vniuersos vero qui non contendunt, proteget amicitia.

Prov. 10. sec. lxx.

De amputandis etiā spiritualibus causis discordiarū. Cap. IX.

Quapropter ad conseruandam perpetuam & indiuiduā charitatem, nihil prodest primam causam amputasse dissidij, quae solet nasci de rebus caducis atque terrenis; & vniuersa despexisse carnalia, atque omnium quibus noster vsus indiget rerum indiscretam communionem fratribus permisisse, nisi etiam secundā quae sub specie spiritualium sensuum nasci solet, similiter abscidentes, acquisierimus in omnibus humilem sensum, & consonā voluntatem.

De optimo examine veritatis. Cap. X.

Mimini namque cum me adhuc adhærere consortio etas minor hortaretur, huiusmodi nobis intelligentiam, vel

vel in moralibus disciplinis, vel in scripturis sacris frequenter insertam, vt nihil ea verius, nihilq. rationabilius crederemus. Sed cum in vnum conuenientes sententias, nostras promere cœpissimus, quædam communi examinatione discussa, primum ab altero falsa ac noxia notabantur, mox deinde vt perniciofa communi pronuntiata iudicio damnabantur, quæ in tantum prius infusa a diabolo velut luce fulgebant, vt facile potuissent generare discordiam, nisi præceptum seniorum velut diuinum quoddam oraculum custoditum ab omni contentione nos reuocasset, quo ab illis legali quadam sanctione præscriptum est, vt neuter nostrum plus iudicio suo quàm fratris crederet, si numquam velut diaboli calliditate deludi.

Quod impossibile sit quemquam, qui proprio fidei iudicio, diaboli illusione non decipi. Cap. XI.

ETenim sæpe illud quod Apostolus dicit, probatum est euenire: Ipse enim satanas transfiguratur se in angelum lucis, vt obscuram ac tetram caliginem sensuum pro vero lumine scientiæ fraudulenter offundat. Qui nisi humili & mansueto corde suscepti, maturissimi fratris vel probatissimi senioris reseruentur examini, & eorum iudicio diligenter excussi, aut abijciantur, aut recipiantur a nobis, sine dubio venerantes in cogitationibus nostris pro angelo lucis angelum tenebrarum, grauiissimo feriemur interitu. Quam perniciem impossibile est euadere quem piam iudicio proprio confidentem, nisi humilitatis veræ amator & executor effectus, illud quod Apostolus maguopere deprecatur, omni contritione cordis impleat: Si qua ergo, inquit, consolatio in Christo, si quod solatium charitatis, si qua viscera miserationis, implete gaudium meum, vt idem sapiatis, eandem charitatem habentes, vñanimes id ipsum sentientes, nihil per contentionem neque per inanem gloriam, sed in humilitate superiores vobismetipsis alterutrum arbitantes. & illud: Honore alterutrum præuenientes; vt plus vnusquisque consorti suo scientiæ & sanctitatis adscribeans, summam discretionis veræ, in alterius magis quàm in suo credat stare iudicio.

Quam ob causam non debeant inferiores in collatione contemni. Cap. XII.

Sæpe autem accidit, siue illusione diaboli, siue intercessu erroris humani, quoddam nullus est in hac carne qui falli

velut homo non possit, ut & ille interdum qui acrioris ingenij scientiaq. maioris est, aliquid falsum mente concipiat, & ille qui tardioris ingenij ac minoris est meriti, rectius aliquid veriusq. persentiat. Et idcirco nullus sibi quavis scientia præditus, inani tumore persuadeat, quod possit collatione alterius non egere. Nam etiam si iudiciū eius diabolica non fallat illusio, elationis tamen & superbiz grauiorres laqueos non euadet. Quis enim hoc sibi absq. ingenti poterit usurpare perniciē, cum vas electionis in quo Christus, ut ipse professus est, loquebatur, ob hoc solummodo se asserat Hierosolymam conscendisse, ut cum suis coapostolis Euangelium, quod gentibus reuelante & cooperante Domino prædicabat, secreta examinatione conferret? Per quod ostenditur non solum vnanimitatem atque concordiam per hæc præcepta seruari, verumetiam cunctas diaboli aduersantis insidias & illusionum eius laqueos non timeri.

Quod charitas non solum res Dei, sed etiam Deus sit.

Cap. XIII.

Denique in tantū virtus charitatis extollitur, ut eā beatus Ioannes Apostolus, non solum rem Dei, sed etiam Deum esse pronuntiet, dicens: Deus charitas est, & qui manet in charitate, in Deo manet & Deus in eo. Nam usque adeo illam diuinam esse perspicimus, ut illud Apostoli manifestissime vigere sentiamus in nobis: Quoniam charitas Dei diffusa est in cordibus nostris per Spiritum sanctum qui habitat in nobis. Quod tale est, ac si dicat: Quoniam Deus diffusus est in cordibus nostris per Spiritum sanctum qui habitat in nobis. Qui etiam cum ignoremus quid debeamus orare, interpellat pro nobis gemitibus inenarrabilibus. Qui autem scrutatur corda scit, quid desideret spiritus quia secundum Deum postulat pro sanctis.

De gradibus charitatis. Cap. XIV.

Illam igitur charitatem quæ ἀγάπη dicitur, possibile est omnibus exhibere, de qua beatus Apostolus: Ergo dum tempus habemus, inquit, operemur bonum ad omnes, maxime autem ad domesticos fidei. Quæ in tantum omnibus est generaliter exhibenda, ut eam etiam inimicis nostris a Domino iubeamur impendere. nam, Diligite, inquit, inimicos vestros διαβεις autem, id est affectio, paucis admodum, & his qui vel paritate morum, vel virtutum societate connexi sunt exhibetur, licet etiā ipsa diathesis multam

in se differentiam habere videatur. Aliter enim parentes, aliter coniuges, aliter fratres, aliter filij diliguntur, & in ipso quoque harum affectu necessitudinum magna distantia est nec vniformis parentū dilectio erga filios inuenitur. Quod etiam Iacob patriarchę probatur exemplo, qui cum esset duodecim filiorum pater, omnesq. paternā charitate diligeret, tamē propensiore Iosephi dilexit affectu, vt de eo aperte scriptura commemoret: Inuidebant autem ei fratres sui, *Gen. 37.* eo quod diligeret eum pater suus; non scilicet quod vir iustus, & pater, non valde diligeret etiam ceteram prolem, sed quod huius qui typū Domini præferebat, affectui dulcius quodammodo atque indulgentius inhæreret. Hoc etiā de Ioanne Euangelista euidentissime legimus designari, cum de ipso dicitur: Discipulus ille quem diligebat Iesus; cum vtique etiam reliquos vndecim similiter lectos, ita præcipua dilectione complexus sit, vt hoc etiam euangelica attestatione designet, dicens: Sicut dilexi vos, & vos diligite inuicem. De quibus & alibi dicitur: Diligens suos qui erant in mundo, vsque in finem dilexit eos; sed hic vnus dilectio non erga reliquos discipulos teporem charitatis, sed largiorem erga hunc superabundantiam amoris expressit, quam ei virginitatis priuilegium & carnis incorruptio conferebat. Quæ idcirco velut sublimior cum quadam exceptione signatur, quia non eam odij comparatio, sed affluentiore gratia exuberantissimi amoris extollit. Tale quid etiam ex persona sponsæ legimus in Cantico canticorum, dicentis: Ordinate in me charitatem. Hæc enim est vere *Cant. 2.* charitas ordinata, quæ odio habens neminem, quosdam *sec. lxx.* meritorum iure plus diligit, quæque cum generaliter diligit cunctos, excipit tamen sibi ex his quos debeat peculiari affectione complecti, & rursus inter ipsos qui in dilectione summi atque præcipui sunt, aliquos sibi, qui ceterorum affectui superextollantur excerpit.

De his qui vel suam vel fratrum commotionem dissimulatione corroborant. Cap. XV.

E Contra nouimus (quod vtinam nesciremus) nonnullos fratrum tantę obstinationis atque duritiæ, vt cum vel suos aduersus fratrem, vel fratris aduersum se senserint animos excitatos, ad dissimulandam mentis suæ tristitiam, qua ex indignatione alterutræ commotionis exorta est, secedentes ab eis quos humili satisfactione ac colloquio

quo lenire debuerant, aliquos psalmorum incipiunt decantare versiculos. *Qui* dum conceptam cordis amaritudinem delinire se putant, insultando augent, quod statim extingueri potuerunt, si magis anxij atque humiles esse voluissent, ut oportuna compunctio & ipsorum cordibus mederetur, & fratrum animos deliniret. Nam illo vitioque modo pusillanimitatis, immo superbię suę vitium palpant, & nutriunt potius, quàm extirpant fomitem iurgiorum, Dominicę illius præceptionis immemores, quę ait: *Qui irascitur fratri suo, reus erit iudicio. & Si recordatus fueris quod frater tuus habet aliquid aduersum te, relinque ibi munus tuum ante altare, & vade prius reconciliare fratri tuo, & tunc veniens offer munus tuum.*

*Matth. 5.
Ibid.*

De eo quod si frater aduersum nos aliquid habeat similitatis, munera orationum nostrarum a Domino respiciantur. Cap. XVI.

IN tantum igitur non vult nos Dominus noster alterius in despectui habere tristitiam, ut si aliquid aduersum nos frater habuerit, nec munera nostra suscipiat, id est, nec orationes sibi a nobis permittat offerri, donec de animo eius tristitiã iuste iniusteve conceptam, celeri satisfactione tollamus. Neque enim ait: Si habet veram querelam aduersum te frater tuus, relinque ibi munus tuum ante altare, & vade prius reconciliare ei, sed: Si recordatus fueris, inquit, quia frater tuus habet aliquid aduersum te, id est, etiam si leue aliquid ac vile sit quo fratris in te fuerit excitata commotio, & hoc memoriam tuam subita recordatione pulsauerit, scias te offerre precum tuarum spiritalia munera non debere, nisi prius qualibet ex causa ortam tristitiam de corde fratris benigna satisfactione depuleris. Si igitur euangelicus sermo etiam pro præterita & minima similitate, ac de exiguis causis oborta, satisfacere nos irascentibus iubet, quid de nobis miseris fiet, qui recentes & maximas causas nostrorum errore commissas, pertinaci dissimulatione contemnimus, & tumore diabolico inflati, dum humiliari erubescimus, auctores nos fraternę tristitię denegamus, ac rebelli spiritu subijci præceptis Domini dedignantes, nequaquam ea vel obseruari debere, vel impleri posse contendimus? Eoque sit ut iudicantes eum impossibilia vel incongrua præcepisse, efficiamur secundum Apostolum non factores, sed iudices legis.

Iacob. 4.

De

De his qui patientiā secularibus magis putant impendendam esse quam fratribus. Cap. XVII.

Illud quoque quibus lacrymis est deflendum, quod nonnulli fratrum cum fuerint contumelia cuiuslibet sermonis accensi, si alterius cuiuspiam qui eā lenire desiderat precibus fatigentur, cum audierint nequaquam debere aduersus fratrem concipi tenerive tristitiam, secundum illud quod scriptum est: Qui irascitur fratri suo, reus erit iudicio. &: Sol non occidat super iracundiam vestram; proclamant illico: Si paganus aliquis, si hoc secularis fecisset, aut ista dixisset, recte debuit sustineri, quis autem ferat fratrem tam grauis consciū culpæ, aut tam insolens de ore conuicium proferentem? Quasi vero patientia infidelibus tantum, atque sacrilegis, & non omnibus sit generaliter exhibenda; aut iracundia contra gentilem noxia, contra fratrem utilis æstimāda sit; cum vtiq̃ue perturbatæ mentis obstinata commotio, non dissimile, contra quemuis fuerit excitata, sibi inferat detrimentum. Quantæ autem obstinationis, immo quantæ vecordiæ est, vt nec ipsam verborum proprietatem brutæ mentis stupore discernat. Quia non dicitur: Omnis qui irascitur alienigenæ, reus erit iudicio, quod fortasse poterat secundum illorum sensum, consortes nostræ fidei & conuersationis excipere; sed significanter expressit euangelicus sermo, dicens: Omnis qui irascitur fratri suo, reus erit iudicio. Licet itaque secundum regulam veritatis omnem hominem fratrem debeamus accipere, tamen hoc in loco magis fidelis ac nostræ cōuersationis particeps quàm ethnicus ipso fratris vocabulo designatur.

*Matth. 5.
Ephes. 4.*

Matth. 5.

De his qui patientiam mentientes, ad iracundiam fratres silentio accendunt. Cap. XVIII.

Illud vero quale est, quod interdum patientes esse nos credimus, quia respondere cōtemnimus laceffiti, sed ita commotos fratres amara taciturnitate, vel motu gestuq̃ue irrisorio subsanamus, vt eos magis ad iracundiam vultu tacito prouocemus, quàm tumida potuissent incitare conuicia: in eo nos æstimantes minime apud Deum reos, quia nihil ore protulimus quod nos notare hominum iudicio aut condemnare potuisset? Quasi vero apud Deum verba tantum modo, & non præcipue voluntas vocetur in culpā, & opus solum peccati, non etiam votum ac propositum habeatur in crimine; aut hoc tantū quod vnusquisque fece-

rit

rit per loquelam, & non quod etiam per taciturnitatem facere studuerit, in iudicio sit quærendum. Non enim sola commotionis illatæ qualitas, sed etiam propositum irritantis in noxa est. Et idcirco non quemadmodum iurgium fuerit excitatum, sed cuius conflagrauerit vitio, verum iudicis nostri perquiret examen: † Effectus enim peccati, non ordo est considerandus admissi. Quid enim differt utrum quis gladio ipse peremerit fratrem, an aliqua ad mortem fraude compulerit, cum ipsius eū dolo vel crimine constet extinctum? Quasi vero cecum in præceps manu propria non impigisse sufficiat, cum similiter reus sit qui prouum & imminuentem iam fouet, cum potuerit reuocare contempserit; aut ille solus in crimine sit, qui manu sua quempiam laqueauerit, & non etiam is qui vel parauerit vel ingesserit laqueum, vel certe cum potuerit auferre noluerit. Ita igitur tacere nil prodest, si idcirco nobis indicamus silentium, ut quod agendum conuicio fuerat, hoc taciturnitate faciamus, † assimilantes quosdam gestus, quibus & ille quæ curari oportuit, iracundia vehementiori inardescat, & nos super hæc omnia damno illius ac perditione laudemur, quasi vero non etiam ex hoc ipso quis criminiosior sit, quod gloriam sibi de fratris voluerit perditione conquirere. Vtrique enim tale silentium erit æqualiter noxium: quia sicut exag-
al. Affe-
ctus.
al. assimi-
lantes.
Habac. 2.
Hiere. 9.
Ibid.
Psal. 54.
Prou. 26.
sec. lxx.
Hiere. 9.
 gerat in alterius corde tristitiam, ita in suo non permittit extinguī. Contra quos illa prophetæ satis proprie directa est maledictio: Væ qui potat amicum suum, mittens fel suum, & inebriās ut aspiciat nuditatē eius: repletus est ignominia pro gloria. Illud quoque quod per alium de talibus dicitur: Quia omnis frater supplantans supplantabit, & omnis amicus fraudulententer incedet, & vir fratrem suum deridebit, & veritatem non loquentur. Extenderunt enim linguam suam quasi arcum mendacij & non veritatis. Sæpe autem ficta patientia etiam acrius ad iracundiam, quam sermo succendit, & atrocissimas verborum transcendit iniurias maligna taciturnitas; leuiusq. tolerantur inimicorū vulnera quam irridentium subdola blandimenta. De quibus proprie dicitur per Prophetam: Molliti sunt sermones eius super oleum, & ipsi sunt iacula. Et alibi: Verba callidorum mollia, hæc autem feriunt in penetralia ventris. Quibus etiam illud potest eleganter aptari: In ore pacem cum amico suo loquitur, & occulte ponit ei insidias, quibus ta-
 men

men magis decipitur ipse qui decipit. Nam qui præparat ante faciem amici sui rete, circumdat illud pedibus suis. & Qui fodit foueam proximo suo, incidet in eam ipse. Denique cum magna ad comprehendendum Dominum cum gladijs & fustibus multitudo venisset, nemo in auctorem vitæ illo cruentior extitit parricida, qui cunctos ficto salutationis honore præueniens, osculum subdole charitatis ingessit. Cui Dominus: Iuda, inquit, osculo filium hominis tradis? Id est, amaritudo persecutionis atque odij tui hoc regmē assūpsit, quo dulcedo veri amoris exprimitur. Aperitius quoque ac vehementius per Prophetam vim huius doloris exaggerat: Quoniam si inimicus meus, inquit, maledixisset mihi, sustinuissem utique; & si is qui oderat me, aduersum me magna locutus fuisset, ac abscondissem me utique ab eo. Tu vero homo vnanimis, dux meus, & notus meus, qui simul mecum dulces capiebas cibos, in domo Dei ambulauimus cum consensu.

De his qui ex indignatione ieiunant. Cap. XI X.

Aliud quoque profanum tristitiæ genus est, quod dignū commemoratione non fuerat, nisi id a nonnullis fratribus sciremus admitti, qui cum tristificati fuerint vel irati, ab ipso etiam pertinaciter abstinēt cibo; ita ut (quod etiā dicere absque pudore non possumus) illi qui dum placidi sunt refectionem tibi vsque ad horam sextam, vel ut multū nonam, negant se posse differre, cum fuerint tristitia vel furore suppleti, ieiunia etiam biduana non sentiāt, tantamq. inediz defectionem iracundiæ satietate sustentent. In quo plane sacrilegij crimen euidenter incurrunt, ieiunia scilicet quæ soli Deo pro humiliatione cordis & purgatione vitiorum sunt specialiter offerenda, pro tumore diabolico tolerant. Quod tale est, ac si orationes atque sacrificia non Deo sed dæmonijs deferant, illamq. Mosaicam increpationem mereantur audire: Sacrificauerunt dæmonijs & non Deo, dijs quos ignorabant.

De quorundam simulata patientia, qui maxillam alteram ingerunt verberandam. Cap. XX.

Non ignoramus etiam aliud dementiæ genus, quod sub colore fucati patientiæ in nonnullis fratribus inuenitur, quibus parum est iurgia commouisse, nisi etiam instigatorijs verbis ut feriantur & irritent; cumq. vel leui fuerint impulsione contacti, aliam quoque partem corporis

*Prou. 29,
sec. lxx.
Prou. 26.
sec. lxx.
Matt. 26.*

Luc. 22.

Psal. 44.

1. Cor. 13.

Deut. 32.

*al. inui-
tent;
ris*

Matth. 5.

ris ingerunt verberandam, quasi per hoc perfectionē mandati illius impleturi, quo dicitur: Si quis te percusserit in dextram maxillā tuam, præbe illi & alteram; scripturæ vim ac propositum penitus ignorantes: euangelicā namque patientiam per iracundiæ vitium exercere se putant, ob quod radicitus excidendum, non solum vicissitudo talionis, & concertandi irritatio prohibetur, sed etiam furorem verberantis geminatæ iubemur iniuriæ tolerantia mitigare.

Interrogatio quemadmodum Christi mandatis obtemperantes euangelica perfectione fraudentur.

GERMANVS.

Cap. XXI.

Quomodo reprehendendus est is, qui præcepto euangelico satisfaciens, non solum nō intulit talionem, sed etiam paratus est, ut sibi geminetur iniuria?

Responsio quod Christus non solum facti, sed etiam voluntatis IOSEPH. inspector sit. Cap. XXI.

*al. adytis**Ibid.*

Sicut paulo ante dictum est, non solum res ipsa, quæ geritur, sed etiam qualitas mentis & propositum facientis est intuendum. Et idcirco si id, quod ab vnoquoque perficitur, quo animo fiat, vel quo procedat affectu, intimo perpendatis cordis examine, videbitis patientiæ lenitatisque virtutem nequaquam posse contrario spiritu, id est, impatientiæ ac furoris impleri. Siquidem Dominus noster atque Saluator ad profundam nos instruens patientiæ lenitatisque virtutem, id est, ut non labijs eam tantummodo præferamus, sed ut in intimis animæ nostræ † abditis recondamus, istam nobis perfectionis euangelicæ formulam dedit, dicens: Si quis te percusserit in dextram maxillam tuam, præbe illi & alterā; subauditur sine dubio, dextram. Quæ alia dextra, nisi interioris hominis, ut ita dixerim, facies accipi potest? Per hoc omnem penitus iracundiæ fomitem de profundis cupiens animæ penetralibus extirpare, id est, ut si exterior dextera tua impetum ferientis exceperit, interior quoque homo per humilitatis assensum dextrā suam præbeat verberandam, compatiens exterioris hominis passioni, & quodammodo succumbens atque subijciens suū corpus ferientis iniuriæ, ne exterioris hominis cedere vel tacitus moueatur interior. Videtis ergo longe eos ab euangelica perfectione distare, quæ patientiam docet, non verbis, sed interiore cordis tranquillitate seruandam, eamque a nobis cum quid aduersi euenerit ita præcipit custodiri, ut non solum

solum nosmetipsos alienos ab iracundię perturbatione ser-
uamus, sed etiam illos, qui suo cōmoti sunt vitio, succum-
bentes iniurijs eorum ad placiditatem expleta cōdis satie-
tate cogamus, furorem eorum nostra lenitate vincentes. Et
ita etiam apostolicum illud implebimus: Noli vinci a ma-
lo, sed vince in bono malo. Quod ab illis impleri nō pos-
se certissimum est, qui illo spiritu ac tumore verba humili-
tatis ac lenitatis emittunt, vt non solum non mitigent con-
ceptum furoris incendiū, sed magis illud tam in suo quā
in fratris commoti sensu faciant conflagrare, qui tamen
etiam si possent aliquo modo ipsi mites ac placidi perma-
nere, nec sic quidem aliquos iustitię caperent fructus, cum
dāno proximi patientię sibi gloriā vindicantes, & per hoc
ab illa apostolica charitate omnimodis alieni, quę non
querit quę sua sunt, sed ea quę aliorum. non enim ita di-
uicias concupiscit, vt lucrum sibi de proximi faciat detri-
mēto, nec acquirere quidquā cū alterius desiderat nuditate.

Rom. 12.

1. Cor. 13

*Quod ille sit fortis & sanus qui succumbit alterius
voluntati. Cap. XXIII.*

SCiendum sane generaliter illū partes agere fortiores, qui
volūtati fratris suam subijcit voluntatem, quā eū qui
in defendendis suis definitionibus ac tenendis pertinacior
inuenitur. Ille enim sustentans ac tolerans proximū sani ac
validi, hic autem infirmi quodammodo & ægrotantis obti-
net locum, quem ita palpari necesse est ac foueri, vt interdū
etiā a rebus necessarijs pro eius quiete ac pace salubre sit al-
iquid relaxari. In quo quidē non se credat quis aliquid de
sua perfectione minuisse, tamen quiddam de proposita di-
strictione cōdescendendo submiserit, sed e contrario multo
amplius se pro longanimitatis & patientię bono nouerit
acquisisse. Apostolicū namque præceptū est: Vos qui fortes
estis, imbecillitates infirmorum sustinete. &: Alterutrum
onera vestra portate, & sic adimplebitis legē Christi. Num-
quam enim infirmus sustentat infirmum, nec tolerare po-
terit, aut curare languentē is qui simul ægrotat, sed ille me-
delam tribuit imbecillo, qui imbecillitati ipse non subiaceret.
Merito enim ei dicitur: Medice, cura teipsum.

Rom. 15.

Galat. 6.

Luc. 4.

*Quod infirmi iniuriosi sint, & iniurias ferro non
possint. Cap. XXIV.*

NOtandum etiam illud est, infirmorum naturam esse
semper eiusmodi, vt prompti quidem ac faciles sint ad
con-

contumelias ingerendas, & iurgia conferenda, ipsi vero ne minima quidem iniuriæ velint suspitione contingi; cumq. inferētes proterua conuicia incōsiderata superēquiterent libertate, ne parua quidem atque leuissima sustinere contenti sunt. Ideoq. secundum prædictam seniorum sententiam, charitas stabilis atque indurpita non poterit perdurare, nisi inter viros eiusdem virtutis atque propositi. Scindi etenim necesse est eam quocumque tempore, quantalibet fuerit cautione ab altero custodita.

Interrogatio quomodo fortis sit qui non semper sustentat
 GERMANVS. *infirmum. Cap. XXV.*

IN quo ergo laudabilis perfecti viri potest esse patientia, si tolerare non valet semper infirmum?

Responsio quod infirmus se non sinat sustentari.

IOSEPH. *Cap. XXVI.*

NEc ego dixi quòd illius qui fortis est ac robustus, virtus tolerantiæq. vincenda sit, sed quòd infirmi pessima valitudo, illius qui sanus est sustentatione nutrita, atque in deterius quotidie prolabens generatura sit causas ob quas vel ipse vltra non debeat sustineri, vel certe patientiā proximi notam, ac deformationem impatientiæ suæ esse coniiciens, abire quādoque malit, quā magnanimitate semper alterius sustineri. Hæc ergo ab his qui sodalitatē affectum cupiunt inuolabilem custodire, præ omnibus obseruanda censemus, vt primum quibuscumque iniurijs laceretur non solum labia, sed etiam profunda pectoris sui monachus tranquilla custodiat, quæ tamen si vel tenuiter senserit fuisse turbata, omni semetipsum taciturnitate contineat, & illud quod Psalmista commemorat diligenter obseruet: Turbatus sum, & non sum locutus. &: Dixi, custodiam vias meas, vt non delinquam in lingua mea; posui ori meo custodiam dum consisteret peccator aduersum me; obmutui & humiliatus sum, & filii a bonis: nec præsentem considerans statum, ea proferat quæ ad horam turbulentus suggerit furor dictatq. animus asperatus, sed vel præteritæ charitatis recolat gratiam, vel reformandæ pacis redintegrationem mente perspiciat; eamq. velut continuo reuersurā, etiam in ipso commotionis tempore contempletur. Dumq. se ad dulcedinem seruat concordie mox futuræ, amaritudinem præsentium non sentiet iurgiorum, & ea potissimum respondebit, e quibus vel a semetipso reus fieri, vel

ab

Psal. 76.

Psal. 39.

ab alio reprehendi restituta charitate nō possit, sicq. adimplebit propheticum illud eloquium: In ira misericordiæ *Habac. 3.* memor eris.

Quomodo sit iracundia comprimenda. Cap. XXVII.

Cohibere ergo nos oportet omnes iracundiæ motus, & discretionē gubernatricē moderari, ne in illud quod a Salomōne damnatur, præcipiti furore raptemur: Totam *Prou. 29. sec. lxx.* iram suam profert stultus, sapiens autem dispensat per partes, id est, stultus quidem ad ultionem sui iræ perturbatione succenditur, sapiens autem paulatim eam maturitate consilij ac moderationis extenuat, & expellit. Tale est & illud, quod ab Apostolo dicitur: Non vosmetipsos vindicantes charissimi, sed date locum iræ. id est, nequaquam ad vindictam iracundia cogente tendatis, sed date locum iræ: hoc est, non sint corda vestra sic impatientiæ ac pusillanimitatis angustijs coartata, vt violentam commotionis procellam cum irruerit sustinere non possint; sed dilatamini in cordibus vestris, suscipientes aduersos iracundiæ fluctus in illis extentis sinibus charitatis, quæ omnia suffert, omnia sustinet. & ita mens vestra amplitudine longanimitatis ac patientiæ dilatata, habeat in se consiliorum salutares recessus, in quibus receptus quodammodo atque diffusus teterrimus iracundiæ fumus, protinus euanescat. Vel certe ita intelligendum est: Damus locum iræ quotiens commotioni alterius humili atque tranquilla mente succumbimus, & quodammodo dignos nos qualibet iniuria profitentes, impatientiæ sauiensis obsequimur. Ceterum hi qui ita sensum apostolicæ perfectionis inclinant, vt locum iræ illos dare existiment, qui ab irascente discedunt, videntur mihi dissensionum fomitem nō abscidere, sed nutrire. Nisi enim iracundia proximi humili statim satisfactione vincatur, prouocat eam fugiens potius quàm declinat. Illud quoque huic simile est, quod Salomon ait: Noli festinare in spiritu tuo irasci, quia ira in sinu insipientium requiescit. & : Noli procurrare in rixam cito, ne poeniteat te in nouissimo. Neque enim ita festinationē rixæ vel iracundiæ culpat, vt earundem approbet tarditatē. Similiter & illud suscipiendū est: Stultus eadem ipsa hora pronuntiat irā suam, occultat autem ignominiam suam astutus. Nō enim ignominiosam iracundiæ passionē ira a sapientibus occultari, debere decernit, vt iracundiæ velocitatem culpās, non

Psal. 118.
Ibid.

Prov. 14.
sec lxx.

3. Reg. 4.

prohibeat tarditatem, quam utique si per necessitatem humanæ infirmitatis irruerit ideo censuit occultandam, ut dum ad præsens sapienter obtegitur, in perpetuum deleatur. Hæc enim natura est iræ, ut dilata languescat & pereat, prolata vero magis magisque conflagret. Dilatanda ergo atque amplianda sunt pectora, ne angustijs pusillanimitatis artata, iracundiæ turbulentis æstibus oppleantur, & recipere, secundum Prophetam, illud nimis latum mandatū Dei angusto corde nequeamus, nec dicere cum Propheta: Viam mandatorum tuorum cucurri, cum dilatares cor meum. Nam quia longanimitas sapientia sit, evidentissimis scripturæ testimonijs edocemur: Longanimis enim vir nimis in prudentia, pusillanimis autem valde insipiens est. Et idcirco de illo qui sapientiæ donum laudabiliter a Domino postulavit, scriptura commemorat: Et dedit Dominus Salomoni sapientiam prudentiamque multam nimis, & latitudinem cordis quasi arenam maris innumerabilem.

Amicitias coniuratione initas, firmas esse non posse.

Cap. XXVIII.

sup. cap. 5

Illud quoque multis experimentis est sepiissime cōprobatum, nullo modo eos qui amicitiarum fœdus coniurationis iniere principio, indurptam potuisse servare concordiam, siue quòd eam non pro desiderio perfectionis, nec pro apostolicæ charitatis imperio, sed pro amore terreno, & per necessitatem ac vinculum pacti retinere conati sunt, siue quòd ille callidissimus inimicus ut eos prævaricatores sui faciat sacramenti, celerius ad irrumpenda amicitiarum vincla præcipitat. Certissima ergo est prudentissimorum virorum illa sententia, Veram concordiam & indiuiduam societatem, nisi inter emendatos mores, eiusdemque virtutis ac propositi viros stare non posse. Hæc de amicitia beatus Ioseph spiritali narratione disseruit, nosque ad custodiendam fœderalitatis perpetuam charitatem ardentius incitavit.

COLLATIONIS PRIMÆ
abbatis Ioseph de Ami-
citia, Finis.

COLLA-

COLLATIO XVII. QVAE EST SECVNDA ABBATIS

I O S E P H

DE DEFINIENDO

De vigilijs quas pertulimus. Cap. I.

RAECEDENTE igitur collatione finita, pariterq. nocturno intercedente silentio cū fuisset a sancto abbate Ioseph ad sepositam cellulam causa quietis adducti, & sermonibus eius igne quodā in nostris cordibus excitato, totam noctem habuisset infomnem, egressi cellam, & centum fere ab ea passibus secedentes, in loco remotiore confedimus. Cum itaque secreti colloquij nobis familiariter etiam nocturnis tenebris oportunitas preberetur, illico vt resedimus abbas Germanus grauiter ingemiscens.

De abbatis Germani anxietate super sponsionis nostrae recordatione. Cap. II.

Quid agimus, inquit? Ingenti namque discrimine nos videmus, & perquam miserabili cōdicionē constri-ctos, quos & ratio ipsa conuersatioq. sanctorum quid salubrius sit ad profectum vitę spiritualis efficaciter docet, & eligere id quod expedit, data senioribus sponsio non admittit. Etenim potuimus exemplis talium ac tantorum virorum ad perfectiorem vitā propositumq. formari, nisi nos instanter ad cœnobium recurrere promissi pactio coartaret. Quo si reuersi fuerimus, nulla nobis copia vltius remeādi tribuetur. Sin vero hic residentes desiderium nostrum maluerimus explere, quid agimus de spōsionis fide, quam senioribus nostris velocissimum reditum pollicētes dedisse nos nouimus, vt vel cursim liceret nobis huius prouincię sanctos ac monasteria circumire? Cumq. sic estuantes quid super statu salutis nostrę definiendum esset, nequaquam inuenire possemus, solo gemitu testabamur durissimę condicionis necessitatem, accusantes teneritudinem frontis nostrę, & ingenitam nobis verecundiam detestamur.

stantes, cuius onere prægrauati, etiam contra utilitatem ac propositum nostrum, retinentium precibus alias non potuissimus obistere, nisi maturissimo reditu repromissio illius scilicet nos pudoris vitio laborasse deficientes, de quo

Prov. 26. dicitur: Est pudor afferens peccatum.

sec. lxx.

Quid mihi ad hoc visum sit. Cap. III.

TVm ego: Compendium, inquã, anguoribus afferat nostris consilium, immo auctoritas senis, ad quem oportet ut nostras sollicitudines deferamus; & quidquid fuerit eius sententia definitum, velut diuinum & celeste responsum cunctis æstibus nostris terminum ponat. Quod quidem nobis per os sancti huius a Domino tribuendum, & ob illius meritum & ob nostram fidem minime dubitemus. Ipsius enim munere salubre consilium & creduli ab indignis, & increduli a sanctis frequenter adepti sunt, Domino id vel propter meritum respondentium, vel propter fidem consulentium largiente. His itaque sermonibus a sancto abbate Germano ea alacritate susceptis, ac si eos non a memetipso, sed instinctu Domini protulissem, aduentum senis atque instantem iam horam nocturnæ synaxeos paululum præstolari, postquam eum solita salutatione suscepimus, & legitimus orationum atque psalmorum impletus est numerus, iisdem rursus quibus ad quietem compositi fueraimus psalthis ex more consedimus.

Interrogatio abbatis Ioseph, nostraq. responsio, unde anxietas emerisset. Cap. IV.

TVm venerabilis Ioseph deiectiones nos animo contemplantus, atque hoc nobis non sine causa coniiciens accidisse, illo nos patriarchæ Ioseph sermone compellat: *Quid vtrique vultus vestri tristes sunt hodie? Cui nos, non sicut vinculari illi Pharaonis ministri; Somnium vidimus, & qui interpretetur non est, sed: Infomnem, inquam, duximus noctem, & qui æstuum nostrorum moles subleuet, non est, nisi eas Dominus tua discretionem submouerit. Tum ille qui patriarchæ virtutem & merito referret & nomine: Nonne per Dominum, inquit, est humanarum cogitationum curatio? Proferantur in medium; potens est enim diuina clementia secundum fidem vestram nostro eis medelam præbere consilio.*

Gen. 40.
Ibid.

Expo-

*Expositio abbatis Germani cur vel in Ægypto residere malle-
mus, vel retraheremur ad Syriam. Cap. V.*

AD hæc Germanus: Credebamus, inquit, nos vestræ beatitudinis visione non solū lætitia spiritali, sed etiā profectū abunde repletos, ad nostrum cœnobium recursuros, & ea, quæ fuisset vestro magisterio consecuti, a nobis post reditum vel tenui æmulatione sectanda. Hoc enim & seniorum nostrorum dilectio sibi spondere nos compulit, dum sublimitatem vitæ vestræ atque doctrinæ posse nos aliquatenus imitari in illo cœnobio crederemus. Vnde cū ex hoc nobis omnem æstimaremus lætitiā conferendam, intolerabili econtrario dolore conficimur, considerantes illo nos ordine id quod salutare nobis esse cognoscimus obtinere non posse. Ex utroque ergo nunc latere coartamur. Si enim promissioni, quam coram cunctis fratribus in spe-
læo, in quo Dominus noster ex aula vteri virginalis effulsit, ipso teste deprompsimus, satisfacere voluerimus, summum spiritalis vitæ detrimentum incurrimus. Sin autem sponsionis immemores, & in his regionibus residentes, vilitati perfectionis nostræ illam voluerimus postponere pactionem, abrupta mendacij pericula formidamus. Sed ne hoc quidem æstus nostros possumus releuare consilio, ut postquam velocissimo reditu sponsionis fuerit impleta condicio, hæc denuo loca celerī petamus recursu. Nam quamuis ad profectum spiritalium rerum, virtutemq. tendentibus periculosa ac noxia sit etiam parua dilatio, tamen pollicitationem fidei nostræ quamuis moroso reditu solueremus, nisi nos non solum auctoritate, verum etiam charitate seniorum nostrorū sciremus inextorsibiliter colligandos, ita ut remeandi ad hæc loca nobis potestas deinceps nullo modo tribuatur.

*Interrogatio abbatis Ioseph an in Ægypto maior profectus
nobis, quàm in Syria conferretur.*

Cap. VI.

AD hæc beatus Ioseph, interposito aliquantis per silentio: Certi, inquit, estis maiorem spiritalium rerū profectum in regione hac vobis posse conferri?

Responsio de differentia institutionum utriusque

GERMANVS. *prouincia. Cap. VII.*

QUamuis etiam illorum doctrinæ summas grates rependere debeamus, qui nos docuerunt a paruulis

magna conari, & dato boni sui gustu, egregiam perfectionis litim nostris visceribus indiderunt, si quid tamen iudicio nostro creditur, nullam ducimus comparationem inter hæc atque illa, quæ illic percepimus instituta; ut scileamus conuersationis vestræ inimitabilem puritatem, quam vobis non solum mentis ac propositi distinctione, sed etiam locorum credimus beneficio patrocinante conferri. Vnde non dubitamus ad imitandam perfectionis vestræ magnificentiam, hanc, quæ cursim traditur, doctrinam non posse sufficere, nisi nobis etiam commorationis ipsius affuerint adiumenta; longiq. temporis eruditio quotidiana institutione torporem nostri cordis utcumque discullent.

Quod perfecti viri nihil absolute debeant definire, vel utrum sine peccato possint definita rescindere.

IOSEPH.

Cap. VIII.

Sanum quidem est atque perfectum, nostræq. professioni omnino conueniens, ut ea quæ sub aliqua sponsione decernimus, efficaciter impleamus. Ob quâ rem nihil oportet abrupte monachum definire, ne aut id quod incaute promittit implere cogatur, aut consideratione honestioris intuitus reuocatus, sponsionis suæ præuaricator existat. Sed quia nunc propositum nobis est, non tam de sanitatis statu quam de infirmitatis curatione tractare, non quid priore loco a vobis fuerat actitadum, sed quem admodum de scopulo huius perniciosi naufragij possitis euadere salubri est consilio requirendum. Quando igitur nullum nos coartat vinculum, nulla condicio constringit, de comparatione secunda & rerum oprione proposita, id quod maioris est cōmodi præeligatur; quâdo vero aliqua dispendiorum obsistit aduersitas, in comparatione damnorum illud est appetendum quod leuioribus subiacet detrimentis, ut a quodam dictum est: De maximis malis minima deligas. Proinde quantum vestra patetefacit assertio, cum ad id vos loci sponsio inconsulta perduxerit, ut ex utroque vobis grauis incommodi subeunda iactura sit, in eâ partē inclinandum est electionis arbitrium, quæ vel tolerabiliora dispendia inferat, vel satisfactionis remedio facilius expietur. Si ergo maiora spiritui vestro lucra ex hac commoratione creditis conferenda, quàm illa sunt quæ vobis de cōuersatione illius cœnobij nascebantur, neque sine iactura ingentium commodorum potest condicio vestræ sponsionis impleri, satius est hoc vos mendacij vel non im-

impletę promissionis subire dispendium, quod semel præteritum nec ipsum ultra iam repeti, nec alia per semet poterit generare peccata, quam in illud incidere, per quod tepidioris vitæ, ut dicitis, status, quotidiano vos atque interminabili afficiat detrimento. Veniabiliter enim, immo vero etiam laudabiliter desuasio incauta mutabitur, si ad salubriorem transeat partem; nec constantiæ præuaticatio, sed temeritatis emendatio esse credenda est, quotiens sponsio vitiosa corrigitur. Quæ omnia scripturarum quoque possunt testimonijs apertissime comprobari, quam multis etiã letaliter cesserit statuta complere, & e contrario quàm multis eadem refugisse commodum fuerit ac salubre.

Quod plerumque utilius sit statuta dirumpere, quam implere. Cap. IX.

Quod utrumque liquidissime sancti Apostoli Petri, & Iudæ traditoris exempla testantur. Ille enim quia discessit ab inconsulte definitionis sententiâ qua dixerat: Non mihi lauabis pedes in æternũ; immortale Christi omniumq. sanctorum consortium promeretur: abscondendus proculdubio ab huius beatitudinis gratia, si in sermonis sui obstinatione mansisset. hic uero pertinaciam suam retinens sponsionis, perpetua morte damnatur: qua fuisset proculdubio liberatus, si definitionis suæ maluisset destitutor potius quàm priuax inueniri. Quod in illis quoque duobus filijs, qui in Euangelio ad operationem vineæ destinantur, euidentissime perdocemur. quorũ vnus patris resistit imperio, alius prona responsione cõsentit. Sed nec illi profuit humilis obsecundaq. respõsio, quia præceptũ patris opere detrectauit implere, nec illi refragatio iussionis obsuit, eo quod statuti sermonis obstinatione mutata, scopõ patris operis executione cõpleuit, & id quod reprehensibiliter statuerat, definitione correctâ laudabiliter emendauit. Neenon & Herodis cruentissimi regis exemplum, qui fidẽ inconsulte retinens sacramenti, cruentissimus Præcursoris Domini exitit interemptor, vanoq. timore periurij damnationi semetipsum atque supplicijs perpetuæ mortis immergit. Primum etenim est optima statuere; quod si aliter cesserit, sequens est in melius ea quæ sunt statuta mutare, ordinationibusq. nostris iam iacentibus, ut ita dixerim, dexteram manum porrigere. Vbi principia consilij non approbantur, prudentia est, ut utili prouisione addita reparentur;

Ioan. 13.

Matt. 21.

Matt. 14.

Si ad prima statuta claudicat dispositio, adhibeatur ad secunda correctio. In omnibus ergo rebus considerandus est finis, & secundum eum propositi nostri dirigendus est cursus; quem si superueniente salubriore consilio ad deteriorem partem vergere viderimus, rectius est incongrua constitutione submota, ad meliorem transire sententiam, quàm statutis pertinaciter inhaerendo, peccatis grauioribus obligari.

Interrogatio nostra de metu præbita in cœnobio Syria

GERMANVS. *sponsionis. Cap. X.*

Quantum spectat ad desiderium nostrum, quod a nobis pro spiritalis commodi vtilitate susceptum est, optaremus ædificari vestri iugitate consortij. Si enim ad cœnobium nostrum fuerimus reuersi, non solum nos ab hoc tam sublimi proposito relapsuros, sed etiam pro mediocritate conuersationis illius, multis certum est dispendijs quatiendus. Verum illud nos euangelicum mandatum *Matth. 5.* vehemèter absterret: Sit sermo vester, est, est; non, nō: quod autem his abundantius est, a malo est. Credimus enim tanti transgressionem præcepti nulla posse iustitia compensari, nec in extremis recte cedere, quod malo initio semel fuerit inchoatum.

Responsio quod propositum gerentis, non negotij sit considerandus effectus. Cap. XI.

In omnibus, vt diximus, causis non processus operis, sed voluntas operantis est intuenda; nec statim quid quis egerit, sed quo voto egerit inquirendum, ita vt nonnullos pro his factis, de quibus bona postea orta sunt, reperiamus fuisse damnatos; & e contrario quosdam per reprehensibiles actus ad summam peruenisse iustitiam. Et nec illi vtilis rerum exitus profuit, qui pessimo rem aggressus proposito, non illam quæ subsequuta est vtilitatem, sed quiddā contrarium voluit operari; nec huic nocuit reprehensibiliter inchoasse, qui non pro contemptu Dei, nec delinquendi proposito, sed necessarij & sancti finis intuitu, vituperabilis initij necessitatem sustinuit.

Quod boni prouentus malignis auctoribus non profuerint, nec bonis mala gesta nocuerint. Cap. XII.

Et vt hæc eadem sanctarum scripturarum dilucidemus exemplis; quid salubrius, quidve vtilius vniuerso orbi potuit procurari, quàm Dominicæ passionis salutare remedium?

dium ? Et tamen non solum non profuit, verumetiam in tantum illi obfuit traditori, cuius ministerio probatur impletum, ut absolute pronuntietur de illo: Bonum erat ei, si natus non fuisset homo ille. Nō enim secundum hoc quod euenit, fructus illi est sui operis repensandus, sed secundum id quod facere voluit, vel effecturum esse se credidit. Et rursus, quid criminolius dolo atque mendacio, etiam in extraneum, ne dixerim in germanum fratrem commisso? Et tamen non solum nullam pro his damnationem aut reprehensionem Iacob patriarcha contraxit, verumetiam perpetua benedictionis hereditate ditatus est. Nec immerito, quia & iste benedictionem primogenito destinata, non ex præsentis lucri auaritia, sed ex fide sanctificationis perpetuæ concupiuit; & ille non humanæ salutis obtentu, sed philargyriæ crimine morti tradidit omnium redemptorem. Et idcirco utrique eorum fructus operationis suæ secundum destinationem mentis ac propositum voluntatis adscriptus est, quia nec ille fraudem, nec iste salutem statuit operari. Illud enim pro retributione mercedis iuste unicuique repensatur, quod principaliter mente conceperit, non quod exinde bene vel male contra votum operantis emerferit. Ideoq. iustissimus iudex excusabilem, immo laudabilem talis mendacij censuit præsumptorem, quia sine eo ad benedictionem primitivorum non poterat peruenire. Nec debuit in crimen vocari, quod desiderio benedictionis exortum est. Alioquin non modo iniquus in fratrem patriarcha prædictus, sed etiam circumuentor in patrem, & sacrilegus extitisset, si habens aliam viam, qua ad benedictionis illius gratiam perueniret, hanc quæ fratri damnosa esset ac noxia expetere maluisset. Videtis ergo apud Deum non processum operis, sed destinationem mentis inquiri. His itaque præstructis, ut ad propositam quæstionem ob quam hæc vniuersa præmissa sunt reuertamur, respondeatis mihi primitus velim, cuius rei causa vos illius sponfionis nexibus vinceritis.

Responsio nostra, qua causa a nobis exegerit sponfionem.

GERMANVS.

Cap. XIII.

PRima, ut diximus, extitit causa, quia nostros mæstificare seniores ac præceptis eorum oblistere verebamur. Secunda, quia siquid perfectum atque magnificū, vel visu, vel

Matt. 26.

Gen. 27.

vel auditu percepissemus a vobis, cum reuersi ad cœnobium fuissetis, exercere nos posse inconsultissima persuasione credidimus.

Disputatio senis, quod sine culpa actionis ordo mutetur, dum IOSEPH. modo boni studij capiatur effectus. Cap. XIV.

Rom. 2. Sicut præfati sumus, destinatio mentis vel remunerat hominem, vel condemnat, secundum illud. Er inter se inuicem cogitationibus accusantibus, aut etiam defendentibus, in die qua iudicabit Deus occulta hominum. Illud

Esaï. 66. etiam. Ego autem opera & cogitationes eorum venio ut congregem cum omnibus gentibus & linguis. Quamobrem desiderio perfectionis, ut video, hoc vos sponsionis vinculo colligastis; dum credidistis illo eam posse ordine comprehendere, quo nunc superueniente pleniore iudicio, ad sublimitatem eius conscendi non posse perspiciris. Non ergo præiudicat quidquid discrepans ab illa dispositione visum fuerit accidisse, si modo nulla principalis illius propositi diuersitas subsequatur. Neque enim opificij cuiusquam desertio est, demutatio ferramenti, aut segnitiei arguit viatoris, vitæ compendiosioris ac directioris electio. Ita igitur & in hac parte emendatio dispositionis improquidæ, non spiritalis voti est iudicanda transgressio. Quidquid enim pro

1. Tim. 4. charitate Dei & pietatis amore perficitur, quæ promissionem habet vitæ quæ nunc est, & futuræ, tametsi duris atque aduersis videatur principiis inchoare, non solum nulla reprehensione, sed etiam laude dignissimum est. Et ideo nihil præiudicat refragatio sponsionis incautæ, si quolibet genere scopos tantum, id est, proposita pietatis destinatio teneatur. Omnia namque ob hoc agimus, ut Deo cor mundum exhibere possimus; cuius consummatio si in his locis facilius iudicatur, nihil vobis oberit extortæ mutatio passionis, dum modo principalis illius perfectio puritatis, pro qua sponsio vestra processerat, secundum Domini voluntatem maturius acquiratur. Non enim ex hac immutatione ullum potest iudicari mendacium, sed inconsultæ destinationis prudens salutarisq. correctio. Et ut etiam de physicis, quod nodum propositæ quæstionis absoluat aliquid inferamus, natura ipsa in nobis opera sua de consilio diuinæ maiestatis immutat. Nam de infantia in pueritiam, de pueritia in iuuentam, de iuuenta in senectutis vltiora transferimur, atque ita hæc in nobis conditoris nostri peragunt

git consummatio, vt ex hac permutatione nullum mendacium adscribatur ætati. Ita etiam interior homo noster ab lactatus a primordiorū tenerrimis institutis, cum per diuersas proiectus ætates ad robustiorem de vnaquaque profecerit, atque exinde ad canitiem sensuum, ac virum perfectū *Ephes. 4.* & mensuram ætatis plenitudinis Christi perueniens, deposuerit ea quæ erant paruuli, numquid varietatem incurrisse mendacij, & non potius perfectionis plenitudinem consecutus esse credendus est? Sic rudimenta veteris instrumenti, dispensatione legislatoris Dei, ad perfectionem beatitudinis euangelicæ transferuntur, nec tamen ex hoc immutatio aut diuersitas præteritæ sanctionis interuenisse credenda est, sed adimpletio & cumulus sublimiorum & celestium præceptorum: nec sacra promulgationis illius æstimanda est abolitio, sed ascensus, nec varietas, sed profectus. Vnde & Dominus noster: Nolite, inquit, æstimare *Matth. 5.* quòd veni soluere legem aut prophetas; non veni soluere, sed adimplere; id est, non antiquare priora, sed ad perfectionem imperfecta perducere.

Interrogatio an absque peccato sit, quod infirmis nostra conscientia occasionem ingerit mentiendi.

GERMANVS.

Cap. XV.

Quantum spectat ad vim sermonum, qui rationabiliter prudenterq. digesti sunt, haud difficile sponsonis nostræ scrupulus a nobis potuisset extrudi, nisi illud nos vehemētissime deterretet, quod infirmioribus quibusque intromitti fortasse per hæc videtur exēpla occasio mentiendi, si vllō modo pacti fidem dissolui posse cognouerint; quippe cum tantis hoc ipsum & tam minacibus interdicatorum eloquijs, Propheta dicente: Perdes omnes qui loquuntur mendaciū. & Os quod mentitur, occidit animam. *Psal. 5.* *Sap. 1.* *Responso, quod nō propter infirmorum scandalum, scripturarū* IOSEPH. *veritas sit mutanda. Cap. XVI.*

Occasionis causæq. perditionum his, qui perituri sunt, immo qui perire desiderant, deesse non possunt. Neque enim abijcienda sunt testimonia scripturarū, ac de suo corpore penitus abradenda, quibus vel hæreticorum prauitas animatur, vel Iudæorum infidelitas obduratur; vel tumor sapiētiae gentilis offenditur; sed vtique & pie credenda & immobiliter sunt tenenda, & secundum veritatis regulam prædicanda. Et idcirco non debemus alienæ infidelit-

delitatis obtentu *ἀντροπίας*, id est, dispensationes prophetarum atque sanctorum, quas scriptura commemorat abdicare, ne dum infirmitati eorum condescendete debere nos credimus, non solum mendacij, verum etiam sacrilegij crimine polluamur; sed quemadmodum diximus, oportet nos ea, & secundum historiam confiteri, & quemadmodum pie gesta sunt explanate. Ceterum his, qui pravi propositi sunt, non ex hoc mētiendi aditus obstruetur, si earum rerū quas vel prolaturi sumus, vel protulimus veritatem, aut penitus abnegare, aut extenuare allegoricis interpretationibus laboremus. Quid enim illis horum testimoniorum nocebit auctoritas, quibus etiam sola corruptio sufficit voluntatis?

Quod venialiter mendacio sancti tamquam helleboro usi sint.

Cap. XVII.

ITaque taliter de mendacio sentiendū, atque ita eō vtendū est, quasi natura ei insit hellebori. Quod si imminente exitiali morbo sumptum fuerit, sit salubre, ceterum absque summi discriminis necessitate perceptū præsens exitij est. Ita namque etiā sanctos ac probatissimos Deo viros venialiter legimus vfos fuisse mendacio, sicut Rhaab, cuius cum non solum nulla virtutum, sed etiam impudicitiae monimenta scriptura commemoret, pro tali mēdacio quo exploratores maluit occultare quā prode, admisceri populo Dei æterna benedictione promeruit. *Quæ* si veritatem loqui, aut saluti ciuium consulere maluisset, nulli dubium, quod nec iminentem cum vniuersa domo sua fugisset interitum, nec auctoribus Dominicæ natiuitatis inserta, & in patriarcharum annumerata catalogo, per successionem suæ prolis edere meruisset omnium Saluatorum. Denique *Dalida* quæ vilitati ciuium consulens exploratam prodidit veritatem, perpetuæ perditionis vicissitudinem consecuta, solam criminis sui cunctis memoriam dereliquit. Quando igitur graue aliquod imminet de veritatis confessione discrimen, tunc mendaciorum sunt recipienda perfugia, ita tamen vt reatu humilis conscientiae salubriter mordeamur. Vbi autem nulla condicio summæ necessitatis incumbit, omni cautione mendacium velut mortiferū deuitandum est, quemadmodum de hellebori diximus potu, quod salubre est quidem, si tunc demum sumatur, cum ineuitabilis atque mortifera imminet aggritudo: sin. vero in-

tegra

tegra & imperturbata corporis sanitate sumatur, statim ad præoccupanda vitalia vis pernicioſa pertendit. Quod de *Iosu. 2.*
 Rhaab Hierichontia, & de Iacob patriarcha euidenter *Gen. 27.*
 ostensum est, e quibus nec illa mortem aliâs quàm hoc reme-
 dio potuissent euadere, nec iste ad benedictionem primo-
 geniti peruenire. Non enim Deus verborum tantum actûq.
 nostrorum discusſor & iudex, sed etiam propositi ac de-
 ſtinationis inſpector eſt. Qui ſi quid cauſa ſalutis æternæ
 ac diuinæ contemplationis intuitu, ab vnoquoque vel
 factum viderit vel promiſſum, tametiſi hominibus durum
 atque iniquum eſſe videatur, ille tamen intimam cordis in-
 ſpiciens pietatem, non verborum ſonum, ſed votum diju-
 dicat voluntatis; quia ſinis operis & affectus consideran-
 dus eſt perpetrantis, quo potuerunt quidam, vt ſupra dictû
 eſt, etiam per mendacium iuſtificari, & alij per veritatis
 aſſertionem peccatum perpetuæ mortis incurrere. Ad quem
 ſinem etiam Iacob patriarcha reſpiciens, hiſpidam fraterni
 corporis ſpeciem, obuolutione pellium ſimulare non ti-
 muit, & inſtiganti ad hoc mendacium matri laudabiliter
 acquieuit. Videbat enim ex hoc maiora ſibi lucra benedi-
 ctionis atque iuſtitie, quàm per ſimplicitatis obſeruantiam
 conferenda. Non enim dubitabat mendacij huius macu-
 lam inundatione paternæ benedictionis protinus abluen-
 dam, & velut nubeculam quandam ſtatu Spiritus ſancti ve-
 lociter abſumendam, atque vberiora ſibi per hanc affecta-
 titiam ſimulationem, quam per illam ingenitam veritatem
 meritorum præmia conferenda.

Ibid.

Obiectio, quod illi tantum impune mendacio uſi ſint, qui ſub
 GERMANVS. *lege vixerunt. Cap. XVIII.*

NON mirum eſt has diſpenſationes in veteri testamen-
 to licentius uſurpatas, ac nonnumquam viros ſan-
 ctos veniabiliter fuiſſe mentitos, cum multo maiora eis
 pro temporum rudimentis licuiſſe videamus. Cur enim
 mirum ſit, quòd beatus Dauid fugiens Saulem, percon-
 tanti Achimelech ſacerdoti atque dicenti: Quare tu ſo-
 lus, & nullus eſt tecum? ita reſpondit: Rex, inquit, præ-
 cepit mihi ſermonem, & dixit: Nemo ſciat rem propter
 quam miſſus eſſem & pueris condixi in illum & illum lo-
 cum, & iterum: Si habes hic ad manum haſtam aut gladiû
 quia gladium meum, & arma mea non tuli mecum; ſer-
 mo enim regis vrgebat. Vel illud: Cum perductus ad Achis
 regem

*1. Reg. 21**Ibid.**Ibid.*

regem Geth, insanum se furiosumq. simulauit, ac mutauit os suum coram eis, & collabebatur inter manus eorum & impingebat in ostium portæ, defluebantq. saluæ eius in barbam. Cumq. etiam vxorum concubinarumq. gregibus licite fruerentur, nec vllum eis imputaretur ex hac parte peccatum; in super etiam inimicorum sanguinem propria manu frequenter effunderent, idq. non solum irreprehensibile, verum etiam laudabile crederetur. Quæ ita nunc, Euangelio coruscante, videmus omnimodis interdicta, vt sine ingenti crimine ac sacrilegio quidquam horum non possit admitti. In quem modum nec mendacium vllum quàmlibet pio colore contextum, veniabiliter a quoquam credimus vsurpari, dicente Domino: Sit sermo vester, est, est; non, non: quod autem his abundantius est, a malo est. Apostolo quoque in eadē congruente: Nolite mentiri inuicem.

Matth. 5.

Colos. 3.

Responsio, quod licentia mendacij, qua ne in veteri quidem indulgetur testamento, veniabiliter a multis fuerit

IOSEPH. vsurpata. Cap. XIX.

Vxorū quidem concubinarumq. multarum antiqua illa libertas, instante iam temporum fine, & multiplicatione humanæ generationis expleta; non immerito velut minus iam necessaria per euangelicam perfectionem debuit amputari. Nam vsque ad aduentum Christi oportuit benedictionem primordialis illius vigere sententiæ, qua dictum est: Crescite & multiplicamini & replete terram. Et idcirco iustissimum fuit, vt ex illa radice fecunditatis humanæ quæ in synagoga pro dispensatione temporis vtiliter vixit, angelicæ virginitatis flosculi germinarent, ac sua uolentes continentię fructus in Ecclesia gignerentur. Mendacia vero etiam tunc fuisse damnata, totius veteris instrumenti textus euidenter ostendit, dicens: Perdes omnes qui loquuntur mendacium, Et iterum: Suavis est homini panis mendacij, & postea replebitur os eius calculo. Et ipse legislator: Mendacium, inquit, fugies. Sed tunc demum id veniabiliter diximus vsurparum, cum ei necessitas aliqua seuo dispensatio salutaris adiuncta est, ob quam non debuerit condemnari: quale est illud, quod commemorastis de Dauid rege, cum fugiens insecutionem Saulis iniustā, ad Achimelech sacerdotem, non proposito cuiusquam lucri, nec studio lædendi quempiam, sed vt tantummodo semetipsum ab impiissima eius insecutione saluaret, mendaci-

Gen. 1.

Psal. 5.

Prou. 20.

Exod. 23.

1. Reg. 21

dacibus vitur verbis, quippe qui manus suas inimici regis sanguine, & quidem a Deo sibi totiens traditi, contaminare noluerit, dicens: Propitius mihi sit Deus, ne faciam rem hanc domino meo Christo Domini, vt mittam manū meam in eum, quia christus Domini est. Et idcirco dispensationes has, quas vel ob voluntatem Dei, vel ob præfigurationem spiritualium sacramentorum, vel ob quorundā salutem, sanctos viros in veteri testamento legimus executos, intantum nos quoque cum necessitas coartauerit non possumus abdicare, vt ne ipsos quidē Apostolos, vbi consideratio alicuius vtilitatis exegit, ab eis declinasse cernamus. Quæ paulisper interim differentes, digestis primitus quæ adhuc de veteri testamento proferre disponimus, post hæc congruentius inferemus, vt facilius approbetur viros iustos & sanctos, tam in nouo quàm in veteri testamento in his œconomij sibi per omnia concordasse. Quid enim de illo Chusi ad Absalon pro salute regis David pia simulatione dicemus, quæ cum toto fallentis & circumuenientis promatur affectu, & vtilitatem consulentis impugnet, scripturæ diuinę testimonio comprobatur, ita dicentis: De-
 mini autem nutu dissipatum est consilium Achitophel utile, ut induceret Dominus super Absalon malum? Nec enim reprehendi poterat id, quod recto proposito ac pio iudicio pro iustis partibus gerebatur, ac pro illius cuius pietas Deo placebat salute atque uictoria, religiosa fuerat simulatione conceptum. Quid etiam de illius femina pronuntiabimus factō, quæ suscipiens illos, qui ad regem David a prædicto Chusi fuerant destinati, abscondit in puteo, & expandens uelamen super os eius, cum prisanas se torrere simulasset: Trāsierunt, inquit, gustata paululum aqua, atque hoc eos figmento ab insequentium manibus liberauit? Quapropter respondere quæso mihi, quid fuisset acturi, si qua vobis nunc sub Euangelio constitutis similis fuisset exorta condicio, vtrum nam maluissetis eos simili celare mendacio, dicentes eodem modo: Trāsierunt gustata paululum aqua; & implere illud quod præcipitur: Erue eos qui ducuntur ad mortem, & redimere eos qui interficiuntur ne parcas: an veritatis confessione, latitantes prodere perempturis? Et vbi est illud Apostoli: Nemo quod suum est querat, sed quod alterius. & Charitas non querit quæ sua sunt, sed quæ aliorum? Ac de seipso: Non quero, inquit, quod

1. Reg. 24

2. Reg. 17.

Ibid.

Prov. 24.
sec. lxx.

1. Cor. 10.

1. Cor. 13.

Philip. 2.

quod 1. Cor. 10.

quod mihi vtile est, sed quod multis, vt salui fiant? Si enim ea, quæ nostra sunt, quærimus, & id quod nobis vtile est pertinaciter volumus retentare, etiam in huiusmodi necessitatibus nos loqui necesse est veritatem, & reos fieri alienæ mortis. Si vero ea, quæ alijs salutaria sunt, nostris utilitatibus præponentes, apostolico satisfecerimus imperio, sine dubio subeunda est nobis necessitas mentiendi. Et idcirco nec integra charitatis viscera possidere, nec ea, quæ aliorum sunt, secundum apostolicam disciplinam quærere poterimus, nisi his quæ districtiori nostræ perfectioni. cōueniunt paululum relaxatis, condescendere vtilitatibus aliorum prono maluerimus affectu, & ita cum Apostolo infirmis efficiamur infirmi, vt lucrari possimus infirmos.

2. Cor. 9.

Quod veniabile plerumque mendaciū, & noxiam veritatem esse etiam Apostoli censuerunt. Cap. XX.

Act. 21.

Quibus eruditus exēplis beatus quoque Iacobus Apostolus omnesq. illius Ecclesiæ primitiæ præcipui principes, Apostolum Paulum ad simulationis hīgentia descendere, pro imbecillitate infirmantium cohortantur, eumq. purificari secundum obseruantiam legis, caput radere, vota offerre compellunt, præsens illud dispendium, quod ex hac hypocrisis gignebatur, nihili reputantes, sed contemplantes potius lucra, quæ erant ex illius diutina prædicatione parienda. Non enim tātum Apostolo Paulo lucrum ex hac eius fuerat districtione collatum, quantum celeri eius exitio vniuersis gentibus detrimentum. Quod sine dubio vniuersæ tunc euenisset Ecclesiæ, nisi illum hæc vilis ac salubris hypocrisis prædicationi euangelicæ reseruasset. Tunc enim necessario ac veniabiliter acquiescitur detrimento mendacij, quando maius, vt diximus, imminet de veritatis confessione dispendium, & utilitas, quæ nobis de veritate confertur, compensare illa quæ generanda sunt damna non præualet. Quod temperamentum etiam alijs verbis idem beatus Apostolus vbique se semper tenuisse testatur. Nam cū dicit: Factus sum Iudæis tamquam Iudæus, vt Iudæus lucrificerem: his qui sub lege erant, quasi sub lege essem, cum ipse sub lege nō essem, vt eos, qui sub lege erant lucrificerem: his qui sine lege erant, tamquam sine lege essem, cum sine lege Dei non essem, sed in lege essem Christi, vt eos qui sine lege erant lucrificerem: factus sum infirmis infirmus, vt infirmos lucrificerem:

2. Cor. 9.

rem omnibus omnia factus sum, ut omnes facerem saluos: quid aliud ostendit, quàm secundum infirmitatē atque mēsuram eorum, qui instituebantur cōdescendisse se semper, & a perfectionis rigore aliquid relaxasse, nec tenuisse se id quod districtio poscere videbatur, sed illud magis præposuisse, quod infirmantium utilitas exigebat? Et ut hæc eadem attentius indagantes, sigillatim apostolicarum virtutum insignia replicemus, quæret aliquis quomodo omnibus per omnia beatus Apostolus suam probetur aptasse personam? Vbi factus sit Iudæis sicut Iudæus? Profecto ibi, vbi illam sententiam intimo corde custodiens, quam Galatis denuntiauerat, dicēs: Ecce ego Paulus dico vobis, quia si circumcidamini, Christus vobis nihil proderit. In Timothei tamen circumcisione imaginem quodammodo Iudaicę superstitionis assumpsit. Et rursus: Vbi factus est sub lege eis, qui sub lege erant? Nempe ibi, vbi Iacobus omnesq. seniores Ecclesię formidantes ne in eum illa irrueret Iudeorum credentium, immo Christianorum Iudaizantium multitudo, quæ ita fidem Christi receperat, ut adhuc ritum cæremoniarum legalium teneretur, discrimini eius hac persuasione ac consilio succurrerunt, dicentes: Vides frater quot milia sunt in Iudæis qui crediderunt, & hi omnes æmulatores sunt legis. Audierunt autem de te, quia discessionem doceas a Moyse eorum, qui per gentes sunt Iudeorum, dicens non debere eos circumcidere filios suos. Et infra: Hoc ergo fac, quod tibi dicimus: Sunt nobis viri quatuor votum habentes super se. His assumptis, sanctifica tecum illis, & impende in illis ut radant capita, & scient omnes quoniam ea quæ de te audierunt, falsa sunt, sed ambulas & ipse custodiens legem. Et ita pro illorum qui sub lege erant salute, illam paulisper districtionem sententię suę calcans, quia dixerat: Ego enim per legem legi mortuus sum, ut Deo viuam; caput radere, purificari secundum legem atque in templo Mosaiico ritu vota offerre compellitur. Quæris etiam vbi pro salute eorum, qui legem Dei penitus ignorabant, tamquam & ipse sine lege esset effectus sit? Lege in Atheniensium vrbe, vbi gentilium vigeat impietas, quo vsus sit prædicationis exordio: Præteriens, inquit, vidi simulachra vestra, & aram in qua scriptum erat: Ignoto Deo. Cumque de eorum superstitione sermonem fuisset exorsus, tamquam si & ipse absque lege esset, sub

Galat. 3.

Act. 16.

Act. 21.

Ibid.

Galat. 2.

Act. 17.

- occasione profani illius tituli fidem Christi intulit, dicens:
- Ibid.* Quod ergo vos ignorantes colitis, hoc ego annuntio vobis. Et post pauca, velut si diuinæ legis penitus esset ignarus, gentilis poetæ versum, potius quàm Mosi aut Christi maluit proferre sententiam: Et sicut quidam, inquit, vestrorum poetarum dixerunt: Ipsius enim & genus sumus. Cum itaque suis eos quæ refutare non possent testimonijs fuisset aggressus, ira de falsis vera confirmans subdidit, dicens: Genus ergo cum simus Dei, non debemus æstimare auro vel argento aut lapidi sculpturæ artis & cogitationis hominis diuinitatem esse similem. Infirmis autem infirmus effectus
- 1. Cor. 7.* est, cum secundum indulgentiam, non secundum imperiū his, qui se continere non poterant, in idipsum redire concessit; siue cum lacte, non esca Corinthios potans, in infirmitate, & timore, & tremore multo apud eos fuisse se dicit. Omnia autem omnibus factus est, ut omnes saluos faceret, cum dicit: Qui manducat, non manducantē non spernat; & qui non manducat, manducantem non iudicet. &:
- 1. Cor. 3.* Qui matrimonio iungit virginem suam, bene facit; & qui non iungit, melius facit. Et alibi: Quis, inquit, infirmatur, & ego non infirmor? quis scandalizatur, & ego non vror? Atque hoc modo illud quod Corinthijs præceperat, adimpleuit, dicens: Sine offensione estote Iudæis, & Græcis, & Ecclesiæ Christi, sicut & ego per omnia omnibus placeo, non querens quod mihi vtile est, sed quod multis, ut salui fiant. Vtile enim sine dubio sibi fuerat Timotheum. nō circumcidere, caput non radere, purificationem Iudaicam non assumere, nudipedalia non exercere, vota legalia non offerre; sed facit hæc omnia dum illorū saluti plus consulit, quia non querit quod sibi vtile est, sed quod multis, ut salui fiant. Quod quamuis Dei contemplatione sit factum, tamē
- Galat. 2.* simulatione non caruit. Qui enim per legem Christi legi mortuus fuerat, ut Deo viveret; quique illā iustitiam legis, in qua conuersatus fuerat sine querela detrimentum fecerat, & arbitrabatur ut stercora, ut Christum lucrifaceret; ea quæ legis erant, vero cordis affectu offerre non potuit, nec fas est credi eū, qui dixerat: Si enim quæ destruxi, hæc iterum reedifico, præuaticatorem me constituo; in id incidere, quod ipse damnauerat. Et in tantum non magis res ipsa, quæ geritur, quàm gerentis pensatur affectus, ut e contrario quibusdam reperiatur veritas nocuisse, & profuisse mendacium.

cium. Nam Doec Idumæus regi Sauli de fuga David cor-
ram famulis conquerenti, ac dicenti: Numquid omnibus *1. Reg. 22*

vobis dabit filius Iesse agros & vineas, & vniuersos vos fa-
ciet tribunos & centuriones, quoniam coniurastis omnes
aduersus me, & non est, qui mihi reuanti? quid nisi verum *Ibid.*

prodidit, dicens: Vidi filium Iesse in Nobe ad Achimelech
filium Achitob sacerdotem, qui consuluit pro eo Dominū,
& cibaria dedit ei, sed & gladiū Goliath Philistæi dedit ei?
Pro qua veritate eradicari de terra viuentium meruit, ac de
eo dicitur per Prophetam: Propterea Deus destruet te in fi- *Psal. 51.*

nem, euellet te, & emigrabit te de tabernaculo tuo, & radi-
cem tuam de terra viuentium. Ex illa igitur terra hic proin-
dicio veritatis perpetua eradicatione conuellitur, in qua
Rhaab meretrix pro mendacio cū sua cognatione plāatur. *Iosu. 6.*

Sicut etiā Samson illam diu occultatam mendacio veritatē
impie coniugi perniciosissime prodidisse reminiscimur;
cui propterea deceptionē intulit veritas in consultissime pa-
tescēta, quia illud mandatū propheti cū custodire neglexit:
Ab ea quæ dormit in sinu tuo, custodi claustra oris tui. *Iudic. 16.*

*An interrogantibus occultam continentiam sine mendacio
oporteat propalari: Et an suscipienda sint, quæ se-
mel fuerint recusata. Cap. XX.* *Miche. 7.*

ET vt exempla quædā de nostris quoque inuitabilibus
ac pene quotidianis necessitatibus proferamus, quas
quantalibet obseruantia numquam ita possumus præcaue-
re, vt non vel inuiti vel volentes in eas cogamur incurrere:
quid quæso faciendum est, cum refectiōem procrastinare
disponentibus nobis, vtrum refecerimus ad vespertam frater
adueniens percontatur, celandum ne ieiunium est, & vir-
tus parsimoniz contēgenda, an veritatis professione pro-
denda? Si celamus, vt Dominico satisfaciamus imperio,
quo dicitur: Non videaris hominibus ieiunās, sed patri tuo *Matth. 6.*
qui est in abscondito. & iterum: Nesciat sinistra tua quid fa-
ciat dextera tua: profecto mentimur. Si virtutem continen-
tiæ propalamus, euāgelica nos sententia iure perceller: Amē *Ibid.*
dico vobis, receperunt mercedem suam. Quid si oblatum
a fratre quispiam poculum cum definitione tenuit, abso-
lute accepturum se esse denegans, quod ille gaudens aduen-
tu eius suppliciter vt sumatur exorat? rectum ne est vt fratri
ad genua prouoluto, in terramq. prostrato, qui non nisi his
officijs viscera charitatis expleturum esse se credit, etiam

cum labore suo pareat, an in sermonis sui atque propositi pertinacia perseveret?

Obiectio, quod oporteat quidem abscondi continentiam, sed suscipi recusata non debeant.

GERMANVS. Cap. XXII.

IN illo quidē priori exemplo dubium, vt credimus, non est, quia expediat abscondi continentiam nostram potius quā percontantibus prodi; ac super huiusmodi causis nos quoque fatemur inuitabile esse mendaciū. In secundo autem nulla nobis incumbit necessitas mentiēdi. Primum, quia possumus ea quæ fratrū ministerio porriguntur ita renuere, vt nullo nos definitionis vinculo colligemus: deinde, quod semel renuētes possumus immobīle tenere sententiā.

Responsio, quod irrationabilis sit pertinacia huius definitionis.

IOSEPH. Cap. XXIII.

HAS definitiones illorum monasteriorum esse non dubium est, in quibus renuntiationis vestræ, vt dicis, rudimenta formata sunt, quorum principes fratrum refectioni suas assolent præponere voluntates, & obstinatissime id, quod semel mente conceperint exequuntur. Ceterū seniores nostri, quorum fidei apostolicatum signa virtutū testimonium reddiderunt; quique vniuersa iudicio potius ac discretionē spiritus, quā rigida animi obstinatione gesserunt, eos qui alienis infirmitatibus acquiescerent, multo vberiores fructus, quā eos qui in suis definitionibus perdurarent, capere censuerunt, sublimiorisq. pronuntiauerunt esse virtutis: contegere potius continentiam necessarium, vt dictum est, humilique mendacio, quā patefacere superbo veritatis indicio.

Quomodo abbas Piammon suam continentiam celare maluerit. Cap. XXIV.

DENIQUE abbas Piammon post viginti & quinque annos oblatam sibi a quodam fratre vnam ac vinum, absque hætitatione suscipiens, confestim ea, quæ ingesta fuerant, contra consuetudinem degustare, quā ignota cunctis continentæ maluit propalare virtutem. Nam si illud quoque considerare velimus, quod seniores nostros incunctanter fecisse meminimus, qui mirabilia virtutū suarum, vel proprios actus, quos necesse erat ad instructionem iuniorum in collatione proferri, sub aliorū solebant colorare personis; quid aliud possumus quā apertum super his iudicare

men-

mendacium? Atque utinam nos quoque dignum aliquid haberemus, quod ad incitandam fidem proponi iunioribus posset, profecto minime vereremur huiusmodi illorum figmenta sectari. Rectius enim est sub talis figuræ colore mentiri, quàm pro obseruantia irrationalis istius veritatis, aut ea, quæ audientes ædificari potuerant incongruar taciturnitate contegere, aut si ex nostra persona veraciter proferantur, iactantiam noxiæ vanitatis incurrere. Ad quod etiã nos magisterio suo doctor gentiũ euidenter instituit, qui reuelationum suarum magnitudinem ex alterius maluit proferre persona, dicens: Scio hominem in Christo (siue in corpore, siue extra corpus nescio, Deus scit) raptum usque ad tertium cælum; & scio huiusmodi hominem quia raptus est in paradysum, & audiuit ineffabilia verba, quæ non licet homini loqui.

2. Cor. 12

*Testimonia scripturarum de commutatis
definitionibus. Cap. XXV.*

Impossibile nobis est breuiter vniuersa percurrere. Quis etenim enumerare sufficiat omnes propemodũ patriarchas, sanctosq. innumerabiles, alios pro vitæ tutamine, alios pro desiderio benedictionis, alios pro misericordia, alios pro alicuius occultatione mysterij, alios pro zelo Dei, alios pro veritatis examinatione, patrocinium (vt ita dixerim) assumpsisse mendacij? Quæ sicut enumerari cuncta non possunt, ita prætermitti penitus vniuersa non debent. Nam beatum Ioseph pietas compulit, vt falsum fratribus crimen etiam cum obtestatione regiæ salutis impingeret, dicēs: Exploratores estis, infirmiora terræ venistis inspicere. Et infra: Mittite, inquit, ex vestris vnum, & adducite fratrem vestrum huc, vos autem custodiemini hic, usque dum manifesta fiant verba vestra, an verum dicatis, an nō, sin autem, per salutem Pharaonis exploratores estis. Si enim non eos hoc misericordi mendacio terruisset, nec patrem fratremq. reuifere, nec eos in tantis inopiæ periculis alere, nec conscientiam postremo fratrum a reatu venditionis suæ purgare potuisset. Non ergo tam reprehensibile fuit metum fratribus incussisse mēdacio, quàm sanctũ atque laudabile occasione ficti periculi inimicos ac venditores suos ad salutarem pœnitentiã compulisse. Denique cū grauissimæ insimulationis vrgerentur inuidia, non illius quod falso obieciatur, sed anterioris criminis conscientia frā-

Gen. 42.

Ibid.

- Ibidem.* gebantur, dicentes ad inuicem: Merito hæc patimur, quia
sec. lxx. peccauimus in fratrem nostrum, quia despeximus tribulationem animæ eius, cum rogaret nos, & non audiuimus eum. propter hoc uenit in nos tribulatio hæc. Quæ quidem confessio, non solum apud fratrem, in quem impia crudelitate peccauerant, verumetiam apud Deum saluberrima humilitate, tantum eorum facinus, ut credimus, expiauit. Quid Salomon, qui perceptum a Deo sapientiæ donum, in primo iudicio suo non nisi assumptione mendacij declarauit? Nam ut veritatem, quæ muliebri mendacio tegebatur, exculperet, etiam ipse mendacij vtique astutissime
3. Reg. 3. excogitati usurpauit auxilium, dicens: Afferte mihi gladium & diuidite infantem viuum in duas partes, & date dimidiam partem vni, & dimidiam partem alteri. Quæ simulatio crudelitatis cum veræ matris viscera permouisset, ab ea aurem, quæ mater non erat, laudaretur; tunc demum sagacissimo veritatis indicio illam sententiam promulgauit, quam nemo a Deo inspiratam esse non credidit: Date, inquit, huic infantem viuum, & non occidatur, hæc est enim mater eius. Proinde nec debere nec posse nos vniuersa complere, quæ vel cum quiete animi, vel cum commotione decernimus, etiam alijs scripturarum testimonijs copiosius edocemur, quibus vel viros sanctos, vel angelos, vel ipsum omnipotentem Deum ea, quæ definierant, frequenter legimus immutasse. Nam beatus David cum iurisiurandi definitione decreuit dicens: Hæc faciat Deus inimicis David, & hæc addat, si reliquero de omnibus quæ pertinent ad Nabal vsque mane, mingentem ad parietem. Et continuo intercedente Abigail vxore eius, ac pro eodem supplicante, remittit minas, mollit sententiam, & mauult transgressor propositi iudicari, quam sacramenti sui fidem cum crudelitatis executione seruare, dicens: Viuit Dominus Deus, nisi cito venisses in occursum mihi, non remansisset Nabal vsque ad lucem matutinam, mingens ad parietem. Cuius sicut illam præcipitis sacramenti facilitatem, quæ de perturbatæ mentis commotione descenderat, nequaquam imitandam esse censemus, ita remissionem atque emendationem statuti sectandam esse decernimus. Paulus quoque vas electionis Corinthijs scribens, reditum suum absoluta definitione promittit, dicens: Veniam autem ad vos cum Macedoniam pertransiero. Macedoniâ enim pertransibo,

ſſo, apud vos autem manebo, vel etiam hiemabo, ut vos
 me deducatis quocumque iero. Nolo enim vos modo in
 trāſitu videre, ſpero enim me aliquantum temporis manere
 apud vos. Cuius rei etiam in ſecunda epiſtola meminit ita:
 Et hac confidentia volui prius venire ad vos, ut ſecundam *2. Cor. 1.*
 gratiam haberetis, & per vos tranſirem in Macedoniam,
 & iterum a Macedonia venire ad vos, & a vobis deduci in
 Iudæam. Sed ſuperueniente ſalubriore conſilio, nequaquā
 ſe id quod promiſerat, executum, euidentiffime conſitetur:
 Cum hoc, inquit, voluiſſem, numquid leuitate uſus ſum? *Ibid.*
 Aut quæ cogito, ſecundum carnem cogito, ut ſit apud me,
 eſt, & non? Denique cur maluerit definitionem ſui præteri-
 re ſermonis, quā aduentu ſuo oneroſam diſcipulis infer-
 re triſtitiam, etiam cum ſacramenti obteſtatione declarat:
 Ego autem teſtem Deum inuoco in animam meam, quod *Ibid.*
 parcens vobis, non veni ultra Corinthum. Statui enim hoc *2. Cor. 2.*
 ipſum apud me, ut non in triſtitia venirem ad vos. Cum in-
 traturos ſe domum Lot Sodomis angeli denegaſſent, dicen-
 tes ad eum: Non intrabimus, ſed in platea manebimus, cō- *Gen. 19.*
 tinuo eius precibus compelluntur ſtatutum mutare ſermo-
 nem, ſicut ſcriptura ſubiungit: Et coegit eos Lot, & diuer- *Ibid.*
 terunt ad eum. Qui utique ſi diuerſuros ad eum eſſe ſe no-
 uerant, inuitantis petitionem ſimulatoria excuſatione re-
 nuerunt; ſin autem veraciter excuſabant, euidenter immu-
 taſſe ſententiam comprobantur. Quæ utique non ob aliā
 credimus cauſam Spiritum ſanctum ſacris voluminibus
 indidiſſe, niſi ut iſtis erudiamur exemplis, in definitioni-
 bus noſtris non pertinaciter permanere, ſed eas arbitrio no-
 ſtro debere ſubiicere; & ita iudicium noſtrum ab omni le-
 gis vinculo liberum cōſeruare, ut promptum ſit, ad ſequen-
 dum quocumque vocauerit ſalubre conſilium, nec differat
 aut recuſet ad id, quod vtilius diſcretio ſalutaris inuenerit
 abſque vlla cunctatione tranſire. Et ut ad ſublimiora adhuc
 aſcendam exempla, decumbentem in lecto regem Eze-
 chiam, grauiq; ægritudine laborantem, ex perſona Dei
 propheta Eſaias adorſus eſt, dicēs: Hæc dicit Dominus, Di- *4. Reg. 20*
 ſpone domui tuæ, quia morieris tu, & non viues. Et con- *ſec. lxx.*
 uertit, inquit, Ezechias faciem ſuam ad parietem, & ora-
 uit ad Dominū, & dixit: Obſecro Domine, memento quæ-
 ſo quomodo ambulauerim coram te in veritate, & in cor-
 de perfecto, quod bonum eſt in oculis tuis fecerim. Et

Ibid.

fleuit Ezechias fletu magno. Post quæ rursus dicitur ad eundem : Reuertere & dic Ezechie regi Iuda , dicens ; Hæc dicit Dominus Deus David patris tui : Audiui orationem tuam , & vidi lacrymas tuas , & ecce adiciam super dies tuos quindecim annos , & de manu regis Assyriorum liberabo te , & ciuitatem hanc protegā propter me , & propter David seruum meū . Quid euidentius hoc testimonio , quo misericordiæ ac pietatis intuitu mauult Dominus suum cassare sermonē , & a præstituto mortis termino quindecim annis vitā precantis extēdere , quā per immobilitatē decreti sui inexorabilis inueniri ? Similiter etiam ad Niniuitas

*Iona. 3.
sec. lxx.*

loquitur censura diuina : Adhuc triduum & Niniue subuertetur . Moxque pœnitentia eorū ieiunijsq. mollit tam minax & abrupta sententia , atque ad partē misericordiæ prona pietate deflectitur . Quod si quis velut præsciū conuersionis eorum , subuersionem ciuitatis ad hoc eis Dominū allegerat comminatum , vt eos ad salutarem pœnitentiam prouocaret , consequens est , vt hi qui fratribus præsunt , absque reprehensione mendacij , his qui indigent emendari aliqua etiam districtiora quā facturi sunt , si opus fuerit , comminentur : Sin vero dixerit Deum seueram illam sententiam suam pœnitentiæ eorum consideratione reuocasse , secundum illud quod per Ezechielem ait : Si dixero impio , morte morieris ; & egerit pœnitentiam a peccato suo , feceritq. iudicium & iustitiam , vita viuet & non morietur ; similiter edocemur , non debere nos obstinate in nostris definitionibus perdurare , sed comminationē ex necessitate propositam , clementi miseratione mollire . Quod ne solis specialiter Niniuitis crederetur Dominus præstitisse , etiam generaliter erga omnes eadē se esse facturum per Hieremiā perpetuo protestatur , & cum necesse fuerit , incunctanter suam se sententiam mutaturum pro nostris meritis repro-

Ezec. 33.

mittit , dicens : Repente loquar aduersus gentem & aduersus regnum , vt euellam , & destruam , & disperdam illud . Si pœnitentiam egerit gens illa a malo , quod locutus sum aduersus eam , agam & ego pœnitentiam super malo quod cogitavi vt facerem ei . Et subito loquar de gente & regno , vt ædificem , & plantem illud . Si fecerit malum in oculis meis , vt non audiat vocem meam , pœnitentiam agam super bono quod locutus sum , vt facerem ei . Ad Ezechielem quoque ait : Noli subtrahere verbum , si forte audiant & con-

Hiere. 18

uertantur .

Hiere. 20

uertantur .

uertatur vnusquisque a via sua mala, & pœnitobit me mali quod cogitavi facere eis propter malitiam studiorum eorum. Quibus testimonijs declaratur, non oportere vt pertinaciter in nostris definitionibus hæreamus, sed ratione eas ac iudicio temperandas, semperq. prælegenda ac præferenda esse meliora, & ad illam, quæ vtilior dijudicata fuerit partem, sine cunctatione aliqua transeundum.

Quod non secundum immensitatem præscientiæ diuinæ clementiæ, sed secundum præsentis actus uel remuneret vnumquemque vel puniat. Cap. XXVI.

Illud etiam præ omnibus inestimabilis illa censura noster instruit, quod cum sit ei ante ortum vniuscuiusque præcognitus finis, ita ordine ac ratione communi & humanis quodammodo omnia dispensat affectibus, vt nō potentialiter, nec secundū ineffabilem præscientiæ suæ notiā, sed secundum præsentis hominum actus vniuersa dijudicans, vel respuat vnumquemque, vel attrahat, & vel infundat quotidie suam gratiam, vel auertat. Quod ita esse etiam illa Saulis manifestat electio, cuius vtique cum vituperabilem finem præscientia Dei ignorare non posset, de tot milibus Israelis elegit eum & vixit in regem, præsentis in illo meritum vitæ remunerans, non peccatum futuræ præuaricationis intendens: ita vt postquam reprobis factus est velut pœnitudinem gerens electionis suæ Deus, humanis quodammodo de eodem vocibus atque affectibus conqueratur, dicens: Pœnitet me quod constituerim Saul regem, quia dereliquit me, & verba mea opere nō impleuit. & iterum: Verumtamen lugebat Samuel Saulem, quoniam Dominum pœnitebat quod constitueret regem Saul super Israel. Denique hoc quod iam opere fuerat executus; postea etiam per Ezechielem prophetam Dominus protestatur cum omnibus se hominibus quotidiano gesturum esse iudicio: Etiam si dixerō, inquit, iusto quod vita viuat, & confusus in iustitia sua fecerit iniquitatem, omnes iustitiæ eius obliuioni tradentur, & in iniquitate quam operatus est, in ipsa morietur. Sin autem dixerō impio: Morte morieris, & egerit pœnitentiam a peccato suo, feceritq. iudicium & iustitiam, pignus restituerit ille impius, rapinamq. reddiderit, in mandatis vitæ ambulauerit, nec fecerit reddiquam iniustum, vita viuet & nō morietur, omnia peccata eius quæ peccauit non imputabuntur ei. Denique cum

1. Reg. 10

1. Reg. 15

Ibid.

Ezec. 33.

- ab illo populo, quem ex omnibus gentibus Dominus adoptauit, propter subitam vituli prauaricationem misericordix suæ auertisset aspectum, interueniens pro eo legislator, exclamat: Obsecro Domine, peccauit populus iste peccatum magnum, fecerunt sibi deos aureos; & nunc si remittis peccatum eorum, remitte, sin aliàs, dele me de libro tuo quem scripsisti. Cui Dominus: Si quis, inquit, peccauerit coram me, delebo eum de libro meo. Dauid quoque dum de Iuda & persecutoribus Christi prophenco spiritu quaereretur: Deleantur, inquit, de libro viuentium. Et quia non merebantur ad pœnitentiam salutare pro reatu tanti criminis peruenire, subiungit: Et cum iustis non scribantur. Denique in ipso Iuda vis propheticæ maledictionis euidenter impleta est. Nam proditiōis crimine expleto, suspensio se necauit, ne post deletionem nominis sui conuersus ad pœnitentiam, iterum cum iustis scribi mereretur in cælo. Non ergo est ambigendum, etiam Iudæ nomen illo tempore, quo electus a Christo apostolatus sortitus est gradum, in libro viuentium fuisse conscriptum, ac pariter cum audisse cum ceteris: Nolite gaudere, quia dæmonia vobis subiiciuntur, gaudete autem, quia nomina vestra scripta sunt in cælis. Sed quia philargyriæ peste corruptus, de descriptione cælesti ad terrena deiectus est, competenter de eo ac similibus eius dicitur per prophetam: Domine, omnes, qui te derelinquunt, confundentur, recedentes a te, in terra scribentur: quia dereliquerunt venam aquarum viuentium Dominum. Et alibi: In concilio populi mei non erunt, & in scriptura domus Israel non scribentur, & in terram Israel non ingredientur.

Quod sancti viri pertinaces ac duri esse non possunt.

Cap. XXVII.

Nec illius præcepti vtilitas est silenda, quod etiam si instigante ira vel qualibet alia passione, sacramento nos aliquo vinxerimus (quod a nemine quidem monachorum fieri penitus debet) vtriusque tamē rei causa integro mentis est pensanda iudicio, & comparanda est illa res quam statuimus, huic ad quam transire compellimur, atque ad eam sine cunctatione est transeundum, quæ superueniente sauiore tractatu, iustior fuerit iudicata. Rectius enim est nostrum nos præterire sermonem, quàm rei salubrioris accipere subire iacturam. Denique numquā rationabiles ac probatos

batos patres duros aut irrevocabiles fuisse in huiusmodi definitionibus reminiscimur, sed velut ceram calore, ita eos ratione mollitos, & intercedente salubriore consilio melioribus partibus sine hesitatione celsisse. Quoscumque autem vidimus definitionibus suis pertinaciter inhaerere, irrationabiles semper probauimus ac discretionis expertes.

Interrogatio an sit contrariū prædictæ sententiæ illud, quod dicitur GERMANVS. citur, Iuravi & statui, &c. Cap. XXVIII.

Quantum ad hanc rationem pertinet, quæ euidenter copioseque digesta est, nihil oportet monachum definire, ne aut præuicator inueniatur aut peritiam. Sed ubi illud Psalmistę ponemus eloquium: Iuravi & statui custodire iudicia iustitię tuę? Quid est enim aliud iurare & statui, quàm definita immobiliter custodire.

Responsio in quibus immobilis definitio sit tenenda, & in quibus si oportuerit rescidenda. Cap. XXIX.

Nos non de principalibus mandatis, sine quibus non potest salus nostra omnino subsistere, ista decernimus, sed de his quę sine periculo status nostri vel relaxare possumus, vel tenere, vtputa de irremisso rigore ieiunij, de vini siue olei perpetua abstinentia, de progressu cellę penitus cohibendo, de lectionis seu meditationis incessabili iugitate, quę sine iactura professionis ac propositi nostri & exerceri cum libuerit possunt, & cum necesse fuerit irreprehensibiliter prætermitti. Ceterum super obseruantia illorum principalium mandatorum cōstantissime definiendum est, ac pro his etiam mors si necesse fuerit non vitanda, pro quibus immobiliter est dicendum: Iuravi & statui.

Quod fieri debet pro custodia charitatis, pro qua spernenda sunt vniuersa, ne bonum trāquillitatis illius perfectioque maculetur. Similiterque iurandum est pro castimonie puritate, nec aliud nos facere oportet pro fide, pro sobrietate atque iustitia, quæ omnia indemutabili perseuerantia sunt tenenda, & a quibus paululum recessisse damnabile est. De illis vero corporalibus exercitijs, quæ ad modicum esse dicuntur vtilia, ita vt diximus statuendum, vt, si qua superuenerit certior pietatis occasio quæ illa suadeat relaxari, nulla super his lege teneamur, sed prætermisissis eius ad vtiliora libere transeamus. In illis enim corporalibus exercitijs si pro tempore relinquuntur, periculum non est, ab his vero vel ad momentum declinasse mortiferum est.

Quem

Psal. 118.

Ibid.

1. Tim. 4.

Quemadmodū debeant celanda committi. Cap. XXX.

Hoc quoque simili cautione curandū est, vt si quis forsitan sermo, quem esse vultis occultum, de vestro fuerit ore prolapsus, nulla occultationis præcepta sollicitent audientem, magis enim latebit si negligenter atque simpliciter transeat: quia non tanta quilibet fratrum super diuulgatione eius impugnatione torquebitur, existimans rem vilem aliquam transitoria confabulatione prolatam, & quæ ex hoc ipso sit leuior, quia cautiſſimo silentij præcepto sensibus audientis commendata non fuerit. Nam si etiā fidem eius aliqua sacramentorum obestatione deuinxeris, citius illud prodendum esse non ambigas. Maior enim aduersus ipsum vis diabolicæ impugnationis insurget, vt & te mortificet vel denudet, & illum quantocius transgressorẽ sui faciat sacramenti.

Nihil super his, quæ ad usum communis vitæ attinent definiendum. Cap. XXXI.

Et idcirco nihil debet abrupte monachus, super his dum taxat, quæ ad corporales exercitationes pertinent, definire, ne aduersarium ad impugnationem eorum, quæ velut sub legis obseruatione custodit, magis incitans, citius ea violare cogatur, Præfigens siquidem sibi legē vnusquisque sub libertatis gratia constitutus, pernicioſa semetipsum obligat seruitute, vt ea quæ licite, immo etiam laudabiliter cum gratiarum actione præsumere potuisset, si necessitas fortasse compulerit velut transgressor percipere compellatur cum præuaricationis peccato. Vbi enim non est lex, nec præuaricatio. Hac beatissimi Ioseph institutione atque doctrina velut diuino oraculo confirmati, in Ægypto reside-
Rom. 4. re maluimus. Sed licet parum deinceps de nostra essemus promissione solliciti, tamen expleto septem annorum numero, sponſionem nostram gratanter impleuimus. Excurrentes namque ad cœnobium nostrum illo iam tempore quo de impetrando ad eremum reditu fiduciam gerebamus, primum senioribus nostris honorem, debitum soluimus, deinde animis eorum, qui pro charitatis ardore creberrimis litterarum nostrarū satisfactionibus nequaquam fuerant deliniti, pristinam redintegrauimus charitatem, tandemq; ad plenū aculeo nostræ sponſionis auulso, ipsis quoque cum gaudio proſequentibus ad Scithicæ secreta solitudinis remcauimus. Hæc vobis, o sancti fratres, illustrium
 patrum

patrum scientiâ atque doctrinam nostra, vt potuit, elucubrauit incertia, quam etiam si incultus forsitan sermo confudit potius quàm digessit: quæso ne laudem insignium virorum reprehensio nostræ rusticitatis euacuet. Tutius siquidem nobis in conspectu nostri iudicis visum est, doctrinæ huius magnificentiam vel incultis sermonibus prodere, quàm silere: quippe cùm & profectui lectoris, si sublimitatem sensuum contemplerur, id quod imperitia nostri sermonis offendit, obesse non possit, & maior sit nobis utilitatis eura quàm laudis. Neque enim hoc quod sanctorum virorum dicta descripsi, & plenum periculi, & egenum laudis esse non noueram, sed prudens, vt dicitur, laqueo indidi pedem, nec me indubitato discrimini sub incerta spe alicui profectui tradere recusavi. Hoc sane omnes ad quorum manus opuscula ista peruenerint moneo, vt quidquid in eis placuerit, patrum, nostrum vero sciant esse quod displicet.

COLLATIONIS SECVNDÆ

abbatis Ioseph de definiendo, & septem

Collationum patrum in Thebaide

Aegypti regione consistentium, Finis.

IOANNIS
CASSIANI
EREMITÆ
IN SEPTEM VLTIMAS
COLLATIONES PATRVM
IN ÆGYPTO COMMO-
RANTIVM,

*Ad Iouinianum, Mineruium, Leontium,
& Theodorum, Prefatio.*

¶ Emēsis



MISSIS † gratia Christi iuuantē decem
collationibus patrum, quæ exigentibus
beatissimis episcopis Helladio ac Leon-
tio, vtrumque digestæ sunt: septem alias
beato episcopo Honorato, sancto quoque
famulo Christi Eucherio dedicaui. To-
tidem & nunc vobis, o sancti fratres Io-
uiniane, Minerui, Leonti, & Theodore, credidi consecran-
das. Posterior siquidem vestrum illam cœnobiorum san-
ctam atque egregiam disciplinam in prouincijs Gallicanis
antiquarum virtutum distractione fundauit; ceteri vero nō
solum cœnobialē professionem monachos apprimē ex-
petere, verumetiam anachoreticā sūre sublimitatem, ves-
tris institutionibus prouocastis. Ea namque collationes istę
summorum patrum disputatione contextæ sunt, & ita in
omnibus temperatæ, vt vtrique professioni, qua non solum
occiduas regiones, verumetiam insulas maximis fratrum
cateruis fecistis florere, conueniant; id est, vt non solum hi
qui adhuc in congregatione laudabili subiectione perdu-
rant, sed etiam illi qui haud longe a vestris cœnobijs sece-
dentes anachoretarum sectari gēstiunt disciplinam, pro
condicione locorum ac status sui mēsurā plenius instruan-
tur. Quibus hoc præcipuum contulit præcedens vestri la-
bonis

boris industria, vt parati iam atque in ijsdem exercitijs deprehensi, facilius præcepta seniorum atque instituta suscipiant, ipsosq. in cellulas suas auctores collationum cum ipsis collationum voluminibus recipientes, & quotidianis quodammodo cum eis interrogationibus ac responsionibus colloquentes, non proprijs adinventionibus arduam istam & incognitam fere in hac regione appetant viam, sed periculofam etiam illic vbi iam triuissimi calles & innumera præcedentium exempla non desunt, anachoreseos disciplinam illorum potius præceptis capere consuefcant, quos in omnibus & antiqua traditio, & longæ experientia instruxit industria.

Præfationis Finis.

COLLATIO XVIII. QUAE
EST ABBATIS
PIAMMONIS

DE TRIBVS GENERIBVS MONACHORVM,
ET QVARTO
IN VPER EXORTO.

*Quemadmodum Diolco venientes, ab abbate Piammone
fuerimus excepti. Cap. I.*



OST conspectū atque colloquium triū illorum senum, quorum collationes sancto fratre nostro Eucherio compellente, vtrumque digessimus, cū eū vltioris Aegypti partes, in quibus amplior atque perfectior sanctorum numerus consistebat maiore flagrantia desideraremus expetere, ad vicū cui nomen est Diolcos, vni ex septē Nili fluminis ostijs imminētē, non tā iuineris necessitate, quā de fiderio sanctorū illic cōmorantiū cōpellente, peruenimus.

Cum

Matth. 5.

Cum enim velut cupidissimi mercatores plurima illic celeberrimaq. cœnobîa ab antiquis audissemus patribus instituta, continuo quasi navigationem inquisitionis incertæ, spe maioris lucri persuadente, suscepimus. Vbi cū diuissime fluctuantes, ad illos virtutum sublimitate conspicuos montes vadique curiosos oculos tēderemus, abbatem Piam monem omnium anachoretarum illic inhabitantium seniore, eorundemq. presbyterum, velut quandam sublimissimam pharum, primus circumspectantium notauit intuitus. Hic etenim sicut euangelica illa ciuitas in excelsi montis vertice constitutus, nostro protinus refulsit aspectui. Cuius virtutes atque miracula quæ per eum, etiam sub conspectu nostro, diuina gratia testimonium meritis eius reddente, perfecta sunt, ne vel propositi nostri formam, vel modum huius voluminis excedamus, prætermittenda credidimus. Non enim de mirabilibus Dei, sed de institutis studijsq. sanctorum quædam, quæ reminisci possibile est, nos spondimus tradituros, vt necessariam tantum perfectæ vitæ instructionem non inutilem absque vlla emendatione viciorum ac superuacuum admirationem legentibus præberemus. Cū itaque beatus Piam mon summa nos gratulatione susceptos, humanitate etiam congrua refecisset, intelligens nos non eiusdem esse regionis, primum vnde vel cur Egyptum perissemus sollicite percunctatus, ac de cœnobio Syriæ ob desiderium perfectionis nos illo aduenisse cognoscens, ita exorsus est. *M V R O*

Quomodo rudes monachi exemplo seniorum debeant erudiri. Cap. II.

Quodvisquis hominum, o filij cuiuslibet artis peritiâ assequi cōcupiscit, nisi omni cura atque vigilantia eius se quam nosse desiderat disciplinæ studijs manciparit, ac perfectissimorum quorūque opificij ipsius vel scientiæ magistrorū præcepta atque instituta seruauerit, frustra inanibus votis eorum similitudinem exoptat attingere, quorum curam atque industriam æmulari delectat. Nouimus enim nonnullos ita ad hæc loca de vestris regionibus aduenisse, vt cognoscendi tantummodo gratia fratrum monasteria circumirent, non vt has regulas, ob quas huc commeauerant, atque instituta susceperent, ac secedentes, in cellulis conarentur ea, quæ vel visu vel traditione perceperant, operibus experiri. Qui mores suos ac studia quibus imbuti fue-

ti fuerant reticentes, vt eis exprobrari a nonnullis solet, non profectus sui gratia, sed vitandæ egestatis necessitate estimati sunt prouincias cõmutasse. Non solum enim nihil eruditionis acquirere, sed ne diutius quidem in his partibus commorari, pertinacis animi obstinatione potuerunt. Cum enim nec ieiuniorum morem, neque psalmorum ordinem, nec ipsorum denique indumentorum habitum permittissent; quid aliud in hac regione sectari quàm sola victus sui compendia crederentur?

Quod iuniores seniorum discutere precepta non debeant. Cap. III.

Quamobrem si vos, quemadmodum credimus, Dei causa ad æmulationem nostræ cognitionis attraxit, omnibus institutis, quibus illic primordia vestra præuenta sunt penitus abdicatis, quæcumque seniores nostros agere vel tradere videritis, summa humilitate sectamini. Neque vos moueat, aut ab imitatione diuertat ac retrahat, etiam si vobis ad præsens alicuius rei vel facti ratio, vel causa non liqueat; quia eos qui bene de cunctis ac simpliciter sentiunt, & vniuersa quæ a senioribus tradi gerere perspexerint, fideliter imitari magis quàm discutere studet, per operis experientiam rerum etiam omnium sciëntia subsequetur. Ceterum numquam rationem veritatis intrabit, quisquis a discussione cœperit erudiri; quia videns eum inimicus suo potius quàm patrum iudicio confidentem, facile in id vsque propellit, vt etiam illa, quæ maxime vtilia ac saluberrima sunt, superflua ei videantur & noxia. Atque ita præsumptioni eius callidus hostis illudit, vt irrationabilibus definitionibus suis pertinaciter inhaerendo, hoc solummodo sibi sanctum esse persuadeat, quod rectum atque iustissimum suæ tantum obstinationis errore censuerit.

De tribus generibus monachorum, quæ intra Ægyptum sunt. Cap. IV.

Quamobrem ordo atque principium professionis nostræ, quemadmodum, vel vnde descenderit, primum debetis agnoscere. Tunc etenim poterit quis desideratæ artis efficacius assequi disciplinam, & ad exercendam eam ardentius incitari, cum auctorum & fundatorum eius agnouerit dignitatem. Tria sunt in Ægypto genera monachorum, quorum duo sunt optima, tertium tepidum atque omnimodis euitandum. Primum est cœnobitarum, qui scilicet.

Kk

in con-

in congregatione pariter consistentes, vnus senioris iudicio gubernatur, cuius generis maximus numerus monachorum per vniuersam commoratur Ægyptum. Secundum anachoretarum, qui prius in cœnobijs instituti, iamque in actuali conuersatione perfecti, solitudinis elegere secreta, cuius professionis nos quoque optamus esse participes. Tertium reprehensibile Sarabaitarum est: de quibus singillatim per ordinem plenius disseremus. Harum igitur trium professionum fundatores primum, vt diximus, debetis agnoscere. Nam profecto ex hoc ipso, vel odium professionis illius nasci poterit, quæ vitanda est, vel eius desiderium, quæ sequenda: quia necesse est vnamquamque viam ad illum finem suum pertrahere sectatorem, ad quem auctor ipsius inuentorq. peruenit.

Quibus auctoribus cœnobarum sit instituta

professio. Cap. V.

Cœnobarum itaque disciplina a tempore apostolicæ prædicationis sumpsit exordium. Nam talis extitit in Hierosolymis omnis illa credentium multitudo, quæ in Actibus Apostolorum ita describitur: Multitudinis credentium erat cor vnum & anima vna, nec quisquam eorum, quæ possidebat aliquid suum esse dicebat, sed erant illis omnia communia, possessiones & substantias vendebant, & diuidebant ea omnibus prout cuique opus erat. & iterum: Neque enim quisquam egens erat inter illos. Quotquot enim posseditores agrorum aut domorum erant, vendentes afferebant pretia eorum quæ vendebant, & ponebant ante pedes Apostolorum. Diuidebatur autem singulis prout cuique opus erat. Talis, inquam, erat tunc omnis Ecclesia, quales nunc per paucos in cœnobijs inuenire difficile est. Sed cum post Apostolorum excessum tepescere cœpisset credentium multitudo, ea vel maxime quæ ad fidem Christi de alienigenis ac diuersis gentibus consuebat, a quibus Apostoli pro ipsis fidei rudimentis ac inueterata gentilitatis consuetudine nihil amplius expetebant, nisi vt ab immolatis idolorum, & fornicatione, & suffocatis, & sanguine temperarent, atque ista libertas, quæ gentibus propter infirmitatem primæ credulitatis indulta est, etiam illius Ecclesiæ perfectionem quæ Hierosolymis consistebat, paulatim contaminare cœpisset, & crescente quotidie vel indigenarum numero, vel aduenarum, primæ illius fidei refrigesceret seruos, non solum

solum hi, qui ad fidem Christi confluerant, verum etiam illi qui erant Ecclesie principes, ab illa districtione laxati sunt. Nonnulli enim existimantes id quod videbant gentibus pro infirmitate concessum, sibi etiam licitum, nihil se detrimenti perpeti crediderunt, si cum substantijs ac facultatibus suis fidem Christi confessionemque sequerentur. Hi autem quibus adhuc apostolicus inerat feruor, memores illius pristinae perfectionis, discedentes a ciuitatibus suis, illorumque consortio, qui sibi vel Ecclesiae Dei remissionis vitae negligentiam licitam esse credebant, in locis suburbanis ac seuerioribus commanere, & ea quae ab Apostolis per vniuersum corpus Ecclesiae generaliter meminerant instituta, priuatim ac peculiariter exercere coeperunt, atque ita coaluit ista, quam diximus discipulorum qui se ab illorum cōtagio sequestrauerāt, disciplina. Quia paulatim procedēte tempore, segregati a credentiū turbis, ab eo quod a coniugijs abstinerent, & a parentum se consortio mundi. istius conuersatione secernerent, † monachi, siue monachos, singularis ac solitariae vitae districtione, nominati sunt. μοναχοί, siue, μοναχοτες, και νοβιωται Vnde consequens fuit. ut ex communione consortij † cœnobitae, cellaeque ac diuersiora eorum † cœnobia vocarentur. καινοβια. Istud ergo solum fuit antiquissimum monachorum genus, quod non modo tempore, sed etiam gratia primum est, quodque per annos plurimos inuiolabile vsque ad abbatis Pauli vel Antonij durauit aetatem. Cuius etiam nunc in districtis cœnobijs cernimus residere vestigia.

De anachoretarum ordine atque principio. Cap. VI.

DE hoc perfectorum numero, & ut ita dixerim, fecundissima radice, sanctorum etiam anachoretarum post hanc flores fructusque prolati sunt. Cuius professionis principes hos quos paulo ante memorauimus, sanctum videlicet Paulum vel Antonium, nouimus extitisse. Qui non ut quidam pusillanimitatis causa vel impatiētia morbo, sed desiderio sublimioris profectus contemplationisque diuinæ, solitudinis secreta sectati sunt, licet eorum prior necessitatis obrentu, dum tempore persecutionis affinium suorum deuitat insidias, eremum penetrasse dicatur. Ita ergo processit ex illa, quam diximus disciplina, aliud perfectionis genus, cuius sectatores † anachoretæ, id est, secessores ἀναχωρηται merito nuncupantur, eo quod nequaquam cōtenti hac victoria, qua inter homines occultas insidias diaboli cal-

- cauerunt, aperto certamine ac manifesto conflictu dæmonibus congregari cupientes, vastos eremi recessus penetrare non timeant, ad imitationem scilicet Ioannis Baptistæ, qui in eremo tota permansit ætate: Eliæ quoque & Elisæi, atque illorum, de quibus Apostolus ita memorat: Circumierunt in melotis, in pellibus caprinis, egentes, angustiiati, afflicti, quibus dignus non erat mundus, in solitudinibus errantes, & montibus, & speluncis, & cauernis terræ. De quibus etiā figurally Dominus ad Iob: Quis autē est, qui dimisit onagrum liberū, & vincula eius quis resoluit? Posui autē habitaculum eius desertum, & tabernacula eius falsuginē. Irridens multitudinem ciuitatis, & querelam exactoris non audiens. Considerauit montes pascuæ suæ, & post omne viride quærit. In Psalmis quoque: Dicant nunc qui redempti sunt a Domino, quos redemit de manu inimici. Et post pauca: Errauerunt in solitudine in inaquoso, viam ciuitatis habitaculi non inuenerunt. Esurientes & sitientes, anima eorum in ipsis defecit. Et clamauerunt ad Dominum cum tribularentur, & de necessitatibus eorum liberauit eos. Quos etiam Hieremias ita describit: Beatus qui tulit iugum ab adolescentia sua, sedebit solitarius & tacebit, quia leuauit se super se. Quique illud Psalmistæ affectu & opere concinunt: Similis factus sum pellicano solitudinis. Vigilaui & factus sum sicut passer solitarius in tecto.

De Sarabaitarum principio & conuersatione.

Cap. VII.

Ad. 5. CVMque his duabus professionibus monachorum religio Christiana gauderet, cœpisset autem in deterius paulatim hic quoque ordo recidere, emerisit post hæc illud deterrimum & infidele monachorum genus, vel potius noxia illa plantatio rediuiua contreuit, quæ per Ananiam & Sapphirā in exordio Ecclesiæ pullulans, Apostoli Petri seueritate succisa est; quæ inter monachos tamdiu detestabilis execrandaq. iudicata est, nec a quoquam vltius vspata, quamdiu illis tam districtę formido sententiæ memoriæ fidelium inserta durauit, quæ beatus Apostolus prædictos noui facinoris principes, non pœnitentia, non vlla passus est satisfaciōe curari, sed perniciosissimum germē celeri morte succidit. Illo igitur exemplo, quod in Ananiā & Sapphirā apostolica distinctione punitū est, a nonnullorum contemplatione paulatim longa incuria, & temporis obliu-

litera-

literatione subtracto, emerfit istud Sarabaitarum genus, qui ab eo quodd semetipsos a cœnobiorum congregationibus sequestrarent, ac singillatim suas curarent necessitates, Ægyptiæ linguæ proprietate, Sarabaitæ nuncupati sunt; de illorum, quos supra diximus, numero procedentes, qui euangelicâ perfectionem simulare potius, quàm in veritate arripere maluerunt: æmulatione scilicet eorum vel laudibus prouocati, qui vniuersis diuitijs mundi perfectam Christi præferunt nuditatem. Hi igitur dum imbecillo animo rem sum me virtutis affectant, vel necessitate ad hanc professionem venire compulsi, dum censerî tantummodo nomine monachorum absque vlla studiorum æmulatione festinât, cœnobiorum nullatenus experunt disciplinam, nec seniorû subduntur arbitrio, aut eorû traditionibus instituti, suas discunt vincere voluntates, nec vllam sanæ discretionis regulam legitima eruditione suscipiunt, sed ad publicam tantummodo, id est, ad hominum faciem renuntiantes, aut in suis domicilijs sub priuilegio huius nominis ijsdem obstricti occupationibus perseverant, aut constituentes sibi cellulas, easq. monasteria nuncupantes, suo in eis iure ac libertate consistunt, nequaquam euangelicis præceptionibus succumbentes, vt nulla scilicet quotidiani victus sollicitudine, nullis rei familiaris distentionibus occupentur. Quod illi soli absque vlla infideli dubitatione cõsummât, qui cunctis mundi huius facultatibus absoluti, ita se cœnobiorum præpositis subdiderunt, vt ne sui quidem ipsius fateantur esse se dominos. Illi autem qui distractionem, vt diximus, cœnobij declinantes bini vel terni in cellulis commorantur, non contenti abbatis cura atque imperio gubernari, sed hoc præcipue procurantes, vt absoluti a seniorum iugo, exercendi voluntates suas, & procedendi, vel quo placuerit euagandi, agendive quod libitum fuerit habeant libertatem, etiam amplius in operibus diurnis, quàm hi qui in cœnobijs degunt, diebus ac noctibus consumuntur, sed non ea fide, eodemq. proposito. Hoc enim isti faciunt, non vt fructum sui operis subijciant dispensatoris arbitrio, sed vt acquirant pecunias quas recondant. Inter quos quantum interfit, aduertite. Illi nihil de crastino cogitantes, gratissimos Deo sudoris sui offerunt fructus: Isti vero non solum in crastinum, sed etiam in multorum annorum spatia infidelê sollicitudinem prorogantes, aut men-

Matth. 6

dacem Deum aut inopem credunt, qui promissam quotidiani victus atque indumentorum sufficientiā præbere eis aut non possit, aut nolit. Illi hoc omnibus expetunt votis, ut ἀκτῆμοσύνῃ, id est, nuditatem omnium rerum paupertatemq. possideant: Isti vt omnium copiarū affluentiam consequantur. Illi ob hoc certatim statutū transcendere canonem diurnis operibus elaborant, vt quidquid monasterij sanctis vsibus redundarit, vel carceribus, vel xenodochio, vel nosocomio, vel indigentibus pro abbatis dispensetur arbitrio: Isti vt quidquid quotidianæ superfuerit gulæ, aut profusiori proficiat voluptati, aut certe philagyriz vitio recondatur. Postremo vt concedamus ab istis hæc quoque quæ nō optimo proposito congeruntur, melius quā diximus posse distribui, ne sic quidem ad meritū virtutis illorū ac perfectionis aspirant. Illi enim tantos monasterio redditus conferentes, eisque quotidie renuntiantes, in tanta subiectionis humilitate perdurant, vt quemadmodum sui ita etiā eorū, quæ proprio sudore cōquirunt potestate priuētur, abrenuntiationis primæ feruorē, dum quotidie semetipsos laboris sui fructibus nudant, iugiter innouantes: Isti autē eo ipso quod aliquid pauperibus largiuntur elati, in præceptis quotidie collabuntur. Illos patientia atque districtio, quæ tam deuote in hac, quam semel arripuerūt professione perdurant, vt nūquam suas expleant voluntates, crucifixos huic mundo quotidie viuosq. martyres facit: Hos arbitrij sui tepor viuos ad inferna demergit. Hæc igitur duo genera monachorum in hac quidem prouincia equali propemodū inter se numerositate contendunt. Ceterum per alias regiones quas me necessitas catholicæ fidei compulit peragrarē istud tertium Sarabaitarum genus abundare, ac prope solum esse cognouimus. Temporibus siquidem Lucij qui Arianz perfidiz episcopus fuit, sub Valentis imperio dum diaconiam nostris fratribus deferremus, his videlicet qui de Ægypto ac Thebaide fuerant ob catholicæ fidei perseuerantiam metallis Ponti atque Armeniæ relegati, licet cœnobiiorum disciplinam in quibusdam ciuitatibus rarissimam viderimus, anachoretarum tamen apud illos, ne ipsum quidem nomen auditum fuisse comperimus.

De quarto genere monachorum. Cap. VIII.

Sane est etiam aliud quartum genus, quod nuper cernimus emerxisse in his, qui anachoretarū sibi specie atque

ima.

imagine blandiuntur, quiq. in primordijs suis feruore quodam breui, cœnobij perfectionem videntur expetere, sed continuo tepesacti, dum pristinos mores ac vitia refecare contemnūt, nec iugum humilitatis ac patientiæ diutius sustinere contenti sunt, subdiq. seniorum imperio dedignātur, separatas expetunt cellas, ac solitarij sedere desiderāt, vt ita scilicet a nemine laceffiti, patientes, māsueti, vel humiles possint ab hominibus æstimari. Quæ institutio, immo tepor, eos quos semel infecerit, ad perfectionem numquam permittit accedere. Hoc enim modo non solum non abscedunt, verumetiam in deterius eorum vitia conualescent dum a nemine prouocati, vt quoddam letale & intestinum virus, quanto amplius celatum fuerit, tanto profundius serpens insanabilem morbum generat ægtotanti: Pro reuerentia enim singularis cellæ, nullus iam vitia solitarij audet arguere, quæ ille ignorari maluit quàm curari. Porro virtutes non occultatione vitiorum, sed expugnatione pariuntur.

Interrogatio quid intersit inter cœnobium & GERMANVS. monasterium. Cap. IX.

EST ne aliqua inter cœnobium monasteriumq. distantia, aut vttoque nomine res vna censetur?

PIAMON. *Responsio. Cap. X.*

Licet a nonnullis soleāt indifferēter monasteria pro cœnobijs appellari, tamen hoc interest, quòd monasterium nomen est diuersorij, nihil amplius quàm locum, id est, habitaculum significans monachorum; cœnobium vero etiam professionis ipsius qualitatem disciplinamq. designat. Et monasterium potest etiam vnius monachi habitatio nominari, cœnobium autem appellari non potest, nisi vbi plurimorum cohabitantium degit vnita communio. Dicuntur sane monasteria, etiam in quibus Sarabaitarum collegia commorantur.

De vera humilitate, & quomodo falsam cuiusdam humilitatem prodiderit abbas Serapion. Cap. XI.

Quamobrem quoniam de optimo genere monachorū video vos professionis huius arripuisse principia, id est, de laudabili cœnobiotum palæstra ad excelsa fastigia anachoreticæ tendere disciplinæ, humilitatis patientiæq. virtutem, quam vos illic didicisse non dubito, vt ro sectamini cordis affectu, non eam sicut quidam falsa hu-

miliatione verborum, nec affectata atque superflua in quibusdam officiis corporis inclinatione fingentes. Quod humilitatis figmentum abbas Serapion quodam tempore eleganter irrisit. Cum enim quidam ad eum summam sui abiectionem habitu ac verbis præferens aduenisset, eumque senex, secundum morem, ut orationem colligeret hortaretur, ille nequaquam annuens deprecanti, tantis se subiiciens asserebat flagitijs inuolutum, ut ne usum quidem huius communis aeris carpere mereretur, psithij quoque ipsius refugiens sessionem, humi potius insidebat. Cum vero etiam ad ablutionem pedum multo minus præbuisset assensum, tum abbas Serapion refectione transacta, collationis consuetudine prouocante, monere eum benigne ac leniter coepit, ne otiosus ac vagus præsertim iuuenis tam robustus, instabili leuitate per vniuersa discurreret, sed ut in cella residens, secundum regulam seniorum, suo potius opere, quam aliena mallet munificentiâ sustentari, in quod ne Apostolus Paulus incideret, & quidem cum ei in Euangelio laboranti hæc præbitio merito deberetur, diebus tamen ac noctibus maluit operari, ut quotidianum victum vel sibi, vel his, qui eidem ministrantes opus exercere non poterant, suis manibus præpararet. Ad hæc ille tanta est tristitia & dolore suppletus, ut amaritudinem corde conceptam, ne vultu quidem dissimulare potuerit. Cui senex: Hactenus, inquit, o fili, cunctis te facinorum ponderibus onerabas, non metuens ne confessione tam atrocium criminum, notam existimationis incurreres; quid quæso nunc est quod ad simplicem admonitiunculam nostram, quæ tamen in se non modo nullum opprobrium, sed etiam ædificationis habuit ac dilectionis affectum, tanta te video indignatione permotum, ut eam ne vultu quidem oculare, aut frontis serenitate dissimulare potueris? An fortasse illam dum te humiliabas expectabas a nostro ore sententiam? Iustus accusator sui est in primordio sermonis? Proinde vera est cordis humilitas retinenda, quæ non de affectata corporis atque verborum, sed de intima mentis humiliatione descendit. Quæ tunc demum euidentissimis patientiæ suæ fulgebit indicijs, cum quis non ipse de se crimina ab alijs non credenda iactauerit, sed ab alijs sibi met arroganter ingesta contempserit, & irrogatas iniurias mansueta cordis equanimitate tolerarit.

2. Tess. 3.
Act. 20.

Pron. 15.
sec. lxx.

Interrogatio quemadmodum vera patientia possit.

GERMANVS. *acquiri. Cap. XII.*

Quemadmodum acquiri vel retineri possit ista tranquillitas optamus agnoscere; ut sicut indicto nobis silentio, oris claustra præcludimus, verborumq. licentiâ coercemus, ita etiâ cordis lenitatem custodire possimus, quod nōnumquam etiâ cum lingua frænatur, intrinsecus tamen statum suæ placiditatis amittit. Et idcirco mansuetudinis bonum non aliâs tenere quempiam nisi remotione cellæ ac solitario putamus habitaculo posse.

PIAMON. *Responsio. Cap. XIII.*

Patientia vera atque trāquillitas, absque profunda cordis humilitate nec acquiritur nec tenetur. Quæ si de hoc fonte descenderit, nec beneficio cellæ, nec perfugio solitudinis indigebit. Nō enim patrociniū cuiusquam rei extrinsecus quæret, quæ humilitatis, id est, generatricis atque custodis suæ intrinsecus virtute fulcitur. Ceterum si mouemur ab aliquo lacessiti, certum est non esse in nobis fundamenta humilitatis firmiter stabilita, & ideo ad incursum vel exiguæ tempestatis, ædificium nostrum ruinosa commotione concutitur. Non enim esset laudabilis nec admiranda patientia, si nullis inimicorum iaculis impetita tranquillitas propositum retentaret, sed in eo est præclata atque gloriosa, quod irruentibus in se tentationum procellis immobilis perseuerat. Nam in quo vexari frangiq. aduersitatibus creditur, in eo potius roboratur, & in eo magis acuitur, in quo putatur obtundi. A passionibus enim & sustentatione patientiam dici nullus ignorat, ideoq. constat patientem pronuntiari neminem posse, nisi eum qui vniuersa, quæ sibi fuerint irrogata, absque indignatione tolerauerit. Et ideo non immerito ita a Salomone laudatur: Me-

Prou. 16.

sec. lxx.

Prou. 14.

sec. lxx.

Matth. 7

est, nihil penitus detrimenti ex illa tam violenta collisione sensisse, quæ vero in arenarum pendula mobilitate cõstructa est, statim fuisse collapsam. Quam vtique apparet non propterea corruisse, quia imbrium vel torrentium inũdatione pulsata, sed quia super arenam imprudenter extructa est. Non enim in hoc differt a peccatore vir sanctus, quia non similiter & ipse tentatur, sed quia hic etiam magna impugnatione non vincitur, ille autem etiam parua tentatione superatur. Neque enim esset, vt diximus, iusti alicuius laudabilis fortitudo, si vinceret intentatus, cum vtique victoria locum habere non possit absque aduersitate certaminum: Beatus enim vir qui suffert tentationem, quia cum probatus fuerit, accipiet coronam vitæ, quã repromisit Deus diligentibus se. Secundum Apostolum quoque virtus nõ in otio atque delicijs, sed in infirmitate perficitur. Ecce enim, inquit, dedi te hodie in ciuitatem munitam, & in columnã ferream, & in murum æreum, super omnem terram regibus Iuda, principibus eius, & sacerdotibus eius, & omni populo terre, & bellabunt aduersum te, & non praualebunt, quia ego tecum sum, ait Dominus, vt eruum te.

De exemplo patientia cuiusdam religiosa femina.

Cap. XIV.

HVius ergo patientiæ volo vobis duo saltem exempla proponere, vnum religiosę cuiusdam feminx, quæ patientiæ virtutem tanta auiditate sectata est, vt non solum tentationum nõ vitaret incursum, sed etiam occasiones molestiarum sibi met procuraret, quibus frequentius instigata non cederet. Hæc namque cum Alexandriæ commaneret, essetq. non obscuris orta maioribus, atque in domo quæ sibi fuerat a parentibus derelicta religiose Domino deseruieret, veniens ad beatæ memoriæ episcopum Athanasium, precabatur vt aliquam sibi alendam viduam daret, quæ ecclesiasticis sumptibus pascebatur. Et vt petitionem eius verbis ipsius exprimamus: Da mihi, inquit, aliquam de sororibus quam repausem. Sacerdos igitur cū laudasset propositum feminx, quòd eam ad opus misericordiæ vidisset esse promptissimam, iussit ex omnibus eligi viduam, quæ & honestate morum, & grauitate ac disciplina omnibus præferretur, ne forte desiderium largitatis percipientis vitio vinceretur, & quæ mercedem quæreret in egena, damnum fidei prauis eius offensa moribus pateretur. Cui cum domum

Iacob. 1.

2. Cor. 12

Hiere. 1.

domum adductę omnibus deseruiret obsequijs, virtutem modestię eius ac leuitatis experta, vidensq. se ab ipsa momentis singulis gratiarum actione pro humanitatis officio onerari, post dies paucos ad memoratū reuerſa pōtificem, Rogauerā, inquit, vt mihi dari præciperes quā ego reficerem, & cui morigeris famulater obsequijs. Cumque ille necdum propositū feminę ac desiderium intelligens, estimasset petitionem eius dissimulatione præpositi fuisse neglectam, causasq. morę illius non absque animi sui commotione perquirens, protinus agnouisset honestiorem ei ceteris viduam deputatam, occulte præcepit vt ea illi, quę esset cunctis nequior traderetur, quę scilicet vel iracundia, vel rixis, vel violentia, seu verborum cunctas quibus hæc vitia dominarentur, excederet. Quam cū multo facilius inueniam sibiq. traditam domi habere cœpisset, atque eadē ei diligentia qua priori illi viduę, vel etiam studiosius ministraret; hoc solum ab ea pro tantis obsequijs recipiebat gratiā, vt indignis iugiter afficeretur iniurijs, cōuicijs quoque ab ea exprobrationibusq. cōtinuis vexaretur, obijciente ei & maledicis obrectationibus increpante, eo quod se nō ad refrigerium, sed potius ad cruciatum & contumeliā ab episcopo poposciſſet, magisq. se de requie ad laborem, quā de labore trātulisset ad requiem. Cum ergo assiduitas iurgiorū eo vsque prorumperet, vt ne ab iniectiōe quidem manum procax mulier temperaret, illa autem humilioris obsequij geminaret officia, non furentem vincere renitendo, sed semetipsam humilius subijciendo discebat, vt multimodis indignitatibus lacesſita; iurgantis insaniam & humanitatis mansuetudine deliniret. Quibus ad plenum exercitijs confirmata, perfectamq. virtutem desideratę patientię consecuta, ad memoratū pontificem, tā pro electionis illius iudicio, quā etiam pro beneficio exercitationis suę, gratias relatura perrexit, eo quod secundum desiderium suum tandem ei magistram patientię dignissimam prouidisset, cuius iniurijs iugibus, vt quodam palæstrę oleo quotidie roborata, ad summam animi patientiā perueniret: Tandem, inquiens, dedisti mihi quam repaulem; nam illo prior suis me potius onerabat ac refrigerabat obsequijs. Hęc de sexu muliebri dixisse sufficiat, vt cōmemoratione hac nō solum ædificemur, verum etiam cōfundamur, qui nisi fuerimus ferarum more reſuſi in caucas

*al. vino-
lentia.*

*al. humi-
litas.*

ueas cellularum, patientiam retinere non possumus.

De exemplo patientiæ abbatis Paphnutij. Cap. XV.

Nunc aliud abbatis Paphnutij pandamus exemplū, qui in illius insignis & ubique prædicabilis Scithicæ eremi, in qua nunc presbyter est, secretis, tanto studio semper insedit, ut ei ceteri anachoretæ Bubali cognomen indiderint, eo quod ingenito (ut ita dixerim) desiderio, solitudinis semper habitatione gauderet. Itaque cum tantæ in pueritia sua esset virtutis & gratiæ, ut etiam præclari ac summi id temporis viri, grauitatem eius & immobilem constantiam mirarentur, eumque licet minor esset ætate, pro virtutum tamen merito senioribus exequarent, suoque ordini ducerent inferendum, liuor ille, qui aduersum Ioseph patriarcham fraternos quondam animos instigauit, quandam de numero fratrum edacis zeli igne succendit. Qui neuo quodam ac macula pulchritudinem eius cupiens deformare, hoc genus malignitatis excogitat, ut temporis opportunitatem captraret, quo Paphnutius ad ecclesiam die Dominico processurus abesset a cella. In quam furtim irruens, codicem suum inter eius plectas, quas de palmarum folijs solebat intexere, latenter abscondit, ac de continuata factione securus, ipse quoque velut puræ ac simplicis conscientię ad ecclesiam venit. Cumque celebrata omnis fuisset ex more solemnitas, querelam sancto Isidoro qui ante hunc eundem Paphnutium eiusdem eremi presbyter fuit, coram cunctis fratribus detulit, asserens sibi codicem de cella furto fuisse sublatum. Quæ eius queremonia cum ita cunctorum fratrum, præcipueque presbyteri animos permouisset, ut quid primum suspicarentur, quidue decernerent non haberent, summa cunctis admiratione perculsis, de tam inauditi illic facinoris nouitate, ille qui rem detulerat accusator vrgebat, ut retentis in ecclesia omnibus, missi electi quique cunctorum singillatim fratrum cellulas scrutarentur: Quod cum tribus senioribus a presbytero fuisset iniunctum, vniuersorum cubilia reuoluentes, ad extremū in Paphnutij cellula absconditum codicem inter plectas palmarum, quas illi siras vocant, sicut eum insidiator occluserat, repperunt. Quem cum inquisitores confestim ad ecclesiam delatum coram omnibus protulissent, Paphnutius licet de cōscientiæ suæ esset sinceritate securus, tamen velut qui furti crimen agnosceret, satisfactioni se totū tradens,

dens, locum pœnitentię suppliciter postulauit, hoc verecundia suæ modestiæq. prospiciens, ne si maculâ furti verbis conaretur ablueri, insuper etiam mendacij notaretur, nemine scilicet aliud, quàm id quod inuentum fuerat suspicante. Cumque de ecclesia non tam mente deiectus, quàm iudicio Dei fidens protinus abscessisset, profusus in oratione iugiter lacrymis triplicatisq. ieiunijs, summa se etiam in conspectu hominum mentis humilitate prostrauit. Sed cum duabus ferme hebdomadibus ita se omni contritione carnis ac spiritus subiecisset, vt die sabbati vel Dominico, non ad percipiendam communionem sacram, sed ad prosternendum se in limine ecclesiæ, atque ad veniam suppliciter postulandam, matutinus occurreret, nequaquam passus est eum occultorum omniũ testis & cognitor, vel a se amplius conteri, vel ab alijs infamari. Nam quod ille inuentor sceleris, rei suæ fur improbus, laudis alienæ callidus infamator, nullo hominum teste commiserat, per diabolũ qui criminis ipsius incentor fuerat, publicauit. Arreptus namque dirissimo de mone cunctas factionis occultæ patefecit insidias, criminationumq. ac fraudum idem fuit proditor, qui commentor. Ita autem spiritu illo immundo grauiter diuque vexatus est, vt ne orationibus quidem sanctorum illic consistentium, qui diuinorum charismatũ merito dæmonibus imperabant, potuerit emundari, sed ne ipsius quidem Isidori presbyteri gratia singularis crudelissimũ ab eo extruserit vexatorem: Cui tanta erat virtus Domini largitate collata, vt ne vsque ad limina quidem eius quisquam arreptitius, qui tardius sanaretur, aliquando perductus sit, Christo hanc adolescenti Paphnutio gloriam reseruante, vt illius tantum orationibus, cui insidiatus fuerat, purgaretur, & cuius laudi aliquid inuidus inimicus decerpere se posse crederat, eius nomen proclamans, & delicti sui veniam & finem supplicij præsentis acciperet. Hæc ergo ille in adolescentia sua futuræ indolis iam tunc indicia præfigurans, lineas quasdam perfectionis illius, quæ erat maturitate ætatis augenda, adhuc in annis puerilibus designauit. Si igitur ad culmen virtutum eius volumus peruenire, talia nobis exordiorum fundamenta iacienda sunt.

De perfectione patientia. Cap. XVI.

DVplex sane ad narrationem facti huius causa me compulit, Primũ, vt hæc immobilitatem viri constatiãmq. pen-

penfantes, quanto minoribus quàm ille est appetitus, inimici impugnatur infidijs, tanto maiorem tranquillitatis atque patientiæ fumamus affectum: deinde, vt firma definitione teneamus, a tentationum procellis impugnationibusq. diaboli rutos nos esse non poffe, si omne præsidium patientiæ noſtræ omnemq. fiduciam, non in interioris hominis noſtri viribus, ſed in cellulæ clauſtris, aut in recessu ſolitudinis, ſanctorumve conſortio, vel cuiuſquam quæ extra nos ſit rei præſidio, collocemus. Niſi enim mentem noſtrâ virtute ſuæ protectionis ille firmauerit, qui in Euangelio ait: Regnum Dei intra vos eſt; fruſtra aerij hoſtis infidias, aut auxilio cohabitantium hominum vincere, aut loca libus ſpacijs declinare, aut munitione tectorum excludere poſſe nos credimus. Nam cum hæc omnia ſancto Paphnutio non deſſent, non tamen impugnationis aditum aduerſus eum tentator inuenire nō potuit, neque illum nequiſſimum ſpīritū, ſep̄ta parietum aut eremi ſolitudo, aut tot in illa congregatione ſanctorum metita repulerunt. Sed quia ſanctus Dei famulus non in hijs quæ extrinſecus ſunt, ſed in ipſo occultorum omnium iudice ſpem ſui cordis affixerat, tantę impugnationis machinis nequaquam potuit commoueri. E contra ille, quem ad tantum facinus præcipitauit inuidia, nonne & ſolitudinis beneficio, & munitione habitaculi remotioris, & beati Iſidori abbatis atque preſbyteri aliorumq. ſanctorum cōſortio fruēbatur? & tamen quia eum ſuper arenam turbo diabolicus reperit, non ſolū impegit eius, verū etiam ſubuetit habitaculum. Non ergo quietem noſtram extrinſecus inquiramus, nec opitulari vitijs impatientiæ noſtræ alienā putemus poſſe patientiam. Sicut enim regnum Dei intra nos eſt, ita inimici hominis domeſtici eius. Nemo enim mihi magis quàm ſenſus meus, qui eſt mihi vete intimus domeſticus, aduerſatur. Et idcirco ſi fuerimus ſoliciti, ab inteſtinis hoſtibus lædi minime potetimus. Vbi enim nobis noſtri domeſtici non aduerſantur, ibi & regnum Dei tranquillitate mentis acquiritur. Nam ſi rationem diligenter excutias, lædi ab homine quamuis malignante non potero, ſi ipſe impactifico aduerſum me corde non dimicet. Si autem lædor, non eſt vitium impugnationis alienę, ſed impatientiæ meæ. Sicut enim grauis ac ſolidus cibus ſano vtilis, ita pernicioſus eſt ægrotanti. Non autem lædere ſumentem poteſt, niſi ei ad

nocen-

Luc. 17.

Ibid.

Matt. 10

nocendum vires adiecerit percipientis infirmitas. Si vnamquam ergo similis inter fratres fuerit oborta tentatio, nequaquam a cursu tranquillitatis excussi, blasphemis secularium obrectationibus aditum referemus. Nec peruerfos atque execrables quosq. sanctorum virorum numero inferros latitare miremur, quia dum in huius sæculi atea conculcamur atque conterimur, necesse est etiam paleas igniperpetuo deputandas, inter electissima frumenta misceri. Denique si vel saran inter angelos, vel Iudam inter Apostolos, vel Nicolaum prauissimæ hæreseos inuentorem inter diaconos reminiscamur electos, hoc quod nequissimi homines sanctorum ordini deprehenduntur inseri, mirum esse non poterit. Nam licet hunc Nicolaum quidam allegerant nō illum fuisse, qui ad opus ministerij ab Apostolis electus, nihilominus tamen cum de illo discipulorum fuisse numero negare non possunt, quos omnes tales tamque perfectos id temporis fuisse manifestum est, quales nunc perpaucos vix in cœnobijs inuenimus. Non ergo ruinā illius supradicti fratris, qui in illa eremo tam lugubri lapsus est casu, neque illam horribilē maculam, quam tamē ille ingentibus pœnitentiæ lacrymis post deleuit, sed beati potius Paphnurij nobis proponamus exempla. Nec subuersione illius destruamur, cuius antiquum inuidiæ vitium etiam auxit in peius affectata religio, sed huius humilitatem tota virtute sectemur, quam non illi quies eremi subito genuit, sed inter homines acquisitam consummauit atque excoluit solitudo.

De inuidia malo. Cap. XVII.

Sciendum sane est, inuidiæ morbum difficilius ad melius quam cetera vitia perducere. Nam eū, quem semel veneni sui peste corruperit, pene dixerim carere remedio. Ipsa namque est lues, de qua figuraliter dicitur per prophetam: Ecce ego mittam vobis serpentes regulos quibus non est incantatio, & mordebunt vos. Recte igitur a propheta mortiferi basilisci venenis morsus inuidiæ comparatur, qua primus ille venenorum omnium auctor & princeps & perijt, & peremit. Nam ante suus quam eius, cui inuiderat interemptor, priusquam in hominem mortis virus effunderet, ipse se perdidit: Inuidia enim diaboli mors introiuit in orbem terrarum, imitantur autem illum qui sunt ex parte illius. Sicut enim ille qui primus eiusdem mali pe-

*Iob. 1.
Matt. 10.
Act. 6.
Apoc. 2.*

Hier. 2.

Sap. 2.

ste cor.

ste corruptus est, nec medelam pœnitentiæ, nec fomentum alicuius curationis admisit; ita & hi, qui ipsdē se percutiones moribus tradiderunt, omnem opem sancti incantatoris excludunt, quia cum utique non culpa eorum, quibus liuent, sed prosperitate cruciuntur, erubescētes ipsam prodere veritatem, extrinsecus sibi quasdam superfluas & ineptas causas offensionis inquirunt. Quam quia omnimodis falsæ sunt, vana curatio est, cum illud mortiferum virus, quod nolunt prodere, lateat in medullis. De quibus alibi sapientissimus ille competenter expressit: Si momorderit serpens non in sibilo, non est abundantia incantatori. Isti enim sunt taciti morsus, quibus solis sapientium medicina non subuenit. Nam vsque adeo incurabilis est ista perniciēs, vt blandimentis exasperetur, infletur obsequijs, muneribus irriteretur; quia vt idem Salomon ait: Nihil sustinet, zelus. Quanto enim amplius alius, aut humilitatis subiectione, aut patientiæ virtute, aut munificentia laude profecerit, tanto ille maioribus inuidiæ stimulis incitatur, qui non nisi ruinam aut mortem eius, cui inuidet, concupiscit. Denique illorum vndecim patriarcharum zelus in tantum nulla innoxij fratris subiectione potuit deliniri, vt de his

Gen. 37. Scriptura commemoret: Inuidebant autem ei fratres sui, eo quod diligeret eum pater suus, & non poterant ei loqui quidquam pacificum, donec zelus eorum, qui nulla germani obsequentis atque subiecti sustinuit blandimenta, mortem eius cupiens, vix posset venditionis fraternæ crimine satiari. Cunctis ergo vitijs perniciosiorem atque ad purgandum difficiliorem esse constat inuidiam, quæ ipsis remedijs, quibus reliqua extinguuntur, accenditur. Nam verbi gratia, qui damnum sibi illatum dolet, largitatis compensatione curatur; qui de illata indignatur iniuria, humili satisfactione placatur: Quid illi facias, qui hoc ipso magis quod te humiliorem atque benigniorem sentit, offenditur, quem non ad iracundiam cupiditas, quæ præmio delinirur, non iniuriæ læsio aut amor vltionis accendit, quæ officiorum vincitur blandimentis, sed successus tantum alienæ felicitatis irritat? Quis autem est, qui se vt satisfaciat inuidenti, a bonis corruiet: aut a prosperis alienari, aut calamitate aliqua exoptet inuolui? Quapropter ne totum quidquid in nobis viuudum est, & quali vitali vegetatione sancti Spiritus animatur, vno tantum huius mali morsu basiliscus

*Ecc. 10.
sec. lxx.*

*Prov. 27.
sec. lxx.*

2. 37.

Iſcus interimat, diuinum cui nihil impoſſibile eſt iugiter
 imploremus auxilium. Cetera enim venena ſerpentum, id
 eſt, carnalia peccata vel vitia, quibus vt cito inuoluitur, ita
 facile expurgatur humana fragilitas, habent aliqua vulne-
 rum ſuorum in carne veſtigia, quibus quamuis terrenum
 corpus pernicioſiſſime cōtumeſcat, tamen ſi theriacæ reme-
 dium, aut illam ſalutarium verborum medelam aliquis pe-
 ritiſſimus carminum diuinorum incantator admouerit, ad
 perpetuam animæ mortem perniciēs virulenta non perue-
 nit. Inuidiæ autem quaſi a regulo ſerpente virus effuſum,
 vitā ipſam religionis ac fidei priuſquam vulnus in corpor-
 re ſentitur excludit. Non enim aduerſus hominem, ſed pla-
 ne aduerſus Deum blaſphemus extollitur, qui nihil in fra-
 tre aliud niſi bonum meritum carpens, non hominis cul-
 pam, ſed Dei tantum iudicia reprehendit. Hæc ergo eſt illa *Hebr. 12.*
 ſurſum germinans amaritudinis radix, quæ ſe erigens ad ſu-
 perna, in contumeliā ipſius, qui bona homini cōfert, ten-
 dit auctoris. Nec quemquam moueat, quod Deus miſſurū *Hiere. 2.*
 ſe ſerpentes regulos, qui eos, quorum criminibus offendi-
 tru, mordeant, cōminatur. Nam licet certum ſit, Deum au-
 ctorem inuidiæ eſſe non poſſe, æquum tamen & diuino di-
 gnū iudicio eſt, vt dum bona data humilibus conferun-
 tur, & ſuperbis ac reprobis denegantur, eos qui ſecundum
 Apoſtolum tradi in reprobū ſenſum merentur, quaſi ab *Rom. 2.*
 ipſo miſſa percutiat & conſumat inuidia, ſecundum illud:
 Ipſi me ad æmulationem irritauerunt in non Deo, & ego *Deut. 32.*
 ad æmulationem inducam eos in non gente. Hac beatus *ſec. lxx.*
 Piammon diſputatione deſiderium noſtrum, quo de pri-
 mis cœnobij ſcholis ad ſecundum anachoreſeos gradum
 tendere cœperamus, ardentius inflammauit. Nam primor-
 dia ſolitariæ commorationis cuius ſcientiam poſtea ſumus
 Scithi plenius aſſecuti, ipſo primum imbuēte percepimus.

COLLATIONIS ABBATIS

Piammonis de tribus antiquis generibus
 monachorum, & quarto nuper
 exorto, Finis.

COLLATIO XIX. QVÆ
EST ABBATIS
IOANNIS

DE FINE COENOBITAE
ET EREMITAE

*De cœnobia abbatis Pauli, & patientia cuiusdam
fratris. Cap. I.*



POST dies admodū paucos maioris doctrinæ desiderio pertrahēte, rursus ad abbatis Pauli cœnobiū summa spiritus alacritate perreximus: vbi licet plusquā ducentorū fratrum numerus moraretur, in honorem tamē solemnitatis, quæ id temporis agebatur, infinita quoque de alijs cœnobijs monachorū turba confluxerat. Nā prioris abbatis qui eidē cœnobia præfuerat, anniuersaria depositio solēniter curabatur. Cuius conuentus idcirco mentionē facimus, vt patientiā cuiusdam fratris, quæ sub præsentia totius congregationis immobili eius claruit lenitate, breuiter perstringamus. Nam licet aliō operis huius tendat intentio, vt scilicet abbatis Ioannis, qui relicta eremo illi se cœnobia summa humilitatis virtute subdiderat, proferamus eloquia; nequaquā tamē putamus absurdum, si absque vlla circuitione verborum, magna, vt credimus, studiosis quibusque virtutum ædificatio conferatur. In ingenti itaque atrio subdiuali illa monachorum multitudine per duodenarium numerū distinctis ordinibus cōsidente, cum quidam fratrum susceptum ferculum paulo tardius intulisset, sub occasione istius tarditatis, prædictus abbas Paulus, qui inter turbas ministratium fratrum solícite discurrebat, exerta manu, palma eum sub omnium percussit intuitu, itā vt sonitus etiā auresorum, vel longius confidentium auribus resuleret. Hoc autem idcirco ab eo factū est, vt cunctis qui aderant iuuenis patientiā patefaceret, & omnes qui interfuissent tali spectaculo, modestiæ erudirētur exēplo. Quā maturo autē id senior consilio fecerit, res probauit. Nā memorabilis patientiæ iuuenis tāta id animi lenitate suscepit, vt nō modo nullus fuerit ex ore eius sermo prolapsus, vel tenuissimū murmur

mur tacita labiorum agitatione signatum, sed ne ipsa quidē oris modestia atque trāquillitas, aut color saltem quārumcumque mutatus. Quod factum non solum nobis qui nuper de Syriæ monasterio veniētes patientiæ huius virtutem non tam eidentibus perceperamus exemplis, sed etiā cunctis, qui expertes talium non erant studiorum ita mirū fuit, ut etiam summis viris præcipua per hoc factum conferretur instructio; quod scilicet etiam si patientiam eius correptio paterna nō mouerat, ne spectaculum quidē tantæ multitudinis vllō vultum eius ruboris tinxissent indicio.

De humilitate abbat. Ioānis, et interrogatiōe nostra, Cap. II.

IN hoc itaque cōnobia reperimus antiquissimum senem nomine Ioannem, cuius verba pariter & humilitatē, quā sanctis omnibus præminebat, nequaquam silentio prætereunda censuimus, scientes eum hac maxime perfectione viguisse, quæ cum sit virtutū omnium mater, ac totius spiritalis structuræ solidissimum fundamentum, a nostris penitus exulat institutis. Vnde non mirum est nec ad illorum sublimitatem nos posse conscendere, qui non dicam vsque ad senectam sub cōnobia permanere non possumus disciplinā, sed vix biennio subiectionis iugum ferre contenti, ad præsumptionem noxiæ libertatis protinus euolamus, cum tamen ipso illo paruo tempore non secundum illam distributionis regulam, sed pro nostri arbitrij libertate utcumque senioris subijciamur imperio, ut nō patientiæ fructum ediscere, sed tempus adipiscendæ licētiæ expectare videamur. Hunc igitur senem cum in abbatis Pauli cōnobia vidissemus, ætatem primum, & gratiam viri, quæ erat præditus admirati, demisso in terram vultu precari cœpimus, ut nobis pandere dignaretur, quam ob causam relicta eremi libertate, & illa professione sublimi, quæ eū præ ceteris eiusdem vitæ viris fama celeberrima commendabat, subire iugum cōnobia maluisset. Ille velut imparem se anachoreticæ disciplinæ, & sublimitate tantæ perfectionis indignum, ad iuniorum scholas reuertisse dicebat, si tamē vel ipsorum instituta secundum professionis meritum posset implere. Cuius responsionis humilitatē cum refragatio nostræ deprecationis excluderet, ad extremum ita exorsus est.

Responsio abbatis Ioannis cur eremum reliquisset. Cap. III.

ANachoreticam disciplinam, quam me deseruisse miramini, non solum nō respuo nec refuto, sed tota potius

veneratione complector atque suscipio. In qua post triginta annos, quos in cœnobij congregatione transegeram, ita alios viginti expleſſe me gaudeo, vt inter illos, qui eam vel mediocriter appetebant, nō vsquequaque ſegnitiæ denotarer. Sed quia deguſtata eius puritas ſolicitudine interdum carnalium rerum interpolata ſordebat, recurrere ad cœnobiũ commodius viſum eſt, vt & promptior arrepti planioris propoſiti cōſummatio ſequeretur, & minus de præſumptæ ſublimioris profeſſionis difficultatē periculum. Melius enim eſt deuotum in minoribus, quàm indeuotum in maioribus profeſſionibus inueniri. Et ideo ſi quid elatius, immo liberius fortasſe protulero, quaſo vt non ta-ctantiæ vitio, ſed ædificationis veſtræ depromptum ſtudio cenſeatis, quia vobis tam ſtudioſe quaerentibus, nihil de veritate exiſtimo ſubtrahendum. Arbitror enim inſtructionis vobis aliquid poſſe conferri, ſi pauliſper humilitate ſepoſita, ſimpliciter omnem propoſiti mei patefecero veritatem. Conſido enim, quia nec apud vos de libertate dictorum cenodoxiæ notam, neque apud conſcientiam meam de ſuppreſſione veritatis quoddam mendacij crimen incurram.

De virtute prædicti ſenis, quam in anachoretica exercuit diſciplinā. Cap. IV.

Hier. 17. SI quis igitur alius ſecretis eremi delectatus, obliuioni ſtrudere potuit humana confortia, ac ſecundum Hieremiam dicere: Et diem hominis non deſideraui, tu ſcis; ego quoque id Domino ſua gratia largiente vel aſſecutum, vel certe aſſequi adniſum fuiſſe me fateor. Itaque pro Domini noſtri munere meminini me in huiusmodi raptum frequenter exceſſum, vt obliuiſcerer me ſarcina corporeæ fragilitatis indutum, mentemq. meam ita omnes exteriores ſenſus ſubito reſpuiſſe, & a cunctis materialibus rebus omnimodis exulafſe, vt neque oculi neque aures meæ proprio fungerentur officio; & ita diuinis meditationibus ac ſpiritualibus theorijs animus replebatur, vt ſæpe ad veſperam cibum me percepiſſe neſcirom, ac ſequenti die de heſterna abſolutione ieiunij penitus dubitarem. Ob quam etiam cauſam ſeptem dierum cibus, hoc eſt, ſeptem paxamacionum paria ſequeſtratim in procherio, id eſt a manu enſi ſportata, die ſabbati reponuntur, vt reſectio prætermiſſa non lateat. Qua conſuetudine, illius quoque obliuionis error excluditur,

elūditur, vt expletum hebdomadæ cursum, ac solēnitatem diei ipsius reuolutam, finitus panum indicet numerus, festiuitasq. diei sacræ & cōgregationis solemnitas solitarium latere non possit. Quōd si etiam hunc ordinem ille, quem prædiximus mentis excessus forte turbauerit, nihilominus quotidiani operis modus, dierum numerum signans, arcet errorem. Et vt ceteras eremi virtutes silentio prætermittā, (non est enim nobis de earum numerositate ac multitudine, sed de solitudinis ac cōnobij siue tractandū) causas potius ob quas illam deferere maluerim, quas etiā vos agnoscere voluistis, breuiter explicabo, omnesq. illos quos memorauī solitudinis fructus, quibus e diuerso sublimioribus meritis duxerim postponēdos, breui oratione perstringam.

De commodis eremi. Cap. V.

Quamdiu igitur raritas eorum, qui in eremo tunc temporis morabantur, libertatem nobis largiendo, diffusiore solitudinis vastitate blandita est, & quamdiu maioribus remoti secretis frequentissime ad cælestes illos rapiebamur excessus, nec tanta visitantium fratrum irruēs multitudo, parādæ humanitatis necessitate, sensus nostros ingentium curarum distentionibus aggrauabat, solitudinis plane tranquilla secreta, & illam conuersationem angelicæ beatitudini comparandam, insatiabili desiderio ac toto animi ardore sectatus sum. Sed cū maior (vt dixi) numerus fratrum, habitationē illius solitudinis cōpisset expetere, & coangustata vastioris eremi libertatē, non modo ignem illum diuinæ contemplationis fringere fecisset, sed etiam multimodis mentem carnalium rerum vinculis impediret, elegi huius disciplinæ vtrumque implere propositum, quā in illa tam sublimi professione carnalium necessitatum prouisione torpere, vt si mihi illa libertas ac spiritalis alacritas denegantur, abiecta tamen penitus diei crastinæ sollicitudine, euangelici me præcepti consummatio consoletur, & id quod mihi de illa theoretica sublimitate subtrahitur, hac obedientiæ subiectione pensetur. Miserum namque est cuiuslibet artis ac studij disciplinā quempiam profiteri, & ad perfectionem eius minime peruenire.

Math. 6.

De utilitate cōnobij. Cap. VI.

Quamobrem quantis nunc in hac conuersatione perfruat commodis, breuiter explicabo; vos vtrum illa solitudinis luera his beneficijs valeant compensari,

digesta narratione perpendite, per quam etiam hoc probare possibile est, vtrum fastidio an desiderio illius solitariae puritatis his maluerim cœnobij angustijs coartari. In hac igitur conuersatione diurni operis nulla prouisio, venditionis, vel coemptionis nulla distentio, non annui panis inuitabilis cura, non sollicitudo corporalium rerum, qua non tantum proprijs, verum etiam multorum aduenientium vîsibus necessaria præparantur, postremo nulla arrogantia laudis humanæ, quæ immundior his omnibus in conspectu Dei, etiam magnos eremi labores frequenter euacuat. Verum vt in illa anachoretica disciplina illos elationum spiritalium fluctus & exitiabilis cenodoxiæ pericula præteream, ad hoc generale cunctorum pondus, id est, cœmunem parandi victus sollicitudinem reuertamur, quæ eo vîque mensuram nō dico illius antiquæ districtiōis excessit, quæ vsum olei penitus nesciebat, sed ne hac quidem nostri temporis remissione cœpit esse contenta, in qua vno olei sextario, itidemq. lenticulæ modio aduenientium vîsibus præparato, totius annuæ refectiōis explebantur officia, ita vt duplicato nunc, ac triplicato modio necessitas vîctualis vix queat expediri. Et in tantum apud nonnullos vis noxiæ huius remissionis increuit, vt aceto muriaq. permixtis, non illam vnā olei admisceant guttam, quam prædecessores nostri, qui eremi instituta maiore abstinentiæ virtute sectati sunt, repellendæ tantum cenodoxiæ gratia instillare consueverant, sed infringentes Ægyptiacum pro salibus caseum, plus olei quā necesse est superfundant, & ita duos cibos propria suauitate distinctos, qui singillatim diuersoq. tempore monachum reficere iucundissime potuissent, sub vnius saporis oblectatione percipiant. In tantum sane hæc κτῆσις, id est, materialium rerum possessio supercreuit, vt sagum quoque (quod absque verecundia referre non possum) sub obtentu humanitatis ac susceptionis huius, anachoretæ in suis habere cellulis cœperint; vt illa prætermittam, quibus attonita anima, ac spiritalibus theorijs semper intenta, specialius ingrauat, concursus scilicet fratrum, susceptionis quoque ac deductionis officia, mutuas visitationes, diuersarumq. confabulationum, atque occupationum interminabilem curam; quarum etiā illo tempore, quo hæc videntur impedimenta cessare, tamen animi consuetudinariæ inquietudinis assiduitate suspensum,

expe-

expectatio ipsa distendit. Atque ita sit, ut anachoreseos illa libertas huiusmodi nexibus impedita, ad illam ineffabilem cordis alacritatem præpedito non perueniat ascensu, ac fructum eremiticæ professionis amittat. Qui si mihi in congregatione nunc atque in turbis sito fuerit denegatus, saltem quies animæ cordisq. tranquillitas omnibus occupationibus absoluta non deerit. Quæ nisi illis quoque qui in solitudine commorantur præsto fuerit, labores quidem anachoreseos sustinebunt, fructu vero ipsius fraudabuntur, qui non nisi quieta mentis stabilitate conquiritur. Postremo etiam si mihi in cœnobio constituto ab illa puritate cordis aliquid fuerit imminutum, ero solius euangelici præcepti compensatione contentus, quod certum est omnibus illis eremi fructibus non posse postponi, ut scilicet de crastino nihil cogitem, & usque ad finem subiectus ab-

Matt. 6.

Philip. 2.

Ioan. 6.

bati, illum aliquatenus videar æmulari de quo dicitur: Humiliauit semetipsum, factus obediens usque ad mortem; merearq. illius verbis humiliter dicere: Quia non veni facere voluntatem meam, sed voluntatem eius, qui misit me patris.

Interrogatio de cœnobij vel solitudinis fructu.

GERMANVS.

Cap. VII.

Quia te vtriusque professionis non quemadmodum multos principia tantummodo contigisse, sed ipsa fastigia conscendisse manifestum est, quisnam cœnobitæ, quis eremitæ sit finis optamus agnoscere. Nulli namque dubium est neminem de his vel fidelius posse vel plenius disputare, quam illum qui vtramque perfectionem longo usu & magistra experientia consecutus, meritum earum ac finem veridica potest insinuare doctrina.

IOANNES. *Responsio sup interrogacione pposita. Cap. VIII.*

VNum eundemq. hominem in vtraque professione perfectum esse non posse absolute pronunciare potuissem, nisi me paucorum admodum retardaret exemplum. Magnum siquidem est in qualibet earum consummatum quempiam reperiri, quo magis ad plenum vtramque perficere, arduum ac pene, ut ita dixerim, homini impossibile esse perspicuum est. Quod tamen si quando prouenerit, non statim ad generalem formulam potest referri. Non enim a parte minima, id est, de consideratione paucorum, sed de his, quæ multorum, immo omnium subiacent facultati; vniuersalis est regula proponenda. Si qua vero rarissime

atque a paucissimis obtinentur, ac possibilitatem communis virtutis excedunt, velut supra condicionem humanæ fragilitatis naturamq. concessa, a præceptis sunt generalibus sequestranda, nec tam pro exemplo quàm pro miraculo proferenda. Quamobrem id, quod inquiris secundum mediocritatem sensus mei breuiter intimabo. Finis quidē cœnobitæ est, omnes suas mortificare & crucifigere voluntates, ac secundum euangelicæ perfectionis salutem mandatum, nihil de crastino cogitare. Quam perfectionē prorsus a nemine nisi a cœnobita impleri posse certissimū est. Quem virum Esaias propheta describens ita beatificat

Matth. 6. atque collaudat: Si auerteris a sabbato pedem tuum, facere voluntatem tuam in die sancto meo, & glorificaueris eum dum non facis vias tuas, & non inuenitur voluntas tua ut loquaris sermonem, tunc delectaberis super Domino, & sustollam te super altitudinem terræ, & cibabo te hereditate Iacob patris tui. Os enim Domini locutum est. Eremitæ vero perfectio est, exutam mentem a cunctis habere terrenis, eamq. quantum humana imbecillitas finit, vnire cū

Thren. 3. Christo. Quem virum Hieremias propheta describens: Beatus, inquit, vir qui tulit iugum ab adolescentia sua, sedebit solitarius & tacebit, quia leuauit se super se. Psalmista quoque: Similis factus sum pellicano solitudinis. Vigilauit & factus sum sicut passer solitarius in tecto. Ad hunc igitur finem, quem vniuscuiusque professionis esse prædiximus, nisi eorum vterque peruenerit, frustra & ille cœnobij, & iste anachoreseos expetiit disciplinam. Neuter enim virtutem suæ professionis impleuit.

De consummata ac vera perfectione. Cap. IX.

Sed hoc *μετῆν*, id est, non integra & in omnibus consummata perfectio, sed pars perfectionis est. Rara est ergo & paucissimis dono Dei concessa perfectio. Is etenim vere & non ex parte perfectus est, qui & in eremo squalorem solitudinis, & in cœnobio infirmitates fratrum æquali magnanimitate sustinet. Et ideo in vtraque professione per omnia consummatum inuenire difficile est, quia nec anachoreta *ἀκτῆμοσύλω*, id est, contemptū ac priuationē materialium rerum, nec cœnobita theoreticam ad integrum potest assequi puritatem, licet vtrumque perfecte abbatem Moysen, atque Paphnutiū, duosq. Macarios nouerim possedisse. Qui ita erant in vtraque professione perfecti, ut cum

vltia

ultra omnes eremi accolae secedentes, insatiabiliter secreto solitudinis pascerentur, quantumq. in ipsis erat, nequaquam inquirerent humana consortia, tamen ita frequentia ac fragilitates ad se concurrentium sustinebant, ut cum ad eos visitationis vel profectus gratia innumera fratrum multitudo conflueret, tam iugem pene susceptionis inquietudinem immobili patientia tolerantes, nihil aliud vel didicisse vel exercuisse omni vitae suae tempore crederentur, quam ut communibus tantum aduenientium officijs deservirent, ita ut apud cunctos esset ambiguum, in qua potissimum professione eorundem maior esset industria: id est, utrum in illa eremitica puritate, an in ista conuersatione communi, magnanimitas eorum mirabilis aptaretur.

De his qui imperfecti eremum petunt. Cap. X.

Solent autem nonnulli ita diuturno silentio solitudinis cesserari, ut prorsus hominum consortia perhorrescant, & eum vel paululum a secreti sui consuetudine, interueniente fratrum visitatione, discesserint, notabili mentis angore & euidenibus pusillanimitatis indicijs aestuare. Quod vel maxime his evenire consuevit, qui non perfecte in coenobijs instituti, nec excoctis prioribus vitijs ad solitariam vitam immaturo desiderio transtulerunt. Qui in utramque partem imperfecti semper ac fragiles, quocunque aura commotionis impulerit, inclinantur. Nam quemadmodum consortio vel interpellatione fratrum impatienter exstuant, ita in solitudine consistentes eius ipsius, quod expectant, silentij vastitatem non ferunt, quippe qui ne ipsam quidem rationem norunt, cuius causa desiderari vel expecti debeat solitudo; sed hanc esse virtutis ac professionis huius aestimant summam, ut fratrum consortia declinantes, humanos tantummodo refugiant ac detestentur aspectus.

Interrogatio de remedio eorum, qui cito de coenobij congregatione discedunt. Cap. XI.

Quo ergo vel nobis vel ceteris, qui eiusdem fragilitatis atque mensurae sunt remedio poterit subueniri, qui coenobialibus disciplinis tenuiter instituti, ante expulsionem omnium vitiorum, habitationem solitudinis coepimus affectare? vel quo pacto imperturbatae mentis constantiam, & immobilem patientiae poterimus apprehendere firmitatem, qui ipsas quodammodo scholas & exercitationis huius palaestram, in qua ad plenum erudiri ac perfici principia nostra

stra debuerant, intempestiue intermissa cœnobij congregatione reliquimus? Qualiter ergo nunc solitarie commorantes, perfectionem longanimitatis ac patientiæ consequemur, vel quemadmodum has sibi inesse vel deesse virtutes exploratrix internorum motuum conscientia deprehender, ne forte quia ab hominum consortio segregati, nullis eorundem irritationibus prouocamur, falsa æstimatione decepti, tranquillitatem mentis nos immobilem possidere credamus?

Responsio, quomodo solitarius vitia sua possit agnoscere.

IOANNES.

Cap. XII.

IN veritate quærentibus medicinam, remedia curationû ab illo verissimo animarum medico deesse non possunt, his præsertim, qui valitudines suas non desperando aut negligendo contempserint, nec vulnerum suorum pericla celauerint, aut medelam pœnitentiæ procaci mente respuerint, sed pro languoribus ignorantia vel errore vel necessitate contractis, humili & tandem cauta ad medicum cœlestem mente confugerint. Ideoq. nosse debemus, quòd si ad solitudinem vel ad abdita loca nondum curatis vitijs secedamus, effectus eorum tantummodo reprimatur, nō extinguatur affectus. Latitat enim intra nos, immo etiam serpie radix omnium, quæ extirpata nō fuerit, peccatorum, quam adhuc in nobis viuere his deprehendemus indicijs. Verbi gratia: Cum in solitudine constituti, aduentum fratrum vel breuissimam eorum moram cum quadam æstuantis animi anxietate suscipimus, inesse adhuc in nobis viuacissimum impatientiæ fomitem nouerimus. Cum vero cuiusquā fratris speramus aduentum, si eo pro necessitate aliqua paulû forsitan demorante vel tacita indignatio nimiam eius culpauerit tarditatem, & mentem nostram immodicæ expectationis sollicitudo turbarit, iræ atque tristitiæ manifeste in nobis vitia residere conscientiæ nostræ probauit examen. Item si fratre vel codicem ad legendum, vel quamlibet aliâ ad vtendum speciem postulante, aut nos illius petitio contristarit, aut illum negatio nostra repulerit, dubium non est nos adhuc auaritiæ seu philargyriæ laqueis compedi. Quòd si recordationem feminiæ nobis vel cogitatio subita vel sacræ series lectionis attulerit, & in ea quadam nos senserimus titillatione pulsatos, sciamus necdum extinctû in membris nostris fornicationis ardorem. Si vero de compa-

ratio-

ratione districtiōnis nostræ & remissionis alienæ vel tenuissima mentem nostram tentarit elatio, certum est diranos superbix peste corruptos. Cum hæc ergo in corde nostro vitiorum deprehenderimus indicia, manifeste cognoscamus nobis non affectum, sed effectum deesse peccati. Quæ utique passiones si nos quandoque conuersationi miscuerimus humanæ, protinus de cauernis nostrorum sensuum procedentes, probant se non tunc primum cum eruperint nasci, sed tunc demum quum diu latuerint publicari. Et ita vniuscuiusque vitij radices in se esse defixas certis indicijs etiam solitarius deprehendet, quisque puritatem suam non hominibus ostentare, sed illius conspectui inuiolatam studuerit exhibere, quem latere omnia cordis arcana non possunt.

Interrogatio quomodo sanari possit, qui non expurgatis vitijs
 GERMANVS. *solitudinem sit ingressus. Cap. XIII.*

Argumenta quibus infirmitatum indicia colligantur, & rationem discernendarum ægritudinum, id est, quo pacto vitia, quæ celantur in nobis valeant deprehendi, lucide satis aperteque percepimus. Omnia siquidem quotidiana experientia ac diuturnis cogitationum nostrarum motibus, ita ut dicta sunt, intuemur. Superest igitur ut quemadmodum probationes causarumque morborum euidentissima nobis ratione sunt patefactæ, ita etiam curationum medela monstretur. Nulli namque dubium est, illum posse rectissime de remedijs malarum valitudinum disputare, qui earum prius causas atque origines ægrotantium conscientia attestante deprehenderit. Itaque licet doctrina beatitudinis tuæ vulnerum nostrorum arcana nudauerit, quo sit ut sperare aliquid etiam de remedijs audeamus, quia tam euidentis declaratio morbi spem remedij pollicetur, tamē quia primum, ut ais, in congregationibus initium salutis acquiritur, & sani in solitudine esse non possunt, nisi quos prius cœnobiorum medicina sanauit, perniciose rursus desperatione concidimus, ne forte qui imperfecti cœnobiū reliquimus, nequaquam iam in eremo perfecti esse valeamus.

IOANNES. *Responsio super eorū medicina. Cap. XIV.*

DE morborum suorum curatione sollicitis remedium salutare deesse non poterit, & idcirco eodem modo quo vniuscuiusque vitij deprehenduntur indicia, etiā remedia sunt querenda. Nam quemadmodū solitarijs humanæ conuersa-

uersationis vitia diximus non deesse, ita virtutum studia & instrumenta sanitarum, omnibus etiam ab humana conuersatione discretis posse suppetere non negamus. Cum se igitur impatientiæ suæ iræ perturbationibus incurfari, illis quæ supra ostendimus indicijs vnusquisque deprehenderit, contrarijs semetipsum obiectionibus semper exerceat, & propositis sibi multimodis iniuriarum dispendiorumq. generibus velut ab alio sibi met irrogatis, afluat faciat mentem suam omnibus, quæ inferre improbitas potest, perfecta humilitate succumbere, atque aspera sibi quæque & intolerabilia frequenter opponēs, quanta eis occurrere debeat lenitate omni iugiter cordis contritione meditetur. Et ita respiciens ad illas sanctorum omnium siue ipsius Domini passionēs, vniuersa non solum conuiciorum, sed etiam pœnarum genera, inferiora meritis suis esse pronuncians, ad omnem se dolorum tolerantiam præparabit. Cumq. aliquando ad cœtus fratrum aliqua fuerit inuitatione reuocatus (quod non potest non vel raro etiam districtissimis eremi accolis prouenire) si mentem suam etiam pro leuibus quibusque rebus deprehenderit tacite fuisse commotam, vt quidam oecultorum motuum seuerissimus censor, mox sibi illa durissima iniuriarum genera, quibus ad perfectam tolerantiam semetipsum quotidianis exercebat meditationibus, exprobrat, atque ita se obiurgans & increpans alloquatur: Tu ne ille es bone vir, qui te dum in illa solitudinis tuæ exereces palæstra, omnia superaturum mala constantissime præsumebas, qui dum tibi nō solum summas conuiciorum acerbitates, verum etiam intoleranda supplicia ipse propone- res, satis validum atque ad omnes procellas immobilem te credebas? Quomodo inuicta illa patientia tua leuissimi verbi prolusione confossa est? Quomodo domum tuam super illam solidissimā petram tanta, vt tibi videbatur, mole constructam, leuis aura commouit? Vbi est illud, quod inani fiducia bellum in pace desiderans proclamabas: Paratus sum & non sum turbatus? Et eum Propheta sæpe dixisti: Proba me Domine & tenta me, vre renes meos & cor meū. Et: Proba me Domine, & scito cor meum; interroga me, & cognosce semitas meas; & vide si via iniquitatis in me est? Quomodo ingentem certaminis apparatus exigua hostis vmbra conterruit? Tali ergo semetipsum compunctionis animaduersione condemnans, inultam animi sui commo-

Psal. 118.

Psal. 25.

Psal. 138

tiun-

riunculam esse non sinat, sed artiore carnem suam ieiunij ac vigiliarum correptione castigans, ac iugibus continentiae poenis culpam suae mobilitatis excrucians, id quod ad plenum excoquere in coenobij conuersatione debuerat, in solitudine constitutus hoc exercitationis igne consumat. Illud sane ad obtinendam iugem ac stabilem patientiam constanter atque immobiliter est tenendum, non licere nobis, quibus lege diuina non solum ultio iniuriarum, sed etiam memoria prohibetur, cuiuslibet detrimēti vel irritationis obtentu ad iracundiam commoueri. Quod enim animae grauius potest euenire dispendium, quam ut per commotionis subitae caecitatem veri atque aeterni luminis claritate priuata, ab illius, qui mitis & humilis corde est, contemplatione discēdat? Quid ergo perniciosius, quidve deformius, quam ut quis honestatis iudicium & regulam ac disciplinā rectae discretionis amittat, & ea sanus ac sobrius perpetret, quae nec temulentus quidem quis ac sensu indigens veniabiliter admisisset? Haec ergo & his similia detrimenta quisque perpendit, non solum vniuersa damnorum genera, sed etiam iniuriarum atque poenarum quaecumque possunt a crudelissimis irrogari, facili sustentatione despiciet, nihil dispendiosius iracundia, nec pretiosius tranquillitate animi, ac perpetua cordis sui iudicans puritate. Ob quam non solum carnalium, sed etiam illarum, quae spirituales videtur rerum spernenda sunt commoda, si alias acquiri vel perfici, nisi cum huius tranquillitatis perturbatione non possunt. *Interrogatio, an ita castitas sicut & cetera passiones debeat* GERMANVS. *explorari. Cap. XV.*

Sicut ceterorum vulnerum, id est, irae, tristitiae, impatentiae, per obiectionem contrariarum rerum medela monstrata est, ita etiam contra spiritum fornicationis quod corruptionis genus nos oporteat adhibere, volumus edoceri; id est, utrum etiam concupiscentiae ignis propositis, sicut illic, maioribus irritationum augmentis possit extingui; quod satis castitati credimus esse contrarium, si non solum libidinis incentiua exaggerentur in nobis, sed vel praetereunte mentis oculo perstringantur.

Responsio, quibus documentis possit agnosci.

IOANNES.

Cap. XVI.

Questionem quae etiam tacentibus vobis narrationem nostram fuerat secutura, sagax interrogatio vestra pra-

præuenit, & idcirco efficaciter eam sensibus vestris concipiendam esse non ambigo, quandoquidem institutionem nostram acumen vestri præcessit ingenij. Sine labore enim cuiuslibet quæstionis dilucidatur obscuritas, cum absolutionem eius anticipans inquisitio, quo ducenda est, antecedit. Itaque remedijs quidem illorum, quæ supra diximus vitiorum, non solum nihil officiunt, verum etiam multum conferunt humana consortia. Nam frequentia impatiendi suæ crebrius patefacta, quanto magis assiduum superatis dolorem compunctionis intulerint, tanto velociorem laborantibus conferunt sanitatem. Ob quod etiam in solitudine consistentes, cum irritationum fomes atque materia ab hominibus non possit exurgere, tamen earundem incitamenta debemus etiam de industria retractare, ut aduersus ea iungi cogitationum colluctatione pugnantibus nobis medela promptior conferatur. Contra fornicationis vero spiritum diuersa ratio, & dispar est causa. Nam quemadmodum corpori vsus libidinis carnisque vicinia, ita etiam menti memoria eius est penitus subtrahenda. Satis enim perniciosum est adhuc infirmis ægrisque pectoribus, vel tenuissimam recordationem huius passionis admittere, ita ut nonnumquam eis, etiam sub recordatione sanctarum feminarum, vel sub sacræ lectionis historia, noxiæ titillationis stimulus exciteatur. Cuius causa seniores nostri huiusmodi lectiones sub præsentia iuniorum solent consultissime præterire. Sane perfectissimis quibusque & summo iam affectu castimonie consummatis, probationes quibus examinare se valeant deesse non possunt, quibus perfectissima cordis integritas incorrupto conscientie iudicio comprobetur. Erit ergo consummatissimo viro similis etiam super hac passione probatio, ut qui se radices morbi huius iam penitus extirpasse cognouerit, explorandæ si volet gratia castitatis interdum etiam aliquam exploratricem sui imaginatione possit admittere. Ceterum ab his, qui adhuc infirmi sunt, hanc examinationem nullatenus conuenit usurpari, ut coniunctionem femineam, & palpationem quodam modo teneram atque mollem corde pertractent; erit enim eis magis noxia quam salubris. Quod enim experimentum huiusmodi hominibus potest in hac ratione suppetere, ubi & in experimento ipsum est, quod vitatur, & in ipsa exploratione discrimen. Cum ergo perfectissima quis virtute fundatus, ad illece-

illicebram blandientium cogitationum, nullum mentis assensum, nullam commotionem carnis in se deprehenderit excitari, certissima puritatis suæ capiet documenta, ita ut ad hanc se firmitatem puritatis exercens, castitatis atque incorruptionis bonum non solum mente possideat, sed etiam si corporalem feminæ attactum causa cuiuscumque, ut solet, necessitatis attulerit, penitus sensum passionis ignoret. Hoc abbas Ioannes, cum horæ nonæ refectioem immineret sensisset, collationem sine conclusit.

COLLATIONIS ABBATIS

Ioannis, de fine cænobitæ &
eremitæ, Finis.

COLLATIO XX. QVÆ
EST ABBATIS
PYNUPHII,

DE POENITENTIAE FINE, ET
SATISFACTIONIS
IUDICIO.

De abbatis Pynuphij humilitate, & eiusdem latebra. Cap. I.



DECLARI ac singularis viri abbatis Pynuphij de poenitentia fine præcepta dicturus, magnam materiae partem mihi videor amputare, si humilitatis eius laudem, quam in quarto institutionum libro, qui est super instituendis renuntiantibus titularus, breui sermone perstrinxi, lectoris fastidio

Lib. 4. ca.
30.

consulens, hic silentio prætermittā, cum præsertim multi illius opusculi notitiā non habentes in hanc possint incurrere lectionē, & omnis dictorū vacillet auctoritas, si dicētis meritū subtrahatur. Hic siquidē cum haud longe a Panephysi, Egypti, ut illic dictum est, ciuitate, abbas & presbyter ingenti

*al. securi-
tatem.*

ingenti cœnobio præsideret, tantumq. cum in omni illa
prouincia virtutum suarū atque signorum gloria sublimas-
set, vt sibi iam videretur retributione laudis humanæ suo-
rum laborum recepisse mercedem, timens ne sibi speciali-
ter inuisa popularis fauoris inanitas, fructum præmij va-
cuaret æterni, occulte monasterium suum fugiens, ad inti-
ma Tabennensium monachorum secreta contendit, vbi
non eremi solitudinem, nō singularis vitæ † libertatem, quā
etiam imperfecti quique laborem obedientiæ in cœnobijs
non ferentes, superba nonnunquam præsumptione sectan-
tur, sed celeberrimo prælegit cœnobio subiugari. Vbi ta-
men ne vllō habitus sui proderetur indicio, vestem sæcu-
larem indutus, multis, vt illic moris est, diebus lacrymans
pro foribus excubauit, atque ad omniū genua prouolutus,
post eorum diuturna fastidia, qui ad eius desiderium explo-
randum in vltima eum iam ætate velut panis egestate com-
pulsus, non sincere illius propositi sanctitatē expetisse di-
cebant, tandem, vt susceperetur obtinuit. Vbi adolescenti
cuidam fratri, qui hortum susceperat excolendum, in admi-
niculum deputatus, cum non solum omnia, quæ idem præ-
positus imperasset, vel quæ iniuncti operis cura poscebat,
cum admiratione tam sanctæ humilitatis impletet, verum
etiam quædam necessaria opera, quæ propter horrorem sui
a ceteris vitabantur, ita furtiuo per noctem labore perfice-
ret, vt diluculo omnis cōgregatio tam vtilium operum ad-
mirans ignoraret auctorem. Cumq. ita triennium ferme il-
lic, gaudens desideratis tam iniunolæ subiectionis labori-
bus, exegisset, accidit vt quidam frater eidem cognitus ex
illis vnde ille discesserat Ægypti partibus adueniret. Qui
cum de indumentorū eius atque officij, vilitate promptissi-
mæ agnitionis facilitatem diu hæsitans cohiberet, post ex-
plorationem manifestissimam ad eius genua prouolutus,
primum stuporem fratribus cunctis, dehinc prodito etiam
nomine, quod apud illos quoque præcipue sanctitatis fama
vulgauerat, dolorem etiam compunctionis incussit, quòd
scilicet tanti meriti ac sacerdotij virum tam iniuriolæ ope-
ribus deputassent. Sed postquam flens vbertim, & diaboli-
cæ inuidiæ quasi grauem prodicionis suæ imputans casum,
ad monasterium suum honorifica fratrum custodia ambi-
te perductus est, exiguo illic tempore demoratus, rursus
offensus ipsis honoris sui ac primatus obsequijs, furtim
ascen-

ascendens naucem, ad Palæstinam Syriæ prouinciā transfreuit, ubi velut incipiēs atque nouitius in illo in quo nos degebamus monasterio receptus, in nostra cella ab abbate præceptus est commanere. Sed nec illic quidem diu virtutes eius ac merita latuerunt. nam simili prodicione detectus atque ad monasteriū suū cū ingenti laude ac honorificentia reuocatus, tandem quod erat esse compulsus est.

De aduentu nostro ad abbatem Pynuphium. Cap. I I.

Cum igitur post non longum tempus nos quoque Ægyptum petere sanctæ institutionis desiderium compulset, summo cum affectu ac desiderio perquirentes, tanta eius sumus gratia atque humanitate suscepti, ut nos tamquam pristinos syn cellitas etiam cellę suę, quam in extrema horti parte construxerat, honoraret hospitio. Vbi cū satis ardua atque præcellsa, cuidam fratri monasterij regulam subeūti, coram omnibus in synaxi fratribus tradidisset præcepta (quæ in quarto, ut prædiximus, institutionum libro, *Libr. 4.2* quanta potui breuitate complexus sum) tam incomprehensibilia nobis tamque mirifica veræ abrenūtiationis culmina videbantur, ut nullo modo illuc humilitatem nostram crederemus posse conscendere. Igitur desperatione deiecti, & ipso etiam vultu intimam cogitationum amaritudinem non celantes, ad beatum senem satis anxia mente recurrimus, Cui protinus causam tantę mæstitudinis inquirenti, abbas Germanius grauiter ingemiscens, ita respondit.

Interrogatio de poenitentia sine, & satisfactionis indicio. Cap. I I I.

Quanto magnificentior atque sublimior incognitæ nobis sermo doctrinę, iter arduū præcellissimę renūtiationis aperuit, & quasi remota oculorum nostrorū caligine conditum cælo culmen eius ostendit, tanto maiore desperationis mole deprimimur, Immenstatem siquidē eius cum exiguitate virium nostrarum metientes, & nimiam abiectionem ignauię nostrę, cum infinita virtutis ostensę celsitudine conferentes, parnitatem nostram non solum ad illa non posse proficere, verum etiam ab eo quod est deficere posse sentimus. Nam ponderibus nimię desperationis oppressi, quodammodo de infimis ad inferiora prolabimur. Vnum proinde ac singulare præsidium medelam nostris potest conferre vulneribus, ut de poenitentię sine, & maxime de satisfactionis indicio aliqua a te discamus, ut

M m certi

certi de remissione præcedentium delictorum, possumus etiam ad conscendenda fastigia perfectionis prædictæ animari.

Responsio de humilitate interrogationis nostræ.

PYNVPHIVS.

Cap. V.

Delector quidem admodum copiosis humilitatis vestræ fructibus, quos etiam cellulæ illius quondam habitatione susceptus nō incuriosa æstimatione perspexi, valdeque congaudeo, quia id, quod a nobis omnium Christianorum infimis sola forsan verborū vbertate præcipitur, tanta admiratione suscipitis, ut cum ea (si non fallor) haud segnius quā a nobis dicta sunt impleatis, cumque (sicut memini) industria laboris vestri pene dictorū nostrorum exequetur instructio, ita meritum vestræ virtutis occulitis, tamquam si nulla ad vos eorum, quæ quotidie exercetis aura peruenerit. Sed quia id ipsum summa est laude dignissimum, quod velut adhuc rudes incognita vobis esse ista sanctorum instituta testamini, id quod a nobis sedulo postulatis, breuiter ut possumus complectemur. Necesse est enim ut ultra possibilitatem nostrā atque virtutem, antiquæ familiaritatis vestræ pareamus imperio. Itaque de pœnitentiæ exhortatione vel merito multi non solum dictis, verum etiam scriptis plurima vulgauerunt, monstrantes quanta eius utilitas, quanta virtus, quantaque sit gratia, ita ut Deo præteritis facinoribus nostris offenso, iam iamque iustissimam pœnam pro tantis criminibus inferenti (si dici fas est) quodammodo obstitat, & quasi inuiti (ut ita dixerim) dextram suspendat ultoris. Verum hæc omnia vobis, vel pro sapientia supernaturali, vel pro indefesso sacrarū studio litterarū, ita cognita esse nō ambigo, ut de his prima plantatio cōuersationis vestræ inoleuerit. Denique nō de pœnitentiæ qualitate, sed de eius fine, ac satisfactionis indicio solliciti, id quod ab alijs prætermissum est sagacissima interrogatione disquiritis. Quapropter omni breuitate atque compendio propositionis vestræ desiderio satisfacere nitimur.

De modo pœnitentiæ & indulgentiæ documento. Cap. V.

Pœnitentiæ plena & perfecta definitio est, ut peccata pro quibus pœnitudinem gerimus, vel quibus nostra conscientia remordetur, nequaquā vltius admittamus. Indicium vero satisfactionis & indulgentiæ est, affectus quoque eorū de nostris cordibus expulsi. Nouerit enim vnusquisque necdum se peccatis pristinis absolutum, quandiu sibi satisfactio-

factiori & gemitibus incubanti, vel illorum quæ egit, vel
 similium criminū ante oculos imago præluserit, eorumq.
 non dicam oblectatio, sed vel recordatio infestauerit men-
 tis arcana. Itaque tūc se is, qui pro satisfactione peruigilat, a
 criminibus absolutū, ac de præteritis admissis veniā perce-
 pisse cognoscat, cū nequaquam cor suū eorumdem vitiōrū
 illecebris senserit vel imaginatione pestringi. Quamobrem
 verissimus quidā examiner pœnitētiæ & indulgentiæ iu-
 dex in conscientia residet nostra, qui absolutionem reatus
 nostri ante cognitionis & iudicij diem adhuc nobis in hac
 carne cōmorātibus detegit, & satisfactionis finē ac remis-
 sionis gratiā pandit. Et vt hæc eadē quæ dicta sunt signifi-
 cantius exprimātur, tū demum præterita nobis vitiōrū cō-
 tagia remissa esse credēda sunt, cū fuerint de corde nostro
 præsentīū voluptatū desideria pariter passiōesq. depulsæ.
Interrogatio an reminiscenda sint pro cordis compunctiōe
 GERMANVS. *peccata. Cap. VI.*

ET vnde nobis gigni poterit humiliationis illa sancta sa-
 lutarisq. compunctio, quæ ex persona pœnitētis ita de-
 scribitur. Peccatum meum cognitū tibi feci: & iniustitiam
 meā non operui; dixi, pronūtiabo aduersum me iniustitiam
 meā Domino? vt illud quoque quod sequitur efficaciter di-
 cere mereamur: Et tu remisisti impietatem cordis mei? Vel
 quēadmodum in oratione prostrati, nosmetipsos ad cōfēs-
 sionis lacrymas valebimus excitare, per quas delictōrū veni-
 am consequi mereamur, secundū illud: Lauabo per sin-
 gulas noctes lectum meum, lacrymis meis stratum meum
 rigabo; si peccatorum nostrorū memoriā de nostris cordi-
 bus extrudamus, quā iubemur ecōtrario tenaciter custodi-
 re, dicēte Domino: Et iniquitatū tuarū non recordabor, tu
 vero memento? Ob quā rem non solum operās, verum etiā
 orans ad peccatorum meorum recordationem mentem
 meam etiā de industria reuocare contendo, vt ad humilita-
 tem veram & contritionem cordis efficacius inclinatus,
 audeam dicere cum Propheta: Vide humilitatem meam &
 laborem meum, & dimitte omnia peccata mea.

Psal. 31.

Ibid.

Psal. 6.

Esa. 43.

sec. lxx.

Psal. 24.

Responsio, quousque anteriorum actuum recordatio sit
 PYNVPHIVS. *habenda. Cap. VII.*

Interrogatio vestra, vt supra iam dictum est, non de pœ-
 nitentiæ qualitate, sed de eius fine proposita est, & de
 satisfactionis indicio, ad quam congrue (vt arbitror) con-
 sequē-

Psal. 50.

Psal. 37.

sequenterq. responsum est. Ceterum hoc quod de peccatorum recordatione dixistis, vtile satis ac necessarium est, sed adhuc agentibus pœnitentiam, vt cum iugi pectoris sui contusione proclameat: Quoniam iniquitatem meam ego agnosco, & peccatum meum contra me est semper. Illud etiam: & cogitabo pro peccato meo. Dum ergo agimus pœnitentiam, & adhuc vitiorum actuum recordatione mordemur, necessarium est vt ignem conscientie nostrae obortus ex confessione culpæ lacrymarum imber extinguat. Cum vero cuiquam in hac humilitate cordis, & spiritus contritione defixo, atque in labore & gemitu perduranti, horum fuerit recordatio consopita, & conscientie spina de medullis animæ gratia Dei miserantis euulsa, certum est cum ad satisfactionis finem atque indulgentie merita peruenisse, & ab vniuersorum criminum labe purgatum. Ad quam tamen obliuionem non aliàs peruenitur, nisi per obliterationem vitiorum atque affectuū pristinorum, & perfectam cordis atque integram puritatem; quam sine dubio nullus eorū qui per ignauiam siue cōtempnum vitia sua purgare neglexerit, assequetur, nisi qui gemitus atque suspiria mæsta iugitate continuans, omnem sordium pristinorum excoxerit labem; & virtute animi atque opere proclamari ad Deū: Delictum meum cognitum tibi feci, & iniustitiam meam non operui. & Fuerūt mihi lacrymæ meæ panes die ac nocte; vt consequenter mereatur audire: Quiescat vox tua a ploratu, & oculi tui a lacrymis, quia est merces operi tuo, ait Dominus. Illud quoque similiter ad eum *Esai. 44.* voce Domini dirigatur: Deleui vt nubē iniquitates tuas, & *Esai. 43.* quasi nebulam peccata tua. & iterum: Ego sum, ego sum qui deleo iniquitates tuas propter me, & peccatorum tuorum iam non recordabor; & ita funiculis peccatorum suorum quibus vnusquisque constringitur, absolutus, Domino *Prou. 5.* cum omni gratiarum actione cantabit: Dirupisti vincula mea, tibi sacrificabo hostiam laudis.

Psal. 31.

Psal. 41.

Hiere. 31

Esai. 44.

Esai. 43.

Prou. 5.

sec. lxx.

Psal. 115.

De diuersis pœnitentia fructibus. Cap. VIII.

POST illam namque generalem baptismi gratiam, & illud pretiosissimū martyrij donū quod sanguinis ablutione conquiratur, multi sunt pœnitentie fructus, per quos ad expiationem criminum peruenitur. Non enim tantum simplici illo pœnitentie nomine salus eterna promittitur, de qua

de qua beatus Apostolus Petrus : Pœnitementi , inquit , & *Act. 3.*
 conuertimini , vt deleantur peccata vestra . Et Ioânes Bapti-
 sta , vel ipse Dominus : Pœnitentiam agite , appropinquabit *Matth. 3.*
 enim regnum cœlorum : sed etiam per charitatis affectum
 peccatorum moles obruitur : Charitas enim operit multitu- *1. Petr. 4.*
 dinem peccatorum . Similiter etiam per eleemosynarû fru-
 ctum vulneribus nostris medela præstatur : quia sicut aqua *Eccli. 3.*
 extinguit ignem , ita eleemosyna extinguit peccatum . Ita &
 per lacrymarum profusionem conquiritur ablutio pecca-
 torum : Lauabo enim per singulas noctes lectû meum , la- *Psal. 6.*
 crymis meis stratum meû rigabo . Denique subiungit , ostē-
 dens eas non inaniter fuisse profusas : Discedite a me om- *Ibid.*
 nes qui operamini iniquitatem , quoniam exaudiuit Domi-
 nus vocem fletus mei . Necnon per criminum confessio-
 nem eorum abolitio condonatur : Dixi enim , ait , pronun- *Psal. 31.*
 tiabo aduersum me iniustitiam meâ Domino , & tu remi-
 sisti impietatem cordis mei . & iterum : Narra tu iniquitates *Eesai. 43.*
 tuas primus , vt iustificeris . Per afflictionē quoque cordis & *sec. lxx.*
 corporis , admissorum scelerum remissio similiter obtine-
 tur . Nam , vide , inquit , humilitatem meâ & laborem meû , *Psal. 24.*
 & dimitte omnia peccata mea . Præcipueq. per emendatio-
 nem morum : Nam , Auferte , inquit , malum cogitationû *Eesai. 1.*
 vestrarum ab oculis meis , quiescite agere peruerse , discite
 bene facere , quærite iudiciû , subuenite oppresso , iudica-
 te pupillo , defendite viduam , & venite & arguite me , dicit
 Dominus . Et si fuerint peccata vestra vt coccinû , velut nix
 dealbabuntur ; & si fuerint rubra quasi vermiculus , velut la-
 na alba erunt . Interdum etiam intercessione sanctorû im-
 petratû venia delictorum : Qui enim scit fratrem suum pec- *1. Ioan. 5.*
 care peccatum non ad mortem , petat & dabit ei vitam
 Deus peccanti non ad mortem . & iterum : Infirmatur quis *Iacob. 5.*
 ex vobis ? inducat presbyteros Ecclesiæ , & orent super eum ,
 vngentes eum oleo in nomine Domini , & oratio fidei sal-
 uabit infirmum , & alleuabit eum Dominus , & si in pecca-
 tis sit , dimittentur ei . Nonnumquam misericordiæ ac fidei
 merito labes excoquitur vitiôrû , secundum illud : Per mise- *Prou. 5.*
 ricordiam & fidem purgantur peccata . Per conuersionem
 plerumque & salutem eorû qui nostris mōitis ac prædica-
 tione saluantur , quoniam qui conuerti fecerit peccatorem *Iacob. 5.*
 ab errore viæ suæ , saluat animâ eius a mortē , & operit mul-
 titudinem peccatorum . Per indulgentiâ nihilominus & re-

- missionem nostram, ad indulgentiam nostrorum facinorū peruenitur: Si enim dimiseritis hominibus peccata eorum, dimittet & vobis pater vester cælestis delicta vestra. Videtis ergo quantos misericordiæ aditus patefecerit clementia Saluatoris, vt nemo salutem cupiens, desperatione frangatur, cum videat se tantis ad vitā remedijs inuitari. Si enim pro infirmitate carnis afflictione ieiuniorum abolere te tua peccata nō posse caufaris, nec potes dicere: Genua mea infirmata sunt a ieiunio, & caro mea immutata est propter oleum: Quia cinerem tamquam panem manducabam, & poculum meum cum fletu miscebam: eleemosynarum ea redime largitate. Indigenti si non habes, quod imparias (licet nullum ab hoc opere necessitas inopiæ ac paupertatis excludat, quandoquidem & illius viduæ duo minuta tantum æra, ingentibus diuitum muneribus præferantur, & pro calice aquæ frigidæ mercedem se redditurum Dominus reprobmittat) morum certe poteris emendatione purgari. Quod si perfectionem virtutū extinctione vitiorū omnium adipisci non potes, sollicitudinem piā erga vilitatem alienæ salutis impende. Si autem idoneum te huic ministerio non esse conquereris, operire peccata poteris charitatis affectu. In hoc quoque si te fragilem fecerit quolibet mentis ignauia, oratione saltē atque intercessionē sanctorū remedia vulneribus tuis humilitatis affectu submissus implora. Postremo quis est qui non possit suppliciter dicere:
- Psal. 31.* Peccatum meum cognitum tibi feci, & iniustitiam meam non operui; vt per hanc confessionem etiam illud confidenter subiungere mereatur: Et tu remisisti impietatem cordis mei; Quod si verecundia retrahente reuelare eā coram hominibus erubescis, illi quem latere non possunt, confiteri ea iugi supplicatione non desinas, ac dicere: Iniquitatem meā ego cognosco, & peccatum meum cōtra me est semper; tibi soli peccaui, & malum coram te feci; qui & absque vllius verecundiæ publicatione curare, & sine improprio peccata donare cōsuevit. Post istud quoque tam promptum certumq. subsidium, aliud quoque adhuc facilius largita est nobis diuina dignatio, ipsamq. remedij opem nostro commisit arbitrio, vt indulgentiam nostrorum scelerum pro nostro præsumamus affectu, dicētes ei: Dimitte nobis debita nostra, sicut & nos dimittimus debitoribus nostris. Quisquis igitur ad indulgentiam suorum criminum desiderat perue-

peruenire, istis semetipsum aptare studeat instrumētis, nec obdurati cordis peruiacacia a remedio salutari fontem tantæ pietatis auertat; quia etiam si hæc omnia fecerimus, nõ erunt idonea ad expiationem scelerum nostrorum, nisi ea bonitas Domini clementiaq. deleuerit. Qui cum religiosi conatus obsequia supplici mente a nobis oblata perspexerit, exiguos paruosq. conatus immensa liberalitate prosequitur, dicens: Ego sum, ego sum qui deleo iniquitates tuas propter me, & peccatorum ruorum iam non recordabor.

Ad hunc ergo quem prædiximus statum, quisque conscenderit, satisfactionis gratia quotidianis ieiunijs, & mortificatione cordis & corporis assequetur, quia sicut scriptum est: Sine sanguinis effusione non fit remissio. Nec im merito. Caro enim & sanguis regnum Dei possidere non possunt. Et ideo quisquis ab huius sanguinis effusione gladium spiritus, quod est verbum Dei, voluerit inhibere, absque dubio illa Hieremiæ prophetæ maledictione plectetur: Nam maledictus, inquit, qui prohibet suum gladium a sanguine. Hic namque est gladius qui illum noxium sanguinem, quo animatur materia peccatorum salubriter fundēs, quidquid repererit in membris nostris carnale terrenumve concretum, rescat & abscidit, ac mortificatos vitij viuere Deo & spiritalibus facit vigere virtutibus; & ita iam non veteris admissi recordatione, sed spe futurorū flere incipiet gaudiorum; nec tam de præteritis malis quàm de venturis cogitans bonis, non ex peccatorum mæore lacrymas, sed ex æternæ illius lætitiæ alacritate profundet; atque obliuiscens ea quæ posteriora sunt, id est, carnalia vitia, ad ea quæ in ante sunt extenditur, hoc est, spiritalia dona atque virtutes.

Quod utilis sit perfectis obliuio peccati, & quod flagitiorum recordatio sit vitanda. Cap. IX.

Ceterum quod paulo ante dixisti, te etiam de industria præteritorum peccatorum memoriam retractare, hoc fieri penitus non oportet, quinimmo etiam si violenter irreperit, protinus extrudatur. Multū namque retrahit mentē a contemplatione puritatis, eius præcipue qui insolitudine commoratur, implicans eam sordibus mundi huius, & præfocans fœtore vitiorum. Dum enim recolis ea, quæ secundum principem huius sæculi per ignorantiam; siue lasciuia commisisti, vt concedam tibi quod in hac cogitatione posito oblectatio nulla subrepat, certe antiquæ putre-

Esai. 43.

Hebr. 9.

1. Cor. 19

Hebr. 4.

Hier. 48.

Philip. 8.

dinis vel sola contagio, necesse est ut retro mentem fœtore corruptat, & spiritalem virtutum fragrantiam, id est suauitatem boni odoris excludat. Cum ergo præteritorum memoria vitiorum pulsauerit sensum, ita ab ea resiliendum est, sicut refugit vir honestus & grauis si impudicę ac procacis femine in publico aut colloquijs, aut amplexibus appetatur. Qui utique nisi a se contactu eius festinus abstraxerit & vel breuissimam moram inhonestę confabulationis admiserit, etiam si cōsensum pudendę respuar voluptatis, infamix tamen ac reprehensionis notam cunctorum præterentium iudicio non euadet. Ita igitur etiam nos oportet cum fuerimus in huiusmodi cogitationes pestifera recordatione deducti, raptim ab earum cōtemplatione discedere, & implere illud quod a Salomone præcipitur: Sed exili, inquit, noli demorari in loco eius, neque intendas oculū tuum in eam: ne vidētes nos angeli imundis ac turpibus cogitationibus inuolutos, non possint de nobis prætereuntes dicere: Benedictio Domini super vos, benediximus vobis in nomine Domini. Impossibile namque est mentem bonis cogitationibus immorari, cum principale cordis ad turpes atque terrenos intuitus fuerit deuolutum. Vera est enim illa Salomonis sententia: Oculi tui cum viderint alienam, os tuum tunc loquetur praua, & iacebis tamquam in corde maris, & sicut gubernator in magna tempestate: dicēs autem, Ferierunt me, sed non dolui, & deluserunt me ego autem nesciui, Relictis ergo non solum turpibus, sed etiam terrenis cogitationibus vniuersis, erigenda est semper ad cælestia nostrę mentis intentio, secundum Saluatoris nostri sententiam: Vbi enim ego sum, inquit, illic & minister meus erit. Solet enim frequēter accidere, ut dum uel suos vel aliorum lapsus, imperitorum quispiam miserantis retractat affectu, ipse etiam subtilissimi teli voluptuario perstringatur assensu, & initium sub specie pietatis exortum, obscæno ac noxio fine concludat. Sunt enim vię quę videntur apud homines rectę, nouissima autem earum veniunt in profundum inferni. Quapropter studendū est nobis, ut virtutum potius appetitu & desiderio regni cælorum quàm noxijs vitiorū recordationibus nosmetipsos ad compunctionē laudabilē prouocemus; quia necesse est tam diu quempia pestilentissimis cloacę fœtoribus præfocari, quā diu supra eam stare, vel cœnum eius voluerit cōmouere.

*Prov. 9.
sec. lxx.*

Psal. 128.

*Prov. 23.
sec. lxx.*

Ioan. 12.

*Prov. 14.
Ch 16 sec.
lxx.*

De satisfactionis indicio, & præteritorum criminum obliuione. Cap. X.

NOuerimus autem nos, vt superius diximus, tunc demum pto præteritis satisfecisse peccatis, cū ipsi motus atque affectus per quos pœnitenda commissimus, fuerint de nostris cordibus amputati. Quod tamen nullus obtinere posse se credat, qui non prius ipsas causas atque materias, pro quibus in illa collapsus est crimina, omni spiritus seruire succiderit; vt verbi gratia, si in fornicationem vel adulterium perniciosa feminarum familiaritate collapsus est, summa festinatione etiam ipsum earum deuiter aspectum; aut certe, si per abundantiam vini epularumq. est nimietate succensus, illicientium ciborum crapulam summa distictione castiget. Et rursum, si in periurium aut furtum, aut homicidium, aut blasphemiam, pecuniarum desiderio atque amore corruptus incurrit, avaritiæ illetricem suæ deceptionis abscondat. Si in iracundiæ vitium, superbiz passione propellitur, arrogantiz ipsius fomitem summa humilitatis virtute conuellat. Et ita vt vnumquodque peccatū possit extinguere, causa atque occasio per quam vel ob quam est admissum, debet primitus amputari. Isto etenim curationum remedio, ad obliuionem quoque admissorum criminum sine dubio peruenitur.

In quo temporaliter sit agenda pœnitudo, & in quo finem habere non possit. Cap. XI.

VErum ista prædictæ obliuionis definitio super capitalibus tantum sit criminibus constituta, quæ Mosaica quoque lege damnantur; quorum sicut per conuersationē bonam abijciuntur vel consumuntur affectus, ita etiam accipit pœnitentia finem. Ceterum ab istis minutis in quibus septies in die iustus cadit, vt scriptum est, & resurgit, numquam decrit pœnitudo. Aut enim per ignorantiam, aut per obliuionem, aut per cogitationē, aut per sermonem aut per obreptionem, aut per necessitatem, aut per fragilitatem carnis, singulis diebus vel inuiti vel volentes frequenter incurrimus, pro quibus & Dauid orans Dominum, purificationem atque indulgentiā deprecatur, dicens: Delicta quis intelligit? ab occultis meis munda me, & ab alienis parce seruo tuo. Et Apostolus: Nō enim quod volo bonū, hoc facio, sed quod odi malū, hoc ago. Et pro quibus idē etiā eiulans proclamauit: Infelix ego homo, quis me liberabit de corpore

Prov. 24.

Psal. 18.

Rom. 7.

Ibid.

IOAN. 13.
1. IOAN. 1

corpore mortis huius? Tanta enim in his facilitate tamquam naturali lege prolabimur, ut quantalibet circumspeditione atque custodia caueantur, non possint ad plenum ista vitari. De his siquidem vnus discipulorum quem diligebat Iesus abrupta definitione pronuntiat dicens: Si dixerimus, quia peccatum non habemus, ipsi nos seducimus, & verum non est in nobis. Proinde perfectionis culmen pertingere cupienti, non satis proderit ad finem pœnitentiæ peruenisse, id est, ab illicitis temperare, nisi etiã in illis virtutibus indefesso cursu semetipsum semper extenderit, quibus ad satisfactionis indicia peruenitur. Nec enim a fœtidissimis criminum sordibus quæ abhorret Dominus quemquam abstinuisse sufficiet, nisi etiam illam bonam virtutum fragrantiam, qua Dominus delectatur, puritate cordis & apostolicæ charitatis perfectione possederit. Hucusque abbas Pynuphius de satisfactionis indicio ac pœnitentiæ fine disseruit. Qui licet ut in eius cœnobio residere mallems, sollicito precaretur affectu, tamen fama Scithicæ solitudinis inuitatos, cum retinere non posset, emisit.

COLLATIONIS ABBATIS

*Pynuphij de pœnitudinis fine, &
satisfactionis indicio, Finit.*

COLLATIO XXI. QVÆ
EST PRIMA ABBATIS

THEONÆ.

DE REMISSIONE QVIN-
QVAGESIMÆ.

Quomodo Theonas ad abbatem Ioannem venerit. Cap. I.



RIVSQVAM verba collationis huius ha-
bitæ cū summo viro abbate Theona in-
cipiamus euoluere, necessarium reor, vt
initium conuersionis eius breui sermone
perstringam; quia ex hoc vel meritum vi-
ri, vel gratia, euidentius poterit patere le-
ctori. Hic igitur adolescens admodum,

parentum studio imperioq. connexus est vinculo coniuga-
li. Nam dum pudicitie eius religiosa sedulitate prospiciūt
& ancipitem lapsum lubricæ verentur ætatis, præueniendos
adolescentie motus licito nuptiarum remedio credide-
runt. Cū ergo hic vnus lustris tempus cum coniuge peregisse-
t, venit ad abbatem Ioannem, qui tunc temporis merito
sanctitatis electus diaconie præsidebat. Non enim ad hunc
gradum quilibet propria voluntate aut ambitione proue-
hitur, sed is quem cunctorum seniorum cætus, & ætatis præ-
rogatiua & fidei atque virtutū testimonio excellentiorem
omnibus sublimioremq. censuerit. Ad hunc, iniquam, bea-
tum Ioannem cum pia deuotionis studio prædictus tūc iu-
uenis aduenisset, deferens religiosa munera inter ceteros
possessores, quia certatim decimas vel primitias frugū sua-
rū memorato seni de suis substantijs offerebant, videretq.
eos senex cum multis ad se muneribus confluisse, & deuo-
tioni eorū vicissitudinem cuperet repensare, cœpit eis se-
cundū Apostolum spiritalia seminare, quorū meteabat do-
na carnalia: deniq. ita sermonem adhortationis instituit.

*al. religio-
sam sedu-
litate.*

1. Cor. 9.

*Exhortatio abbatis Ioannis ad Theonam & ceteros qui cum
eo venerant. Cap. II.*

Delector quidem o filij, pia vestrorum munerum largi-
tate, & deuotionem huius oblationis, cuius dispensa-
tio

tio mihi credita est gratanter amplector, quia fideliter primitias vestras ac decimas indigentium vñibus profuturas velut sacrificium Domino bonæ suauitatis offertis; harum scilicet oblatione, plenitudinem quoque fructuum vniuersæq. substantiæ vestræ, ex qua hæc Domino delibastis, vbertim benedicenda credentes, vosq. secundum mandati illius fidem multiplici vbertate bonorum omnium etiam in hoc sæculo cumulandos: Honora Dominum de tuis iustis laboribus, & deliba ei de fructibus iustitiæ tuæ, vt impleantur horrea tua abundantia tritici, vino autem torcularia tua redundant. Quam deuotionem fideliter exequentes, scitote vos legis antiquæ iustitiam consummasse, sub qua tunc positi & transgredientes eam, reatum inuitabiliter incurrabant, & implentes ad perfectionis apicem peruenire non poterant.

De decimarum & primitiarum oblatione. Cap. III.
Num. 5. **D**ecimæ siquidem præcepto Domini vñibus Leuitarum, oblationes vero ac primitiæ erant sacerdotibus consecratæ; sed primitiarum hic erat modus, vt quinquagesima pars vel frugum vel animalium, templi vel sacerdotum ministerio præberetur. Quem modum tepidiores quique infideliter minuentes, religiosiores vero etiam cumulantes, illi ex sexagesima, hi autem ex quadragesima fructuum suorum parte peudebant. Iusti enim quibus lex non est posita, sic probantur non esse sub lege, vt iustitias legis non solum implere, verum etiam superare contendant, sitq. deuotio eorum legali maior imperio, quæ obseruantiam cumulans præceptorum voluntaria addat ad debita.

Quod Abraham, David, & ceteri sancti, mandata legis supererint supergressi. Cap. IV.

ITa namque & Abraham futuræ legis præcepta legimus supergressum, cum superatis quattuor regibus, de spolijs Sodomorum, quæ sibi velut victori non immerito debebatur, & quidem rege ipso cuius spolia retulerat, suppliciter offerente, nihil penitus acquieuit attingere, sub diuini nominis testificatione proclamans: Extendo manum meam ad Deum excelsum, qui fecit cælum & terrā, si a filo subtegiminis vsque ad corrigiam caligæ accipiam ex omnibus quæ tua sunt. Sic David præcepta legis cognoscimus supergressum, qui præcipiente Mose vt inimicis talio redderetur, non solum hoc non fecit, verum etiam dilectione complexus

plexus est persequentes, & pro his Domino pie supplicans, *1. Reg. 24*
 etiam lugubriter fleuit, & ultus est interfectos. Ita Eliam
 quoque & Hieremiam probamus non fuisse sub lege, qui
 cū licito vti coniugio absque reprehensione potuerint, per-
 seuerare tamen virgines maluerūt. Sic Elisæum ac reliquos
 eiusdem propositi viros Mosaica legimus superasse mada-
 ta, de quibus Apostolus ita dicit: Circumierunt in melotis, *Hebr. 11.*
 in pellibus caprinis, angustriati, afflicti, egentes, quibus di-
 gnus non erat mundus, in solitudinibus errantes, & in mon-
 tibus, & in speluncis, & in cauernis terre. Quid de filiis
 Ionadab filij Rechab dicam, quos Hieremię prophetę of-
 ferenti ex præcepto Domini vinum, ita legimus respondi-
 se: Non bibemus vinum, quia Ionadab filius Rechab pa-
 ter noster præcepit nobis, dicens: Non bibetis vinum vos & *Hiere. 35*
 filij vestri, vsque in sempiternum, & domum non ædificabi-
 tis, & sementem non seretis, & vineas non plantabitis, nec
 habebitis, sed in tabernaculis habitabitis cunctis diebus ve-
 stris? Vnde etiam ab eodem propheta merentur audire: Hęc
 dicit Dominus exercituum Deus Israel: Non deficiet vir
 de stirpe Ionadab filij Rechab, stans in conspectu meo cun-
 ctis diebus. Qui omnes offerre possessionum suarum deci-
 mas non contenti, sed ipsa prædia respuentes, semetipsos
 potius Deo ac suas animas obtulerunt, pro quibus nulla ab
 homine fieri commutatio potest, sicut Dominus in Euan-
 gelio contestatur: Quam dabit homo commutationem *Matt. 16*
 pro anima sua?

*Quod sub Euangelij gratia degentes, superare debeant
 mandata legalia. Cap. V.*

QVapropter scire debemus nos (a quibus non iam exi-
 gitur legale mandatum, sed quibus euangelicus quo-
 tidie intonat sermo: Si vis perfectus esse, vade & vē- *Matt. 19*
 de omnia quę habes, & da pauperibus, & habebis thesau-
 rum in cælo, & veni sequere me) cum decimas de substan-
 tijs nostris offerimus Deo, adhuc quodammodo sub legis
 sarcina detineri, & nec dum ad euangelicum illud fastigiū
 peruenisse, quod obtemperantes sibi, non tantum præsentis
 vitę beneficijs, sed etiam futurę præmijs muneratur. Lex
 enim factoribus suis non regnorū cælestium præmia, sed *Gal. 3. ex*
 vitę huius solatia repromisit, dicens: Qui fecerit hæc viuet *Leuit. 18.*
 in eis. Dominus autem discipulis & amicis suis, Beati, in- *Matth. 5.*
 quit, pauperes spiritu, quoniam ipsorum est regnum cælo-
 rum.

Matt. 19 rum, & Omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit. Nec immerito. Non enim tam laudabile est si ab illicitis, quàm si etiam a licitis temperemus, & his propter eius reuerentiam non utamur, qui ea nobis propter infirmitatem nostram vtenda permisit. Itaque si etià hi, qui decimas fructuum suorum fideliter offerentes præceptis Domini antiquioribus famulantur, necdum possunt euangelicum culmen ascendere; illi qui ne hæc quidem faciunt, quantũ ab eo absint manifestissimè peruideris. Nam quæ admodũ poterunt euangelicæ gratiæ esse participes, qui cõsumare etiam leuiora legis præcepta contemnunt? Quorum facilitatem vsque adeo imperiosa legislatoris verba testantur, vt etiam maledictum non implentibus proponatur: Maledictus enim, inquit, qui nõ permanferit in omnibus quæ scripta sunt in libro legis huius, vt faciat ea: Hic autẽ pro sublimitate & excellentia mandatorũ dicitur: Qui potest capere capiat. Illic legiferi violenta compulsio, præceptorum indicat paruitatem: Contestor enim, inquit, vobis hodie cælum & terram, quod si non custodieritis præcepta Domini Dei vestri, peribitis a facie terræ: Hic magnificèntia sublimium mandatorum, ipsa non tam imperantis quàm adhortantis condicione signatur: Si vis perfectus esse, fac hoc aut illud. Ibi inexcusabile etiam recusantibus Moses pondus imponit: Hic consilio tantum volentibus & ad perfectionem festinantibus Paulus occurrit. Non enim generaliter præcidendum erat, nec, vt ita dixerim, canonicè ab omnibus exigendum id, quod propter mirificam sublimitatem non potest passim ab omnibus apprehendi, sed consilio potius prouocantur omnes & gratia, vt hi qui magni sunt, possint perfectione virtutum non immerito coronari; qui autem parui sunt, & mensuram ætatis plenitudinis Christi implere non possunt, licet fulgore maiorum velut siderum tecti latere videantur, tamen a tenebris maledictionum quæ in lege sunt, alieni, nec præsentium malorum cladibus addicantur, nec supplicio plectantur æterno. Non ergo Christus ad illa virtutum excelsa fastigia præcepti quemquam necessitate constringit, sed liberi arbitrij prouocat potestate, & salubritate consilij & desiderio perfectionis accendit. Vbi enim præceptum, ibi necessitas, &

vbi

vbi necessitas, ibi & difficultas; vbi difficultas, ibi & negligentia; vbi negligentia, ibi peccatum; vbi peccatum, ibi cōsequetur & pœna. Custodientes vero hæc, ad quæ præfixæ legis seueritate coguntur, pœnā potius quæ ab illa intentabatur effugiunt, quàm mercedē aut præmia consequuntur.

Quod Euangelij gratia, sicut perfectis tribuit regna calorum, ita ueniabiliter sustentet infirmos. Cap. VI.

ITaque sicut fortes ad sublimia atque præcella euangelicus sermo sustollit, ita infirmos non patitur ad ima demergi: perfectis quidem tribuens beatitudinis plenitudinem, veniam vero infirmitate superatis impartiens. Lex enim consummantes præcepta sua, in vtriusque meriti velut quodam meditullio collocauit, quantum a transgressorum damnatione secernens, tantum separans a gloriā perfectorum. Quod quidem quàm infimum quàmque miserabile sit, vel ex præsentis vitæ statu & comparatione perspicite, in qua miserimum ducitur, si hoc tantum quis studeat ac labore, ne reus modo inter honestos homines, & non etiam locuples, honorabilis & gloriosus habeatur.

Quod in nostra situm sit potestate, utrum sub Euangelij gratia, an sub legis velimus terrore consistere. Cap. VII.

QUamobrem in nostra hodie situm est potestate, utrum sub Euangelij gratia, an sub legis velimus terrore consistere. Cuilibet enim parti pro qualitate actus sui vnumquemque necesse est aggregari. Nam aut supergredientes legem, suscipit Christi gratia, aut certe inferiores velut debitores suos sibi, obnoxios lex retētat. Reus namque legalium præceptorum nequaquam euangelicam perfectionem valebit attingere, quamuis Christianum se, & Domini gratia liberatum inaniter gloriatur. Non solum enim hic credendus est adhuc esse sub lege, qui ea, quæ lex præcipit, detrectat implere, sed etiam ille, qui ea tantum, quæ lex iubet, obseruare contentus est, ac nequaquā vocationi & gratiæ Christi condignos exhibet fructus, vbi non dicitur: Decimas tuas & primitias offeres Domino Deo tuo, sed: Vade, vde omnia quæ habes, & da pauperibus, & habebis thesaurum in cælo, & veni sequere me: vbi ob perfectionis magnificentiam discipulo postulanti, ne breuissimum quidem horæ spatium pro patris conceditur sepultura, & humanæ charitatis officium, diuini amoris virtute præuertitur.

scv

Quemad-

Exod. 22.

Matt. 19

Matt. 8

Quemadmodum Theonas coniugem suam ut & ipsa renuntiaret hortatus sit. Cap. VIII.

QVibus auditis, beatus Theonas inextinguibili desiderio euangelicę perfectionis accęsus, semen verbi fecundo corde conceptū, quasi profundis atque edomitis cōdidit sulcis, in eo vel maxime humiliatus atque cōpunctus, quod eum senex non solum euangelicam perfectionem non attigisse dixisset, sed etiā vix legis ipsius adimplere mandata. Siquidem cum decimas frugum suarū diaconię annis singulis pendere solitus esset, primitiarum rationem ne audisset quidem aliquando, quam tamen etiam si similiter adimpleret, longe nihilominus, secundum senis sententiam, ab euāgelica perfectione distaret. Domum itaque reuertitur męstus, illaq. affectus tristitia, quę penitentiam ad salutem stabilem operatur, ac de sua iam volūtate & definitione non dubius, erga salutem coniugis, omnem mentis sollicitudinem curamq. conuertit, eamq. ad desiderium, quo fuerat ipse succensus, cępit exhortatione simili prouocare; & vt Deo pariter in sanctimonia & castitate seruirent, diurnis nocturnisq. fletibus admonere, dicens conuersionem melioris vitę nequaquam esse proteolandam, quia necessitati subitę mortis vana spes immaturę non pręiudicaret ætatis, quippe quę infantes, pueros, adolescentes, pati vt senes, forte pręriperet.

Quemadmodum non acquiescente uxore sua ad monasterium peruolauit. Cap. IX.

CVMq. huiusmodis obsecrationibus iugiter persistenti coniunx durissima nō pręberet assensum, seseq. diceret solatio maritali pro ætatis suę flore penitus abstinere non posse, ac proinde si quid deserta ab eo criminis admisisset, illi potius adscribendum, qui cōiugij fœdera dirupisset. Ad hæc ille cum diu condicionem naturę prætendisset humanę quā fragilem & incertam, periculosum esse carnalibus desiderijs & operibus diutius implicari; adiiciens adstruebat, non licere cuiquam eius se boni extorrem facere quod didicisset, maiorisq. esse noxę despicere cognitam bonitatem, quā incognitam non amare; proinde se iam reatu etiam pręuaricationis inuolui, si inuentis tam pręclaris tamq. cælestibus donis, terrena ac sordida prætulisset. Ad omnem sane ætatem, omnemq. sexum perfectionis magnificentiam pertinere, & vniuersa Ecclesię membra ad

conscendendam sublimium meritorū celsitudinem prouocari, dicente Apostolo: Sic currite vt comprehendatis; nec propter lentorum & segnium moras, paratos atque alacres debere subsistere, cum rectius sit, vt desides a præcurrentibus incitentur, quàm vt properantes a resistentibus obligentur. Proinde statutū sibi decretūq. esse renunciare sæculo, ac mori mundo, vt viuere possit Deo; & si hanc beatitudinem nequeat obtinere, vt cum socia sua in consortium transeat Christi, malle se vel cum vnus membri dispendio saluum fieri, & velut debilem introire in regnum calorum, quàm cum soliditate corporis condemnari. Adijciebat autem etiā ista: Si Moses pro duritia cordis dimitti permisit vxores, quare hoc non sinat Christus pro desiderio castitatis, præsertim cum idem Dominus inter ceteras affectiones (id est, patrum matrumq. ac filiorum quibus omnem reuerentiā non solum lex, sed etiam ipse præceperat exhibere, tamen pro nomine suo ac desiderio perfectionis non solum contemnenda simpliciter, sed etiam odio habenda esse decernens) coniungat similiter etiam nomen vxorum, dicens: Et omnis qui reliquerit domum, vel fratres, aut sorores, aut patrem, aut matrem, aut vxorem, aut filios, aut agros, propter nomen meum, centuplum accipiet, & vitam æternā possidebit. In tantum enim perfectioni quam prædicat nihil patitur comparari, vt illam quoque necessitudinē soluat patris ac matris, quæ secundum Apostolum primum obinet in repromissione mandatum: Honora scilicet patrē & matrem, quod est mandatum primum in repromissione, vt bene sit tibi, & sis longæuus super terram; eamq. despici pro suo amore præcipiat. Euidenter itaque sicut eos euangelicus sermo condemnat, qui non interueniente adulterij crimine, vxoria vincla dirumpunt, ita ob amorem Christi & desiderium castitatis, his qui iugum carnale reiecerint, centupla etiam præmia repromittit. Quapropter si fieri potest, vt ad hanc mihi optatissimam partē, accepta tandem ratione flectaris, scilicet vt Domino seruientes, pœnam gehennæ pariter euitemus, charitatem coniugij non refuto, immo etiā maiore adhuc dilectione complector. agnosco enim & veneror adiutricem meam, Domini mihi sententia deputatam, & inditupro eidem fœdere charitatis in Christo coherere non respuo, nec a me separo quod Dominus mihi primæ statim condicionis lege coniunxit, dummodo sis &

1: Cor. 9.

Matt. 18

Matt. 19.

Ibid.

Ephes. 6.

Matth. 5.

Matt. 19.

Gen. 2.

.Q. 70. 1.

I. cor. 14.

2. 1. 1. 1.

.Q. 1. 1. 1.

.Q. 1. 1. 1.

ipsa quod conditor esse te voluit. Si vero nō in adiutorium esse volueris, sed in deceptionem; & adminiculum te non mihi, sed aduersario malueris exhibere, atque ob hoc attributum putas coniugij sacramentum, vt te hac quæ ingeritur fraudans salute, insuper etiam me a discipulatu retrahas Saluatoris; ita illam abbatis Ioannis immo Christi ore prolatam sententiam viriliter apprehendam, vt me a spiritali bono nulla carnalis auellere possit affectio: Qui enim, inquit, non odit patrem, & matrem, & filios, & fratres, & sorores, & uxorem, & agros, adhuc autem & animā suam, nō potest meus esse discipulus. Cū ergo his atque huiusmodi verbis muliebris non flecteretur intentio, & in eadē obstinationis duritia permaneret: Si ego te, inquit beatus Theonas, abstrahere a morte non possum, nec tu me separabis a Christo. Tutius est enim mihi cum homine, quam cum Deo habere diuortium. Aspirante itaque gratia Dei, definitionis suæ executionē instanter aggressus est, nec in tepestescere per aliquam moram desiderij sui est passus ardorem: nam confestim omni mundana facultate nudatus ad monasterium peruolauit. Vbi in breui tanto splendore sanctitatis & humilitatis enituit, vt beatę memorię Ioanne ad Dominum ex hac luce migrāte, sancto quoque Elia, viro qui haud minor decessore suo fuit, similiter decedente, tertius Theonas vniuersorum prælectus iudicio, in diaconię eis dispensatione successerit.

Satisfactio pro eo ne dissidia coniugibus suadere videamur. Cap. X.

Hebr. 13.

Nemo autem existimet nos hæc ad prouocanda coniugiorū diuortia texuissē, qui nō solum nuptias minime condemnamus, verum etiam apostolicam sequentes sententiam, dicimus honorabile connubium in omnibus, & thorus immaculatus; sed vt lectori initium cōuersionis, quo tantus ille vir Deo dicatus est, fideliter panderemus. A quo bona gratia hoc primum depono, vt siue hoc ei placeat, siue displiceat, quoquo modo me a calumniā alienum esse concedens, in suo hoc factum aut laudet, aut reprehendat auctore. Ego autem qui non meam super hac re sententiam prompsi, sed rei gestę historiam simplici narratione complexus sum, æquum est, vt sicut mihi de eorum, qui hoc factum probant laude nil vindico, ita eorum, qui id improbant non pulser inuidia. Habeat ergo suum de illo, vt dixi-

diximus, vnusquisque iudicium; sed moneo vt ita cēsuram
sui castiget examinis, ne se æquiores aut sanctiores diui-
no credat esse iudicio, quo in eum etiā apostolicarum col-
lata sunt signa virtutum; vt taceam de tantorum patrū sen-
tentia, a quibus factum eius non solum minime reprehē-
sum, verum etiā vsque adeo collaudatum esse manifestum
est, vt eum summis ac sublimissimis viris in diaconis ele-
ctione prætulerint. Et puto tot spiritualium virorum Deo au-
ctore prolatum nō errasse iudicium, quod etiā tanta signo-
rum, vt supra iam dictum est, admiratio confirmabat.

*Inquisitio cur in Ægypto totis diebus quinquagesima
non ieiunetur, nec genua in oratione
curuentur. Cap. XI.*

Sed iam tempus est, vt promissæ disputationis ordinem
prosequamur. Igitur abbas Theonas cū diebus quinquage-
simæ nos in nostra cellula visitasset, vespertina orationū
solēnitate transacta, humi paululum confidentes, cœpimus
diligentius percontari, cur apud eos tāta obseruātia cauerē-
tur, ne quis totis penitus quinquagesimæ diebus vel genua
in oratione curuaret, vel vsque ad horā nonā ieiunare præsū-
meret: eoq. id diligētius scrutabamur, quōd nequaquā hoc
tanta cautione seruari in Syriæ monasterijs videramus.

*Responsio de natura eorum quæ bona sunt, vel mala,
vel media. Cap. XII.*

AD hæc abbas Theonas tali vsus est sermonis exordio:
Oportet quidem nos auctoritati patrum, consuetudi-
niq. maiorum vsque ad nostrum tempus per tantam anno-
rum seriem protelata, etiam non percepta ratione cōcede-
re, eamq. vt antiquitus tradita est, iugi obseruantia ac reue-
rētia custodire. Verumtamen quoniā causā huius rei & ra-
tionē vultis agnoscere, accipite breuiter ea, quæ a seniori-
bus nostris tradita super hac institutione comperimus. Ve-
rumtamen antequā scripturæ diuinę auctoritas proferat-
ur, si placet, de natura ipsius ieiunij & qualitate pauca di-
camus, vt disputationē nostrā subsequēs scripturarū con-
firmet auctoritas. Diuina sapiētia per Ecclesiastē omni rei,
id est, vniuersis seu prosperis, seu quæ aduersa putantur &
tristia, tēpus esse propriū designauit, dicēs: Omnibus tem-
pus est, & tempus omni rei sub cælo. Tempus parienti, &
tēpus moriendi; tempus plantandi, & tēpus euellendi, quod
plantatum est; tempus occidendi, & tempus sanandi; tem-

*Eccls. 3.
sec. lxx.*

ibid.

pus destruendi, & tempus ædificandi; tempus plorandi, & tempus ridendi; tempus plangendi, & tempus saltandi; tempus mittendi lapides, & tempus colligendi lapides; tempus amplectendi, & tempus longe fieri ab amplexibus; tempus acquirendi, & tempus perdendi; tempus custodiendi, & tempus expellendi; tempus dirumpendi, & tempus sarcienti; tempus tacendi, & tempus loquendi; tempus amandi, & tempus odiendi; tempus belli, & tempus pacis. Et infra: Quia tempus est, inquit, omni rei, & omni facto. Nihil igitur ex his bonum esse perpetuum definiuit, nisi cum fuerit horum quid oportune & competenter expletum, ita ut hæc eadem, quæ nunc oportune gesta bene cedunt, si importuno vel incongruo tempore præsumantur, inutilia inueniantur & noxia; absque his dumtaxat, quæ per se principaliter vel bona vel mala sunt, nec aliquando possunt in contrarium deriuari: ut est iustitia, prudentia, fortitudo, temperantia, ceteræque virtutes siue e diuerso vitia, quorum definitiones in aliam partem cadere omnino mutari non possunt. Si qua vero in utrumque affectum possunt aliquando transire, ut pro qualitate utentium vel bona inueniantur vel mala, hæc non absolute pro sui natura, sed pro perpetrantis affectu & temporis oportunitate, vel vtilia interdum, vel noxia sentiuntur.

Quale bonum sit ieiunium. Cap. XIII.

Quamobrem nunc quærendum est, quid super ieiuniorum statu decernere debeamus, utrum nam similiter & ipsum bonum esse eo modo quo iustitiam, prudentiam, fortitudinem, ac temperantiam diximus, quæ in partem contrariam penitus transire non possunt: an medium quid, quod interdum factum possit prodesse, interdum prætermisum condemnare non possit, quodque nonnumquam egisse reprehensibile sit, nonnumquam prætermisisse laudabile. Si enim in illa definitione virtutum, etiã ieiunium censeamus, ut inter principalia bona ciborum abstinentia collocetur, erit profecto eorum mala & criminosa perceptio. Quidquid enim principali bono contrarium est, sine dubio principale malum esse censendum est, quod definiri a nobis scripturarum sanctarum non permittit auctoritas. Si enim tali sensu ac proposito ieiunemus ut peccatum contrahi in escarum perceptione credamus, non modo nullos fructus pro abstinentia consequemur, sed etiam reatum

reatum maximum ac sacrilegij crimen, secundum Aposto-
lum, contrahemus, abstinentes a cibis quos Deus creauit
ad percipiendum cum gratiarū actione fidelibus, & his qui
cognouerunt veritatem, quia omnis creatura Dei bona, &
nihil reiiciendum, quod cum gratiarum actione percipi-
tur. Qui enim putat, quid commune esse, illi commune est; *1. Tim. 4.*
& ideo ob solam perceptionem escae neminem legimus
condemnatum, nisi forte iunctum quid fuerit, vel postea
subsecutum, per quod meruerit condemnari. *Rom. 14.*

Quod non sit principale bonum ieiunium. Cap. XIV.

ITaque hoc medium esse etiam ex hoc manifestissime de-
claratur, quia sicut iustificat custoditum, ita non con-
demnat irruptum, nisi forte præcepti transgressio magis
quàm esearum perceptio puniatur. Principali autem bono
ita nullum vacuum esse tempus oportet, ut sine eo cuiquā
esse non liceat, quia necesse est cessatione eius in malum
corrumpere negligentem. Nec rursus principali malo vllum
conceditur tempus, quia quod noxium semper est, num-
quam poterit, si admissum fuerit, non nocere, vel in par-
tem vniquam laudabilem cōmutari. Ac proinde hæc qui-
bus qualitates statutas videmus & tēpora, & quæ sic obser-
uata sanctificant, ut omnia non polluant, media esse mani-
festū est, ut puta nuptias, agriculturam, diuitias, solitudinis
remotionem, vigilias, sacrorum lectionē meditationemq.
librorum, ipsaq. ieiunia, de quibus principium sermonis
exortum est. Quæ omnia diuina præceptio, vel sanctarum
auctoritas scripturarum, non ita incessabiliter obtinenda,
nec iugiter custodiēda decreuit, ut ea paululum intermisisse
nefariū sit. Quidquid enim imperatiue decernitur, mor-
tem irrogat nō impletū; quæcumque vero suadentur potius
quàm iubentur, facta profunt, infecta non puniunt. Et id-
circo aut omnia hæc, aut certe quædam, pro causa, pro lo-
co, pro modo, pro tempore, circumspecte agere nos maio-
res nostri & provide obseruare iusserunt: quia si congrue
horū aliquid actiteretur, aptū atque cōueniens: si incongrue,
ineptum esse constat ac noxiū: ac si velit quis in fratris ad-
uentu, in quo Christum debet humanitate rescire, & gra-
tissima susceptione complecti, austeritatem ieiunij custo-
dire, nonne inhumanitatis potius crimen incurrat, quàm
laudē & meritum religionis acquirat? Vel si cum defectio
& imbecillitas carnis reparationē viriū exesæ perceptione

- deposcit, nō acquiescat rigorem abstinentiæ relaxare, nonne magis crudelis sui corporis homicida, quàm salutis promissor est æstimandus? Ita etiam cū tempus festiuitatis escarum cōgruum forum & refectionem necessariæ absolutio- nis indulget, si quis ieiuniorum rigidam obseruantiam in- dirupte voluerit retentare, necesse est, vt non tam religio- sus, quàm inconditus atque irrationabilis habeatur. Sed & illis hæc nihilominus reperiūtur aduersa, qui humanā lau- dem ieiunijs aucupantur, & inani ostentatione palloris, fa- mam sanctitatis acquirunt, quos in præsentī suam recepisse mercedem euangelicus sermo pronuntiat, vel quorum per prophetam Dominus ieiuniū detestatur, ex quorū persona cū sibi obijciens ante dixisset: Quare ieiunauimus, & non aspexisti; humiliauimus animas nostras, & nescisti? confe- ssum subijciens prodidit causas cur non mererentur audiri.
- Matth. 6.* Ecce, inquit, in die ieiunij vestri inuenitur voluntas vestra, & omnes debitores vestros reperitis. Ecce ad lites & cōten- tiones ieiunatis, & percutitis pugno impie. Nolite ieiunare sicut vsque ad hanc diem, vt audiatur in excelsō clamor ves- ster. Numquid tale est ieiunium, quod elegi, per diem affli- gere hominem animam suam? Numquid cōtorquere quasi circulum caput suum, & sacco & cinerem sternere? Num- quid istud vocabis ieiunium, & diem acceptabilem Domi- no? Deinde infert, quomodo acceptabilis fiat continentia ieiunantis, atque euidenter enuntiat per se solum ieiunium prodesse non posse, nisi has quæ subijciuntur causas habue- rit consequentes: Nonne hoc est magis, inquit, ieiunium quod elegi? Dissolue colligationes impietatis, solue fascicu- los deprimentes, dimitte eos qui contracti sunt, liberos, & omne onus dirumpe. Frange esurienti panem tuum, & ege- nos vagosq. induc in domum tuam. Cum videris nudum, operi eum, & carnem tuam ne despexeris. Tunc erumpet quasi mane lumen tuum, & sanitas tua citius orietur, & anteibit faciem tuam iustitia tua, & gloria Domini colli- get te. Tunc inuocabis, & Dominus exaudiet; clamabis, & dicet, Ecce adsum. Videtis ergo ieiunium nequaquam prin- cipale bonum: a Domino iudicari, eo quod non per se ipsum, sed per alia opera bonum ac placitum Deo fiat, & rursum ex accidentibus causis non solum vanum, verum- etiam odibile censeatur, dicente Domino: Cum ieiunave- rint, non exaudiam preces eorum.
- Esai. 58.*
- Ibid.*
- Ibid.*
- Hier. 24.*

*Quodd principale bonum non propter inferius bonum teneri
debeas, sed econtra. Cap. XV.*

Non enim misericordia, patientia, & charitas, vel illa prædictarū præcepta virtutum, in quibus utique bonum est principale, propter ieiunia sunt tenenda, sed potius ieiunia propter illa. Elaborandum est enim ut virtutes illæ, quæ vere bonæ sunt, ieiunijs acquirantur, non ut ad ieiuniorum terminum tendant illarum gesta virtutum. Ob hoc ergo est utilis carnis afflictio, ob hoc adhibenda est ieiuniorum medicina, ut per illam ad charitatem in qua immobile ac sine vlla temporis exceptione perpetuum bonum est, peruenire possimus. Neque enim medicinæ, aurificinæ, vel ceterarum, quæ in hoc mundo sunt artium disciplina, propter instrumenta, quæ ad opus eius pertinent exercentur, & non potius ferraamenta propter artis studium præparantur; quæ sicut vtilia sunt peritis, ita superflua his qui artis ipsius nesciunt disciplinam. Et sicut his qui ad efficiendum opus suum eorum ministerio fulciuntur, plurimum prosunt; ita illis, qui cuius rei gratia instituta sunt ignorantes, sola eorum possessione contenti sunt, penitus prodesse non possunt, quia utilitatis suæ summam in retentione eorum tantum, non in operis consummatione constituunt. Illud ergo est optimum principaliter, propter quod sunt illa, quæ media sunt; ipsum vero præcipuum bonum, non ob aliam causam, sed propter suam tantum agitur bonitatem.

*Quomodo a ceteris bonis principale bonum
discernatur. Cap. XVI.*

Quod quidem a ceteris, quæ media esse prædiximus, his secernitur modis, si per se bonum sit, & non per aliud aliquid, si propter se necessarium sit, & non propter aliud, si immutabiliter semperque sit bonum, ac perpetuo suam retinens qualitatem numquam possit in partem transire contrariam, si adeptio vel cessatio eius non possit non summam inferre perniciem, si id quod illi contrarium est, similiter principale sit malum, nec in partem bonam possit aliquando transire. Quæ definitiones, quibus principatum bonorum natura discernitur, adscribi ieiunijs omnino non possunt. Neque enim ex semetipsis bonæ, aut propter se necessaria sunt, quæ propter acquirendam cordis & corporis puritatem salubriter exercentur, ut aculeis carnis obtusis, mens pacifica suo concilietur auctori, nec immutabili-

ter semperq. sunt bona, quia plerumque eorū intermissio-
ne non lædimur, immo etiā in perniciem interdum ani-
mæ importunius celebrata vertuntur. Sed nec principale
malū est id, quod illi videtur aduersum, id est, ciborum na-
turaliter iucunda perceptio, quæ nisi intemperantia atque
luxuria, vel alia quædā vitia subsequantur, mala nō potest
Matt. 15. definiri; quia non quod intrat in os, coinquinat hominem,
sed quæ procedunt de ore, hæc coinquināt hominem. Prin-
cipali itaque derogat bono, nec perfecte aut sine peccato il-
lud exequitur quisquis hoc non propter idipsum, sed pro-
pter aliud aliquid facit. Omnia enim huius gratia facienda
sunt, ipsum vero propter se solum est expetendum.

De ratione & utilitate ieiunij. Cap. XVII.

Talem igitur definitionem super ieiunij qualitate iugi-
ter retinentes, ita illud totis animi viribus appetamus,
vt tamen tunc demum id nobis congruum nouerimus, si
in eo temporū ratio, si qualitas, si mensura seruetur; nec ita
vt in ipso speci nostræ terminū desigamus, sed vt per ipsum
ad puritatem cordis & apostolicam charitatem peruenire
possimus. Igitur ex hoc ipso ieiunium cui non solum spe-
cialia præfixa sunt tempora, quibus vel exerceri debeat vel
remitti, sed etiā qualitas modusq. propositus est, nō prin-
cipale bonum, sed medium quiddam esse manifestum est.
Ceterum hæc quæ præcepti auctoritate, vel mandantur vt
bona, vel interdiciuntur vt noxia, numquam ita exceptioni
temporū subiacent, vt interdum, aut quæ vetita sunt fieri
debeāt, aut quæ imperata sunt prætermitti. Nec enim vllus
iustitiæ, paciētiæ, sobrietati, pudicitiae, charitati, statutus est
modus; nec rursus iniustitiæ, impatientiæ, furori, impudi-
citiæ, inuidiæ atque superbiæ libertas aliquādo permilla est.

Non semper congruum esse ieiunium. Cap. XVIII.

Quamobrem his de ieiunij qualitate præmissis, subden-
da adhuc sanctarū scripturarū videtur auctoritas, per
quā manifestius approbetur ieiuniū perpetuo custo-
diri nec debere, nec posse. In Euāgelio ieiunantibus Phari-
sæis vna cū discipulis Ioannis Baptistæ, cū Apostoli, vt pote
amici & conuiuæ illius cælestis sponsi, necdum ieiunio-
rum obseruantiam custodirent, discipuli Ioannis, qui sum-
mam iustitiæ se de ieiunijs possidere credebant, quippe il-
lius sectatores, qui eximius poenitentiae prædicator ita cun-
ctis populis formam suo præbebat exemplo, vt non solum
varia

varia escarum genera, quæ humanis vñbus suggererentur ab-
 nueret, verum etiam communem panis ipsius esum penitus
 ignoraret, Domino conqueruntur, dicentes: Quare nos & *Matth. 9.*
 Pharisei ieiunamus frequenter, discipuli autem tui non ie-
 iunant? Quibus respondens Dominus euidenter ostendit
 non omni tempore congruum esse ieiunium, nec necessa-
 rium, cum aliqua vel festiuitas temporū, vel interueniens
 charitatis occasio, indulgētiam refectionis admittit: Num- *Ibid.*
 quid possunt, inquit, filij sponsi lugere quamdiu cum il-
 lis est sponsus? Venient autem dies cum auferetur ab eis
 sponsus, & tunc ieiunabunt. Quæ verba licet ante resurre-
 ctionem sui corporis dixerit, tamen proprie quinquagesi-
 mæ tempus ostendunt, in quo post resurrectionē per qua-
 draginta dies Domino cum discipulis epulante, ieiunare
 illos quotidianæ eius præsentix gaudium non sinebat.

Interrogatio, cur totis quinquaginta diebus ieiunium
 GERMANVS. *relaxetur. Cap. XIX.*

Quare igitur tota quinquagesima abstinentiæ rigorem
 prandijs relaxamus, cum vtique Christus quadragin-
 ta tantum diebus post resurrectionem cum discipulis
 fuerit commoratus?

THEONAS. *Responsio. Cap. XX.*

Non incongrua interrogatio vestra rationem integerri-
 mæ veritatis meretur agnoscere. Post ascensionem Sal-
 uatoris nostri, quæ quadragesimo resurrectionis eius acta
 est die, Apostoli reuersi de monte oliueti, in quo se ad pa-
 trem pergens præbuit intuentum, sicut etiam Actuum *Act. 1.*
 Apostolorum lectio contestatur, ingressi Hierosolymam,
 decem diebus aduentum Spiritus sancti expectasse ferun-
 tur; quibus expletis quinquagesima eum die cum gau-
 dio susceperunt, & ita est per hæc festiuitatis huius nume- *Act. 2.*
 rus euidenter impletus. Quem in veteri quoque testamen- *Exod. 23.*
 to legimus figuratiter adumbratum; in quo consumma-
 tis hebdomadibus septem, primitiarum panis per sacerdo- *Ex. 34.*
 tes Domino iubebatur offerri; qui verissime per Aposto-
 lorum prædicationem, qua in illo die concionati leguntur
 ad populum, oblatus Domino comprobatur; verus scilicet
 primitiarum panis, qui nouæ doctrinæ institutione prola-
 tus, quinque milibus virorum escæ suæ munere satius, pri- *Act. 2.*
 mitium de Iudeis Christianorum populum Domino con-
 secrauit. Et idcirco hi quoque decem dies cū superioribus
 qua-

quadraginta pari solemnitate sunt ac lætitia celebrādi. Cuius festiuitatis traditio, per apostolicos viros ad nos vsque transmissa, eodem tenore seruāda est. Ideo namque in ipsi diebus nec genua in oratione curuantur, quia inflexio genuum velut pœnitentiæ ac luctus indicium est. Vnde etiam per omnia eandem in illis solemnitatem, quam die Dominica custodimus, in qua maiores nostri, nec ieiunium agendum, nec genu esse flectendum, ob reuerēciam resurrectionis Dominicæ tradiderunt.

Interrogatio, vtrum abstinentia ieiunij relaxata obsit corpori
GERMANVS. *ris castitati. Cap. XXI.*

Proest ne hæc caro insolitis blandimentis tam longe festiuitatis illecta, non aliquid sentuosum de illo quamuis absceso vitiorum fomite germinare; aut mens præsumptis vltra consuetudinem dapibus onerata, non erga famulum corpus rigorem dominationis inflectere, præsertim cū in nobis viridior ætas, cito ad rebellionem subdita possit membra compellere, si vel escas solitas abundantius, vel certe insolitas licentius præsumamus?

Responsio de seruando continentia temperamento.

THEONAS.

Cap. XXI I.

Si vniuersa, quæ gerimus rationabili mētis appendamus examine, & de puritate cordis nostri non aliorum iudicium, sed nostram semper conscientiam consulamus, certum est istam refectionis intercapedinem iustæ distributioni obesse non posse, si modo, vt dictū est, æquam indulgentiæ continentiaeq. mensuram pari lance perpendēs, vtramque similiter nimietatem mens incorrupta castiget, & vtrū spiritum nostrum deliciarum deprimat pondus, an vero alteram, hoc est corporis partem, maior abstinentiæ inclinet austeritas, vera discretionē distinguat, illam vel comprimens, vel subleuans portionem, quam vel exrolli senserit, vel grauari. Nihil enim Dominus noster ad cultū atque honorem suū absque iudicij moderatione vult fieri, quia: Honor regis iudicium diligit. Et idcirco sapientissimus Salomon, vt in neutram partem vergentē iudicio declinemus, admonet, dicens: Honora Dominum de tuis iustis laboribus, & deliba ei de fructibus iustitiæ tuæ. Etenim resider in conscientia nostra incorruptus quidam ac verus iudex, qui nonnumquam super statu puritatis nostræ cunctis errantibus solus ipse non fallitur. *Omni igitur cautione atque*

soler-

Psal. 98.

*Prou. 3.
sec. lxx.*

solertia, iugis circumspecti cordis seruetur intentio, ne quo modo iudicio nostræ discretionis errante, aut inconsideratæ continentiæ cupiditate succensi, aut desiderio nimix remissionis illecti, substantiam virium nostrarum iniquæ trutinæ examinatione libremus, sed in altera quidē lance animæ puritatem, in altera vires corporis collocantes, ita vero cōscientiæ iudicio vtraque pendamus, vt in neutram partē vnus rei affectu præponderante peruersi, vel ad immodicā distriktionem, vel ad nimiam remissionem, æqualitatis libram propensius inclinemus, & illud nobis, vel pro remissionis, vel pro distriktionis nimietate dicatur: Nonne si recte offeras, recte autem non diuidas peccasti? Illas etenim ieiuniorum victimas, quas nobis violenta viscerum cōuulsione inconsiderate extorquentes, Domino recte offerre nos credimus, Ille qui diligit misericordiam & iudicium ex-
Gen. 4. sec. lxx.
 cratur, dicens: Ego Dominus diligens iudicium, & odio habens rapinam in holocausto. Illos etiā, qui oblationum, id est, officiorū atque actuum suorum præcipua ad forum carnis, atque vsus proprios præsumentes, reliquias eorū Domino ac minimam deferunt portionē, velut operarios fraudulentos sermo diuinus ita condemnat: Maledictus qui facit opera Domini fraudulenter. Non ergo immerito eum
Hiere. 48 sec. lxx.
 qui se ita iniquo fallit examine increpat Dominus, dicens: Verumtamen vani filij hominum, mendaces filij hominū in stateris, vt decipiant. Et idcirco beatus Apostolus, vt discretionis moderamina retinentes, in neutram partem illecti nimietate vergamus, admonet dicens: Rationabile obsequium vestrum. Quam rem etiam legislator similiter interdicit, ita præcipiens: Statera iusta, & æqua sint pondera: iustus modus, æquusq. sextarius. Salomone quoque parem
Leuit. 19 Prou. 20. sec. lxx.
 super hoc sententiam proferente: Pondus magnum & pusillum, & mensuræ duplices, immunda sunt apud Dominū vtraque, & qui facit ea in adinventionibus suis compeditur. Proinde nō solum illo, quo diximus, sed etiam hoc modo studendum est nobis, vt nec iniqua pondera in cordibus nostris, nec in horreis conscientiæ nostræ mensuras duplices habeamus; id est, ne ipsi ea, quæ distriktionis regulam molliunt, remissione indulgentia præsumentes, eos quibus verbum Domini prædicamus, distriktionibus præceptis & grauioribus quā ipsi perferre possumus ponderibus obruamus. Quod cū facimus, quid nisi duplici pōdere atque

Ibid.

mensura præceptorum Domini mercem frugemq. vel appendimus vel metimur? Si enim aliter ea nobis, aliter nostris fratribus dispensemus, recte increpamur a Domino, eo quod stateras dolosas ac mensuras duplices habeamus, secundum illam sententiam Salomonis qua dicitur: Abominatio est Domino pondus duplex, & statera dolosa non est bonum in conspectu eius. Hoc etiam modo reatum dolosi ponderis duplicisq. mensuræ euidenter incurrimus, si districtiora quædam, quæ priuatim per nostras cellulas exercere cōsueuimus, humanæ laudis cupiditate corā fratribus ostentemus, abstinentiores scilicet & sanctiores apparere affectantes humano conspectui quàm diuino. Qui morbus præcipue non modo vitandus, verumetiam abominandus est nobis. Sed interim a quæstione proposita paulo longius euagati, ad eandem a qua discessimus reuertamur.

De refectiōis tempore atque mensura. Cap. XXIII.

Igitur prædictorum dierum ita est custodienda solemnitas, ut corporis atque animæ cultui proffit magis remissio indulto quàm noceat; quia nec vilius festiuitatis gaudium aculeos carnis obrundere, nec immitis ille aduersarius dierum nouit reuerentia mitigari. Ut ergo & diebus festis statuta consuetudinis solemnitas conseruetur, & saluberrimus parsimonie modus minime transcendatur, sufficit ut indulgentiā remissionis eo usque progredi patiamur, ut cibus qui hora diei nona fuerat capiendus, paulo citius, id est, sexta hora pro festiuitatis tempore capiat, ea ratione dumtaxat ut escarum solitus modus vel qualitas non mutetur, ne puritas corporis, vel integritas mentis, abstinentia quadagesimæ diligentius acquisita, quinquagesimæ remissione depereat; nihilq. nobis proffit obtinuisse ieiunijs quod mox amitti cogat incauta & satura: præsertim cum etiā hostis nostri non ignota versutia, tunc præcipue munitionem nostræ puritatis impugnet, cum eius custodiā senserit solemnitatis celebritate laxatam. Quamobrè vigilantissime pro uidendum est, ne vñquam mentis nostræ vigor, blandis seductionibus enervetur, neve, ut supra iam dictum est, castimonie puritatem quadagesimæ labore quæsitam, quinquagesimæ requie ac securitate perdamus. Et idcirco nulla penitus in ciborum qualitate vel modo admittatur adiectio, sed ab escis quarum continentia diebus profestis integritatem pudicitæ tuebatur, etiam celeberrimis famili-

similiter temperemus; ne lætitiæ festiuitatis perniciosissimam nobis carnalium incentiuorum suscitans pugnam, *Amos. 8.* vertatur in luctum, illamq. excellentiorem nobis, quæ gaudio in corruptionis exultat festiuitatem mentis eripiat, & incipiamus post breuem carnalis lætitiæ vanitatem, amissam cordis pudicitiam longo pœnitentiæ mœrore deflere. Studendum quinimmo est, vt non frustra ad nos illa prophetiæ adhortationis commonitiô dirigatur: Celebra *Nabû 1.* Iuda festiuitates tuas, & redde vota tua. Si enim continentia iugitatem interiecta dierum solemnitates non mutarit, spiritualibus feriis iugiter perfruemur; & ita nobis a seruilis operatione cessantibus, mensis ex mense, & sabbatum red- *Esaï. 66.* detur ex sabbato.

Interrogatio de diuersa obseruatione quadragesimæ.

GERMANVS. *Cap. XXIV.*

Quid causæ est, vt sex hebdomadibus quadragesima celebretur, licet in quibuscûq. prouincijs religionis forsitan propensior cura adiecisse hebdomadam etiam septimam videatur, cum neuter numerus die Dominico sabbatoq. subtracto, quadraginta dierum impleat summam? Sex enim & triginta dies in ipsis hebdomadibus tantummodo concluduntur.

Responsio eo quod ad anni decimas quadragesimæ ieiunium
THEONAS. *referatur. Cap. XXV.*

Licet pia quorûdam simplicitas huius rei amputet questionem tamen quia etiam illa, quæ alius interrogatione indigna duxisset scrupulosius perscrutantes integrâ obseruantia nostræ ac mysterij veritatem desideratis agnoscere, euidentissimam huius etiam rei percipite rationem, vt manifestius approbetis nihil irrationabile nostros tradidisse maiores. Lege Mosaica vniuerso populo generalis promulgata præceptio est: Decimas tuas & primitias offeres *Exod. 22.* Domino Deo tuo. Itaque qui substantiarum nostrarum omniumq. fructuû decimas offerre præcipimur, multo magis necesse est, vt ipsius quoque cōuersationis nostræ, & humani vsus, operumq. nostrorum decimas offeramus, quæ profecto in supputatione quadragesimæ euidenter implentur. Omnium enim dierû numerus, quibus reuolutus in orbem annus includitur, triginta sex semis dierum numero decimatur. In septem vero hebdomadibus si dies Dominici & sabbata subtrahantur, quinque & triginta supersunt dies ieiunio

nio deputati, sed adiecta illa vigiliarum die, qua vsque in gallorum cantum illucescente Dominica ieiunium sabbati protelatur, non solum sex & triginta dierum numerus adimpletur, verumetiam pro decimis quinque dierum, qui residui videbatur, si illud quod superadiectum est noctis spatium computetur, plenitudini totius summæ omnino nihil deerit.

Quomodo etiam primitias nostras Domino debeamus offerre. Cap. XXVI.

Quid vero de primitijs dicam, quas ab omnibus qui Christo fideliter famulantur quotidie certum est exhiberi? Nam cum expergefatti a somno, & quasi rediuncta post soporem alacritate surgentes, priusquam motum sensus vllius corde concipiant, vel memoriam aut curam rei familiaris admittant, cogitationum suarum ortus atque principia, diuinis consecrant holocaustis, quid nisi primitias vere suorum fructuum, per summum sacerdotem Iesum Christum, pro vsu vitæ huius & imagine quotidianæ resurrectionis exoluunt? Quiq. etiam a somno excitati, hostiam iubilationis suæ Deo similiter offerentes, primo linguæ suæ motu ipsum inuocant, ipsius nomen laudesq. celebrant, atque ad canēdos ei hymnos, prima labiorum claustra reserantes, immolant Deo sui oris officia. Cui etiā pariter deferunt modo prima manuum suarum gressuumq. libamina, cum e cubilibus consurgentes in oratione consistunt, & priusquam in proprijs causis membrorum suorum fungantur officio, nihil sibi de ministerio eorum ante decerpunt, sed ad ipsius honorem promouent gressum, atque in eius laudatione defigunt; & ita cunctorum motuum suorum primitias protensione manuum, incuruatione genuum, & totius corporis prostratione persoluunt. Illud enim quod decantatur in Psalmo aliàs implere non possumus: Præueni in maturitate & clamaui. & Præuenerunt oculi mei ad te diluculo, vt meditarer eloquia tua. & Mane oratio mea præueniet te: nisi vt post quietem somni in hanc lucem, vt supra diximus, velut e tenebris & morte imaginaria reuocati, de vniuersis officijs mentis & corporis nihil omnino in nostris præsumere necessitatibus audeamus. Nullus namque est alius quæ aut propheta præuenerit maturinus, aut nos præuenire similiter debeamus nisi aut nosmetipsos, idest, occupationes nostras & affectus, curasq. mortales,

Psal. 118

Ibid.

Psal. 87.

les, sine quibus esse non possumus, aut suggestiones subtilissimas inimici, quas nobis adhuc quiescentibus ac sopore demersis, per phantasias inanium somniorum inferre conatur, quibus nos mox euigilatos occupet & inuoluat, ut primitiarum nostrarum opima defloras primus ipse decerpas. Quamobrem omni nobis cautione curandum est, si tamen vim prædicti versiculi opere volumus adimplere, ut ita primos matutarum cogitationum ortus sollers vigilanti tueatur, ne quid ex eis festina præsumptio liuentis attamenet inimici, nostrasq. primitias tamquam viles iam atque communes a Domino faciat reprobati. Qui si præuentus a nobis peruigili mentis circumspectione non fuerit, anticipationis nequissimæ consuetudinem non deponens quotidie nos fraudibus suis præuenire non desinet. Et idcirco si placitas & acceptabiles Deo primitias ex fructibus mentis nostræ optamus offerre, non mediocrem sollicitudinem debemus impendere, ut omnes nostri corporis sensus, matutinis præcipue horis tamquam sacrosancta Domini holocausta in omnibus illibata atque intacta seruemus. Quod deuotionis genus multi etiâ secularium summa cautione custodiunt, qui ante lucem vel diluculo surgentes, nequaquam familiaribus ac necessarijs mundi huius actibus implicantur, priusquam cunctorum actuum suorum operationumq. primitias, ad ecclesiam concurrentes diuino studeant sacrare conspectui.

Cur diuerso dierum numero quadragesima a plerisque obseruetur. Cap. XXVII.

Porro quod dicitis, diuerso more, id est, sex vel septem hebdomadibus per nonnullas prouincias quadragesimam celebrari, vna ratio, idemq. ieiuniorum modus diuersa hebdomadarum obseruatione cõcluditur. Hi enim sibi sex hebdomadarum obseruantiam præfixerunt, qui putant die quoque sabbati ieiunandum. Sex ergo in hebdomada ieiunia persoluunt, quæ eisdem sex & triginta dies sexies reuoluta consummant.

Quare vocetur quadragesima, cum triginta & sex tantummodo diebus ieiunetur. Cap. XXVIII.

Vna ergo, quemadmodum diximus, ratio, idemq. est ieiuniorum modus, licet in hebdomadarum numero discrepare videatur. Sed profecto cum rationem huius rei humana oblitterasset incuria, tempus hoc quo anniuersa-

ria,

ria, ut dictum est, decima Deo triginta & sex semis ieiunij offeruntur, quadragesimæ nomen accepit, quod fortasse vel propter hoc visum sit hoc vocabulo debere censer, quod Moses, vel Elias, vel ipse Dominus noster Iesus Christus quadraginta diebus ieiunasse traduntur. Ad cuius numeri sacramentum illi quoque quadraginta anni quibus Israel est in solitudine commoratus, & quadraginta similiter mansiones quibus eam mystice pertransisse describitur, non incongrue coaptantur. Et fortasse ipsa decimatio recte quasi ab usu telonei quadragesimæ nomen acceperit. Ita enim illa publica vulgo vocatur exactio, ex qua tanta luci portio regis commodis deputatur, quantum & a nobis a Rege omnium sæculorum pro usu vitæ nostræ legitimum quadragesimæ vestigal exigitur. Sane licet ad propositam non pertineat quæstionem, tamen quia se obtulit narrationis occasio, nec hoc quidem prætereundum puto, quod frequentissime seniores nostri idcirco illis diebus maxime impugnari omne monachorum genus antiqua inimicæ gentis consuetudine testabantur, & ad transmigrandum de suis sedibus acrius perurgeri, eo quod secundum illam similitudinem, qua tunc Ægyptij filios Israel violentis afflictionibus opprimebant, nunc quoque verum Israel, id est, monachorum plebem intellectuales Ægyptij duris ac luctulentis operibus incuruare conentur, ne per amicam Deo quietem terram Ægyptiam deferentes, ad eremum virtutum salubriter transeamus: ita ut aduersum nos Pharaon infremens

Exod. 34.

3. Reg. 19

Matth. 4.

Deut. 29.

Exod. 5.

Ibid. sec.

lxx.

Prov. 29.

dicat: Otiosi sunt, & idcirco vociferantur dicentes: Eamus & sacrificemus Domino Deo nostro. Opprimantur laboribus, & solliciti sint in operibus suis, & non sint solliciti in verbis vanis. Nam utique vanitas impiorum sanctum Domini sacrificium, quod non nisi in eremo liberi cordis offertur, summam esse adstruit vanitatem: Abominatio est enim peccatori religio.

Quod perfecti supergradientur legem quadragesima.

Cap. XXIX.

HAc igitur quadragesimæ lege qui iustus atque perfectus est, non tenetur; nec exigui huius canonis subiectione contentus est, quem profecto illis qui per totum anni spatium delicijs vel negotijs sæcularibus implicantur ecclesiarum principes statuerunt; ut vel hac legali quodammodo necessitate constricti, his saltem diebus vacare Do-

mino

mino cogerentur, ac dierum vitæ suæ quos totos quasi fructus quosdam fuerant voraturi, vel decimas Domino dedicarent. Ceterum iusti quibus lex nō est posita, quique spiritualibus non exiguum illam, id est, decimam partem, sed totum vitæ suæ tempus impendunt, quia liberi sunt a decimarum legalium functione, idcirco si eos superueniens honesta & sancta necessitas coartarit, audent stationem ieiunij absque vlla disceptatione laxare. Non enim ab eis decimarū exiguitas mutilatur, qui omnia sua Domino secum pariter obtulerunt. Quod profecto absque summo si audis reatu facere ille non poterit, qui nihil voluntarie offerens Deo, inexcusabiliter soluere decimas suas legis necessitate compellitur. Quapropter liquido comprobatur perfectum esse non posse famulum legis, qui vel illa, quæ prohibentur cauet, vel illa quæ præcipiuntur exequitur; sed illos vere esse perfectos, qui etiam his, quæ a lege concessa sunt non vruntur. Et hac ratione cum de Mosaisca lege dicatur: Nihil enim ad perfectum perduxit lex; nonnullos sanctorum in veteri testamento perfectos legimus extitisse, quia transcendentes legis imperium sub euangelica perfectione vixerunt, scientes quod iustis non est lex posita, sed iniustis & non subditis, impijs & peccatoribus, sceleratis, contaminatis, & cetera.

De causa & initio quadragesimæ. Cap. XXX.

SCiendum sane hanc obseruantiam quadragesimæ, quā diu Ecclesiæ illius primitiæ perfectio inuiolata permansit, penitus non fuisse. Non enim præcepti huius necessitate, nec quasi legali sanctione constricti, artissimis ieiuniorum terminis cludebantur, qui totum anni spatium æquali ieiunio concludebant. Verum cum ab illa apostolica deuotione † desciscens quotidie credentium multitudo suis opibus incubarer, nec eas vsui cunctorum secundum Apostolorum instituta diuideret, sed priuatim impendijs suis consulens nō seruare tantum, sed etiam augere contenderet, Ananiæ, & Sapphiræ exemplum non contenta sectari, id vniuersis tunc sacerdotibus placuit, vt homines curis secularibus illigatos, & pene (vt ita dixerim) continentix vel compunctionis ignaros, ad opus sanctum canonica ieiuniorum indictione reuocarent, & velut legalium decimarū necessitate compellerent, quæ utrique infirmis prodesse posset, perfectis præiudicare non

O o posset,

1. Tim. 2.

Hebr. 7.

1. Tim. 2.

al. discens

Act. 4.

Act. 5.

Rom. 6.

posset, qui sub gratia Euangelij constituti voluntaria legem deuotione transcendunt, vt ad illam apostolicę sententię peruenire beatitudinem possint: Peccatum enim in vobis non dominabitur; non enim estis sub lege, sed sub gratia. Vere enim dominationem in illo non potest exercere peccatum, qui fideliter sub gratię libertate consistit.

Interrogatio quemadmodum intelligi debeat quod ait

Apostolus: Peccatum in vobis non dominabitur.

GERMANVS.

Cap. XXXI.

Iean. 8.

QVia non potest fallax hæc Apostoli esse sententia, quę securitatem non solum monachis sed etiam omnibus Christianis generaliter repromittit, nimium nobis videtur obscura. Cum enim cunctos, qui Euangelio credunt, a iugo & dominatione peccati liberos atque alienos esse pronuntiet, quomodo pene in omnibus baptizatis viget dominatio peccatorum, secundum sententiam Domini qua ait: Omnis qui facit peccatum, seruus est peccati?

Responsio de differentia gratiæ & legalium preceptorum.

THEONAS.

Cap. XXXII.

QVæstionem nobis rursus immodicā inquisitio vestra commouit, cuius vim licet sciã ab inexpertis nec tradi posse nec percipi, tamen inquãtum potero verbis absolueret & breuiter expedire tentabo, si modo intellectus vester ea, quę dicimus etiam operibus subsequatur. Quęcumque enim non per doctrinam sed per experientiam cognoscuntur, sicut tradi ab inexperto nõ queunt, ita nec mente cõcipi vel teneri, nisi ab eo qui simili studio fuerit atque institutione fundatus. Et idcirco necessarium reor, vt primum diligentius inquiramus, quõdnam sit propositum vel voluntas legis, vel quę gratiæ disciplina atque perfectio, vt consequenter ex his, siue dominationem peccati, siue expulsionẽ eius possimus agnoscere. Itaque lex principaliter iubet expeti copulam nuptiarum, dicens: Beatus qui habet semen in Sion, & domesticos in Hierusalem. & : Maledicta sterilis quę non peperit. Econtrario gratia ad incorruptionis perpetuę puritatem, & castimoniam nõs beate virginitaris inuitat; Beata, inquiens, steriles quę non genuerunt, & vbera quę non lactauerunt. & : Qui non oderit patrem, & matrem, & vxorem, non potest meus esse discipulus. Et illud Apostoli: Reliquum est, vt & qui habent vxores, tamquam non habentes sint. Lex dicit: Decimas tuas & primi-

Esa. 31.
sec. lxx.

Luc. 23.

Luc. 14.

1. Cor. 7.

Exod. 22.

tias non tardabis offerre; Gratia. Si vis perfectus esse, vade *Matth. 19*
 & vende omnia quæ habes, & da pauperibus. Lex conui-
 ciorum & iniuriarum non prohibet vltionem, dicens: Ocu- *Exod. 21.*
 lum pro oculo, dentem pro dente: Gratia congeminatione
 iniuriarum vel cædis, quæ fuerint irrogata, nostram patien-
 tiam vult probari, & ad duplicis dispendij tolerantiam pa-
 ratos esse nos præcipit: Qui te percusserit, inquit, in dex- *Matth. 5.*
 teram maxillam, præbe ei & alteram, & illi qui vult tecum
 iudicio contendere, & tunicam tuam tollere, dimitte ei
 & pallium. Illa inimicos odio habendos: Hæc ita dili- *Ibid.*
 gendos esse decernit, vt pro ipsius Deo semper censeat sup-
 plicandum.

Quod leniora sint Euangelij præcepta quam legis

Cap. XXXIII.

Quisquis igitur hoc euangelicæ perfectionis culmen
 ascenderit, iste profecto supra omnem legem tantarū
 virtutū meritis sublimatus, & vniuersa quæ per Mo-
 sen præcepta sunt quasi parua despiciens, tantum sub gra-
 tia Saluatoris se esse cognoscit, cuius adiutorio se ad illum
 sublimissimum statum intelligit peruenisse. Non ergo do-
 minatur in eo peccatum, quia charitas Dei quæ diffusa est
 in cordibus nostris, per Spiritum sanctum qui datus est no-
 bis, omnem alterius cuiusque rei excludit affectū, nec po-
 test aut verita cōcupiscere aut imperata contemnere, cuius
 totum studium, totumq; desiderium diuino amorī semper
 intentum, vsque adeo viliū rerum oblectatione non capi-
 tur, vt etiam his quæ concessa sunt non vtatur. In lege autē
 in qua coniugiorum iura seruantur, quamuis cohibita lu-
 xuriæ euagatio vni tantum feminæ mancipetur, tamen ne-
 quaquam possunt carnalis cōcupiscentiæ aculei non vige-
 re, & difficile est vt ignis cui etiam studiose pabula sugge-
 runtur, ita præfixis terminis includatur, vt non etiam extra
 euagatus ambulat quidquid attigerit. Cui etiam si sua illa
 ita semper occurrat obiectio, vt exastuare extrinsecus non
 sinatur, tamen etiam dum cohibetur incendit; quia volun-
 tas ipsa culpabilis est, & ad velocissimos adulteriorum ra-
 pratur excessus consuetudo concubitus. Ceterum quos gra-
 tia Saluatoris sancto incorruptionis amore flammavit, ita
 omnes carnalium desideriorum spinas Dominicæ cha-
 ritatis igne consumunt, vt nec tepens fauilla vitiorum re-
 frigerium integritatis imminuat. Legis ergo famuli lici-

torum vsu ad illicita prolabantur; gratiæ participes dum contemnunt licita, illicita non nouerunt. Sicut autem uiuit in coniugij amatore peccatum, ita etiã in eo qui decimas suas ac primitias tantũ est reddidere contentus: necesse est enim eum dum tardat aut negligit, aut in qualitate earum, aut in quantitate, aut in quotidiana distributione peccare. Qui enim iubetur ea quæ sua sunt infatigabiliter indigentibus ministrare, quamlibet ea summa fide ac deuotione dispenderit, tamen difficile est, ut non laqueos peccatorum frequenter incurrat. In illis vero qui consilium Domini non spreuerunt, sed omnem substantiam suam pauperibus prærogantes, sumpta cruce sua largitorem cælestis gratiæ subsequuntur, peccatum non potest dominari. Non enim eum sacratas iam Christo opes & quasi alienas pia distributione pecunias dispensantem, infidelis seruadi victus cura mordebit, nec elemosynæ hilaritatem abiget mœsta cunctatio; quia quod semel totum obtulit Deo, id iam alienum sine propriæ necessitatis recordatione, aut angusti victus timore dispergit, qui se certus est cum ad desideratam peruenit nuditatem, multo magis a Deo quam voluerem cæli esse pascendum. Econtrario is, qui substantiã retinens mundialem, aut decimas fructuum suorum atque primitias, aut partem pecuniarum constrictus legis antiquæ sanctione distribuit, licet peccatorum suorum ignem maxime hoc elemosynæ rore restinguat; tamen quantauis opes suas magnanimitate dispenderit, impossibile est ut se ad plenũ eruat a dominatione peccati, nisi forte per gratiam Saluatoris, cum re etiam ipsum affectum deposuerit possidendi. Pari modo non potest non cruento peccati imperio famulari, quicumque oculum pro oculo, dentem pro dente, ex præcepto legis erueret, aut inimicum suum odio mauult habere; quia necesse est eum dum talionis vicissitudine vlcisci suam optat iniuriam, dum contra inimicos odij amaritudinẽ seruat, furoris atque iræ perturbatione semper accendi. Quicumque vero sub euangelicæ gratiæ illuminatione versatur, ac malum non resistendo superans sed ferendo, dexteram percutienti maxillam, etiam alteram præbere voluntarius non moratur, & volenti aduersum se de tunica litigiũ commouere, remittit & pallium; quique diligit inimicos suos, & orat pro calumniantibus se, hic peccati repulit iugum ac vincla dirupit. Non enim uiuit sub lege (quæ non interimit

terimit seminaria peccatorum. vnde non immerito de ipsa
 beatus Apostolus: Reprobatio, inquit, sit præcedentis man- *Hebr. 7.*
 dati propter infirmitatem eius & inutilitatem; nihil enim
 ad perfectum perduxit lex. & Dominus per prophetam: Ego *Ezech. 20*
 dedi, inquit, eis præcepta non bona, & iustificationes in
 quibus non viuent in eis) sed sub gratia, quæ non ramos
 tantum nequitie amputat, sed ipsas penitus radices noxiæ
 voluntatis euellit.

Quemadmodum quis probetur esse sub gratia. Cap. XXXIV.

Quisquis ergo perfectionem euangelicæ studuerit te-
 nere doctrinæ, hic sub gratia constitutus peccati do-
 minatione non premitur. Hoc est enim esse sub gra-
 tia, quæ a gratia mandantur implere. Quicumque vero per-
 fectionis euangelicæ plenitudini subiectus esse noluerit, nō
 ignoret se quamuis baptizatus sibi videatur ac monachus,
 non esse sub gratia, sed legis adhuc vinculis præpeditum
 peccati pondere prægruari. Propositum namque est eius qui
 omnes a quibus receptus fuerit gratia adoptionis assumit;
 non destruere sed superædificare, nec euacuare sed adim-
 plere Mosaiicas sanctiones. Quod nonnulli penitus igno-
 rantes, & consiliorum atque exhortationum Christi magni-
 ficentiam negligentes, ita præsumptiue libertatis securita-
 te soluuntur, vt non solum Christi præcepta tamquam ar-
 dua non attingant, verumetiā ipsa illa quæ illis incipienti-
 bus paruulisq. Mosaiica lege mandata sunt, velut antiquata
 contemnant, illud quod Apostolus execratur noxia liber-
 tate dicentes: Peccabimus, quia non sumus sub lege, sed *Rom. 6.*
 sub gratia? Qui ergo nec sub gratia est, quia nequaquam ad
 Dominicæ doctrinæ culmen ascendit, nec sub lege, quia
 etiam ipsa illa paruula legis mandata non suscipit, hic du-
 plici peccatorum oppressus imperio, ob hoc solum gratiā
 Christi percepisse se credit, vt per noxiam libertatem ab eo
 fieret alienus; in illud incidens quod Apostolus Petrus ne
 incurramus denunciatur: Quasi liberi, inquiēs, agite, & non *1. Petr. 2.*
 quasi velamen habentes malitiæ libertatem. Beatus quoque
 Apostolus Paulus: Vos enim, inquit, in libertatem vocati *Galat. 5.*
 estis fratres, id est, vt absoluti sitis a dominatione peccati;
 tantum ue libertatem in occasionem detis carnis, id est, fiu-
 strationem legalium mandatorum credatis esse licentiam
 vitiorum. Hæc vero libertas, quia nusquam nisi ibi sit tan-
 tum vbi Dominus commoratur, Paulus Apostolus docet:

2. Cor. 9. Dominus, inquit, spiritus est; ubi autem spiritus Domini, ibi libertas. Quapropter nescio utrum hunc beati Apostoli sensum sicut hi qui experti sunt sapiunt, exprimere atque elucidare potuerim: vnum scio, apertissime illum etiam sine expositione cuiusquam omnibus referari, qui *πρακτικῶν*, id est, actualem perfecte tenuerint disciplinam. Non enim laborabunt, ut quod iam operando didicerint, intelligant disputando.

Interrogatio cur interdum propensius ieiunantes carnalibus incentiuis acrius urgeamur.

GERMANVS.

Cap. XXXV.

Obscurissimam questionem & multis etiam, ut putamus, incognita apertissime reuulasti. Vnde, ut hoc quoque profectui nostro adicias deprecamur, ut cur interdum etiam propensius ieiunantibus nobis, & exhaustis atque defectis, vehementiores pugnae corporis excitentur, diligenter edifferas. Nam plerumque etiam expergefacti a somno, cum deprehenderimus nos corporalis veneni contagium pertulisse, ita conscientia deijcitur, ut ne ad ipsam quidem orationem consurgere fiducialiter audeamus.

Responsio quod hac quaestio futura collationi debeat referuari.

THEONAS.

Cap. XXXVI.

Rom. 2. Studium quidem vestrum, quo perfectionis viam non transitorie, sed plene atque perfecte desideratis attingere, infatigabiliter huic disputationi nos prouocat inhaerere: nec enim de exteriori castimonia & circumcisione manifestata, sed de illa quae in occulto est diligenter inquiritis, scientes in hac visibili carnis continentia, perfectionis plenitudinem non inesse, quae haberi vel per necessitatem, vel per hypocrisim etiam ab infidelibus potest, sed in illa cordis voluntaria & inuisibili puritate, quam beatus Apostolus ita praedicat: Non enim qui in manifesto Iudaeus, neque quae in manifesto in carne est circumcisio, sed qui in occulto Iudaeus, & circumcisio cordis in spiritu, non littera, cuius laus non ex hominibus, sed ex Deo est, qui solus scilicet eordium secreta rimatur: tamen quia satisfieri desiderio vestro ad plenum modo non potest (breue enim quod superest spatium notatis, ad indagandam hanc abstrusissimam non sufficit quaestionem) congruum reor ut interim differatur. Sensim enim haec & corde ab omni cogitationum strepitu penitus absoluto, ut a nobis proferri, ita vestris debent mentibus intui-

mari;

uari; quæ sicut propter conscientie purificatione oportet
inquiri, ita nisi ab eo qui donum integritatis expertus est, tra-
di assignatiq. non possunt. Non enim queritur quid ina-
nium argumenta verborum, sed quid interna conscientie
fides & maior vis veritatis inculcet. Et idcirco de emunda-
tionis huius scientia atque doctrina, nec proferri aliquid
nisi ab experto, nec transfundi quidquam potest, nisi in cu-
pidissimum valdeq. sollicitum virtutis ipsius amatorem, qui
non eam vacuis nudisq. sermonibus suscitando, sed totis
animi viribus annitendo optet attingere; scilicet non studio
loquacitatis instructuosa, sed desiderio puritatis internæ.

COLLATIONIS PRIMÆ

abbatis Theonæ de remissione

Quinquagesimæ, Finis.

COLLATIO XXII. QUÆ
EST SECUNDA ABBATIS
THEONÆ.

DE NOCTVRNIS ILLV-
SIONIBVS.

*De iterato reditu nostro ad abbatem Theonam, eiusq.
exhortatione. Cap. I.*



OST dies ferme septem, Quinquage-
simæ solemnitate transacta, cum ipso
noctis initio, id est, post synaxin ves-
pertinam promissæ disputationis ex-
pectatione suspensi, sancti Theonæ cel-
lam fuissimus ingressi, alacer senex
hilari ac blando vultu nos prior ser-
mone compellans: Mirabar, inquit, ardentissimum stu-
dium vestrum his septem diebus absolutionem quæstio-
nis propositæ potuisse differre, & debitori suo præcipue

non roganti, dilationem tanti temporis præstitisse. Iustissimum proinde est, ut quia ultro mihi benignitas vestra tam largas concessit inducias, ego quoque moram in debiti redditione non faciam. Grata namque est huius scœnotis occupatio, quæ maiora, dum soluitur, augmenta conquirat; & non solum percipiētem dicat, verum etiam nihil imminuit largienti. Duplices siquidem congregat quæstus rerum spiritualium dispensator. Lucrum enim non solum in illius, qui audit profectu, verum etiam in sua disputatione consequitur, non minus semetipsum ad desiderium perfectionis accendens, dum instruit auditorem. Quamobrem vester ardor, meus profectus est; vestra sollicitudo, mea compunctio est. Nam utique & ipse nunc mente torperē, nihilq. in meo corde de his, quæ expetitis, retractarem, nisi me vester feruor atque expectatio ad rerum spiritualium recordationem suscitaret quodāmodo dormitantem. Et idcirco proferatur in medium quæstio si videtur, cuius pridem pro angustia temporis absolutionem procrastinare malimus.

Commemoratio interrogationis nostræ, cur maiorem abstinentiam maior interdum carnis impugnatio subsequatur. Cap. II.

Hoc enim, ni fallor, inquisitio vestra complexa est, cur interdum remissius ieiunantes, leuiores carnis huius aculeis titillemur, & nonnumquam districtius abstinētes, afflicto exhaustoq. corpore, incētinis acrioribus vrgeamur, ita ut quemadmodum patefecit vestra confessio, experrecti reperiamus nos humorum naturalium egestionē resperfos.

Quid triplici ratione proueniat genitalis fluxus egestio. Cap. III.

Huius ergo infestationis triplicē causam nostri prodidere maiores, quæ modum temporis cōstituti intempestiuus irrumpat excessibus. Aut enim superflua escarū nimietate congeritur, aut per incuriam mentis elabatur, aut inimici illudentis insidijs pronocatur. Primum igitur gastrimargiæ, id est, voracitatis vel gulæ vitii, hanc redundantiā obscœni humoris extrudit. Nā & cū districtioris abstinentiæ tempore statū polluit puritatis, nō de præsentī ut puritatis inedia, sed de nimietate præteritæ saturitatis effunditur. Quod enim per voracitatis ingluuiē concretum fuerat in medullis, necesse est ut per pruritum, aut certe per ignorantiam quamuis magno ieiunio tabefacti corporis egeratur.

rur. Quamobrem nō solū a lautioribus epulis abstīnēdum,
 sed etiā a vilioribus cibis æquali est continentia tēperan-
 dū; immo ipsius etiā paui & aquæ sarietas est cauenda, vt
 possit diu in nobis acquisita corporis puritas permanere, at-
 que imitari quodāmodo intemperatā spīritus castitatē, licet
 nos necesse sit confiteri, interdū etiā absque vlla mētis in-
 dustria, vel per temperiem corporū, vel per ætatis maturi-
 tatem, quosdam rarius sordidari, vel certe fluxus istius ege-
 stione non pollui. Sed alterius meriti est, qui pacē inerti
 felicitate consequitur, alterius qui triumphū glorioſis vir-
 tutibus promeretur. Huius enim potentia virtiorū omnium
 debellatrix digna miraculo est, illum quem facultas boni
 in sua tuctur ignauia † cēsendum magis duxerim securita-
 te quā laude.) Secunda impuri illius profluuij causa est, si
 mens spiritalibus studijs atque exercitijs vacuata, nec disci-
 plinis interioris hominis instituta, quendam sibi segnitie
 situm per consuetudinem continui torporis obduxerit, aut
 cum sordidarum cogitationū minutias non cauēdo, ita il-
 lam cordis sublimissimā puritatem sequiter concupiscit, vt
 omnem perfectionis & castimonie summam in sola credat
 exterioris hominis castigatione cōsistere. Cuius erroris at-
 que socordie vitio consequenter eueniet, vt non solum co-
 gitationum multimoda peruagatio, inuerecūde atque pro-
 caciter secretum mentis irrumpat, sed etiā pristinarum
 omnium passionū intra eam semina perseuerent. Quæ quā-
 diu in eius abditis delitescunt, quamuis rigido corpus iei-
 unio castigetur, tamen nihilominus dormicatem illecebros-
 sis phantasmatibus inquietāt. Quarum ante legitimi tem-
 poris cursum, non iam ex naturæ necessitate, sed adhuc ex
 fraude nequitie obseceni eliciantur humores, qui non tam
 inauitate carnis, quā mentis circumspectione atque vir-
 tute si inhiberi penitus nequeunt, saltem ad illam egestio-
 nis simplicem qualitatem, auxiliante Dei gratia, perducantur.
 Ideoque in primis discursus sunt sensuum coercendi,
 ne mens istis excessibus assuefacta, ad scēdiora incitamen-
 ta luxurie somnians pertrahatur. Tertia causa est, cum per
 ordinatam quidem atque sollicitam continentie discipli-
 nam, cōtione cordis & corporis perpetuam castimonie
 puritatem optamus acquirere, sed nos vtilitati carnis ac
 spiritus egregie consulentes, fraudulentissimi hostis ita
 impugnat inuidia, vt dum deicere fiduciam conscientie
 nostræ,

*al. dignū
 magis di-
 xerim mi-
 seratione
 quā lau-
 de.*

nostræ, nosq. velut reatu aliquo humiliare conatur, illis præcipue diebus, quibus maiore merito integritatis desideramus diuino placere conspectui, absque vilo quidem carnis pruritu, mentisve consensu, nec per illusionem phantasmatis alicuius, sed tantum simplici fluxus illius egestionis nos polluit, vt a sacrosancta communione deterreat, licet in quosdam incipientium, & quorum corpora necdum longa ieiuniorum castigatione tenuata sunt, ob hoc diabolica factione hæc euenire credatur illuso, vt cum eos intentionibus ieiunijs studere cognouerit, omnes eorum conatus hac arte subuertat, vt dum se non solum nihil ad puritatem corporis districtiore ieiunio profecisse, verum etiam grauius se sentiunt fuisse pulsatos magistratam incorruptionis ac puritatis altricem abstinentiæ districtiorem, tamquam æmulam perhorrescant. Quapropter nosse debemus nõ idcirco nos tantum ab vnoquoque vitio debere purgari, quia suis perturbationibus nostrũ occupet sensum, sed quia contentũ non sit solũ absque aliorũ consortio dominari, sed intransmisso omniũ vitiorũ diriore collegio, subditã sibi mentẽ multiplicata captiuitate populetur. Et idcirco gastrimargia vincenda est, nõ propter se tantũ, ne scilicet onerosa nos voracitate corrumpat, nec propter hoc solũ, ne carnalis concupiscentiæ nos igne succedat, sed ne etiã iracundiæ vel furoris atque tristiæ, ceterarumq. omnium passionum faciat esse mancipia. Nam cũ nobis esca ac potus vel minus, vel negligentius, vel tardius ministratur, si gulæ dominatione deprimimur, cõsequens est, vt etiã iracundiæ stimulis incitemur. Et rursus voluptuosis saporibus demulceri absque pharyngis peste non possumus, per cuius superfluos apparatus magnis luxuria gaudet impendijs. Pharyngis vero, cænodoxia, atque superbia, & oĩum multitudo vitiorũ, indiuidua societate iungũtur, atque ita vnuquodque vitium si vigere in nobis vel solũ cõperit, etiã ceteris suggerit incrementa.

Interrogatio an ad sacrosanctam communionem accedere liceat, nocturna illusione pollutum.

GERMANVS.

Cap. IV.

Dispensatione Dei credimus hanc questionem in medium fuisse prolatam, vt illud quod verecũdia interrogandi fiduciam cohibente, numquam potuimus edoceri, nunc oportunitate collationis causæq. ipsius ordine prouocati, sciscitari fiducialiter audeamus. Si igitur eo tempore quo

quo accedi oportet ad sacrosancta mysteria, senserimus nos somni illusione pollutos, præsumenda est, an vitanda illa salutaris esse sacrosancta perceptio?

Responsio, quando reatum contrahat hac passio

THEONAS.

dormienti. Cap. V.

OMni quidem industria quantum in nobis est studere debemus, ut immaculatam castimonie puritatem illo vel maxime tempore teneamus, quo venerandis assistere debemus altaribus, & vigilantissima circumspeditione cauendum est, ne carnis integritas præcedente tempore custodita, in ea præcipue in qua nos ad communionem salutaris conuiuij præparamus nocte, fraudetur. Verum si hostis ille nequissimus, ut nobis cælestis remedij subtrahat medicinam, custodiam sopitæ mentis illuserit, ita dumtaxat ut nullo reprehensibili interueniente pruritu, nullo oblationis contaminetur assensu, sed egestionem aut naturali necessitate propulsam, aut certe impugnatione diaboli absque sensu voluptatis elicitam, ad impedimentum nostre sanctificationis obtenderit, possumus & debemus ad gratiam salutaris cibi confidenter accedere. Sin vero nostro vitio hæc fuerit egesta concretio, conuenientes conscientiam nostram illud apostolicum formidemus: Qui manducauerit panem, & biberit calicem Domini indigne, reus erit corporis & sanguinis Domini. Probet autem primum seipsum homo, & sic de pane illo manducet & de calice bibat. Qui enim manducat & bibit indigne, iudicium sibi manducat & bibit, non discernens corpus Domini: id est, nequaquam illum cælestem cibum a communium esearum vilitate secernens, nec talem esse dijudicans, quem non nisi pura liceat mēte vel carne præsumere. Denique infert: Ideo inter vos multi infirmi & imbecilles, & dormiunt multi; spirituales scilicet infirmitates ac mortes ex hac præsumptione dicens specialiter generari. Multi enim qui eum illicita usurpatione præsumunt, infirmantur fide, & imbecilli sunt mente, passionum scilicet lāguoribus inuoluti, & dormiunt somno peccati, ab hoc sopore letali nequaquam saluari sollicitudine resurgētes. Deinde sequitur: Quod si nosmetipsos dijudicemus, nō utique iudicemur; hoc est, si nosmetipsos perceptione sacramentorum quotiescumque peccati vulnere præuenimur, iudicemus indignos, impēderemus utique studiū, ut per poenitudinis emendationem

1. Cor. 11

Ibid.

Ibid.

ad

nl. sancti-
simis

Leuit. 7.
sec. lxx.

Deut. 23.

ad ea digne possemus accedere, & non tamquam indigni
† seuerissimis infirmitatum flagris castigaremur a Domi-
no, vt vel sic compuncti ad remedia nostrorum vulnerum
recurramus, ne digni presentis sæculi breuissima cor-
rectione non habiti, in futuro simul cum huius mundi pec-
catoribus condemnemur. Quod etiam in Leuitico euiden-
ti denuntiatione præcipitur: Omnis mundus manducabit
carnes, & anima quęcumque comederit de carnibus sacri-
ficii salutaris, quod est Domini, in qua est immunditia,
peribit coram Domino. In Deuteronomio quoque a spi-
ritalibus castris immundus similiter mystice segregatur:
Si fuerit, inquit, inter vos homo, qui nocturno pollutus sit
fornio, egredietur extra castra, & non reuertetur prius-
quam ad vesperam lauetur aqua, & post solis occasum re-
gredietur in castra.

*Quod nonnumquam etiam inimici factione hac contin-
gat illusio. Cap. VI.*

Verum vt manifestius approbetur, quod etiam inimici
factione nonnumquam hæc eliciatur impuritas; no-
uimus fratrem, qui cum castimoniam cordis & corporis
summa circumspectione atque humilitate promeritam, iu-
giter possideret, ac nequaquam nocturnis ludificationibus
tentaretur, quotienscumque se tamen ad percipiendā com-
munionem Dominicam præparasset, immundo fluxu dor-
miens sædabatur. Qui cum multo se tempore a sacrosan-
ctis mysterijs trepidus abstineret, tandem hanc ad seniores
derulit questionem, remedium impugnationum ac dolo-
ris sur, medicabili eorum consilio cōsecuturum se esse con-
fidens. Sed cum primam causam morbi huius spiritualium
medicorum doctrina discuteret, quæ solet ex abundanti ci-
borum perceptione descendere, eamq. memorato fratri de-
prehenderent non inesse, atque hanc illusionē nequaquam
vitio saturitatis constaret emergere, eo quod nec fratris no-
tia restrictio, nec solemnium dierū quibus illa pollutio con-
tingebat specialis exceptio hoc illos pateretur opinari, ad
secundam huius valitudinis causam ilico transfulerūt in-
quisitionis indaginem, discutientes ne animæ forsitan cul-
pa, caro exhausta ieiunio, impuris illusionibus vrgeretur,
quibus etiam districtissimi viri, cum paululum elati de sui
corporis fuerint puritate, per superbix vitium polluuntur,
quod scilicet donum præcipuum Dei, id est, corporis casti-
tatem,

tatem, humanis se vitiis obtinuisse crediderint. Interrogatus igitur utrū industriam suam ita capacē huius crederet esse virtutis, vt ope diuini non egeret auxilij, summa hunc impium sensum execratione detestans, cum se humiliter adstruxisset ne ceteris quidem diebus corporis puritatem retinere potuisset, nisi diuina in omnibus gratia fuisset adiutus: illi confestim ad causam tertiam recurrentes, occultas diabolicę factionis insidias peruiderunt, probantesq. nec animę culpam esse, nec carnis, sacrosanctis eum epulis debere misceri confidentissime censuerunt, ne scilicet si in hac obstinatione durasset, versutis maligni hostis laqueis obligatus, sanctificationis & corporis Christi particeps esse non posset, & per hanc fraudē medicina remedij salutaris in perpetuū fraudaretur. Quo facto ita omnis diabolicę factionis scena detecta est, vt mox virtute Domini corporis protegente, illa pręteritę illusionis consuetudo cessaret; in quo inimici dolus euidenter apparuit, & exposita est pariter ac probata sententia seniorum, quę plerumque hunc impurissimum fluxum nō carnis, nec animę vitio, sed aduersarij factiosa docuit ludificatione propelli. Vt ergo fallax imaginatio somniorū, illecebra egestionis impurę, vel in perpetuū, vel certe secundū humiliorē (siue cōmunē dixerim) statum certis mensibus ignoretur, post illam fidem, qua de Dei specialiter gratia puritatis donum iugiter sperare nos conuenit, escę potusq. est nimietas castiganda. Horū namque redundantia istiusmodi humores propensus gigni necesse est, qui quoniam concreti nō possunt nō egeri, atque ab ipsius naturę lege propelli, sub occasione cuiuscūque pruritus atque illusionis emergūt. Escarū vero satietate subtracta, cōsequens est illas quoque immundas egestionē tardius generari, & ita fit vt quemadmodum fluxus earum, ita etiā illusio dormientes vel rarius, vel subtilius inquietet; quia non solum egestio ex imaginatione, sed imaginatio ex egestionis nimietate descendit. Quapropter si volumus ab illusionū istarum illecebris liberari, omni virtute nobis est enitendū: Primū, vt fornicationis passionē deuicta, iuxta beatum Apostolū, nō regnēt peccatum in nostro mortali corpore, ad obediendum concupiscentijs eius. Secundo, vt ipso quoque illecebroso corporis motu sedato penitus ac sopito, nequaquam exhibeamus membra nostra arma iniquitatis peccato. Tercio, vt interiore quoque

Rom. 6.

Ibid.

*Ibid.**Ibid.**al. voluntatem**Esai. 56.**Esai. 65.**Esai. 62.**Apoc. 14.*

que homine nostro, ab illa libidinis titillatione omnimodis ac medullitus mortificato, exhibeamus nos Deo tamquam ex mortuis viuentes, & ita per hunc profectum peruenientes ad perpetuam quietem corporis nostri, exhibeamus etiam membra nostra arma non iam libidinis, sed iustitiæ Deo. In qua nobis castimoniam puritate fundatis, peccatum in nobis iam non dominabitur. Non enim sumus sub lege, quæ dum licita nuptiarum iura commendat, etiam illud cuius ministerio opus illicitæ fornicationis expletur, in nostris medullis nutrit ac referuat ardorem; sed sub gratia, quæ dum incorruptionem virginitatis insinuat, etiam istum innoxium ac simplicem corporis motum, & ipsius quoque liciti coitus interimit & volupstatē, atque ita cunctis impurissimæ colluuiōis humoribus arefactis, egregij ac laudabiles eunuchi qui per Esaiam prædicantur, effecti, merebimur illam quæ eis repromittitur beatitudinē possidere. Hæc enim ait Dominus eunuchis: Qui custodierint sabbata mea, & elegerint quæ volui, & tenuerint fœdus meum, dabo eis in domo mea & in muris meis locum, & nomen melius a filiis & filiabus; nomen sempiternum dabo eis, quod non peribit. Qui sunt filij & filiæ, quibus tantum isti præferuntur eunuchi, ut etiam locum ac nomen melius accepturi esse dicantur, nisi illi sancti qui sub veteri testamento in coniugiorum copula permanentes, per obseruantiam mandatorum in adoptionem filiorum Dei non immerito peruenierunt? Quod etiam nomen est illud quod eis velut præcipuum quiddam vice remunerationis summæ promittitur, nisi hoc quoddam Christi vocabulo dicuntur esse censendi? De quo nomine & alibi idem propheta: Er seruos suos, inquit, vocabit nomine alio, in quo qui benedictus est super terram, benedicetur in Deo amen; & qui iuravit in terra, iurabit in Deo amen. & iterum: Et vocabitur, inquit, tibi nomen nouum quod os Domini nominauit. Quique pro hac cordis & corporis puritate, etiā illa præcipua ac singulari beatitudine perfruuntur, ut illud canticum iugiter canant, quod nemo alius sanctorum canere potest, nisi isti soli qui sequuntur agnum quocumque vadit: Virgines enim sunt, & cum mulieribus se non coniungauerunt. Proinde si ad hanc sublimissimam virginum gloriam volumus peruenire, omni virtute incorruptionem mentis ac spiritus excolamus, ne in illarum insipientium virginum numero

mero collabamur, quibus idcirco non fuit reputata virginitas, quia a commixtione carnali immunes se tantummodo seruaerunt, & ob hoc virgines quidem, sed fatuæ non. *Matt. 25.*
 cupantur, quia deficiente in vasis eorum oleo puritatis interuæ, claritas ac splendor corporalis virginitatis extinguitur. Interioris enim fori ac pabulo puritatis, subministrari necesse est etiam exteriori homini castitatem, eamque iugiter ad perseverantiam perpetuæ incorruptionis animari. Et ideo fatuæ illæ virgines gloriosum sponsi thalamum cum illis prudentibus non merentur intrare, quæ integrum spiritum suum, & animam, & corpus sine querela in die Domini nostri Iesu Christi seruarunt. Illi namque sunt veri atque incorrupti virgines Christi, illi admirabiles atque egregij reputantur eunuchi, non qui metuunt, sed quibus non libet fornicari, nec qui impudicitie reprimunt fræna, sed qui ipsam quoque minimam mētis titillationē & tenuissima libidinis incitamenta vicerunt, & eo vsque extenuauerunt illum carnis (vt ita dixerim) sensum, vt non solum ex commotione eius nulla oblectatione, sed ne exigua quidem titillatione tangantur.

Quid numquam dignum se communione Dominica quispiam debeat iudicare. Cap. VII.

Tanta autem cor nostrum humilitatis debemus vallare custodia, vt hanc definitionem perpetua sensuum stabilitate teneamus, nequaquam nos posse ad tantum purificationis meritum peruenire, vt licet hæc, quæ supra dixi, per Dei gratiam omnia fecerimus, dignos tamen nos communione sacri corporis esse credamus. Primum quia cælestis illius mannae tanta maiestas est, vt nemo hac lutea carne circumdatus pro suo merito eius edulium, & non ex gratuita Domini largitate percipiat. Deinde quia nullus ita circumspectus in huius mundi potest esse cōsiliu, vt eum saltem rara vel leuia peccatorum tela nō feriant, quia impossibile est, vt non aut ignorantia, aut negligentia, aut vanitate, aut obreptione, aut cogitatione, aut necessitate, aut obliuione peccetur. Nam & si ad tam præcelsum quis virtutū culmen ascenderit, vt apostolicū illud non iactanter exclamet: Mihi autem pro minimo est vt a vobis iudicer, aut ab humano die, sed neque me ipsum iudico: nihil enim mihi conscius sum, sciat se tamen absque peccato esse nō posse. Neque enim frustra idē doctōr adiunxit: Sed non in hoc iustifi- *1. Cor. 4.*
Il. l.

iustificatus sum ; id est, non si ego iustum me esse credidero , veram confestim iustitiæ gloriam possidebo ; vel quia me conscientia mea nullius peccati reprehensione compungit, idcirco nullius sordis contagione fuscatus sum : multa enim meam conscientiam latent, quæ cum sint mihi incognita vel obscura, Deo nota atque manifesta sunt. Ideoque subiicit: Qui autem me iudicat, Dominus est; idest, ab illo solo, quem secreta sordium non latent, verum iudicij in me profertur examen.

Ibid.

Obiectio eo quod omnes Dominica cōmunionē priuandi sint si
GERMANVS. *nullus est absque peccato. Cap. VII I.*

Supra dictum est non nisi sanctos cælestium sacramentorum esse debere participes, nūc adijcitur impossibile esse homini, vt immunis sit penitus a delicto. Si nullus ergo liber a noxa, nullus est sanctus, & consequens est vt homo cui sanctitas deest, mysteriorum Christi particeps esse non possit ; regnum etiam cælorum sperare non debeat, quod solis sanctis Dominus pollicetur.

Responsio eo quod multi sancti esse possint, nemo tamen absque
THEONAS. *peccato nisi Christus. Cap. I X.*

Multos quidem esse sanctos ac iustos negare non possumus, sed inter sanctum & immaculatū multa distantia est. Aliud est enim esse quempiam sanctum, id est, diuino cultui consecratum (hoc enim nomen nō solum hominibus, sed etiam locis, & vasculis templi, atque lebetibus, ac testante scriptura, cōmune est) aliud est autem esse absque peccato, quod vnius Domini nostri Iesu Christi singulariter cōuenit maiestati; de quo etiam Apostolus velut præcipuum quid ac speciale pronunciat, dicens : Qui peccatum non fecit. Satis enim vilem atque indignam eius præconijs laudem quasi incōparabile ac diuinum ei aliquid assignauit, si etiam nos illibatam ab omni peccato possumus transigere vitā. Rursus Apostolus ad Hebræos: Non enim habemus, inquit, pontificem qui non possit compati infirmitatibus nostris, tentatum autem per omnia secundum similitudinem absque peccato. Si igitur etiā terrenæ humilitatis nostræ, cum illo excelsio diuinoq. pontifice hæc potest esse communio, vt etiā nos absque vlla peccati offensione tentemur, cur in illo hoc Apostolus velut vnicum ac singulare suspiciens, tanta eius meritum ab vniuersis hominibus diuisione discreuit? Hac ergo sola ab omnibus nobis excep-

prione

Psal. 23.

Num. 31

1. Petr. 2.

ex Esai.

53.

Hebr. 4.

ptione distinguitur, quia nos nō absque peccato, illum sine peccato constat fuisse tentatum. Quis etenim hominum quamuis fortis atque bellator sit, hostilibus tamen telis plerūque non pateat? Quis velut impenetrabili carne circūdatus, tantis præliorum periculis sine periculo misceatur? Ille autem solus, speciosus forma præ filiis hominum, cōdicionem mortis humanæ cum vniuersa carnis fragilitate suscipiens nullius vīquam est sordis maculatus attactu.

Psal. 44.

*Quod solus filius Dei absque ullo peccati vulnere uicerit
tentatorem. Cap. X.*

Tentatus est autem secundum similitudinem nostram *Hebr. 4.*
gastrimargiæ primum vitio, vt ei callidus ille serpens
eo ordine quo Adam ante seduxerat esuriēti escæ desiderio *Gen. 3.*
conaretur illudere: Si filius, inquiens, Dei es, dic vt lapides *Marth. 4.*
isti panes fiant. Sed, nullum recipiens ex hac tentatione peccatum, cū ei facultas indubitata suppeteret, respuit cibum
quē deceptionis artifex ingerebat, dicens: Non in solo pane *Ibid. ex*
viuit homo, sed in omni verbo quod procedit de ore Dei. *Deut. 8.*
Tentatus est etiam cenodoxia secundum similitudinē nostrā, cum ei dictū est: Si filius Dei es, mitte te deorsum: sed *Ibid.*
subdola diaboli suggestionē non captus est, & vanissimum
seductorem etiā scripturarū obiectione confutans: Nō ten- *Ibid. ex*
tabis, inquit, Dominū Deum tuū. Tentatus est etiā timore *Deut. 6.*
superbiæ secundū similitudinem nostrā, cum ei à diabolo
promitterentur omnia regna mundi & gloria eorum; sed
irrita atque obiurgata est ꝑ nequitia tentatoris. Respondit
enim ei: Vade satana: scriptum est enim, Dominum Deum
tuum adorabis, & i'li soli seruiēs. His autem testimonijs
edocemur, vt fraudulētis suggestionibus inimici nos quo-
que similiter memoria scripturarum debeamus obistere.
Rursum tentatus est superbia secundū similitudinē nostrā,
cum idem infidiarum artifex, regnū quod ab ipso oblatum
ante respuerat, per homines ei moliretur ingerere; sed absque
peccato insidias tentantis irrisit. Cum enim cognouisset
Iesus, quod venturi essent vt raperent eum, & facerent *Ioan. 6.*
eum regem, fugit iterum in montē ipse solus. Tentatus est
secundum similitudinem nostram, cum verberatus flagris, *Matt. 27.*
cum palmis cæsus, cum sputorum horrore respersus est, cū
ad extremum pertulit crucis exquisita supplicia; sed nullis
vīquam non dicam contumelijs, verum ne supplicijs
quidem ad tumorem vel leuissimæ indignationis impulsus

Luc. 23. est, quin in patibulo constitutus misericorditer proclamavit: Pater ignosce eis, non enim sciunt quid faciunt.

Quod in similitudine carnis peccati solus veneris Christus. Cap. XI.

Rom. 8. **Q**uemadmodum vero & illud accipietur, quod eū Apostolus in similitudine carnis peccati venisse commemorat, si etiam nos nulla peccati labe pollutam habere possumus carnē? Nam & hoc de illo, qui solus est absque peccato tamquā singulare memoratur: Misit Deus filium suū in similitudine carnis peccati; quia verā atque integrā suscipiens substantiā carnis humanæ, non ipsum peccatū in ea, sed similitudinē peccati suscepisse credendus est. Similitudo enim nō ad carnis veritatē, secundum prauum quorundam hæreticorum sensum, sed ad peccati est imaginem referēda. Erat enim in ipso vera quidem caro, sed absque peccato, similis scilicet peccatrici. Illud siquidē ad humanæ substantiæ pertinet veritatē, hoc vero ad vitia refertur & mores. Habebat similitudinem carnis peccati, cum velut homo ignarus ac pro cibo sollicitus quæreretur: Quot panes habetis? sed sicut peccato nequaquam caro illius, ita nec anima ignorantiae subiacebat. Denique statim Euāgelista subiungit: Hoc autē dicebat tentās eum, ipse enim sciebat quid esset facturus. Habebat carnē similem peccatrici, cum velut sitiens a Samaritana muliere posceret potū, sed non erat peccati sorde polluta, quia e contrario mulier provocata est petere aquā viuam, quæ illam numquā sitire permetteret, sed fieret in ea fons aquæ salientis in vitā æternā. *Luc. 8.* Habebat carnis istius veritatē cum dormiret in nauī, sed ne pariter nauigantes peccati similitudine fallerentur, surgens increpauit ventos & mare, & facta est tranquillitas magna. Communi cum omnibus sorte peccato subditus videbatur, cum diceretur de ipso: Hic homo si esset propheta, sciret vtrique quæ & qualis est mulier, quæ tangit eū, quia peccatrix est: sed peccati non habuit veritatem, quia blasphemam cogitationem arguens Pharisei, statim mulieri peccata dimisit. Peccatricem cum ceteris carnem gerere putabatur, cum velut homo in mortis discrimine cōstitutus, & imminentium suppliciorū terrore percussus oraret: Pater, si possibile est, transeat a me calix iste. & Tristis est anima mea vsque ad mortem: sed peccati contagium nesciebat illa tristitia, quia vitæ auctor mortem formidare nō poterat.

Ait enim: Nemo tollit a me animam meam, sed ego pono eam a me ipso: potestatem habeo ponendi eam, & potestatem habeo iterum sumendi eam. *Ioan. 10.*

Quod iusti, & sancti omnes non fuerunt in similitudine, sed in veritate peccati. Cap. XII.

IN hoc ergo ille homo qui natus ex virgine est, magna a cunctis, qui ex vtriusque sexus cōmixtione producimur, distantia segregatur, quòd cum omnes non similitudinem sed veritatem peccati in carne gestemus, ille non veritatem, sed similitudinem peccati in veræ carnis assumptione suscepit. Denique licet scriptum de eo in Esaia propheta Pharisei apertissime meminissent: Qui peccatum nō fecit, *1. Petr. 2. ex Esa. 53* nec inuentus est dolus in ore eius; tamen ita similitudine carnis peccati fallebantur, vt dicerent: Ecce homo vorax & *Matt. 11.* potator vini, publicanorū & peccatorum amicus. Et ad illum qui illuminatus fuerat cæcum: Da gloriam Deo, nos enim scimus quia hic homo peccator est. Et ad Pilatū: Nisi esset hic malefactor, non vtique eū tradidissemus tibi. Huius ergo rei, quæ illi tātum singularis ac propria est, æqualitatem sibi blasphemæ superbiæ crimine vindicabit, quisquis se esse sine peccato ausus fuerit profiteri. Consequens enim est, vt similitudinem carnis peccati, & non veritatem peccati habere se dicat.

Quod non sint tam grauiā peccata sanctorum, vt eis auferāt meritum sanctitatis. Cap. XIII.

Ceterum iustos ac sanctos viros nō esse immunes a culpa, manifeste scriptura pronuntiat, dicens: Septies in *Prou. 24.* die cadit iustus & resurgit. Quid enim aliud est cadere, quàm peccare? Et tamen cum dicatur septies cadere, iustus nihilominus pronuntiatur, nec iustitiæ eius præiudicat lapsus fragilitatis humanæ, quia multum interest inter sancti & peccatoris hominis lapsum. Aliud enim est admittere mortale peccatum, & aliud est cogitatione quæ peccato nō careat præueniri, vel ignorantix, aut obliuionis errore, aut facilitate otiosi sermonis offendere, aut ad punctum in fidei theoria aliquid hæsitare, aut subtili quadam cénodoxix titillatione pulsari, aut necessitate naturæ aliquantisper a summa perfectione recedere. Hæc enim sunt septem lapsum genera, in quibus vir sanctus licet nonnumquam cadat, tamen iustus esse non desinit; quæ quamuis leuia videantur ac parua, tamen faciunt eum sine peccato esse

- non posse. Habet enim pro quibus quotidianā gerens pœnitudinē, & veniam veraciter debeat postulare, & pro suis indefinenter orare peccatis, dicens: Dimitte nobis debita nostra. Et vt euentissimis probemus exemplis & errasse nonnullos sanctorum, & tamen a sua non discessisse iustitia, certe ille beatissimus & Apostolorum eximius Petrus, quid aliud credendus est fuisse quā sanctus, præsertim id temporis quo ei a Domino dicebatur: Beatus es Simon Bariona, quia caro & sanguis nō reuelavit tibi, sed pater meus qui in cælis est. & Tibi dabo clauēs regni cælorū, & quodcūque ligaueris super terrā, erit ligatū & in cælis; & quodcumque solueris super terrā, erit solutum & in cælis? Quid hac Dominica laude præclarus? quid hac potestate ac beatitudine potest esse sublimius? & tamen post paululum, cū ignorans mysterium passionis, tantæ utilitati humani generis inscius obuiaret, dicens: Absit a te Domine, non erit tibi hoc, ilico meretur audire: Vade post me sarana, scandalum es mihi, quia non sapis ea quæ Dei sunt, sed ea quæ hominum. Numquid nam cum his cum verbis ipsa æquitas increparer, aut nequaquā cecidisse, aut in sanctitate atque iustitia non permansisse credendus est? Quid illo etiam tēpore numquid ruinam manifeste negandus est pertulisse, quo imminente persecutorum metu, ter Dominum negare cōpulsus est? Sed confestim pœnitundine subsequente amarissimis lacrymis maculam tanti criminis ablundo, sanctitatis atque iustitię merita non amisit. De ipso igitur ac de eius similibus sanctis illud etiam quod a Dauid canitur, debemus accipere: A Domino gressus hominis diriguntur, & viam eius volet nimis. Cum ceciderit non collidetur, quia Dominus supponit manum suam. Cuius enim gressus a Domino diriguntur, quid aliud potest esse quā iustus? Et tamē de hoc ipso dicitur: Cū ceciderit nō collidetur. Quid est, cum ceciderit, nisi cū lapsus peccati alicuius incurrerit? Non collidetur, inquit, id est, nequaquā diu opprimetur in cursione peccati, sed licet ad præsens videatur elusus, tamen diuino, quod implorat erectus auxilio, celeri resurrectione stabilitarē iustitiæ nō amittet; vel enī si ad præsens per fragilitatē carnis amiserit, suppositio manus Domini cā reparabit. Nec enim sanctus esse desinit post ruinā, qui cum se fiducia operum suorum iustificari non posse cognoscit, & a tantis peccatorum nexibus credat sola Domini gratia

gratia liberandum, cum Apostolo proclamare non desinit: Infelix ego homo, quis me liberabit de corpore mortis huius? Gratia Dei per Iesum Christum Dominum nostrum. *Rom. 7.*

Quomodo intelligendum sit illud Apostoli: Non enim quod volo facio bonum. Cap. XIV.

NAm cum Apostolus Paulus inæstimabilem puritatis abyssum, resistentibus cogitationum æstibus penetrari ab homine non posse cognoscens, diu velut per profunda iactatus, ante dixisset: Non enim quod volo facio bonum, *Ibid.* sed quod odi malum hoc ago. Et rursum: Si autem quod nolo hoc facio, iam non ego operor illud, sed quod habitat in me peccatum. & Condelector legi Dei secundum interiorem hominem, video autem aliam legem in membris meis repugnantem legi mentis meæ, & captiuum me ducentem in lege peccati, quæ est in membris meis; omni vel sua, vel naturæ ipsius fragilitate perspecta, tam immensæ altitudinis vastitate conterritus, ad tutissimum portum diuini confugit auxilij, & quasi de nauigij sui oneribus mortalitatis oppressi, naturali infirmitate desperans, ab eo cui impossibile nihil est, naufragiorum deposcit remedia, cum quodam miserabili vociferans ciulatu: Infelix ego homo, quis me liberabit de corpore mortis huius? Scatimq. absolutionem quam desperauit de imbecillitate naturæ, de Dei benignitate præsumpsit, confidenter adiungens: Gratia Dei per Iesum Christum Dominum nostrum. *Ibid.*

Obiectio quod ex peccatorum potius persona hoc Apostolus GERMANVS. dixisse credendus sit. Cap. XV.

Multi hunc Apostoli locum ita intelligi debere definiunt, ut hoc cum non ex sua, sed ex peccantium persona dixisse confirmant, eorum scilicet qui volentes semetipsos a corporalibus illecebris, ac voluptatibus abstinere, obstricti vitij pristinis, & oblectatione passionum carnalium captiuati, semetipsos cohibere non possunt, dum inolita consuetudine vitiorum, velut immiti quadam tyrannidis dominatione depressi, ad libertatem pudicitie respirare non possunt. Quomodo enim beato Apostolo quem ad summum perfectionis totius culmen certum est peruenisse, illud poterit conuenire quod dicit: Non enim quod volo facio bonum, sed quod odi malum hoc ago? Illud etiam quod subiungit: Si autem quod nolo hoc ago, iam non ego operor illud, sed quod habitat in me peccatum? Necnon *Ibid.*

*Ibid.**2. Cor. 13**2. Cor. 10**2. Tim. 4.*

etiam hoc: Condelector enim legi Dei secundum interior-
rem hominem, video autem aliam legē in membris meis,
repugnantem legi mentis meæ, & captiuum me ducentem
in lege peccati, quæ est in membris meis. In quo igitur hæc
personæ apostolicæ poterunt coaptari? Quid enim est boni
quod ille non potuerit adimplere? Et e contrario, quid illud
est mali quod nolens & odians, tamen cogente natura inui-
tus admiserit? Ad quam veræ peccati legem electionis vas
in quo Christus Dominus loquebatur, potuit captiuus ab-
duci? Qui cum omnem inobedientiam, & omnem extol-
lentem se aduersus Deum altitudinem captiuasset, de se-
metipso cum fiducia proclamabat: Bonum agonem certau-
i, cursum consummaui, fidem seruaui; de cetero reposita
est mihi corona iustitiæ, quam reddet mihi Dominus in il-
la die iustus iudex.

Dilatio proposita questionis.

THEONAS

Cap. XVI.

INtrantem me tutissimum silentij portum, rursus ad im-
mensum profundissimæ quæstionis pelagus reuocare co-
namini; sed oportunitatem fidæ stationis amplexi, hic in-
terim cursu tam longæ collationis emenso, taciturnitatis
anchoram iacimus, ut crastina die, si tamen nulla vis tem-
pestatis obstiterit, statu prosperi spiritus explorato, disputa-
tionis vela pandamus.

COLLATIONIS SECVNDÆ

abbatis Theonæ, de nocturnis

illusionibus, Finis.

COLLATIO XXIII. QVÆ
EST TERTIA ABBATIS
THEONÆ.

DE EO, QVOD DICIT APOSTOLVS,
NON ENIM QVOD VOLO FACIO
BONVM, SED QVOD NOLO
MALVM HOC AGO.

*Disputatio abbatis Theonæ de eo quod dicit Apostolus:
Non enim quod volo facio bonum. Cap. I.*



EVERSA igitur luce, cum ad perscrutan-
dum abyssum apostolicę quęstionis sum-
ma a nobis senex compelleretur instātia,
ita effatus est: Testimonia quibus probare
conamini Apostolum Paulum non ex sua
sed ex peccantium dixisse persona: Non
enim quod volo facio bonum, sed quod

Rom. 7.

Ibid.

Ibid.

odi malum hoc ago. vel illud: Si autem quod nolo hoc fa-
cio, iam non ego operor illud, sed quod habitat in me pec-
catum. vel quod sequitur: Condelector enim legi Dei secun-
dum interiorem hominem, video autem aliam legem in
membris meis repugnantem legi mentis meę, & captivum
me ducentem in lege peccati, quę est in membris meis;
e contrario euidenter ostendunt peccatorum personę hæc
non posse omnimodis cōuenire, sed ad solos quę dicta sunt
attinere perfectos, & eorum tantum qui Apostolorum me-
rita sublequuntur congruere sanctitati. Ceterum quo pacto
hoc peccatorum personę poterit cōuenire, quod dicit: Non
enim quod volo facio bonum, sed quod odi malum hoc
ago? Sed nec illud quidem: Si autem quod nolo hoc facio,
iam non ego operor illud, sed quod habitat in me peccatū?
Quis enim delinquentium nolens se adulterijs fornicatio-
nibusq. contaminet? Quis inuitus proximo tendat insidias?
Quis in euitabili necessitate cogatur, ut falso testimonio ho-
minem opprimat, furtive decipiat, aut alterius spolia con-
cupiscat, vel sanguinem fundat?

Quinimmo, ut scriptum est:

Gen. 8. sec. lxx. est: Humanum genus diligenter intentum est ad nequitiam a iuuentute sua. Intantum enim omnes vitiorum amore flagrantēs desiderant implere quæ cupiunt, ut etiam peruigili cura opportunitatem, committendi sceleris aucupentur, ac de ignominia sua, & criminum cumulo gloriantes, secundum sententiā obiurgantis Apostoli, laudem sibi quandam de confusione conquirant. Quos etiā Hieremias propheta non solū non nolētes nec cum requie corporis flagitiorum crimina perpetrare, verum etiam intantum eos asserit laboriosis conatibus ut ad effectum eorum perueniant desudare, ut a letali scelerum appetitu nec obliuētibus arduis difficultatibus reuocētur, dicens: Ut inique agerent laborauerūt. Illud quoque quis dixerit peccatoribus cōuenire: Itaque *Philip. 3.* ego ipse mente seruo legi Dei, carne autē legi peccati; quos nec mente nec carne Deo seruire manifestū est? aut quem, admodum hi peccent corpore, mente seruiant Deo, cum vitiorum fomitem caro ex corde concipiat, & ipse auctor vtriusque naturæ, fontem atque originem peccatorum ex eo pronuntiet emanare? De corde, inquit, procedunt cogitationes malæ, adultera, fornicationes, furta, & cetera. *Hiere. 9.* Quamobrem euidenter ostenditur nullo modo hoc de peccatorum intelligi posse personis, qui non solum non oderunt, sed etiam diligunt mala; & intantum Deo nec mente nec carne deseruiunt, ut ante delinquant mente quā corpore; & priusquam carnis expleant voluptatē, præueniantur mentis suæ cogitationumq. peccato. *Rom. 7.*

al. voluntatem. *Multa bona Apostolum consummasse. Cap. II.*
Hæc tria capita habes nomine Aug. serm. de tēpore 45. in app. 31. Superest igitur ut virtutem sensus ex intimo dicētis metiamur affectu, & quid beatus Apostolus dixerit bonū, quidve comparatione eius pronuntiauerit malum, non nuda significatione verborum, sed eodem quo ille discutiamus intuitu, intellectum quoque eius secundum dignitatem pronuntiantis ac meritum perscrutemur. Tunc enim sententias Deo inspirante prolatas, secundum propositum ac voluntatem eius comprehendere poterimus, cum eorum a quibus promulgatæ sunt statum ac meritum perpendentes, non verbo, sed experimentis parem induerimus affectum, pro cuius qualitate sine dubio vel concipiuntur vniuersi sensus, vel sententiæ proferuntur. Quamobrem quid sit principaliter bonum, quod Apostolus cum veller perficere non potuerit, diligentius indagemus. Multa enim nouimus bona,

bona, quæ beatum Apostolum omnesq. illius meriti viros,
 & per naturam habuisse, & acquisisse per gratiam nega-
 re non possumus. Est enim bona castitas, laudabilis conti-
 nentia, miranda prudentia, larga humanitas, circumspe-
 cta sobrietas, modesta temperantia, pia misericordia, sancta
 iustitia, quæ omnia in Apostolo Paulo eiusq. consortibus,
 ita plena atque perfecta fuisse dubium non est, ut virtutum
 potius quam verborum magisterio ab eis religio docere-
 tur. Quid quod iugi ecclesiastum omnium cura, ac peruigi-
 li sollicitudine semper exusti sunt? Quatum hoc misericor-
 diae bonum, quanta perfectio est, pro scandalizantibus vri,
 cum infirmantibus infirmari? Cum ergo tantis Apostolus
 abundauerit bonis, quod illud sit bonum cuius perfectione
 caruerit, non poterimus agnoscere, nisi in illum quo ipse lo-
 cutus est, profecerimus affectum. Omnes itaque quas cum
 diximus habuisse virtutes, quamuis velut gemæ splendidis-
 simæ atque pretiosæ sint, tamen si præclaro illi atque præci-
 puo margarito, quod ille euangelicus negotiator inquirens,
 vniuersis quæ possidet venditis comparare desiderat, confe-
 rantur, ita earum meritum euilescit atque contemnitur, ut
 eis sine cunctatione distractis, vnius tantum boni possessio
 locupletet bonorum innumerabilium venditorem.

*Quod sit vere bonum quod Apostolus semetipsum perficere
 non posse testatur. Cap. III.*

Quid ergo est vnū quod illis tantis tamque innumeris
 bonis tam incomparabiliter præponatur, ut spretis
 abiectisq. omnibus solum debeat possideri? Nimirū
 illa pars optima, cuius magnificentiam ac perpetuitatem
 cum relicto susceptionis atque humanitatis officio Maria
 prælegisset, ita prædicatur a Domino: Martha Martha so-
 licita es, & turbaris circa multa, paucis vero opus est, aut
 etiā vno. Maria optimā partem elegit, quæ nō auferetur ab
 ea. Vna ergo & sola est theoria, id est, cōtemplatio Dei, cui
 merito omnia iustificationum merita, vniuersa virtutum
 studia postponuntur, & illa quidem omnia quæ in Apostolo
 Paulo fuisse prædiximus, non solum bona & vtilia, verum
 etiā magna atque præclara sunt: Sed sicut, verbi gratia stani
 metallū, quod alicuius utilitatis & gratiæ putabatur, sit ar-
 genti cōtemplatione vilissimū, & rursus auri cōparatione
 meritum euanescit argenti, aurum quoque ipsum gemma-
 rum collatione contemnitur, & ipsarū nihilominus quam-
 uis

uis insignium multitudo gemmarum vnius margariti vincitur claritate; ita illa omnia merita sanctitatis, quauis non solum ad præsens bona & vtilia sint, verum etiam donum æternitatis acquirant, tamen si diuinæ cōtemplationis meritis conferantur, vilia atque (vt ita dixerim) vendibilia censentur. Et vt hanc eadem comparationem etiam scripturarum confirmet auctoritas, nonne de vniuersis quæ a Deo creata sunt, generaliter scriptura pronuntiat, dicens: Et ecce
Gen. 1. omnia quæ fecit Deus bona valde? & iterum: Vniuersa quæ
sec. lxx. fecit Deus bona in tempore suo? Hæc igitur, quæ in præsen-
Eccli. 39. ti non solum bona simpliciter, verum etiam cum addita-
 mento valde bona pronuntiantur (sunt enim reuera in hoc mundo commorantibus nobis, aut ad vsum vitæ, aut ad corporis medicinam, aut ad aliquam causam ignotæ nobis vtilitatis accommoda; vel certe in eo etiã valde bona, quòd faciunt nos inuisibilia Dei creatura mundi per ea quæ facta sunt intellecta conspicere, sempiternam quoque virtutē eius, ac diuinitatem, ex tanta, tamq. ordinata molitione fabricæ mundialis, & omnium quæ in ea sunt subsistentia contemplari) hæc tamen omnia nec boni nomen tenebūt, si futuro illi sæculo comparentur, vbi bonorum nulla immutatio, nulla est veræ beatitudinis formidanda corruptio.
Isai. 30. Cuius mundi ita beatitudo describitur: Erit lux lunæ sicut lux solis; & lux solis septemplex sicut lux septem dierū. Magna igitur hæc & præclara intuitu atque mirifica, si futuris ex fide repromissionibus conferantur, cōtinuo vanitas apparebunt, dicente Dauid: Omnes sicut vestimentum veterascent, & sicut opertorium mutabis eos, & mutabuntur, tu autem idem ipse es, & auni tui non deficient. Ergo quia nihil est per semetipsum stabile, nihil immutabile, nihil bonum nisi deitas sola, omnes vero creaturæ vt beatitudinem æternitatis vel immutabilitatis obtineant, non hoc per suam naturam, sed per creatoris sui participationem & gratiam consequuntur, tenere meritum bonitatis creatori suo collatæ non possunt.

Bonitatem humanam atque iustitiam non esse bonam si diuina bonitati ac iustitia conferatur. Cap. IV.

Quòd si etiam manifestioribus adhuc testimonijs huius sententiæ rationem voluerimus adstruere, nonne multa pronūtiari bona in Euangelio legimus, & arborem bonam, & thesaurum bonum, & bonum hominem, & bo-

& bonum seruum: Quia non potest, inquit, arbor bona ma- *Matth. 7.*
 lus fructus facere. &: Bonus homo de bono thesauro cordis *Matth. 12*
 sui profert bona. &: Euge serue bone & fidelis: & utique hos *Matth. 25.*
 omnes cum secundum se bonos esse non dubium sit; si re-
 spiciamus ad bonitatem Dei, nullus eorum pronuntiabitur
 bonus, dicente Domino: Nemo bonus nisi solus Deus. Cu- *Luc. 18.*
 ius intuitu etiam ipsi Apostoli, qui electionis merito boni-
 tatem generis humani multis excellerant modis, mali esse
 dicuntur, Domino ad eos ita loquente: Si ergo vos cum si- *Matth. 7.*
 tis mali, nostris bona data dare filijs vestris; quanto magis
 pater vester qui in cælis est, dabit bona petentibus se? Deni-
 que sicut bonitas nostra supernæ bonitatis intuitu in mali-
 tiam vertitur, ita etiam iustitia nostra diuinæ collatâ iusti-
 tiæ panno menstruata similis deputatur, dicente Esaia pro- *Esaï. 64.*
 pheta: Sicut pannus menstruata vniuersæ iustitiæ nostræ.
 Et ut aliquid adhuc euidentius inferamus, legis quoque ip- *Galat. 3.*
 sius præcepta vitalia, quæ dicitur ordinata per angelos in
 manu mediatoris, & de qua idem Apostolus: Itaque lex, in- *Rom. 7.*
 quit, sancta, & mandatum sanctum, & iustum, & bonum;
 si perfectioni euangelicæ conferantur, minime bona diui-
 no pronuntiantur oraculo; ait enim: Et dedi eis præcepta *Ezech. 20*
 non bona, & iustitias in quibus non viuunt in eis. Aposto-
 lus quoque, ita noui lumine testamenti gloriam legis affir-
 mat obtundi, ut eam euangelici comparatione fulgoris nec
 glorificatam esse pronūciat, dicens: Nam nec gloriosum est *2. Cor. 3.*
 id quod glorificatū est, propter excellentem gloriam. Quam
 comparisonem etiam in parte contraria, id est, in pecca-
 torum meritis compensandis scriptura cōseruat, ut eos qui
 multo minus peccauerūt, peiorum collatione iustificet, di-
 cens: Iustificata est Sodoma ex te. & iterū: Quid enim pec- *Ezech. 16*
 cavit soror tua Sodoma? &: Iustificauit animā suā auer- *Ibid. 16.*
 satrix Israel, comparatione præuaricatricis Iudæ. Ita igitur *Hiere. 3.*
 & vniuersarum virtutum merita, quæ superius comprehen-
 di, cū per se bona atque pretiosa sint, tamen theoreticæ cla-
 ritate comparatione fuscantur. Multum etenim sanctos,
 quamuis bonorum operū, terrenis tamen studijs occupat-
 os, a contēplatione summi illius boni retrahūt ac retardāt.

*Neminem summo illi bono intentum esse iugiter
 posse. Cap. V.*

NAm quis eripiens inopem de manu fortiorum eius, & *Psal. 34.*
 egenum & pauperem a diripientibus euni; quis con-
 terens

terens molas iniquorum, & de medio dentium eorum rapinas extorquens, in ipso intercessionis opere diuinæ gloriæ maiestatis quieta mente suspiciat? Quis alimoniam pauperibus subministrans, aut aduenientium turbas beniuola humanitate suscipiens, in eo temporis puncto quo pro necessitatibus fratrum sollicita mente distenditur, immensitatem supernæ beatitudinis speculetur, & cum præsentis vitæ angoribus curisque concutitur, futuri sæculi statum eleuato a terrenis cōtragis corde prospiciat? Vnde beatus Dauid solum hoc bonum homini esse definiens, Deo iugiter inhærere desiderat, dicens: Mihi autem adhærere Deo bonum est, ponere in Domino Deo spem meam. Quod etiam Ecclesiastes a nemine iustorum sine querela perfici posse pronuntians: Quia non est homo iustus, ait, in terra, qui faciat bonum & non peccabit. Quis enim vniquam quamvis præcipuus omnium iustorum atque sanctorum corporis huius vinculis illigatus, summum hoc bonum ita possidere potuisse credendus est, ut nunquam a diuina contemplatione discedens, ne paruo quidem tempore ab eo qui solus bonus est; terrenis cogitationibus putetur abstractus? qui nunquam vllam tibi, vllam indumentum, aliarumve carnalium rerum gesserit curam, nunquam de fratrum susceptione, de loci commutatione, de cellulæ frustione sollicitus, aut operis aliquam humani concupierit adiumenti, aut inopie sterilitate vexatus, illam sententiam Dominicæ increpationis incurrerit: Ne solliciti sitis animæ vestræ quidmādu cetis, neque corpori vestro quid induamini? Denique ipsum illum Apostolum Paulum, qui omnium sanctorum laborem, passionum numerositate transcendebat, nequaquam hoc implere potuisse confidenter adstruimus, ipso in Actibus Apostolorum discipulis attestante: Ipsi sciens quoniam ad ea quæ mihi opuserant, & his qui mecum sunt, ministratorum manus istas. Vel cum Thessalonicensibus scribens, in labore & fatione nocte & die operatum se fuisse testatur. Quibus licet magnam eam meritorum stipendia pararentur, tamen mens eius quauis sancto atque sublimis, non precebat non ab illa celesti theoria, intentione terreni operis aliquādo diuelli. Denique cum se tantis ac talibus ditari fructibus cerneret, & eohoratio theoriæ bonum corde pensaret, ac velut in vna tante tantorum laborum profectum, in altera delectationem diuinæ contemplationis appen-

appenderet, diu examine pectoris sui quodammodo castigato, dum illum hinc laborum stipendia immensa delectant, illinc desiderium vnitatis & inseparabilis Christi societas, etiam ad resolutionem carnis inuitat, anxius tandem proclamat & dicit: Quid eligam ignoro; coartor autē e duobus, desiderium habens dissolui & cum Christo esse, multo enim melius; permanere autem in carne magis necessarium propter vos.

Philip. 1.

Quod illic similes sint hi, qui se credunt esse sine peccato. Cap. V. I.

CVM igitur multis modis boni huius excellentiam, cunctis etiam prædicationis suæ fructibus prætulisset, tamē charitatis, sine qua nemo Dominum promeretur, contemplatione submittitur, ac propter illos quibus adhuc lac velut nutricula, vberibus euangelicis immulgebat, diuisionem a Christo sibi quidem noxiam, sed ceteris necessariam non recusat. Etenim ad electionē huius potissimū rei, illa nimia pietatis virtute compellitur, qua pro salute fratrum suorum si esset possibile etiam vltimum anathematis malum optasset incurrere. Optarem enim, inquit, ego ipse anathema esse a Christo pro fratribus meis, qui sunt cognati mei secundū carnem, qui sunt Israelitæ; hoc est, vellem ego non solum temporalibus, verum etiam perpetuis addici pœnis, dum modo omnes, si fieri possit, homines Christi cōsortio fruerentur. Certus etenim sum vtiliorem Christo & mihi omnium salutem esse, quā meam.

Nulla est distinctio cap. in v. c.

Rom. 9.

Quod hi qui pronuntiant hominem posse esse sine peccato, duplici in hoc agantur errore: Cap. V. I. I.

BONUM ergo hoc summum (id est, Dei conspectu frui, & Christo iugiter inhærere) vt perfecte Apostolus possit adipisci, dissolui optat a corpore, quod caducum & multis fragilitatis suæ necessitatibus impeditum non potest a Christi consortio non auelli. Impossibile est enim etiam mēti quæ tam crebris distenditur curis, tā varijs, tam molestis angoribus præpeditur, diuino frui semper intuitu. Quod enim tam pertinax sanctorū studium, quod tam arduum potest esse propositum, cui non aliquando ille versutus insidiator illudat? Quis ita solitudinis secreta sectatus est, vniuersorumq. mortalium consortia declinauit, vt numquam cogitationibus superfluis laberetur, & intuitu rerum vel occupatione actuum terrenorum ab illa quæ

Philip. 1.

vere

1. Thess. 5

Hoc est
initium
Cap. vij.
in v. c.

vere sola & bona est Dei contemplatione deciderit? *Quis* tantum spiritus umquam potuit retinere firmiorem, ut non interdum lubricis cogitationibus ab ipsa quoque orationis intentione translatus repente de cælestibus ad terrena corruerit? *Quis* nostrum, ut cetera peruagationum tempora prætermittam, non illo etiam momento quo Deo supplicans ad sublimia erigit mentem, quodam stupore collapsus etiam per id vel inuitus offendar, per quod sperabat veniam delictorum? *Quis*, inquit, tam expergitus ac vigilans est, ut dum psalmum Deo canit, numquam a scripturæ sensu eius animus abducatur? *Quis* tam familiaris Deo tamque coniunctus, qui apostolicum illud imperium, quo sine intermissione orare nos præcipit, vel vno die se gaudeat executum? *Quæ* licet omnia nonnullis, qui sunt crassioribus vitijs inuoluti, leuia atque a peccato pene aliena videantur, scientibus tamen perfectionis bonum, etiam minimarum rerum multitudo grauissima est. * Velut si in aliquam magnam domum multis instrumentis, vasculis, sarcinis, impeditam, vnum integra visuum acie perspicacem, alterum cui oculorum lumen obtuderit lippitudo, pariter ponamus ingressos, nonne cum ille cui ad videnda omnia hebes obstitit obrutus, nihil illic aliud esse æstimet nisi armaria, lectos, scamna, præsepia, & quidquid non tam oculis speculantis quam manibus palpantis occurrerit, e contra hic qui clarissimo luminum sidere etiam occulta rimatus est, multa illic minutissima & quæ vix possint etiam numero comprehendi inesse pronuntiet, quæ si aliquando in vnum cumulum cõgregentur, paucorum quæ ille palpauerat magnitudinem numerositate compensent, aut etiam fortasse transcendant? Ita igitur sancti atque (ut ita dicam) videtes, quibus summum perfectionis est studium, etiam illa quæ velut tenebrosus animi nostri non intueretur aspectus, in semetipsis sagaciter deprehendunt, acerrimeque condemnant, usque adeo, ut qui sicut nostræ videtur incuriæ, ne tenuis quidem peccati natio candorem conscientie fuscauerunt, multis sibi maculis videantur aspersi, si, non dicam vanæ cogitationis improbitas in atria mentis irrepserit, sed vel psalmi qui dicendus est recordatio orationis tempore intentionem supplicantis auerterit. Si enim, inquiunt, cum sublimi homini, non dicam pro vita ac salute nostra, sed etiam pro alicuius lucri commòdo supplicamus, rotam in eum & mentis

mentis & corporis aciem defigentes, de nutu eius trepida expectatione pendemus, non mediocriter formidantes, ne quod sorte ineptum aut incongruum verbum misericordiâ audientis auertat; tum deinde si nobis in foro aut iudicium sæcularium tribunalibus constitutis, assistente etiam econtra aduersario in media prosecutione atque cōflictu, tussis, serceus, risus, oscitatio, somnus obrepserit, quâ in perniciem nostram vigilantissimus inimicus seueritatem iudicis commouebit inuidia? Quanto magis cum illi occultorum omnium cognitori pro imminenti perpetuæ mortis periculo supplicamus, præsertim cum ediuerso callidus seductor pariter & criminator assistat, intenta atque sollicita oratione iudicantis pietas imploranda est? Nec iniuste non solum leui peccato, sed etiam grauissimo crimine impietatis adstringitur, qui precem Domino fundens, subito a conspectu eius quasi ab oculis non videntis nec audientis, cogitationis improbæ vanitatem secutus abscesserit. Illi autē qui oculos cordis sui contegunt crasso velamine vitiorum, ac secundum sententiam Saluatoris, videntes non vident, & audientes non audiunt, neque intelligunt, vix in recessibus pectoris sui etiam illa, quæ magna sunt & capitalia crimina contemplantur, nullas autem cogitationum subreptiones, sed neque illos in se lubricos occultosq. pruritus, qui mentē tenui atque subtili suggestionē compungunt, nec captiuitates animæ suæ possunt purgatis obrutibus intueri, sed inuerecundis semper cogitationibus euagantes, nec dolere norunt cum ab illa contemplatione, quæ singularis est, distrahantur, nec habent quod se doleant amisisse, quippe qui mentem suam ingruentibus, vt libitum est, cogitationibus expandentes, nihil habent propositum, quod principaliter teneant, vel quod omnimodis concupiscant. *Hæc *Cap. viij.* sane nos in hūc errorē causa præcipitat, quia ἀναμαρτήτου, *in v. c.* id est, impeccantiæ ipsius virtutem penitus ignorantes, existimamus nullam omnino culpam ex istis otiosis ac lubricis cogitationum excursibus nos posse contrahere, sed hebetudine stupefacti, & velut oculorum cæcitare percussi, nihil in nobis nisi capitalia crimina cōtemplamur, eaq. tantummodo credimus euitāda, quæ legum quoque sæculariū seueritate damnantur, a quibus si nos immunes vel paululum senserimus, nihil nobis inesse peccati protinus arbitramur. * Proinde ab illo videntiū numero segregati, quia mi- *Cap. ix. in*
nitiæ *v. c.*

nutias multarum sordium quæ intra nos aggestæ sunt non videmus, nequaquam salubri compunctione mordemur, si sensum nostrum interpellauerit ægritudo tristitiæ, nec dolemus vanæ gloriæ subtili suggestione pulsati, nec de emissâ tardius vel tepidius oratione dessemus, nec reputamus ad culpam cur psallentibus vel orantibus nobis aliquid aliud quàm ipsa oratio vel psalmus occurrerit, nec illud horremus, quòd multa quæ vel loqui vel agere coram hominibus pudet, non erubescimus vel ad horam corde concipere, quod diuino nouimus patere conspectui, nec pollutionem tyripium somniorum larga solum ablutione purgamus, nec lugemus quòd in ipsa eleemosynæ pietate, cum vel fratrum necessitatibus subuenimus, vel alimoniam pauperibus ministramus, serenitatem nostræ hilaritatis obnubilat avara cunctatio; nec feriri nos vllò credimus detrimento, cum derelicta memoria Dei, ea quæ sunt temporalia ac corporea cogitamus, ita ut nobis satis congrue Salomonis illud apreter eloquium: Ferierunt me, sed non dolui; & deluserunt me, ego autem nesciui.

PRON. 23.

Quod paucorum sit intelligere peccata. Cap. VIIII.

E Contra hi qui summam totius voluptatis & gaudij & beatitudinis suæ, in diuinarum ac spiritualium rerum tantum contemplatione cōstituunt, cum ab ea inuiti vel paululum violentis cogitationibus abstrahuntur, velut quoddam in se sacrilegij genus præsentis pœnitudinis puniunt ultione, ac vilissimam creaturam ad quam sit detortus mentis intuitus, creatori sua se prætulisse lugentes, pene dixerim impietatis sibi crimen adscribunt: & licet ad conspiciendâ diuinæ gloriæ claritatem, oculos cordis summa alacritate conuertant, tamen etiam breuissimas carnalium cogitationum tenebras non ferentes, quidquid ab illo vero lumine mēsis aspectum retrahit execrantur. Denique cū hunc beatus Apostolus Ioannes affectum cunctis vellet infundere: *Filiioli, inquit, nolite diligere mundū, neque ea quæ in mundo sunt, si quis diligit mundum, non est charitas Dei in ipso; quia omne quod in mundo est, concupiscentia carnis, & concupiscentia oculorum est, & superbia vitæ, quæ non est ex patre, sed ex mundo est; & mundus præterit, & concupiscentia eius; qui autem facit voluntatē Dei, manet in æternum.* Fastidiunt ergo sancti vniuersa in quibus mūdus iste versatur, sed impossibile est ut non ad ea vel breui cogitationum

1. Ioā. 2.

tionum

tionum rapiantur excessu, hullusq. etiam nunc hominum (excepto Domino & Salvatore nostro) naturalem peruagationem mentis, ita † defixus semper in Dei contemplatione *al. defixa* continuit, vt numquam ab ea raptus mundanæ cuiusquam *Iob. 25.* rei dilectione peccarit, dicente scriptura: Sidera ipsa nō sunt *Iob. 15.* munda in conspectu eius. & iterum: Si in sanctis suis *sec. lxx.* non confidit, & in angelis suis reperit prauitatem; siue vt emendatior translatio habet: Ecce inter sanctos eius nemo immutabilis, & cæli non sunt mundi in conspectu eius.

Qua cautione memoriam Dei monachus debeat custodire. Cap. IX.

Recte igitur sanctos, qui memoriam Dei stabiliter retinentes, quasi per extensas in sublime lineas suspensio feruntur in cessu, schœnobatis, quos vulgo funambulos vocant, dixerim comparandos, qui summam suæ salutis ac vitæ in angustissimo funiculi illius tramite collocantes, atrocissimam se mortem protinus, incursumuros, esse non ambigunt, si vel exigua pes eorum titubatione, deuiauerit, aut modum illius salutaris directionis excesserit. Qui dum arte minifica aerios gressus per inania moluntur, si illam angustiore vestigio semitam, non cauta atque sollicita moderatione seruauerint, terra quæ omnibus velut naturalis est basis, & solidissimum cunctis ac tutissimum firmamentum, fit illis præfens ac manifesta perniciēs; non quia illius natura mueretur, sed quia illi ad eam præcipiti carnis pondere delabantur. Ita etiam indefessa illa Dei bonitas, immutabilisq. substantia, ipsa quidem neminem ledit, sed nos declinando a summis atque ad ima tendendo, nobis ipsis consciscimus mortem, immo declinatio ipsa mors efficitur declinanti. Væ enim, inquit, eis quoniam recesserunt a me. *Osee 7.* Vastabuntur, quoniam præuaricati sunt in me. & iterum: *Osee 9.* Væ eis cum recessero ab eis. Arguet namque te malitia tua, & auersio tua increpabit te. Scito & vide, quia malum & amarum est reliquisse te Dominum Deum tuum. Funiculus *Prou. 5.* lis namque suorum peccatorum vnusquisque constringitur. Ad quos satis competenter a domino increpatio illa dirigitur: Ecce, inquit, omnes vos accendentes ignem, accincti *Esaï. 50.* flammis, ambulate in lumine ignis vestri, & in flammis quas succendistis. & iterum: Qui incendit, inquit, malitiam, *Prou. 19.* peribit ab ea. *sec. lxx.*

Q

Quod

Quod hi qui ad perfectionē tendunt in veritate humilientur.

& Dei gratia semper se sentiant indigere. Cap. X.

*Habeshæ
nomine*

*Aug. Ser-
mone de
temp. 47.*

Cum ergo sancti semetipsos quotidie sentiāt terrenę cogitationis pondere prægrauatos, ab illa mentis sublimitate decidere, & inuitos, immo vero etiā nescientes in legem peccati mortisq. traduci, atque, vt cetera præmittam, illis saltem quę superius comprehendī, bonis quidem ac iustis, sed tamen terrenis, a conspectu Dei operibus auocari, habēt profecto pro quibus ad Deum iugiter ingemiscant, habēt pro quibus in veritate humiliati atque cōpuncti, nō verbis tantum modo, sed affectu semetipsos pronuntient peccatores, & veniam pro omnibus, quę quotidie superati fragilitate carnis incurrunt, ac gratiam Domini iugiter postulantes, veras pœnitentię lacrymas indefinenter effundant; quippe qui videant iisdem ipsis se pro quibus continuo dolore vexati sunt, etiā vsque ad vltimum vitę finem æstibus inuolutos, ipsasq. etiā supplicationes suas offerre se sine cogitationum anxietate non posse. Experti igitur se humanis viribus desideratum finem obsistente carnis sarcina non posse cōtingere, neque illi præcipuo summoq. bono secundum cordis sui desiderium posse coniungi, sed ab eius intuitu captiuos ad mundana traduci, ad gratiam Dei qui impios iustificat cōuolantes, cum Apostolo protestantur: Infelix ego homo, quis me liberabit de corpore mortis huius? Gratia Dei, per Iesum Christum Dominum nostrū. Sentiant enim se bonum istud, quod volunt, non posse perficere, sed in illud quod nolunt, quodq. oderunt malum, id est, cogitationum motus & curam corporalium rerum semper incidere.

Rom. 4.

Rom. 7.

Ibid.

*Expositio illius sententia: Condelector enim legi Dei secundū
interiorem hominem, &c. Cap. XI.*

Et condelectantur quidem legi Dei secundum interiorem hominem, qui visibilia vniuersa transcendens, conatur Deo soli semper vniri; sed vident aliā legem in membris suis, id est, in natura humanę condicionis insertā, quę repugnans legi mentis eorum, captiuum pertrahit sensum violenta lege peccati, compellens scilicet eum, relicto illo principali bono, terrenę cogitationi submitti. Quę quamuis necessaria atque vtilis videatur, cum dispensationi religiōis cuiuspiam necessitatis impenditur, comparatione tamen illius boni quod sanctorum omnium oblectat intuitum,

tum, mala vtrique ab eis ac fugienda decernitur, qui per eam quoquomodo vel ad modicum tempus ab illius perfectæ beatitudinis gaudio retrahuntur. Vere enim lex peccati est, quam humano generi præuaricatio sui induxit auctoris, per illius noxam in quem lata est æquissimi iudicis illa sententia: Maledicta terra in operibus tuis, spinas & tribulos *Gen. 3.* germinabit tibi, & in sudore vultus tui edes panem tuum. Hæc, inquam, est lex membris omnium inserta mortaliū, quæ repugnât legi mentis nostræ, eamq. a diuino arceat intuitu, & qua maledicta terra in operibus nostris, post agnitionem boni & mali, cogitationum spinas cœpit ac tribulos germinare, quarum aculeis naturalia virtutum semina *Matt. 13.* præfocantur, ne illum panem nostrum qui de cælo descendit, *Ioan. 6.* quique confortat cor hominis, edere absque vultus nostri sudore possimus. *Psal. 103*

Item expositio illius: Scimus quoniam lex spiritalis est, & reliqua. Cap. XII.

OMne igitur humanum genus huic generaliter legi sine ulla exceptione subicitur. Nullus enim est quamuis sanctus qui supradictum panem nō cum sudore vultus sui, & sollicita cordis intentione percipiat. Ceterum communi isto pane multi, vt videmus, diuites sine vllō vultus sui sudore vescuntur. Quam etiā legem beatus Apostolus spiritalem asserit, dicens: Scimus quia lex spiritalis est, ego autem carnalis sum venūdatus sub peccato. Spiritalis enim est lex quæ iubet nobis vt in sudore vultus nostri comedamus illū panem verum qui de cælo descendit, sed nos carnales fecit venundatio illa peccati. Quod rogo istud, cuiusve peccatū est? Sine dubio Adæ, cuius præuaricatione, & (vt ita dicā) negotiatione damnosa, fraudulentōq. commercio venditi sumus. Omnem enim prolem suam serpentis persuasionel seductus, illiciti cibi perceptione distractam, iugo perpetuæ seruitutis addixit. Hic namque mos solet inter vendentem ementemq. seruari, vt is qui se alieno cupit dominio mancipare, aliquid pretij pro iactura propriæ libertatis & additione perpetuæ seruitutis a suo cōsequatur emptore. Quod etiam inter Adam atque serpētem manifestissime videmus impletum. Ille enim a serpente pretiū libertatis suæ esum interdictæ arboris capiens a naturæ libertate discessit, illic maluit semetipsum perpetua dedere seruitute, a quo vetiti pomi letale pretium fuerat assecutus: qua deinceps condi-

cione constrictus, non immerito omnem posteritatis suæ progeniem, perpetuo eidem cuius effectus est seruus subdidit famulatu. Quid enim aliud seruale coniugium potest procreare, quàm seruos? Quid ergo? Numquid emptor isto versutus & callidus, domino vero atque legitimo ius dominationis eripuit? Non ita est. Neque enim sic ille omne peculium Dei, vnus fraudis dolositate peruasit, vt potentiam dominij sui verus dominator amitteret, qui ipsum quoque emptorem quamuis refugam ac rebellem, tamen iugo deprimit seruitutis; sed quia omnibus rationabilibus creaturis arbitrij libertatem creator indulserat, eos qui se contra fas edacis concupiscentiæ transgressione vendiderant, inuitos ad ingentiam libertatem reuocare non debuit. Abhorret siquidem ab illo iustitiæ & pietatis auctore, quidquid bonitati æquitatiq. contrarium est. Malum enim fuerat si cõcessæ libertatis beneficium reuocasset, iniustum si liberum hominem potentia sua opprimens & captiuans, libertatis acceptæ ꝑ pontificium exequi non fuisset, cuius salutem in futura tunc sæcula reseruauit, vt recto ordine compleretur statuti temporis plenitudo. Oportebat enim eius sobolem tamdiu sub auitæ condicione durare, quousque eam de originalibus vinculis liberatam, in antiquæ libertatis statum, prioris Domini gratia pretio sui sanguinis reformaret, quam pietatis instinctu potuit etiam tunc saluare, sed noluit; quia eum decreti sui sanctionem irrumpere æquitas non sinebat. Vis nosse causam venditionis tuæ? Audi ipsum redemptorem tuum per Esaiam prophetam aperitissime proclamantem: Quis est iste liber repudij matris vestræ quo dimisi eam? Aut quis est creditor meus cui vendidi vos? Ecce in iniquitatibus vestris venditi estis, & in sceleribus vestris dimissi matrem vestram. Vis etiam euidenter agnoscere, cur te iugo seruitutis additum redimere potentia suæ virtute noluerit? Audi quid ad superiora eisdem quibus causam voluntariæ venditionis exprobrarat adiecit. Numquid abbreviata & paruula facta est manus mea, vt non possim redimere, aut non est in me virtus ad liberandum? Sed quid huic potentissimæ misericordiæ eius semper obsisterit, idem propheta demonstrans: Ecce, inquit, nō est abbreviata manus Domini, vt saluare nequeat, neque aggravata est auris eius, vt non exaudiat; sed iniquitates vestræ diuiserunt inter vos & Deum vestrum, & peccata

21. 1122

21. 1122

21. 1122

al. priuilegiarum

Esai. 50.

Ibid.

Esai. 59.

cata vestra absconderunt faciem eius a vobis ne exaudiret.
*Item expositio illius: Scio autem quod non habitat in me, hoc
 est, in carne mea bonum. Cap. XI I I.*

Quia ergo carnales nos fecit, & spinis ac tribulis condemnauit illa prima Dei maledictio, nosq. ita iniquo pater noster venundauit commercio, vt bonū, quod volumus, agere nequeamus, dum diuulsi a memoria summi Dei, ea quæ fragilitatis humanæ sunt cogitare compellimur, dum puritatis amore flagrant, incontinentius naturalibus, quæ penitus ignorare vellemus, etiam inuiti plerumque compungimur: scimus quia non habitat in carne nostra bonum, id est, huius quam diximus theoriæ atque puritatis perpetua iugisq. tranquillitas. Sed factum est in nobis istud pessimum ac lugubre diuortium, vt cum mente legi Dei seruire velimus, numquā scilicet volētes a claritate diuina dimouere cōspectum, tamen carnalibus tenebris circumfusi quadam lege peccati ab eo quod bonum nouimus cogamur auelli, scilicet ad curas cogitationesq. terrenas, ab illa mentis celsitudine decedentes, ad quas nos lex peccati, id est, illa sententia Dei non immerito condemnauit, quam primus delictor excepit; & inde est quod beatus Apostolus, cum apertissime fateatur inuitabili se vel omnes sanctos peccati huius necessitate constringi, tamen neminem eorum ob hoc esse damnum audenter enuntiat, dicens: Nihil ergo nunc damnationis est his qui sunt in Christo Iesu. *Rom. 8.* Lex enim spiritus vitæ in Christo Iesu liberauit me a lege peccati & mortis; id est, quotidiana gratia Christi omnes sanctos suos ab hac lege peccati & mortis (in quam iugiter vel nolentes coguntur incurrere) cum remissionem debitorum suorum a Domino deprecantur, absoluit. Videtis ergo non ex persona peccatorum, sed ex illorum qui vere sancti atque perfecti sunt, hanc beatū Apostolum promississe sententiam: Non enim quod volo facio bonum, sed quod odi malum, hoc ago. & Video aliam legem in membris meis repugnantem legi mentis meæ, & captiuum me ducentem in lege peccati, quæ est in membris meis. *Rom. 7.*

Obiectio quod neque infidelium personis conueniat neque sanctorum quod Apostolus ait: Non enim quod volo

GERMANVS. facio bonum. Cap. XI V.

Neque eorum qui capitalibus criminibus implicantur, neque Apostoli vel illorum, qui ad eius profecere

mensurâ, hoc dicimus congruere posse personis; sed de his proprie hoc intelligi debere censemus, qui post Dei gratiâ agnitionemque veritatis a carnalibus se vitijs abstinere cupientes, antiqua adhuc consuetudine velut naturali lege in membris suis violentissime dominante, ad inolitam passionum concupiscentiam pertrahuntur. Vfus enim ac frequentia delinquendi, velut lex efficitur naturalis, quæ membris humanæ infirmitatis inserta, affectus animæ necdum plenis virtutum studijs eruditæ, sed adhuc rudis ac teneræ (vt ita dixerim) castitatis, captiuos rapit ad vitia, ac morti eos antiqua lege subiiciens, iugo peccati dominantis addicit, non sinens eos bonum quod diligunt puritatis adipisci, sed potius malum, quod execrantur exercere compellens.

Responsio ad objectionem propositam.

THEONAS.

Cap. XV.

Non parum vestra profecit opinio, siquidem etiam vos ipsi adstruere iam cœpistis in illorû persona qui omnino peccatores sunt, hoc penitus stare nō posse, illis autem qui se a vitijs carnalibus abstinere cōtendunt, proprie conuenire. Quos quoniam a peccatorum iam numero segregastis, cōsequens est vt etiam fidelium atque sanctorum paulatim cœtibus inferatis. Quæ enim genera peccatorû istos dicitis posse committere, quibus si fuerint post gratiam baptismatis inuoluti, rursus per quotidianâ Christi gratiam liberêtur? Aut de quo mortis corpore Apostolus dixisse credêdus est: Quis me liberabit de corpore mortis huius? Gratia Dei per Iesum, Christum Dominû nostrum. Nonne manifestû est, sicut vos quoque ipsos veritas compulit confiteri, non de illis capitalium criminum membris, per quæ stipendium æternæ mortis acquiritur, id est, homicidij, fornicationis, adulteriorû, ebrietatis, furtorum atque rapinarû, sed de illo prædicto cui gratia Christi quotidiana succurrit corpore memorari? Quisquis enim post baptismû ac scientiam Dei, in illud mortis corpus irruerit, sciat se non quotidiana gratia Dei, id est, facili remissione, quam momentis singulis exoratus Dominus erroribus nostris donare cōsuevit, sed aut diuturna pœnitudinis afflictione ac pœnali dolore purgandû, aut certe pro his in futuro æterni ignis supplicijs addicendum, ita eodem Apostolo pronuntiante: Nolite falli, neque fornicari, neque idolis seruientes, neque adulteri, neque molles, neque masculorum concubitores, neque

fures, neque auari, neque ebriosi, neque maledici, neque rapaces regnū Dei possidebunt. Aut quæ est ista lex militans *Rom. 7.* in membris nostris, quæ repugnet legi mentis nostræ, cum nos resistentes, atque captiuos in lege peccati ac mortis abduxerit, eiq. nos fecerit carne seruire, nihilominus mente legi Dei seruire permittat? Nec enim hic puto legē peccati flagitia designare, aut hoc de illis supradictis intelligi posse criminibus, quæ si quis facit, legi Dei mēti non seruit, a qua necesse est eum animo ante desciscere quàm aliquid eorum carne committat. Quid est enim seruire legi peccati, nisi ea quæ a peccato imperantur implere? Quod ergo peccati genus est, quo cum se tanta sanctitas atque perfectio sentiatur captiuari, gratia tamen Christi non ambigat liberandū, dicēs: Infelix ego homo, quis me liberabit de corpore mortis huius? Gratia Dei per Iesum Christum Dominum nostrum. Quam, inquam, legem membris nostris inesse firmabitis, quæ abstrahens nos a lege Dei, & captiuans in lege peccati, infelices nos potius faciat quàm nocētes; ut non æternis supplicijs addicamur, sed quasi de interrupto beatitudinis gaudio suspiremus, & auxiliatorem qui nos ad id retrahat inquirentes, cum Apostolo proclamemus: Infelix ego homo, quis me liberabit de corpore mortis huius? Abduci namque captiuū in lege peccati, quid est aliud quàm in effectu peccati atque opere permanere? Aut quod aliud principale dabitur bonum, quod sancti explere nō possint, nisi id ad cuius comparisonem, ut supra diximus, vniuersa nec bona sunt? Equidem nouimus multa esse in hoc mundo bona, præcipueq. pudicitiam, continentiam, sobrietatem, humilitatem, iustitiam, misericordiam, temperantiam, pietatem; sed hæc omnia & summo illi bono paria esse non possunt, & perfici non dicam ab Apostolis, sed etiam a mediocribus possunt, & a quibus impleta non fuerint, aut æterno supplicio puniuntur, aut grandi, ut supra dictum est, labore pœnitentiæ, non quotidiana Christi gratia liberantur. Superest igitur, ut hanc sententiā Apostoli soli sanctorū personæ recte fateamur aprati, qui in hanc quam prædiximus incurrētes quotidie peccati nō criminū legem, de statu salutis suæ certi non præcipitantur in facinus, sed, ut sæpe dictum est, de cōtemplatione diuina ad miseriam cogitationum corporalium deuoluti, veræ illius beatitudinis bono plerumq. fraudantur. Si enim se per hanc membro-

*Ibid.**Ibid.*

Ibid.

rum suorum legem quotidianis sentirent sceleribus illigari, non utique de felicitatis amissione, sed de innocentie causarentur, nec diceret Apostolus Paulus: Infelix ego homo; sed, Impurus aut scelestus ego homo: nec de corpore mortis huius, hoc est, de cōdicionē mortali, sed a flagitijs atque criminibus carnis huius vellet absolui. Sed quia se pro cōdicionē fragilitatis humane senserat captiuatum, id est, abductum ad sollicitudines curasq. carnales, quas lex peccati operatur & mortis, ingemiscēs super hac, quam inuitus incurrerat, lege peccati, confestim recurrit ad Christū, & præsentiſſima gratiæ eius redemptione saluatur. Quidquid ergo lex illa peccati, quæ spinas ac tribulos cogitationū curarumq. mortalium naturaliter gignit, etiam in apostolici pectoris terra sollicitudinis germinarit, ista lex gratiæ mox auellit: Lex enim, inquit, spiritus vitæ in Christo Iesu liberavit me a lege peccati & mortis.

*Rom. 8.**Quid sit corpus peccati. Cap. XVI.**Psal. 33.**Hiere. 2.*

Hoc ergo inuitabile corpus est mortis, in quo perfecti quique, qui gustauerunt quā suavis est Dominus, quotidie reuoluti, sentiūt cum propheta, quā malū sibi & amarū sit discedere a Domino Deo. Hoc est corpus mortis, quod a cēlesti eos intuitu retrahēs ad terrena deducit, quod psallentes eos atque in oratione prostratos, vel humanas effigies, vel sermones, vel negotia, vel actus facit superfluos retractare. Hoc est corpus mortis, propter quod æmulantes angelicam sanctitatē, & volentes Domino iugiter inhærere, perfectionē tamen huius boni, quia corpus mortis obſistit, inuenire non possunt, sed faciunt malum, quod nolūt, id est, traducuntur mente etiam ad illa quæ ad profectum virtutū perfectionemq. non pertinet. Denique ut hoc de sanctis atque perfectis sibiq. similibus, se dixisse beatus Apostolus euidenter exprimeret, digito quodam modo semetipsum tactuq. designans, cōtinuo infert: Itaque ego ipse, id est, qui hæc pronuntio, me non alterius conscientię latebras pando. Hoc sane locutionis genere familiariter uti Apostolus solet, si quando vult se specialiter designare, sicut ibi: Ipse ego Paulus obsecro vos per mansuetudinem, & modestiam Christi; & rursum: Nisi quodd ego ipse non grauavi vos, & iterum: Sed esto, ego ipse non grauavi vos; & alibi: Ego ipse Paulus dico vobis, si circumcidamini, Christus vobis nil proderit. & ad Romanos: Optabam enim ego ipse anathe-

*2. Cor. 10**2. Cor. 12**Ibid.**Galat. 5.**Rom. 9.*

anathema esse a Christo pro fratribus meis. Potest autem non absurde etiã sic accipi, vt expressius cum emphasi pronuntietur: Itaque ego ipse, id est, quem nostis esse Apostolum Christi, quem tota suspicientia veneramini, quem creditis summum esse atque perfectũ, & in quo loquitur Christus, cum mente seruiam legi Dei, carne tamen legi peccati seruire me fateor, hoc est, distentione conditionis humanæ interdum de celestibus ad terrena deuoluor, & ad curas humilium rerum mentis meæ altitudo prolabitur, per quam peccati legem ita momentis singulis me sentio captiuari, vt quamuis immobili circa legem Dei desiderio perseuerem, nullo tamen modo vim huius captiuitatis euadere posse me sentiam, nisi confugero semper ad gratiam Saluatoris.

Quod sancti omnes veraciter immundos se & peccatores esse confessi sunt. Cap. XVII.

ET idcirco quotidianis suspirijs sancti omnes pro hac substantiæ suæ fragilitate compuncti, dum cogitationum varietates, & conscientie suæ latebras ac penetralia perscrutantur, suppliciter clamant: Non intrēs in iudicium cum seruo tuo, quia non iustificabitur in cōspectu tuo omnis viuens. Et illud: Quis gloriabitur castum se habere cor, aut quis fiduciam habebit mundum se esse a peccato? & iterum: Non est iustus homo in terra, qui faciat bonum, & non peccabit. Et ita infirmam hominum imperfectamque iustitiam, ac Dei misericordie semper indigam esse senserūt, vt vnus ex his cuius iniquitates atque peccata Deus misso de altari ignito verbi sui carbone purgauit, post illā mirificam contemplationem Dei, post intuitum sublimium Seraphim, & reuelationem sacramentorum cælestium dicit: Vx mihi, quia vir pollutus labijs ego sum, & in medio populi polluta labia habētis ego habito. Qui sicut arbitor labiorum suorum immunditiam nec tunc quidem fortasse insisset, nisi veram perfectionis & integrā puritatem contemplatione Dei meruisset agnoscere, cuius intuitu pollutionem suam sibi ante incognitam repente cognouit. Cum enim ait: Vx mihi, quia vir pollutus labijs ego sum, de suorum hoc labiorum, non de populi pollutione confessum id quod sequitur manifestat: Et in medio populi polluta labia habētis ego habito. Sed etiam cum orans peccatorum quasi vniuersalium immunditiam confiteretur, non iniquorum tantum, sed etiam iustorum plebem generali supplicatione com-

Psal. 142.

Prov. 20.

sec. lxx.

Eccl. 7.

sec. lxx.

Esai. 6.

Ibid.

Esaï. 64. complectitur, dicens: Ecce tu iratus es, & peccauimus; in ipsis fuimus semper, & saluabimur; facti sumus vt immundi omnes nos, tamquam pannus menstruatz vniuersæ iustitiæ nostræ. Rogo quid euidentius hac potest esse sententia, qua non vnâ tantum, sed vniuersas iustitias nostras propheta complexus, & circumspiciens omnia quæ vel immunda vel horrida iudicatur, quia nihil in hominum conuersatione sordidius neque impurius potuit reperire, panno eas comparare maluit menstruatz?

Etiâ iustos & sanctos sine peccato non esse.

Cap. XVIII.

Ibid. Frustra ergo manifestissimæ veritati spinosæ obiectio-
nis acumen opponitur, sicut paulo ante dixisti, si nemo sine peccato, nullus est sanctus, & si nemo sanctus, nullus ergo saluabitur. Hoc enim prophetæ testimonio potest
nodus huius quæstionis absolui. Ecce, inquit, tu iratus es, & peccauimus; id est, cum elationem nostri cordis vel negligentias auersatus, tuo nos auxilio denudasti, confestim nos vorago absorbit peccatorum, velut si quis splendidissimo solis diceret elemento: Ecce tu occubuisti, & nos illico tenebrosa cõtexit obscuritas. Et tamen cum hic sanctus peccasse se dicat, & non solum peccasse, sed etiam in ipsis semper permanisse peccatis, non desperat penitus de salute, sed subdit: In ipsis fuimus semper, & saluabimur. Hanc ergo sententiam: Ecce tu iratus es, & peccauimus; illi apostolica comparabo: Infelix ego homo, quis me liberabit de corpore mortis huius? Rursumq. id quod propheta subiungit: In ipsis fuimus semper, & saluabimur; consequentibus Apostoli cõgruit verbis: Gratia Dei per Iesum Christum Dominum nostrum. Similiter etiam illud eiusdem prophete: Va mihi, quia vir pollutus labijs ego sum, & in medio populi polluta labia habentis ego habito; supradictos sapere sermones videtur: Infelix ego homo, quis me liberabit de corpore mortis huius? Itemq. quod sequitur in propheta: Et ecce volauit ad me vnus de Seraphim, & in manu eius carbunculus siue calculus, quem forcipe tulerat de altari; & tetigit os meum, & dixit: Ecce hoc tetigi labia tua, & auferetur iniquitas tua, & peccatum tuum mūdabitur; tale est, vt Pauli videatur ore prolatum, qui ait: Gratia Dei per Iesum Christum Dominum nostrum. Videris ergo quem modum omnes sancti non tam ex persona populi quam ex sua, &

sua, & peccatores se veraciter fateantur, & tamen nequam de sua salute desperent; sed iustificationis plenitudinem, quam pro cōdicione fragilitatis humanæ consequi se posse diffidunt, de gratia Domini & miseratione præsumāt.

*Quid in ipsa quoque orationis hora peccatum declinari
vix possit. Cap. XIX.*

Neminem vero in hac vita quamuis sanctum, immunem esse a debitis peccatorum, etiam magisteriū nos edocet Saluatoris, qui discipulis suis perfectæ orationis formulam tradens, inter reliqua illa sublimia sacratissimæq. mandata, quæ quoniam nō nisi sanctis perfectisq. sunt tradita, malis & infidelibus conuenire non possunt, hoc iussit insereri: Et dimitte nobis debita nostra, sicut & nos dimittimus debitoribus nostris. Si ergo vere hæc a sanctis profertur oratio, sicut indubitanter credere nos oportet, quis tam cōtumax & præsumptor, tamq. superbia diabolici furoris elatus poterit inueniri, qui sine peccato se esse pronuntians, nō solum maiorem se Apostolis credat, verum etiam ipsum quasi ignorantia aut vanitatis arguat Saluatorem, ut scilicet aut nescierit esse posse aliquos immunes a debitis, aut frustra docuerit eos quos scierit orationis istius remedio non egere? Sed cum regis sui præcepta seruātes, omnes omnino sancti quotidie dicant: Dimitte nobis debita nostra; si verum dicunt, vere nemo est immunis a culpa; si autem fallunt, æque verum est eos mendacij nō carere peccato. Vnde etiam ille sapientissimus Ecclesiastes vniuersos actus & humana studia mente percurrrens, sine vlla exceptione pronuntiat: Quia non est iustus hōmo in terra, qui faciat bonū, & non peccabit; id est, nemo in hac terra tam sanctus, tam diligens, tam intentus, vel potuit vñquam vel poterit inueniri, qui vero illi ac singulari bono ita iugiter valeat inhærere, ut non quotidie ab eo distractum se sentiat deliquisse. Qui tamen cum pronuntietur immunis a noxa esse non posse, iustus esse nihilominus non negatur.

Matth. 6.

*Eccles. 7.
sec. lxx.*

*A quibus se peccati euacuatio, & virtutum discenda
perfectio. Cap. XX.*

Quisquis igitur ἀναμαρτυρον, id est, impeccantiam naturæ adscribit humanæ, non inanibus verbis, sed conscientia suæ testimonio nobiscum ac probatione configat, & tunc demum se absq. peccato esse pronuntiet, cum se ab hoc summo bono senserit non auulsum: immo ve-

mo ve-

mo vero quisquis considerans conscientiam suam, vt non dicam amplius, vnā saltem synaxim sine vlla verbi, vel facti, vel cogitationis interpellatione se deprehenderit celebrasse, absque peccato se esse pronuntiet. Proinde quia his omnibus otiosis ac superfluis rebus volucrē humanæ mentis excursus fatemur carere non posse, per hoc vtrique consequenter sine peccato nos non esse veraciter confitemur. Nam quātauis circumspectione vnusquisque cor suum seruare contendat, numquam id secundum desiderium spiritus sui, repugnante carnis condicione custodiet. Quanto enim magis profecerit mens humana, & ad sinceriorē contemplationis peruenierit puritatem, tanto se immundiorē quasi per speculum suæ puritatis inspiciet, quia necesse est vt dum animus ad sublimiorem se extendit intuitum, & maiora quā agitur prospiciens concupiscit, illa in quibus est, vt inferiora ac semper viliora despiciat.

Quid licet agnoscamus nos sine peccato non esse, non debeamus tamen nos a Dominica communione suspendere. Cap. XXI.

PLura siquidē denotat sincerior obrutus, paritq. sibi maiorem reprehensionis dolorem irreprehensibilis vita, & multiplicat gemitus atque suspiria emendatio morum & æmulatio attentata virtutum. Nemo enim illo, in quo profecerit, gradu potest esse contentus, & quantum quis fuerit mente purgator, tanto se sordidiorem videns magis humilitatis quā elationis inuenit causas, quantoq. perniciosius ad sublimiora ↑ conscenderit, tanto amplius præuidet sibi superesse quo tendat. Denique ille Apostolorū eximius quem diligebat Iesus, recumbens supra pectus eius, hanc quasi ex Dominico protulit corde sententiā: Si dixerimus, quia peccatum non habemus, ipsi nos seducimus, & veritas in nobis non est. Itaque si dicētes nos non habere peccatum, veritatem, id est, Christum non habemus in nobis, quid aliud proficimus, nisi vt nos hac ipsa professione ex peccatoribus sceleratos atque impios approbemus? Postremo si cordi est verius explorare, vtrum possibile sit humanæ substantiæ ἀναμάρτητον possidere, a quibus hoc manifestius discere poterimus, quā ab his qui carnē suā crucifixerunt cum vitijs & concupiscentijs; & quibus vere crucifixus est mundus. **Qui** cum de cordibus suis non solum radicitus vitia vniuersa conuulserint, verumetiam cogitationes ac memoriam

*al. consen-
derit.*

Ioan. 13.

1. Ioan. 1

Galat. 5.

Galat. 6.

riam peccatorum conentur excludere, nihilominus tamen quotidie fideliter profitentur, ne vna quidem hora macula se posse carere peccati. Nec tamen ex eo debemus nos a Dominica communione suspendere, quia nos agnoscimus peccatores, sed ad eam magis ac magis est propter animæ medicinā & purificationem spiritus auide festinandum: verumtamen ea humilitate mentis ac fide, vt indignos nos perceptione tantæ gratiæ iudicantes, remedia potius nostris vulneribus expetamus. Alioquin nec anniuersaria quidem digne est præsumenda communio, vt quidam faciunt qui in monasterijs consistentes, ita sacramentorum celestium dignitatem & sanctificationem ac meritum metiuntur, vt æstiment ea non nisi sanctos atque immaculatos debere præsumere, & non potius vt sanctos mundosque nos sua participatione perficiant. Qui profecto maiorem arrogantia præsumptionem, quam declinare sibi videntur, incurrun, quia vel tunc cum ea percipiunt, dignos se eius perceptione dijudicant. Multo enim iustius est, vt cum hac cordis humilitate qua credimus & satemur illa sacrosancta mysteria numquam pro merito nos posse contingere, singulis ea Dominicis ob remedium nostrarum ægitudinum præsumamus, quàm vt vana persuasionem cordis elati, vel post annum dignos eorum participio nos esse credamus. Quapropter vt hæc intelligere & fructuose tenere possimus, misericordiam Domini, vt nos ad perficienda hæc adiuet attentius imploremus, quæ nequaquam ita vt ceteræ humanæ artes præcedente quadam ratione verborum, sed actu potius & experientia præeunte discuntur, quæque rursus, nisi tam collationibus spiritalium virorum frequenter examinata fuerint & polita, quàm documentis & quotidiana experientia sollicitæ ventilata, aut obsolescunt incuria, aut oiosa obliuione depercut.

COLLATIONIS TERTIÆ

abbatis Theonæ, Finis.

COLLATIO XXIV. ET
VLTIMA, QVÆ
EST ABBATIS
ABRAHÆ

DE MORTIFICATIONE.

*Quomodo abbatj Abrahæ cogitationum nostrarum
prodiderimus arcana. Cap. I.*

Apoc. 4.



Varta atque vigesima ista collatio abbatj
Abrahæ Christo fauente procuditur, om-
nium seniorū traditiones atque instituta
concludens, qua vestris orationibus con-
summata, illorum vigintiquatuor senio-
rū, qui in sancta Apocalypsi coronas suas
agno offerre dicūtur numero mystice cō-
gruente, cunctarum promissionum nostrarum debitis nos-
credimus liberandos. Si qua proinde gloria hi vigintiquat-
tuor senes nostri ob institutionis suę meritum fuerint coro-
nati, illi qui pro salute mundi immolatus est agno prostra-
tis sunt capitis oblaturi. Ipse enim & illis tam eximium
sensum, & nobis qualem tumque sermonē, quo tanta pro-
funditas promeretur propter honorem sui nominis donare
dignatus est. Et necesse est, vt ad auctorem honorū omniū
muneris sui merita referātur, cui hoc ipso debetur amplius
quo magis soluitur. Igitur ad hunc Abraham impugnatio-
nem cogitationum nostrarum anxia cōfessione detulimus,
quia ad repetendam prouinciam nostram, atque ad reuise-
dos parentes, quotidianis æstibus urgebamus. Hinc etenim
nobis maxima desideriorum nascebatur occasio, quòd tan-
ta religione atque pietate parētes nostros præditos recorda-
bamur, vt eos nequaquam impedituros nostrum propositiū
præsumeremus, hoc iugiter mente voluentes, quòd profe-
ctum magis ex illorum essemus assiduitate capturi, nulla-
que nos corporalium rerum sollicitudine, nullis prospicien-
di victus distentionibus occupandos, illis affatim omnem
cum gaudio præbitionem nostræ necessitatis explentibus.
Insuper etiam spe inanium gaudiorum animum pasceba-
mus,

mus, credētes fructum nos maximum percepturos de con-
uersione multorum, qui velat nostro essent ad viam salutis
exemplo ac mōitis dirigendi: tum præterea ipsorum loco-
rum situs, in quibus erat a maioribus nostris auita posses-
sio, ipsarumq. amoenitas iucunda regionum ante oculos
pingebatur, quā gratæ & congruæ solitudinis spatijs ten-
deretur, ita vt non solum delectare monachum possent se-
crēta siluarum, sed etiam magna victus præbere compen-
dia. Quæ omnia prædicto seni, cum secundum fidem con-
scientiæ nostræ simpliciter pāderemus, nec iam impugna-
tionum vim tolerare nos posse, nisi nobis per illius medici-
nam Dei gratia subuenisset, profusis lacrymis testaremur;
tacitus ille, diuq. cunctatus, atque ad extremum grauius
ingemiscens, ita respondit.

Quomodo senex nostros patefeceris errores. Cap. II.

NEc dum vos desiderijs renuntiassē mundanis, nec mor-
tificasse concupiscentias pristinas, cogitationum ve-
strarum prodit infirmitas. Nam sicut desidia cordis vestri,
desideriorum vestrorum peruagatio protestatur, hanc pere-
grinationem ac parentum absentiam, quam mente potius
suscipere debuistis, carne tantummodo sustinetis. Sepulta
enim hæc omnia, ac de cordibus vestris euulsa penitus iam
fuisent, si vel rationem ipsius abrenuntiationis, vel princio-
palem solitudinis causam, in qua consistimus, cœpissetis.
Ideoque vos illa otij egritudine sentio laborare, quæ in Pro-
uerbijs ita notatur: In desiderijs est omnis otiosus. & iterū *Prou. 23.*
Desideria pigrum occidunt. Nam & nobis poterant hæc, *sec. lxx.*
quæ cōmendastis carnalium cōmodorum non deesse *Prou. 21.*
compendia, si credidissemus ea nostro conuenire proposito, aut
talem ex illis amoenitarum voluptatibus fructum nobis iu-
dicassemus posse conferri, qualis iste est qui de hoc locorū
squalore & corporis contritione cōquiritur. Nec sumus ita
parentum solatio destituti, vt nobis desint qui de suis sub-
stantijs sustentare nos gaudeāt, nisi nobis illa sententia Sal-
uatoris occurrens, quidquid ad forum huius pertinet carnis,
excluderet: Qui non reliquerit, siue oderit patrem, & ma- *Luc. 14.*
trem, & filios, & fratres, non potest meus esse discipulus.
Quod si parentum quoque essemus præsidio destituti, certe
vel potentum mundi istius obsequia deesse non possent, qui
promptissima largitate necessitatibus nostris cū omni gra-
tiarū actione subministrare gauderent, quorū munificentia
susten-

- sustentati, parandi victus solitudine careremus, nisi nos
Hiere. 17 vehementer illa prophetica maledictio deterreret: Nam maledictus, inquit, homo, qui spem suam ponit in homine. &
Psal. 145. Nolite confidere in principibus. Potuimus etiam cellulas saltē nostras super Nili fluminis alueum collocantes, aquā habere pro foribus, ne eā a quattuor milibus passuum nostris cogeremur deserte ceruicibus, nisi nos ad tolerantiam laboris istius indefessos beatus Apostolus reddens hoc iugiter animaret eloquio: Vnusquisque, inquiens, propriam mercedem accipiet secundum suum laborem. Nec ignoramus esse nonnulla etiam in regionibus nostris amœna secreta, in quibus pomorum copia, & hortorum gratia, vel vbertas, necessitatem victus nostri minimo labore corporis expedirent, nisi impingendam nobis illam exprobrationē, quæ ad illum in Euangelio directa est diuitem, vereremur:
Luc. 16. Quia recepisti consolationem tuam in vita tua. Sed despectis illis omnibus, & cum vniuersa mundi huius voluptatē contemptis, his tantū squaloribus delectamur, vniuersisq. delicijs horrendam solitudinis istius præferimus vastitatē, neque huic arenarum amaritudinē quantalvis vberis glebæ diuitias comparamus, non temporalia huius corporis lucra; sed æterna spiritus emolumenta sectantes. Partum est enim renuntiassē monachū semel, id est, in primordio conuersionis suæ cōtempnissē præsentia, nisi eis quotidie renuntiatē perstiterit. Vsq. ad finē nāque huius vitæ illud nobis dicendum est cum propheta: Et diem hominis non desideravi, tu scis. Vnde & Dominus in Euangelio: Si quis vult, inquit, post me venire, abneget semetipsum, & tollat crucem suam quotidie, & sequatur me.

De qualitate locorum, quæ ab anachoretis expetiri debeant. Cap. III.

ET idcirco ei, qui de interioris hominis puritate perui-
 lem solitudinem gerit, expetenda sunt loca, quæ mētem eius nulla ad culturæ distentionem vbertatis suæ fecunditate sollicitent, nec de cellulæ fixa atque immobili statione proturbent, atque ad aliquod subdiuiale opus prodire compellant; & ita velut in apertum effusus cogitationibus omnem mentis directionem ac subtilissimum certe illius destinationis intuitum per diuersa dispergat, quæ a nemine prorsus quamuis sollicito ac vigilanti vel cauēri poterūt vel videri, nisi qui corpus atque animum iugiter intra parietum
 septa

septa concluderit, ut ita quis velut piscator egregius, victum sibi apostolica arte prospiciens, in tranquillissimo cordis sui profundo, agmina cogitationum natantia intētus atque im mobilis capret, & tamquam de prominenti scopulo curiose profunda prospectās, quas ad se hamo trahere debeat saluari, quas vero tamquam malos ac noxios pisces negligat ac refutet; sagaci discretione dijudicet.

Quæ a solitarijs operationū genera debeant eligi. Cap. IV.

IN hac ergo vnusquisque custodia iugiter perseuerās, efficaciter illud implebit, quod per Habacuc prophetā satis euidenter exprimitur: Super custodiam meam stabo, & *Habac. 2* ascendam super petram, & speculabor ut videam quid lo-*sec. lxx.* quantur in me, & quid respōdeam ad arguentem me. Quod quanti laboris ac difficultatis sit, experimentis illorum, qui in illa Calami siue Porphyrionis cremo commorantur manifestissime comprobatur. Nam cum longiore solitudinis interuallo ab vniuersis vrbibus & habitaculis hominum quā Scithi eremus diuidantur (septem siquidem vel octo mansionibus vastissimæ solitudinis deserta penetrantes vix ad cellularum suarum secreta perueniunt) tamen quia illic agriculturæ dediti, claustris minime cohibentur, cū ad hæc squalida in quibus degimus, vel ad illa Scithica venerint loca, tantis cogitationum æstibus, tantaq. animi anxietate vexantur, ut quasi rudes & qui solitudinis exercitia ne leuiter quidem aliquando contigerint, commorationem cellæ & quietis silentia tolerare nō possint, atque ex eis statim excussi, tamquam expertes & nouitij perturbentur. Non enim sedare interioris hominis motus & cogitationū suarum tempestatibus obuiare, iugi sollicitudine ac perseuerāti intentione didicerunt, qui subdiualibus quotidie operibus defudantes, tota die sub aerea inanitate, nō solum corpore, verumetiam mente peruiolitant, & cogitationes suas cū mobilitate corporea passim in aperta diffundunt. Et idcirco nec multiuolam animi sui sentiunt vanitatē, nec eius lubricos possunt coercere discursus, & contritionem spiritus non ferentes, intolerabilem sibi ipsam silentij sui æstiment iugitatem, ac laboriosis ruris operibus indefessi, vincuntur otio, & quietis suæ diurnitate lassantur.

Quod euagatione corporis grauetur magis quā releuetur cordis anxietas. Cap. V.

NEc mirum si in cella quis residens quasi intra artissimū claustrum cogitationibus congregatis, anxietatum

R r mul-

multitudine suffocetur, quæ de carceribus habitaculi cum homine prorumpentes, continuo velut equi effrænes in diuersa peruolitant. Sed cum ad præsens de suis velut stabulis euagentur, capitur statim aliquod vel breue ac triste solatium, cum vero corpore ad cellam propriam remeante, rursus quasi ad sedem suam cuncta cogitationum caterua recurrit, grauiores excitat stimulos ipsa inueterata licetis consuetudo. Hi ergo, qui necdum possunt vel nolunt voluntarum suarum instigationibus reluctari, cum acedia pectus insolitum vehementius impugnante, intra cellam fuerint anxii, si progrediendi sæpius libertatem sibi remissa districtionis lege concesserint, acriorem aduersum se pestem hoc ut putant remedio suscitabunt, sicut gelidissimæ aquæ haustum internarum febrium quidam restringere posse se credunt, cum utique accendi ex hoc ignem illum cõstet potius quàm sedari, si quidem momentaneam illam reuelationem multo grauior consequetur afflictio.

Ad quam comparationem monachus cogitationes suas debeant custodire. Cap. VI.

Quamobrem ita monachi omnis incertio in vnum semper est defigenda, cunctarumque cogitationum eius ortus atque circumitus in id ipsum, id est, ad memoriam Dei strenue reuocare, velut si quis absidis cameram volens in sublime concludere, subtilissimi illius centri lineam iungit circumducatur, ac secundum certissimam normam omnem rotunditatis parilitatem, & structuræ colligat disciplinam. Qui vero eam absque illius medietatis examine consummare, quamuis summa artis aut ingenij præsumptione tentauerit, impossibile est, ut æqualitatem circuitus illius sine errore custodiat, aut quantum veræ rotunditatis pulchritudini errando subtraxerit solo deprehendat aspectu, nisi ad illum indicem veritatis semper recurrens, atque eius arbitrio interioris operis sui ambitum exterioremque castigans, tam excelsæ magnitudinis molem vnius puncti lege concludat. Ita etiam mens nostra nisi solam Domini charitatem, velut centrum immobiliter fixum, per vniuersa operum molitionumque nostratum momenta circumagens, probabilis (ut ita dixerim) circini charitatis, omnium cogitationum vel aprauerit, vel repulerit qualitatem, nequaquam structuram illam ædificij spiritualis, cuius Paulus est architectus, probabili arte molietur, nec pulchritudinem domus illius

illius possidebit, quam beatus David in corde suo Domino cupiens exhibere: Domine, inquit, dilexi decorem domus tuæ, & locum habitationis gloriæ tuæ; sed indecoram in corde suo atque indignā Spiritu sancto domum, continuo-que lapsuram imprudenter attollet, non glorificandus beati cohabitatoris hospitio, sed ruina cōstructionis suæ lugubriter opprimendus.

*Interrogatio cur obesse nobis parentum vicinia putaretur
quæ in Ægypto consistentibus non obesse.*

GERMANVS.

Cap. VII.

Satis vtili ac necessario præcipitur instituto hoc operum genus, quod intra cellulam exerceri potest. Etenim non solū exemplo beatitudinis veltræ apostolicarum virtutum imitatione fundatæ, verumetiam experientiæ nostræ testimonio commoditas huius rei nobis sæpe comperta est. Sed parentum vicinia quam nec vos nimium respuistis, cur tan- copere a nobis debeat euitari non satis claret. Cum enim vos in omni perfectionis via irreprensibiliter incedentes, non solum in proprijs residere regionibus, sed nec longe a viculis suis quosdam recessisse cernamus, cur id quod vobis noxium non est, nobis putetur aduersum?

Responsio quomodo non omnibus conueniant omnia.

ABRAHAM.

Cap. VIII.

Numquam mala ex bonis rebus sumi videmus exempla. Nam si eadem quis agere, non eodem affectu atque proposito, aut dissimili virtute præsumpsit, profecto exinde laqueum deceptionis & mortis incurret, vnde alijs æternæ vitæ fructus acquiritur. Quod ille quoque puer manu fortis, bellicosissimo illi giganti in certamine comparatus, haud dubie pertulisset, si virilibus atque fortissimis Saulis armis fuisset indutus; & quibus ætas robustior innumerabiles catervas hostium prostrauisset, hæc indubitata primæque potuerunt inferre perniciem, nisi prudenti discretionem congrua adolescentiæ suæ armorum genera delegisset, & aduersus hostem terribilissimum, non lorica & clypeo quibus ceteros videbat instructos, sed illis quibus ipse dimicare telis poterat fuisset armatus. Quamobrem mensuram virium suarum vnumquemque nostrum conuenit diligentius ante pensare, atque ad eius modulum arripere quam libuerit disciplinam; quia quamuis omnes vtilēs sint, tamen aptæ cunctis cunctæ esse nō possunt.

Non enim quia bona est anachoresis, vniuersis eam congruam comprobamus. A multis enim nō solum infructuosa, sed etiam perniciosa sentitur. Nec quia institutionē cœnobiorum vel curā fratrum sanctam atque laudabilem merito profitemur, idcirco ab vniuersis eam expetendam esse censemus: Ita etiam xenodochij vberimus fructus est, sed ab omnibus expeti sinē patientiæ detrimento non potest. Proinde primum regionis vestræ, atque huius inter se pensanda sunt instituta, deinde vires hominum iugi vel virtutum, vel vitiorum assiduitate collectæ, diuersa lance inuicem trutinandæ. Fieri etenim potest, vt quod alterius gentis homini arduū atque impossibile est, hoc alijs insita cōsuetudo quodammodo verterit in naturā, sicut nationes quædam ingenti plagarum diuersitate disiectæ magnam vim frigoris, vel ardorem solis absque vilo corporis perferūt tegumento, quæ vtique alij illam cæli inclementiam non experti, quantivis roboris fuerint, sustentare non possunt. Ita etiam vos, qui summo animi & corporis nisu, in hac regione dumtaxat, quasi naturam patriæ vestræ in multis impugnare conamini diligenter expendite, vtrum in illis torpidis (vt fama est) regionibus, & velut frigore nimix infidelitatis obstrictis, hanc (vt ita dixerim) nuditatem sustentare possitis. Nostri enim istam propositi fortitudinem naturaliter quodammodo indidit sanctæ cōuersationis antiquitas, quorum si constantiæ atque virtuti pares esse vos certitis, viciniam parentum fratrumq. vestrorum similiter fugere non debetis.

Quod hi possint parentum viciniam non timere, qui abbas Apollo mortificationem potuerint amulari. Cap. I X.

VT vero ad certum districtiōis examen vestrarum virium quantitatem metiri congrua æstimatione possitis, cuiusdam vobis senis, id est, abbatis Apollo factum breuiter indicabo, vt si vos intimum vestri cordis examen huius proposito atque virtuti haud inferiores esse celsuerit, absque iactura profectus vestri professionisq. periculo, patriæ inhabitationem ac parentū viciniā præsumatis; certi quodd districtiōnem humilitatis huius, quam vobis in hac prouincia non solum voluntas, sed etiam necessitas peregrinationis extorquet, propinquitatis affectus aut locorum oblectatio non possit euincere. Ad hunc igitur quem prædiximus senem,

senem, cum germanus suus intempeſta nocte veniſſet, im-
plorās, vt de monaſterio ſuo pauliſper egreſſus, ad euellend-
um bouem, quem ceno paluſtri eminus inhzere ſtebilit-
ter querebatur, ei eſſet auxilio, quia eum ſolus nequaquam
poſſet eruere, abbas Apollo perſtinaciter obſecranti: Cur,
ait, iuniotem fratrem noſtrum, quem præteriēs propiore, ſi-
quā me, habueras, non rogati? Cumq. ille eum mortem
olim ſepulſi fratris oblitum, & ex nimia continentix ac ſo-
litudinis iugitate velut impotem mentis exiſtimans reſpon-
diſſet: Quemadmodum poteram de ſepulchro eum, qui ante
annos quindecim obiit inuocare? abbas Apollo: Ignoras
ergo, ait, me quoque ante annos viginti huic mundo fuiſſe
defunctum, nullaq. iam poſſe de huius cellæ ſepulchro,
quæ ad præſentis vitæ pertineant ſtatui, tibi conferre ſo-
latia? quem in tantum Chriſtus ab intentione mortificatio-
nis arreptæ, vel modicum ad extrahendū bouem tuum non
patitur relaxari, vt ne breuiſſimi quidem momenti indu-
cias pro patris indulſerit ſepultura, quæ multo vtrique cele-
rius, honeſtius, & religioſius fuerat exhibenda. Rimamini
itaque nunc arcana pectoris veſtri, prudenterq. conſiſcite,
an talem etiam vos iuxta parētes veſtros diſtinctionē men-
tis iugiter retentate poſſitis. Cumq. vos in hac animi mor-
tificatione eidem conſimiles ſenſeritis, tum demum ſcirote
parentum fratrumq. viciniam, vobis quoque ſimiliter no-
xiam nō futuram, vt ſcilicet eis, quamuis in proximo con-
ſtitutis, velut mortuos vos eſſe credatis, ita vt nec illos ve-
ſtris ſoueti ſolatijs, nec vos illorū ſinatis obſequijs relaxari.

Matt. 9.

Interrogatio an obſit monacho ſi a parentibus neceſſaria

GERMANVS. ſuggerantur. Cap. X.

Super hoc plane iam nullū ambiguitati locum vltcrius
reliquiſti. Certe etenim ſumus tam præſentis huius ha-
bitus vilitatem, quā quotidiana hæc nudi pedalia in illo-
rum vicinia nullatenus exercere nos poſſe, ſed ne labo-
re quidem illic ſimili ea, quæ ſunt ad victum neceſſaria
prouſuros, ſicut hic etiam ipſam quotidie aquam cerui-
cibus noſtris ex tribus milibus exhibere compellimur;
nec noſtra enim nec illorum verecundia, hæc nos coram
illis agere omnino patietur. Sanè quid noſtro propoſito
oberit, ſi illis ſubminiſtrantibus vniuerſa, nos ſollicitudine
parandi victus penitus abſoluti, lectioni tantum & oratō-
ni operam dederimus, vt iſto quo nunc diſtrahimur labo-

re sublarò; spiritualibus tantū studijs intentius in cubemus)

Responsio quid sanctus Antonius super hoc pronuntiauerit.

HABRAHAM.

Cap. XI.

Non meam contra hoc vobis, sed beati Antonij sententiam proferam, qua ille ita cuiusdam fratris hoc quodum vestræ propositionis abscideret. Nam cum ad prædictum virum quidam, vt dixi, veniens anachoreticam disciplinam minime diceret admirandam, maioris pronuntians esse virtutis, si ea quæ perfectionis sunt inter homines quispia quam in eremo positus exerceat, beatus Antonius vbi nam ipse cōsisteret, percontatur. Cumq. ille se iuxta parentes suos habitare dixisset, & eorum præbitione ab omni cura & solitudine diurni operis absolutum, lectioni tantum & orationi, absq. vlla distentione spiritus indefinenter gloriaretur insistere; rursus beatus Antonius: dic, inquit, fili, vtrum in eorum damnis vel aduersis casibus contristeris, pariq. etiam modo super eorum prosperitate congaudeas. Ille vtriusque rei se participē esse confessus est. Cui senex: Noueris te, inquit, etiam in futuro sæculo eorum sorte censendum, cum quibus in hac vita in lucri detrimentiq. consortio, vel gaudio vel mœnore concuteris. Nec hac contentus sententia beatus Antonius, maiorē insuper campum disputationis ingressus est: Hæc, inquiens, cōuersatio atque hic tepidissimus status, non hoc solum quod dixi te feriunt detrimento (licet id nunc ipse non sentias, dicens quodammodo secundum illam Prouerbiotorum parabolam: Ferierunt me, sed non dolui; & deluserunt me, ego autem nesciui. vel illud quod dicitur in propheta: Comederunt alieni robur eius, & ipse nesciuit) quod scilicet diebus singulis mentem tuam pro casuum varietate mutantes, indefinēter ad terrēna demergūt, verum etiam quod fructu manuum tuarum, & iustā laboris proprii mercede te fraudāt, non permittentes te horum præbitione suffultum secūdum beati Apostoli regulam, quotidianum tibi victum tuis manibus præparare, quam ille vltima Ephesiorū Ecclesiæ principibus præcepta promulgans, se etiam sanctis euangelicæ prædicationis studijs occupatum, non solum sibi, verum etiam his qui erant erga ministerium suum necessarijs obsequijs præpediti, præbuisse se memorat, dicens: Ipsi scitis quoniam ad ea quæ mihi opus erant, & his qui mecum sunt, ministrabant

Prou. 23.

sec. lxx.

Osea. 7.

1. Cor. 20.

Ibid.

runt manus istæ. Quod tamen ut se fecisse pro forma nostræ utilitatis ostenderet, alibi ait: Non otiosi fuimus inter vos, neque gratis panem ab aliquo manducauimus, sed in labore & fatione nocte ac die operâtes, ne quem vestrum gtauaremus: non quia non habuerimus potestatem, sed ut nosmetipsos formam daremus vobis ad imitandum nos.

De utilitate operationis, & otij detrimento. Cap. XII.

ET ideo cum etiam nobis parentum præsidia non desissent, tamen hæc cunctis opibus prætulimus nuditatem & quotidiana corporis alimenta nostris maluimus sudoribus præparare, quàm secunda parentum præbitione fulciris laboriosissime huic penuriæ illam, quàm prædicas otiosam scripturarum meditationem, atque infructuosam lectionis instantiâ postponentes, quam proculdubio libentissime sectaretur, si hoc esse vtilius vel exëplis suis apostolica tradidisset auctoritas, vel instituta seniorum salubriter præfinissent. Noueris autem te etiam ex hoc non leuius quàm ex illo quod supra diximus affici detrimento, quia cum sis sani corporis ac robusti, stipe sustentaris aliena, quæ iusto solis est debilibus attributa. Nam utique omne hominum genus absque illo tantum genere monachorum, quod secundum præceptum Apostoli quotidianis manuum suarum laboribus viuât, agapen alienæ operationis expectat. Vade non solum eos, qui semetipsos, vel parentum facultatibus, vel famulorum laboribus, vel suorum suorum fructibus gloriantur, sed ipsos etiam reges mundi huius, agape certum est sustentari. Hoc denique maiorum nostrorum definitio habet, qui quidquid ad necessitatem quotidiani victus insumitur, quod opere manuum nostrarum effectum partumque non fuerit, ad agapen referri debere sanxerunt, secundum Apostolum, qui otiosis penitus interdicens opem largitatis alienæ: Qui, inquit, non operatur, nec manducet. His verbis aduersus quendam ysus beatus Antonius, etiam nos magisterij sui informauit exemplo, ut parentum perniciosissima blandimenta, & omnium qui victus necessaria subministrant, insuper etiam omnem amœnæ habitationis gratiam deuitemus, squalentesque naturali amaritudine arenas, & perustas falsa inundatione regiones, nullique ob id ipsum hominum iuri dominioque subiectas, cunctis mundi huius opibus præponamus, ut non solum frequenter hominum obtentu inuixæ solitudinis declinemus, sed etiam ut

Ibid.

nequaquam nos ad qualiscumque culturæ disteptionem
vberis soli natura sollicitet, per quam mens ab illa princi-
pali cordis obseruatione distracta, spiritualibus studijs red-
deretur efforta.

*Fabula de tonsoris mercede composita ad illusiones diaboli
cognoscendas. Cap. XIIII.*

NAm quod alios quoque saluare vos posse confiditis, &
spe maioris lucri ad reuiscendam patriam festinatis,
audire etiam super hoc quamdam abbatis Macarij fabulã,
iucundissime atque aptissime figuratam, quam & ille cuidã
similibus desiderijs æstuant, medicina oportunissimæ nar-
rationis ingessit. Etat, inquit, in ciuitate quadam peritissi-
mus tonsor, qui denarijs ternis vnumquemq. detondēs, te-
nuem vilemq. mercedem sui operis acquirendo ex hac ea-
dem quantitate necessaria victui quotidie comparabat; cen-
tumq. denarios expleta omni corporis cura, marsupio suo
diebus singulis inferebat. Sed cum indefinenter hunc con-
deret, quæstum, audiuit in quadam longe posita ciuitate,
singulorum solidorum singulos homines tonsori præbere
mercedem. Quo ille comperto: Quamdiu ero, inquit, hac
mendicitate contentus, vt trium denariorum stipem cum
labore conquiram, cum possim illo pergens ingenti solidor-
um quæstu diuitias congregare? Itaque sumens artis suæ
protinus instrumenta, expensis in sumptu omnibus, quæ hic
multo tempore collecta seruauat, ad urbem illam quæstuo-
rissimam cum summo labore peruenit. Vbi cum ea, quæ in-
gressus est, die secundum id quod compererat ab vnoquo-
que mercedem sui operis recepisset, ad vesperam se videns
grandem solidorum numerum conquisisse, ad macellum
lætus intrêdit, escas refectioni suæ necessarias coempturus.
Quas cum cœpisset magno solidorum præcio comparare,
expensis in perexiguo victu vniuersis, quos acquisierat so-
lidis, ne vnius quidem denarij intulit lucrum. Cumq; ita
singulis diebus acquisitionem suam vidisset infumi, vt non
solû nihil redigere, sed vix ipsam quotidianæ substantiæ ne-
cessitatem posset explere, apud semetipsum recogitans: Re-
uertar, inquit, ad ciuitatem meam, illumq. repetam tenuis-
simum quæstum, ex quo mihi expleta omni corporis cura,
quod ad sustentationem senectutis accresceret, quotidiana
exuberantia conferebat. Quod quamuis paruum videretur
& tenue, non mediocre tamen summam ingi pariebat
augmen-

augmento. Quæstuosior quippe mihi fuit ille nummorum quam iste solidorum imaginarius quæstus, ex quo non solum nihil exuberat quod recondam, sed etiam vix ipsa quotidiani victus necessitas sustinetur. Et idcirco rectius nobis est, hunc solitudinis huius tenuissimum fructum indurpta iugitate sectari, quem nullæ sæculares curæ, nullæ mundanæ distentiones, nulla cenodoxiæ ac vanitatis arrodat elatio, nullæ sollicitudines diurnæ necessitatis imminuât (Melius est enim modicum iusto super diuitiis peccatorum multas) quam affectare lucra illa maiora, quæ etiâ si parva fuerint quæstuosissima conuersione multorum, necessitate tamen mundanæ conuersationis, & quotidianis distentionum diminutionibus absumêtur. Melior namque est, secundum sententiâ Salomonis, pugillus vnus cum requie, quam duo pugilli cum labore & præsumptione spiritus. Quibus illusionibus atque dispendijs omnes admodum infirmos necessesse est implicari, qui cum etiam de sua salute sint dubij, ipsiq. adhuc magisterio atque institutione egeant aliena, ad conuertendos alios & regêdos diabolicis illusionibus instigantur, quiq. etiam si potuerint lucri aliquid ex quorumdâ conuersione conquirere, impatientia sua atque inconditis moribus quidquid acquisierint profligabunt. Illud namque eis quod Aggæus propheta describit, eueniet: Et qui mercedes congregat, misit eas in sacculum pertusum. Vere enim lucra sua in pertusum sacculum cõdit, qui quidquid per aliorum conuersionem videtur acquirere, intemperantia cordis sui & quotidiana animi distentione disperdit. Itaque fiet, vt dum vberiora lucra per aliorum credunt institutionem parare se posse, etiâ sua correctione priuentur. Sunt enim qui se diuites ferunt, nihil habentes, & sunt qui se humiliât in multis diuinjs. & : Melior est vir in ignobilitate seruiens sibi, quam qui dignitatem sibi acquirit, & indiget pane.

Psal. 36.

Eccl. 4.
sec. lxx.Agg. 1.
sec. lxx.Prou. 23.
sec. lxx.Prou. 22.
sec. lxx.

Interrogatio, unde nobis talium cogitationum error

GERMANVS. *irrepperit. Cap. XLV.*

Satis congrue nobis his comparationibus disputatio tua cogitationum nostrarum manifestauit errores, quorum causas & curationes similiter optamus agnoscere, & vnde acciderit nobis ista deceptio, pariter cupimus edoceri. Nulli etenim est dubium neminem admodum posse remedia malis valitudinibus adhibere, nisi cum qui ipsas morborum origines ante prædixerit.

Responsio de tripartita anima motu.

HABRAHAM.

Cap. XV.

OMnium vitiorum vnus fons atque principium est, secundum qualitatem vero partis illius, & (vt ita dixerim) membri quod in anima fuerit vitiatum, diuersa vocabula passionum corruptionumq. sortitur: Quod nonnunquam etiam morborum corporalium probatur exemplo, quoium cum vna sit causa, in diuersa tamen agnitudinum genera pro qualitate membrorum, quæ fuerint occupata, distinguitur. Etenim cum arcem corporis, id est, caput, vis noxiæ humoris obsederit, cephalalgia procreat passionem; cum vero aures, oculosve peruasent, in otalgia, siue in ophthalmi cum vertitur morbum, cuiusq. se ad articulos quosque & ad manuum summa transfuderit, articularis atque chiragrica dicitur valitudo: cum autem ad pedum ima defluerit, podagra mutato nomine nuncupatur: tot postremo censenda vocabulis, quot membrorum ceperit portiones. Eodem modo de visibilibus ad inuisibilia transeuntes, animæ nostræ partibus, atque (vt ita dixerim) membris, vim cuiusque vitij inesse credamus. Quæ cum sapientissimi quique tripartitæ definiant esse virtutis, necesse est vt aut λογικόν, id est, rationale, aut θυμικόν, id est, irascibile, aut ἐπιθυμητικόν, id est, concupiscibile eius, aliquo corrumpatur incurfu. Cum ergo aliquem ex his affectibus vis noxiæ passionis obsederit, pro illius corruptione etiam vitio nomen imponitur. Nam si rationabilem eius partem vitiorum pestis infecerit, cenodoxiæ, elationis, inuidiæ, superbiæ, præsumptionis, hæreseos vitia procreabit. Si irascibilem vulnerauerit sensum, furorem, impatientiam, tristitiam, acediam, pusillanimitatem, crudelitatemq. parturiet. Si concupiscibilem corrumperit portionem, gastrimargiam, fornicationem, philargyriam, & desideria noxia tertenaq. germinabit.

Rationabilem nostræ animæ partem corruptam principio esse curandam. Cap. XVI.

ET idcirco si fontem vitij huius & originem vultis agnoscere, rationabilem mentis ventrem atque animæ portionem noueritis esse corruptam, ex qua uel præsumptionum uel cenodoxiæ solent uitia pullulare. Proinde hoc primum uobis animæ (vt ita dixerim) membrum rectæ discretionis iudicio & humilitatis nitute curandum est, quo uitiatum non solum ad perfectionis iam peruenisse fastigia, sed etiam

etiam docere alios posse vos creditis, & ad eruditionem ceterorum sufficientes arque idoneos iudicatis per elationem cenodoxia hac, quam patefecit vestra confessio, peruagationū vanitate raptamini; quas amputare deinceps absque difficultate poteritis, si veræ discretionis, vt dixi, humilitate fundati, quàm laboriosum quàmque difficile sit vnicuique nostrum saluare animam suam menris vestræ contritione discatis, & intimo cordis affectu, non modo longe vos ab illa docendi præsumptione submotos, verum etiam adhuc egere doctoris agnoscatis auxilio.

Quod infirmior pars animæ diabolicis tentationibus prima succumbat. Cap. XVII.

Adhibete ergo huic membro vel parti animæ vestræ, quam specialiter diximus vulneraram, verè humilitatis medelam; quæ quoniam ceteris animæ partibus in vobis, quantum apparet, infirmior est, necesse est, vt diabolicæ infestationi prima succumbat. Quemadmodum enim ingruentibus quibusdam iniurijs, quæ vel ex accidenti labore, vel de aeris corruptione gignuntur, fieri etiā in corporibus humanis solet, vt illa, quæ fuerint infirmiora, casibus istis prima consentiant atque succumbant; cumque peculiariter in eis morbus infederit, reliquas quoque partes corporis tabefaciat; ita & animā vniuscuiusque nostrum flante quodammodo pestilenti halitu vitiorum, illa maxime passione necesse est attēti, in qua tenerior atque infirmior eius portio, validis inimici non tam fortiter resistit impulsibus, & ex illis periculum captiuitatis incurrere, in quibus faciliorem proditori aditū referat incauta custodia. Sic namque Balaam populum Dei posse decipi, certa ratione collegit, dans consilium vt ex illa parte, qua infirmari nouerat filios Israel, perniciosi eis laquei tenderentur, non dubitans eos oblata copia seminarum fornicationis ruina protinus colapsuros, quia concupiscibiles animæ eorum partes sciebat esse corruptas. Ira ergo vnumquemque nostrū nequitie spiritalis versuta malignitate perterritant, illis præcipue affectibus animæ insidiosos laqueos præstruentes, quibus eam senserint ægrotare; vt verbi gratia, cum viderint rationabiles animæ nostræ partes esse vitiatas, illo nos ordine decipere moliantur, quo Ahab regem ab illis Syris deceptum scriptura commemorat, qui dixerunt: Scimus quoniam reges Israel misericordes sūt; ponamus itaque saccos in iumentis nostris.

*Apo. 2. 22.
Num. 24.*

3. Reg. 20.

- bis nostris, & funiculos in capitibus nostris, & egrediamur ad regem Israel, & dicemus: Seruus tuus Benadad dicit: Viuat, oro, anima mea. Quibus ille non vera pietate, sed vana misericordiae laude permotus: Si adhuc, inquit, viuit, frater meus est. Et hoc exemplo etiam nos rationalis illius partis errore deceptos, inde incurrere offensam Dei faciant, vnde consecuturos mercedem, ac recepturos pietatis nos præmia credebamus, similiq. nobis etiam increpatione dicatur: Quia dimisisti virum dignum morte de manu tua, erit anima tua pro anima eius, & populus tuus pro populo eius. Sive cum immundus spiritus dicit: Egrediar & ero spiritus mendax in ore omnium prophetarum eius, per rationabilem proculdubio affectum, quem letalibus aptum norat insidijs, laqueum deceptionis ac mortis intendit. Sic etiam Herodem per irascibilem animæ partem ad illam raptorum infantum necem callidissimus hostis impiegit, eo quod istam propensius in eo nouerat vitiatā. Quod etiam de Domino nostro idem spiritus opinatus, cum in his eum tribus animæ tentasset affectibus, in quibus omne hominū genus noverat captuari, nihil tamen versutus profecit insidijs. Nam concupiscibile mentis eius aggressus est partem, dicens: Dic vt lapides isti panes fiant. Irascibilem, cum cum ad expetendam præsentis sæculi potestatem & regna mundi huius instigare conatus est. Rationabilem, cum ait: Si filius Dei es, mitte te deorsum. In quibus idcirco nihil eius profecit illusio, quia nihil secundum coniecturam suam, quam falsa opinatione conceperat, in eo reperit vitiatum. Vnde etiam nulla pars animæ eius, inimici insidijs attentata consensit: Ecce enim, inquit, venit princeps mundi huius, & in me inuenit nihil.
- Ibid.*
- 3. Reg. 22*
- al. apertū*
- Matt. 2.*
- Matt. 4.*
- Ibid.*
- Ioan. 24.*

Interrogatio, an utili desiderio maioris silentij retraheremur
 GERMANVS. ad patriam. Cap. XVIII.

Inter cetera illusionum errorumq. nostrorum genera, quæ nos ad desiderium patriæ nostræ, sicut beatitudo tua solerti mentis perspexit intuitu, vana spiritualium commodorum pollicitatione flammaverant, etiam hæc vel maxima extitit causa, quod interdum a fratribus frequentati, iungi secretis, ac diuturno silentio, secundum desiderium nostrum nequaquam possumus inhætere. Per quod necesse est cursum atque mensuram quotidianæ continentis, quam pro castigatione corporis induripiam perpetuo cupimus retentare,

D E
 rare, non
 sine dubi
 rum,
 nis huius
 Responsa
 ABRAHAM
 I Rati
 I poru
 nibus fr
 mium
 minem
 thorum
 si vera
 qui vti
 quolibet
 minit
 uini a
 confite
 Dom
 gente
 tem
 esse s
 foue
 tat;
 ctus
 res s
 ame
 eva
 ta a
 diff
 illi
 vt
 cr
 sp
 qu
 tu
 qu
 J
 la
 r

tare, nonnullis superuenientibus fratribus, intercidi. Quod sine dubio nullatenus in nostra prouincia credimus euenturum, in qua aut nullum, aut certe rarissimum professionis huius virum inuenire possibile est.

Responsio de illusione diaboli eo quod vastioris solitudinis re-
ABRAHAM. *quem repromittat. Cap. XI X.*

IRrationabilis atque inconsiderata distinctionis, immo potius summi teporis indicium est, nequaquam ab hominibus frequentari. Qui enim in hac, quam arripuit via nimium tardis passibus graditur, ac secundum anteriorem hominem conuersatur, æquum est ut ad eum, non dicam sanctorum, sed ne hominum quidem ullus adueniat. Vos autem si vera atque perfecta Domini dilectione flagratis, & Deum, qui vtique charitas est, pleno spiritus seruore sectamini, ad quolibet loca inaccessibleia fugeritis, necesse est ea ab hominibus frequentari; quantoque vos propiores Deo amoris diuini ardor effecerit, tanto ad vos maior sanctorum fratrum confluet multitudo. Non enim potest, secundum sententiam Domini, ciuitas abscondi supra montem posita: Quia diligentes me, inquit Dominus, glorificabo; qui autem me contemnunt erunt ignobiles. Verumtamen nosse debetis hanc esse subtilissimam diaboli calliditatem, hanc occultissimam foueam, in quam miserabiles & incautos quosque precipitat; ut dum eis maiora promittit, necessaria quotidiani fructus emolumenta subripiat, abstrusiores scilicet & vastiores solitudines expeti debere persuadens, easque velut miris amœnitatibus confitas in eorum corde depingens, ignota etiam quædam & quæ penitus nusquam sunt loca, velut cognita ac præparata, nostræque potestati iam dedita, & absque vlla difficultate possidenda cōfingit. Homines quoque regionis illius tractabiles, & ad viam salutis sequaces esse mentitur, ut dum illic vberiores fructus animæ pollicetur, præsentia lucra fraudulenter auertat. Nam cum vnusquisque hac vana spe a seniorum salutaris cōtubernio separatus, atque omnibus quæ velimet profundissimo sopore depinxerat, fuerit destitutus, sed vel de fructu in suo corde depinxerat, nihil ex his quæ somniauerat expergefactus inueniet. Itaque cum diabolus maioribus vitæ huius necessitatibus & inextricabilibus laqueis irretitum ne respirare quidem ad hæc, quæ sibi ipse promiserat, aliquando permittit, eumque non iam illis quas ante vitauerat raris ac spiritualibus fratrum visitationibus, sed quotidiana-

I. Ioan. 4.

Matt. 5.

I. Reg. 2.

sec. lxx.

tidianis secularium incurſionibus obligatum, ne ad mediocrem quidem anachoreſeos quietem ac diſciplinā vnamquam redire patietur.

Quam utilis ſit remiſſio in aduentu fratrum. Cap. XX.

Illa quoque remiſſionis atque humanitatis intercapedo gratiſſima, quæ nonnumquā pro aduentu fratrum intervenire conſuevit, licet moleſta vobis ac fugienda videatur, tamen quā ſit utilis ac ſalubriſtam corpori quā ſpiriui veſtro paucis patienter attendite. Sæpe accidit, non dicam nouitijs & inſtmis, ſed etiam experientiſſimis atque perfectis, vt niſi mentis eorū directio atque cenſura, quibuſdam mollita fuerit viciffitudinum laxamentis, aut in teporem ſpiritus, aut certe in pernicioſam corporis valitudinē col-labatur. Et idcirco a prudentibus atque perfectis, cū interceſſerit fratrum etiam crebra viſitatio nō ſolum toleranda patienter, ſed etiam gratanter eſt amplectenda. Primum quod prouocat nos auidius ſemper ſolitudinis deſiderare ſecreta; nam quodam modo curſum noſtrum dum interpolare creditur, inſatigabilem iugemque conſeruat; qui ſi nullo interdum obice tardaretur, vſque ad finem cōtendere indefeſſa pernecitate non poſſet. Deinde quod neceſſitatem reſciendi corpuleuli cum fruſtu humanitatis indulget, maiora nobis conſerens lucri cum iucundiſſimo corporis laxamento, quā illa ſunt quæ per abſtinentiæ fatigationē fuerant acquirenda. Super qua re aptiſſimam comparationem antiqua narratione vulgatam breuiter iudicabo.

Quomodo Euangelista Ioannes utilitatem remiſſionis offendiffe dicatur. Cap. XXI.

Fertur beatiſſimus Euangelista Ioannes cum perdicem manibus molliter demulceret, quendam ad ſe habitu venatorio venientem ſubito cōſpexiſſe. Qui miratus quod vir tantæ opinionis ac famæ ad tam parua & humilia ſe oblectamenta ſubmitteret: Tu ne es, inquit, ille Ioannes, cuius fama inſignis ac celeberrima, me quoque ſummō deſiderio tuæ agnitionis ille xit? Cur ergo oblectamentis tā vilibus occuparis? Cui beatus Ioannes: Quid eſt, inquit, quod manu tua geſtas? At ille: Arcus. Et cur, ait, non eum tenſum ſemper vbique circumfers? Cui ille reſpondit: Non oportet, ne iugi curſamine rigotis fortitudo laxata molleſcat atque depercat, & cum oportuerit vt fortiora in aliquam ſeram ſpiculā dirigantur, rigore iam per uimietatem continuæ tenſio-

tenſionis
tri, inq
parua ha
gorem u
ſo vigor
obſecum
Interro

GERM

Q

quoque
dicunt
enim
citur
duras
lunt p
quid
ſuaue

ABR

V

feſti
rim
volu
de v
libi
mi
no
Vi
en
to
pe
bi
pl
ci
ie
e
r

tenſionis amiſſo, violentior iſtus non poſſit emitti. Nec noſtri, inquit, beatus Ioannes, animi te offendar, o iuuenis, tam parua hæc breuiſq. laxatio, quæ niſi remiſſione quadam rigorem intentionis ſuæ interdum releuet ac relaxet, irremiſſo vigore lentefcens, virtuti ſpiritus, cum neceſſitas poſceat obſecundare non poterit.

Interrogatio qualiter intelligendum ſit illud, quod in Euangelio dicitur: Iugum meum ſuaue, & onus meum

GERMANVS. *leue eſt. Cap. XXII.*

Quoniam nobis illuſionum cunctarum remedia cõtu-
liſti, & diabolica quibus quatiebamur inſidiae, per
doctrinam tuã Domino donante detectæ ſunt, hoc
quoque nobis ſimiliter precamur edifferi, quod in Euangelio
dicitur: Iugum meum ſuaue, & onus meum leue eſt. Satis
enim prophetica illi ſententiæ videtur aduerſum, qua di-
citur: Propter verba labiorum tuorum ego cuſtodiui vias
duras. Quippe cum etiam Apoſtolus dicat: Omnes qui vo-
lunt pie viuere in Chriſto, perſecutionem patientur. Quid-
quid autem durum & perſecutionibus eſt reſertum, nec
ſuaue poteſt eſſe nec leue.

Reſponſio cum expoſitione ſententiæ.

ABRAHAM. *Cap. XXIII.*

Veriſſimam Domini ac Saluatoris noſtri eſſe ſententiã
experiẽtiæ ipſius facili probabimus documẽto, ſi per-
fectionis viam legitime & ſecũdum voluntatẽ Chriſti fue-
rimus aggreſſi, & mortificantes omnia deſideria noſtra ac
voluntates noxias abſcidentes, non ſolũ nihil reſidere nobis
de mũdi huius ſubſtantia ſuerimus, per quam vtrique cum
libitum fuerit vaſtandi nos ac dilacerandi poteſtatem ini-
micus inueniat, ſed etiam noſtri ipſius non eſſe nos domi-
nos ſenſerimus, illud apoſtolicum in veritate complentes:
Viuo autem iam non ego, viuít vero in me Chriſtus. Quid
enim graue poterit eſſe, quid durum ei, qui iugum Chriſti
tota mente ſuſceperit, qui vera humilitate fundatus, ſem-
perq. ad Domini reſpiciens paſſiones, in omnibus quæ ſi-
bi fuerint irrogatæ lætatur iniurijs, dicens: Propter quod cõ-
placeo mihi in infirmitatibus, in contumelijs, in neceſſita-
tibus, in perſecutionibus, in anguſtijs pro Chriſto; cũ enim
infirmor tunc potens ſum? Quo, inquam, familiaris rei cru-
ciabitur damno, qui perfectæ nuditate glorioſus volunta-
rie pro Chriſto vniuerſas mundi huius reſpuit facultates,
omnesq.

- Philip. 3.** omnesq. eius concupiscentias generaliter arbitrat^{ur} ut ster-
cora, ut Christum lucrificiat, euāgelici illius præcepti me-
ditatione continua, cunctorum dispendiorum æstus despi-
ciens & excludens: Quid enim prodest homini si vniuer-
sum mundum lucretur, animæ vero suæ detrimentum pa-
tiatur? Aut quam dabit homo commutationem pro anima
sua? Super cuius rei priuatione tristabitur, qui omnia quæ
ab alijs auferri possunt sua non esse cognoscit, illud inuicta
virtute proclamans: Nihil intulimus in hunc mundū, haud
dubium quia nec auferre quid possumus? Cuius autem ino-
piæ necessitate eius superabitur fortitudo, qui perā in via,
æ in zona, vestem in tempora habere non nouit, sed cum
1. Tim. 6. Apostolo gloriatur in ieiunijs multis, in fame & siti, in fri-
gore & nuditate? Quis labor, quodve tam arduum senioris
præceptum, pectoris eius tranquillitatem poterit perturbare,
qui nullam habens propriam voluntatem, omnibus quæ
sibi fuerint imperata, non solum patienter, sed etiam gra-
tanter occurrit, nostriq. Saluatoris exemplo non quærit
suam, sed patris facere voluntatem, dicens & ipse ad patrē
Matt. 26. suum: Verumtamen nō sicut ego volo, sed sicut tu? Quibus
etiam iniurijs, qua persecutione terretur, immo quod ei
non etiam iucundum potest esse supplicium, qui in omni-
bus plagis cum Apostolis semper exultans, optat ut dignus
habeatur pro Christi nomine contumeliam pati?

Cui amarum iugum & graue onus Domini sentiat^{ur}.

Cap. XXIV.

- UT** autem nobis econtrario iugum Christi non leue nec
suaue videatur, contumaciæ nostræ est iustus adscri-
bendum, qui dissidentia atque incredulitate deiecti, contra
Matt. 19 illius imperium, qui ait: Si vis perfectus esse, vade, vnde om-
nia tua, & veni sequere me; inepta peruersitate pugnamus,
terrenarum scilicet facultatum materias retinentes, quarū
cum nexibus animum nostrum diabolus teneat illigatum,
quid superest nisi ut cum voluerit nos a spiritualibus gau-
dijs separare, earundem imminutione ac priuatione mæ-
stificet? id versus fraudibus elaborans, ut cum iugis illius
suauitas & oueris leuitas, vitiōsæ concupiscentiæ prauita-
te nobis fuerit aggrauata, ipsius facultatis atque substantiæ,
quam nobis pro requie ac solatio reseruamus, vinculis ir-
ritos secularium curarum flagris semper excruciet, ex no-
Prou. 5. bis in ipsis quo dilaceremur exculpens: Funiculis namque
ser. lxx. pecca-

peccatorum suorum vnusquisque cōstringitur, audiens per prophetam: Ecce omnes vos accendentes ignem, accincti flammis, ambulate in lumine ignis vestri, & in flammis, quas succendistis. Per hæc siquidem, vt Salomon testis est, vnusquisque per quæ peccauerit, & punitur. Ipsæ enim nobis tormento sunt, quibus vtimur, voluptates, & oblectamenta huius carnis atque deliciæ carnificum vice in suū re-
torquentur auctorem, quia necesse est eum, qui facultatibus pristinis opibusq. suffultus est, nec integram humilitatem cordis nec mortificationem plenam noxiarū suscipere voluntatum. His autē virtutū patrocinantibus instrumentis, omnes vitæ præsentis angustiae, & cuncta quæ inimicus potest inferre dispendia, non modo patientissime, verum etiam iucundissime sustinentur, quibus rursus exultantibus elatio tam perniciofa succrescet, vt etiam pro leuissima contumelia mortiferis impatientiae ictibus vulneremur, dicaturq. nobis per Hieremiam prophetam: Et nunc quid tibi vis in via Ægypti, vt bibas aquam turbidam? Et quid tibi vis cum via Assyriorum, vt bibas aquam fluminis? Arguet te malitia tua, & auersio tua increpabit te. Scito, & vide quia malum & amarum est reliquisse te Dominum Deum tuum, & non esse timorem mei apud te, dicit Dominus. Quod ergo iugi Domini mirifica suauitas amara sentitur, quid est nisi quia eam auersionis nostræ amaritudo corrumpit? Quodd diuini oneris tam iucunda leuitas ingrauescit, quid est nisi quia eum, a quo sustinebatur contumaci præsumptione contemnimus, quippe cum euidenter idipsum scriptura testetur, dicens: Nam si ambularent semitas rectas, inuenisset vtique semitas iustitiæ leues? Nos, inquā, nos esse manifestum est, qui semitas Domini rectas ac leues, prauis durisq. desideriorum cautibus asperamus. qui viam regiam apostolicis ac propheticis silicibus communiam, sanctorumq. omnium atque ipsius Domini vestigijs complanati, amentissime deserētes, deuia quæque ac dumosa sectamur, & præsentium oblectationum illecebris obæcati, per obscuros impeditosq. vitiorum sentibus calles, laceratis cruribus, & disrupta illa nuptiali veste reparamus, non modo acutissimis veprium aculeis configendi, sed etiam virulentorum serpentum vel scorpionum illic latitantium ictibus prosterendi. Tribuli enim & laquei in vijs prauis, qui autem timet Dominum abstinebit ab eis.

Esaï. 50.

Sap. 12.

Hier. 2.

Prou. 2.
sec. lxx.Prou. 22.
sec. lxx.

Hier. 18. De talibus & alibi Dominus per prophetam: Oblitus est mei, inquit, populus meus, frustra libantes & impingentes in vijs suis, in semitis sæculi, ut ambulant per eas in itinere non trito. Viæ enim, secundum sententiam Salomonis,

Prou. 15. sec. lxx. nihil operantium, strata sunt spinis, fortium vero trita sunt: & ita ab itinere regio deuiantes, ad illam metropolim, ubi

noſter curſus indeclinabiliter ſemper debet eſſe directus, non poterunt peruenire. Quod etiam Eccleſiaſtes ſatis ſignificanter expreſſit: Labor, inquit, ſtultorum affliget eos,

Eccle. 10. sec. lxx. qui non nouerunt ire in ciuitatem; illam ſcilicet Hieruſalem celeſtem, quæ eſt mater omnium noſtrum.

Galat. 4. *Quid utilitatis conſerat tentationum incurſio. Cap. XXV.*

Quiſquis autem in veritate huic mûdo reuertiens ſuper ſe tulerit iugum Chriſti, & didicerit ab eo quotidianis iniuriarum exercitijs eruditus, quia mitis eſt & humilis corde, in cunctis tentationibus manebit ſemper immobilis, omniaq; illi cooperabuntur in bonum. Verba enim

Rom. 8. Dei ſecundum prophetam, bona ſunt cum eo, qui recte graditur: & iterum: Quia recta viæ Domini, & iuſti incedent in eis:

Mich. 2. & iterum: Quia recta viæ Domini, & iuſti incedent in eis: præuicatoribus vero corruet in eis. Maiora igitur nobis per colluctationem tentationum laudis cõtulit præmia, benigna

Oſee. 14. erga nos gratia Saluatoris, quàm ſi omnem a nobis neceſſitatem certaminis abſtulſſet. Etenim ſublیمioris præſtationisq; virtutis eſt, perſecutionibus ærumniſq; vallatum, manere ſemper immobilem, & aduerſum ſe ſeuientibus cunctis, certum de præſidio Dei atque intrepidum perdurare, humanisq; incurſibus velut armis inuictæ virtutis accinctum, glorioſiſſime de

al. patiē- **†** impatiētia triumphare, & acquirere quodammodo de infirmitate virtutem, quia virtus in infirmitate perficitur: Ecce enim dedi te, inquit Dominus, in columnam ferream, & in murum æreum ſuper omnem terram regibus Iuda, & principibus eius, & ſacerdotibus, & omni populo terræ, & bellabunt aduerſum te, & non præualebunt, quia ego tecum ſum, ut eruas te, dicit Dominus. Ergo ſecundum veram Domini traditionem, via regia ſuauiſ ac leuiſ eſt, licet dura & aſpera ſentiat. Pie enim ac fideliter ſeruiētes cum tulerint iugum Domini ſuper ſe, & didicerint ab eo, quia mitis eſt & humilis corde, iam quodammodo terrenarum paſſionum ſarcinam deponētes, non laborem, ſed requiem animabus ſuis Domino præſtante reperient, ſicut per Hieremiā prophetam ipſe teſtatus eſt, dicens: State ſuper vias & videte, & interrogate de ſemitis

2. Cor. 12. *Hiere. 1.*

al. patiē- **†** impatiētia triumphare, & acquirere quodammodo de infirmitate virtutem, quia virtus in infirmitate perficitur: Ecce enim dedi te, inquit Dominus, in columnam ferream, & in murum æreum ſuper omnem terram regibus Iuda, & principibus eius, & ſacerdotibus, & omni populo terræ, & bellabunt aduerſum te, & non præualebunt, quia ego tecum ſum, ut eruas te, dicit Dominus. Ergo ſecundum veram Domini traditionem, via regia ſuauiſ ac leuiſ eſt, licet dura & aſpera ſentiat. Pie enim ac fideliter ſeruiētes cum tulerint iugum Domini ſuper ſe, & didicerint ab eo, quia mitis eſt & humilis corde, iam quodammodo terrenarum paſſionum ſarcinam deponētes, non laborem, ſed requiem animabus ſuis Domino præſtante reperient, ſicut per Hieremiā prophetam ipſe teſtatus eſt, dicens: State ſuper vias & videte, & interrogate de ſemitis

2. Cor. 12. *Hiere. 1.*

al. patiē- **†** impatiētia triumphare, & acquirere quodammodo de infirmitate virtutem, quia virtus in infirmitate perficitur: Ecce enim dedi te, inquit Dominus, in columnam ferream, & in murum æreum ſuper omnem terram regibus Iuda, & principibus eius, & ſacerdotibus, & omni populo terræ, & bellabunt aduerſum te, & non præualebunt, quia ego tecum ſum, ut eruas te, dicit Dominus. Ergo ſecundum veram Domini traditionem, via regia ſuauiſ ac leuiſ eſt, licet dura & aſpera ſentiat. Pie enim ac fideliter ſeruiētes cum tulerint iugum Domini ſuper ſe, & didicerint ab eo, quia mitis eſt & humilis corde, iam quodammodo terrenarum paſſionum ſarcinam deponētes, non laborem, ſed requiem animabus ſuis Domino præſtante reperient, ſicut per Hieremiā prophetam ipſe teſtatus eſt, dicens: State ſuper vias & videte, & interrogate de ſemitis

2. Cor. 12. *Hiere. 1.*

al. patiē- **†** impatiētia triumphare, & acquirere quodammodo de infirmitate virtutem, quia virtus in infirmitate perficitur: Ecce enim dedi te, inquit Dominus, in columnam ferream, & in murum æreum ſuper omnem terram regibus Iuda, & principibus eius, & ſacerdotibus, & omni populo terræ, & bellabunt aduerſum te, & non præualebunt, quia ego tecum ſum, ut eruas te, dicit Dominus. Ergo ſecundum veram Domini traditionem, via regia ſuauiſ ac leuiſ eſt, licet dura & aſpera ſentiat. Pie enim ac fideliter ſeruiētes cum tulerint iugum Domini ſuper ſe, & didicerint ab eo, quia mitis eſt & humilis corde, iam quodammodo terrenarum paſſionum ſarcinam deponētes, non laborem, ſed requiem animabus ſuis Domino præſtante reperient, ſicut per Hieremiā prophetam ipſe teſtatus eſt, dicens: State ſuper vias & videte, & interrogate de ſemitis

2. Cor. 12. *Hiere. 1.*

al. patiē- **†** impatiētia triumphare, & acquirere quodammodo de infirmitate virtutem, quia virtus in infirmitate perficitur: Ecce enim dedi te, inquit Dominus, in columnam ferream, & in murum æreum ſuper omnem terram regibus Iuda, & principibus eius, & ſacerdotibus, & omni populo terræ, & bellabunt aduerſum te, & non præualebunt, quia ego tecum ſum, ut eruas te, dicit Dominus. Ergo ſecundum veram Domini traditionem, via regia ſuauiſ ac leuiſ eſt, licet dura & aſpera ſentiat. Pie enim ac fideliter ſeruiētes cum tulerint iugum Domini ſuper ſe, & didicerint ab eo, quia mitis eſt & humilis corde, iam quodammodo terrenarum paſſionum ſarcinam deponētes, non laborem, ſed requiem animabus ſuis Domino præſtante reperient, ſicut per Hieremiā prophetam ipſe teſtatus eſt, dicens: State ſuper vias & videte, & interrogate de ſemitis

2. Cor. 12. *Hiere. 1.*

al. patiē- **†** impatiētia triumphare, & acquirere quodammodo de infirmitate virtutem, quia virtus in infirmitate perficitur: Ecce enim dedi te, inquit Dominus, in columnam ferream, & in murum æreum ſuper omnem terram regibus Iuda, & principibus eius, & ſacerdotibus, & omni populo terræ, & bellabunt aduerſum te, & non præualebunt, quia ego tecum ſum, ut eruas te, dicit Dominus. Ergo ſecundum veram Domini traditionem, via regia ſuauiſ ac leuiſ eſt, licet dura & aſpera ſentiat. Pie enim ac fideliter ſeruiētes cum tulerint iugum Domini ſuper ſe, & didicerint ab eo, quia mitis eſt & humilis corde, iam quodammodo terrenarum paſſionum ſarcinam deponētes, non laborem, ſed requiem animabus ſuis Domino præſtante reperient, ſicut per Hieremiā prophetam ipſe teſtatus eſt, dicens: State ſuper vias & videte, & interrogate de ſemitis

2. Cor. 12. *Hiere. 1.*

al. patiē- **†** impatiētia triumphare, & acquirere quodammodo de infirmitate virtutem, quia virtus in infirmitate perficitur: Ecce enim dedi te, inquit Dominus, in columnam ferream, & in murum æreum ſuper omnem terram regibus Iuda, & principibus eius, & ſacerdotibus, & omni populo terræ, & bellabunt aduerſum te, & non præualebunt, quia ego tecum ſum, ut eruas te, dicit Dominus. Ergo ſecundum veram Domini traditionem, via regia ſuauiſ ac leuiſ eſt, licet dura & aſpera ſentiat. Pie enim ac fideliter ſeruiētes cum tulerint iugum Domini ſuper ſe, & didicerint ab eo, quia mitis eſt & humilis corde, iam quodammodo terrenarum paſſionum ſarcinam deponētes, non laborem, ſed requiem animabus ſuis Domino præſtante reperient, ſicut per Hieremiā prophetam ipſe teſtatus eſt, dicens: State ſuper vias & videte, & interrogate de ſemitis

ſemitis an
uenietis re
nuo praua
videbunt.
in Edang
boratis &
bus victio
meum ſe
via Dom
qui dolo
procura
peruerſa
ri. Cum
mini ſe
vel de
cauſam
Deum
cum du
bis reſ
nonne
re vol
caſtim
bris;
nis qu
noſtra
bus c
ac n
onſ
Qu
P
miſ
aur
lio
in
riſſ
pi
In
ſa
qu

temitis antiquis, quæ sit via bona, & ambulate in ea, & invenietis refrigeriũ animabus vestris. sicut namque eis cõtinuo prava in directã, & aspera in vias planas, & gustantes videbunt, quoniã suavis est Dominus, audientesq. Christũ in Evangelio proclamantem: Venite ad me omnes qui laboratis & onerati estis, & ego reficiã vos; depositis ponderibus viciõrum, ea quæ sequuntur intelligent: Quia iugum meum suave, & onus meũ leue est. Habet ergo refrigerium via Domini, si secundũ legẽ ipsius teneatur. Sed nos sumus qui dolores nobis atque tormẽta, turbulentis distentionibus procuramus, dum malum vias sæculi huius pravas atque perverfas, etiam cũ summo discrimine ac difficultate sectari. Cum vero hoc modo graue nobis ac durum iugum Domini fecerimus blasphemiam spiritui, vel de ipsius iugi, vel de Christi, qui illud imponit, duritia atque asperitate causamur, secundũ illud: Insuperbia viri corrumpit vias eius: Deum autẽ causatur in corde suo. Et secundũ prophetam, cum dixerimus, quia via Domini non dirigit, congrue nobis respondetur a Domino: Numquid via mea non dirigit? nonne magis viæ vestræ sunt pravae? Et revera si comparare volueris suaveolentem virginitatis florem, & tenerimã castimoniz puritatem, tetris ac fœtidis libidinum volutabris; quietẽ securitatemq. monachorũ, periculis & ærumnis quibus mundi huius homines implicantur, paupertatis nostræ requiem, edacibus diuitum tristitijs ac peruvigilibus curis, quibus non absque summo vitæ periculo diebus ac noctibus consumuntur, suavissimum iugum Christi onusq. levissimum facillime comprobabis.

Quemadmodum perfecte renuntiantibus centuplum in hoc mundo repromittatur. Cap. XXVI.

Proinde etiam illa retributio præmiorum, qua perfecte renuntiantibus in hac vita centuplum Dominus repromisit, dicens: Et omnis qui reliquerit domum, vel fratres aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet in præsentem, & vitam æternam possidebit; recte atque verissime eodem sensu absque vlla fidei perturbatione suscipitur. Multũ enim occasionem huius sententiæ nacti crasso intellectu hæc in illo mille annorum tempore carnaliter sanctis restituenda confirmant, cum vtrique illud sæculum, quod post resurrectionem futurum dicunt, præsens intel-

Esa. 40.

Psal. 33.

Matt. 12.

Ibid.

Prov. 18.

sec. lxx.

Ezech. 18

sec. lxx.

Matt. 19.

Marc. 10.

ligi non posse fateantur. Multo ergo credibilius multoq. manifestus est, cum qui aliquid sæcularium vel affectuum vel bonorum Christo luadente cõtempserit, a fratribus atque confortibus propositi sui, qui ei spiritali glutino colligantur, centuplo gratiorem etiam in hac vita recipere charitatem. Hanc siquidem quam inter parentes ac filios atque germanos, coniuges vel propinquos, siue societas copulæ seu cõsanguinitatis necessitudo coniungit, satis breuem esse constat ac fragilem. Denique etiam boni ac pij cum adoleuerint filij, a parentum domibus nonnumquã ac substantijs excluduntur, cõmunio quoque confortij coniugalis interdum etiam honesta causa interueniente diuellitur, fratres dirimit facultatum contentiosa diuisio. Monachi soli perpetuæ coniunctionis retinent uirginitatem, atque indiserete possident vniuersa, qui omnia sua esse quæ fratrum, omnia fratrum credunt esse, quæ sua sunt. Si ergo istis quibus carnalis charitas copulatur affectibus, dilectionis nostræ gratia conferatur, profecto centuplo hæc dulcior atque sublimior est. Recipietur sane etiam de continentia coniugali maior centuplo suauitas, ab illa quæ eis inuicem per commixtionem sexuum præbeatur. Pro lætitia quoque illa quã in vnius agri ac domus possessione quis habuit, centuplo maiore diuitiarum gaudio perfruetur, qui in adoptionem transiens filiorum Dei, vniuersa quæ æterni sunt patris, ut propria, possidebit, & affectu atque uirtute ad imitationem ueri illius filij proclamabit: Omnia quæ habet pater, mea sunt. Nec iam cum illa pœnali distentionis ac sollicitudinis cura, sed securus ac lætus uelut in proprijs ubique succedet, audiens quotidie sibi met ab Apostolo prædicari: Omnia enim uestra sunt, siue mundus, siue præsentia, siue futura. Et a Salomone: Fidelis uiri totus mundus diuitiarum. Habes ergo istam centupli retributionem, in magnitudine meriti, & in discreatione tam incomparabilis qualitatis expressam. Neque enim si pro æris aut ferri, aut uilioris cuiusquam metalli certo pondere, tantundem ponderis auri quispiam reddidisset, non etiam amplius quàm centuplum restituisse uideretur; ita cum pro contemptu uoluptatum atque affectuum terrenorum, spiritale gaudium & pretiosissimæ charitatis iucunditas repensatur, etiam si ipse sit numerus, centuplo tamen hæc maior atque præclarior est. Atque ut hoc euidentius crebra repetitione redda-

Ephes. 1.

Ioan. 16.

1. Cor. 3.

Prov. 17.

sec. lxx.

reddatur,
debam, ha
sti dilectio
uir meritu
turbatione
stentione
ius sæculi
vanitate
vbertate
tione cen
ac lubri
rantur,
probabi
rar ad d
figuram
gnitudi
rere uic
mur ad
pro co
sæculo
Euang
mum,
agros
centie
rores.
in sæ
trum
vniu
temp
ceris
tresce
ctos
ne e
iect
pri
iur
Do
qu
ru
F
C

reddatur, uxorem antea in passione fragilis desiderij possidebam, hanc eandem in honore sanctificationis & vera Christi dilectione possideo. Vna est mulier, sed centuplum creuit meritum charitatis. Si autem & pro ira ac furoris perturbatione, iugem animi lenitatem; pro sollicitudinis ac distentionis angore, securitatis quietem; pro infructuosa huius sæculi pœnaliq. tristitia, salutaris tristitiæ fructum pro vanitate lætitiæ temporalis, gaudij spiritualis appenderis vbertatem, retributionem in horum affectuum commutatione centuplam peruidebis. Et si vniuscuiusque vitij breui ac lubricæ uoluptati contrariarum virtutum merita conferantur, centuplo esse meliora multiplicata iucunditas approbabit. Centenarius enim numerus de sinistra transferatur ad dextram, & licet eandem in supputatione digitorum figuram tenere videatur, nimium tamen quantitatis magnitudine supercrescit. Fieri enim ut qui hœdi formam gerere uidebamur in leua, onis meritum translati consequamur ad dextram. Nunc ad quantitatem earum rerum, quas pro contemptu mundialium commodorum nobis in hoc sæculo Christus restituit, transeamus, præcipue secundum Euangelium Marci ita dicentis: Nemo est qui reliquit domum, aut fratres, aut sorores, aut matrem, aut filios, aut agros propter me & propter Euangelium, qui non accipiet centies tantum nunc in tempore hoc, domos, fratres & sorores, & matres, & filios, & agros cum persecutionibus, & in sæculo futuro vitam æternam. Centuplam namque fratrum, parentumve recipiet quantitatem, quisquis patris vnius vel matris seu filij pro Christi nomine charitate contempta, in omnium qui Christo deseruiūt dilectionem sincerissimam transit, pro vno scilicet tot inueniēs patres, fratresq. feruentiore ac præstantiore sibi affectione deuotus. Multiplicata etiam domorum atque agrorū possessione ditabitur, quisquis vna domo pro Christi dilectione reiecta, innumera monasteriorum habitacula tamquam propria possidebit, in quacumque orbis parte velut in suo iure succedens. Quomodo enim non centuplum; & (si Domini nostri sententiæ superadijci aliquid fas est) plus quàm centuplum recipit, qui decem vel viginti seruorum ministeria infida & coactitia derelinquens, tot ingenuorum ac nubilium spontaneo fulcitur obsequio. Quod ita esse etiam vestris experimētis probare potuistis.

1 Thess. 4

Matt. 29

Marc. 10

qui singulis patribus matribusq. ac domibus derelictis, quamlibet mundi partem fueritis ingressi, patres, matres, fratresq. innumeros, domos quoque, & agros, seruosq. fidelissimos, absque vilo sollicitudinis labore conquiritis, qui vos vt proprios dominos summis suscipiunt, amplectuntur, fouent, venerantur officijs. Sed hoc tam sancto ministerio merito ac fiducialiter perficiuntur, qui prius in seruitutem fraternitatis semetipsos suaq. omnia voluntaria deuotione

Matt. 7. subdiderint. Recipient enim secundum sententiam Domini libere, id quod ipsi alijs dependerunt. Quisquis autem hac humilitate sincera consortibus suis ante non detulit, quomodo deferri sibi ab alijs patienter admittet, cum grauari se eorum obsequijs intelligat potius quam foueri, quia accipere mauult fratrum quam deferre famulatum? Hæc tamen omnia non cum remissa securitate nec cum inerti oblectatione percipiet, sed secundum verbum Domini, cum persecutionibus, id est, cum pressuris seculi huius, ac summis angoribus passionum, quia sicut ille sapientissimus cõtestatur: Qui suauis & sine dolore est, in egestate erit. Regnum etenim cælorum non desides, non remissi, non delicti, non teneri, sed violenti diripiunt. Qui ergo hi violenti sunt? Nempe illi qui non alijs, sed voluntatibus suis præclaram inferunt violentiam, qui direptione laudabili omni se præsentium rerum voluptate fraudantes, voce Dominica egregij direptores pronuntiantur, & per huiuscemodi rapi-

Mar. 10 nam regnum cælorum violententer inuadunt. Regnum enim cælorum, secundum sententiam Domini, vim patitur, & violenti, diripiunt illud. Isti profecto sunt laudabiles violenti, qui vim faciunt perditioni suæ. Homo enim, vt scriptum est, in laboribus laborat sibi, & vim facit perditioni suæ. Perditio nostra est oblectatio vitæ præsentis, & (vt expressius dicam) executio desideriorum voluntatumq. nostrarum, quas si quis ab anima sua subtraherit ac mortificauerit, gloriosam profecto & vtilem perditioni suæ vim facit, abnegans dumtaxat ei iucundissimas voluntates, quas per prophetam

Matt. 11 sermo diuinus frequenter inculcat, dicens: Quia in diebus ieiunij vestri inuenitur voluntas vestra. & iterum: Si auerteris a sabbato pedem tuum, facere voluntatem tuam in die sancto meo, & glorificaueris cum dum non facis vias tuas, & non inuenitur voluntas tua vt loquaris sermonem. Cui etiam quanta beautudo promittatur, cõfestum propheta sub-

Prou. 14.
sec. lxx.
Esa. 58.
Ibid.

in subiung
& sustollar
durate Iaco
circo Dom
rum volun
facere volu
me. & iter
tem illi s
res, sentie
suo agunt
Postremo
ne obsecr
qui fideli
mine eia
humana
ia perse
bus suan
spicabili
pro con
sent? P
mouere
potius
confusa
riofius
in illa c
mus p
Christi
factus
mund
pore
vener
exper
que p
li be
dela
cogi
in sic
dit,
dig
rur
uik

ta subiungit: Tunc, inquit, delectaberis super Dominum, *ibid.*
 & sustollam te super altitudinem terræ, & cibabo te hereditate Iacob patris tui: os enim Domini locutum est. Et idcirco Dominus noster atque Saluator, ut nobis amputandarum voluntatū nostrarum formā traderet: Nō veni, inquit, *Ioan. 6.*
 facere voluntatem meam, sed voluntatem eius, qui misit me. & iterum: Nō sicut ego volo, sed sicut tu. Quam virtutem illi specialiter exercent, qui in cœnobijs commorantes, senioris reguntur imperio, qui nihil omnino arbitrio suo agunt, sed voluntas eorum ex voluntate pēdet abbatis. *Matt. 26.*
 Postremo ut iam disputationis huius sermo claudatur, nōne obsecro etiam in hoc centuplam gratiam evidentissime qui fideliter Christo deseruiunt consequuntur, dum pro nomine eius a summis principibus honorantur, ac licet ipsi humanam gloriam non requirant, venerabiles tamen etiā in persecutionem angustijs iudicibus cunctis ac potestatibus sunt, quorum vilitas etiam mediocribus forsitan despicibilis esse potuisset, vel pro obscuritate natalium, vel pro condicione seruili, si in seculari conuersatione mansissent? Pro Christi autē militia nemo status calumniā commouere, nemo obscuritatē generis audebit opponere; quin potius illis ipsis vilissimæ condicionis opprobrijs quibus confundi & dehonestari ceteri solent, Christi famuli gloriosius adornantur. Quod evidentius in abbate Ioanne, qui in illa eremo, quæ Lyco oppido adiacet, cōmoratur, possumus approbare. Qui per obscuris maioribus natus, ita pro Christi nomine vniuerso pene humano generi admirabilis factus est, ut eū ipsi quoque rerum præsentium domini, qui mundi & huius atque imperij gubernacula retinētes, etiam *al. ins.*
 potentibus cunctis regibusq. terrori sunt, velut dominum venerentur, & oracula eius de tam longinquis regionibus expetentes, imperij sui apicem & statum salutis, bellorumque prouentus illius orationibus meritisq. committant. Tali beatus Abraham de illusionis nostræ vel origine vel medela disputatione disseruit, atque oculis quodāmodo nostris cogitationum quas diabolus auctor ingesserat propalauit insidias, nosq. ad desiderium veræ mortificationis accendit, quo etiam multos, licet incompro hæc omnia sermone digesta sint, credimus inflammandos. Nam licet summorum patrum flagrantissimos sensus tepida eloquij nostri fauilla contexerit, plurimorum tamen algorem qui remotis

verborum cineribus viuacitatem latentium sensuum susci-
tate voluerint, calefaciendum putamus. Sed ad vos, o sancti
fratres, nō utique hunc ignem, quem Dominus venit mitte-
re in terram, & quem nimium ardere desiderat, ita spiritu
presumptionis elatus emisi, vt quasi seruētissimum propo-
situm vestrum caloris huius adiectione succenderem, sed
vt vobis maior apud filios esset auctoritas, si id quod ipsi
non mortuo verborum sono, sed viuo doctis exemplo, et a
summorum atque antiquissimorum patrum præcepta con-
firmēt. Superest vt me periculossima hactenus tempestate
iactarum, nunc † ad tutissimum silentij portum spiritalis
orationum vestrarum aura comitetur.

al. in tu-
tissimo si-
lentij portu
orationū
vestrarū
ausela cō-
seruet.

COLLATIONVM XXIV. A

Ioanne Cassiano conscriptarum

F I N I S.

S. PACHOMII

R E G V L A

A S. HIERONYMO IN LATINVM

SERMONEM CONVERSA.

Præfatio Sancti Hieronymi.



QUAMVIS acutus gladius & leuigatus, si diu in vagina conditus fuerit, sordeſcit rubigine, & ſplendorē priſtini decoris amittit. Vnde ego mærens ſuper dormitione ſanctæ & venerabilis Paulæ, nō quo contra præceptum Apoſtoli facerem, ſed quo multorū incifa illius morte refrigeria ſu-

1. Theſſ. 4

ſpirarem, accepi libros ab homine Dei Siluano præſbytero mihi directos, quos ille Alexandria miſſos ſuſceperat, vt mihi iniungeret transferendos. Aiebat enim quōd in Thebaidis cœnobijs, & in monaſterio ꝑ Metanæ, quod de Tanobo in Pœnitentiam feliciſ nominis conuerſione mutātū eſt, habitarent plurimi Latinorum, qui ignorarent Ægyptiacum Græcumq. ſermonem, quo Pachomij & Theodori & Orſieſij præcepta conſcripta ſunt. Qui primi per Thebaidem & Ægyptum cœnobiorum fundamenta iecerunt iuxta præceptum Dei, & angeli, qui a Deo ſub hanc ipſam inſtitutionē miſſus fuerit. Itaque quia diu tacueram, & dolorem meum ſilentio deuoraram, vrgebant autem miſſi ad me ob hanc ipſam cauſam Leontius præſbyter, & ceteri cū eo fratres, accito notario, vt erant de Ægyptiaca in Græcam linguam verſa noſtro ſermone dictaui, vt & tantis viris imperantibus ne dicam rogantibus obedirem; & bono, vt aiunt, auſpicio longum ſilentium rumperem, reddens me priſtinis ſtudijs, & ſanctæ feminæ refrigerans animam, quæ monaſteriorum ſemper amore ſtagrauit, & quod viſura erat in cælo, hoc in terris meditata eſt. Venerabilis quoque virgo Chriſti Euftochiū haberet, quod ſororibus ꝑ agendum

*Metanæ
Latine eſt
pœnitentia.*

f. legendū

tribue-

tribueret, hostiique fratres Ægyptiorum, hoc est, Tabennensium monachorum exempla sequerentur, qui habent per singula monasteria patres, & dispensatores, & hebdomadarios, ac ministros, & singularum domorum præpositos, ita ut in una domo quadraginta plures minusve fratres habitent, qui obediat præposito; sicutque pro numero fratrum triginta, vel quadraginta domus in uno monasterio, & ternæ vel quaternæ domus in unam tribum fœderentur, ut vel ad opera simul vadant, vel in hebdomadarum ministerio sibi succedant per ordinem. Quicumque autem monasterium primus ingreditur, primus sedet, primus ambulat, primus psalmum dicit, primus in mensa manum extendit, prior in ecclesia communicat, nec ætas inter eos quaeritur, sed professio. Nihil habent in cellulis præter psalterium & duo lebitonaria (quod Ægyptijs monachis genus vestimenti est sine manicis) & unum iam attritum ad dormiendum vel operandum, & amictum lineum, cucullasque duas & caprinam pelliculam; quam meloten vocant, balteolum lineum & caligas, ac baculum itineris socium. Ægrotantes miris sustentantur obsequijs, & ad omnem copiam præparatis cibis: famini maiori pollent abstinencia. Bis in hebdomada, die quarta & sexta sabbati, ab omnibus ieiunatur, excepto pentecoste. Alijs diebus comedunt qui volunt post meridiem, & in cœna similiter mensa ponitur propter laborantes, senes & pueros, ætatisque gravissimos. Sunt qui secundo parum comedunt, alij qui prandij, siue cœnæ uno tantum cibo contenti sunt. Nonnulli gustato paululum pane egrediuntur. Omnes pariter comedunt; qui ad mensam ire noluerit, in cellula sua panem tantum, & aquam, ac sal accipit, siue uno die voluerit, siue biduo. Cumque maior, vel stans prior in gradu, manu percusserit, de scripturis quidpiam reuoluens memoriter, ut oratio finitur, nullus confurgit tardius, sed omnes pariter eleuantur. Nemo aspicit alterum operantem, vel orantem, sed defixis luminibus unusquisque in suo opere intentus est, &c.

INCIPIT REGULA

S. PACHOMII.



HEC sunt præcepta vitalia ꝛ tribus a maioribus tradita.

Pachomio, Theodoro, Orsilio.

Si acciderit vt psallendi tempore, vel orandi; aut in medio lectionis aliquis loquatur, aut rideat, soluet cingulum, & inclinata ceruice manibus ad inferiora depressis stabit ante altare, & a prin-

cipe monasterij increpabitur. hoc idem faciet & in conuentu fratrum, cum ad vescendum pariter conuenerint.

Quando ad collectam tuba insonuerit per diem, qui vna oratione tardius venerit, superioris increpationis ordine increpabitur, & stabit in loco conuiuij. Noctu vero quia corporis infirmitati plus aliquid conceditur, qui post ꝛ tres orationes venerit, eodem, & in collecta, & in vescendi loco, ordine corripierur.

f. duas

Quando in collecta orant fratres, nemo egrediarur absque iussione maioru, nisi interrogauerit, concessumq. ei fuerit exire pro naturæ necessitate.

Omnes memoriter retexent quæ sibi fuerint imperata, de quibus si quis oblitus aliquid fuerit, aut hæsitauerit in dicendo, negligentia & obliuionis increpabitur.

In die Dominica in collecta in qua offerenda est oblatio, absque præposito domus, & maioribus monasterij qui alicuius nominis sunt, nemo psallendi habeat potestatem. Psallente autem quolibet de maioribus, id est, dicente responsum, si quis defuerit, statim ante altare poenitentia & increpationis ordinem sustinebit.

De collecta in qua offerenda est oblatio, qui sine præcepto maioris exierit, statim increpabitur.

Mane per singulas domos finitis orationibus, non statim ad suas cellas reuertentur, sed conferent inter se quæ præpositos audierint disputantes, & intrabunt cubilia sua. Disputatio autem a præpositis domorum per singulas hebdomadas tertio fiet, & in ipsa disputatione sedentes, siue stantes fratres suum ordinem nõ mutabunt, iuxta domorum ordinem, & hominum singulorum.

8 Si quis

- 8 Si quis dormitauerit sedens, præposito domus vel monasterij principe disputante, surgere statim compellitur, & tamdiu stabit, donec ei videatur vt sedeat.
- 9 Quando signum insonuerit, vt conueniant & audiant præcepta maiorum, nullus remanebit; nec succendetur focus antequam disputatio compleatur. qui vnum mandatum de his præterierit, prædictæ correptioni subiacebit.
- 10 Dimissa collecta singuli egredientes vsque ad cellulas suas, & vsque ad vespendi locum de scripturis aliquid meditabuntur, nullusq. habebit opertum caput meditationis tempore.
- 11 Cum autem ad vespendum venerint, sedebunt per ordinem statutis locis, & operient capita. Statim vt tibi a maiore fuerit imperatum, vt de alia mensa ad aliam transeas, ire debebis in nullo penitus contradicens. Nec ante præpositum domus tuæ manum in mensa extendas, nec circumspicias vespentes alios. Vnusquisque præpositorum docebit in domo sua quomodo debeant cum disciplina & mansuetudine comedere. Quod si quis vel locutus fuerit, vel riserit in vespendi tempore, ager pœnitentiam, & in eodem loco mox increpabitur, & stabit donec surgant alij de vespendo.
- 12 Si quis ad comedendum tardius aduenerit, excepto maioris imperio, similiter ager pœnitentiam, aut ad domum ieiunus reuerteretur.
- 13 Si aliquid necessarium fuerit ad mensam, nemo audebit loqui, sed ministrantibus signi sonitum dabit.
- 14 Si egressus fueris a cibo, ne loquaris in redeundo, donec ad locum tuum perueneris.
- 15 Ministri absque his, quæ in comune fratribus præparata sunt, nihil aliud comedant, nec mutatos cibos sibi audeant præparare.
- 16 † Qui percutit ad vespendum, dum congregantur fratres, meditetur aliquid in pereutiendo.
- 17 Qui ante fores cœuiui egredientibus erogat fratribus dulciamina, in tribuendo meditetur aliquid de scripturis.
- 18 Qui suscipit ea, quæ dantur non in cuculla, sed in pelle accipiat, neque gustabit de his, quæ acceperit, donec ad domum peruenerit. Ipse autem qui ceteris diuidit, suam partem a præposito accipiet. Quod & ceteri ministri faciant accipientes ab alio, & nil sibi suo arbitrio vindicantes.

*id est, qui
signum dant*

tantes.
quod si
ad min
sunt, a
19 Si de
licenti
aliqui
nium v
deside
derint
20 Nu
tat. Q
clinu
aut
scend
stis
cella
nistr
Non
ferre
21 C
tibu
22 V
lus
23 S
vel
sid
eo
ca
a
la
24
25
26

- cantes. Nemini plus alteri dabit, quàm alter acceperit. quòd si obtenditur infirmitas, præpositus domus perget ad ministros ægrotantium, & ab his, quæ necessaria sunt, accipiet.
- 19 Si de ipsis ministris aliquis ægrotauerit, non habebit licentiam introeundi in coquinam, vel cellarium, & sibi aliquid auferendi, sed ei ceteri ministri id quod necessarium viderint, dabunt. nec permittitur coquere sibi quod desiderabit, sed præpositi domorum, quæ necessaria viderint ei, ab alijs ministris accipient.
- 20 Nullus introeat locum ægrotantium, qui non ægrotat. Qui ægrotauerit, a præposito domus ducetur in trichinium ægrotantium. quòd si opus habuerit palliolo, aut tunica, aut ceteris quæ ad operiendum, vel ad vespandũ necessaria sunt, ipse præpositus accipiet a ministris, & dabit ægrotanti. Nec poterit languidus ingredi cellam vescientium, & comedere, quæ desiderat, nisi a ministro, qui huic rei præpositus est, ducatur ad vespandũ. Non ei licebit de his, quæ acceperit in loco ægrotantiũ, ferre ad cellulam suam, nec pomum quidem.
- 21 Qui pulmentatia coquunt, ipsi nihil gustantes edentibus ministrabunt.
- 22 Vinum, & liquamen, absque loco ægrotantium nullus attingat.
- 23 Si aliquis eorum, qui peregre mittuntur, in itinere, vel in via ægrotauerit, & habuerit necessitatem, siue desiderium comedendi liquamen de piscibus, vel aliquid eorum, quæ comedere non consueuerunt, non manducabit cum fratribus ceteris, sed separabitur, & dabitur ei a ministris ad omnem abundantiam, vt in nullo frater languidus contristeretur.
- 24 Ægrotantẽ absque cõcessu maioris nullus audeat visitare, nec propinquus quidem atque germanus sine imperio præpositi domus ministrandi habebunt potestatem.
- 25 Si vnum ex his, ab aliquo fuerit prætermissum atque neglectum, increpatione solita emendabitur.
- 26 Si quis accesserit ad ostium monasterij. volens sæculo renuntiare, & fratrum congregati numero, non habebit intrãdi potestatem; sed prius nuntiabitur patri monasterij, & manebit paucis diebus foris ante ianuam, & docebitur orationẽ Dominicã, & psalmos quantos potuerit discere,

discere, & diligenter sui experimentum dabit, ne forte aliquid fecerit, & turbatus ad horam discesserit, aut sub aliqua potestate sit, & vtrum possit renuntiare parentibus suis, & propriam facultatem contemnere. Si eum viderint aptum ad omnia, tunc docebitur & reliquas monasterij disciplinas, quas facere debeat, quibusque seruire siue in collecta omnium fratrum, siue in domo cui tradendus est, siue in vescendi ordine, & instructus atque perfectus in omni opere bono fratribus copuletur. Tunc nudabunt eum vestimentis secularibus, & induent habitum monachorum. tradetur ostiario, ut orationis tempore adducat eum in conspectum omnium fratrum. sedebit in eo loco, in quo ei praeceptum fuerit. vestimenta autem, quae secum detulerat, accipient qui huic rei praepositi sunt, & inferentur in repositorio, & erunt in potestate principis monasterij.

27 Nemo mauens in monasterio suscipiendi quempiam ad vescendum habet potestatem, sed mittet eum ad ostium xenodochij, & suscipiatur ab his, qui huic rei praepositi sunt.

28 Quando ad ostium monasterij aliqui venerint, si clerici fuerint, aut monachi, maiori honore suscipiantur. lauant pedes eorum, seruabunt Euangelij praecepta, & deducunt ad locum xenodochij. praebeunt omnia, quae apta sunt vsui monachorum. Quod si voluerint orationis tempore atque collectae venire ad cœuentum fratrum, si eiusdem fidei fuerint, minister xenodochij nuntiabit patri monasterij, & sic deducuntur ad orandum.

29 Si seculares homines, aut debiles, aut vasa infirmiora, id est, mulierculae venerint ad ostium, suscipient singulos in diuersis locis iuxta ordinem propositi, & sexus sui, praecipue feminas maiori honore & diligentia curabunt, cum omni timore Dei, & locum separatam ab omni virorum viciuia eis tribuent, ut nulla sit occasio blasphemandi. Quod si ad vesperam venerint, abijcere eas nefas est, sed accipient, ut diximus, separatam locum, & clausum cum omni disciplina atque cautela, ut grex fratrum libere suo officio seruiat, & nulli detur offendiculum detrahendi.

30 Si quis ante ostium steterit monasterij dicens se velle videre fratrem suum, vel propinquum, ianitor nuntiabit patri

patri m
rum do
comite
mitte
re aliq
licita
rotem
cum p
accip
31 Si
te, ian
citum
cuius
ut vis
praep
32 Qu
tur i
cier,
de
cibo
tue
gust
pian
par
tum
pos
33
fue
pa
34
iu
st
n
n
35
- 21
s
22

- patri monasterij, & ille accitum interrogabit præpositum domus, si apud eum sit, & permittente eo accipiet comitem egressionis suæ, cuius fides probata est, & sic mittetur ad fratrem videndum, vel ad proximum. Si forte aliquid attulerit ciborum, quibus in monasterio vesci licitum est, suscipere ipse non poterit, sed vocabit ianitorum, & ille allata suscipiet: quæ si talia fuerint, quæ cum pane vescenda sint, nihil horum in quibus allata sunt, accipiens, sed cuncta ad loca ægrotantium deferentur.
- 31 Si fuerit nuntiatum quod de propinquis quis ægrotet, ianitor primus nuntiabit patri monasterij, & ille accitum interrogabit præpositum domus. Videbunt virum cuius fides & disciplina probata sit, & mittent cum eo, ut visitet ægrotantem. tantum accipiet viatici, quantum præpositus domus eius decreuerit.
- 32 Quod si necessitas impulerit, ut foris maneat, & vescatur in paterna aut in propinquorum domo, hoc non faciet, sed manebit in *† Dominico*, vel in monasterio eius. *id est, in*
*dē * fidei*: Quod si ei adfines vel cognati præparauerint *ecclesiis*
 cibos & apposuerint, nec accipient omnino, nec vescen- *vel locis*
 tur nisi his quæ in monasterio edere consueuerunt, non *Dominio*
 gustabunt liquamen, nec vinum bibent, nec aliud quid- *consecra-*
 quam quorum edendi non habent consuetudinem. Si a *tis*.
 parentibus quidpiam acceperint, tantum comedent quan- ** Hieron.*
 tum in via sufficit. Cetera quæ remanserint, dabunt præ- *epist. 77.*
 posito domus suæ, & ille portabit in cellam languentiū. *Non mihi*
- 33 Si propinquus alicuius, aut consanguineus mortuus *cōceditur*
 fuerit, prosequendi funus non habebit potestatem, nisi *vnus an-*
 pater monasterij præceperit. *gulus Ere-*
- 34 Nullus solus mittatur foras ad aliquod negotium, nisi *mi: quori-*
 iuncto ei altero. Quando autem reuersi fuerint in mona- *dic, expo-*
 sterium, si viderint ante ostium querentem aliquem suo *scor fidē,*
 rum affinium de his, qui in monasterio commorantur, *quasi sine*
 non audebunt ire ad eum & nuntiare, vel vocare. & om- *fide rena-*
 nino quidquid foris gesserint, aut audierint, in monaste- *rus sim.*
 rio narrare non poterunt. *Confiteor*
- 35 Si signum datum fuerit ut egrediantur ad opus, præpo- *ut volūti*
 situs antecedit eos, & nullus in monasterio remanebit, *nō placet.*
 nisi is cui pater præceperit; & hi qui vadunt, quo pergunt *Subscribo:*
 non interrogabunt, sed vnusquisque de scripturis aliquid *nō credūt,*
 meditabitur. Si forte aliquis eis occurrerit, vel voluerit
 cum

cum aliquo eorum loqui, præpositus, vel alius cui hoc iniunctum fuerit, occurrentibus respondebit. Operantes nihil loquantur sæculare, sed aut meditentur, quæ sancta sunt, aut certe silebunt. Nemo palliolum tollet secum vadens ad operandum, nisi concessione maioris. Operans non sedebit sine maioris imperio. Omnia autem fementa post operationem ad domum reportabuntur.

36. Absque præpositi iussione nemo fratrum, si necessarium habuerit, aliquem mittere poterit. quod si ipse qui maior est, cogitur necessitate ire ad aliquem locum, officium suum ei qui post se est in ordine, delegabit.

37. Si quis lauare voluerit vestimentum, cōmonebit præpositum suum, & ille mitter cum eo alium, & lora veste reuertuntur domum, & siccaram reponit ille, cui hoc iniunctum est.

38. Nullus de horto tollat olera, nisi ab hortulano acceperit.

39. Palmarum folia vnde texuntur sportæ, nemo suo iure tollat, absque eo cui palmæ sunt creditæ.

40. Nullus vvas, aut spicas adhuc in maturas comedere audeat præter ordinem disciplinæ, & omnino de omnibus quæ in agro sunt vel in pomario nemo comedet separatim antequam cunctis fratribus pater exhibeat.

41. Qui coquent, ante quam fratres comedant, non audebunt edere.

42. Qui super arbores pomarias, & super vineas sunt, non comedent de fructibus earum, nisi fratres prius comederint. Si iussi fuerint pomorum vel vinearum fructus colligere, præpositus colligentium dabit in eodem loco singulis ad vescendum modica: & cum ad monasterium venerint, inter ceteros fratres partes suas accipient. Si autem inuenerint sub arboribus poma cecidisse, comedere non audebunt, sed inuenta in transitu iuxta radices arborum collocabunt. Ipse quoque, qui ceteris colligentibus distribuit, gustare non poterit, sed portabit ad dispensatorem, qui cum ceteris dederit, & ipsi tribuat partem suam.

43. Nullus in cella sua reponat aliquid ad vescendum absque his, quæ a dispensatore acceperit.

44. Qui nolunt in commune vesci cum ceteris, quasi maioris abstinentiæ se dicantes, quando edere debuerint quod

- quod eis vna die sufficiat, panem & sal accipiant tantum. Præter monasterij autem coquinam nulli coquendi cibos habeant potestatem.
- 45 Nemo in cella sua habeat præter ea, quæ monasterij lege præcepta sunt, nec paucos nummos, nec proprium aliquid. extra habitum suum si quid inueneris, absque contradictione auferes.
- 46 Si quis transfertur de domo in alteram domum, excepto ea, quæ vsui quotidiano ad habitum necessaria sunt, secum transferre nihil poterit.
- 47 Nullus neque ambulandi in monasterio, neque extra murum monasterij procedendi habeat facultatem, nisi interrogauerit præpositum, & ille concesserit.
- 48 Cauendū est autem, ne quis de domo in alterā domum verba transferat, nec de monasterio in monasteriū, nec de monasterio in agrum, nec de agro in monasterium.
- 49 Si quis ambulauerit in via, vel nauigauerit, aut operatus fuerit foris, non loquatur in monasterio, quæ ibi geri viderit.
- 50 Non dormiat præter reclinem sellulam; cumq. ad dormiendum se collocauerit, alteri non loquatur. postquā obdormierit, si post somnum nocte euigilauerit, oret.
- 51 Si ieiunij instat dies, & sitire cœperit, bibere non audebit.
- 52 Nemo lauare alterum poterit aut vngere, nisi ei fuerit imperatum.
- 53 Nemo in tenebris alteri loquetur. Nullus cum altero dormiat. Manum alterius nemo teneat. Siue ambulauerit, siue sederit, aut steterit, vno cubito distet ab altero.
- 54 Nullus attondeat caput absque maioris arbitrio.
- 55 Mutare de his, quæ a præposito acceperit cum altero nemo audebit, nec accipiet melius, & dabit deterius; aut e contrario dans melius, deterius accipiet: & in vestimento & in habitu suo nil noui præter ceteros causa decoris inueniet.
- 56 Nemo vadens in congregationem ad vescendum, dimittat codicem non ligatum. Codices post nonam attendat, ad quem pertinet.
- 57 Si quis fratrum læsus fuerit, aut percussus, tamen lectulo non decumbit, sed ambulat inualidus, & aliqua re indigebit, vestimento, vel palliolo, & ceteris vtensilibus,

præpositus accipiet, & dabit. Cumq. sanus fuerit, reportabit sine mora vlla.

58 Nemo ab altero accipiet quidpiâ, nisi præpositus iusserit.

59 In villam nullus vadat nisi missus. super nudû dorsum asini duo pariter nō sedebūt, nec super remonē plaustrī.

60 Ad officinas diuersarum artium soli pergent præpositi, vt accipiant quod necessarium est.

61 Ad alterius cellulam intrare nullus audebit.

62 Commendatum aliquid etiam a germano fratre nullus accipiat.

63 Nihil in cella sua absque præpositi iussione quispiam condet, nec poma quidem.

64 Si præpositus profectus fuerit, aut alter præpositus, aut qui secūdus est, curâ proficiscentis exerceat, vel quē ipse præpositus elegerit de fratribus, & curâ ei suâ iniūxerit.

65 Quando farinâ cōspargunt aqua, & massam subigunt, nemo alteri loquatur. & quando tabulis ad furnū deportant panes, simile silentium habebunt; tātum de psalmis aut de scripturis aliquid meditabuntur, donec opus impleant. Si quid necessariū fuerit, non loquantur, sed dent signū his, qui possunt adferre, quę necessaria sunt. Quando ad miscendam farinam vocati fuerint, nullus resedeat in loco panes coquentium, exceptis his, qui coctioni sufficient, & quibus iussum fuerit.

66 In nauibus similis disciplina est. Nemo a terra soluit nauigij funiculum, nec mouet nauigium absque iussione patris. In interiore parte naus ceteris fratribus super trāstra & tabulata quiescētibus, nullus dormiat. Et sæculares homines dormire secum nullus patiatur. † Vasa infirmiora cum eis non nauigabunt, nisi forte pater monasterij præceperit.

† Id est,
mulierculæ,
ut sup.
vers. 29.

67 Nullus in domo sua audebit focum facere, nisi in commune omnibus succendatur.

68 Qui vna oratione tardius venerit, vel qui missitauerit, aut locutus fuerit ad alterum, vel qui riserit in reliquis orationibus, constituto ordine ager pœnitentiam.

69 Quando domi residet, nō eis liceat loqui aliquid sæculare, sed si quid præpositus de scripturis docuerit, vicissim inter se ruminent, & referent, quæ audierint, vel quæ memoriter tenent.

70 Qui vas fictile frægerit, vel aliquam vtilem rem ad vsu mona-

monasterij, aget pœnitentiam.

71 Si frater dormierit, omnis eum fraternitas prosequatur.

72 Nemo exeat foras, nemo loquatur, nemo remaneat, excepto maioris imperio.

73 Audito signo excitantis, aut voce psallentis, omnes surgant currentes ad orationes. Nullus ante psallat, nisi ei iussum fuerit, nec completo psalmo alterum sine præpositi iussione audeat iungere.

74 Nemo ante præpositum suum, & ducē suum ambulet. Nullus remaneat de ordine suo.

75 Si quis aliquid perdiderit, ante altate publice corripitur. si vero de proprijs Vesticulis fuerit, quod perditum est, tribus hebdomadibus non accipiet, & in quarta acta pœnitentia dabitur ei quod amisit.

76 Qui inuenerit aliquid, per tres dies ante collectam fratrum suspendat, vt tollat qui cognouerit.

77 Lotum in domo nemo faciat absque præposito, & omne quod nouum est, illius sententia disponetur.

78 Omnis correptio ita fiet, vt discincti sint, qui corripuntur, & demissis manibus & humiliato capite, emendaturos se promittentes vitia, in quibus arguuntur, veniam deprecantur.

79 Qui absque ordine fratrum recesserit, & postea acta pœnitentia redierit, nō erit in ordine suo absq; maioris imperio.

80 Qui rudis in monasterio fuerit ingressus, docebitur prius quæ debeat obseruare, & cum doctus ad vniuersa cōsenserit, dabitur ei viginti psalmos, aut duas epistolas Apostoli, aut alterius scripturæ partem. Et si litteras ignorauerit, hora prima, tertia, & sexta vadat ad eum qui docere potest, & qui ei fuerit delegatus, & stabit ante eum, & discet studiosissime cum omni gratiarū actione. Postea scribentur ei elementa, syllabæ, verba ac nomina, & etiā nolens legere compellatur, & omnino nullus erit in monasterio, qui nō discat litteras, & de scripturis aliquid teneat, quod minimū est vsque ad nouum testamentum, & Psalterium. Omne quod in conuentu fratrum audierint disputatam, cogentur inter se vt recolant.

81 Ad psallendum, & ad orandum nullus sibi occasiones inueniat, quibus se dicat occupatum, quasi ire non possit, & si in naui fuerit, & in agro, & in itinere, vel in monasterio quolibet ministerio detentus, orandi &

¶ Refert Pal-
ladius in vi-
ta abbatis
Aphthonij,
trans fluvium
Nilū ex ad-
verso huius
monasterij
fratrum fuisse
aliud mo-
nasterium
cccc. puella-
rum sequen-
tium eadē
instituta Pa-
chomij, ad
quas præter
presbyterū
nemo tran-
siret.

Rom. 13.

- psallendi tempora non prætermittat.
- 82 ¶ De puellarum disciplina. Nemo ad eas vadat visitan-
das, nisi qui habet ibi matrem, vel sororem, aut propin-
quas, & consobrinas, seu matrem filiorū suorum. Si au-
tem de ante conuersione paterna eis debetur hereditas,
aut aliqua causa manifesta est, mittent cum his probatæ
ætatis virū ac vitæ, & videbunt eas, & pariter reuertentur.
Nemo vadat ad illas, nisi hi quos supra diximus. Ita
ut primum faciant renuntiari patri monasterij, & ille
mittere ad seniores, qui monasterio virginū delegati sunt.
qui occurrent eis, & cum ipsis videbunt eas, quas necesse
habebunt, cum omni disciplina & timore Dei. Non eis
loquentur de rebus sæcularibus.
- 83 Quicumque de his mandatis aliquid præterierit, absque
vlla dubitatione, negligentia atque contemptus agere
pœnitentiam, ut possidere valeamus regna cælorum.
- ¶ Præcepta & instituta patris nostri Pachomij hominis
Dei, qui fundauit ab exordio sanctæ vitæ communionē
iuxta imperium Dei. Plenitudo legis charitas, scientia
tempus quoddam instet hora ut de somno cōsurgamus, quoddam
vicinior sit salus nostra, quā eo tempore, cum credidi-
mus. nox præcessit, dies autem appropinquauit. Depo-
namus opera tenebrarum, quæ sunt contentiones, detra-
ctiones, odia, & tumentis animi superbia.
- 84 Qui facilis est ad detrahendum, & dicit quod non est,
qui in hoc peccato fuerit deprehensus, monebunt eum
secundo, & si audire contempserit, separabit eum extra
conuentum fratrum septem diebus, & panem tantum
cum aqua accipiet, donec polliceatur atque confirmet se
ab hoc vitio recessurum, & sic dimittetur ei.
- 85 Si quis iracundus & furiosus frequenter irascitur sine
causa, & propter rem inanem & vacuam, per sex vices
commonebitur, & in septima facient eum surgere de or-
dine sessionis suæ, & inter vltimos collocabitur, doce-
buntq. eum, ut ab hac mentis perturbatione munderetur.
cumq. tres testes dignos testimonio adduxerit, qui pro
eo polliceantur, nequaquam simile quid esse facturum,
recipiet sessionem suam. alioqui si permanserit in vitio,
moretur inter vltimos perduto priore loco.
- 86 Qui falsum cupit probare contra alterū, ut opprimat
innocentē, tertio commonebitur, & postea reus erit in-
iquitatis,

- quitatis, siue de priori loco fuerit, siue de inferioribus,
- 87 Qui habet pessimam consuetudinem, ut fratres suo sermone solliciti, & peruertat animos simpliciorum, tertio commonebitur; si contempserit, & obstinato animo in duritia perseverauerit, separabunt eum extra monasterium, & verberabunt eum ante fores, triginta nouem, dabuntq. ei ad vescendum panem solum & aquam, donec mundetur a sordibus.
- 88 Qui habet pessimam consuetudinem murmurandi, & quasi graui opere se opprimi queritur, docebunt eum quinquies quod sine causa murmuret, & ostendent perspicue veritatem; si post hæc inobediens fuerit, & est perfectæ ætatis, ita eum habebunt, ut vnum de ægrotantibus, & ponetur in loco infirmorum, ibiq. aletur otiosus, donec redeat ad veritatem. Si autem iusta est illius querela, & a maiore inique opprimitur, qui eum scandalizauit, eidem sententiæ subiacebit.
- 89 Si inobediens quis fuerit, aut contentiosus, aut contradictor, aut mendax, & est perfectæ ætatis, decies commonebitur, ut desistat a vitijs: si autem audire noluerit, monasterij legibus increpabitur. quod si alterius culpa ad hæc vitia deuoluitur, & hoc fuerit comprobatum, illo qui causa exitit, reus erit vltionis.
- 90 Si deprehensus fuerit aliquis de fratribus libenter cum pueris ridere & ludere, & habere amicitias ætatis infirmæ, tertio commonebitur, ut recedat ab eorū necessitudine, & memor sit honestatis & timoris Dei. Si nõ cessauerit, corripietur, ut dignius est, correptione seuerissima.
- 91 Qui contemnunt præcepta maiorum, & regulas monasterij, quæ Dei præcepto constitutæ sunt, & paruipendunt seniorum consilia, corripientur iuxta ordinem constitutum, donec corrigantur.
- 92 Qui iudex est omnium peccatorum, & peruersitate mentis ac negligentia reliquerit veritatem, viginti viri sancti & timores Deum, siue decem, & usque ad quinque de quibus omnes dent testimonium, sedebunt & iudicabunt eum, & degradabunt in vltimum gradum, donec corrigatur.
- 93 Qui conturbat fratrum animos, & facilis est ad detrahendum, lites serens & iurgia, decies commonebitur, & si non fuerit emendatus, corripietur ordine monasterij, donec corrigatur.

- 94 Qui viderit de maioribus & præpositis fratrum suorum tribulationem, & noluerit causam tribulationis inquirere eamque contempserit, quæretur causa a supradictis iudicibus inter fratrem atque præpositum, & si deprehenderit negligentia præpositi, vel superbia coangustatum fratrem, & iudicasse eum non secundum veritatem, sed secundum personam, degradabitur de folio suo, donec corrigatur, & ab iniustitiæ sordibus emundetur, quia non considerauit veritatem, sed personas, & scrutauit prauitatem animæ suæ, & non Dei iudicio.
- 95 Si quis promiserit obseruare regulas monasterij, & facere cœperit, easque dimiserit, postea autem reuersus egerit pœnitentiam obtendens infirmitatem corpusculi, per quam non possit implere, quod dixerat, faciant eum inter languentes commorari, & pascetur inter otiosos, donec acta pœnitentia impleat, quod promissit.
- 96 Pueri in domo si fuerint dediti lusibus & otio, & correpti non potuerint emendari, debet præpositus vsque ad dies triginta ipse eos monere, & corripere. Si viderit in prauitate persistere, & non nuntiauerit patri monasterij, & aliquod peccatum in eis fuerint deprehensum, ipse pro eis culpæ subiacebit, iuxta quod peccatum fuerit inuentum.
- 97 Omnes autem pueri qui non timent confundi pro peccato, & per imprudentiam iudicium Dei non cogitant, & correpti verbo non emendauerint, verberentur quamdiu disciplinam accipiant & timorem.
- 98 Qui iniuste iudicauerit, iuste ab alijs condemnabitur.
- 99 *11. q. 3. c. qui cōsentit.* Qui consentit peccantibus, & defendit alium delinquentem, maledictus erit apud Deū & homines, & corripietur increpatione seuerissima. Quod si per ignorantiam deceptus est, & non ita putauit vt verum est, ignoscetur ei. Et omnis qui per ignorantiam peccat, facile accipiet veniam. Qui autem sciens peccauerit, sustinebit increpationem iuxta mensuram opusque peccati.
- 100 ¶ Præcepta & leges Pachomij. Ne plus operis fratres facere compellantur, sed moderatus labor omnes ad laborandum prouocet. Sit inter eos pax & concordia, & libenter maioribus subijciantur; sedentes, & ambulantes & stantes inuicem de humilitate decertent.

101 Siquis

- 101 Si quis peccatum fecerit, patres monasteriorum emendare poterunt, & constituere quid sequi debeat.
- 102 Præpositus autem domus, & qui secundus ab eo est, hoc tantum iuris habebunt, ut compellant fratres in peccatis singulis vel in collecta domus, siue in collecta maiore, hoc est omnium fratrum, subiacere pœnitentiæ.
- 103 Quod si præpositus peregre fuerit, qui secundus est, locum eius implebit tam in pœnitentia fratrum recipienda, quam in quocumque alio eorum, quæ in domo necessaria sunt.
- 104 Si quis absque conscientia duorum ierit ad alteram domum, vel alterius domus fratrem, codicem ad legendum mutuum postulauerit, vel quodlibet aliud, monasterij ordine increpabitur.
- 105 Qui vult sine macula & contemptu in domo cui deputatus est viuere, omnia quæ præcepta sunt, coram Deo obseruare debet.
- 106 Quidquid necessarium est siue in agro, siue in monasterio, præpositus etiam non postulatus impleat.
- 107 Sex orationes faciēt vespertinas iuxta exemplum maioris collectæ, in qua omnes fratres pariter cōgregantur.
- 108 * Summa dilectionis est, etiam si facile fuerit, ut nullum onus habeant, & ex onere nascatur tedium. *
- 109 Siquis de foris venerit, & æstu laborauerit, alijq. fratres orationem celebrauerint, si ire non potest, non cogatur.
- 110 Quando præpositi domorum fratres de conuersatione sanctæ vitæ docebunt, absque grauissima ægritudine nullus aberit.
- 111 Maiores quicumque e fratribus mittuntur foras, quamdiu ibi fuerint, habebunt ius præpositorum. cuncta gerentur arbitrio eorum. docebunt fratres per constitutos dies. & si forte aliquid inter eos ortum fuerit similitatis, audient ipsi maiores & iudicabunt causam, & dignum culpa increpabunt, & ad imperium eorum statim ad pacem pleno corde consentient.
- 112 Si quis de fratribus contra præpositum domus suæ tristitiam habuerit, aut ipse præpositus contra fratrem aliquam querimoniam, fratres probatæ conuersationis & fidei, audire eos debebunt, & iudicabunt inter eos. Si tamen absens est pater monasterij, vel aliquo profectus, primum quidem expectabunt eum; si autem

diuini foris commorari viderint, tunc audient inter
prepositum & fratrem, ne de suspensio iudicio maior tri-
stitia oriatur: & ille qui prepositus est, & ille qui subie-
ctus est, & hi qui audiunt, iuxta timorem Dei cuncta fa-
ciant, & in nullo dent occasionem.

113 De vestimentis. Siquis de his, quæ præcepta sunt, amplius
habuerit absque concessione maioris, deferentur ad cu-
stodem vestium; & introcundi illuc vel postulandi non
habebit potestatem, sed erunt sub præpositi arbitrio,
aut qui secundus ab eo est.

¶ Præcepta Pachomij de collecta fratrum, quomodo
collecta fieri debeat, & fratres sint congregandi ad au-
diendum verbum Dei, iuxta præcepta maiorum, & do-
ctrinam sanctarum scripturarum, vt liberentur de erro-
re animæ conuersorum, & glorificent Deum in luce vi-
uentium: vt sciant quomodo oporteat in domo Dei con-
uersari sine ruina & scandalo, vt non inebrientur aliqua
† possessione, sed stent in mensura veritatis, & traditio-
nibus Apostolorum & prophetarum, & solemnitarum
ordinem teneant, imitantes conuersationem eorum in
domo Dei, & ieiunia atque orationes ex more complen-
tes. Qui enim bene ministrant, sequuntur regulam scri-
pturarum.

114 Hoc est ergo ministerium, quod ministri Ecclesiæ im-
plere debebunt. Congregent fratres orationis tempore,
& omnia faciant, quæ rite complenda sunt, vt nullam
occasionem detractioni tribuant, nec sruant quempiam
ambulare contra ritum disciplinæ. Si codicem postula-
uerint, deferant eis.

115 Si quis de foris venerit vesperi, & non occurrerit ac-
cipere opus, quod postera die facturus est, mane tribuat,
si defecerit opus quod habebat in manibus, referat ad
maioris sententiam, & quod ille præceperit, faciat.

116 Qui minister est, habeat studium, ne quid operis pec-
reat in monasterio, in vlla omnino arte, quæ exercetur a
fratribus. Quod si quid perierit, & negligentia fuerit dis-
sipatum, increpabitur a patre minister operum singulo-
rum, & ipse increpabit alterum, qui opus perdiderit,
dumtaxat iuxta voluntatē & sententiā principis, a bsque
qua nullus increpandi fratrem habebit potestatem.

117 Si vestimentum ad solem expansum tertius inuenerit
dies,

al. passio-
ne.

- 117** dies, dominus vestimenti pro eo increpabitur, & aget pœnitentiã publice in collecta, stabitq. in vescendi loco.
- 118** Si inuentus fuerit vnus e fratribus aliquid per contentionem agens, vel contradicens maioris imperio, increpabitur iuxta mensuram peccati sui.
- 119** Qui mentitur, aut odio quemquam habere fuerit deprehensus, aut inobediens, aut plus ioco quàm honestũ est deditus, aut otiosus, aut dute respondens, aut consuetudinem habens fratribus detrahendi, vel his qui foris sunt, & omnino quidquid contra regulam scripturarum est & monasterij disciplinam, audiet pater monasterij, & vindicabit iuxta mensuram opusq. peccati.
- 120** Pellicula, & caligæ, & cingulum, & si quid aliud perierit, qui perdidit, increpabitur.
- 121** Siquis tulerit rem non suam, ponetur super humeros eius, & aget pœnitentiã publice in collecta, stabitq. in vescendi loco. Si autem in furto fuerit deprehensus, triginta nouem verberabunt eum, & foris dabunt ei edere panem & aquam tantum, & opertum cilicio & cinere, per singula orationũ tempora cogent eum agere pœnitentiã. Eadem lex in fugitiuis obseruabitur.
- 122** Præpositus domus increpationi subiacebit si ante tres dies non nuntiauerit patri, siue in via, siue in agro, siue in monasterio quid perierit, & aget pœnitentiã iuxta ordinem constitutum.
- 123** Quod si homo fugerit, & ante tres horas nõ nuntiauerit patri, reus erit perditionis eius, nisi eũ iterũ inuenerit.
- 124** Hæc est ultio in eum qui fratrem de domo perdidit, tribus diebus aget publicã pœnitentiã. Quod si eadẽ hora, qua fugerit, nuntiauerit patri, reus non erit peccati.
- 125** Si in domo sua præpositus viderit delinquentem, & non nuntiauerit patri monasterij, ipse increpationis ordini subiacebit.
- 126** Per domos singulas vesperi sex orationes psalmosq. complebant iuxta ordinem maioris collectæ, quæ a cunctis fratribus in commune celebratur. Per singulas hebdomadas dispositiones a præpositis complebuntur. Nul-
lus in domo quidpiã faciet, nisi quod præpositus iusserit.
- 127** Si omnes fratres qui in domo sunt, viderint præpositũ nimium negligentem, & mensuram monasterij excedentem, referent ad patrem, & ab eo increpabitur.

Ipse autem præpositus nihil faciat præter id quod pater iussit, maxime in re noua: nam quæ ex more descendit, obseruabit regulas monasterij.

- 128 Præpositus nō inebrietur, nec sedeat in humilioribus locis iuxta vasa monasterij. Ne rumpat vincula quæ Deus in cælo condidit, vt obseruentur in terris. † ne lugeat in die festo Domini Saluatoris. Domineetur carni suæ iuxta mensuram sanctorum. Non inueniatur in excelsis cubilibus, imitatus morem gentilium. Non sit duplicis fidei. Non sequatur cogitationes cordis sui; & sublimioribus non resistat tumenti animo potestatibus, non fremat, nec irruat super humiliores. non transferat terminos. non sit fraudulentus, nec in cogitationibus verset dolos. non negligat peccatum animæ suæ extirpare, nec vincatur carnis luxuria. non ambulet negligenter, non cito loquatur verbum otiosum. Non ponat scandalum ante pedes cæci. Nō doceat voluptates animam suam. Non soluatur stultorum risu ac ioco, nō rapiatur cor eius ab his, qui inepta loquuntur aut dulcia. Non vincatur muneribus, non paruulorum sermone ducatur. Non affligatur in tribulatione. nō timeat mortem, sed Deum. ne præuicator sit propter eminentem timorē. Ne relinquat † verum lumen propter modicos † cibos. Non vacillet nec fluctuet in operibus suis. non mutet sententiam veram, sed firmus sit solidiq. decreti, iusta cuncta considerans, iudicans in veritate, absque appetitu gloriæ, manifestus Deo & hominibus, & elōgans se a fraude. Non ignoret conuersationem sanctorum, nec ad eorum sciendam cæcus existat. Nulli noceat per superbiam. ne sequatur concupiscentias oculorum suorum. non eum superent incentiua vitiorum. veritatem numquam prætereat. oderit iniustitiam, & personam numquam iudicet pro muneribus; nec condemnet innocentem per superbiam. Non rideat inter pueros. non deferat veritatem timore superatus. Non comedat panem de fraudulentia. Non desideret alienam terram. non opprimat animam propter aliorum spolia. Non despiciat eos, qui indigent misericordia, nec falsum testimonium dicat seductus lucro, nec mentiatur propter superbiam, nec contendat contra veritatem ob tumorem animi, nec deferat iustitiam propter lassitudinem. ne perdat animam suam propter verecundiā. Ne respiciat dapes lautionis mensæ, ne pulchra vestimenta

† Id est, ne
se innet
die domi-
nico.

Rom. 13.

Leuit. 19.

purum
flumen
vinos.

Alimenta desideret, ne senes negligat, semper diiudicet cogitationes suas. ne inebrietur vino, sed humilitatem iunctam habeat veritati, quando iudicat. Sequatur præcepta maiorum, & legem Dei, quæ toto orbe prædicata est. Si quidquam de his præterierit, reddetur ei mensura, iuxta quam mensus est, & recipiet secundum opera sua, quia inuolatus est in ligno & lapide, & propter fulgorem auri, & splendorem argenti dimisit iudicium, & desiderijs temporalis lucri laqueis se induit iniquorum. Et eueniet ei contritio Heli & filiorum eius; maledictio Dei qua imprecatus est Cain; perditio qua peccatores terræ hiatus absorbit, & interitus Chanaanorum; & contritio hydræ ad fontem, & arenarum comminutio in litoribus quæ salis fluctibus verberantur; & fractio virgæ gloriose, ut sit quasi cæcus palans manu parietem. Hæc omnia euenient ei, quia non seruauit veritatem in iudicio, & inique egit in omnibus quæ ei credita sunt.

Hier. 3.

1. Reg. 4.

Gen. 4.

Num. 16.

Ecl. 12.

Hier. 48.

Esa. 59.

Regula S. Pachomij Finis.

CVM IN HIS CASSIANI SCRIPTIS

multa essent vocabula Græca, quædam Latina; quæ rudiores possent retardare, atque ex his nonnulla in impressis hucusque codicibus vitiosa circumferrentur; visum est nobis futurum operæpretium, si ea in ordinem alphabeti digesta, adductis aliorum auctorum testimonijs, quos ipse videretur secutus, explicaremus. Exhibuimus etiam quandam notitiam propriorum nominum tam hominum quàm locorum.

Coll. 14.
cap. 6.



ABSIS, ἀψὶς Græce, fornitem suæ arcum significat. Dio. ἀψὶς τοῦ τριανφόρου οἱ καὶ δὲ μὲν, id est, fornix siue arcus triumphalis erectus fuit. Hieronym. in epist. ad Ephes. c. 2. Numquid calorum circulos, quos philosophi Sphæras vocant, transiens atque transcendens stetit in summocæli fornice, & ut ipso verbo utar, apside. Significat etiam testudinem, aut cameram in hemisphærij formam constructam. Hesychius namque & Suidas ἀψὶδας esse καμαράς tradunt. Plinius pro planetarum orbibus aliquoties usurpat lib. 2. Porro ita Cassianus hoc loco absidis cameram dixit, ut alibi stationem ieiunij, cum statio idem sit quod ieiunium, ut apsis & camera.

Lib. 10. c.

1.

Accessiones sunt ardentiores astus, qui statis temporibus, in febribus periodicis, quotidianis videlicet, aut tertianis, recurrunt; de quibus multa Cornelius Celsus lib. 3. cap. 3. Notum est illud Vespasiani Imp. dictum, cum grauer decumberes: Prima, inquit, accessione deus fio.

Lib. 5.
cap. 1.

Acedia est, ut Cassianus interpretatur, anxietas, siue tadium cordis. Ideo autem hanc vocem Græce retulit, quod uno vocabulo exprimi Latine non posset. In Psal. tamen 118. ubi in Græco est: ἐνύαειν ἢ ψυχῇ μου ἀπ' ἀκιδίας, antiquus interpres transiulit: Dormitauit anima mea praetudio.

Coll. 19.
cap. 9.

αὐχτῆς
αὐχτῆς

Αὐχμηρόν aliquid magis est quàm penuria & egestas. nam αὐχμηρόν is dicitur qui nihilominus possidet, ut anachorita apud Aegyptios; contra ἄχτην rei alicuius possessio est. quam Cassianus in solitario maxime improbat Collat. 19 c. 8. quamuis in hucusque excusis codicibus ἀλχῆς ἡσῆς corrupto legatur, pro αὐχτῆς.

Agape,

Agape, ἀγάπη Gracis dilectio & charitas dicitur, ut ipse Coll. 24. Cassianus scribit Collat. 16. cap. 14. cum ait: Illam igitur cap. 12. charitatem qua ἀγάπη dicitur, possibile est omnibus exhibere. & Cyprianus lib. 3. testimon. cap. 3. Agapen, inquit, & dilectionem fraternam, etc. Vsurpabatur tamen ab antiquis pro cena ad quam Christiani, sed pauperes maxime, adhibebantur. Tertullianus in Apologetico: De solo, inquit, Christianorum triclinio retractatur. cena nostra de nomine rationem suam ostendit, vocatur ἀγάπη. id quod dilectio penes Gracos est. quantiscumque sumptibus constet, lucrum est pietatis nomine facere sumptum, siquidem inopes quosque refrigerio isto iuamus. August. cont. Faustum lib. 20. cap. 20. Agapes nostra pauperes pascunt siue frugibus, siue carnibus. Hieronymus etiam ad Eustochium, de custod. virgin. Cum manum egentem porrexerint, bucinant; cum ad agapen vocauerint, praeconducitur. Ceterum reprehendit Clemens Alexandrinus lib. 2. paedagogi cap. 1. eos, qui huiusmodi cenas agapis seu charitatis nomine vocarent; ut qui rei vili sanctissimum nomen imponerent. Significabatur etiam eo vocabulo quidquid in egenos & pauperes erogabatur. Tertull. lib. ad martyres, de his qui in carcere detinebantur martyrio proximi: Ipsam conuersationem saeculi & carceris comparemus, si non plus in carcere spiritus acquirit quam caro amittit; immo & qua iusta sunt caro non amittit, per curam Ecclesiae & agapen fratrum. Hinc Cassianus id quod otiosis hominibus & non laborantibus a quibuscumque tribuitur, agapen vocat.

Άγρός est castus, purus, integer. Corrupte vero in impressis Lib. 6. c. 4. libris legebatur ἀγρός.

Agonotheta est qui agoni, hoc est, certamini praest, vel qui Lib. 6. c. 9. certantibus pramia proponit. S. Hieronymus lib. 1. contra Iovinianum: Proponit, inquit, agonothetes primum, inuitat ad eursum, &c. Ambros. etiam lib. de Elia cap. 21. ex quo nonnulla huc transtulit Cassianus: Si quis, inquit, ingrediatur stadium, videat vacuum celebritatis, dicat agonotheta: Cur vacat stadium? cur silent certaminatur solennia feriantur? Respondebit qui agoni praest: Oportet feriari athletas. Cum dixit: Qui agoni praest, vim verbi agonothetes expressit.

Anachoretis, ἀναχωρησις est Grace secessio, inde anacho- Lib. 5. c. 4. retae dicti qui ab hominum consortio recedunt, & se in solitu- Collat. 2. dines abduunt, ut caelestium rerum contemplationi liberius cap. 3. vacent. Hos ἡσυχαστὰς etiam, hoc est, in quiete & silentio degent-

- dogentes appellari solitos scribit Iustinianus Nouella s. alij eremitas, Cassianus solitarios frequenter vocat.
- Lib. I. c. 6. Analaboy, sic legitur hac vox in omnibus, qua viderim Cassiani exemplaribus, atq; ipse testiculos sine rebrachiatoria esse ait. existimo tamē legendum, anaboleas, siue Grace potius ἀναβολέας. nam Sozomenus lib. 3. cap. 13. de his monachorum testiculis ita scribit: Ζώνη δὲ καὶ ἀναβολέως, ἡ μὲν τὴν ὀσπὴν περισφίγγουσα, ὃ δὲ τοὺς ὠμούς καὶ τοὺς βραχίονας ἀνέκων, ἐτοιμούς εἶναι εἰς διακρίαν θεοῦ καὶ ἐργασίαν ἃν δὲ παρὰ κελεύεται. Noli tamen id sine librorum veterum auctoritate mutare.
- Collat. 23. cap. 7 & 21. Ἀναμαρτητὸν est impeccabilitas, siue impeccantia, de qua S. Hieronymus in epistola ad Ctesiphontem, aduersus Pelagianos, sic scribit: Pudeat ergo eos principum & sociorum suorum, qui aiunt posse hominem sine peccato esse, si velit; quod Graci dicunt ἀναμαρτητόν. Et quia hoc ecclesiarum per Orientem aures ferre non possunt, simulant se sine peccato quidem dicere, sed ἀναμαρτητόν dicere non audere: quasi aliud sit sine peccato, aliud ἀναμαρτητόν; & non Gracum sermonem, qui apud illos compositus est, duobus verbis sermo Latinus expresserit. hac ille.
- Coll. 10. c. 1. & 2. Anthropomorphitæ haretici dicti quidā Deo humanam formam tribuerent. ἄνθρωπος enim homo, μορφή est forma. S. Hieronymus aduersus errores Ioannis Hierosolymitani, Anthropomorphita, inquit, simplicitate rustica, Deum habere membra, qua in diuinis libris scripta sunt, arbitrantur. S. Augustinus lib. de haresib. Vadianos, inquit, alij vocant Anthropomorphitas, quoniam Deum sibi fingunt cogitatione carnalis in similitudinē imaginis corruptibilis hominis: quod rusticitati eorum tribuit Epiphanius, parcens eis ne dicantur haretici.
- Lib. 8. cap. 24. Ἀνθρωποπάθος est humano affectu. vsitur hoc aduerbio frequenter S. Hieronymus, cum in sacris litteris de Deo, humano more, aliquid dicitur.
- Coll. 24. cap. 11. Antonius abbas, huius vitam scripserunt S. Athanasius & Hieronymus.
- Coll. 4. cap. 9. Apollo abbas, meminit huius Sozomenus lib. 6. cap. 29. & ex eo Nicephorus lib. 11. cap. 34.
- Coll. 15. cap. 10. Athera, ἀθήρα siue ἀτάρρα Hesychio est adulium quoddam quod Egyptij ex tritico & lacte conficiunt, Eustathio ἡ ἐφ' ἡμερῆσι μίδαλας, Plinio potius medicamentum est. nana lib. 22.

lib. 22. cap. 25. sic scribit: Olyram arscam diximus vocari. Hac colla sit medicamentum, quod Ægyptij atharam vocant, infantibus utilissimum, sed & adultos illinunt eo. Idem fere Dioscorid. lib. 2. cap. 124. S. Hieronymus in quest. in Genesim, ad illud cap. 45. Et dedit eis cibaria in viam: Verbum, inquit, xeda, quod hic omnes ore consono επιτισμόν, idest, cibaria, siue sitarcia interpretati sunt, in Psalterio quoque habetur. Vbi enim nostri legunt: Viduam eius benedicens benedicam, licet in plerisque codicibus pro vidua, hoc est, pro χιδαν nonnulli legunt θηραν, in Hebræo habet xeda, idest, Cibaria eius benedicens benedicam. Porro θηραν venationem magis potest sonare quàm fruges: tamen moris sit Ægyptiorum θηραν etiam far vocare, quod nunc corrupte atheram nuncupant. hac ille. Cassianus vero lenticula pulmentum esse dicit.

Psal. 131

Attaminare est contingere, aut degustare. Vtitur eo verbo frequenter S. Ambrosius. apud quem etiam ille locus Coloss. 2. sic legitur: Ne terigeritis, ne attaminaueritis, ne gustaueritis qua sunt ad corruptelam ipso usu.

Coll. 21.
cap. 26.

Bacucos, siue ut in mss. libris legitur, Bacucos, homines certo quodam demonum genere correptos vulgus appellare solitum Cassianus scribit, qua vox fortasse quia vulgi erat, apud alios auctores infrequens est.

Collat. 7.
cap. 32.

Biothanatos Grace is dicitur, qui non naturali morte sed violenta occubuerit. Bia enim vis est, θανατος mors: vox est frequens Iulio Firmico in astrologicis libris. Seruus Aen. 4. Dicunt, inquit, physici biothanatorum animas non recipi in originem suam. Lampridius in Heliogabalo: Et pradiatum ei erat à sacerdotibus Syria biothanatum se futurum. Apud Tertullianum vero lib. de anima, biothanatos legitur, si codex non fallit. Verum hoc loco apud Cassianum, ut apud Seruium, & Lampridium, biothanatos is est, qui vim attulit vita sua, αὐτοθανατος alio nomine Grace dicitur. pro his vero Conciliorum decreta prohibent oblationem offerri.

Collat. 2.
cap. 5.

Birros magnificas & laciniosas vestes fuisse colligitur ex Concilio Gangrensi. in eo enim sic scribitur cap. 12. Si quis amictu pallij utitur, & eos qui cum reuerentia birris utuntur despiciat, anathema sit. Grace est βηρος, & pro pallio est περιβόλαιον. Isidorus in regula sua eorum usum monachis interdicit: Lintheo, inquiens, nō oportet monachum uti, orarium, planetas, birros, non est fas indui. Hos apud Athrabates præcipuos fuisse ostendit Vopiscus in Carino, cum scribit: Donati sunt ab

Lib. 1.
cap. 7.

sunt ab Atrebatibus birri petiti. Ex Græco hanc vocem deducit quidam scribunt, sed Suidas esse Latinam tradit.

- Collat. 3. Bubalum animal solitudine semper gaudere ex his locis
cap. 1. & Cassiani discimus. Ceterum apud Palladium cap. 91. (si ta-
Coll. 18. men ita ille scripsit) Paphnutius non Bubalus sed Cephala
cap. 15. cognominatur. sic enim legitur in vulgatis libris: Cum con-
uenisset Paphnutius, qui vocabatur Cephala. Nisi si apud
Ægyptios bubalus sic vocabatur.

- Lib. 5. Cæstus, ut ait Servius, per diphthongum pugilum arma si-
cap. 18. gnificat. Apposite ergo Cassianus hac voce usus est, cum pu-
gilis mentionem fecisset, sed impressorū incuria sine diphthon-
go cessibus est excusum.

- Collat. 3. Calamus, locus solitudinis fuit in Ægypto, in quo Paulus
cap. 5. eremita habitavit. meminit huius rursus Cassianus Collat. 7.
cap. 26. & Collat. 24. cap. 4.

- Lib. 1. c. 10. Caligæ calcei sunt, Græci σαρδάλια vocant. S. Hieronym.
in cap. 20. Esaiæ: Calceamenta, inquit, LXX. σαρδάλια, id est,
caligas vocant. Et Act. 12. quod Græce est, ὑπὸ δὲ τοῦ τὰ σαρ-
δάλια σου, Latinus interpretes transtulit: Calcia te caligas
tuas.

- Coll. 21. Canon, pensationis annua genus est Asconio Pediano &
cap. 29. Iurisconsultis, præcipue in Imperatorum constitutionibus.

- Lib. 5. c. 5. Castigata refectio est cibus tenuis, & moderate sumptus.
Macrobius lib. 2. Saturnal. cap. 1. At cum heroes, inquit, casti-
gatis dapibus assidunt. & Tertullianus lib. de ieiunio: Nunc sa-
temere rationes castigati a Deo victus &c. S. Hieronymus lib.
2. contra Iovinianum: Nisi tenui, inquit, & castigato victu,
quæ λεπτὴ διαίτα dicitur. Sic rursus lib. 2. cap. ult. castiga-
tum modum Cassianus scripsit, pro iusto & convenienti.

- Lib. 1. c. 3. Catholice dicitur universaliter. Tertull. lib. de persecutio-
ne: Ab eo imperetur necesse est catholice fieri, a quo & ex
parte.

- Lib. 3. c. 5. Causam pro vitio posuit Cassianus, cum scribit: In illam
causam nihilominus incidentes. ut solent iurisconsulti, qui
rem cum sua causa suisque vitij transferri dicunt. Aliquoties
vero Cassianus causam ponit pro re, ut Collat. 21. cap. 14.
cum scribit: Nisi has qua subiiciuntur causas habueris com-
sequentes.

- Lib. 10. c. 7. & Col- Cautuca medicamenta dicuntur qua extrinsecus imposi-
la. 6. c. 11 ta vi sua adurunt, quod sint vehementer calida & sicca; Gra-
ecè καυτὴν ab urendo vocantur. utuntur tamen hac voce
quasi

quasi Romana Plinius, & Latini medici. S. Ambrosius quoque in expositione Psal. 38. Graviora, inquit, vulnera caustico medicamento vel admoto igne curantur. Hieronymus vero in Micham cap. 2. Græca viri maluit. sic enim scribit: In vulneribus putridis ne cancer serpat, & mortuum corpus viuas carnes depascat, medici statuunt vulnus, & vrunt cauterio, vel puluere καυσικῶν.

Cellæ Locus fuit in Ægypti eremo, a cellis monachorum quæ frequentes in eò & sparsæ visebantur, ita vocatus. Sozomenus lib. 6. cap. 30. Cum iter facias, inquit, in interiorem solitudinem, locus est alius, qui abest a Nitria (Nitria autem ita appellatur, propterea quod est pagus finitimus in quo nitrum colligunt) stadia fere LXX, cui nomen Cella; in eo sunt cella monachorum permulta sparsim posita, qua de causa hoc nomen habuit. Coll. 6. c. 1.

Cenodoxia Græcè est vana gloria, ac nescio an Latinorū aliquis (ex his saltem qui extant) ante Cassianum hac voce sit usus. ipse vero eam usurpasse videtur quod vno Latino verbo non posset reddi. Vritur ea S. Paulus ad Philip. cap. 2. Lib. 5. c. 1 & alibi.

Centenarius numerus de sinistra transfertur ad dexterā. Hanc sententiam a S. Hieronymo mutuatus est Cassianus. Ille enim initio libri 1, contra Iovinianum sic scribit: Centesimus numerus de sinistra transfertur ad dextram, & ipsæ quidem digitis, sed non eadem manu, quibus in laeta nupta significantur, & vidua, circulum faciens exprimit virginis coronam. Ceterum hanc antiquam computandi rationem per digitos, petat studiosi ex Beda, qui omnia minutissime exequitur: hoc tantum hic dixerim, usque ad centum per varios digitorum figuras in sinistra computari, centum vero in dextra ipsædem digitis demonstrari quibus in sinistra decem. Hinc ille ait: Atque suos iam dextra computat annos. Coll. 24. cap. 26.

Cephalalgia dolor capitis est. κεφαλή enim caput dicitur, αλγέω doleo. Coll. 24. cap. 14.

Charemon, ita est hoc nomen scribendum, χαρμεών. Coll. 11.

Chiragra est manuum captura, χείρ animæ manus, ἀγρὰ captura dicitur; hinc chiragricæ valitudo, qua & articularis morbus dicitur, quod manuum articulos capret & contrahas. Coll. 24. cap. 15.

Cænobium. Gellius lib. 1. c. 9. Sed id, quod non praterendum est, quod omnes, qui a Pythagora in cohortem illam disciplinarum recepti erant, quod quisque familia, pecuniaq. habebant.

bebant, in medium dabant, & coibatur societas inseparabiliter tamquam illud fuerit antiquum consortium, quod re, atque verbo appellabatur canobium.

Lib. 1. c. 5

Colobium Græca vox est, κολόβιον, sed a Latinis etiam usurpata. est autem tunica sine manicis. Seruius Aen. 9. ad illud: Et tunica manicis, & habent redimicula mitra: Tunica, inquit, vestra habent manicas, quod etiam Cicero vituperat dicens: Manicatis & talaribus tunicis, nam colobijs utebantur antiqui. hac ille. qua totidem fere verbis refert S. Hieronym. in Hebraicis quæst. Porro Sozomenus lib. 3. cap. 13. Egypti monachos χειρώνας ἀχειροτότους, idest, tunicas sine manicis habuisse scribit, ut eo signo ostenderent manus se ab iniuria & contumelia faciendâ habere penitus alienas. Ceterum Cassiani colobia manicis non omnino carebant, sed ea circa cubitum desinebant, cuiusmodi hodie in vestibus sacris dalmaticas seu tunicellas videmus. Anselmus antiquus de cretorum collector, hac tamquam ex Eusebio (sed incertum quo) citat: A sancto Siluestro & presbyteria eius colobiorum usus sumpsit initium, & Marcus, & Iulius, & Liberius eo ordine sunt usi. Post hos autem colobia in dalmaticas commutata sunt: visum est enim melius huic proposito convenire, quod accuratius magis aspectibus placere valeat. hac ille. Dicitur autem & lebitonarium. Isidorus lib. 19. Etymol. c. 22. Lebitonarium est colobium sine manicis, quali monachi Aegyptij utuntur. & sup. pag. 650. λεβιτονάριον Suidas.

Lib. 4. ca.
29.

Comes. postquam Romanum Imperium Constantinopolim translatum fuit, & reip. forma mutata, principum fere omnium officiorum præfecti comites dicebantur, atque ij etiam, qui prouincias regebant, eorum est frequentissima mentio in Imperialibus constitutionibus, & Notitia Imperij.

Lib. 6. ca.
9. & Lib.
8. cap. 8.

Conhibentia pro cōnuiuentia, constanter legitur apud Cassianum in Vaticanis codicibus, atque ea vox ita scripta in C. Theodosiano passim occurrit. in Glossario etiam est, conhibentia, παύρη.

Collat. 1.
cap. 23.

Consultor is est, qui ab alio consilium petit, sed hoc loco pro eo ponitur, qui alij consulit, ut etiam apud S. Ambros. in Oratione de obitu Valentin. Quid de amore prouincialium loquar, vel quo eos ipse complectebatur, vel qui ab his consultori suo rependebatur? Sallustius in Iugurth. Ab eo, inquit, petit, ut sub fauce consultorq. adsit. Ibid. Egomet in agmine, in prælio consultor idem, & socius periculi vobiscum adero.

Corn.

Corn. Tacit. lib. 4. ann. Ipse consultor aderat omnibus.

Corpus fraternitatis, corpus pro collegio siue vniuersitate Lib. 1. c. 3
in Imperialibus cōstitutionibus passim reperitur. est ergo apud
Cassianum corpus fraternitatis, vniuersitas monachorum,
fraternitas dicta, quod se inter se fratres vocabant, & frater-
na charitate diligebant.

Κτήσις, dixi in ἀκτινωσύνη hanc vocem dominium & Colla. 19.
possessionem alicuius rei significare, atque in omnibus huc cap. 6.
usque impressis libris Cassiani corrupte legi, cum integra sit ali. ἐγών-
in Vatic. cod. sis.

Cuculla apud Cassianum capitis indumentum est, quo mo- Lib. 1. c. 4
nachi Aegyptij utebantur. Sozomenus lib. 3. cap. 13. de ijsdem
monachis agens: Caput, inquit, integumento quod cucullum
(κοκούλιον) appellare solent, operiebant, quo ostenderent se vi-
tam perinde simplicem & sinceram agere, atque pueros lacte
nuitos; quorum caput eiusmodi tiaris obuoluitur, ut tegatur
simul & foveatur. Addit Nicephorus lib. 9. cap. 14. tegmen
illud acuminatum fuisse. Apud Hieronymum in Hilarionis
vita, ut etiam in mss. Cassiani libris, cuculla dicitur; sic
enim scribitur: Omnes diuitias suas ei relinquēs, Euangelium
scilicet, & tunicam sacceam, cucullam, & palliolum.

Decania, in monasterijs olim constituiebantur decani, qui Lib. 4. ca.
nouem monachis praesent, hi autem decem monachi decuria 17.
siue decania vocabantur. S. Hieron. epist. 22. de cōnobitis
agens: Diuisi sunt, inquit, per decurias atque centurias, ita
ut nouem hominibus decimus praesit, & rursus decem praeposi-
tos sub se centesimus habeat. Augustinus vero lib. 1. de mori-
bus Ecclesiae, ait decanos esse qui decem monachis praesint.

Denarius ubique apud Cassianum non nummum argen- Lib. 4. ca.
teum, qui olim septima pars uncia fuit, sed assem, hoc est, 14. & alijs
aereum nummum, qui decima pars erat denarii argentei, si-
gnificat; quod declarare ipse videtur, cum Collat. 1. cap. 10.
ita scribit: Aereo quoque viliq. denario si pretiosum numisma
sub colore seu indumento auri fulgentis imitetur. Sic & Ma-
crobii lib. 1. Saturnal. cap. 7. cum dixisset asses altera parte
bicipitem Ianum signatum habere, altera nauim, subiicit:
Pueri denarios in sublime iactantes, capita aut nauim exclamant.
Hieronymus etiā denarium pro nummo posuit in epist.
ad Eustoch. de custod. virginis. Hilarius quoque in enarra-
tione psal. 128. quod est apud Marc. cap. 12. λεπτά δύο ὁ ὅς
καὶ δίδυμις sic extulit: Duos denarios vidua inopi acceptio-

res Dominus ait, copiosis diuitiū nummis. Contra vero S. Amb. Luc. 10. ubi scriptum est ἐκβαλὼν δύο δηνάρια, legit frequenter duo ara.

Coll. 18.

cap. 7.

Diaconia collectam significat, seu collationem, qua fiebat in Christianos pauperes. Vtitur hac voce S. Paulus 2. Cor. 8. & cap. 9. ita scribit: Περὶ μὲν διακονίας τῆς εἰς τοὺς ἀγίους περισσὸν μοι ὄζει τὸ γράβειν ὑμῖν. Est etiam diaconia dispensatio siue æconomia rerum ad monasteria pertinentium, qua probatissimo cuidam monacho cunctorum seniorum suffragio deferebatur, ut tradit Cassian. Coll. 21. cap. 1. 8. & 9. dispensationem eam appellat Lib. 5. cap. 40.

Collat. 7.

cap. 5.

Dilectus est electio militum a ducibus habita. Festus: Dilectus, inquit, militum. & is, qui significatur amatus, a legendo dicti sunt. Confirmant hanc huius nominis orthographiam marmora & antiqui libri. certe hoc loco in Vatic. lib. dilecta legitur. Glossarium Dilectus, ἀγαπητός καὶ στρατολογία.

Lib. 5. ca.

36.

Diolcos oppidum fuit vni ex septem Nili ostijs appositum, ut tradit Cassian. Collat. 18. cap. 1. sed Ptolemaus ipsum Nili ostium siue pseudostomum potius, Diolcon appellat: & fieri potest ut oppidum ex flumine, quod praterfluit nomen acceperit. In eo complures monachos vitam egisse Palladius refert, & Sozomenus lib. 6. cap. 29.

Lib. 6. c. 4

Ἐχρατὴς continentem significat, ut ipse Cassianus exponit: sed in omnibus excusis libris vitiose legebatur εὐκρατός, in Vatican. vero ἐχρατὴς constanter est scriptum, ut in epist. ad Tit. cap. 2.

Collat. 1.

cap. 23.

Embrimium quid sit Cassianus explicat: ceterum hanc vocem alibi non memini me legisse, nisi apud Metaphrastem in vita Euthymij abbatis, & cum γ Græca Embrymium.

Collat. 7.

cap. 12.

Energumeni sunt, quos alio nomine Cassianus vocat arreptitios, & immundis spiritibus afflatos, ita dicti putantur ἀπὸ τῶν ἐρεργεῖων, idest, ab operationibus demonum, quas in ipsis præcipue videmus. Videndus Origen. lib. 3. Periarchon c. 3. pag. 400. M. Manifeste, inquit, ex multis indicijs monstratur, quod humana anima dum in hoc est corpore, recipere potest diuersas energias, idest operationes spirituum diuersorum malorum, ac bonorum. Et malorū quidem duplici specie, idest vel tunc penitus ex integro possederint mentem, ita ut nihil omnino eos, quos obsederint, intelligere vel sentire permittant, sicut exemplo sunt hi, quos vulgo energumēnos vocant, quos amones, & insanos videmus, quales erant illi, qui in Euan-

in Euangelio a Salvatore curati esse referuntur. S. Ambrosius serm. 25. dicit utique a diabolo energumenum non nisi ieiunijs posse purgari. ipsum vero affiatum demonum Energoma vocat Tertull. lib. de carne Christi & de prescripti. haret.

Entheca horreum, penum, aut repositorium cellam significat, Græcè ἐνθεκη. utitur hac voce S. August. & Gelasius Lib. 4. ca. 14. Papa in epistolis, ut quidem legitur in missi. codicibus Gratiani. 12 q. 2 c. Vobis enim, & lib. 9. Cod. Theodos. tit. de bonis prescrip. lege. 7. reliqui apothecam dicunt. Alij enthecām esse aiunt repositam rei copiosam substantiam.

Επιθυμητικὸν concupiscibile est, ut Cassianus ait, tres vero illas anima partes Græcè a me in Vatic. codicib. inuentas recap. 15. posui.

Esulentiores cibos dicit etiam Tertullianus pro exquisitis & suauibus epulis, cum lib. de ieiunio: Ideo, inquit, tam ingratius gratiora & esulentiora quæque detracta sunt. Lib. 5. c. 7 & 23.

Exagium quid esset nesciremus, nisi nos id docuisset maritima tabula, quæ est Roma in palatio Columnensium, in qua sic est scriptum: Ex auctoritate Turci Aproniani V. C. præfati urbis. Ratio docuit, utilitate suadente, consuetudine micandi summotæ, sub exagio potius pecora vendere, quàm digitis concludentibus tradere, ut adpenso pecore, capite, pedibus, & seno lactante & subgulari lanio cedentibus; reliqua caro cum pelle & interaneis proficiat venditori, sub conspectu publico fide ponderis comprobata; ut quantum caro occisi pecoris adpendat, & emptor norit, & venditor &c. Ergo exagio aliquid adequatur, cum ad fidem ponderis id exigitur. Collat. 1. cap. 21.

Gastrimargia est insania circa gula vètrisq. delicias nam γαστήρ venter dicitur, μάδωγῃ insania. Existimo autem hanc vocem in sacris litteris non reperiri. Utitur tamen ea Clemens Alexandrinus lib. 2. paedagogi, cap. 1. Latini auctores gula nomine contenti fuere, sed non visum est Cassiano id verbum vim omnem gastrimargia exprimere, ideo Græco potius uti maluit. Lib. 5. c. 1.

Gillonem genus esse vasis, atque bucalem vocatum Cassianus scribit, & bucalium quidem Græcè vox est. Legi eam apud Alexandrum (sive ille Aphrodisiensis, sive Trallianus est) lib. 1. problem. 94. διὰ τὴν τὰ λεγόμενα βουκάλια ἐν τῷ πληροῦτάς ὡς αὐτὸς λέγειν τινὰ ἀποτελεῖ. Hispani nunc cailonem, Itali buccalem vocant. Lib. 4. c. 16.

- Lib. 4. ca. 22. Omophagia, *ὀμοφαγία* crudarum rerum esus est, & eorum, quae igne non fuerint emollita.
- Collat. 5. cap. 4. Illicitio idem est quod incitamentum, a verbo illicitio. utitur rursus hac voce Collat. 5. cap. 6.
- Collat. 5. cap. 21. Indictio pensitationis aut tributi genus fuit, quod patrimonijs aut personis indicabatur, ut Asconius Pedianus scribit, & Paulus in l. quaro. D. de usufructu legato. apud Cassianum vero pro exactione posita videtur.
- Lib. 5. ca. 37. in summa capitulis. Instructus, in Pandectis Iustiniani titulus quidam est: De instructu seu instrumento legato. quid autem sit, Cassianus ostendit cum ait: Cellam cum omni suppellectili utensilibusque suscepimus. Est enim quidquid paterfamilias comparauit quo esset instructior. Tertullianus lib. de Anima: Quam dicimus cum omni instructu suo nasci.
- Coll. 1. in praefatione. & Collat. 21. c. 28. Intellectualis siue intelligibilis is dicitur, non qui voce profertur, sed qui per allegoriam intellectu comprehenditur. ipse Cassianus Lib. 12. cap. 22. Quibus, inquit, manifeste probatur omnem animam, quae superbia fuerit tumore possessa, intellectu alibus Syris, id est, nequitijs spiritualibus tradi. & S. Ambros. lib. de fuga saeculi cap. 5. Hic autem adhuc in spelunca est, id est in carne, in antro quodam istius corporis, cum rege Saul filio duritia, & intelligibilis illius principis potestate decernens, qui non videtur, sed intelligitur.
- Lib. 5. ca. 35. Intempesta nox dicitur cum iam tempus aliquid agendi non est. Apuleius lib. 2. Metamorph. Cum statim, inquit, ecce crepusculum, & nox prouecta, & nox altior, & deinde concubia, & iam nox intempesta.
- Lib. 4. ca. 23. Ioannes abbas, huius vitam scribit Palladius, meminit eius Sogomenus lib. 6. cap. 28.
- Lib. 4. c. 11. Lapsanum, *λαψάνη* est olus agreste, inde prouerbiū: Lapsana vivere, pro tenni & paupere victu. Dioscorides lib. 2. *λαψάνην* vocat.
- Lib. 4. c. 25. Lenticula olei quid sit declarat S. Hieronym. in Habac. cap. 3. cum scribit: Iehu & Azazel perfunduntur lenticula; vas autem fictile sic vocatur, id est, *οακός*. hac Hieronym. Id autem vas a forma lentis ita fuisse appellatum innuere videtur Apuleius lib. 2. Florid. his verbis: Ampullam quoque oleariam quam gestabat lenticulari forma, tereti ambitu, prassula rotunditate &c. Est & vas aquarium lib. 1. Reg. cap. 26. cum David ex tabernaculo Saulis subduxit hastam qua erat ad caput eius, & *οακός ὕδατος*, id est, lentem aqua, ut legitur

ut legitur in antiqua LXX. interpretum translatione Latina, quam citat Lucifer Caralitanus lib. 1. pro Athanasio. S. Ambrosii lib. 3. offic. c. 5. David lanceam, quæ erat ad caput Saul, & lenticulam tulit aque. in vulgata editione legitur scyphum aquæ.

Linea funiculus est seu filum, ita dicta putatur quod ex linoplerumque fiat. Columella lib. 3. cap. 4. Emissa ligato pede longa linea gallina custoditur. Apud Cassianum vero pro validiore fune ex canabi, aut starto cōfecto, per quem extensum surambulus ire possit, accipitur.

Λογισμός. Dixi aliàs hanc Græcam vocem, quæ ab excusis omnibus libris aberat, ex Vat. cod. a me repositam.

Lucernaris hora a Cassiano, ut videtur, undecima dicitur, quæ extendebatur ad solis occasum; nam Cassiani ætate tempus quod est ab exortu ad occasum solis, duodecim horis distinguebatur. Lucernaris autem hora dicta videtur, quia tunc lucernarium fieri consueverat. de quo in expositione Psal. 119. quæ Hieronymi nomine circumfertur, ita est scriptum: Hora tertia oramus, hora sexta oramus, nona, Lucernarium facimus, media nocte consurgimus, dein gallicinio oramus. Augustinus etiam in Regula 2. Hoc idem, inquit, in Vesperis & Completorio seruetur, ad Lucernarium autem psalmus unus, responsorium unum, antiphonæ tres, lectiones tres. Isidorus in regula monachorum cap. de officio: Post Tertiam, Sextam, Nonam, in vespertinis officiis primo Lucernarium, deinde psalmi duo, responsorium unus, & laudes, hymnus atque oratio dicenda est. hæc Isidorus. Apud quem, ut hoc obiter moneam, laudes alleluia significat; ita enim id verbum exponit ipse lib. 1. officiorum cap. 13. Lucernarium vero inde dictum videtur quod tunc fieret cum lucerna primum accendebantur. Basilii lib. de Spiritu sancto cap. 29. Visum est patribus nostris vespertini luminis gratiā haudquaquam silentio arripere, sed mox ut apparuit, gratias agere. Quis autem fuerit auctor illorum verborum, quæ dicuntur in gratiarum actione ad lucernas, dicere non possumus: populus tamen antiquam profert vocem, neque cuiquam unquam visum est impietatem committere, qui dicunt: Laudemus Patrem, & Filium, & Spiritum sanctum Dei. Lucernarij etiam mentio fit in Concil. Toletano. 1. cap. 9.

Lucius, fuit hic Alexandria episcopus Ariana partis, tempore Valentis Imp. qui catholicis omnibus & maxime Egypti

Colla. 23.
cap. 9.

Coll. 14.
cap. 15.
Lib. 3. c. 3

Coll. 18.
cap. 7.

monachis persecutionem commouit, in qua partim eorū martyrio affecti fuerunt, partim in exilium acti aut in metalla damnati. auctor Nicephorus. S. Hieronym. in Catalogo scriptor. Ecclesiasticorum: Lucius, inquit, post Athanasium Ariana partis episcopus Alexandrinam ecclesiam tenuit.

Lib. 4. ca.

23. & Col

lat. 24. ca.

ult.

Lycos oppidum fuit in extrema parte Thebaidis. Plinius lib. 5. Lycos, inquit, ubi montes suiunt Thebaidem. Apud Hieronymum vero in Hilarionis vita, ubi nunc legitur: Qui in vicina eremo erant, & in loco qui dicitur Lychnos, nescio an Lycos scribendum sit.

Lib. 5. ca.

40.

Macarius. huius & S. Hieronymus & auctores historia Ecclesiastica meminere. Scribendum vero est hoc nomen sine aspiratione, est enim Grace μακάριος, quod beatum significat.

Lib. 4. ca.

22.

Manidia. Parua licentia in hoc vocabulo corrigendo usus sum. cum mss. libri partim menominia haberent, partim menomia, ipse manidia feci. Sunt autem μαρίδια Aristoteli minuti pisciculi, quos Plinius manulas vertit, GAZA haeculas.

Lib. 1. c. 7

Masfortes, Seruius Aen. 1. Recinus, inquit, dicitur ab eo quod post tergum reiecitur, quod vulgo mauorte dicitur. Nomen Ricini, quod nunc masfortium dicitur. Hieronymus etiam ad Eustochium sic scribit: Et per humeros hiacinthina lana mauorte volitans. Mauorte vero idem est quod masforte, nam V, littera cum vocalibus praenitur, pro digamma, hoc est, F, littera solitani scribi veteres grammatici tradunt. Quoniam vero Aegyptiorum etiam lingua masfortem appellari hanc vestem Cassianus scribit, fortasse apud Palladium in vita Anima Taor cum dicitur: Ea vestem nouam aut μαρτίον, aut calceum noluit accipere, μαρτίον legendum est. Masfortis voce pro pallio utitur Fortunatus in vita S. Hilarij lib. 2.

Lib. 5. ca.

40.

Mareotis Libya regio est Alexandria vicina. Plin. lib. 5. cap. 6. Ea, inquit, quae sequitur regio, Mareotis Libya appellatur, Aegypto cetermina. Quidam vero cod. Cassiani mss. tantum habent: De Mareota partibus, sine voce Libya, quae lectio vera fortasse est: frequenter enim ita appellatur hac regio. Iulianianus in edicto XIII. cap. 21. ὅτι διὰ τὸ τὸν μαρεωτὴν καὶ γειτόνα εἶναι τῆς Αλεξάνδρειας, &c.

Collat. 4.

cap. 21.

Mattastorea vel teges est ex palma aut iunco similive materia confecta.

Mazices,

Maxices, μαζικας Ptolemaus in ea Ægypti siue Africa Colla. 2. parte locat, in qua esse eos tradit Cassianus. Eorum ut bar- cap. 6. barorum & immanium hominum meminit Palladius in Asfacio, & Nestorius apud Euagrium lib. 2. Ecclesiast. hist. cap. 7. & Nicephor. lib. 14. cap. 13. In vulgatis Stephani de urbibus libris vitiose legitur: μαζες οἱ λεβὺν νομάδες, pro μαζικες. Fit etiam Mazicum mentio in Æthici cosmographia.

Melotes siue melote, Grace enim est μελωτή, proprie dicitur Lib. 1. c. 8. tur pellis ouina; nam μάλον ouis vocatur, sed & de quacunque pelle dicitur. Sozomenus lib. 3. cap. 13. has monachorum melotes dicthepas vocat, & sine his aut cibum aut somnum capere Ægypti monachos nefas esse commemorat.

Μερίκη Grace, Latine particularis dicitur, atque in Va- Coll. 13. rican cod. ita hac vox legitur duobus locis in margine a me cap. 5. & citatis, in vulgatis vero vitiose μερίς, & μερίκη. Coll. 19.

Μάρις est permanens & pertinax ira. Suidas μῆνις, inquit, cap. 9. ὄργη ἐμόνος, alij esse dicunt ὄργην πεπαιωμένην, hoc est, Collat. 5. odium, siue inueteratam iram. In impressis libris corrupte cap. 11. antea legebatur ἄλλος, in Vaticanis est μῆρις.

Milli pro quacunque synaxi siue congregatione, quam monachi publice orandi causa faciebant, apud Cassianum sumi- Lib. 2. ca. 13. 15. & nitur, nempe Tertia, Sexta, Nona, & alijs; siue noctū fieret, Lib. 3. c. siue interdiu, id quod ex adductis eius locis lectori persuadebi- 5. 6. 8. tur. Lib. 2. de instit. monach. cap. 7. In hac, inquit, regione nec dum bene finito psalmo in orationem procumbere festinamus, ad celeritatem missa quam totius festinantes. & in titulo capitis 13. Quare post missam nocturnam dormire non oporteat. & in titulo capitis 15. Qua lege modestia post orationum missam unusquisque ad suam cellulam redeat. Lib. item 3. cap. 5. Quidam in hac regione expletis matutinalibus hymnis iterum reuertuntur ad somnum. & paulo post: Quod Ægyptij ne incurrant equidem cum soleant certis temporibus etiā ante gallorum cantum consurgere, missa canonica celebrata usque ad lucem post hac vigilias extendunt. & cap. 6. Illud quoque nosse debemus nihil a senioribus nostris, qui eandē matutinam solemnitate addi debere censuerunt, de antiqua psalmorum consuetudine esse mutatum, sed eodem ordine missam quo prius, in nocturnis conuentibus perpetuo celebratam. & cap. 8. Quod nos quoque cum omni obseruatione custodire conueniet, ut scilicet contenti somno, qui nobis post vigiliarum missam

missam usque ad lucis indulgetur aduentum, idest, usque ad matutinos psalmos &c. Capite etiam 11. Verum ne hoc quidem ignorandum, die Dominico unam tantummodo missam ante prandium celebrari, in qua psalmorum atque orationum, seu lectionum, pro ipsius collecta vel communionis Dominica reuerentia, solemnius aliquid ac propensius impendentes, in ipsa Tertia, Sexta, et pariter consummatam putant. Ita etiam Victor lib. 2. de persecut. Vandalica: Liberum arbitrium, inquit, habetis in ecclesiis vestris missas agere. & aliquanto post: Contra interdictum vos missas in sortibus Vandalorum egisse. Paulo tamen aliter Isidorus Hispalensis in regula monachorum cap. 6. cuius hac sunt: In quotidianis officiis vigiliarum, primum tres psalmi canonici recitandi sunt, deinde tres missa psalmorum, quarta canticorum, quinta matutinorum officiorum: in Dominicis vero diebus vel festiuitatibus martyrum, solemnitatis causa singula superadijcienda sunt missa. Et Smaragdus: Orationes, inquit, idest collecta qua in fine cursus a sacerdote dicuntur, missa, idest, Deo transmissa vocantur: Potest etiam videri Cassianus missam pro fine synaxeos posuisse lib. 3. cap. 7. cum ita scribit: Is vero qui in Tertia, Sexta, Nona, priusquam psalmus ceptus finitior ad orationem non occurrerit, ulterius oratorium introire non audet, nec semetipsum admiscere psallentibus: sed congregationis missam stans pro foribus prestolatur. Ut etiam S. Benedictus in regula cap. 27. Prima hora dicantur psalmi tres, hymnus, post expletionem vero trium psalmorum recitetur lectio una, versus, Kyrie eleison, & missa sint. nam cap. 9. dixerat: Versus, Kyrie eleison, & sic finiantur vigilia nocturna. & cap. 12. Versus, canticum de Euangelio, Kyrie eleison, & completum est. Sed de his haecenus.

Coll. 18.
cap. 5.

Monazontes sunt qui seorsum vitam agunt, & solitarii degunt in mns. cod. Grace legitur μοναζόντες, ut in C. Theodosiano. In historia etiam Ecclesiastica scribitur: Οἱ πλεῖστοι γὰρ ἡσυχία μοναζόντες, ἐκ κοινῶν οἰκούντες δι' ἀσκησιν. Vitiose ergo in vulgatis erat, monozontes.

Coll. 14.
cap. 14.

Myrum Graecis unguentum est μύρον, unguenta autem olim odoratissima ac pretiosissima fieri solita etiam S. Ioannes in Euangelio cap. 12 testatur, cum narrat Mariam accepisse libram unguenti nardi pistici pretiosi, & unxisse pedes Iesu, domumq. impletam fuisse ex odore unguenti. Vtitur hac voce tamquam Latina, Hilarius in psal. 132. Aaron, inquit:

myro

myro confusiois ungitur. Et paulo post: ut igitur hoc myrum omnes fixentes odores exstinguit. Et S. Hieronymus vel Rufinus potius in translatione commentariorum Origenis in epistolam ad Rom. cap. 5. cum scribit: Vel iterum cum peccatricem mulierem non prohibebat contingere pedes suos, vel lacrymis rigare, vel capillis tergere, vel myro perungere. In excusis Cassianis legebatur: Odoratissimum myrrhum, aut virtuosius: odoratissimam myrrham.

Myxaria vocantur pruna Damascenis minora nucleo in- Coll. 8. ei
tus triangulari. μυξάρια.

Naphtha quid sit S. Hieronymus in cap. 3. Danielis Sallustij verbis sic explicat: Sallustius scribit in historijs quoddam naphtha sit genus fomitis apud Persas, quo vel maxime nutriantur incendia. Et Plin. lib. 2. cap. 103. Similis est, inquit, natura naphtha, ita appellatur in Babylonia & in Austagenis Parthia, profluens bituminis liquidi modo. huic magna cognatio ignium, transiliuntq. proinus in eam undique visam. Dioscorid. lib. 1. cap. 102. νάφθα.

Necessitudo ius est cognationis & affinitatis. Cicero in Coll. 16.
epistolis: Coniunctio quaatura liberorum necessitudini proxima est. Vtitur hac voce frequenter S. Ambrosius. cap. 14.

Nimietates aequalitates sunt, Cassianus hanc sententiam Collat. 2.
ut antiquam citat. Faustus episcopus lib. 1. de libero arbitr. cap. 16.
cap. 17. ut Graciam sic enim scribit: Cum inter hac unus labori, alter totum gratia iudices deputandum, impletur in utroque Graca sententia: Nimietates, inquit, aequalitates sunt: similisq. improbitas & par esse probatur impietas, si totum soli gratia, vel totum soli adscribatur labori. hac Faustus; atque ideo Cassianus eam sententiam Graca retulit.

Νοῦς. mens apud Latinos multa significat, ideoq. auctores Lib. 3. c. 9
ut vagam & multiplicem eius notionem aliquo sine coerceant, per aliud verbum Latinum, sed maxima per hanc vocem νοῦς solent exponere. Lactantius lib. 7. cap. 12. Mens ergo, inquit, idest, intelligentia, vel augetur vel minuitur pro aetate. S. Ambros. epistola 1. Quoddam diligit, inquit, mundum, vel mentem suam, idest, νοῦν huius auctorem voluntatis. & lib. de Paradiso cap. 2. Deceptam autem per sensum prauaricatricem, secundum historiam, mentem asseruit, quam Graci νοῦν vocant. S. etiam Hieronymus in Nahum cap. 3. Sensum, inquit, hic non accipias pro animo & mente, qua Graci νοῦς dicitur, sed pro αἰσθησίν.

Obducere

- Coll. 8. Obducere solem & lunam, si ita scripsit Cassianus, obducere valet obtenebrare siue operire, sicut Cicero dixit in *Academiciis*: Clarissimis rebus tenebras obducere. si autem Cassianus deducere, non obducere scripsit, imitatus videbitur Virgilium qui dixit: Carmina vel calo possunt deducere lunam. nam de magicis artibus utrobique agitur.
- Coll. 24. Omaphagia quare sup. in H. Ophthalmicus morbus dicitur qui agritudinem adducit cap. 15. oculis. ὀφθαλμὸς est.
- Colla. 23. Originales, siue Originarij serui siue coloni dicebantur, qui cap. 12. pradio adscripti in venditione cum eo simul addicebantur. horum fit mentio in l. hi penes quos. & l. quens admodum. & l. Oginarios. C de agricolis & censitis lib. XI. Inde Cassianus originalia vincula pro seruilibus posuit.
- Coll. 24. Otalgicus morbus est, qui auribus affert dolorem, nam ὦτα aures sunt, ἀλγέω doleo, inde ὠταλγικός. Porro hac vox in cap. 15. omnibus hactenus impressis codicibus desiderabatur, eam nos reposuimus ex Vaticanis.
- Lib. 5. ca. 26. Pafius, Nicephorus lib. 9. cap. 14. Pafium inter primos Ægypti monachos numerat. Palladius etiam, licet in vulgaris libris vitiose apud eum legatur Pafius, ut apud Cassianum Pbefius siue Pefius.
- Collat. 5. Pancarpum fuisse spectaculi genus in quo homines ad id cap. 14. mercede conducti cum bestiis omnis generis decertabant, Cassianus auctor est, cui maxime huius vocis intelligentiam debemus. Vtitur ea Secundinus hareticus in epistola ad Augustinum his verbis: Sed forte post Daretis & Entelli certamen Iacob & ipsius pammachii spectare volueris? An numerum Amorraeorum, an pancarpum in arca Noe conspiciere disposueras? hac ille. Cui S. Augustinus lib. aduersus eum scripto cap. 23. ita respondet: Nomine pancarpi, qui in ludicris muneribus edi solet, propter omnium generum qua inerant bestias exagitatis arcam Noe, qua per omne genus animalium, futuram ex omnibus gentibus figurabat Ecclesiam. Imperator etiam Iustinianus Nouella constitutione. CV. sic scribit. Μὴτ' ἐκεῖνου τὴν τοῦ λεγομένου μονημερίου, ἐνθα πολλὴς ἡ διαβείας ἐμπλήσσει τὸν δῆμον, τοτε καλούμενον πάγκαρπον, θεωμένων καὶ θηρίων ποσυχόμενους ἀνδραρούμενα καὶ εὐδελιμοῦντας τῇ τολμῇ, καὶ ὅπως γὰρ ἀναιρούμενα τὰ θηρία. Qua ideo Græce retuli quod apud eius Nouella interpretes aut loci vitiosus sit, aut (quod in Augustini & Cassiani loca non-
dum

dam inciderant) ab illis non satis intellectus fuisse videatur. Quod si quis a me quærat qua ratione venationem illam, in qua homines cum bestiis omnis generis depugnabant, pancarpum (qua vox omnem fructum significat) appellarint, dicam, fortasse id per translationem factum. Cum enim lanceæ, quam omni genere fructuum refertam deorum templis inferebant, ab re pancarpium dicerent (παρ enim omne, καρπος fructus interpretatur, per translationem coronas etiā ex varijs floribus contextas, licet nihil fructus inesset, Feslo Pompeio teste, pancarpium vocabant. Inde ergo & venationem, qua omni genere bestiarum constabat, pancarpum appellauerunt.

Panephytis. ita scribitur huius urbis nomen apud Prolemaum, & in Vatic. cod. Cassiani.

Paphnurius, sic scribitur hoc nomen in Vatic. codicib. Sotomeno & Palladio παφνυριος.

Paracharaximum, siue (ut legendum existimo) paracharagmum, est falsa moneta Græce παρὰ χαραγµα dicta hinc paracharacta, qui falsos nummos cudunt, ut lib. IX. C. Theodosiani titul. de falsa moneta, l. 8. Falsa moneta rei, quos vulgo paracharactas vocant, maiestatis crimine tenentur obnoxij. Sic & Cassianus Collat. 2. cap. 9. paracharagmum vulgare verbum fuisse tradit. nec dubito quin id ex Origene acceperit, cuius hæc sunt ex homil. 3. in Leuit: Solus est Dominus noster Iesus Christus, qui se huiusmodi artem possit docere, per quam scias discernere qua sit pecunia, qua veri regis imaginem tenet, qua vero sit adulterina, & ut vulgo dicitur, extra monetam formata, qua nomen quidem habeat regis, veritatem autem regis figuræ non teneat. Quod Latinus interpres vertit: Extra monetam formata, id Græce fuisse existimo παρὰ χαραγµα, nam eas homilias mihi Græce videre non contigit. Idem homil. 3. in psal. 36. omnium hæreticorum sermo non est probata pecunia, nec Dominicam integre in se habet figuram, sed adulteram, qua, ut dicam, extra monetam ita figurata est, quia extra Ecclesiam composita est. Porro charagma imaginem nummo impressam significare ostendit auctor, quem vocant, Imperfecti, homil. 38. in Matth. cum ita scribit: Nummus qui non habet charagma Casarii, reprobatus est. Ergo si recte auguror Cassianus Latina terminatione, ut alia etiam Græca nomina, paracharagmum declinauit.

Participium pro participatione dixit, ut pontificium pro pote. Tate.

Lib. 4. ca.

30.

Lib. 5. ca.

40.

Collat. 1.

cap. 20.

21. 1. 2

1. 1. 2

Coll. 23.

cap. 21.

Passi-

- Collat. 1. Passiuus, vox hac Tertulliano familiaris est significatq.
 cap. 5. apud eum, ambiguum, cōmune, promiscuum, inconstans, & vagum, id quod apud Cassianum significare videtur, ut etiā Apud Augustinum, cuius hac sunt verba in lib. aduersus Adimantum: Si hoc dictum est ut non seruetur panis in crastinum, magis hoc implent vagi Romanorum, quos passiuos appellant, qui annona quotidiana saturato ventre, aut donant statim quod restat, aut abijciunt. Et quidem adeo hoc vocabulum apud Africanos scriptores frequenter occurrit, ut eorum peculiare fuisse videatur. Vtitur tamen eo S. Hieronymus in Ezech. cap. 10. cum passiuam libidinem, dixit vagam & maritalibus legibus non obstrictam. Et in Matth. cap. 10. Non nobis, inquiens, tribuitur libera intelligentia. & allegoria interpretatio passiuā. Gregorius etiam Baticus, siue Faustinus est (nam utriusque nomine liber contra Arianos vulgatus est;) Ego, inquit, in patre, & pater in me, non utique per quandam passiuam confusionem &c.
- Lib. 10. c. Paulus abbas. huius omnes meminere, & S. Hieronymus eius vitam luculenter scripsit.
- 24.
- Collat. 2. Paufantes eos vocat Cassianus qui pausa, hoc est sine, viuendi facta in Domino requiescunt.
- cap. 5.
- Lib. 4. ca. Paxamacium paruus est panis sex fere unciarum, atque
 14. & alibi. statutus modus refectionis diurna monachis Egypti fuisse duo paxamacia, qua integram libram non aequabant, ut Cassianus scribit Collat. 2. cap. 19. & Collat. 12. cap. 15. Palladius etiam in vita Pauli Simplicis: Fert, inquit, panes Antonius, & imponit mensa quattuor paxanidia sex unciarum. & sibi quidem unum madefecit, erant enim sicci. Ceterum Suidas vocem Latinam esse, & panem bis coctum significare sic tradit: Παζαμάς ὁ δίπυρος ἄρτος ἐστὶ δὲ λέξις ῥωμαϊκή. Vaticani autem libri paxamacium habent.
- Coll. 18. Pharos turris fuit maxima quam Ptolemaeus rex Egypti
 cap. 1. iuxta Alexandriam construxit, ut notū in summo eius igne accensi, nauigantibus prænuntiarent vada & introitus portus: nam Alexandria fallacibus vadis insidiosos accessus habuit. Inde omnes huiusmodi turres alibi exaedicata Phari sunt dicta, nunc vulgo Lanternas vocant. Ergo Piammon abbas qui tamquā ciuitas supra montem posita latere non posset, sed quasi lucerna super candelabrum luceret omnibus qui in Egypto erant, apte a Cassiano pharo huiusmodi comparatur.
- Lib. 5. c. 1 Philargyria est amor siue studium pecunia, nam φῖλος
 & alibi. μισικός

micus est, ἀργύριον licet proprie argentum dicatur, frequenter tamen pro pecunia generaliter ponitur quocumque metallo constet. Vtitur hac voce S. Paulus 1. Timoth. 6. & Cassianus eam Grace usurpauit, quod auaritia vocabulum rim eius plene exprimere non videretur.

Piammon, ita est scribendū hoc nomen. Sozomenus lib. 6. Coll. 18. cap. 29. Καὶ πιαμμὼν καὶ ἰωάννης περὶ διολκὸν τῆς αἰγύπτου cap. 1. πορεσβύτεροι ὄντες. Et Nicephorus lib. 11. cap. 35.

Placitum pro conuentione & pacto, vox est Iuriconsultis familiaris, ut l. 1. D. de pactis, & alibi sap.

Planeticae, planetas alij has vestes appellant, & ἀπλανήτων, quod est vagor, & erro dictas existimant. Erant enim amplissima ac laciniosa, & oris errantibus euagabantur, totumq. hominem contegebant. Isidorus in regula has suis monachis interdicat, ut dixi in voce Birri.

Plectæ quas Aegyptij Siras vocant, habena sunt e palma, iunco; aut sparto contexta, ex quibus sparte, canistra aliaq. similia conficiuntur, dicta a verbo πλεκω, quod nectō significat & contexo. Similiter Græci πλεκτὴν σιτάρην interpretantur. Hispani pleitas vocant eas habenas, & quas ex ijs conficiunt seras.

Pontificium pro potestate frequens est in constitutionibus Principum, ut C. Theodosiano lib. XVI. titulo de fide catholica. l. 3. Neque his penitus post hac obtinendarum ecclesiarum pontificium facultatemq. permitti &c. & eod. lib. titulus de hæreticis, l. 23. Omnes igitur qui harum professionum, vel pontificium vel ministerium vindicarunt. Gellius lib. 1. c. 13. Sunt enim non pauci, qui cum sententiam suam ima in parte defixerint, & re semel statuta, deliberataq. ab eo, cuius negotium id, pontificiumq. esset, nequaquam putauerunt contra dictum eius esse faciendum. Apud Arnobium etiam lib. 2. contra gentes in v. c. sic legitur: Vt enim, dij certi certas apud vos habent tutelas, licentias, potestates, neque eorum ab aliquo id quod eius non sit potestatis ac licentia postularis: ita vnius pontificium Christi est dare animis salutem, & spiritum perpetuitatis apponere. Et alter Arnobius in expositione psal. 68. ad illos, qui sedebant in porta: In portis ergo, inquit, hi accipiunt pontificium iudicandi, & corripiendi. Sic etiam de S. Petro canit Ecclesia. Deus qui beato Petro Apostolo tuo collatis clauibus regni caelestis, animas ligandi atque soluendi pontificium tradidisti &c.

Porphy-

- Lib. 10. c. 24. Porphyrio, meminit rursus huius eremi Collat. 24. cap. 4. his verbis: Qui in illa Calami siue Porphyris eremo commoratur. Ptolemaeus in ea regione Porphyriten montem locat, & Palladius cum scribit: Sanctus Pitirum anachoreta, qui sedebat in Porphyrite. Eusebius etiam lib. 8. Ecclesiast. hist. cap. 18. Forte, inquit, in loco quodam Thebaidis Porphyrite appellato, qui iam antea ex vena lapidis porphyritis, qua ibi nascitur, nomen duxerat.
- Lib. 5. c. 11. Posterulam pro paruo postico dixisse videtur, quod in auersa murorum siue domorum parte esse consuevit, posticulum vocat Plautus, Apuleius posticulam.
- Lib. 1. c. 8. Præfigurauere lineas. Solent pictores futuram imaginem ductis lineamentis præfigurare, deinde vero colores inducere: inde Cassianus ait illos patres, qui in veteri testamento circumierunt in melotis & pellibus caprinis, iam tum præfigurauisse ac delineasse habitum conuersationemq. monachorum.
- Coll. 14. cap. 1. Πραξιτην, Græco scriptam hanc vocem reperi in Vatic. cod. quid significet satis Cassianus exponit.
- Coll. 6. c. 10. & Colgenes homil. 9. in Exodum his verbis: Potest intra se agere lat. 7. cap. pars illa, qua in eo est pretiosissima omnium, quod quidam 12. & Col principale cordis appellant, alij rationalem sensum, aut 12. 20. c. 9. intellectualem substantiam, vel quocumque modo appellari potest in nobis portio nostri illa, per quam capaces esse possumus Dei. Et Homil. 2. in Cantic. interprete Hieron. ad illud: In medio vberum meorum commorabitur. Quis, inquit, ita beatus, ut habeat hospitem in principali corde, in medio vberum in pectore suo sermonem Dei? Sed legendum in principali cordis. S. Hieronym. lib. 1. contr. Iovinian. Fratruelis meus mihi, & ego illi, in medio vberum meorum commorabitur, in principali cordis, ubi sermo Dei habet hospitium. Et in Habac. c. 3. legimus scriptum cor regis in manu Dei, pro eo, quod est: mens & principale cordis viri sancti non vagatur extrinsecus, sed in Dei tutela situm est. Ideo autem principale cordis dictum videtur, quod cum Platonicum principale animæ, hoc est, τοῦ ἡγεμονικόν in cerebro esse censerent, Christiani viri illud potius in corde collocandum putarunt. Hieronym. in epist. ad Fabiolam de veste sacerdotali: Quæritur, inquit, ubi sit anima principale. Plato in cerebro, Christus monstrat in corde: Beati mundo corde, quoniam

ipsi Deum videbunt. Et: De corde procedunt cogitationes mala. Et: Quid cogitatis nequam in cordibus vestris? Vide Tertull. lib. de An. de Hegemonico in edit. Pam. pag. 575.

Procherium, ita hanc vocem scriptam inueni in omnibus Colla. 19. Vatic. lib. sed cum Grace ἀποχρεον dicatur quidquid ad manum est, & Plutarchus ἀποχρεα. οὐδ' n' appelleret vasa, qua ad manum sunt, existimare quis posset hoc loco apud Cassianum legendum esse: In prochiro, id est, amanuensi, sporta. praeipue cum ut procherium in se sportam contineat. nulla etymologia ratio possit admittere: certe eam dictionem alibi me legisse non memini.

Prosecutio pro relatione siue narratione alijs quoque auditoribus visitatum. Collat. 8 cap. 16.

Protypum est forma seu exemplar cuiusque rei, ἀπότυπον. Utuntur hac voce Plinius & alij. In vulgatis codicibus vitiose erat scriptum diuise, pro typis, in alijs vitiosus, typis tantum. Colla. 10. cap. 9.

Psiathium Gracis teges siue storea est iunco aut papyro confecta, ea pro lecto & stragulo utebantur monachi Aegyptij. Viden. Collat. 1. cap. 23. & lib. 5. cap. 35. Glossarium: Teges, inquit, ψαθιον. Lib. 4. c. 13. & alibi.

Pyra lignorum congeries est Servio auctore.

Co. 15. c. 3

Quadragesima vectigal, Varia vectigaliū genera Roma fuisse, diuersis tamen temporibus, apud auctores inuenio. Vice-sima eorum, qui manumitterentur, de qua Liuius lib. 7. Vice-sima item hereditatum vectigal fuit ab Augusto extraneis hereditatibus irrogatum. Fit eius mentio in l. ult. C. de edict. Diui Adrian. tollen. & alibi. Pro litibus atque iudicijs ubicumque conceptis, quadragesima summa, de qua litigaretur, meminit Suetonius in Caligula. Fuit & quinquagesima mancipiorum venalium, de qua Dio lib. 55. Deinde quinta & vice-sima eorundem mancipiorum, cuius meminit Cornel. Tacit. lib. 13. Fuit & centesima rerum venalium, eodem Tacito auctore lib. 1. & ducentesima auctionum siue rerum venalium Tacitus lib. 2. & deinde Suetonius in Caligula. De quadragesima vero lib. 13. sic scribit: Manet tamen abolitio quadragesime quinquagesimaeque, & qua alia ex actionibus illicitis nomina publicani inuenerant. Tempore tamē Cassiani quadragesima vectigal Imperatoribus pendere solitum ex hoc loco discimus. Coll. 21. cap. 28.

Quinquagesimam appellat Cassianus Latine, quam Graece dicimus Pentecosten, hoc est, spatium illud quinquaginta Lib. 2. cap. 16.

dierum a resurrectione Domini ad Spiritus sancti aduentum. Vtitur hac voce rursus lib. 2. cap. 18. & Collat. 21. cap. 8. S. Hilarius in praefatione in psalmos de quinquagenario numero loquens, qui ex septem conficitur hebdomadibus: Et haec quidem, inquit, sabbata sabbatorum ea ab Apostolis religione celebrata sunt; ut his quinquagesima diebus nullus neque in terram strato corpore adoraret, neque ieiunio festiuitatem spiritualis huius beatitudinis impediret: quod id ipsum extrinsecus etiam in diebus Dominici est constitutum. Ambrosius serm. 61. In Dominica, inquit, resurgens Saluator reuersus ad homines est, & post resurrectionem tota quinquagesima eum hominibus commoratus est. & infra: Non igitur ieiunamus in quinquagesima, quia in his diebus nobiscum Dominus commoratur.

Collat. 6.
c. 1.

Reliquias inquit Origenes homil. 5. in psal. 36. dicere solemus, cum spiritus separatur a corpore, velut enim maiore parte hominum in spiritu deputata, qua superest pars corporis, reliquia nominantur. Ambrosius in psalm. 36. Reliquia dicuntur mortui hominis exuuiæ. Ideo reliquia, quia post mortem hominis videntur superesse. Super sunt enim, qua seruantur ad resurrectionem.

Coll. 18.
cap. 14.
Lib. 5. ca.
26.

Repausare est reficere ac recreare, & quasi laboribus pausatam, hoc est, finem imponere.

Sabbato & Dominico die solere Aegypti monachos solemniter conuenire & collectas facere, ex Cassiano, & ex regula S. Pachomij, quam simul cum Cassiano imprimendam curauimus, discas. Quin etiam in omnibus Christiani orbis ecclesiis, prater Romanam & Alexandrinam, eam consuetudinem seruari solitam traditur in Tripartita historia lib. 9. cap. 38. his verbis: Cum per ecclesias in vniuerso terrarum orbe constitutas die sabbatorum per singulas hebdomadas sacrificia celebrentur; in Alexandrina & Romana prisca quadam traditione, non faciunt. Aegypti vero Alexandria vicini; & Thebaidis habitatores sabbato quidem collectas agunt; sed Dominica, sicut moris est, sacramenta percipiunt. Hac ibi, qua sunt fere Sozomeni lib. 7. cap. 19.

Lib. 5. ca.
30.

Sagum apud Romanos species fuit pallij, quo precipue in bello utebantur, ut in urbe toga. Verum id Cassianus & alij pro stragula vestis genere usurpant, qua lectis iniiciebatur: ea distinctioris professionis monachi non utebantur, sed psalterio tantum, hoc est, iocunda vel regere.

Scam-

Scamma, σκάμμα Græcis est stadium, arena, seu locus in quo athletæ certabant, ita dictus a verbo σκάπτω, hoc est, fodio, quod fossa esset circumscriptus. Vox est Græcis auctoribus, & Chrysostomo præcipue frequens. Vtitur ea, metaphoricè tamen, ut fere alij, Tertullianus in libro ad martyres, cuius hæc sunt verba: Epistates vester Christus Iesus, qui vos spiritu unxit, & ad hoc scamma produxit. S. etiam Hieron. epist. 61. contra errores Ioannis Hierosolymitani: Cur tu, inquit, omissis super quibus pugna est, de scammate & loco certaminis egrediens, in peregrinis & longe alienis disputationibus immoraris? Apud eundem in commentarijs epistola ad Galat. cap. 5. vitiose legitur: Videas plerosque de scripturis inter se contendere, & athleticum scomma Dei facere sermonem; cum plane legendum sit, scamma. Aque vitiose legitur apud S. Ambros. lib. 1. officior. cap. 16. Quid epulari gestis ante quàm stadium solvatur? adhuc populus spectat, adhuc athletæ in scemmate sunt, & tu iam otium petis? Alijs vero locis apud eum integre legitur, ut lib. de Elia & ieiunio cap. 13. In scammate si quis te manu leuat, exors quidem palma, sed immunis iniuriæ es. & cap. 21. Progressus in scamma necesse est, ut excipias pulverem. & rursus: Luctator in scammate, pulvis in stadio. Paulinus in epist. 2. ad Severum: Noli, inquit, interim dum in scammate sumus &c. Calius etiam Aurelianus lib. 2. tardarum passionum cap. 1. sic scribit: Ordinatus idem in arena spatium, quod appellant scamma. Ceterum corrupte legebatur in omnibus vulgatis Cassiani libris schemmate, aut multo vitiosius caumate, cum in Vatic. codicib. scriptum sit scammate.

Scandalizantes fratres dixit, pro scandalum patientes. Coll. 6. c. Hilar. in Matt. c. 30. & alibi. 1. & alibi.

Schœnobates recte Cassianus σχοινοβάτης funambulorum interpretatur, nam σχοινός est funis, βαίω ambulo. Primus autem Latinorum Messalla Corvinus Funambulorum dixit, quem Græci σχοινοβάτης vocant, quem est secutus Terentius in Hecyra. Iuvenalis satyr. 3. Grace ut Cassianus retulit. Augur, schœnobates &c. & Calius in epist. ad Ciceronem lib. 8. schœnobaticam facere. Colla. 23. cap. 9.

Scithi eremus, hunc montem ac solitudinem Palladius, Sozomenus, Nicephorus non Scithin vocant, sed Scetin. Quia & is qui primam collationem Cassiani Græce in compendium rededit, id quod in vulgatis libris apud Cassianum statim initia Lib. 5. c. 40. & alibi.

X 2 2 legitur.

legitur: Cum in eremo Scithi ubi monachorum probatissimi patres &c. in hunc modū transulit: ὅτι τοῖσι ἐν τῇ ἐρημίᾳ τῆς σκητῆς ὅπου ἦσαν μονάχων αἱ δοκιμάτατοι πατέρες &c. Verum Cassiani ueteris libri, Palladij etiam prisca uersio, & alij, legunt Scithin, quibus fauere uideatur Ptolemaeus, e cuius lib. 4. cum de Aegypto agit, hac uerba descripsi: Καὶ ἐν τῇ σκιθικῇ χώρᾳ ἡ σκῆτις hoc est; & in Scithiaca regione urbs Scithis. & eodem lib. Τοῦ ἤμαρ αὐτοῦ τα ῥέηθι θαλάσσης καλεῖται ταινίας, τὰ ἔντος κατέχουσι γωνιάται καὶ ἄριστοι δῖται; μεθ' οὗς ἡ σκιθικὴ χώρα, καὶ οἱ μαρσίται, τὰ ἔμμετα βρινωτέρα νεμονται νησιῶται. quo loco Mareotin, Scithiacam regionem, & Nitriotas uicinos facit. & Sazomenus lib. 1. cap. 14. Lacum Mareos, Seetin, & Nitriam contemnina sibi esse ait. uerba eius ne quis requirat apposui: Καὶ πρὸς μέσην βίαν τῆς μαρσίας λίμνης καταλαβὼν ἐρημὸν ἀμολέτω σκῆτιν καὶ τὸ καλούμενον τῆς νησιᾶς ὄρος. Vtram quis orthographiam sequi maluerit, habebit auctorem, dum sine y Græca scribat Scithi.

Coll. 1. σκοπός, scopus etiam Latine dicitur, estq. signum, ad
cap. 2. quod tela dirigunt sagittarij, per translationem uero, intensio sine propositum eo uerbo significatur. S. Hieronymus lib. 1. aduerf. Pelagianos: Sed instar sagittarij ad propositum & ad signum iacula dirigere, quod significantius Græcè σκοπὸν nominant.

Coll. 1. Scipulum. Sic reperi hanc uocem scripta in Vatic. lib. &
cap. 21. quidem recte. est enim scipulum paruum pondus, nempe uicesima quarta pars uncia. dicitur etiam scriptulum sine scribulum, a uerbo scribo ubique deriuato uocabulo, Græcorum imitatione, qui huiusmodi pondus γράμμα, idest, litteram uocant, propterea quod, ut littera apud eos uicesima quarta pars est alphabeti, ita grammma seu scipulum uicesima quarta pars uncie sit.

Lib. 3. Sexta Sabbati. Olim hebdomada dies a Dominica incipiendo ita numerabantur, Prima sabbati, secunda sabbati, tertia sabbati &c. S. Hieronym. in questio. ad Hedi-
biam, quest. 4. Vna sabbati, inquit, dies Dominica intelligenda est, quia omnis hebdomada in sabbatum, & in primam, & secundam, & tertiam, & quartam, & quintam, & sextam sabbati diuiditur: quam ethnici idolorum & elementorum nominibus appellant. Sic rursus Cassianus lib. 4. cap. 19. secundam sabbati dixit.

Spelæum Vocabulum Græcum est σπηλαιον, iam inde a Virgilio Latinitate donatum. is enim Eclog. 10. dixit: Inter spelæa ferarum. significat autem speluncam. Vritur eo Tertullianus lib. de Corona militis, & S. Ambr. non semel.

Lib. 4. ca.

12. & Co-

17. c. 5.

Statio ieiunium significat apud Cassianum, ut apud Ambrosium etiam sermone 25. cuius hæc sunt verba: Castra enim nobis sunt nostra ieiunia, quæ nos a diabolica impugnatione defendunt. Denique stationes vocantur, quod stantes & commorantes in eis inimicos insidiantes repellamus. In antiquissimo illo libro licet apocrypho, qui Pastoris inscribitur, Hermas eius libri auctor, sic introducit Pastorem secum loquentem, Quid tam mane huc uenisti? Respondi: Quoniam domine stationem habeo. Quid est, inquit, statio? Et dixi: Ieiunium. Et dixit: Quid est istud ieiunium? Sicut solebam, inquam, sic ieiuno. hæc ille. Quidam uero ieiunium & stationem eo differre existimant, quod ieiunium sit uoluntarij muneris, statio autem, quæ sub lege præcepti seruatur: quorum opinio fauere uidetur S. Hieronymus, qui lib. 2. contra Iovinianum sic scribit: Iesus filius. Næue stationem imperauit soli & luna, & in ediam plusquam unius diei nitor exercitus protelauit. Saul, sicut in Regnorum 1. lib. scribitur: Maledictus inquit, qui ederit panem usque ad uesperam, donec ultiscar me de inimicis meis. Et non gustauit omnis populus eius, & tota terra frangebatur. † Tanti- que fuit auctoritas stationis semel domino destinata, ut Ionathas, qui causa uictoria extiterat, deprehenderetur sorte, & ignorantia crimen declinare non posset. Et quidem aliquid interesse apparet ex Tertulliano, cuius hæc sunt uerba in lib. de Ieiunio: Arguunt nos, quod ieiunia propria custodiamus, quod stationes plerumque in uesperam producamus. Cassianus utrumq. coniunxit, cum Collat. 21. cap. 29. dixit: Stationem ieiunij.

Lib. 5. c.

24.

Tertullii.
lib. de ieiun. adu.
physic.

† f. tāta-
que Ter-
tull. loco
supra ci-
tato.

*Status apud iurisperitos dicitur personarum conditio, secundum quam alij ingenui sunt, alij libertini, alij serui. Testimonia habes in Pandectis titul. De statu hominum, & titul. Ne de statu defunctorum post quinquennium queratur. Ergo apud Cassianum status calumniam alicui commouere est, libera ne aliquis an seruilis sit conditionis per calumniam quæ-
stionem mouere.*

Coll. 24.

cap. 26.

Submissa in terram pœnitentia. Sic loquitur rursus Cassianus lib. 3. cap. 7. & quid sit declarat lib. 4. capit. 16.

Lib. 2. c.

16.

eum ita scribit: Tamdiu prostratus in terram veniam postulat, donec orationum &c.

- Lib. 4. c. 15. Suppleri iracundia dixit lib. 4. cap. 15. suppleri dolore Collat. 9. cap. 26. & Collat. 18. cap. 11. furore suppleri Collat. 10. cap. 19. caligine suppleri lib. 10. cap. 2. sed frequentius absolute pro a damone corripitur usurpat.
- Lib. 10. c. 7. & 14. Susceptos vocat Cassianus agros, quos medicus curandos suscepit. Sic is qui Ambrosij nomine circumfertur in cap. 2. epist. 2. ad Corinth. Quis, inquit, medicorum non arguat susceptum suum negligentius se tractantem, ne cura medicina sua sine effectu remaneat? S. Ambros. serm. 27. Si medicum animarum nostrarum fideliter exoremus, & precepta eius tamquam suscepti idonei minime dispernamus. Et Tereullianus aduers. Valentinianos: Hic opinor ille susceptam confirmat, & omnibus iniurijs passionis expumicat. Dicebantur etiam suscepti clientes quos patroni tuendos suscepant. Seruius Aen. 6. ad illud: Aut fraus innexa clienti: Vult, inquit, intelligi prauaricatores, qui patroni sunt clientium, quos nunc susceptos vocamus. August. epist. 59. Tunc enim antistites velut aduocati susceptos suos per manus impositionem misericordissime offeruntur potestati. Et ille qui inter Augustini opera sub eius nomine delitescit, in quaest. noui & vet. testam. quaest. 102. Numquid si male vita sit aduocatus, contra susceptum suum pronuntiabitur? Ambros. serm. 93. Instantum vicina praesentia efficacia praebebitur aduocati, in quantum fuerit fides deuota suscepti.
- Lib. 2. c. 19. Synaxis. Cum monachi conueniebant siue ad orandum siue ad sacrosancta mysteria celebranda, is conuentus Synaxis a verbo συνάγω, hoc est, congreco, siue colligo, dicebatur. ea vox varie ab scriptoribus ecclesiasticis Latine redditur; Collecta, conuentus, congregatio, conuenticulum, celebritas, solemnitas: & is omnibus, alijs atque alijs locis utitur Cassianus.
- Coll. 20. cap. 2. Syncellitas appellare videtur Cassianus eos, qui in eadem cella cohabitant. Apud Zonaram & Georgium Cedrenum vocabulum Syncellus Συγκελλος frequenter occurrit, neque una semper significatione.
- Lib. 7. c. 15. Syncleticus Grace, Latine senator dicitur, συγκλητικός. Porro hic locus vitiose legebatur in omnibus qua viderim exemplaribus. in illis enim Syncletium erat nullo sensu. nos ex Epitome Graca huius libri, qua extat in Vatic. bibliotheca, locum in integrum restituiimus. Graca verba si quis requirat,

quirit, hæc sunt: καὶ τὸν συγκλητικὸν ἀπόλεσας, καὶ μο-
ναχὸν οὐκ ἐποίησας.

Tabennensiora. Tabenna insula fuit in Nilo flumine, in Lib. 4. c. 1
qua Pachomius insigne monasterium condidit, quod reliquias
eius instituti caput & quasi metropolis erat, auctores sunt
Palladius atque Sozomenus. ab ea monachi qui Pachomij in-
stitutum sequebantur, Tabennensiora appellati.

Tamenetsi. sic est in Vatic. codic. non tamenetsi: quam par- Lib. 12. c.
ticulam (quoniam ea Plautus, Caesar & Cicero utuntur, & 33.
iurisconsulti frequenter. Ambrosius etiam epist. 58. cum scri-
bit: Quod tamenetsi cognitum tibi foret, non otiose sciscitan-
dum putasti. Et Hilar. in lib. cont. Constant. in antiquo
exemplari pag. 116.) conseruandam putauimus.

Τέλος Latine dicitur finis, & Grace scriptam hanc vocem Col. 1. c. 2
reperi in omnibus mss. libris.

Teneditudo frontis dicitur Cassiano pudor quidam subru- Colla. 17.
sticus: quo impediti plerumque homines id, quod sibi utile
sperant futurum, non exequuntur. Seneca lib. 1. epist. 11. Scio

esse ruborem, qui grauissimis quoque viris subitus offunditur.
Magis quidem in iuuenibus apparet, quibus & plus calor
est, & tenera frons; nihilominus tamen & senes tangit; &
nihil erat mollius ore Pompeij: contra vero frons dura pro im-
pudentia ponitur. S. Hierony. aduersus Pelagianos: Ut dura
frontis, inquit, impudentia conteratur. Ferream frontem pro
eodem scripsit Plinius in Panegyrico: Exanguem illam & fer-
ream frontem nequidquam conuulnerandam punctis præ-
beant. Ut in Eunuchio Terentius, os durum pro impudente di-
xit. Et Seneca lib. 2. Quod in Sapientem non cadit iniuria. c.
17. Si ille hoc potuit duritia oris, qui assiduus conuicijs pu-
dere dedidicerat. Infirmitas frontis ab eodem dicitur lib. 2.
de beneficijs: Multi, inquit, sunt, quos liberales facit infir-
mitas frontis. Contra in lib. Quod in Sapientem non cadit
iniuria. 2. c. 17. Aduersus alia maledicta mores, & vitam
conuulnerantia frontis illi firmitas constitit, aduersus hoc
tam absurdum lacryma prociderunt.

Thecue viculus fuit non longe a Bethleem, Amos prophe- Col. 6. c. 1
ta patria. Verum totus hic locus mihi suspectus est: nam S.
Hierony. in præfat. commentar. in Amos sic scribit: Thecue
sex milibus ad meridianam plagam abest a sancta Bethleem,
& ultra nullus est viculus, ne agrestes quidem casæ. tanta est
eremi vastitudo, qua usque ad mare Rubrum, Persarumq.

Et Æthiopum atque Indorum terminos dilatatur. Ex hoc viculo fuit Amos propheta. hac Hieronym. Ceterum apud Cassianum vastissimam solitudinem amplissima extensione porrectam, ad mare tantum Mortuum extendi dicitur, quod a Bertheem non ita multum aberat. Itaque verisimile est quadam hic falso adiecta, & ad hunc modum legendum esse: Scilicet vastissima est, usque Arabiam & mare Rubrum amplissima extensione porrecta. Nisi enim fallor, Cassianus Hieronymum in hac parte secutus est.

Coll. 10. Theophili solemnnes epistolæ. Extant tres epistola paschales Theophili huius episcopi Alexandrini, a S. Hieronymo in Latinum sermonem conuersa.

Colla. 1. Theoretica vita ea dicitur, qua in contemplatione consistit, ut actualis qua in actione. Ceterum in omnibus excusis codicibus vitiose ante legebatur: Theorica virtute flagrabat. in Vatican. vero emendate legitur: Theoretica vita fragrabat. de floribus enim sermo praeceperat. Vita autem practica & theoretica frequens est apud philosophos mentio. Cicerone ad Atticum lib. 2. Quoniam tanta, inquit, controuersia est Dicaercho familiari tuo cum Theophrasto amico meo, ut ille tuus τὸν πρακτικὸν βίον, idest, practicam vitam, longe omnibus anteponat; hic autem τὸν θεωρητικὸν, idest, theoreticam. Apud Christianos vero in Martha & Maria practica & theoreticam vitam designari notissimum est. Has voces Cassianus Grace scripsit, & latius explicauit Collat. 14. cap. 1.

Coll. 13. Theoria, θεωρία contemplatio est, siue ut Lactantius exponit, cap. 5. spectatio. sic enim scribis lib. 7. cap. 9. Cū status sit hominis reatus originē suā quærat, & quasi contempta humilitate terrena ad altum nititur, quia sentis summum bonū in summo esse quarendū, memorq. conditionis suae, qua Deus illum fecit eximium, ad artificē suū spectat; quam speculationē Iristmegistus θεωρίαν rectissime nominauit; q̄ in mutis animalib. nulla est.

Coll. 18. Theriaca, θηριακά, (subauditur autem, antidotus) dicitur cap. vlt. quodcumque medicamentum aduersus venena efficax, praeputie tamen hoc nomen obtinuit celeberrimū illud ex simplicibus pluribus & viperarum carne confectum: θηριακά vero appellatum est, quasi tu dicas, ex venenatis bestiis confectum. nam apud medicos θήρια peculiariter dicuntur bestia, qua ictu aut morsu venenum infigunt, & maximē vipera, ex quorum

Coll. 14. c. 4. & 16. c. 1. Thmuis. Corrupte legebatur huius urbis nomē in omnibus impres-

Empressis codicibus, in quibus Thimius, aut Thymsus est scriptum. Meminere eius Ptolemaus, Stephanus, alijq. Geographi. Hierony. etiam in Catalogo: Phileas, inquit, de urbe Ægypti, que vocatur, Thmus. Ab hirco vero sic dictam tradit idem lib. 2. contra Iovinianum, his verbis: Vrbes quoque apud Ægyptios ex animalium vocabulis nuncupantur, Leonton, Cynon, Lycon, Busyris, Thmus, quod interpretatur hircus. Et in Esai. cap. 46. Nam pleraque oppida apud Ægyptios ex bestiis & iumentis habent cognomina; κυων a cane, λεων a leone, θμους lingua Ægyptia ab hirco, λυκων a lupo.

Trapezita Latine nummularius dicitur, mēfarius ad verbum reddi potest, nā τράπεζα mensa est, & nummularij mēsa posita munus suum exercebāt. inde Dominus noster templum ingressus nummulariorū mensas euertit. Horum quæstus etiā apud gentiles parum probatus fuit, quod sœnore plerumque constaret. Ceterum erant alij trapezita, quorum ars erat monetam falsam a vera distinguere: hi grati populo fuere. nam de ijs ita scribit Plin. lib. 33. cap. 9. Igitur ars facta denarios probare, tam incunda lege plebi, ut Mario Gratiadiano viscagrim totas statuas dicauerit. Mirumq. in hac artū sola vitia discuntur, & falsi denarij spectatur exemplar, pluribusq. veris denarijs adulterinus emitur. Hos etiam a Domino cōmendatos & Cassianus hoc loco, & fere omnes sacri doctores referunt. S. Hierony. in epistola ad Minerium & Alexandrum: Sciat, inquit, me illud Apostoli libenter audire: Omnia probate, quod melius est tenere: & Saluatoris verba dicētis: Estote probi probabiles nummularij, ut si quis nummus adulter est, & figuram Cesaris non habet, nec signatus est moneta publica, reprobetur; qui autem Christi faciem claro præfert lumine, in cordis nostri marsupium recondatur. Origenes sō. 19. in Ioannem: Seruantibus, inquit, illud Iesu mandatum: Estote probi trapezita: & Pauli doctrinam, dicentis: Omnia probantes, quod melius est tenere. Clemens etiam Alexand. Stromate 1. non longe a fine sic scribit: Εἰκότως ἀρα ἡ γραφή τῶν ὑποτινάζει μᾶς διαλεκτικούς. οὕτως δὲ λουσα γενέσθαι παραινεῖ: γίνεσθαι δὲ δοκιμοὶ τραπεζίται, πάντα μὲν ἀποδοκιμαζόμενοι, τὸ δὲ καλὸν κατεχόντες. hoc est, Merito scriptura tales nos volens esse dialecticos, sic hortatur: Estote probi trapezita, omnia quidem probantes, quod autem bonum est tenentes. Ad id alludens S. Hierony. in epist. ad Ephes. cap. 4. Omni studio, inquit, legenda nobis scriptura sunt, & in lege Domini meditando

Collat. 1.
cap. 20.

candum die ac nocte, ut probati trapezita sciamus quis nuntius probus sit, quis adulter. Alludit ad id etiam S. Ambrosius lib. 1. in Lucam cap. 1. & lib. 9. cap. 20. & Basilius in Esai. cap. 1. Clemens in Constitution. Apostolicis lib. 2. cap. 21. Verum, ut id obiter dixerim, ea sententia in toto testamento nouo non legitur, quare in eam opinionem discessi ut existimen eam fuisse desumptam ex Euangelio secundum Hebraeos, ex quo antiquissimi auctores Ignatius, Clemens, Origènes & alij, quidam suis scriptis inseruerunt, ut testatur aliquoties S. Hieron. in Catal. script. Eccles. & ipse Hieron. in Esai. c. 40.

Col. 8. c. 1. Trogalia, τρογάλια Grace, bellaria, hoc est, dulciaria, & gula delicias esse dicunt hi, qui glossas scripserunt: sed in euenio Scitibi cicer fructum monachis pro bellarijs erat, & inde ita vocabantur.

Li. 2. c. 2. Typus Grace lex, sine constitutio est, ut in Nouellis Iustiniani 105. 106. 107. atque in quibusdā edictis eius videre est: Latini formā dicunt, nam in l. decernimus. C. de sacrosanct. eccles. ita legitur: Cassatis & rescissis, quae per huiusmodi sceleratis insensiones, aut pragmaticas sanctiones, aut constitutiones impias, seu formas subsecuta sunt. Accipitur etiam pro modo & via, quemadmodum accepit S. Ambrosius cum scribit epistola 78. Quae de re quoniam proprijs texuisti litteris posse typum reperiri aliquem, quo possit auferri fratrum discordia &c.

Lib. 5. c. 30. Vua est excrecens caro intra fauces a pituita deducta, quae frequenter praecidi solet. de ea Cornelius Celsus lib. 7. cap. 12. Vua, inquit, si cum inflammatione descendit, doloriq. est, & subrubicundū coloris, praecidi sine periculo non potest.

Lib. 4. c. 21. Xerophagia, ξεροφαγία esum rerum aridarum significat. Vtitur hac voce nō semel Tertullianus, & quid sit initio libri de Ieiunio exponit his verbis: Arguunt nos quod xerophagias obseruemus, siccantes cibū ab omni carne & omni inuoluta & uisidiorib⁹ quibusq. pomis, ne quid vinositatis vel edamus vel potemus; lauacri quoque abstinentiā cōuenientē arido victui: hac ille. Verum haec ita scrupulose obseruata xerophagia Monachistarum fortasse fuerunt, pro quorū defensione libriū illum Tertull. scripsit. Fuisse tamē xerophagia catholicis vsitata, de quibus in Laodicēsi Concilio dicitur canone 50. δὲ πᾶσαι τὰν τεσσαράκοντῶν ἡμερῶν ξεροφαγεῖντας, hoc est, oportet totam quādragesimam ieiunare, xerophagijs utentes.

FINIS ANNOTATIONVM.

CAS.

CASSIANVS TESTIMONIA

facræ scripturæ fere omnia ex vulgata editione adducit : quam meliorem esse interpretationem, & ad veritatem Hebraicam expressam affirmat. Verum quoniam Lxx. interpretes, qui in omnium tunc manibus versabantur, imbiberat; fit ut loca quædam (sed præcipue ex prouerbijs, quæ fortasse iam olim in eius memoria infederant) secundum eorum interpretationem citer. Ea nos, maiori ex parte ab alijs non animaduersa, aut negligentius castigata, & si qua alia a vulgata nostra editione aliquantulum discrepabant, in indicis formam redegimus, atque his Græca vnde desumpta sunt, ex vetustissimo Vaticanæ bibliothecæ libro, & alijs correctionibus adiunximus.

Ex Genesi.

- Cap. 1. Et ecce omnia quæ fecit Deus bona valde.) καὶ ἰδοὺ καλὰ λίαν. Coll. 23. cap. 3.
- 4 Nonne si recte offeras, recte autē non diuidas, peccasti?) οὐκ εἰὼν ὀρθῶς προσενέγκης, ὀρθῶς δὲ μὴ διέλῃς, ἡμαρ- Colla. 21. cap. 22.
- 8 Humanum genus diligenter intētum est ad nequitiam a iuuentute sua.) ἐγκτεται ἡ διάνοια τοῦ ἀνθρώπου ἐπιμελῶς ἐπὶ τὰ πονηρὰ ἐκ νεότητος αὐτοῦ. Coll. 23. cap. 1.

Ex Exodo.

- Cap. 5. Opprimantur laboribus, & solliciti sint in operibus suis, & non sint solliciti in verbis vanis.) καταρυνέσθω τὰ ἔργα τῶν ἀνθρώπων, τούτων, καὶ μεριμνάτωσαν ταῦτα, καὶ μὴ μεριμνάτωσαν ἐν λόγοις κενοῖς. Coll. 21. cap. 28.

Ex Leuitico.

- Cap. 7. Omnis mundus manducabit carnes. Et anima quæcumque comederit de carnibus sacrificij salutaris, quod est Domini, in qua est immunditia, peribit coram Domino.) Sic citat rursus hunc locum Collat. 22. cap. 5. Sed videtur legendum: In quo est immunditia, ut ad homi-

hominem potius, quem sub nomine anima voluit intelligi, quàm ad animam, referatur: nam Grace est: καὶ ἡ ἀναπαύσις αὐτοῦ ἐπ' αὐτῷ. atque ita legitur apud Cyprianum & alios.

Ex Deuteronomio.

Lib. 7. c. Cap. 20. Siquis est homo formidolosus et corde pauido, nō egrediatur ad bellum: vadat & reuertatur. Verba illa: Non egrediatur ad bellum: neque in vulgata editione, neque apud LXX. leguntur; sed quia erant in omnib. mss. codicib. & epitome Graca huius libri, ea retinuimus.

Coll. 7. 32 Inimici nostri insensati.) οἱ δὲ ἐχθροὶ ἡμῶν ἀνόητος. cap. 18. vulgata editio: Et inimici nostri sunt indices. In vulgatis libris hoc testimonium coniunctum erat superiori quod citatur ex prouerbijs.

Col. 9. c. 4 Ex vinea enim Sodomorum vitis eorum, & samentum eorum ex Gomorrha, vna eorum, vna fellis, botrus amaritudinis in ipsis.) ἐκ γὰρ ἀμπελου σοδομόων ἡ ἀμπελος αὐτῶν, καὶ ἡ κληματὶς αὐτῶν ἐκ γομορράας. ἡ σαφυλὴ αὐτῶν σαφυλὴ χολῆς, βότρυς πικρίας αὐτοῖς.

Ex 1. Regum.

Coll. 3. c. Cap. 2. Non est in fortitudine potens vir.) ὅτι οὐκ ἐν ἰσχύϊ δυνατὸς ἀνὴρ.

Ex 3. Regum.

Coll. 7. Cap. 8. Quia tu nosti corda filiorum hominum.) Hic locus cap. 13. Iob tribuebatur in omnibus impressis libris, cum legi deberat: Salomon quoque: Quia tu nosti &c. Sunt enim Salomonis verba ad Deum 3. Reg. 8. atque inde illa citat nominatim S. Hieronym. in cap. 16. Ezechielis.

Ex 2. Paralipomenon.

Lib. 12. Cap. 24. Vniuersam pradam miserunt regi Darnasum.) Sic legitur in uno Varic. cod. & vulg. edit. In Hebraeo etiam est Darnasec. in vulgatis Cassiani libris Darnasum legebatur.

Lib. 11. c. 26 Et egressum est nomen Ozia procul, eo quod auxiliaretur cum Dominus &c.) Vtiose in omnibus impressis codicib. legebatur antea: Nomen Ozia propter quod auxiliaretur

liaretur cum dominus. nos ex mss. & vulg. edir. locum restitimus.

Ex Iob.

Cap. 1. Numquid gratis Iob colit Deum? (μετὰ δὲ πάλαι ἰσθὶ σὶ Col. 4. c. 6

Πεταὶ τοῦ θεοῦ;

3 Mors viro requies, cuius vita abscondita est.) Sic Col. 6. c. 6

legit etiam hunc locum S. Augustinus in annotationibus ad Iob: Mors, inquit, viro requies, cuius vita abscondita est, vel quia coram Deo, vel quia paucis nota. De ea vero morte accipiendum, per quam morimur mundo. hac Aug. In Græcis vero codicibus, etiam antiquiss. tantum est: θάνατος ἀνδρὶ ἀνὰ πάλαια: id est, Mors viro requies. In vulgatis antea legebatur: Mors viro iusto requies, sed vox iusto, addititia est. In Vaticanis vero catenis, & vno V. C. additur, οὐκ ὁδὸς ἀπεχρυσθῆναι. Itaque apud Aug. legendum cuius vita abscondita est.

5 Ipse dolere facit, & rursus medetur; percutit, & manus eius sanant. Coll. 2.

20 Nonne sicut lac mulsisti me, & coagulasti me ut caseum? ossibus & nervis inseruisti me.) Pro, Inseruisti cap. 13.
me, Græcè est, με ἐνέειπας, hoc est, me insuisti. Coll. 8.
cap. 15.

25 Si in sanctis suis non confidit, & in angelis suis reperit prauitatem.) In omnibus Græcis libris hic locus sic Col. 23.
cap. 8.

legitur: εἰ κατὰ ἀγγέλων οὐ πιστεύει, οὐρανὸς ἢ οὐ κατὰ ἀνθρώπων ἐναντίον αὐτοῦ. Similiter S. Augustinus in annot. in Iob: Si in sanctis eius non est fidens, & calum non est mundum ante eam. Verum Iob. cap. 4. est: εἰ κατὰ παίδων αὐτοῦ οὐ πιστεύει, κατὰ δὲ ἀγγέλων αὐτοῦ σκολιὰ τὴ ἐπένοησε. Hierò. epist. 145. Et contra angelos suos perversum quid intellexit. & epist. 46. perversum quid excoGITauit. & Aug. legit: Si contra seruos suos non credit, & aduersus angelos prauum quid reperit. vulg. verb editio: Ecce qui seruiunt ei non sunt stabiles, & in angelis suis reperit prauitatem. Confuderit hac duo loca Cassianus, an ita ut scripsit apud Iob legèrit, incertum est.

38 Quando facta sunt simul sidera, laudauerunt me voce magna omnes angeli mei.) ὅταν ἐκτίθησαν ἅσπερα ἡμεῶν μεθ' ὧν μετὰ ἅλα πάντες ἀγγέλοι μου. Coll. 3. c. 7

39 Quis autem est qui dimisit onagram liberum, & vincula eius quis resoluit? Posui autem habitaculum eius deser-

desertū, & tabernacula eius salsuginem. Irridens multitudinem ciuitatis, & querelam exactoris non audiens. Considerauit montes pascua sua. & post omne viride quærit.) τίς δὲ δὲν ὁ ἀρεῖς ὄνον ἀγρίον ἐλάττερον, δεικνύς τὴν αὐτοῦ τίς ἔλυσεν. ἐδέμην τὴν δίασταν αὐτοῦ ἔρημον, καὶ τὰ σκῆματά αὐτοῦ ἀλμυρίδα κατὰ γέλων πολυχύλας πόλεως, μέμην τὴν θαρολόγου οὐκ ἀκούων. καταστρέφεται ὅρη νομίῳ αὐτοῦ, καὶ ὅτι πᾶν τὸς χλωροῦ ζητεῖ. In vulgatis libris legebatur: Posuit autem habitaculum.

Collat. 6
cap. 11.

40 An putas me tibi aliter locutum, quàm ut appareres iustus? οἷτοι δὲ με μὴ ἄλλως σοὶ κεκρηματικέναι, ἢ ἵνα ἀναφανῆς δίκαιος;

Col. 5. c. 4

Ecce virtus eius in lumbis.) Sic legitur in vetusto cod. atque ita citat hunc locum S. Ambr. in exposit. Psal. 37. nam Grace est: ἰδοὺ δὴ ἡ αὐτοῦ ἰσχὺς ἐπ' ὀσφύϊ. antea erat: Et virtus eius &c.

Ex psalmis.

Lib. 11.
cap. 17.

117 Impulsus versatus sum ut caderem &c.) Hic versus & reliqua huius Psalmi, quæ Cassianus aliter citat quàm nunc leguntur in vulgat. edit. eodem modo sunt apud S. August. & Cassiodorum.

Coll. 13.
cap. 14.

118 Ne me derelinquas vsquequaque, quod Grace dicitur, ἕως σφοδρά, id est, vsque ad nimietatem) Sic legitur hic locus in Vatic. cod. in excusis vero vitiose erat: Quod Grace dicitur, μέχρι πρὸς ἀγαντεῶν. Latinus enim Interpres ubi in Psalmis est, ἕως σφοδρά, constanter trāsfert, vsquequaque.

Lib. 12.
cap. 9.

126 Nisi Dominus custodierit ciuitatem, frustra vigilaui qui custodit eam.) Sic legitur hic locus in Vatic. cod. & ita eum citat S. Hieronym. aliquoties. Est enim Grace, εἰς μάτλην ἡ γρούπησεν ὁ φυλάσσων.

Ex Prouerbijs.

Coll. 24.
cap. 24.

Cap. 2. Nam si ambularent semitas rectas, inuenissent utique semitas iustitiæ leues.) εἰ γὰρ ἐπορεύοντο τοῖς βούσι ἀγαθὰς, ἀποσταν ἀν τοῖς βούσι δικαιοσύνης λεῖας. Sed Cassianus pro τοῖς βούσι ἀγαθὰς, id est, vias bonas, legisse videtur, τοῖς βούσι ὁρθὰς, sine ἀθέαις, id est, vias rectas. In quibusdam impressis libris vitiose satis legebatur: Inuenif-

uenissent utique semitas iustitie? Lemes nos, inquam, esse manifestum est. Hiero. in epist. ad Celantiam: Inueniuntur, sicut scriptura dicit, semita iustitie levis.

3 Honora Dominum de tuis iustis laboribus, & deliba ei de fructibus iustitie tue, ut impleantur horrea tua abundantia tritici, vino autem torcularia tua redundent. (τιμα τὸ κυριον ἀπὸ τῶν δικαίων πόρων, καὶ ἀπαρχου αὐτοῦ ἀπὸ τῶν καρπῶν δικαιοσύνης, ἵνα πληθυνται τὰ ταμεία σου πλησμονῇ σίτου, οἶνου δὲ αἰθλωμάτων σου ἐκβλῶσιν.

Coll. 21.

c. 2. & 22.

4 Omni custodia serua cor tuum, ex his enim sunt exitus vite. (πάσῃ φυλακῇ τηρεῖς τὴν καρδίαν, ἐκ γὰρ τούτων ἐξοδοὶ ζωῆς.

Lib. 6. c. 2.

Rectos cursus fac pedibus tuis, & vias tuas dirige. (ὁρθὰς πορείας ποιεῖς τοῖς ποσὶ, καὶ τὰς ὁδοὺς σου κατὰ δυνάμει.

Coll. 13.

9 Sed exili, noli demorari in loco eius, neque intendas oculum tuum in eam. (ἀλλὰ ἐπονήθησον, μὴ χρονίσῃς ἐν τῷ τόπῳ αὐτῆς, μὴ δὲ ἐπιδῇσῃς τὸ σὸν ὄμμα πρὸς αὐτήν.

Coll. 20.

cap. 9.

10 Odium suscitatur contentio, uniuersos vero qui non continentur proteget amicitia. (μισὸς ἐγείρει νεῖκος, πάντας δὲ τοὺς μὴ φιλονεικῶντας καλύψει φιλία. in uulgatis erat.

Coll. 16.

cap. 8.

11 Quibus non est gubernatio, cadunt ut folia. (οἷς μὴ ὑπάρχει κυβέρνησις πίπτουσιν ὡς περ φύλλα.

Coll. 3.

cap. 4.

Malignus nocet cum se commiscuerit iusto: odit autem sonum tutelæ. (πονηρὸς κακοποιεῖ ὅταν συμμίξῃ δικαίῳ: μισεῖ δὲ τὸ ἦχος ἀσφαλείας.

Coll. 1.

cap. 20.

Sicut in auribus aurea in navibus suis, ita mulieri male morata species. (ὡς περ ἐν ὠτίων χρυσοῦν ἐν νηὶ ὡς οὗτω γυναικὶ κακοφρονὶ κάλλος.

Coll. 15.

cap. 15.

Vir iracundus inhonestus est. (ἀνὴρ θυμώδης οὐκ ἐστὶν ἠμίαν.

Lib. 8. c. 1.

12 Melior est uir in ignobilitate seruienti sibi, quam qui dignitatem sibi acquirit, & indiget pane. (κρεῖσσον ἀνὴρ ἐν ἀτιμείᾳ δουλῶν ἐαυτοῦ, ἢ τιμῶν ἐαυτοῦ ἀπετεθεὶς, καὶ προσδεόμενος ἀρτοῦ.

Coll. 2. 4.

cap. 13.

Iustus misereatur animas pecorum suorum, uiscera autem impiorum sine misericordia. (δικαίος οἰκτερεῖ ψυχὰς κτηνῶν αὐτοῦ, τὰ δὲ ἀπλᾶ γὰρ τῶν ἀσεβῶν ἀνελεήμονα.

Coll. 11.

cap. 10.

Coll. 16.

cap. 27.

1. 1. 1.

Lib. 8. ca.

14.

Coll. 24.

cap. 2. &

lib. 10. c.

21.

Coll. 24.

cap. 13.

Coll. 11.

cap. 10.

Coll. 7.

cap. 18.

1. 1. 1.

Coll. 6.

cap. 9.

Li. 8. c. 1.

1. 1. 1.

Coll. 7. c.

6. & coll.

24. c. 11.

& col. 14.

c. 17.

Coll. 16.

ca. 27. &

Colla. 18.

cap. 13.

Coll. 12.

cap. 6. d. 1.

Lib. 8. c. 1.

Lib. 8. c. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

Stultus eadem ipsa hora pronuntiat iram suam, occultat autem ignominiam suam astutus.) αἰσῶν αὐτῶν μὲρ οὐδ' ἑαγγέλλει ὀργὴν αὐτοῦ, κρυπτεῖ δὲ τὴν ταπεινότητά του αὐτοῦ.

Itinera eorū, qui memoriam retinent malefacti, in mortem.) ὁδοὶ μνηστικῶν, εἰς θάνατον.

In desiderijs est omnis otiosus.) ἐν ἐπιθυμίαις ὅτι πᾶς ἀργός.

Sunt qui se diuites ferunt nihil habentes, & sunt qui se humiliant in multis diuitijs.) εἰσιν οἱ πλουτίζοντες ἑαυτοὺς μὴδὲν ἔχοντες, καὶ εἰσιν οἱ ταπεινοῦντες ἑαυτοὺς ἐν πολλῷ πλούτῳ.

Rex rigidus incurret in mala.) βασιλεὺς θρασὺς πεσεῖται εἰς κακά. Vatic. & Vener. ἐμπεσεῖτε.

Quæres sapientiam apud malos, & non inuenies.) ζητήσεις σοφίαν παρὰ κακοῖς, καὶ οὐκ εὑρήσεις. in excusis legebatur: Quære sapientiam.

Omnia aduersa uiro insipienti.) πάντα ἐναντία ἀνδρὶ ἀσφῶντι.

Vir iracundus agit sine consilio.) ὀξύθυμος πρᾶσσει μετὰ ἀβουλίας.

In omni sollicito inest amplius, at qui suavis & sine dolore est, in egestate erit.) ἐν παντὶ μετ' ἐπιμέλειαν ἐν εὐεστῇ οὖν, ὃ δὲ ἡδύς καὶ ἀνάληπτος ἐν ἐνδείᾳ ἐστὶ.

In quibusdam impressis uitiose legebatur: Nam qui sanus & sine dolore est.

Longanimis uir nimius in prudentia, pusillanimis autem ualde insipiens est.) μακροθυμὸς ἀνὴρ πολὺς ἐν φρονήσει, ὃ δὲ ὀλιγοψυχὸς ἰσχυρῶς ἀσφῶν.

Mansuetus uir cordis est medicus.) πραῦθυμος ἀνὴρ καρδίᾳ ἰατρός.

Ira perdit etiam prudentes.) ὀργὴ ἀπώλλυσι καὶ φρονίμους.

Vir animosus parat rixas, uir autem iracundus effudit peccata.) In epist. Firmiliani, ad S. Cyprianum hic Prouerb. locus sic legitur: Vir animosus parat lites, sed legendum apud eum, Parat lites, ipse testatur cum subdit: Lites enim & dissensiones quātas parasti per ecclesias totius mundi? Parat etiam legit S. Hieronymus in Apologia contra Rufinum. Ceterum Cassianus hoc testimonium ex duobus Prouerbiorum locis confluxisse uide-

tur.

eur. nam cum cap. 15. legatur: ἀνὴρ θυμῷδης παρα-
σκαλεῖ μάχας. & cap. 29. ἀνὴρ θυμῷδης ἐγείρει νει-
κος, ἀνὴρ ὃ ὀργίλος ἐξουθενεί μαστιας, primam partē
ex 15. secundam ex 29. accepit. Vulgati libri vitiose ha-
bent; Parit rixas.

Via nihil operantium strata sunt spinis, fortium vero
trita sunt.) ἵδοι ἀεργῶν ἐσπαρμένα ἀκάνθας. αἱ δὲ ὅσ
ἀνδρείων τείτριμύναι.

16 Timor Domini disciplina & sapientia est.) φόβος κυ-
ρίου παιδεία καὶ σοφία.

Immundus est apud Deum omnis qui exaltat cor suū.)
ἀκαθάρτος παρὰ θεῷ πᾶς ὁ ὑψηλοκαοδισ.

Ante contritionem pracedit iniuria, & ante ruinam
mala cogitatio.) πρὸ σωτηρίας ἡ γέεται ὕβρις, πρὸ δὲ πῶ-
ματος κακὸς ὁρσῶν. Vitiose in quibusdam impressis le-

gitur, Pracedit ruina, aut, pracedit incuria. nam eodem
modo quo est apud Cassianum citat Hieronym. in Apolo.
cont. Ruffinum.

Sunt via qua videntur recta esse viro, nouissima autē
eorum veniunt in profundum inferni. Duo Pronerbio-
rum loca coniunxit Cassianus, alterum cap: 16. in quo

est: εἰσὶν ὁδοὶ δοκοῦσαι ὀρθαὶ ἢ ἀνδρεί, τὰ ὑπὸ τοῖς τελε-
ταῖς αὐτοῖς βλεπτοὶ εἰς πυθμένα ᾧδου. quem ita citat S.
Hieron. in Esai. cap. 2 & aduers. Pelagian. lib. 2. Nouis-

simā autem earum respiciunt in profundum inferni: al-
terum cap. 14. in quo est: τὰ δὲ τελεταῖα αὐτοῦ ἐρξεῖται
εἰς πυθμένα ᾧδου. quem Cyprianus ita citat: Nouissi-
ma vero eius veniunt in profundum inferni, ut etiam
S. Hieron. lib. 2. aduersus Pelagianos. Excusa exempla-
ria Cassiani vitiose legebant: veniens.

Vir in laboribus laborat sibi, & vim facit perditioni
suæ.) ἀνὴρ ἐν πόνοις πονεῖ ἑαυτῷ, καὶ ἐκβιάζεται αὐτοῦ
τὸ πῶς ἀπώλειαν.

Melior vir patiens forte, & qui continet iram, capien-
te urbem.) Hic locus in Vaticano codice vetustissimo sic
legitur ut est apud Cassianum: κρείσσων ἀνὴρ μακρόθυ-
μος ἰχυροῦ, ὃ δὲ κρατὺς ὀργῆς κρείσσων καταλαμβάνου-
μένου πόλιν. Quare fortasse legendum: At qui continet
iram &c.

17 Sicut probatur argentum & aurum in camino, ita eli-
git corda Dominus.) ὥσπερ δοκιμάζεται ἐν καμίνῳ ἄρ-
γυρον

χυρος καὶ χευστός, οὕτως ἐκλεκταὶ καρδίαι παρὰ κυρίῳ.
Quamuis posterior pars huius testimonij non nihil dis-
crepet, sonat enim: Ita electa corda apud Dominum.
Veneris tamen codex legit, ἐκλεγεῖται καρδίας ὁ κύριος.
Fidelis viri totus mundus diuitiarū.) τοῦ πτωχοῦ ὅλος
ὁ κόσμος ἢ ὁ πτωχότητων.

Coll. 14.

cap. 6.

Coll. 14.

cap. 16.

Colla. 4.

cap. 9.

Ut quid fuerunt diuitia insipienti? ἵνα τί ὑπῆρξε χρί-
ματα ἀφρονί;

Insipienti interroganti sapientiam, sapientia reputa-
bitur.) Mancus antea erat hic locus in omnibus Cassia-
ni libris, in quibus magno consensu ita erat scriptum:
Insipienti interroganti sapientia reputabitur. cum ta-
men quid legerit apud Salomonem, manifeste ipse de-
claret, subdens: Quia licet is qui interrogat, vim propo-
sita questionis ignoret, tamē quia prudenter inquirat &c.
Nos veram lectionem reposuimus ex lxx. interpreti-
bus, qui ita hunc locum verterunt: ἀνθρώπου ἐπερωτί-
σαντι σοφίαν, σοφία λογιθήσεται. ita etiam citatur à
Iuliano in epist. ad Zenam, & Serenam. Verum vitiosius
adhuc legitur apud S. Hilarium in exposit. Psalm. 118.
littera H E. In Prouerbijis, inquit, Salomonis scriptum
inuenimus: Ignorando sapientiam sapienter interrogā-
tibus sapientia deputatur; cū in perantiquo libro erudi-
tissimi Cardinalis Sirleti appareat scriptū fuisse: Iniri-
telligenti sapientiam interroganti sapientia deputatur.

Coll. 14.

cap. 17.

18 Non opus est sapientia ubi deest sensus, magis autem
ducitur insipientia.) οὐ χρείαν ἔχει σοφίας ἐνδεὲς φρε-
νῶν, μάλλον γὰρ ἄγεται ἀφροσύνη. In vulgatis libris vi-
tiose legebatur: Magis autem dicitur insipientia. Et ne-
scio an Cassianus scripserit: Cui deest sensus.

Coll. 18.

cap. 11.

Coll. 12. c.

8. & coll.

24. c. 25.

Coll. 7.

cap. 4.

Iustus accusator sui est in primordio sermonis.) δίκαιος
ἐαυτοῦ κατηγορὸς ἐν πρωτολογία.

Insipientia viri corrumpit vias eius, Deum autē cau-
satur in corde suo.) ἀφροσύνη ἀνδρὸς λυμαινεται τὰς
ὁδοὺς αὐτοῦ, ὃ δὲ θεὸν αἰτιάται τῇ καρδίᾳ αὐτοῦ.

19 Cogitatio bona scientibus eam appropinquat, vir autē
prudens inueniet eam.) ἐννοία ἀγαθὴ τοῖς εἰδοῖσι αὐτὴν
ἐγγεῖ, ἀνὴρ δὲ φρονίμος ἀρήσεται αὐτήν.

Coll. 13.

cap. 9.

Qui incendit malitiam, peribit ab ea.) ὃς δ' ἀν' ἐκκαύ-
σῃ κακίαν ἀπολείται ὑπ' αὐτῆς. ut legendum fortasse sit:
Qui incenderit malitiam.

Non

- Non expediūt stulto delicia.) οὐ συμφέροι αἴθρονοι γεση. Col. 14.
 20 Quis gloriabitur castum se habere cor, aut quis fiducia cap. 17.
 habebit castum se esse a peccato?) τίς καυχῆσεται ἀγνὴν Coll. 23.
 ἔχειν τὴν καρδίαν; ἢ τίς παρηρσιάζεται καθαρὸς ἦ) cap. 17.
 ἀπὸ ἀμαρτιῶν;
 Pondus magnum & pusillū, & mensura duplices, im- Coll. 21.
 munda sunt apud Dominū utraque; & qui facit ea, in cap. 22.
 adinventionibus suis cōpedietur.) ὁ ἀθύμιον μέγα καὶ μι-
 κρον, καὶ μέγα διατὰ, ἀκαθάρτα ἐνώπιον κυρίου (Vat. cod. καὶ) αμφοτέρα, καὶ ὁ ποίων αὐτὰ ἐν τοῖς ἐπιτηδείοις
 μασιν αὐτοῦ συμποδισθήσεται. ita legitur in Vat. Cod.
 Noli diligere detrachere, ne eradiceris.) μὴ ἀγάπα κα-
 ταλαλεῖν, ἵνα μὴ ἐξαρῇς. & eradiceris legit etiam Hie-
 ronymus in Apologia contra Ruffinū. & in epist. ad Ce-
 lantiam. Sed Cyprianus: Ne extollaris.
 21 Qui obturat aures suas ne audiat infirmum, & ipse Coll. 11.
 inuocabit, & non erit qui exaudiat eum.) ὅς φράσσει τὰ cap. 10.
 ὅσα αὐτοῦ τοῦ μὴ ἀκοῦσαι ἀδελφούς, καὶ αὐτὸς ὁπκαλέ-
 σται, καὶ οὐκ ἔσται ὁ ἐπακούων.
 Non est sapientia, non est fortitudo, non est consilium Coll. 7.
 apud impios.) οὐκ ἔστι σοφία, οὐκ ἔστι ἀνδρεία, οὐκ ἔστι βου cap. 18.
 λή πρὸς τὸν ἀσεβῆ.
 Equus paratur in diem belli, a Domino autē est adiu- Colla. 3.
 torium.) ἵππος ἐτοιμάζεται εἰς ἡμέραν πολέμου, παρὰ cap. 5.
 αὐτοῦ κυρίου ἡ βοήθεια.
 22 Tribuli & laquei in vijs prauis, qui autem timet Do- Coll. 24.
 minum, abstinebit ab eis.) πειρασμοὶ καὶ παγίδες ἐν ὁδοῖς cap. 24.
 σκολιαῖς; ὁ δὲ φυλάσσων τὴν ἐαυτοῦ ψυχὴν, ἀφεῖται
 αὐτῶν, hoc est: Qui autem custodit animam suam, absti-
 nebit ab eis. Cassianus aliter legisse videtur.
 Tu autē describe tibi ea tripliciter, super latitudinem Coll. 14.
 cordis tui.) σὺ δὲ ἀπόγραψαι αὐτὰ ἐαυτοῦ πρὸς τὴν εἰς cap. 8.
 βουλὴν, καὶ γνῶσιν, ὅτι τὸ πλάτος τῆς ψυχῆς σου.
 23 Si sederis cænare ad mensam potentis, sapienter intel- Coll. 2. c. 1
 lige quæ apponuntur tibi, & immitte manum tuam, Col. 2. c. 1
 sciens quia talia te oportet præparare.) Græca omnino
 concordant.
 In aures imprudentis noli quidquam dicere, ne forte Coll. 14.
 irrideat sapientes sermones tuos.) εἰς αὐτὰ ἀφρονος μὴ ᾖ cap. 17.
 λέγει, μὴ ποτε μυκτηρίσῃ τοὺς σωετούς λόγους σου.
 Et vestietur conscissa veste & rānosa omnis somnicu- Li. 10. c. 21
 27 & (losus.)

Col. 20. c.
9. & coll.
23. c. 7.

† Va. cod.
τυππουσι
με. Eripse
Cass. col.
23. c. 7. in
vulg. lib.
feriunt.
Colla. 2.
cap. 4.
Coll. 2.
cap. 13.
† Va. cod.
ἐμπιπ-
πλάνται.
Coll. 14.
cap. 17.
† Va. cod.
ρομῶν.

δι. 103
27. 92

Coll. 5.
cap. 15.

Coll. 16. 25
c. 27.

Coll. 15.
cap. 7.

losus.) καὶ ἐνδύσεται διερχόμενα καὶ βακώδη πᾶς
ὕπνουδης.

Oculi tui cum viderint alienam. os tuū tunc loquetur
praua, & iacebis tamquā in corde maris, & sicut guber-
nator in magna tempestate: dices autem: Ferierunt me,
sed non dolui: & deluserunt me, ego autem nesciui.) οἱ
οφθαλμοὶ σου ὅταν ἴδωσιν ἀλλοτρίαν, τὸ σῶμα σου τότε
λαλήσει κακὰ, καὶ κατακείσῃ ὡς πρὸς ἐν καρδίᾳ θαλάσ-
σης, καὶ ὡς πρὸς κυβερνήτης ἐν πολλῷ κλυδωνί. ἐρεῖς δὲ,
† ἐτύπηον με, καὶ οὐκ ἐπονέσα, καὶ ἐνέπαιζαν μοι, ἐγὼ δὲ
οὐκ ᾔδον.

24 Cum sapientia edificatur domus, & cum intellectu
iterum erigitur, cum sensu implentur cellaria omnibus
diuitijs pretiosis & bonis.) μετὰ σοφίας οἰκοδομεῖται
εἶκος, καὶ μετὰ συνέσεως ἀνορθοῦται, μετὰ αἰδήσεως
† ἐμπίπλυνται ταμίαι ἐκ πάντων πλούτου τιμίου καὶ
καλοῦ.

Erue eos qui dicuntur ad mortem, & redimere eos
qui interficiuntur ne parcas.) φύσαι ἀγομένους εἰς θά-
νατον, καὶ ἐκπρίου κτενομένους καὶ φείσῃ. fortasse Cas-
sianus scripsit: Erue eos qui ducuntur ad mortem, ut
Collat. 17. cap. 19. legitur etiam in vulgatis libris.

Noli applicare impium ad pascua iusti, neque seduca-
ri saturitate ventris.) μὴ προσάγῃς ἀσεβῆ † νομῇ
δικαίου, μὴ δὲ ἀπατηθῇς χροταστία κοιλίας. Ita qui-
dem habent Vulgati & mss. libri Græci: & totidem
verbis hoc testimonium refert Lucifer Caralitanus
lib. de non conueniendo cum hæreticis. Sed Cypria-
nus lib. 3. ad Quirinum cap. 95. non videtur legisse
νομῶν, hoc est pascua, sed μονῶν hoc est habitaculum
sive tabernaculum. Sic enim scribit: Ne adduxeris im-
pium in habitaculum iustorum, Et S. Hieronym. in Mi-
cheam cap. 3. Ne inducas impium in tabernaculum iu-
storum. Sed vox Hebræa ambigua est ad utrumque.

Si ceciderit inimicus tuus, noli gratulari; in supplan-
tatione autem eius noli extolli, ne videat Dominus &
non placeat ei, & auertat iram suam ab eo.

Noli procurrere in rixam cito, ne poeniteat te in no-
uissimo.) μὴ πρόωπτε εἰς μάχην ταχέως, ἵνα μὴ μετα-
μελῇδης ἐπ' ἐσχάτῳ.

Sicut venti & nubes & pluvia manifestissima sunt.
ita

ita qui gloriantur in dolo falso.) ὡς περ ἀνέμοι καὶ νέ-
φη καὶ ὑετοὶ ἐπιφανέσονται, οὕτως οἱ καυχώμενοι ἐπι-
δοῦναι φάσκει.

In longanimitate prosperitas regibus.) ἐν μακροθυμίᾳ
δοδία βασιλεῦσι.

Sicut civitas muris diruta & non circumdata, sic est
vir qui non cum consilio aliquid agit.) ὡς περ πόλις τὰ
τείχη καταβεβλημένη καὶ ἀτείχος, οὕτως ἀνὴρ ὃς οὐ με-
τὰ βουλῆς τί πράσσει.

26 Est pudor afferens peccatum.) ἔστιν αἰσχυνὴ ἐπάγου-
σα ἀμαρτίαν.

Verba callidorum mollia, hac autem feriunt in pene-
tralia ventris.) λόγοι κεκρόπων μαλακοὶ, οὗτοι ὅτι τι-
ποῦσιν εἰς ταμεῖα. Sed Venet. Col. κοιλίας.

Si te rogaveris inimicus magna voce, ne consenseris ei.
Septem enim nequitia sunt in anima eius.) εἰς τὴν σὺν δέη-
ται ὁ ἐχθρὸς μεγάλην τῇ φωνῇ, μὴ πεῖσθῃς· ἐπεὶ γὰρ εἰσι
πονηρεῖαι ἐν τῇ ψυχῇ αὐτοῦ.

Quid fodit foueam proximo suo, incidet in eam ipse.)
ὁ ὀρύσσων βόθρον πρὸ πλησίον, Vat. Codic. ἐμπεσεῖται. &
Venet. εἰς αὐτόν.

27 Nihil sustinet zelus.) οὐδὲν ὑφίσταται ζῆλος. S. Hieron.
legit: Zelus impatiens est.

Anima que in satietate est, fauis illudis; anima autē
egenti etiam amara dulcia videntur.) ψυχὴ ἐν πλη-
σμονῇ οὕσα κηρίοις ἐμπέζει, ψυχὴ ὅτι ἐν ἐνδείᾳ καὶ τὰ
πικρὰ γλυκέα φαίνεται.

Stillicidia eiciunt hominem in die hiemali de domo
sua.) σαρόνες ἐκβάλλουσιν ἄνθρωπον ἐν ἡμέρᾳ χειμε-
ρινῇ ἐκ τοῦ οἴκου αὐτοῦ.

29 Qui praparat ante faciem amici sui rete, circum-
dat illud pedibus suis.) ὃς παρασκευάζεται ἐπὶ πρόσω-
πον τοῦ ἐαυτοῦ φίλου δίκτυον, περιβάλλει αὐτὸ τοῖς ἐα-
υτοῦ πόσιν.

Totam iram suam profert stultus, sapiens autem di-
spensat per partes.) ὁλον τὸ θυμὸν αὐτοῦ, † ἐκφαίνει ἄφρον, †
σοφὸς δὲ ταμιεύεται καὶ μέρος. In vulgatis libris Cas-
siani legebatur: Totam iram suam profert impius. Hiero-
nymus. Totam iram suam profert insipiens, sapiens
autem &c.

Seruus durus non emendabitur verbis, si enim & intel-

Coll. 12.
cap. 6.

Co. 2. c. 4.

Coll. 17.
cap. 2.

Coll. 16.
cap. 18.

Collat. 5.
cap. 25.

Coll. 16.
cap. 18.

Colla. 18.
cap. vlt.

Coll. 14.
cap. 13.

Col. 12.
cap. 5.

Coll. 6.
cap. 17.

Coll. 16.
cap. 18.

Coll. 16.
cap. 27.

† Co. Ve-
net. ἐκφέ-

rei. & Va.
autem &c.

Colla. 14
lex- cap. 17

Fecit Deus hominem rectum, & ipsi quasi erunt cogitationes multas.) ἐποίησεν ὁ θεὸς τὴν ἀνθρώπου ὀρθὴν, & Col. 7. c. 4
καὶ αὐτοὶ ἐζήτησαν λογισμούς πολλούς.) *Vitiose autem* & Col. 13
legitur in quibusdam libris Cassiani impressis: Cogita- cap. 12.
tiones malas.

Quia non fit contradictio ab his, qui faciunt malum cito, ideo repletum est cor filiorum hominum in ipsis, ut faciant malum.) In vulg. lib. atque etiam in Vaticano omnium vetustissimo legitur: ὅτι οὐκ ἔστιν γινόμενῃ ἀντίφασις ἀπὸ τοῦ ποικυλῶν τὸ πονηρὸν ταχύ, διὰ τοῦτο ἐπληροφόρηθη καρδίᾳ ἡμῶν τῷ ἀνθρώπου ἐν αὐτοῖς τῷ ποιῶσαι τὸ πονηρὸν. Hieron. tamē legisse videtur: ὅτι οὐκ ἔστι ἀντίφασις. translulit enim: Quoniam non est contradictio. Cassianus vero: ὅτι οὐ γίνεταί ἀντίφασις.

Si momorderit serpens non in sibilo, non est abundantia incantatori.) εἰ ἂν δάκῃ ὄφεις ἐν οὐ ψιθυρισμῷ, καὶ οὐκ ἔστι ἀφαισθεῖα τῷ ἐπαύδοντι. S. Hieronym. translulit: *Si momorderit serpens in silentio, non est amplius habenti linguam.*

Da parrem his septem, & quidem his octo.) δὸς μερὶ δὰ τοῖς ἐπτά, καὶ γε τοῖς οὐκ ἑπτὰ. Li. 3. c. 9.

Ex canticis canticorum.

Cap. 2. Ordinate in me charitatem.) τάξάτε ἐπ' ἐμέ ἀγάπην. Col. 16.
3 In cubili meo in noctibus quasiui quem dilexit anima mea, quasiui eum & non inveni, vocavi eum & non respondit mihi.) ὅτι κοίτην μου ἐν νύκτι ἐζήτησα, ὃν ἡ γὰρ πησεν ἡ ψυχὴ μου. ἐζήτησα αὐτόν, καὶ οὐκ ἔβρον αὐτῷ, ἐκάλεσα αὐτόν καὶ οὐχ ὑπήκουσέν μου. cap. 14.
Coll. 13.
cap. 12.

Ex Sapientia.

Cap. 9. Terrenum habitaculum aggravat mentem multa cogitantem.) Hic locus in Vatic. codic. Cassiani, ut in libris etiam Græcis, Sap. 9. sic legitur: τὸ γὰρ ὡδὲς σκληρὸς ἐστὶν νοῦς πολυφροντίδα. in impressis vitiose: γινόν ὁ κῆμα βαρύνει νοῦς πολυφροντίζοντα. Col. 7. c. 4

Ex Esaiā.

Cap. 7. Nisi credideritis, non intelligetis.) εἰ ἂν μὴ πισεύσῃτε, οὐδὲ μὴ σαμῆτε. Coll. 13.
cap. 18.
8 Legem dedit in auditorium.) νόμον γὰρ εἰς βῆθησαν ἐδάκρυ. Coll. 8.
cap. 21.

- Col. 6. c. 6. 26 Adde illis mala Domine, adde mala gloriosis terra.)
 ἀπόδες αὐτοῖς κακὰ κύριε, ἀπόδες κακὰ τοῖς ἐνδόξοις
 τῆς γῆς.
- Coll. 21 cap. 32. 31 Beatus qui habet semen in Sion, & domesticos in Hierusalem.) μακάριος ὃς ἔχει ἐν σιὼν σπέρμα, καὶ οἰκεῖτους ἐν ἱερουσαλήμ.
- Col. 20. cap. 6. 43 Et iniquitatum tuarum non recordabor. tu vero memento.) καὶ τὰς ἀμαρτίας σου, οὐ μνησθήσομαι, σὺ δὲ μνησθήτι.
- Coll. 20. cap. 8. Narra tu iniquitates tuas primus, ut iustificeris.) λέγε σὺ τὰς ἀνομίας σου πρῶτος, ἵνα δικαιωθῇς.
- Coll. 11. cap. 12. 49 Magnum tibi est vocari seruum meum.) μέγα σοί ἐστι κληθῆναι σε παῖδά μου.
- Coll. 13. cap. 12. 50 Quasiui & non erat vir, vocaui & non erat qui responderet.) Paulo aliter vulg. edit. Quia veni & non erat vir, vocaui & non erat qui audiret.
- Coll. 14. cap. 13. 58 Et vocaberis edificator sepium, auertens semitas in quietem.) In omnibus excusis Cassiani libris erat: Auertens semitas iniquitatum, in vno Vaticano: Auertens semitas inquietum vulg. edi. & lxx. In quietem, atque ita scripsi.
- Collat. 3. cap. 22. 65 Tota die expandi manus meas ad populum non credentem mihi, & contradicentem.) Potius retulit verba Apostoli ad Rom. 1. Esaiam ex versione lxx citantem, quam Esaiam ipsum, apud quem pronomen, mihi, non legitur.
- Lib. 12. cap. 31. 66 Super quem requiescet Spiritus meus, nisi super humilem & quietum, & trementem verba mea?

Ex Hieremia.

- Collat. 6. cap. 11. Cap. 2. Frustra percussi filios vestros, disciplinam non receperitis.) μάτην ἐπάταξα τὰ τέκνα ὑμῶν, παιδείαν οὐκ ἐδέξατε.
- Col. 13. c. 3. & 7. 5 Indurauerunt facies suas, noluerunt reuerti.) Sic legitur hic locus infra cap. 7 & ita est etiam in vulgata editione. impressi libri vitiose habent: Indurauerunt cervices suas.
- Colla. 7. cap. 21. 17 Induc super eos iram furoris tui, & duplici contritione contere eos.) Pro: Iram furoris tui, vulg. edit. habet: Diem afflictionis. lxx. ἡμέραν πονηράν, hoc est, diem malum. Vnde Cassianus id hauserit mihi est incertum.
- Li. 1. c. 10. Ego autem non laboravi te sequens.

Ex

Ex Ezechiele.

Cap. 29. *Mea sunt flumina, & ego feci ea.*) ἐμοῦ εἰσὶν ὁ ποταμοὶ, καὶ ἐγὼ ἐποίησα αὐτούς. Li. 12. c. 8

Ex Osce.

Cap. 2. *Et dormire eos faciam fiducialiter.*) Sic legitur in mss. codic. & vulg. edit. & lxx. non autem: Dormire vos faciam, ut est in Cassiano impresso. Colla. 12. cap. 7.

7 *Emendabo eos in auditu tribulationis sue.*) παιδ' ἔσω αὐτούς ἐν τῇ ἀκρίᾳ τῆς δι' ἡμᾶς αὐτῶν. Apud Origenem Coll. 6. cap. 11.

homil. 16. in Num. vitiose legitur: Terres Deus ut corripiat hominem in auditionis tribulatione. pro. in auditione tribulationis. ut apud eundem homil. 1. in Ezech.

Arguam eos in auditu angustiae eorum.

10 *Seminate vobis ad iustitiam, metite spem vita, illumina-* Col. 14. c. 9. & 16.

nate vobis lumen scientia, dum tempus est.) σπειράτε ἐαυτοῖς δικαιοσύνην, θεύρατε εἰς καρπὸν ζωῆς, Col. 13. c. 9.

ἐντιστάτε ἐαυτοῖς φῶς γνώσεως. ὡς ἔστι καιρὸς. In om-

nibus, qua viderim, exemplaribus legitur: Metite

spem vita, verum cum Grace sit, καρπὸν ζωῆς, id est, fru-

ctum vita, & species fructum saepe significet etiam apud

probatos auctores: fortasse Cassianus speciem pro spem scri-

pserit. Porro hoc loco imitatus videtur Hierony. in Ec-

clesiasten cap. 2. Origenes siue quis alius lib. 1. in Iob: Se-

minate vobis ad iustitiam ut metatis fructum vita.

Ex Ioelc.

Cap. 1. *Expergiscimini qui estis ebrij & non a vino.*) In omni- Colla 9. cap. 4.

bus, quos videre cōtigis, libris hic locus sic Grace legitur:

ἐκνηψάτε οἱ μεθύοντες ἐξ οἴνου αὐτῶν. hoc est, expergisci-

mini quiebrj estis ex vino vestro. Ceterum S. Hiero. fa-

retur apud lxx. interpretes esse: Et non a vino. Eius ver-

ba sunt in cap. 1. Ioelis: Euigilate & expergiscimini qui

ebrij estis nequaquā vino (ut in solis lxx. continetur) sed

omni perturbatione vitiorum. Ergo Cassianus germa-

nam lxx. lectionem citauit.

3 *Infirmus dicat: quia fortis sum ego.*) & infra: Qui pa- Col. 7. c. 5.

tiens est, sit pugator.) ὁ ἀδυνάτος λέγει τῶν: ὅτι ἰσχύω

ἐγώ. & infra: ὁ ἄρπυς ὁ ἔστω μαχητής.

Ex

Ex Amos .

- Col. 6. c. 5 Cap. 3. Si est malitia in ciuitate quam Dominus non fecit)
 εἶσαι καὶ ἐν πόλει ἧς κύριος οὐκ ἐποίησεν?
 Coll. 12. 3 Qui facit omnia, & conuertit ea, & transfundit in
 cap. 12. matutinum umbram mortis.) ὁ ποίῳν πάντα καὶ με-
 τασκευάζων, καὶ ἐκτρέπων εἰς τὸ πρῶτον σκιάν θανάτου.
 & matutinum legitur in Vat. cod. non, matutinam, ut
 est in vulgatis.
 Li. 8. c. 9. 8 Occidet eis sol in meridie.) Neque in vulg. edit. neque
 apud lxx. legitur pronomen, eis.

Ex Iona .

- Coll. 17. Cap. 3. Adhuc triduum Ninive subuerteretur.) Vul. edit. &
 cap. 25. Hebr. Adhuc quadraginta dies & Ninive subuerteretur.
 Et miratur S. Hieronym. cur lxx. interpretes triduum
 transfulerint, cum in Hebraeo nec litterarum, nec syl-
 labarum, nec accentuum sit ulla communitas inter tres,
 & quadraginta.
 Col. 6. c. 6 4 Quia tu Domine misericors & miserator, patiens &
 multum misericors, & pœnitens in malitijs.) ὅτι ὁ θεὸς
 ἐλεῖμων καὶ οἰκτιρῶν, μακροθύμος, καὶ μετανοῶν ὅτι
 ταῖς κακίαις .

Ex Habacuc .

- Li. 12. c. 6 Cap. 1. Et esca eius electa .) Sic legitur hic locus in Vatica.
 & 21. lib. nam Grace est: καὶ τὰ ἑρῶματα αὐτοῦ ἐκλεκτά.
 Et Hieronym. epist. 22. Esca eius, secundum Abacuc,
 electa sunt.

Ex Zacharia .

- Colla. 30. Cap. 9. Quia siquid bonum, ipseus est; & siquid optimum, ab
 cap. 16. ipso.) ὅτι εἰς ἀγαθὸν αὐτοῦ, καὶ εἰς καλὸν πατρὸς αὐτοῦ.
 Col. 7. c. 5 12 Et eris qui infirmatur inter eos sicut domus David.)
 καὶ ἔσαι ὁ ἀσθενῶν ἐν αὐτοῖς ἐν ἐκείνῃ τῇ ἡμέρᾳ ὥς οἰ-
 κος δαυὶδ

Ex Malachia .

- Coll. 11. Cap. 1. Filius honorat patrem, & seruus dominum suum ri-
 c. 10. & 13 mebit. Et si pater ego sum, ubi est honor meus? Et si do-
 minus ego sum, ubi est timor meus?) υἱὸς δόξαζεις πατέ-
 ρα, καὶ δούλος ἔκτισεν αὐτῷ φρονησεται, καὶ εἰ πα-
 τὴρ εἰμι ἐγώ, ποῦ ὄσιν ἡ δόξα μου; καὶ εἰ κύριός εἰμι
 ἐγώ, ποῦ ὄσιν ὁ φόβος μου.

Ex

Ex Matthæo.

Cap. 26. Numquid non possum rogare patrem meum, & exhibebit mihi modo plusquam duodecim millia legiones angelorum ?) Eandem lectionem agnoscunt Vatic. cod. mss. atq. ita videtur legisse Hilarius. nam in comment. Psalmi 54. Sed inter hac, inquit, habens potestatem duodecim millia legionum caelestium euocare, non ad iram commouetur, non ad ultionem exacerbatur. Et lib. 10. de Trinitate: Nec sibi, inquit, angelus mittitur, qui si vellet duodecim millia legionum de calis deduceres. & in psal. 53.

Li. 12. c. 8

Ex Luca.

Cap. 10. Num tibi placet quia soror mea reliquit me solam ministrare ?) Codices aliquos mss. habent cum vulgata edit. Non est tibi cura ? Sed vetustiores legunt: Non tibi sedes. & quantum existimo, Cassianus scripsit: Num tibi sedes. nam sedere pro placere S. Hierony. scribit Deut. 21. Si autem, inquit, non sederit animo tuo, dimittes eam liberam, nec vendere poteris pecunia &c. idest, si non placuerit animo tuo.

Col. 1. c. 8

Ex Ioanne.

Cap. 16. Mundus iste gaudebit.) In vulg. edit. Mundus autem gaudebit. Grace in vulgatis libris legitur: ὁ δὲ κόσμος χαρήσεται. Cassianus legisse videtur: ὁ δὲ κόσμος. idest, iste, siue ipse mundus.

Colla. 1.
cap. 13.

Ex Epist. ad Rom.

Cap. 1. Quia non crediderunt Deum habere in notitia, tradidit illos Deus &c.) Vulg. editio: Sed sicut non probauerunt Deum habere in notitia. Verum mss. aliquos Cassiani libri legunt: Quia non decreuerunt. Grace autem legitur: καὶ ὁὗς οὐκ ἐδοκίμασαν. ut fortasse legerit Cassianus, ἐδόκισαν.

Coll. 3.
cap. 20.

Quoniam charitas Dei diffusa est in cordibus nostris per Spiritum sanctum qui habitat in nobis.) Vulgata editio, & Commentaria que extant Ambrosij nomine, legunt: Per Spiritum sanctum qui datus est nobis. & ita etiam habent Græci libri, τοῦ δοθέντος.

Coll. 16.
cap 13.

Ex

Ex Epist. 1. ad Corinth.

- Coll. 4. Cap. 3. Lac potum vobis dedi, non escam: necdū enim poteratis,
cap. 19. sed nec adhuc nūc potestis.) Siceit in Vat. cod. & in Graco.
ἀλλ' οὐδὲ ἐτι νῦν. vul. edi. Sed nec adhuc quidem potestis.
- Coll. 3. 10 Tentatio vos non apprehēdit nisi humana. Fidelis au-
cap. 17. tē Deus, qui non permittet vōs tentari super id, quod po-
Coll 13. testis, sed faciet cum tēratione etiam exitū, vt sustinere
cap. 14. possitis.) Fere in omnibus libris vulgata editionis legitur.
Tentatio vos non apprehendat nisi humana. verum in
antiquissimis mss. est, apprehendit, vt in Graco ἐπι-
κειν. & Cyprianus lib. 3. Testimon. ad Quirin. cap. 91.
Tentatio vos non occupauit nisi humana. eamq. veram
lectionem esse docet Cassianus lib. 5. Institut. cap. 16. his
verbis: Hoc Apostoli testimonium non intelligentes qui-
dam, posuerunt pro indicatio opatiuum modum, idest:
Tentatio vos non apprehendat nisi humana. Quod ab
ipso magis dici manifestum est, non optantis sed pronun-
tiantis, vel exprobrantis affectu. Quod vero ait: Sed
faciet cum tentatione etiam exitum, sic citat hunc lo-
cum S. Hieron. ad cap. 2. Iona. Grace est: ποιήσει σωτῆ-
ρα περισμῶ καὶ τῶ ἐκ βασι. Cyprianus: Qui faciet cum
tentatione & euadendi facultatem, vulg. edit. Cum ten-
tatione prouentum.
- Coll. 11. 12 Et adhuc supra modum excellentiorem viam vobis de-
cap. 12. monstro.) Comment. nomine Ambrosij legunt: Et adhuc
& col. 15 magis excellentiorem viam. Grace, καὶ ἐτι κατὰ τὸ
cap. 2. ἄλλω ἰδὲ ὅν ἡμῖν δείκνυμεν. vul. edit. Et adhuc excellentio-
rem viam vobis demonstro.

Ex Epist 2. ad Corinth.

- Col. 7. c. 5 Cap. 10. Ad destructionem munitionum cogitationes purgan-
tes.) Vulg. edit. S. Ambros. & Hieron. legunt: Cogitatio-
nes destruentes. verum cum Grace sit: τοὺς λογισμοὺς
καθαίρουντες, is cuius interpretationē sequitur Cassia-
nus legisse videtur: τοὺς λογισμοὺς καθάρουντες. Rus-
sinus interpres Regula S. Basilij cap. 14. Cogitationes pur-
gantes, vel destruentes, & omnem altitudinem &c.

Ex epist. ad Galat.

- Coll. 14. Cap. 4. Hac enim sunt duo testamēta; unum quidem de mon-
cap. 8. te Sina, in seruitutē generans, quod est Agar.) Sic etiam
legi-

sur in commentarijs in epist. Pauli quæ Ambrosij nomine circumferuntur. uerum uulgat. edit. & Græci libri: Quæ est Agar: ἡ τῆς ἁγίας Ἀγὰς.

Sina enim mons est in Arabia, qui comparatur huic Coll. 14.
quæ nunc est Hierusalem. & seruit cum filijs suis. τὸ γὰρ cap. 8.
σινᾶ ὄρος ἐστὶν ἐν τῇ ἀραβίᾳ, τῷ σαρκεὶ δὲ τῷ νῦν ἱεροῦ
σαλῆ. uerbum τῷ σαρκεὶ translulit. comparatur quasi
dicat: Mons Sina comparatur. hoc est. proportionē conser-
tur. seruienti Hierusalem, quæ in terris est. Vulg. edit.
legit: Qui coniunctus est ei quæ nunc est Hierusalem.

Ex epist. ad Philippen.

Cap. 3. Noster autem municipatus in calis est. ἡμεῶν γὰρ τὸ Coll. 3. c.
πολίτευμα ἐν οὐρανῷ ὑπαρχει. In uulgata editione 6. & 7.
nunc legitur: Conuersatio autem nostra in calis est; sed
apud S. Hieronymum frequenter est scriptum: Municipi-
patus noster in calis est. atque Tertullianus lib. 3. contra
Marcionem, Gracam etiam uocem apposuit, ait enim:
Hierusalem quam Apostolus matrem nostram sursum
assignat. & πολίτευμα nostrum, id est, municipatum in
calis esse pronuntiat. Hilarius uero lib. 11. de Trinitate
legit: Nostra autem expectatio in calis est: Quorum finis,
inquit, est interitus, nostra autem expectatio in calis est.
Ac ne quis locum uisiosum putet, ita legitur in uetustis-
simis libris, & ipse Hilarius expectationem se scripsisse
palam ostendit. Sed alijs locis cum uulgata legit: Con-
uersatio nostra.

Ex epistola ad Ephes.

Cap. 4. Qui desperantes semetipsos tradiderunt impudicitia, Coll. 5. c.
in operationem omnis erroris, in immunditiam. Vulga. 16. & col.
edit. & Græci libri: In operationem immunditia omnis, 6. c. 11.
in auaritia.

Ex epistola ad Hebræos.

Cap. 4. Tentatus per omnia secundum similitudinem nostrā. Col. 5. c. 3
Sic citat hunc Apostoli locum S. Hieronymus ad cap. 2. Io-
na. in uulg. tamen edit. & Græcis codicibus non est pro-
nomen, nostram.

13 Deus autem pacis qui eduxit de tenebris pastorē ma- Collat. 3.
gnum ouium, &c. Cum in uulg. edi. legatur: Qui eduxit cap. 17.
de

de mortuis pastorem magnum ouium, & Grace etiam sit: ἐκ νεκρῶν, hoc est ex mortuis, nescio unde vox, tenebris, apud Cassianum irrepperit, nisi forte ille scripsit, de terris: respexit enim Apostolus ad illud Esai. 63. ὁ ἀνα-
 ἔλασας ἐκ τῆς γῆς, τὸν ποιμένα τοῦ ποταμοῦ. quem locum Rufinus in expositione Symboli ad hunc modum citat: Qui eduxit de terris pastorem magnum ouium.

Ex. 2. epistola Petri.

Lib. c. 13 Cap. 2. A quo enim quis vincitur, ei & seruus addicitur. Sic legitur hic locus in Vatic. cod. nam Græce est: ὅ γὰρ τις νικῆται, τοῦτο καὶ δεδούλωται. in omnibus vulgatis libris ansea legebatur: Eius & seruus est. In epist. qua Hieronymi nomine circumferebatur ad Rusticum Narbonens. episcopum scripta, ad hunc modum citatur: Quis enim a quo superatur, eius seruus adijcitur, sed ex Cassiano & ex Græco est corrigendum: Ei & seruus addicitur.

F I N I S.

OBSER-

OBSERVATIONES IN IOANNEM

CASSIANVM.



Voniam Gelasius Pontifex maximus in Concilio lxx. Episcoporum Ioannis Cassiani opera apocrypha iudicauit, idque ea ratione potissimum, quod Collat. 13. alijsq. locis de gratia & libero hominis arbitrio more Pelagianorū locutus, a Prospero Aquitanico, scripto aduersus eum libro, coniectus esset; dispiciendum quid in eius scriptis respuendum sit, quid autem piā recipere possit interpretationem. Loca igitur omnia quæ Pelagianismi suspicionem generare possent, vndecim propositionibus comprehendam.

Prima Cassiani propositio.

Priusquam primam propositionem hic adscribam, illud commonendum videtur; Liberum hominis arbitriū ad gloriam promerendam, vel ad gratiam augendam, Spiritus sancti gratia inbarente penitus indigere; neque totam legem Dei implere posse suis viribus, neque ad gratiam se preparare ex propinquo, nisi Spiritus sancti motione subleuatum, neque demum aliquid, quod ad æternam salutem spectet, ex seipso velle seu facere: qua de causa Dominus dixit: Sine me nihil potestis facere. Contra vero Dei gratia communitum hæc omnia posse præstare: ita sit ut sanctæ actiones, ac recte facta neque sint solius gratiæ, neque solius liberi arbitrii, sed vtriusque, quemadmodum rectum iter conficitur & gradientis equi labore, & equitis dirigentis industria. Ceterū præter hæc opera vera iustitia intima, sunt & alia quæ non potest: potest tamen nonnulla; alioquin nō differret a mortuo. Tuentur hanc sententiā inter scholasticos S. Thom. 1. 2. q. 109. art. 2. & 2. 2. q. 10. art. 4. & utrobique Caietanus. Alensis par. 3. q. 69. memb. 3. art. 3. ad fin. Bonauent. lib. 2. sent. dist. 28. art. 2. &

ceteri

illa de honesto moraliterq. laudabili. Tametsi non negarim, Cassianum licet de hac ipsa re non male sentientem, ad eam tamen probandam Coll. 13. cap. 12. ab usum utcumque fuisse exemplo David de adificando templo cogitantis ex semetipso. etenim non ex semetipso, sed ex Dei gratia id cogitasse probabilius est propter ipsius operis religionem.

Secunda Cassiani propositio.

PEr aliquod recte factum, ac bonam voluntatem posse nos ex nobis utcumque ad gratiā pręparare, ita ut Spiritus sancti motionem voluntas interdū nostra pręueniat. Ita videtur docere lib. 12 de Instit. renunt. cap. 14. Coll. 7. cap. 7. Coll. 13. cap. 7. 9. 11. 12. & 13. Hac secunda propositio ut intelligatur catholico, illud pręfandum est, duplicem a Theologis distingui dispositionem seu pręparationem ad gratiam; remotam unam, qua per opera quadam moraliter bona fieri solet, tamquam initium quoddam redeundi ad Deum, eiq. obtemperandi, dum naturalem quis rationem, quod est lumen vultus diuini signatum super nos, recte aliquid agendo incipit audire; qua ex re aliquo modo idoneus efficitur cui Deus opituletur ad suam gratiam consequendam, cum ei docilem tractabilemque aliqua ex parte se prębeat: Alteram quam appellant proximam dispositionem, qua in eo posita est, ut animus noster diuina ope subnixus credat, speret, & diligat Deū, ut oportet, & propter eum peccatum omne detestetur. Huiusmodi pręparationem Tridentina Synodus sess. 6. cap. 6. describit, subditq. cap. 7. Hanc dispositionem seu pręparationem iustificatio ipsa consequitur; qua non est sola peccatorum remissio, sed & sanctificatio & renouatio interioris hominis per voluntariam susceptionem gratia, & donorum. Unde homo ex iniusto fit iustus, & ex inimico amicus, ut sit heres secundum spem vitę æternę. hac ibi. Et quidem certa fide credimus proxima pręparationis non nisi adiuuante Deo compotes esse nos posse. Constat deinde, etiam si remota dispositio adsit, non esse satis ad gratiam, nec oportere ut semper adsit, cum interdum sine ea ad proximam veniatur. Illud etiam inter Theologos conuenit, nonnunquam impium adeo male esse affectum, & tanta peccatorum sarcina oppressum, ut ne remore quidem ad gratiam ipse se pręparet, etiam si forte possit, nisi Spiritu sancto stimulante incitetur. Contra vero accidit saepenumero, ut nonnulli quorum animi aciem vitia minus

hebetarint, sicut sola natura vi, multa quæ officij honestiq. ratio exigit præstare possunt; ita per ea remote se præparent ad gratia donum adipiscendum, facientes aliqua ex parte quod in ipsis est. Quam sententiam amplexi sunt Theologi scholastici quamplures. Neque obest huic sententia can. 8. Concilij Arauscani, quo alienus a fide censetur, qui putat alium misericordia, alium ad baptismi gratiam posse per liberum arbitrium peruenire. non obest, inquam, nam ad baptismi gratiã non venit sine proxima dispositione, quæ non currentis hominis, nec volentis est, sed miserentis Dei. Huic doctrina fiamt aliquando plerique Patres, dum docent nonnumquam Deum a nobis præueniri; vel eum non præstare auxiliũ gratia nisi ijs qui se dignos effecerint; vel tum nobis adesse, cũ nos quod in nobis est præstiterimus; vel bonum aliquem nostra voluntatis affectum aut conatum expectari a Deo priusquam nobis opituletur. Ad quæ omnia comprobãda testimonia quedam Patrum adducam. Primum Chrysostomus homi. de conuers. Pauli, & lib. 1. de compunctione cordis: Venit, inquit, ad vnumquemque gratia Dei, sed apud eos qui digno explent eam quæ in ipsis sunt, permanet; ab ijs vero qui minue digne agũt, cito discedit: ad eos autem qui nec initium faciunt conuersendi ad Dominum, omnino non venit. rectas enim mentes diligit, & sine fūco propositum. Quod etiam in Paulo perspicuus, licet adhuc alio itinere videretur incedere, tamen quia proposito recto, & zelo Dei hoc agebat, dicit de eo Dominus: Quia vus electionis est mihi iste. Idem homil. 10. in Acta Apost. Dignum profecto mirari Eunuchum illum Candacis regina, non viderat Iesum Christum, non viderat signum: ultra viderat quis status Hierosolymis, & credidit Philippo. Vnde igitur talis factus est? Sollicita erat anima illius; attendit scripturis, vacauit lectionibus. Idem tradit pluribus alijs locis. Hieronymus in initio lib. 3. contra Pelag. Scito, inquit, baptismum præteritis donare peccata, non futuram seruare iustitiam, quæ labore & industria, ac diligentia, & semper super omnia Dei clementia custoditur; ut nostrũ sis rogare, illius tribuere quod rogatur nostrũ incipere, illius perficere: nostrum offerre quod possumus, illius implere quod non possumus. Scribunt nonnulla in hanc partem August. lib. 33. quæst. 9. 68. Ambr. lib. 2. de Abraham cap. 10. & in Psal. 118. serm. 10. Hilarius in Psal. 118 in verba: Inclina cor meum Deus in testimonia tua. Clement Alex. lib. 7. Stromatum. Cyrillus Alex. in Apol. contra Iulianum.

Julianum, lib. 3. Origenes lib. 7. in 8. cap. epist. ad Rom. in verba: Qui secundum propositum vocati sunt. Hac illi Patres, quæ Cassiani sententia suffragari videntur. Neque vero si aliquo nostro conatu possumus ad Deum paulisper accedere, attrahitio diuina tollitur. Hac enim proprie accessum istum cōsummat; non ille conatus, cū nec satis sit solus, nec necessarius semper, nec nisi improprie tanto dignus accessu: neque inde fit cōsequens portionem quandam credetium Christi gratia iustificari, ceteras natura viribus, id enim alienum est a Cassiano, qui omnium redemptionem adscribit Christo passim in libris viij. de Incarnatione. Omnis namque iustificatio gratia est, non tamen omnis preparatio ad eam: nam proxima quidem semper est Spiritus sancti, remota in quibusdam est fructus gratia, in alijs natura. Neque aduersantur Cassiano nonnulla scripturarum, Conciliorum, patrumq. loca, quæ nihil nos boni ex nobis aut facere aut inchoare, aut cogitare posse, frequenter inculcant, id enim & Cassianus docet idēdem. Illa ergo erit horum omnium cōciliatio, quod cum boni quidquam nostra tribuitur facultati, intelligatur de ea operum voluntatumq. bonitate, quæ & in honesti officijq. ratione spectatur, & ad gratiam disponit e longinquo: cum vero omnis ad bonū conatus ac potestas nostra denegatur natura, de eo exponatur bono, quod aut gloriam mereatur, aut ad gratiam præparet e propinquo, quodq. vera pietati, Christiana iustitia, vtiq. secundum Deum instituenda intimum sit. Augustinus de natura viribus prius tenuissime sentiens, demum ita se explicat lib. 4. cont. duas epist. Pelag. cap. 6. lib. 3. de bono perseneratia, cap. 13. lib. 4. cont. Julian. Pelag. cap. 3. tractatu 45. in Ioan. & lib. de spiritu & littera, cap. 28. Et Tridentina Synodus sess. 6. can. 3. huc respiciens ita decernit: Si quis dixerit sine prauo-niente Spiritus sancti inspiratione atque eius adiutorio hominem credere, sperare, diligere, aut pœnitere posse sicut oportet, ut ei iustificationis gratia conferatur, anathema sit.

Tertia Cassiani propositio.

A Liquid vel initium pœnitentiæ, vel propositum mutandæ vitæ, vel consilium reuertendi ad Deum ex nobi s esse.] Sic sentire videtur Collat. 13. cap. 12. 13. & 15. Hac pœnitentia seu conuersio, de qua Cassianus agit, inchoata quædam attritio est, quam plerique Theologi in potestate natura collocant, vt S. I. hom. lib. 4. sentent. distinct. 17. quest. 2.

art. 1. quæst. 3. Bonaventura lib. 2. sent. dist. 28. art. 2. q. 1. ad fin. & alij. idq. ea ratione, quia sicut omni natura insitus est naturalis amor sui, ita & naturalis timor eorum quæ ut noxia concipiuntur. Iam vero cum peccatum valde noceat, & hominis dignitati ob suam turpitudinem, & famæ atque honoris si alijs innotescat, & rei familiari si ea dilapidetur, & corpori si morbos pariat; cumq. ex culpa reatus omnis existat pœnarum, quas vel humana lex vel diuina decernit, non est omnino supra naturam odisse peccatum, quod naturâ ipsam tot malis ac nocuentis facit obnoxiam. Atque hoc initium quoddam penitentia est & reversionis ad Deum. Quare ita constituta, tolerari potest illa distinctio (licet paulo durior sit) quam Cassianus tradit Coll. 13. cap. 17. Quorundam, inquit, Deus est susceptor, quorundam saluator. Non enim ibi de gratia iustificante loqui videtur (secundum eam namq. omnium saluator est, quia quicumque iustificantur, ab hoc saluatore iustificantur) sed de remoto conatu accessuq. ad iustificationem, secundum quem eorum vocat Deum saluatorem, quos ex otio & ignavia saluat in totum: eorum vero susceptorem, quorum bonam aliquam sollicitudinem beneuole suscipit, & misericorditer promouet. Postremo quod ait Cassianus Col. 13. cap. 13. diuina fuisse dignationis quod David per prophetam fuerit reprehensus: quod vero peccatum suum agnouerit, propria fuisse libertatis opus; exponi potest iuxta id quod ipse ibidem præcedenti capite scripserat, nempe in hominis esse libertate & arbitrio gratiam Dei negligere vel amare, eiq. vel obsequi vel resistere; ut decernit Triad. Conc. sess. 6. cap. 4. ita tamen ut numquã intelligatur exclusa specialis Dei motio, quæ fit ut vocanti obsequatur, & peccatum efficaciter detestetur. Quare cum Cassianus premisisset Dei gratiam, quæ non solum intus, sed etiam foris arguebat Davidem, subdit propria fuisse libertatis opus, quod peccatū suum agnouerit.

Quarta Cassiani propositio.

Nonnullum fidei motum ex nobis incipere. Significatur id Collat. 13. cap. 11. & 13. clarius vero cap. 25. ubi exercuisse Christum scribit curationes secundum mensuram fidei, in qua unumquemq. reperit, vel sicut unicuique ipse partitus est: ac si dicat, fidem aliquam nos habere ex nobis, quandam vero Deum impartiri. Multo rectius senserat Coll. 3. cap. 16. donari & augeri fidem a Deo, Nisi hac, & id

genus

genus alia loca intelligantur de fide seu persuasione humana cum ijs qua reuelat Deus per Ecclesiam incipimus saltē probabiliter assentiri propter aliquas rationes, argumenta, miracula sanctitatem euangelizantis Christum, cuiusmodi fidē naturaliter acquiri posse auctores sunt Scotus lib. 3. sent. dist. 27. q. unica. Durand. lib. 2. sent. dist. 28. q. 1. Alex. A lensis par. 3. q. 68. membr. 2. Bonauentura lib. 3. sent. dist. 23. art. 2. q. 2. Caiet. 1. 2. q. 109. art. 1. notab. 3. Capreol. lib. 3. sent. dist. 24. q. unic. art. 3. ad arg. Scoti cont. 2. concl. ubi etiam multa loca S. Thome adducit pro hac sententia: a qua certe nec videtur abhorreere ipsemet S. Tho. 2. 2. q. 6. art. 1. ubi concedit posse esse aliquam persuasionem humanam inducentem ad credendum, sed non sufficientem, nempe ad fidem catholicam: nam ad humanam non negaret, cum omnis persuasio humana naturaliter apta sit ad gignendum aliquam opinionem & assensum leuem saltem. Quare ibidem quaest. 5. art. 3. haeretico non credēti unum articulum denegat fidem catholicam etiam circa reliqua qua credit: concedit tamen humanam ex proprio iudicio ac voluntate nascentem, id quod haeretico posset obtingere etiam ante acquisitum fidei humana habitum, ut si qua hora credidit, postmodum non credat. Hoc ipsum etiam rationi valde consentaneum est: quia ea qua extrinsecus nos ad fidem mouent, qualia sunt miracula, vita sanctitas, prophetia, & cetera id genus, etsi non pariunt euidentiam veritatis, afferunt tamen euidentiam credibilitatis, id est, ostendunt non esse temeritatis vel imprudētia credere: & propterea in assensum aliquem potest sua sponte natura prorumpere; non catholicum tamen, nisi Spiritus sancti lumine collustretur. Sed qualis qualis fuerit Cassiani sententia, certum est multo magis probandam esse Prospere expositionem contendentis tam Andree, Petri, Pauli, aliorumq. Apostolorum fidem, quam Zacchai, Cornelij, centurionis, & latronis vocationem, gratia adscribendam; & nō modo non illos, sed ne hos quidem habuisse vllum fidei motum, antequam gratia praeuenirentur: quia licet Spiritus sanctus foris eos non traxerit, traxit tamen intus, qui suos varie trahit ad salutem: Neque enim (inquit Prosper) purandum est, quod potentia gratia eos tantum ad filiū attrahat, quos aut voce increparit, aut poena atteruerit, aut terrore tremefecerit; illorum autem mentibus nihil sua virtutis admoneat per tranquillam cohortationem. haec Prosper. Certe hic locus praeter alios causam videtur

præbuisse Gelasio Pape, ut Cassiani opera inter apocrypha numeraret.

Quinta Cassiani propositio.

Nostris orationibus nonnumquam Dei gratiam præueniri, iuxta illud: Et mane oratio mea præueniet te. Traditur id Coll. 3. cap. 19. & Coll. 13. cap. 9. & 12. Nihil hac sententia habere videtur absurdi. Licet enim ipse orandi Deum affectus sit donum Dei, nihil tamen prohibet aliquem eius conatū ex natura bono posse depromi, & per eum nos Deū adiutorio quadamtenus dignos effici. Id enim quodammodo significant hac verba Patrum. Chrysostomus homil. 2. in epist. 2. ad Corinth. Tu quoque & illud iam mihi considera, quod etiam siquid Deus præstat ex misericordia, tamen multum hac momenti asserat deprecatio. Initio si quidem misericordijs Dei salutem suam acceptam ferebat: Deus, inquit, misericordiarum ipse nos eripiet; hic vero illorum etiam precibus acceptam refert. Nam & illum qui tam multa talenta debebat, ubi procubuisse ad genua miseratus est. Sic enim scriptum est: Misericordia motus dimisit illum. Quin & Chanaanæ post multam instantiam & importunos clamores, tandē largitus est filia salutem, & tamen illam ex misericordia seruauit. Hinc itaque discimus quod quamquam misericordiam sumus experturi, tamen ut nos ipsos prius misericordia dignos praebeamus oportet. Hieronymus lib. 3. contra Pelagianos: Scito, inquit, baptismum præterita donare peccata, non futuram seruare iustitiam, qua labore & industria, ac diligentia, & semper super omnia Dei clementia custoditur, ut nostrum sit rogare, illius tribuere quod rogitur; nostrum incipere, illius perficere. & infra: Totus sermo sanctorum ad Deum oratio est, tota oratio & deprecatio extorquet clementiam Saluatoris: ut qui nostris viribus & studio saluari non possumus illius misericordia conseruemur. Vbi autem misericordia & gratia est, liberum ex parte cessat arbitrium; quod in eo tantum est, ut velimus atque cupiamus, & placitis tribuamus assensum. Iam in Domini potestate est, ut id quod cupimus, quod laboramus ac nitimur, illius ope & auxilio implere valeamus Hilarius in Psalm. 118. Est a nobis, inquit, cum oramus, exordium, ut munus a Deo sit. Nec S. Thomas ab hac doctrina videtur alienus. nam 2. 2. q. 83. art. 10. concedit peccatoribus orationem ex bono natura desiderio procedere. eamq.

tamq. a Deo exaudiri, non ex debito iustitia, sed ex pura misericordia, si necessaria ad salutem perseueranter ac pie pro se homines petant. quod ultimum Caietanus exponit de intentione, qua etiam peccator potest in aliquo opere diligere Deum propter ipsum Deum. Si quis autem contendat hanc pietatem ad impetrandum necessariam; non posse esse sine aliquo speciali auxilio, ut significare videtur ibidem art. 15. ad 1. certe is negare non poterit ex sententia S. Thoma aliquam orationem posse ex natura bono prodire, quamuis impetratura non sit, nisi ex diuino auxilio aliqua illi pietas adiungatur. Neque quem mouent canon. 3. Concilij Arausici sic statuentis: Si quis invocationem humanam gratia Dei dicit conferri, non autem ipsam gratiam facere ut inuocetur a nobis, contradicit Esaia propheta vel Apostolo, idem dicent: Inuentus sum a non quarentibus me, palam apparui ijs qui me non interrogabant. Ipsum enim Concilium can. 6. semet exponit, cum affirmat sine gratia Dei non posse orari sicut oportet. id enim ut oportet fieri non potest sine fide & spe. Vnde Augustinus in Psal. 87. Ego, inquit, ad Dominum clamaui, hoc est, Dominum ut saluus essem inuocaui. Quomodo autem inuocarem, nisi crederem quomodo crederem, nisi audirem? Sed ut audita crederem, ipse me attraxit. Ex quo fit, ut recte Concilium statuatur gratia faciente nos orare, quia non oramus nisi ex fide, qua gratis donum est: & qui sentiat solam fidem absque nouo auxilio ad aliqualem Deum deprecandum satis esse, a prolatis modo sanctorum sententijs non aberrabit, dummodo non neget etiam ipsis iam credentibus perfectum orandi studium non provenire nisi ex Spiritu sancto, qui postulat pro nobis gemitibus inenarrabilibus: tamen si cum naturaliter diuinam prouidentiam agnoscere posse recipiamus, nihil sit absurdi ex natura viribus citra ullam fidem diuinam posse esse orantis affectum, si non efficacem & ardentem, at aliquem tamen: cum ipsa gentes ijs quos deos putabant, templa dicarint, aras, victimas, paana, sacerdotes instituerint. Sensisse autem Cassianum modico quodam solum conatu, orandi, affectu Deum a nobis prouenire, plenum autem ac perfectum a Deo prouenire proficisci significari videtur Collat. 13. cap. 12. ad finem. Præuenit, inquit, hominis voluntatem misericordia Domini, de qua dicitur: Deus meus, misericordia eius præueniet me. Et rursus Dominum remorantem atque utiliter quodammodo

subsistentem, ut nostrum experiatur arbitrium, voluntas praeuenit nostra, cum dicitur: Et mane oratio mea praeueniet te. Et iterum: Praeueni in maturitate, et clamaui. Et: Praeueniunt oculi mei ad te diluculo. Aduocat etiam nos et inuitat cum dicit: Tota die expandi manus meas ad populum non credentem mihi, et contradicentem. Et inuitatur a nobis cum dicitur per prophetam: Propterea expectat Dominus, ut misereatur vestri. Et expectatur a nobis cum dicimus: Expectans expectaui Dominum, et intendit me. Et: Expectabam salutare tuum Domine. Confortat nos, cum dicit: Et ego erudiui et confortauimus brachia eorum, et in me cogitauerunt malitiam. Et ut nosmetipsos confortemus, hortatur cum dicit: Confortate manus dissolutas, et genua debilia roborate. Clamat Iesus: Siquis sitit, veniat ad me et bibat. Clamat etiam ad eum Propheta: Laboraui clamans, rance facta sunt fauces mea, defecerunt oculi mei dum spero in Deum meum. Querit nos Dominus, dicens: Quasiui et non erat vir, vocaui et non erat qui responderet. Quaritur et ipse a sponsa flebiliter conquirente: In cubili meo in noctibus quasiui quem dilexit anima mea, quasiui eum, et non inueni: vocaui eum, et non respondit mihi. Et cap. 7. Diuina, inquit, benignitas cum bona voluntatis in nobis quantulumcumque scintillam emicuisse perspexerit, vel quam ipse tamquam de dura silice nostri cordis excusserit, confortet eam, et excuscat, suamque inspiratione confortat. Vides in ijs locis non solum praeueniri nos interdum, praeuenire nonnumquam, sed nostrum etiam praeuenire esse modicum aliquod initium, quod ut perficiamus praeuenimur a Deo.

Sexta Cassiani propositio.

Etiam post praeruaricationis lapsum mansisse in Adam scientiam boni, cum sit lex ipsa naturalis, & quaedam virtutum semina omni animae beneficio creatoris inserta. Id ad verbum scriptum reliquit Coll. 19. cap. 12. Ne autem quis existimet scientiam boni cum labae peccati non potuisse consistere, sepe omnes sancti Patres et naturalem aliquam, licet minus claram quam quae fuerat innocentis Ada, scientiam boni in nobis agnoscunt, et quaedam virtutum semina propensionesque ad ea quae recta sunt. Ita Basilius in quaestio. fusiuse explicatis ad q. 2. Ambros. epist. 71. S. Hiero. epist. 151.

ad

ad *Algasiam*, q. 8. *Cyrillus Alexand.* lib. 3. contra *Iulianum*. *Chrysostomus* homil. 9. de poenitentia, atque interpretes fere omnes in cap. 2. ad *Rom.* super illud: *Gentes qua legem nō habent*, ut *Chrysost.* *Hieronym.* *Oecum.* & alij. Quin quod ad veri boniq. scientiam pertinet. *Augustinus* retractat aperte quod lib. 2. *Soliloquiorum* aduersus hanc sententiam scripssisse videbatur. Non approbo, inquit, lib. 1. *Retraçtat.* cap. 4. quod in oratione dixi: *Deus qui nisi mundos verum scire noluisse.* Responderi enim potest, multos etiam non mundos multa scire vera. De seminibus vero virtutum ita scribit lib. 2. de libero arbitrio, cap. 10. Satis enim est quod istas tanquam regulas & quedam lumina virtutum & vera & incommutabilia, & siue singula, siue omnia communiter adesse ad cōtemplandum eis qui hæc valent sua quisque ratione ac mente cōspicere, pariter mecum vides, certissimumq. esse concedis.

Septima Cassiani propositio.

CAuendum esse nobis ne ita ad Dominum omnia sanctorum merita referamus, ut nihil nisi id quod malum est atque peruersum humanæ adscribamus naturæ. Verba sunt *Cassiani* Coll. 13. cap. 12. Ex quibus ne colligas quosdam natura meritis, quosdam diuina gratia saluos fieri. Non enim id tradidit *Cassianus*, sed docere voluit, non sicut omnia mala sunt ex nobis, ita omnia merita esse ex Deo solo, cum & Dei & nostra sint omnia. Cooperatur enim gratia nostra voluntas in merendo. Ita passim scribit *Cassianus*, ut lib. 12. de *Instit. rem.* cap. 14. Coll. 3. cap. 11. 12. 15. & 19. Coll. 5. cap. 16. & 24. & Coll. 13. cap. 9. 10. 11. & ult. Nec *Cassianus* solus, sed & vniuersi Patres docent liberi arbitrij vim non solum in eo sitam esse ut aliquis recte faciat ex seipso, utq. vocanti mouentiq. Deo possit obniti, sed etiam ut opus bonum & meritorium non solus Deus perficiat, sed Deus & voluntas nostra: & totum quidem ille, totū & ista. Ita Patres fere omnes docent. S. *Hieronym.* in epistola ad *Demetriadem* de virgin. seruanda. & lib. 2. & 3. contra *Pelag.* *August.* lib. de natura & gratia, cap. 16. & 29. & lib. de gratia & libero arb. cap. 4. & 5. & lib. 3. *Hypognosticon.* *Chrysostomus* homil. 2. in epist. 2. ad *Corinth.* *Anselmus* in epist. 1. ad *Corinth.* cap. 15. super illa verba: Non ego sed gratia Dei mecum. S. *Gregorius* homil. 9. in *Ezechielem.* *Bernardus* lib. de gratia & libero arb. & *Concilium Tridentin.* sess. 6. can. 32.

Osta-

Octava Cassiani propositio.

N Ostrarum qualitatem cogitationum aut recordationum in nostra potestate esse potestate:] *Id affirmat Coll. 1. cap. 17. & 19. & Coll. 7. cap. 4. Hoc loco illud adnotandum est quod scribit Anselmus in lib. de concordia praescientiae & praedestinationis, gratiaq. ne liberi arbitrii, cap. 3. Si bene inquit, considerentur quae dicta sunt, aperte cognoscitur, quia cum aliquid dicit scriptura pro gratia, non amouet omnino liberum arbitrii; neque cum loquitur pro libero arbitrio, excludit gratiam, quasi sola gratia, aut liberum arbitrium solum sufficiat ad saluandum hominem.] Recte quidem, quia cum aliquid ex multis causis dependet, nunc uni earum, nunc alteri potest adscribi; dummodo cetera non excipiantur. Hinc illa scripturarum voces: Spe salui facti estis: Iustus ex fide uiuit: Charitas operis multitudinem peccatorum: Poenitentiam agite, appropinquabit regnum caelorum: Fides tua te saluum fecit: Electionem exstinguit peccatum. Nihil horum certe solum iustitiam perficit Christianam, quae tamen nunc isti, nunc illi tribuitur seorsim, quia his omnibus uera pietas nititur. Sic etiam loquuntur & sancti Patres: ex quo magna nobis ad intelligendum Cassianum praesidia comparantur. Nam quod ad cogitationem qualitatem spectat, Augustinus lib. 3. de libero arbitrio ita scribit: Quoniam voluntatem non allicit ad faciendum quodlibet, nisi aliquid visum; quod autem quisque uel sumat uel respuat, est in potestate: sed quo uiso tangatur, nulla potestas est: fatendum est & ex superioribus & ex inferioribus uisis animi tangi, ut rationalis substantia & ex utroque sumat quod uoluerit, & ex merito sumendi uel miseria uel beatitas subsequatur. Idem tradit Basilius in homilia. Astende tibi ipsi, Augustinum & Basilium sequitur Cassianus, docens qualitatem nostrarum cogitationum a nobis pendere: sed ne uerum ad nobis solum deputat, uerum indicare uoluerunt esse etiam penes nos, adiuuante Deo, uisa quibus tangimur respuere, uel probare: & ita pijs meditationibus consuescere, ut surpibus uisis aditus pracludatur.*

Nona Cassiani propositio.

P OST recentem hominis lapsum clarius fuisse lumen rationis, ut minus Deo tunc egeret illuminante quam post-

postmodum.] Sic habetur Coll. 8. cap. 23. Quod quidem nouum iudicari nõ debet, cum id ante Cassianum docueris Hierony. epist. 8. de virginis. ad Demetriad. disertis verbis. Cuius rei hac ratio potest assignari. Notissimum est philosophis, affectus qui sentiem animum perturbant, sine corporis commutatione quadam non excitari: sanguis enim nunc effernescit, nunc tepescit, fluit, refluit, procurrit, recurrit. Cor etiam varie aut contrahitur, aut dilatatur. His cordis & sanguinis affectionibus afficiuntur varie parentum corpora, eorumq. facultas seminalis, qua uitium quod hausit a fonte, ad liberos tamquam ad riuos transfundit, & dum filij natura quam acceperunt a parentibus natiui, non iam suis ipsi moribus adiungunt corruptelam, sit ut quo diuturnior temporum decursus est, eo bona natura semina magis obruantur, maiorq. nepotibus quam eorum maioribus necessitas gratia illuminantis accedat.

Decima Cassiani propositio.

Diuinere Spiritum sanctum varios gratiæ gradus pro vario hominum captu, labore, industria, conatu.] Id significat lib. 6. de Inst. renunt. cap. 18. Coll. 3. cap. 11. & 12. & Coll. 13. cap. 15. & 16. Hoc ut catholice intelligatur, illud tenendum est, nostrum hunc captum & conatum, cui Deus sua gratia dicitur adaptare mensuram, referri posse ad tria. Primum quidem ad remotam præparationem, qua cum nonnulla esse possit ex nobis, cum Deus eam misericorditer respicit, & iuxta eam sua dona largitur, dici potest utcumque noster conatus mensura gratiæ, utcumque dixi, quia non proprie & perfecte: tum quia isthac præparatio nix fines meriti congruentis ingreditur: tum quia illius modum diuina largitatis magnitudo frequenter excedit, quod diserte Cassianus affirmat Collat. 13. cap. 16. additq. cap. 11. & 15. nonnullos esse quos de salutis sue remedio nihil cogitantes, neque ad id se præparantes, Deus spontanea gratia sua dignatione præligit. Referri potest secundo loco noster ille conatus & captus ad proximam dispositionem: cuius quia Deus est auctor, cum eius modulo Deus iustificantem gratiam meretur, non potest nostra uoluntas dici mensura gratiæ sed diuina, quæ tantum gratia qua iustificamur infundit, quantum gratia præuenientis admouerat, licet etiã hic nostra uoluntatis conatus exigatur, qui tamen cum diuina licet motione

tione coniunctus, ad iustitiam consequendam, nullam meriti obtinet condignitatem, ut in Concil. Trident. sess. 6. cap. 8. dicitur. Postremo noster ille captus & conatus spectari potest in eo qui gratia iam inhaerente iustus est: & negari non potest illam esse mensuram ex condignitate parem augenda gratia & charitati. Charitas, inquit, August. tract. 5. in epist. Ioan. meretur augeri, ut aucta mereatur & perfici. Idem Concil. Trident. sess. 6. cap. 10. Et licet vir iustus solo habitu gratia virtutumque, infusarum non satis munitus sit ad pietatis opera uel omnia uel semper obeunda: ad nonnulla tamen & aliquādiu inhabitantem gratiam & uirtutes satis esse citra noui auxilij necessitatem sentiunt Caietan. 1. 2. q. 109. art. 8. Dominicus Sotus lib. 3. de natura & gratia, cap. 4. & Decanus Louaniensis art. 7. de lib. arbitrii. Et sicut in potestate est obtinentis gratiam, ea nihil uti ad operandum (propter quod rogat Apostolus, ne in uacuum gratiam Dei recipiamus: & ipse de se pradicat: Gratia eius in me uacua non fuit) ita etiam in solo unicuique liberum est uel tantum operari quantum potest ex gratia, uel minus: ita ut posse operari tantum, aut tantum, sit ex gratia: operari uero lentius aut enixius, intra mensuram & latitudinem accepta gratia: & per gratiam quam possidet, aliam maiorem, minoremue lucrari, ex nostra pendeat libertate, ut ait Cassianus, nec ad id nouo semper sit opus auxilio. Multa sunt in hanc sententiam sanctorum Patrum testimonia, praesertim Hieronymi lib. 2. aduers. Iovinianum, & lib. 1. contra Pelag. Dionys. Arcopag. lib. de cale. hierarch. cap. 9. & lib. de diuin. nom. cap. 4. Orig. lib. 7. in cap. 8. ad Rom. Chrysost. homil. 9. quod nemo cadit nisi a seipso. Immo idem hic sanctissimus doctor homil. 19. in Act. Apostol. significat id quod Cassianus lib. 6. cap. 18. docet de peculiari progressu S. Pauli in scientia ob uehementem scripturarum studium.

Vndecima Cassiani propositio.

Eos quorum Deus fidem ac uirtutem per se uel per alium tentatorem explorat, a diuina gratia paulisper subrelinqui, ut probentur, & suis non Dei uiribus uincant.] Totidem uerbis id asserit Coll. 13. cap. 14. atque ita tentatam putat tolerantiā, toleraditi in manus satanae, obedientiam Abraha in filio immolando, & fidem Centurionis cui Dominus suam praesentiam obrulit, dicens: Ego ueniam & curabo eum. Mirabitur quisquam tam gloriosam de tetrarchae hoste uictoriam

uictoriam fortissimo Iob obtingere potuisse sine gratia, ut ei uideatur nec martyres in suis agonibus gratia uiribus eguisse, si Iob tam grauem oppugnatorem Deo non iuante prostrauit. Duplex huic loco potest adhiberi interpretatio. Prior quidem, quod hic Cassianus usurpet gratia nomē iuxta latissimā eius significationem, qua non solum internas Spiritus sancti motiones, habitusque infusos, sed omnem etiam gratuitam Dei curam, iustorumque protectionem extrinsecus adhibitam comprehendit: quo sane modo eos destituere diuina gratia dicitur quos a molestiis, laboribus, erumnis, nocementis non seruat aut liberat. Hinc illi iustorum gemitus & querela: Deus Deus meus, quare me dereliquisti? Dicentes, Deus dereliquit eum, persequimini & comprehendite eū, quia non est qui eripiat: Et dixit Sion, Dereliquit me Dominus, & Dominus oblitus est mei &c. Et hac derelictio sanctorum uexationem cruciatūque designat, non interna fortitudinis amotionem. De hac enim precipue sunt illa promissiones. Non te deseram neque derelinquam: Cū ipso sum in tribulatione: Non uidi iustum derelictū: Sapientia uenditum iustum non dereliquit, &c. Cassianum uero non loqui de interna derelictione, sed de externa: nec de gratia auxiliante ad perferendum, sed de gratia nos protegente a malis, patet ex illis uerbis qua de Iob in hūc modum scribit: Licet etiam gratia Dei non in totum illi de fuisse credenda sit, qua tantam tentatori tentandi tribuit potestatem, quantam & illum resistendi noxerat habere uirtutem, non eum ab illius impugnatione sic protegens, ut nullum uirtuti humana relinqueret locum, sed hoc tantum procurans, ne uolentissimus inimicus animam eius amentem faciens & impotē sensu, impari eum atque iniquo certaminis pondere praeuinciret. Et infra de Abraham: Vnde, inquit, non immerito fidei eius constantia comprobatur, atque ad eū subueniente gratia Dei, qua eum paulisper subreliquerat ut probaret, ita dicitur: Ne inferas manum tuam in puerum, neque facias ei quidquam: nunc enim scio, quia times Deum tu, & non pepercisti filio tuo dilecto propter me. Itaque docere tantum uoluit, iustos destitui gratia, qua uindicta ab aduersis, non ea qua eos in aduersis fouet ac sustinet ne succumbant: & pugnare eos nō Dei uiribus ait, sed suis. Dei namque uiribus tunc pugnarent, cum Deo agente seruariarentur illasi: suis uero pugnans, cum lasi tolerant ea qua ladunt. Suis dixit, non suis tantum, ut nostra uoluntatis consilium & conatum adhibendum esse moneat.

non autem soli gratia fidendum. Ideo dixerat de Iob, enim contra inimicum sua virtute, non Dei solius gratia protegentem congressum esse, nec absque ulla virtute patientia sua, diuina tantum opitulatione sussultum. Et infra: Cum istum, inquit, prophetam aut somniatorem surgere permiserit Deus, ita ne eos quorum fidem probare disponit, proteſturus esse credendus est, ut nullum penitus locum quo suis viribus cum tentatore conſigant, libero eorum reſeruet arbitrio? Alteram ſubijciam interpretationem, ut licet gratia proprie pro dono intus opitulante aut etiam inhabitante ſumatur, hac tamen biſariam deſitui nos poſſo intelligamus. Primum, cum non ſuppeditantur facultas ad ſuſtinendum neceſſaria. Iterum, cum licet quantum ſatis eſt ſuppetat, nil ultra tamen additur, quod id quod pati poſſumus, ex gratia minus laborioſum moleſtumque reddatur. Priori quidem modo numquam Deus quarentes ſe derelinquit: poſteriore autem frequenter. Vult enim ſuos athletas, virtutes quas ipsis impertit exercere, nec quarere ut nullo dolorum moleſtiarumque ſenſu tangantur, tamquam diuina dulcedinis ebrietate conſopiti, ſed accepta gratia vim totam experiantur perferendo & quanta illa eſt in praxim & opus adhibendo, licet id ipsis multum triſtitia & angoris ſit allaturum, ut in eos quadrent illa voces: Euntes ibant & flebant, mittentes ſemina ſua: Omnis creatura ingemiſcit, & parerit uſque adhuc: non ſolum autem illa, ſed & nos ipſi primitias ſpiritus habentes: Mulier cum parit, triſtitiam habet, quia venit hora eius, &c. Derelinquit igitur ſuos Deus, cum nouam gratiam non ſuggerit, ſed collata uſum exigit. Præclare totum hunc locum illuſtrat Origenes lib. 3. *ἀπὸ τοῦ*: Sicut hi, inquit, qui agonibus præſunt, eos qui ad certamen veniunt, non utcumque neque fortuito inter ſe ſinunt inire certamina ſed diligenti examinatione prout corpora viderint vel arantes, æquiſſima comparatione iungentes illum cum illo, verbi gratia, pueros cum pueris, viros cum viris, qui ſibi vel ani vel roboris propinquitate conueniant. Ita intelligendum eſt etiam de diuina prouidentia, quod omnes qui in hos humana vita deſcenderint agones, iuſtiſſima moderatione diſpenſet ſecundum rationem vniuſcuiusque virtutis, quam ipſe ſolus, qui ſolus corda hominum inueſtur, agnoſcit; ut alius quidem pugnet aduerſus carnem talem, & alius quidem in tantum tempus, alius vero in tantum, & ut alter inſitiget carnem in hoc vel illud, alius vero in aliud: cum vero ut alius reſiſtat ad-

uerſus

uersus inimicam potestatem illam vel illam, alius uero ad-
 uersus duas vel tres simul; aut nunc quidem aduersus aliam
 nunc iterum aduersus aliam, & certo tempore quo aduersus
 illam: vel post qua gesta aduersus quas pugnent, post qua uero
 aduersus quas malitias. Inuere enim ne forte tale aliquid
 indiscetur per hoc quod dicit Apostolus: Fidelis autem Deus,
 qui non patietur uos tentari supra id quod potestis: idest, pro
 eo quod singuli pro uirtutis sue quantitate vel possibilitate
 tentantur. Nec tamen quoniam diximus iusto iudicio unū-
 quemque pro uirtutis sue quantitate tentari, idcirco putan-
 dum est quia omni genere debeat vincere qui tentatur. Sicut
 ille quidem qui in agone contendit, quamuis a qua moderatio-
 ne comparatus sit aduersario, non tamen omni genere vince-
 re poterit. Verum nisi equalis fuerit certantium uirtus, non
 erit iusta palma uincētis, nec iuste culpabitur uictus, pro-
 pterea quod permittit quidem nos tentari, non tamen supra
 id quod possumus. pro uiribus enim nostris tentamur; ut uero
 hoc quod posse nobis ipse dedit, uel strenue uel segniter implea-
 mus in nobis est. Dubiū enim non est quin in omni tentatione
 adsit nobis tolerandi uirtus, si tamen nos competēter utamur
 uirtute concessa. Non enim idem est habere uincendi uirtutē,
 & uincere; sicut ipse Apostolus cautiſſimo sermone signauit,
 dicens: Quia dabit Deus exitū ut sustinere possitis, non ut su-
 stineatis. Multi enim sustinent, sed in tentatione uincuntur.
 A Deo autem datur non ut sustineamus (alioquin nullum iū
 uideretur esse certamen) sed ut sustinere possimus. Ea autem
 uirtute, qua nobis data est ut uincere possimus secundū liberū
 arbitrii facultatem, aut industrie uiuimur, & uincimus; aut
 segniter, & superamur. Si enim totum nobis hoc datur ut
 omni genere superemus, & nullo modo uincamur; qua iam
 supersit causa certandi ei qui uinci non potest aut quod pal-
 ma meritum, ubi repugnandi adimitur uincendiq. facultas?
 Si uero a que quidem omnibus nobis uincendi possibilitas pra-
 beatur, in nostra autem positum sit potestate, quomodo hac
 possibilitate uti debeamus, idest, uel industrie uel segniter, in-
 ſta erit uel uicti culpa, uel palma uictoris. hac Origenes. Cui
 cōsimiliā scribit S. Gregorius, sed breuius, lib. 2. moral. cap. 11.
 Idem uero cū Origine sensisse Cassianū, ex Col. 13. cap. 13. po-
 test intelligi, namque sic scribit: Magister gentiū, licet gratia
 Dei apostolatus gradū sortitū se fuisse testetur, dicens: Gratia
 Dei sum id quod sum; tamē se quoque diuina gratia respōdisse
 pro-

pronuntiat, dicens: *Et gratia eius in me vacua non fuit, sed abundantius illis omnibus laboravi; non autem ego, sed gratia Dei mecum.* Nam cum dicit: *Laboravi*, conatū propriū signat arbitrij. Cum dicit: *Non autem ego*, sed gratia Dei virtutem diuinā protectionis ostendit. Cum dicit: *Mecum*, non otioso neque securo, sed laboranti ac desudanti eam cooperatam fuisse declarat. hac Cassianus. & subdit statim initio capituli 14. *Quod etiam in Iob probatissimo athleta suo, cum eum diabolus expetisset ad singulare certamen, diuinā legimus prouidisse iustitiam.* Vides quod de Paulo dixerat, transferre etiā in Iob, nempe ut laborauerit quidem, nō tamen solus, sed gratia Dei cum ipso, & gratia Dei in eo vacua non fuerit. quod & sequentibus confirmat verbis: *Si contra inimicum, inquit, non sua virtute, sed Dei solius fuisset gratia protegente congressus. & absque ulla virtute patientia sua, diuinā tantum opitulatione suffultus (animaduerte non excludi gratiam, sed solam fuisse negari, quia Iob ex se adhibuit usum gratia, & hoc appellat Cassianus sua illum virtute pugnare) multiplices illas tentationum moles pertulisset: quomodo non illam calumniosam diabolus, quam prius emiserat vocem aduersus eum iustus iterasset: Numquid gratis Iob colit Deum? Nonne tu vallasti eum ac domum eius, & vniuersam substantiam eius per circuitum? Sed aufer manum tuam, id est, sine eum suis mecum viribus decertare, nisi in faciem tuam benedixerit tibi. Sed cum nullam eiusmodi querimoniā calumniosus hostis post confictum audeat iterare, non Dei sed illius se victum viribus confitetur.* Illius, inquit, viribus quia suis ille viribus usus est, gratia perferens omnem molestiam, nec expectans tantam sibi superinfundi gratiam, quā omnem molestiam absorberet; sed exprompsit quidquid in ipso erat, ut gratia cooperaretur, quā quidē absque dubio pugna erat equalis, licet atrocissima. Non enim sine copiosa gratia vbertate ad tantam peruenisset sanctitatem, quantā diuinū illud praconium declarat: Numquid considerasti seruum meum Iob, quod non sit ei similis in terra, homo simplex & rectus, ac timens Deū, & recedens a malo? Hanc praterea Cassiani fuisse sententiam declarat, quod de Abraham ibidem subdit: *Explorationem, inquit, fidei in Abraham quoque diuinā dispensauit iustitia cum dicitur: Et factum est post hac verba, tentauit Deus Abraham.* Non enim illam fidem quam ei Dominus inspirabat, sed illam quam vocatus semel atque illuminatus

a Domi.

a Domino, per arbitrij libertatem poterat exhibere, experiri voluit diuina iustitia. Vides augmentum solum gratia tempore tentationis remoueri, non gratiam ante collatam, cuius usum in tentatione poterat exhibere. Eadem ratione exponi potest tam quod subdit de Deo nos probante per pseudopropheta-
tam aut somniatorem, quàm quod scribis de gentibus in circuitu Hebræorum relictis ut Israel exercereretur ad prælium; illud etiam quod de Centurionis fide affirmat, de qua Dominus in Euangelio: Non inueni tantam fidem in Israel. Non enim Cassianus, qui sepe docuerat fidem esse donum Dei, negat Centurionis fidem a patre luminum descendisse, sed supra fidem qua iam Centurio credebat in Christum, aliam adiunctam fuisse, ut in magnificâ illam professionem erumperet: Domine non sum dignus, &c. Illam enim contendit exhiberi potuisse ex fide, quam iam habebat. Cui rei quadam fauere videntur argumenta. Primum, quod scribit, cum Dominus ei suam obtulit presentiam, ideo obtulisse ut fidem tentaret, in qua fidei exploratione similem illum facit Abraha: Abraha, vero non fidem adscribit, sed usum. Deinde, quod subdit hac, Verba: Tale est & illud quod ab Apostolo dicitur: Itaque qui se existimat stare, videat ne cadat. Tentatio vos non apprehendit nisi humana. Fidelis autem Deus, qui non permittet vos tentari supra id quod potestis, sed faciet cum tentatione & exitum, ut sustinere possitis. Cum enim dicit. Qui stat, videat ne cadat: sollicitam reddit arbitrij libertatem, quam utique nouerat percepta gratia vel stare per industriam, vel cadere per negligentiam, posse. Cum autem infer: Tentatio vos non apprehendit nisi humana; infirmitatem eorum & inconstantiam necdum robusta mentis exprobrat, qua adhuc spiritualium nequitiarum turbinibus non poterat impugnari, aduersum quos semetipsum vel illos perfectos nouerat quotidie dimpicare, de quibus ad Ephesos dicit: Iam non est nobis collutatio aduersus carnem & sanguinem, sed aduersus principatus, aduersus potestates, aduersus mundi rectores tenentiarum harum, contra spiritualia nequitia in caelestibus. Cum vero subiungit: Fidelis autem Deus, qui non permittet vos tentari supra id quod potestis, non utique optat ne eos Dominus tentari permitteret, sed ne supra id, quod sustinere poterant tentarentur, illud enim indicat humani arbitrij facultatem, hoc vero Domini gratiam tentationum luctamina moderantis ostendit. In his igitur omnibus approbatur ita semper di-

uinam gratiam arbitrium hominis incitare, ut illud non in omnibus taliter protegat ac defendat, ut non etiam proprijs eū conatibus congruē aduersum spirituales faciat inimicos, in quibus vel gratiā Dei victor, vel infirmitatem suā superatus intelligat: & ita discat non de sua fortitudine, sed de diuino semper sperare suffragio, atque ad suum iugiter recurrere protectorem. Neque moueat quemquam quod de Centurionis fide paulo ante dixerat: Nullius laudis esset ac meriti, si id in eo Christus quod ipso donauerat, praeuulisset: alioquin dixisset: Non dedi tantam fidem in Israel. Non enim de fidei habitu, ut ostendimus: loquitur, sed de usu atque actu quem exhibere nostra potestatis est: & in hoc posita est ratio meriti nascentis ex opere operantis, de quo hic erat sermo. Haec duae expositiones huius capiti posse conuenire videntur, quarum alteram nisi cautus lector adhibeat, Cassianum hac in re cū Pelagianis sensisse facile indicabit.

ET QUÆSTIONE IAM DE GRATIA
& libero arbitrio pertractata, restant pauca quædam aliæ Cassiani sententiæ, quæ piæ interpretationem desiderant: eas infra subiecimus.

Coll. 8. cap. 17. & Coll. 13. cap. 12.

Vnicuique nostrum duo cohærent angeli, id est, bonus & malus, ut liber Pastoris docet. De hoc libro Pastoris ita scribit Hieronymus in Catalogo virorum illustrium: Hermas, cuius Apostolus Paulus ad Romanos scribens meminit, asseritur auctor esse libri, qui appellatur Pastor, & apud quasdam Græciæ ecclesias etiam publice legitur. Re vera uetus liber, multiq. de eo scriptorum veterum usurpauerunt testimonio: sed apud Latinos ignotus est. hac Hieronym. Ceterum tanto ante Tertullianus in lib. de Pudicitia, eam scripturam ab omni cōcilio ecclesiarum inter apocrypha & falsa iudicatam affirmat: & demum Gelasius Papa in c. Sancta Roma, dist. 25. ut apocrypham repulit. Itaque quod de malo angelo

Angelo liber ille Pastoris affirmat falsum est; licet id scripserit. etiam Origenes homil. 35. in Lucam. nisi forte figurate mali angeli nomine, qui nobis cohaeret, fomes ipse intelligatur peccati, qui ex mali angeli suggestionem traxit originem.

Coll. 9. cap. 19.

Qui mentis est purissimæ, nouit testimonio conscientiz suæ, cum apparuerit Christus, mox eius se futurum esse consortem.] Huc pertinet illud Pauli ad Roman. cap. 8. Ipse spiritus testimonium reddit spiritui nostro, quod sumus filij Dei. & illud 2. ad Corinth. 1. Gloria nostra hac est, testimonium conscientia nostra. Ex hoc testimonio dicit Cassianus nosse iustos fore se Christi consortes, sed non affirmat eos id certo nosse: quia hac noticia certior incertiorve esse potest, prout spiritus sanctus per clariora vel obscuriora signa reddit nobis de nostra salute testimonium, qualia sunt interna dulcedo, mentis illustratio, vita puritas, & id genus alia, in quibus tamen nihil est indubitatum, nisi certissima accedat reuelatio, quasi humana menti opus est, ut in agnoscenda spiritus sancti presentia non fallatur, multo magis ut de sua perseuerantia in bono certior fiat. Quare quod ponit Cassianus testimonium conscientia de obtinendo Christi consortio, nec de perseuerante, nec de presente iustitia potest esse certum, sed vel de altera, vel de utraque probabiliter verum.

Coll. 9. cap. 23. siue 24.

In Oratione Dominica nihil caducum, vult a se Christus, nihil vile, nihil temporale æternitatem conditor implorari.] Non quod putet Cassianus temporalia non esse petenda, sed non esse eorum causa petitionem spiritualium post habendam. Subdit enim: Magnificencia Dei ac munificencia maximam irrogabit iniuriam quisquis his sempiternis petitionibus prætermittis transitorium aliquid & caducum ab eo maluerit postulare.

Coll. 17. cap. 15. & seqq. & lib. 5. de Institut. renunt. cap. 37. & 39.

Ex quadam æconomia & dispensatione licere officiose mentiri. Et hanc maculam seu nubeculam quandam

subire potius quàm veritatem profiteri nobis alijsve noxiâ, probatur ex patriarcharum multis prophetarumq. mendacijs, qui omnibus omnia facti, aliquid a perfectionis rigore relaxauere mentiendo.] *Hac sententia tuta non est, ut fuso probat Augustinus libris duobus contra mendacium ad Consentium, eamq. damnat in Priscillianistis hereticis. Vnde Innocentius iij. in c. super eo de usuris, decernit diuini uerbi precepto tueri, ne quis etiam pro alterius uita seruandâ mentiat. Verum priusquàm ea ueritas ab Ecclesia definiretur, nonnulli patres Platonem lib. 3. de Rep. secuti senserunt uirum prudentem posse officioso mendacio non secus uti, quàm medicamento: Ita Origenes lib. 6. & 10. Stromat. Chrysostomus in fine libri primi de sacerdotio, & homil. 32. & 53. in Genesim, & epist. ad Olympiam. S. Hieronymus in 2. cap. epistola ad Galatas: quod ei per litteras obijcit Augustinus. Horum itaque sententiam secutus est Cassianus, priusquàm Ecclesia contrarium decerneret.*

Coll. 20. cap. 8.

Q Vis est, qui non possit suppliciter dicere: Peccatû meû cognitum tibi feci, & iniustitiam meam non operui, vt per hanc confessionem etiam illud confidenter subiungere mereatur: Et tu remisisti impietatem cordis mei? Quod si verecundia retrahente reuelare coram hominibus erubescis, illi quem latere non possunt, confiteri ea iugi supplicatione non desinas, ac dicere: Iniquitatem meam ego cognosco, & peccatum meum contra me est semper. tibi soli peccaui, & malum coram te feci; qui & absque vilius verecundie publicatione curare, & sine improprio peccata donare consuevit.] *Non uidetur negare necessitatem penitentia & confessionis secreta, sed publica, cuius ipsemet Cassianus meminit lib. 2. de Instit. renunt. cap. 15. & 16. lib. 3. cap. 7. lib. 4. cap. 16. & 20. lib. 1. de Incarnat. cap. 4. Et certe si quis attente eius uerba perspiciat, animaduertet ea in publicam quadrare penitentia de peccatis secretis: Si reuelare inquit, peccata tua coram hominibus erubescis. non dixit coram homine, uel sacerdote. & subdit: Deus remittere consuevit absque ullius uerecundia publicatione, & sine improprio; nam a secreta confessione longè absunt & publicatio & improprium: de qua illum non esse locutum, illud argumento est, quod nullus ueterum aut recentiorum, hunc illi errorem obiecerit.*

Quare

Quare secutus uidetur doctorem suum Chrysostomū ita passim loquentem, qui tamen numquam, sicut nec eius praedecessor Nestorius, secretam suisulis confessionem, sed publicam, uisuse aduersus Caluinum probat Decanus Louanensis art. 5. de Confessione.

Coll. 21. cap. 4.

Sic David praecepta legis cognoscimus supergressum, qui praeципiente Mose ut inimicis talio redderetur, non solum hoc non fecit, verum etiam dilectione complexus est persequentes, & pro his Domino pie supplicans etiam lugubriter fleuit, & ultus est interfectos.] *Praeципiente inquit; & uere praeципitur enim exod. 21. Leuit. 24. Deuter. 19. sed iudicibus praeципitur, qui ministri Dei sunt ad uindictam malorum, laudem uero bonorum: priuatis autem id non praeципitur, immo prohibetur, cum dicitur Deuter. 32. Mea est ultio, & ego retribuam. quod Paulus Apostolus in epist. ad Rom cap. 12. ijs uerbis refert: Scriptum est: Mihi uindictam, & ego retribuam. Tametsi neque Moses, neque ulla lex uetuit, quin deposito odio & cessante scandalo, possent priuati a iudicibus exposcere ultionem studio iustitiae, boniue publici, uel ad emendationem peccantis, ut fuse declarat S. Thomas 2. 2. q. 103. Nam quae de perferendis iniurijs ac remittendis habentur in Euangelio, non secundum operis exhibitionem semper, sed secundum animi preparationem exponit August. lib. de serm. Domini in monte cap. 34. Hanc legis concessionem dicitur David supergressus, quod nollet uti lege quae praeципiebat iudicibus, ut talionem redderent, praesertim cum id, qui lesi erant, postularent.*

Ibidem cap. 10.

Factum Theonae qui post consummatum matrimoniū relicta coniuge monasticam vitam professus est, Cassianus narrat si non studio laudatoris, at fide narratoris, & subdit: Puto tot spiritalium virorum Deo auctore prolatū non errasse iudicium, quod etiam tanta signorum, ut supra iam dictum est, admiratio confirmabat.] *Qua uerba significant peculiarem aliquem instinctum sancti spiritus interuenisse uel impellentis ad faciendum, uel factum comprobantis uirtute miraculorum: idque praeter ordinem & legem, ut habemus, quod miraremur, non quod imitemur.*

Ibidem, cap. 29.

Pro intelligendo capite 29. Coll. 21. illud videtur promouendum, duplicem a Theologis distingui legis tam diuinæ quam humanæ vim ac potestatem. Vnam quidem, quæ instar regulæ, humanas dirigit actiones, suiq. transgressores peccatû vinculo deuincit. Alteram vero quæ subditos ad sui obseruantiam cogit, minis eos pœnisq. coercendo. Et quidem constat inter omnes catholicos, quod ad vim directricem pertinet, omnes legi subiacerent, siue iniustos siue iustos, siue imperfectos, siue perfectos, ita vt qui eam violant scientes & volentes, licet antea sanctissimi fuerint, & culpam & pœnæ reatum incurrât. Quod vero spectat ad cogendi puniendiq. potestatem, perfectos viros a lege Paulus Apost. eximit, cum dicit: Iusto non est lex posita; quia non coacti metu pœnarum obtemperant legi, sed ex charitate, quæ si perfecta est, foras mittit timorem. Ita sentit August. concione 10. in Psalmum 118. ita & Cassianus lib. 4. de institut. renunt. cap. 39. & Coll. 21. cap. 13. His expositis facile est catholice interpretari quod de quadragesima scribit eadem Coll. cap. 29. sic enim ait: Hæc igitur quadragesimæ lege qui iustus atque perfectus est non teneitur; nec exigui huius canonis subiectione contentus est, quem profecto illis qui per totum anni spatium delicijs vel negotijs sæcularibus implicantur Ecclesiæ principes statuerunt, vt vel hac legali quodammodo necessitate constricti, his saltem diebus vacare Domino cogerentur, ac dierum vitæ suæ, quos totos quasi fructus quosdam fuerant voraturi, uel decimas Domino dedicarent. Ceterum iusti quibus lex non est posita, quique spiritualibus non exiguam illam, idest, decimam partem, sed totum vitæ suæ tempus impêdunt, quia liberi sunt a decimarum legalium functione, idcirco si eos superueniens honesta & sancta necessitas coartat, audent rationem ieiunij absque vlla disceptatione laxare. Hoc ipsum probat Rabanus lib. 2. de Institut. cleric. cap. 20. & Isidorus lib. 1. de ecclesiasticis officijs cap. 36. & uterque Cassiani testimonio id confirmat. Non desunt tamen qui significentur hoc loco fâuere Cassianum Begardis & Beguinis, quorum hæresis damnata sunt sub Clemente V. in Concilio Viennensi, relato inter Clementinas in Clem. ad nostrum. de hæreticis. De secundo enim & tertio illorum errore ita scribit Concilium: Afferunt secundo quoddam ieiunare non oportet homin-

hominem nec orare postquam gradum perfectionis huiusmodi fuerit affectus: quia tunc sensualitas est ita perfecte spiritui & rationi subiecta. quod homo potest libere corpori concedere quidquid placet. Tertio, quod illi qui sunt in praedicto gradu perfectionis & spiritu libertatis, non sunt humana subiecti obedientia, nec ad aliqua praecepta Ecclesiae obligantur: quia (ut asserunt) ubi spiritus Domini, ibi libertas. Neutrum errorem sapit Cassianus, qui Coll. 10. cap. 10. perfectos toto anno affirmat ieiunare, orare vero omnibus membris & actionibus: & praeter frequentissimas obedientiae laudes; quibus omnes suas Institutiones & Collationes aspersit, Collatione etiam 19. cap. 6. inter alia commoda vitae socialis, quae esse commemorat in cenobio, illud adiecit abbas Ioannes, quod usque ad finem, inquit, subiectus abbati, illum aliquatenus videar emulari, de quo dicitur: Humiliauit semetipsum factus obediens usque ad mortem; merearq. illius verbum humiliter dicere: Quia non veni facere voluntatem meam, sed voluntatem eius qui misit me patris. A lege itaque Quadragesima non eximit perfectos, vel nomine perfectionis, vel praetextu vanae libertatis quo nitebantur Begardi & Beguini, dicentes: Vbi spiritus Domini, ibi libertas: sed tribus de causis; quae ex eius verbis colligi possunt. Primum, quia iusto non est lex posita, ait Apostolus 1. Timoth. 1. Deinde quia qui totum vitam tempus spiritualibus officiis impendunt, liberi sunt a decimarum legalium functione, qualem dicit esse Quadragesimam, per quam tamquam decimatio quadam dierum anni Deo redditur. Postremo, si eos superueniens honesta & sancta necessitas coartarit. Atque haec tres causae, si recte intelligantur, verae sunt. Quod enim ad primam attinet, notissimum est, viros iustos ac perfectos teneri quidem lege, & culpa poenaeque obnoxios esse, si eam ut recte viuendi ducem non sequantur: liberos tamen a lege dici, qua parte terroribus ac poenis homines ad sui cultum obseruantiamque compellit, hoc enim seueritatis metu non indigent viri iusti, quibus Spiritus sancti gratia & charitas dilatauit cor ad currendam viam mandatorum Dei. In quem sensum seipsum explicat Cassianus in hac Collat. cap. 23. & lib. 4 de Institut. renuntiat. cap. 39. Altera vero causa vim habet apud eos qui sentiunt non teneri eos lege, praesertim humana, apud quos finis et ratio legis locum non habet. Nam si quadragenarium ieiunium institutum fuit ut decima quadam annui temporis auctori temporum

*soluerentur; abunde eas soluunt qui omne uita tempus & sa-
totos Deo tamquam holocausta quadam exhibent, in multa
patientia, in tribulationibus, in necessitatibus, in angustiis, in
laboribus, in uigijs, in ieiunijs, in castitate, in scientia, in lō-
ganimitate, &c. Certe si legis potestas legis sine nititur, non
possunt non probare secundam Cassiani rationē, qui legis obli-
gationem ex eius sine desumunt. Quorum sententia licet eam
Ecclesia nusquam damnauerit, quinimmo a plerisque uiris
doctissimis defendatur, mihi tamen non usquequaque proba-
tur, nisi tertia Cassiani ratio accedat, hoc est, honesta & san-
cta necessitas, quæ si sit euidens, nec ad Prelatos, penes quos
ius est dispensandi in huiusmodi Ecclesia sanctionibus, facilis
patet accessus, potest per se ipsum unusquisque ieiunium solue-
re, ut auctor est D. Thomas 2.2.q.147.art.4.*

Collat. 21. cap. 30.

Sciendum sane hanc obseruantia Quadragesimæ quam-
diu Ecclesiæ illius primitiæ perfectio inuiolata permā-
sit, penitus non fuisse. Non enim præcepti huius necessita-
te, nec quasi legali sanctione constricti, artissimis ieiuniorū
terminis clauderentur, qui totum anni spatium equali ie-
iunio concludebant. Verum cum ab illa Apostolica deuo-
tione desciscens quotidie credentium multitudo suis opi-
bus incubaret, nec eas vsui cunctorum secundum Aposto-
lorum instituta diuideret, sed priuatim impendijs suis con-
sulens non seruare tantum, sed etiam augere contenderet,
Ananiæ & Sapphiræ exemplum non contēta sectari; id uni-
uersis tunc sacerdotibus placuit, ut homines curijs seculari-
bus illigatos, & pene (ut ita dixerim) continentię uel com-
punctionis ignaros, ad opus sanctum canonica ieiuniorum
indictione reuocarent, & uelut legalium decimarum ne-
cessitate compellerent, quæ utique infirmis prodesse posset,
perfectis præiudicare non posset, qui sub gratia Euangelij
constituti, uoluntaria legem deuotione transcendunt] *Hic
locus non pugnet usquequaque cum Patrum constantissima
sententia: qui Quadragesimam ad Apostolorum referuat tra-
ditionem. Licet enim instituendi quadragesimale ieiunium
ratio consecrata fuerit tum in Moysi, Elia, & Christi ieiunio,
tum in præcepto Domini de ieiunando generaliter, tum dicit
Luca 5. Venient autem dies, cum ablati fuerit ab illis spon-
sus, & tunc ieiunabunt, &c. tum in multis commodis quæ ex
ieiunio*

ieiunio oriuntur: fieri tamen potuit, ut cum primis illis nascē-
tis Ecclesia annis fero quotidie ieiunarent vniuersi, nullum
fuerit de Quadragesima præceptum, sed illud postmodum ad
pullulantem iam quorundam licentiam coercendam acceffe-
rit de sententia omnium sacerdotum, hoc est, Apostolorum &
seniorum. Nam etiam hos adhiberi solitos in concilium ab
Apostolis, Lucas Actuum 15. cap. testatur. Certum itaque est
Quadragesimam Apostolorum esse institutum: probabile etiā
cum ipsa incœpisse Ecclesia: hoc tamen non vsque adeo certū,
ut catholice non potuerit opinari Cassianus post aliquot, hoc
est, de cem vel duodecim annos institutam: & ita quidem, ut
eius institutio & perfectus nō præiudicaret, ut Cassianus ait,
eo modo quem exposuimus superiore capite, & incontinentes
ad officij munus renocaret, ob quos precipue instituebatur:
quod non obscure significat S. Leo sermone 4. de Quadragesi-
ma: Debebat, inquit, quidem tantis mysterijs ita incessabilis
deuotio, & continuata reuerentia, ut tales permaneremus in
conspectu Dei, quales nos in ipso Paschali festo dignum est in-
ueniri. Sed quia hac fortitudo paucorum est, & dum carnis
fragilitate austerior obseruantia relaxatur, dumq. per va-
rias actiones vita huius sollicitudo distenditur, necesse est de
mundano puluere etiam religiosa corda sordescere, magna di-
uina institutionis salubritate prouisum est, ut ad reparandā
mentium puritatem, quadraginta nobis dierum exercitatio
mederetur, in quibus aliorum temporum culpas & pia opera
redimerent, & ieiunia casta decoquerent.

Lib. 5. de instit. renunt. cap. 40.

Laudat duos adolescentes, qui vitam amittere maluerūt,
quàm citra seniorum mādaturum vsci sicubus, cū aliud
non haberent. Recte quidem laudat obedientiam & simpli-
citatē, ob quam ipsis id vitio datum non est, tametsi ex suo
genere non sapienter id factum sit, cum potuissent (nisi aetatis
imperitia obstitisset) mādaturum senioris in extrema necessi-
tate pro se interpretari, si id ad vitam tuendam sufficere
potuisset.

Lib. 12. de instit. renunt. cap. 4. & 5.

Amissi diabolus beatitudinem, qua Dei munere frue-
batur. Beatitudinem via intellige, non patria. Illa in
fide, spe, amore & contemplatione absentis boni posita est; hac
vero

vero in Deo videndo facie ad faciem, atque eo sicut cognitis sumus cognoscendo.

Lib. 3. de institut. renunt. cap. 2.

Gratius est voluntarium munus, quam functiones quæ canonica compulsione redduntur.] Gratius, subaudi nobis, nam Deo, non item, nisi ex accidenti, cum tristitia ex praecepto multum demit ex animi hilaritate, cuiusmodi affectio aprior est ad incrementa charismatum, quam tristitia ex necessitate. Hilarum enim datorem diligit Deus.

Ibidem, cap. 9. & 10.

Causam cur in Vrbe sabbato olim ieiunaretur, putare esse, quia Apostolum Petrum eodem die contra Simonem magum conflictaturum Romani assererent ieiunasse, cum antea non ieiunaretur.] At Innocentius primus episc. 1. ad Eugubinum episcopum cap. 4. feria sexta & sabbato ieiunandum esse tradit, quia ea biduo mortis Apostoli ob Christi Domini mortem ieiunauerunt. Si amba causa nequeunt esse vera, error est Cassiani in historia, quam cum ipse ab Vrbe longe abesset, ita retulit sicut acceperat a quibusdam Romanorum, quos in ea sententia fuisse refert Augustinus epistola 80. ad Casulanum; tametsi addat a plerisque Romanis eam falsam iudicari. Quod vero adjicit Cassianus toto Oriente ieiunari ex traditione apostolica quinque hebdomada diebus, sabbato vero & Dominico die ieiunium solui, ne corpus inedia flaccescat; id observari a multis, maxime a monachis, testatur Augustinus. Quam etiam paucissimos clericos aut monachos sex diebus ieiunare, ut solo die Dominico ieiunium relaxent. Illud etiam Cassiano cum Augustino convenit, nec in Oriente, nec in multis Occidentis partibus sabbato ieiunari; ex quo colligunt hoc ieiunium ex Apostolorum traditione non descendisse, & recte. Neque Innocentius ieiunium sabbati Apostolorum praecepto institutum tradit, sed exemplo; nempe quia Apostoli cum Christus pateretur ieiunauerunt. Quartam tamen & sextam ferias ieiunio deputatas ab Apostolis sensit Augustinus; illam, quia tunc consilium iniere de occidendo Domino; hanc vero, quia in ea mortuus est; sabbato autem, quia quiescit in sepulchro post opus redemptionis, ut olim Deus per actum creationis operis. Inde, ait Augustinus, orta varietas, ut alij sine (maximo Orientis populi) qui propter requiem significan.

scand
tem m
cident
profes
perisse
Rom
dem
quide
ieiuni
lis tra
drinu
10. in

A
gandu
dustri
vnu
rarum
ment
se ips
Domi
storiu
dilige

Q
losep
busd
ri ful
num
miser
tes,
pertr
mus;
aure
atqu
sian
esibi

Secundam mallent relaxare ieiunium: alij propter humilitatem mortis Domini ieiunare. sicut Romana & nonnulla Occidentis ecclesia, inter quas fuit Africana, a qua Mediolanum profecta mater Augustini, cum ibi non ieiunantes sabbato reperisset, huiusmodi responsum ab Ambrosio accepit: Quando Roma sum, ieiuno sabbato; quando hic sum, non ieiuno; ut ibidem Augustinus, & epistola 128. ad Ianuarium narrat. Ecce quidem non de sabbato, sed de quarta & sexta feria per annum ieiunio, tamquam per totam Ecclesiam recepto; & ab Apostolis tradito, idem cum Augustino scribunt Clemens Alexandrinus lib. 7. Stromatum. Epiphanius heresi 79. Origenes hom. 10. in Leuit. Damascenus lib. de heresibus, in Arianis.

Lib. 5. de institut. renunt. cap. 34.

Abbas Theodorus monet monachum ad scripturarum notitiam pertingere cupientem, in animo potius pergando, quam in commentatorum libris operam atque industriam debere collocare. *[Nō aliud certe docet, quam quod universi Patres, precipuum nempe intelligendarum scripturarum praesidium in cordis positum esse puritate, tametsi commentatorum libros, praesertim sanctorum nequaquam damnesse ipsum enim damnet, qui libro ultimo de Incarnatione Domini, ad finem, ex Patrum libris clarissima aduersus Nestorium testimonia depromit, nec depromere potuisset, nisi eos diligenter perlegisset.]*

Coll. 1. cap. 20.

Quo genere illi quoque decepti sunt, qui post professionem monachi, nitore sermonis & quibusdā sunt philosophorum dogmatibus incitati, quæ prima fronte quibusdā sensibus ac religioni consonis audientes velut auri fulgore fallentia, quos semel superficie illexerant, velut numismatibus æreis falsisq. deceptos, perpetuo nudos ac miseros reddiderunt, vel ad sæculi eos strepitum reuocantes, vel ad hæreticos errores, ac præsumptiones tumidas pertrahentes. Quod etiam Achar in libro Iesu Naue legimus fuisse perpessum, qui de castris allophylorum regulam auream concupiscens atque furatus, anathemate percussus atque æterna meruit morte damnari. *[Non damnat Cassianus eloquentia vel philosophia studium, quo adiuti & invisibilia Dei per ea quæ facta sunt intelligimus, & diuinorum dogma*

dogmatum veritatem explicamus, tuemur, & exornamus; sed incautos reprehendit, qui vanis quibusdam inuentis philosophorum capiuntur potius quàm ex ipsorum stercore aurum excernant, & Egyptiorum se superstitione contaminant potius quàm ipsis tamquam inuisitis possessoribus vasa destrabant ad veri Dei cultum transferenda; quod faciendum esse docet Augustinus lib. 2. de doctrina Christiana, cap. 4. cum ethnicorum libris vacatur: quo delectu ac discrimine, qui rursi non sunt, multarum haresum segetem ac pabulum habuere philosophiam, ut scribit Tertullianus lib. de Prescriptionibus hereticorum, & lib. aduersus Hermogenem.

Lib. 8. de instit. renunt. cap. 20.

Sciendum tamen in eo quod in quibusdā exemplaribus inuenitur: Qui irascitur fratri suo sine causa, reus erit iudicio; superfluum esse, Sine causa, & adiectum ab his qui amputandam iram pro iustis causis minime putauerunt; cum utique nullus quamlibet absque ratione commotus, sine causa se dicat irasci. Quamobrem apparet ab eis adiectum qui propositum non intellexerunt scripturæ volentis fomitem iracundiæ omnimodis amputare, nullamque indignationis occasionem penitus referuare, ne dum iubemur irasci cum causa, etiam sine causa irascendi nobis intromittatur occasio. Finis enim patientiæ non in irascendo iuste, sed penitus in non irascendo consistit. Licet a quibusdam hoc ipsum, quod dicitur, Sine causa, ita interpretari sciam, quod scilicet sine causa irascatur is, cui expetere ultionem irato non liceat. Melius tamen est ita tenere, ut & nouella exemplaria multa, & antiqua omnia inueniuntur esse perscripta. Idem ante Cassianum dixerat Hieronymus super illud Matthæi 5. Qui irascitur fratri suo: In quibusdam, inquit, codicibus additur, Sine causa. ceterum in veris definita sententia est, & ira penitus tollitur. & contra Pelagianos: Qui irascitur fratri suo sine causa reus erit iudicio, licet in plerisque codicibus antiquis sine causa additum non sit; ut scilicet, ne cum causa quidem debeamus irasci. Augustinus etiam lib. 1. Retractat. cap. 19. Neque tamen hos doctores credendum est commendare voluisse Stoicorum ἀπάθειαν, quam refellit August. lib. 9. de Civitate Dei, cap. 4. & merito. Nam si ira non fuerit cum causa subest, ut ait Chrysostomus homil. 11. in Matthæum, nec doctrina proficit, nec iudicia stant, nec crimina

mina compescuntur. Ira itaque nomine, Hieronymus & Cassianus affectum quendam intellexerunt, qui rationem antevertit. Hic enim etiā si ex iusta causa erumpat, modū seruare non potest, ideo penitus nō irascendum monent. Ceteri irā aliquando concedunt; quia eam intelligūt, qua imperium rationis excitat ac moderatur. Vnde S. Gregor. lib. 1. Moral. cap. 33. Curandum, inquit, summo perere est ne ira, qua instrumentum virtutis assumitur, menti dominetur: nec quasi dona preeat, sed quasi ancilla ad obsequium parata, a rationis tergo numquam recedat. Et licet Cassianus eodem lib. cap. 6. 7. & 8. significet ira ministerium ad hoc solum nobis esse infertum, ut lasciuientibus moribus ac vitijs animi nostri irascamur, tamen eadem de causa nonnumquam etiam erga alios iram proferendam esse cum ratio postularis, non obscure significat Coll. 16. cap. 26. cum scribit: Nec ego dixi quod illius qui fortis est ac robustus, virtus tolerantiaq. vincenda sit, sed quod infirmi pessima valitudo, illius qui sanus est sustentatione nutrita, atque in deterius quotidie prolapsa, generatura sit causas, ob quas ipse ultra non debeat sustineri.

Coll. 11. cap. 13.

Cassianus Christum vocat hominem Dominicum, quomodo & ante vocarant multi antiqui Patres, & Augustinus lib. 83. quæst. 9. 36. tametsi hanc locutionem postmodum emendarit lib. 1. Retract. cap. 19. quia cum Christus Dominus sit, Dominicus improprie diceretur: significaretur enim illam hominē non esse Deum ac Dominū, sed Dominicū, hoc est, esse suppositū humanum unitū Domino, seu supposito Domini: quare duo supposita in Christo fingerentur, quod Nestorianū est. Et quoniam constat Cassianum non solum non consensisse Nestorio sed contra eum septem libros scripsisse, quibus probat non duas, sed unā esse Christi personam; ideo homo Dominicus apud eum extendendus est eo modo quē ponit S. Thomas 3. par. q. 16. art. 3. Homo, inquit, Dominicus nonnulla ratione posset defendi, quia scilicet posset aliquis dicere, quod dicitur homo Dominicus ratione humana natura, quam significat hoc nomen homo, non autem ratione suppositi. Vide Russinum in apologia pro origine prope finem.

F I N I S.

INDEX

INDEX QVARVMDAM RERVM
memorabilium, quæ in operibus
Cassiani continentur.

Cetera quære in expositione vocabulorum,
& duobus indicibus locorum
sacræ scripturæ.

A

A B B A S qualis esse debeat. 13	Actualis vita in presenti tan- tum exercenda est. 182
Abrenūtiatio quid sit. 53	post hanc vitam auferen- da. 182
ea triplex est, rerum, affe- ctuum, & memoria omniū inferiorum. 223	Aduersis qui frangi non po- tuit, sape eliditur prosperis. 147, 283
histribus eius generibus tres Salomonis libri coaptantur. ebid. 223	Aegyptij monachi Syris perfe- ctiores. 408
ea non prodest, si quibus re- nūtiavimus, implicemur. 54	Aerea potestates qua dican- tur. 325
Abstinentia antiquorum pa- trum. 39	Affectus operantis, non operis effectus est intruendus. 282
quo occultior, ed magis ten- sat. 118	Αγαπῆ & διαδέρω quid diffe- rant. 472
ceteris virulentibus coniuncta sit oportet. 64	Agonis spiritualis fundamen- tum in corporis castigatione collocatum. 69
qualis esse debent ad suppe- randum spiritum fornicationis. 88	Allegoria usus in scripturis sa- cris. 320, 442
Acedia quid sit. 127	Ambidextri in Scriptura qui dicantur. 283
Tristitia affinis est. ibid.	Amicitia illa indissolubilis est, quam virtutum similitudo conciliat. 406
Demonium meridianum dicitur. 128	eius diuersa genera. 405
solitarios circa meridiū ma- xime infestat. 127	quomodo possit inuolubilitate retineri. 402
sim virus quomodo mona- chos corripit. 129	Anachoreta unde orri & ap- pellati. 515
Monacho pernicioſa est. 260	qualia loca expetere debeat. 624
unde oritur. 253	
pini duo genera. 263	
quomodo superanda sit. 142	eorū qualia studia esse con- ueniant. 72

B
Basili m

ueniat.	025	nitare sua.	93
Anagoge in scripturis quid.	442	eiusdem de monacho non perfe-	
& sequent.		cte huic mundo renuntiante.	
Angeli an ante calum & terram	106		
creati.	322	Bona qua dicantur.	278. 564
Stabiles sunt ex Dei munere.		& sequent.	
291		C	
angeli mali inter se pugnant.		Alceamentis quare non utra	
326		rentur monachi Egyptij.	9
cur dicantur principatus ac po-		Galiga monachorum.	10
restates.	327	Canonica orationes diurna & no-	
nomina illis unde sint indita.		cturna.	12
ibid.		Canonicus orandi modus ab ange-	
eorum ruina.	324	lo traditus.	16
Anima humana aterna est.	185	Canonicus psalmorum modus.	372
post hanc mortalem vitam vi-		& sequent.	
uacior futura.	187	Caro multa significat.	243
numquam potest esse otiosa	296	semper cum spiritu pugnat.	245
mola aquaria similis.	190	eius desideria quomodo repri-	
eius pulchritudo vel fœditas in		mantur.	400
quibus consistat.	227	Carnalia vitia & spiritalia.	250
eius tres status.	249	& sequent.	
motus triplex.	634	Castitas sanctimonia ab Apostolo	
Anniversarius depositionis defun-		nominaur.	92
cti dies celebratur.	530	homines angelis quodammodo	
Anthropomorphitarū hæresis.	365	aquat.	88
Antiphonarū cum melodijꝫ usus.		non potest perpetuo obtineri no-	
12		stro tantum labore.	399
Antonyj eremita laus.	515	quomodo paranda castitas co.	
eius de perfecta oratione senten-		dis sit.	89
tia.	358	ieiunijs & orationibus acquiri-	
Archebius anachoreta laudatur.		tur.	294
81		quomodo conseruetur.	72
vocatur ad episcopatum.	383	quomodo exploranda.	542
Avaritia simulachrorum serui-		a continentia differt.	86
tus.	398	laudatur.	92
reliqua vide in Philargyria.		eius in experti de ipsius natura	
B		tractare non possunt.	403
Aculi quem gestant monachi		Castitas S. Basilij.	99
Ægyptij significatio.	9	abbatis Pauli.	312
Basilij magni sententia de virgi-		abbatis sereni.	293
		quins.	

20	eiusdem rustici.	442	solum absque peccato tentatus.	256
	eius sex gradus.	404	qua ratione tentatus sit a diabo.	157
	ei non nocet carnis commotio per somnium accedens.	407	Cibus monachorum qualis esse debet.	74
40	magna suauitas illi coniuncta est.	412	monachorum Aegyptij qualis sit.	59
	philosophi castitatem tantum imaginariam habuerunt.	417	necessitati, non voluptati.	67
	Cella & solitudinis utilitas.	291	etiam necessarius non sine cordis anxietate sumendus. ibid.	
	Cenodoxia quid.	143	cibi quotidiani optimus modus.	214
	cepa aut bulbi comparata.	144	cibi anime uoxij qui sint.	72
	alijs uirtutibus insidiatur.	261	Cilicina vestis quare a monachis Aegyptijs refulata.	7
	aliquando utilis est.	263	Cingulum monachorum quid significet.	519
	eius duo genera.	ibid.	Cenobitica disciplina a tempore Apostolorum sumpsit exordium.	514
	quomodo curanda.	150	Cenobitarum quis sit finis.	136
	Censura ecclesiastica.	23	Cenobita unde dicti.	315
	Cenotaphum recipere in hac uita quomodo intelligatur.	643	Cenobium unde dictum.	ibid.
	Charemon abbas laudatur.	384	eius utilitas.	334
	Cham filius Noe maleficus artes metallorum laminis, & durissimis lapidibus ante diluuium insculpsit.	333	eius a monasterio differentia.	519
	Charismatum diuinorum tripartita ratio.	437	Cogitationum nostrarum tria esse principia.	190
	Charitas non solum res Dei, sed etiam Deus est.	472	earum status describitur.	189
	etiam pro inimici orat.	388	origines & principia diligenter examinanda.	191
	cū fide & spe comparatur.	385	earum mutabilitas.	378
	de seruis filios facit, & imaginem Dei confert.	387	Cogitationes suas monachi senioribus patefaciebant. 206. & seq.	
	eius officij specialiter beatitudo promittitur.	192	Cogitationes nostras quomodo cognoscantur demonet.	303
	eius dignitas.	185. & seq.	Colobijs quare utantur monachi Aegyptij.	8
	eius gradus.	472	Communione Dominicam singulis Dominicis frequentanda.	627
	ea nihil utilius.	470		627
	nihil illi perferendum.	ibid.		
	Christus solus liber ab omni peccato.	392		
	solum uenit in similitudine carnis peccati.	394		

Cenodoxia. i. uana gloria. 693

- eam venialibus peccatis non
 impediri debere. *ibid.*
 Compunctionum diuersitas. 357
 Concupiscentia carnis cur sit in
 homine relicta. 242
 qualiter extingui debeat. 65
 Confessio peccati quàm uilis. 206
 Consuetudines maiorum non sunt
 antiquanda. 563
 Contemplatiua vita. vide Theo-
 retica. (407)
 Continētia quid differt a castitate.
 Corpus peccati quid sit. 616
 Correctio proximi qualiter faci-
 da. 137
 moderata esse debet. 209
 Crucisq; spiritaliter quid sit. 53
 Crux impressa fronti aut pectori.
 daemones appropinquare non fi-
 nit. 330
 Crux nostra est timor Domini. 54
 Cuculla monachorum Aegypti. 7
 D
 Daemones sine permissione di-
 uina nocere non possunt. 308
 ignorant cogitationes internas
 hominum. 303
 non sine labore cum hominibus
 configunt. 306
 alij alijs uitijs præsunt. 304
 in impugnando homines quen-
 dam ordinem seruant. 305
 non sunt omnes eiusdem forti-
 tudinis. 306
 non obsident hominum corpora,
 nisi prius eorum mentes & cogi-
 tationes possederint. 310
 perniciosius possident hominum
 animas quàm corpora. *ibid.*
 quomodo humanis mentibus co-
 pulentur. 301
 quomodo energumenis dominē-
 tur. *ibid.*
 quomodo repellendi & superan-
 di sint. 336
 duobus modis hominibus obe-
 diunt. *ibid.*
 e corporibus qua obsident, san-
 ctorum orationibus expellun-
 tur. 441
 scriptura auctoritatibus cōuin-
 cendi. 593
 otiosorum sermonum instigato-
 res sunt. 78
 Daemonum potestas post Christum
 imminuta. 309
 eorum peccata veniam non me-
 rentur. 247
 daemonum genera diuersa. 315
 eorum vires & ingenta etiam
 diuersa. 306
 Daemon aperte confessus est hare-
 sim se per Arium & Eunomium
 hominibus suasisse. 316
 Danielis abb. uita describitur. 238
 Decimarum & primitiarū obla-
 tio gratum Deo munus. 556
 Deus nihil creauit, quod substan-
 tialiter malum sit. 321
 solus Deus incorporeus. 302
 omnium sitis salutem. 420
 propter se amandus. 387
 Deo quadam ex consuetudine
 nostra adscribimus. 112
 Deo tribuuntur membra huma-
 ni corporis per metaphoram. 113
 Dei ira qualis. 112
 Deū relinquere morse est. 609
 Deus secundum presentem iusti-
 tiam iudicat. 505
 Diaconia sine dispensatio rerū me-
 nasterij deferrebatur probatissi-
 mo

Hec non prius in iudicio, sed in R. d. q. 3. fol. 29.

mo cuidam seniorum.	555	tionem a demonibus liberantur.	312.441
Diaconia praefectus populi oblationes accipiebat.	555.556	pro energumenis orandum.	313
Diaconatus ordinem abbas Daniel suscepit.	238	energumeni an sint a sacra communione repellendi.	ibid.
Diogenis sententia.	418	Epiphaniorym diem quomodo celebrabant Aegyptij.	304
Diolci eremi descriptio.	80.511	Epistola paschales a patriarchis per prouincias suas mittebantur.	304
Discretionis virtus oculus & terna in Euangelio dicitur.	199	Eremita commoda.	533
inter nobilissima Spiritus sancti dona numeratur ab Apostolo.	198.	eremi & solitudinis finis.	535
a solo Deo datur hominibus. ibi.		Eua an grauius peccauerit quam Adam.	325
eius commendatio.	200	Euangelij praecepta leuiora quam legis.	579
& tota fere collat. 2.		Euangelij filios praecepta legalia supergredi debere.	537
Diuitia proprie nostra sunt quas nemo aut conferre aut auferre potest.	227	Eucharistia sumptio contra diabolicas illusiones maxime confert.	589
tripartita in scripturis sanctis intelliguntur, mala, bona, media.	ibidem.	ea nemo se dignum debet iudicare.	591
diuitiarum vsus qualis esse debeat.	278	Eunuchis non desunt incentiua libidinis.	408
Docere alios praesumentes reprehenduntur.	535	Eunuchorum tepor circa castitatem.	249
Dominico die nec ieiunandum, nec genusfledum maiores censuerunt.	24.570	Eunuchi laudabiles qui.	590
Dominicis diebus sacram communionem frequentandam.	621	Excitatorum in monasterio munus.	23
eisdem diebus ad ecclesiam procedendum.	317	Excommunicatio.	23
Dominos nostri nos non esse.	639	eam incurrit qui orat cum excommunicato.	ibid.
E		Exempla uita a paucis sed melioribus expetenda.	37
Ebrietas non ex vino tantum causatur.	62	F	
Eclases frequentes abbatis Ioannis.	532	Fides & eius incrementum ex Deo est.	233
Energumenis quomodo maligni Spiritus copulentur.	304	cum spe & charitate comparatur.	386
Energumeni sanctorum impo-		Fiani consideratio in omni re necessaria.	

cessaria.	174	Habitus monachorum Egypti.	5
Finis carnobita quis sit.	536	& sequent.	
finis eremita.	ibid.	lineis tantum indumentis, atque	
finis Christiani.	175	ijs simplicibus utebantur, non	
Fornicatio spiritalis est omnis co-		lanceis.	38
gitatio a Deo discedens.	449	habitus pro regionum varietate	
Fornicationis spiritus quomodo		variandus.	10
superetur.	86. 255	qualis esse debeat.	6
sine Dei gratia non subigitur.		habitus mutabant monachi	
87		Egypti cum religionem ingre-	
eius stimulus & cogitationes im-		diebantur.	36
mundas statim reprimere oportet.	91	Heresis Anshropomorphitarum unde traxerit originem.	367
fornicationis genera tria.	262	Horaria officia, Tertia, Sexta, Nonas, &c. significatio.	12. 27
fornicatio quadruplex in scripturis reperitur.	448	quomodo Domino soluerentur.	24. 25
Fortis & sanus est qui succumbit alterius voluntati.	479	Hospitalitas commendatur.	37
Furtum confessione purgatum.	206	etiam otiosis hominibus imperianda.	137
G			
Asprimargia quid sit.	59. 254	Humilitas omnium virtutum magistra.	461. 531
eius tria genera.	74. 262	miraculorum dono praefertur.	461
quomodo possit superari.	67	humilitas vera absque nullitate conquiri non potest.	169
Genua in oratione non curuabantur totis Pentecostes diebus.	24	in quo consistat.	529
303. 570		quomodo adquirenda.	169
nec diebus Dominicis.	24. 570	Humilitas abbatis Ioannis.	531
Gratiae divinae bona omnia adscribenda sunt. 229. & seq. 610. & multis alijs locis.		Pynuphij abbatis.	51. 544
Gratia & auxilio Dei semper homines indigent.	418	cuiusdam fratris summa sumptus.	50
gratia pro merito vel desiderio audientium ministrat sermonem disputantibus.	295	I	
sub gratia quemadmodum quis esse probetur.	581	Ieiunium tunc gratum est Deo, cum fructibus charitatis est consummatum.	80
Gratiarum actio quid.	348	ad omni iactantiam alienum esse debet.	318
H			
Habitus solus monachum non facit.	251	In die Sabbati cur Romae & in Occidentalibus civitatibus observaretur.	32
		cur idem ieiunium Sabbato per	

Orientis ecclesias relaxaretur. 431
ibidem.

diebus Dominicis, & toto Pente-
cofte soluendū est. 24. 563. 570
ieiunium quotidianum in ad-
uentu hospitem soluebant mo-
nachi Aegyptij. 75

ieiunium quarta & sexta feria
non soluebatur vlla ratione. ibi.
ieiunium quale bonum sit. 566

ieiunium Quadragesima decima
torius anni. 574

ieiunium corporale ad spiritale
ieiunium ordinatur. 72

non semper congruum. 568

ieiuniorum eadem regula ab
omnibus obseruari non potest. 61
quis sit ieiunij finis. 73. 567

Ieiunij relaxatio vtrum obfit ca-
stitati. 570

Ieiunantes ex indignatione repre-
henduntur. 477

Infirmis carnis puritati cordis
non officit. 63

Infirmioribus condolendum. 209

Inuidiam Dei mitius quā pro-
prium nonnulli vindicant. 353

Iniurijs lacesisti quid agere de-
beant. 486

Inuidia morbus difficile curatur.
527

Inuocatione sanctorum demones
expelluntur. 441

Ioannes abbas laudatur. 76. 531

Ira etiam brevis cauenda. 117

quanta mala generet. 111

que iusta vel iniusta. 114

quomodo curanda. 122

eius tria genera. 263

Ira Dei qualis sit. 112

Iracundia maxime cauenda. 470

quomodo comprimenda sit. 431
Ira fieri nobis & vitijs nostris debe-
mus. 115

Iudicare proximum non debemus.
76

Iugum Domini suauē. 639

Iustitiam humanam, si diuina ius-
titia conferatur, bonam non
esse. 603

L

Labore manuum Apostolus Pau-
lus vivebat. 134

Lacryma exteriores nō sunt ma-
gnopere affectanda. 318

Lectiones sacra in cœnobijs dum
fratres reficiuntur vnde proce-
serint. 42

Lex peccati quid sit. 611

Legis Dei scientia homini ab ini-
tio creationis infusa. 335

Legis transgressores etiam ante
eius promulgationem a Deo ius-
te punitos. 336

Legem Moysi conuenienti tempo-
re datam. ibid.

De libero arbitrio vide in obserua-
tionibus in Cassianum propo-
sitionibus undecim.

Libido vnde dicatur. 397

Libidinis etiam memoria penitus
subtrahenda. 542

Luxuria, vide Fornicatio.

M

Macarii abbatis sententia de
monachi obseruantia. 84

eiusdem fabula de tonsoris cu-
iusdam facto. 632

eiusdem pulchra responsio. 264

Masfortes vestis monachorum A-
gypti. 9

Malū a Deo creatum non est. 321

in iniuria
413.

in iniuria
413.

non inferitur iniurio. 279
 Mala in hoc mundo quæ sint. 278
 Mala pro afflictionibus in scriptu-
 ra ponuntur. 280
 Manuum suarum labore mona-
 chos sustentandos. 13
 eo orationes eorum non impedi-
 ri. 25
 Martha & Maria in Evangelio
 quid designent. 180
 Matutina preces quæ quo tempo-
 re & ubi instituta. 28
 Matutinis orationibus finitis ad
 somnum reverti non oportere. 29
 Media bona sunt propter principa-
 le bonum. 567
 Melotes monachorum Ægypti &
 pellis caprina. 9
 De mendaciis vide in observatio-
 nibus. 732
 Mens humana otiosa esse non po-
 test. 290
 neque in uno eodemque statu ma-
 nere. 291
 Meritum uniuscuiusque non debet
 ex miraculis aestimari. 469
 Miraculum maius est a se luxuria
 fomitem expellere, quam damo-
 nes ex aliorum corporibus. 462
 Miracula Abraha abbatis. 460
 Miraculis præponderat humilitas. 461
 Monachi unde dicti. 515
 Ab Apostolis exorti. 514
 olim diu probabantur priusquam
 ad monasterium admitterentur.
 35. 37. 48. 51. & seq. 544
 ingressu religionis habitum mu-
 tabant. 30
 Monachi Tabennensiotæ non per-
 mittebantur facultates suas mo-

nafterio conferre. 35
 recens admissi quomodo proba-
 rentur. 37
 primum omnium docebantur
 suas vincere voluntates. ibid.
 iuniores seniorum vestigia sequi
 debent. 512
 a coniugijs semper abstinuerunt.
 515
 quomodo se instituere debeant.
 84
 quomodo se gerere debeant erga
 eos a quibus afficiuntur iniuria.
 480
 non tantum semel initio profes-
 sionis renuntiare debent mun-
 dialibus rebus, sed per totam
 vitam. 624
 puritati cordis semper debent
 esse intenti. 68
 placidi & mansueti esse debent.
 114
 in congregatione singularitatem
 fugere debent. 150
 episcoporum & seminarum con-
 uersationem vitare debent. 149
 iuniores monachi etiam cogitatio-
 nes senioribus suis aperire de-
 bent. 38
 iidem seniorum præcepta discu-
 tere non debent. 513
 monachi ambiciosi aut alios do-
 cere præsumentes taxantur. 252
 quomodo vitia sua explorare
 debeant. 538
 eadem quomodo corrigere. 540
 Cenodoxia maxime impugnantur.
 144
 Acedia corripuntur. 128, 129
 eorum tria genera in Ægypto.
 513

566 3 quat-

militiam animi vel

omnium rerum p. 252 d

INDEX.

quartum genus eorum postremo exortum.	518	Obsecratio quid sit.	347
Monachorum Egypti quales cibi.	59	Obsequia monachorum mutua.	43
eorum obedientia.	38.39		44
eorum obsequia mutua.	43.44	Octo principalia vitia.	269
Monachis recordationem parentum & amicorum etiam per litteras ingestam daninosam esse.	78	& in octo posterioribus libris institutionum.	
Monasterium quid differat a cœnobio.	519	Operatio manuum multa vitia amputat.	136
Mortificatio Apollo Abbatis.	629	Operis valor ex operantis affectu, non ex euentu metendus est.	182
Mortuorum anniuersarius depositionis dies celebratus.	530	Orantes secularia carmina & curas quomodo debeant excludere.	449
pro mortuis oblationes fiebant.	102	Orare cum suspensio ab oratione non licet.	23
Moses abbas.	174	Oratio quid sit.	347
	N	frequens & brevis esse debet.	363
Nostrium id tantum est quod corde possideretur & anima adhaeret.	228	cum magno silentio fiebat a monachis Egypti:	18
Novitij monachi secularia vestimenta deponebant, & ab abbate monasticis induebantur.	36	qualis esse debeat ex sententia B. Antonij.	358
eadem a dispensatore cur seruarentur.	ibid.	oratio sincera ac pura quomodo comparetur.	340
quomodo probabantur.	35.37	nō impeditur manuali opere.	25
qua causa ex cœnobijs expellebantur.	36	Orationis Dominica expositio.	450
Nuditate tantum philargyria vincitur.	108	& sequent.	
	O	Orationis ipsa hora peccatum declinari vix posse.	619
Obedientia omnibus virtutibus antelata.	39	Orationem sacerdos concludit.	15
Obedientia abbatis Ioannis.	46.47	exaudiam esse quo iudicio cognosci possit.	359
& 48		Orationum quadruplex species.	346
abbatis Mucij.	48	Orationibus magis quàm studio ad scripturarum notitiam pertingitur.	79
cuiusdam fratris.	49	Oratione qua debeant a Deo postulari.	355
Tabennensium monachorum.	34.38. & 39.	Ordines angelorum quid significant.	37
Oblationes pro mortuis factæ.	102		Otio

Oriofis etiam & negligentibus humanitatem impertiendam. 136

P

P Aesij abbatis laus. 76

Paphnutij anachoreta laus. 218

eius patientia. 524

illi Bubali cognomen inditum. 219. 524

Pascha dies a pontifice Alexandrino per omnes Egypti urbes & monasteria quotannis per epistolas designabatur. 364

Pastoris liber citatur. 329. 427

Patientia unde dicatur. 521

omnibus est generaliter exhibenda. 475

non est de aliorum virtute speranda, sed de propria longanimitate. 58

quomodo adquiri & retineri possit. 521

patientia simulata qua sit. 477

patientia cuiusdam religiosa femine. 522

Paphnutij anachoreta. 324. 537

cuiusdam monachi. 530

Pauli eremita laus. 142. 515

Peccata omnia voluntaria esse. 509

venialia quomodo committantur. 553. 595

multis modis deleri possunt. 549

Peccatorum magnitudinem pauci intelligunt. 68

eorum recordatio quousque utilis sit. 547. & seq.

Pecuniam suam ad usuram qui dare dicantur. 455

Pera & baculas monachis Egypti iter facientibus familiare gestamen. 385

Perfectio in quibus rebus consistat. 178

ad eam quibus gradibus perveniat. 56. 58

attingi nisi humilitatis virtute non potest. 164

ad eius fastigium facilius secularis accedit, quam monachus qui non secundum professam regulam vivit. 210

Perfectionis doctrina non passim omnibus tradenda est. 174

eius exempla a paucis expetenda. 57

Perfectionis viam a quibus discere debeamus. 159

eius diversa genera. 392

Perseuerantia maxime monacho necessaria. 55

Perseuerandum monacho in professione semel accepta. 440

Phylargyria quid sit, & unde nascatur. 95

eam non pecunia, sed amor pecuniae facit. 107

cunctis animi morbis perniciosior. 96

semel admissa quam difficile expellatur. 97

quantorum malorum sit procreatrix. 98

ea triplex est. 102

ab ea vinci ignominiosum est. 116

quomodo sit superanda. ibid.

nisi nuditate vinci non potest. 108. 109

ante diluvium ignota. 260

Bbb A Phio

- Philargyria Iuda proditorum. 107
108. Pa 7
- Penitentia plena definitio. 546
eius diversi fructus. 548
quanto tempore sit agenda. 553
- Pollutio nocturna ex quibus cau-
sis procedat. 90. 584
an per somnum accidēs officiat
castitati. 407. 387
nō semper impedit Eucharistia
perceptionem. 580
nonnumquam inimici factione
contingit. 588
quomodo vitanda. 95.
- Possessio etiam minutarum rerum
monacho perniciofa. 105. 178
- Postulatio quid sit. 25. 347. 349
- Potestates aerea qua dicantur. 325
quare principatus & potestates
appellantur. 327
- Practice in quo consistat. 438
per eam ad Theoreticen perue-
nitur. ibid.
quomodo adquiratur. 439
- Præcepta Evangelij leniora legis
præceptis. 579
- Presbyter ordinatur Daniel ab-
bas. 238
- Primisia spirituales qua sint. 574
- Probari diligentissime debent qui
ad religionem admittendi sunt
33. 37. & 544.
- Professio monachorum quibus au-
ctoribus instituta sit. 514
- Proprio iudicio ac consilio conside-
re periculofum. 207
- Prosperis facilis quis eliditur
quam aduersis. 283
- Prouidentia Dei omnia in hoc mū-
do geruntur. 236
- Psalmorum modus canonicus. 25.
- Psalmorum intelligentia quomodo
adquirenda. 377
- Puritas cordis monacho semper cu-
ra esse debet. 68
quomodo ea adquiratur. 89. 94
eam tota uirtute adquirere de-
bemus. 179
puritatis perfecta indicium. 89
qualiter custodiat. 97
- Pynophij abbatis humilitas & la-
tebra. 50. 51. 543. & seq.
- Q**uadragesima cur ita uoce-
tur cum triginta sex diebus
tantummodo ieiunetur. 575
diuerso dierum numero per di-
uersas provincias seruabatur.
ibidem.
eius ieiunium ad anima deci-
mas refertur. 573
quadragesima causa & initium.
577
quadragesima tempore mona-
chos maxime oppugnari. 576
- Quartum genus monachorū. 5. 6
- Quinquagesima, hoc est, Penseco-
stes tempore cur laxentur ieiun-
nia. 563. 569
eodem tempore genua in oratio-
ne publica non flectebantur. ibi.
& 24
quinquagesima figura in veteri
testamento præcessit. 569
R.
- R**ebrachiatoria monachorum
quid. 8
Recedere a Deo mors est. 609
- Reconciliatio fraterna quid. 128.
408. & 474
- Recordatio peccatorum quousq. sit
utilis. 547. & seq.
Refec-

Refectio ⁿ is monachorum tempus	damones.	441
atque mensura. 214. 216. 217.	Sanctos veteris testamenti man-	
et 572.	data legis supergressos fuisse.	
Refectio monachorum extra com-	550	
muniem mensam aut tempus	Sarabaitarum origo et conuersa-	
vituperatur. 42. 72. et 74	tio. —	516
Refectio ⁿ is tempore ut sacra le-	Saturitas omnis cauenda. 62. 64	
ctiones recitarentur; quibus an-	ea in refectio ⁿ e quaerenda non	
ctoribus sit institutum. 42	est.	215
refectio ⁿ is tempore a monachis	Scientia legis Dei illuminatione	
Ægypti summum silentium ser-	conferitur.	231
uabatur. 42	Scientia sine castitate obtineri nō	
Regnum Dei et regnum diaboli	potest.	93
describitur. 184	Sciētia actualis gradus est ad spi-	
Regnum calorū tripliciter acci-	ritalem.	444
piendum. 185	Scopus nostrarum actionum quis	
Reliquia sanctorum deuotissime	esse debeat.	299
venerata. 276	Scopus et finis esse debet in quali-	
Remissio peccatorum multis modis	bet disciplina vel arte. 174	
fit. 549	Scripturarum diuinarum sacra-	
Renuntiatio. vide Abrenuntiatio.	menta quibus sint dispensanda	
Roma cur sabbato ieiunaretur. 32	455.	
S	earum intelligentia magis ora-	
Sabbato per omnem Orientem	tione quā studio acquiritur. 79	
cur non ieiunaretur. 32	ad eam quibus gradibus perue-	
Sabbato uespera illucescente vigi-	niatur. 446	
lia celebrabantur. 31. 32	Scripturarum diuinarum varij	
Sabbato Roma cur ieiunetur. 32	sensus.	447
Sacerdos precem concludebat. 42	cur eas Deus obscuras esse volue-	
Sacerdos spirituales hostias Deo of-	rit.	319
ferret. ibid.	eas quidam in prauum sensum	
Salomonis tres libri tribus abrenū-	detorqueant.	192
tiationū generibus aptantur. 223	earum auctoritate damones co-	
Sanctus et immaculatus quid dif-	uincendi. 593	
ferant. 592	Scriptura diuina agro fertili com-	
Sancti omnes peccatores se et im-	paratur. 329	
mundos esse veraciter confessi	Sereni abbatis commendatio. 293	
sunt. 595. 617	Silentium mirum orationis tem-	
Sanctorum intercessionē delictorū	pore apud Ægypti monachos. 18	
venia impetratur. 549	Silentij commendatio. 22	
eorum interuentione pelluntur	Socratis continentia. 418	
	Soli-	

Solitariam vitam qui petere de-
beant. 219. 537
 Solitarios acedia circa meridiem
 maxime infestat. 127
 Solitudinis commedatio. 291. 383.
 & 333
 Somni moderata refectio necessa-
 ria est. 32
 Somnus deceptor fraudulentus pu-
 ritatis. 399
 Somni canonicum tempus mona-
 chi excedere non debent. 72. 213
 Spadones plerumque tepidi. 249
 400
 Spes cum fide & charitate compa-
 ratur. 385
 Spiritualis doctrina quibus de cau-
 sis infructuosa reddatur. 435
 Spiritualis scientia in illiteratis
 quādoque mirabiliter viget. 453
 Spiritualia peccata qua sint. 255
 Superbia cunctis vitijs immanior
 bestia. 132
 perfectos viros maxime impu-
 gnat. ibidem.
 omnes virtutes exhaurit. ibid.
 ea duplex est, spiritualis, atque
 carnalis. ibid.
 spiritualis superbia quos pulset,
 quosque carnalis. 164
 ex superbia quanta vitia gene-
 rentur. 165
 quibus indicijs anima inesse co-
 gnoscitur. 167
 Superbia luciferū ex sublimi calo-
 rū sede adime detruxit. 152. 259
 ea quomodo superari possit. 155
 169
 Superbialis praesse volunt. 168
 Summi monachus nihil quidquam
 dicere debet. 59

T

T Abennensiota monachi eos
 quos suscipiebant nihil rerū
 temporalium monasterio inferre
 volebant. 35
 eorum summa obedientia. 34
 Taciturnitatis & silentij com-
 mendatio. 22
 Taciturnitas qua noceat. 208
 Temporalis castigatione reprobos
 homines indignos esse. 314
 Tentationum tolerantia a Deo
 tribuitur. 234
 Tentationum diuersa genera. 286
 Tentationum Christi ordo & ra-
 tio. 238
 Tentationes quid utilitatis affe-
 rant. 642
 Tentationibus ut caveamus non
 esse petendum. 354
 Theona abbatis commendatio. 555
 560
 Tepidi monachi saecularibus infu-
 riores sunt. 253
 Theoretice quid sit, & in quo com-
 sistat. 436
 eius partes & genera. 442
 quomodo apprehendi possit. 446
 Theoretica vita laudatur. 480
 Theoria, id est, contemplationi Dei
 uniuersa virtutum studia posi-
 ponuntur. 602
 illi nemo perpetuo intentus esse
 potest. 603
 Theoria an semper aliquis affixus
 esse possit. 183
 Timore compulsus quis bonum, an
 charitate faciat, plurimum dif-
 fert. 387
 Timor sanctus quis. 393
 Tristitia unde oriatur. 124
 eius

I N D E X.

eius spiritus homini perniciosus.	123	Virtus unaquaque ab eo quicam	60
desperationem nonnumquam in-		peculiariter possidet expetenda	
ducit.	126	est.	
in quo sit utilis.	ibid.	Virtutes difficiliter plantantur,	439
eius genera duo.	263	quàm eradicantur vitia.	
quomodo sit repellenda.	127	Vitia octo principalia. vide per so-	
Tropologia quid sit.	443	ros octo postremos libros instituta-	
V		tionum. & 254. 269	
V Anagloria. vide Cenodoxia.		Vitia quadam sunt carnalia, qua-	
V Venundati diabolo quomodo		dam spiritalia.	257
dicamur.	611	faciliter euelluntur quàm vir-	
Venialia peccata non possunt in		tutes plantantur.	439
hac vita semper vitari.	389.	que extra naturam sunt, pene	
592. 605		incurabilia esse.	67
ea non tollunt sanctitatis aut		curari non possunt nisi radices	
iustitie nomen.	395	eorum & causa fuerint publi-	
non impediunt sacram commu-		cata.	149
nionem.	620	vitij quomodo contra nitend-	
quomodo committantur.	553.	dum.	265
595		Vitiorum nos impugnantium nu-	
non sunt parvipendenda.	606	merus amplior quàm virtu-	
Veritas quomodo sit examinanda.		tum.	103
470		Vitium illud potissimum quis im-	
Vigilia sabbato celebrata.	31. 32	pugnare debet a quo se magis	
Virgines fuerunt Elias & Hiere-		oppugnari sentis.	275
mias.	87. 157	Voluntati aliena suam inijcere for-	
Virgines fuerunt uterque Ioannes		sis est.	479
& Daniel.	37	Voluntatibus proprijs monachi re-	
Virginitatis laus.	590	nuntiare debent.	37
Virtus animi sola per se principa-		X	
le bonum est.	278	X Enodochij verberimus fru-	
		ctus.	628

F I N I S.

CATALOGVS LOCORVM

sacrae Scripturae, quae à Cassiano in his
libris obiter explicantur.

Ex Genesi.

1 IN principio fecit Deus. calū
& terram. 322

Et ecce omnia quae fecit Deus
bona valde. 502

Faciamus hominem ad ima-
ginem & similitudinem nostrā.
305

3 Serpens autem erat sapientior
cunctis bestiis terrae. 324

Ipsa conteret caput tuum: &
tu observabis calcaneum illius.
55. 91. 107.

Maledicta terra in operibus
tuis: spinas & tribulos germi-
nabit tibi, &c. 611

4 Nonne si recte offeras recte au-
tem non diuidas, peccasti? 571

6 Cum vidissent filij Dei filias
hominum eo quod essent pulchrae
acceperunt sibi uxores. 331.
& seqq.

Non permanebit spiritus meus
in hominibus istis, eo quod caro
sunt. 243

8 Humanum genus diligenter
intentum est ad nequitiam & in
uenture suae. 600

12 Exi de terra tua, & de cognati-
one tua, & de domo patris tui
222

Et veni in terram quam tibi
monstrauero. 229

13 Semini tuo dabo terram hanc,
a fluuio Egypti usque ad flumē
magnum Euphraten, Cinaos, &

Cenezaos, Cedmonaos, & Erhaos
&c. 272. & seq.

Ex Exodo.

4 Otijsi sunt, &c. Opprimantur
laboribus, & solliciti sint in ope-
ribus suis, & non sint solliciti in
verbis vanis. 576

20 Non fornicaberis. 448

22 Decimas tuas & primitias of-
feres Domino Deo tuo. 573.
& seq.

33 Quia non potestis videre faciē
meam: non enim videbit me ho-
mo, & viuet. 189

Ex Leuitico.

7 Anima quaecumque comede-
rit de carnibus sacrificij saluta-
ris, quod est Domini, in qua est
immunditia, peribit coram Do-
mino. 89. 397

21 Et de sanctis non egredietur,
ne polluat sanctuariū Dei. 447

Ex Numeris.

11 Quis dabit nobis ad vespandū
carnem? 270

Ex Deuteronom.

7 Cum introduxerit te Domi-
nus Deus tuus in terram quam
possessurus ingrederis, & deleue-
rit gentes multas coram te,
Erhaum, & Gergesam, &c.
268. & seq.

Non

- Non timebis eos, &c. Deus magnus & terribilis, ipse consumet nationes has in conspectu tuo paulatim atque per partes. Non poteris delere eas pariter, &c. 266
- 8 Ne postquam comederis, & satiatus fueris, domos pulchras adificaueris, &c. nō reminiscaris Domini Dei tui. 266
- 9 Ne dicas in corde tuo, &c. Propter iustitiam meam introduxit me Dominus, ut terram hanc possiderem. 267
- 20 Si quis est homo formidulosus & corde pauido non egrediatur ad bellum: vadat & reuertatur in domum suam, ne paucere faciat corda fratrum, &c. 263
- 23 Non abominaberis Ægyptiū, quia fuisse incolā in terra eius. 270

Ex lib. Iudic.

- 3 Ha sunt gentes quas Dominus dereliquit ut erudires in eis Israelem, & haberent consuetudinem cum hostibus praeliandi. 241

Ex 1. Reg.

- 3 Vocauit Dominus Samuelem, dicens: Samuel, Samuel, &c. 212

Ex Iob.

- 1 Numquid gratis Iob colit Deū? Sed aufer manum tuam. 430
- 2 Ecce trado eū in manus tuas, tantum animam eius custodi. 392
- 3 Mors viro requies, cuius vita

- abscondita est. 280
- 15 Si in sanctis suis non confidit, & in angelis suis reperit prauitatem. 609
- 38 Quando facta sunt simul sidera, laudauerunt me voce magna omnes angeli mei. 322
- 39 Quis est qui dimisit onagrum liberum, &c. Posui autem habitaculū eius desertum, &c. 516
- 40 An putas me tibi aliter locutum, quam ut appareres iustus? 286

Ex Psalmis.

- 4 Irascimini, & nolite peccare qua dicitis in cordibus vestris, in cubilibus vestris compungimini. 215
- 6 Non est in morte qui memor sit Dei, in inferno autem quis confitebitur Domino? 185
- 14 Qui pecuniam suam non dedit ad usuram. 455
- 15 Prouidebam Dominum in conspectu meo semper, &c. 400
- 18 Ab occultis meis munda me, & ab alienis, &c. 513
- 34 Veniat illi laqueus quem ignorat, & captio quam abscondit, apprehendat eum, &c. 307
- 35 Homines & iumenta saluabis Domine. 320
- 36 Cum cecideris non collidetur, &c. 596
- 37 Ego autem tamquam surdus non audiebam, &c. 57
- 44 Audi filia & vide, & inclina aurem tuam, & obliuiscere populum suum, & domum patris sui. 332

- 45 Venite & videte opera Dei,
qua posuit prodigia super ter-
ram, auferens bella usque ad fi-
nem terra, &c. 402. 411
- 81 Veruntamen vani filij homi-
num, mendaces filij hominum,
in stateris, ut decipiant. 571
- 65 Transiimus per ignem &
aquam, & eduixisti nos in refri-
gerium. 60
- 69 Deus in adiutorium meum in-
tende, Domine ad adiuvandū
me festina. 372
- 92 In laboribus hominū non sunt,
& cum hominibus non flagella-
buntur. 287. 314
- 73 Pauper & inops laudabunt no-
men tuum. 376
- 75 Notus in Iudea Deus, in Is-
rael autem magnum nomen
eius. 408
- 80 Si populus meus audisset me.
Et non audiuit populus meus
vocem meam. 236. & seq.
- 81 Vos autem sicut homines mo-
riemini, & sicut unus de prin-
cipibus cadetis. 323
- 87 Mane oratio mea proueniet
te. 574
- 90 Angelis suis mandauit de te,
ut custodiant te in omnibus vijs
tuis. 192
- 93 Si dicebā, Motus est pes meus,
misericordia tua Domine adiu-
uabat me. 231
- 100 Psallam & intelligam in uia
immaculata. 445
- 101 Quia cinerem sicut panem
manducaui, & poculum meū
cum stercore miscui. 358
- 103 Mortes excelſi cornu, petra
refugium erinacys. 370
- 113 Non mortui laudabunt te Do-
mine, neque omnes qui descen-
dunt in infernum. 187
- 117 Impulsus versatus sum ut
caderem, & Dominus suscepit
me. 230
- 118 Beati immaculati in uia, qui
ambulant in lege Domini. beati
qui scrutantur testimonia eius.
451.
- Non me derelinquas usque-
quaque. 241
- Dormitauit anima mea pra-
radio. 129
- Bonum mihi quia humiliasti
me. 241
- Quia factus sum sicut uer in
pruina. 11
- A mandatis tuis intellexi. 445
- Affige timore tuo carnes meas.
53. 54
- Seruus tuus ego sum, da mihi
intellectum, ut discam manda-
ta tua. 232
- Proueni in maturitate, & cla-
maui. 27. 574
- Septies in die laudem dixi ti-
bi super iudicia iustitia tua. 29
- 132 Ecce quam bonum & quam
iucundum, habitare fratres in
unum. 467
- 136 Beatus qui tenebit & allidet
paruulos Babylonis ad petram.
91
- 138 Quia tu possediſti renes meos
406
- Mira opera tua, & anima
mea nouit nimis. 410. 412
- 140 Dirigatur oratio mea sicut
succum.

incensum in conspectu tuo, ele-
uatio manuum mearum sacræ
ficium vespertinum. 27
141 In via hac qua ambulabam,
absconderūt laqueum mihi. 45

Ex Prouerbijs.

2 Nam si ambularent semitas
rectas, inuenissent utique semi-
tas iustitie leues. 641
3 Honora Deum de tuis iustis
laboribus, & deliba ei de fru-
ctibus iustitie tue. 139
4 Omni custodia serua cor tuū.
85.90.91
Ne diuertaris ad dextram ne-
que ad sinistram. 244
9 Sed exili, noli demorari in lo-
co eius, neque intendas oculum
tuum in eam. 552
11 Quibus non est gubernatio, ca-
dunt vt folia. 200
Malignus nocet cum se com-
miserit iusto. 193
Sicut inauris auream naribus
suis, ita mulseri malemorata
species. 453
12 Melior est vir in ignobilitate
seruiens sibi, quàm qui dignita-
tem sibi acquirit, & indiget pa-
ne. 633
Itinera eorum qui memoriam
retinent malefacti, in mortem
149
14 Qui suavis & sine dolore est,
in egestate erit. 455.646
15 Longanimis vir nimius in pru-
dentia, pusillanimis autem val-
de insipiens est. 482.121
16 Via nihil operantium strata
sunt spinis. 141

16 Omnia operatus est Dominus
propter semetipsum. 385
Ante contritionem precedit
iniuria, & ante ruinam mala
cogitatio. 292
Homo in laboribus laborat sibi,
& vim facit perditioni sue.
646
17 Fidelis viri totus mundus di-
uitiarum. 644
Vt quid fuerunt diuitie insi-
pienti? 453
Insipienti interroganti sapien-
tiam, sapientia reputabitur.
243
18 Insipientia viri corrumpit vias
eius, Deum autem causatur in
corde suo. 405.643
19 Cogitatio bona scientibus eam
appropinquat, vir autem pru-
dens inueniet eam. 296
20 Pondus magnum & pusillum,
& mensura duplices, immunda
sunt apud Dominum utraque.
171
22 Tu autem describe tibi ea tri-
pliciter, super latitudinem cor-
dis tui. 443
23 Si sederis cernere ad mensam
potentis, sapienter intellige qua
apponuntur tibi, &c. 197
Et vestietur concisa veste &
pannosa omnis somnulosus.
140
24 Cum sapientia edificatur do-
mus, & cum intellectu iterum
erigitur, &c. 201
Erue eos qui ducuntur ad mor-
tem, & redimere eos qui inter-
ficiuntur ne parcas. 211
Noli applicare impium ad
pascua

pasena iusti, neque seducaris sa-
turitate ventris. 434

Septies in die cadit iustus, &
resurgit. 553. 595

Si ceciderit inimicus tuus, no-
li gratulari; in supplantatione
autem eius noli extolli, &c. 267

25 Sicut tinea vestimento, &
vermis ligno, ita tristitia viri
nocet cordi. 123. 124

26 Verba callidorum mollia, hac
autem feriunt in penetralia
ventris. 476

Si te rogauerit inimicus ma-
gna voce, ne consenseris ei: se-
ptem enim nequitia sunt in ani-
ma eius. 274

27 Nihil sustinet zelus. 528
Anima qua in satietate est,
fauis illudit: anima autem egē-
ti etiam amara dulcia viden-
tur. 450

Stillicidia eijciunt hominem in
die hiemali de domo sua. 292

28 Qui seſſatur otium, replebi-
tur paupertate. 140

29 Totam iram suam profert stul-
tus: sapiens autem dispensat per
partes. 482

30 Et erinacij gēs inualida, qui se-
cerūt in petris domos suas. 376

31 Cum consilio omnia fac, cum
consilio vinum bibe. 200

Date ebrietatem his qui in tri-
stitia sunt, & vinum bibere his
qui in doloribus sunt. &c. 455

Omnes enim qui apud eā sunt,
vestiti sunt dupliciter. 442

Fortitudine & decore induta
est, & letata est in diebus no-
uissimis. 140

Ex Ecclesiaste

4 Melior est pugillus unus cum
requie, quā duo pugilli cum
labore & presumptione spiri-
tus. 633

5 Si uoueris votum Deo, ne morā
feceris reddere illud. & :
Melius est nō uouere te, quā
uouere & non reddere. 347

6 Omnis labor hominis in ore
ipsius. 445

7 Quia non est iustus homo in
terra, qui faciat bonum, & non
peccabit. 609

Fecit Deus hominem rectum,
& ipsi quasierunt cogitationes
multas. 426

10 Si momorderit serpens non in
sibilo, non est abundantia in-
cantatori. 207. 528

Labor stultorum affliget eos,
qui non nouerunt ire in ciuita-
tem. 642

In pigritijs humiliabitur con-
tignatio, & in segnitie manuum
stillabit domus. 292

11 Da partem his septem, & qui-
dem his octo. 32

12 Priusquam conuertatur pul-
uis in terram sicut fuit, & spi-
ritus reuertatur ad Deum qui
dedit illum. 337

Ex canticis cantic.

1 Trabes nostra cypressus, rigna
domorum nostrarum cedri. 124

2 Lena eius sub capite meo, &
dextra illius amplexabitur me.
285

Ordinate in me charitatē. 473

Ex

Ex Sapientia.

- 4 Senectus enim honorabilis est,
nō diuturna, neque numero an-
norum computata. Cani autem
sunt sensus hominis, & ætas se-
nectutis vita immaculata. 208

Ex Ecclesiastico.

- 21 Ne beatifices hominem ante
exitum suum. 291
- 25 Qua non congregasti in iuue-
tute, quomodo inuenies in se-
necute tua? 208
- 29 Vniuersa qua fecit Deus, bona
in tempore suo. 602

Ex Esaia.

- 21 Et replebit eum Spiritus timo-
ris Domini. 394
- 26 Adde illis mala Domine, adde
mala gloriosis terra. 288
- 29 Obstupefcite & admiramini,
fluctuate & vacillare, inebria-
mini & non a vino, mouemini
& non ab ebrietate. 342
- 45 Ego ante te ibo, & potentes ter-
ra humiliabo, &c. 59
- Absque me non est Deus, ego
Dominus, & non est alter, for-
mans lucem, & creans tenebras,
faciens pacem, & creans mala. 280
- 48 Propter me longe faciam fu-
rorem meum, & laude mea in-
franabo te, ne intereas. 264
- 52 Exurge, exurge Hierusalem,
induere vestimentis gloria tua. 140
- 56 Qui custodierint sabbata mea,
&c. dabo eis in domo mea & in

muris meis locum, & nomen
melius a filiis & filiabus nomen
sempiternum dabo eis quod non
peribit. 590

61 Ego Dominus diligens iudiciū,
& odio habens rapinam in ho-
locauto. 572

66 Erit mensis ex mense, & sab-
batum ex sabbato. 573

Ex Hieremia.

1 Ego constitui te hodie super
gentes & super regna, ut extel-
las, & destruas, & disperdas, &
dissipes, & adifies, & plantes. 439

2 Frustra percussisti filios vestros,
disciplinam non recepistis. 287

4 Nouate vobis nouale, & no-
lite ferere super spinas. 251

5 Percussisti eos & non dolue-
runt, &c. induxerunt faciem
suas super petram, & noluerūt
reuerti. 288

6 Malitia eorum non sunt con-
sumpta, argentum reprobum vo-
cate eos, quia Dominus proiecit
illos. ibid.

8 Ecce ego mittam vobis serpen-
tes regulos, quibus non est incu-
tatio, & pordebunt vos. 527.

11 Ecce inducam super eos mala. 280

15 Interfeci & perdidici populum
meum, & tamen a vjjs suis non
sunt reuersi. 287

17 Confundantur illi, & non cō-
fundar ego, &c. & duplici con-
tritione contere eos. 307

26 Et penituit Deus super mali-
ciam

- tiam quam locutus est ut faceret eis, & non fecit. 280
- 90 Faciam consummationem in cunctis gentibus, &c. castigabo te in iudicio, ut non tibi videaris innoxius. 287
- 48 Maledictus qui facis opera Domini fraudulenter. 372
- Maledictus qui prohibet suum gladium a sanguine. 351
- 51 Subito cecidit Babylon, contrita est, &c. Curauimus Babylonem, & non est sanata, &c. 315

Ex Baruc.

- Quare inueteratus es in terra aliena? 265

Ex Ezechiele.

- 16 Iam non irascar tibi, & zelus meus recessit a te. 288
- 20 Et dedi eis precepta non bona, & iustificationes in quibus non viuunt in eis. 382
- 24 Pone eam super prunas vacuam, ut incalcescat & liquefiat as eius, &c. 288

Ex Daniele.

- 10 Princeps regni Persarum restitit mihi, &c. 326

Ex Osee.

- 2 Et dormire eos faciam fiducialiter. 404
- 7 Et comederunt alieni robur eius, & ipse nesciuit, sed & cani affusi sunt in eo, & ipse ignorauit. 308
- Emendabo eos in auditu tribulationis sue. 288

- 10 Seminare vobis ad iustitiam, metite spem vitam, illuminare vobis lumen scientia. 452

Ex Iocle.

- 1 Expergiscimini qui estis ebrii, & non a vino. 342
- 3 Infirmus dicat, quia fortis sum ego; & qui patiens est, sit pugnator. 299

Ex Amos.

- 3 Si est malitia in ciuitate, quæ Dominus non fecit? 280
- 4 Subverti vos sicut subuertit Deus Sodomam, &c. & nec sic redisti ad me, dicis Dominus. 287
- 5 Qui facit omnia, & conuertit ea, & transmutat in matutinum umbram mortis. 414
- 8 Occidet ei sol in meridie. 116

Ex Iona.

- 4 Quia tu Domine misericors & miserator, patiens & multum misericors, & pœnitens in malitijs. 280

Ex Michæ.

- 7 Ab ea qua dormit in sinu tuo custodi claustra oris tui. 363

Ex Habacuc.

- 1 Et Esca eius electa. 154
- 2 Super custodiam meam habo, & ascendam super petram, & speculabor, &c. 625
- Va qui potat amicum suum, mittens fel suum, & inebrians. 476

Ex

Ex Aggzo.

- 2 Et qui mercedes congregat, misit eas in sacculū pertusum. 633

Ex Malachia.

- 1 Filius honorat patrem, & seruus dominum suum timebit. 388. 393.
4 Timētibus nomen meum orietur sol iustitia, & sanitas in pennis eius. 116

Ex Matthæo.

- 4 Dic ut lapides isti panes fiant. 257. 636.
5 Beati pauperes spiritu, &c. 376
Beati mites, quoniam ipsi possidebunt terram. 401
Nolite astimare quod veni solvere legem aut prophetas. non veni solvere, sed adimplere. 491
Qui ira scitur fratri suo, reus erit iudicio. 121
Si offers munus tuum ad altare, & ibi recordatus fueris, &c. 117. 118. 469. 474
Si quis te percusserit in dexteram maxillam, prabe illi & alteram. 478
6 Tu autem cum oraueris, intra in cubiculum tuum, & clauso ostio ora patrem tuum in abscondito. 362
Pater noster, qui es in calis, sanctificetur nomen tuum, &c. 350. & seqq.
Nolite thesaurizare vobis thesauros in terra, ubi arugo & rīna, &c. 194

Vbi est thesaurus tuus, ibi est cor tuum. 190

- Lucerna corporis tui est oculus tuus, &c. 199
7 Qui audit verba mea, assimiletur viro sapienti, qui edificauit domum suam super petram, &c. 340
8 Nam & ego homo sum sub potestate constitutus, habens sub me milites, & dico huic, Vade, & vadit, &c. 297
9 Numquid possunt filij spōsi lugere quamdiu cum illis est sponsus? 569
10 Qui non accipit crucem suam & sequitur me, non est meus discipulus. 53. 54
11 Regnum calorū vim patitur, & violenti diripiunt illud. 646
Iugum meū suauē est, & onus meum leue est. 639. & seqq.
12 Arundinē quassatam non cōteret, & linum fumigans non extinguit. 211
Cum immundus spiritus exierit ab homine, ambulat per loca arida, &c. Tunc vadit & assinit alios septē spiritus nequiores se, &c. 273
13 Simile est regnū calorū homini negotiatori querenti bonas margaritas. 601
18 Si manus tua vel pes tuus scādalizat te, abscide eum & projice a te, &c. 193
19 Ecce nos reliquimus omnia, &c. In regeneratione cum sederit filius hominis in sede maiestatis sue, &c. 228
Omnis qui reliquerit domum, &c. 600 a &c.

62. &c. centuplum accipiet in praesenti, & vitam aeternam possidebit. 643

24 Qui in tecto est, non descendat tollere aliquid de domo sua: & qui in agro, non reuertatur tollere tunicam suam. 54. 109

25 Simile est regnū calorum decem virginibus, &c. quinque autem ex eis erant fatuae, & quinque prudentes. 591

Ex Marco.

30 Nemo est, qui reliquit domū, &c. qui non accipiet centies tantum nunc in tempore hoc, domos, fratres, & sorores, & matrem, & filios, & agros cū persecutionibus, &c. 645. 646

Ex Luca.

9 Nemo mittens manum suam ad aratrum, & respiciens retro, apius est regno Dei. 54. 109

10 Martha Martha sollicita es, & turbaris erga plurima: paucis vero opus est, aut etiam uno. Maria bonam partē elegit quae non auferetur ab ea. 180. 601

11 Dum fortis donum suam custodit armatus, in pace erit omnis substantia eius, &c. 91

16 Si in alienis fideles non fuistis, quod vestrum est quis dabit vobis? 228

17 Regnum Dei intra vos est. 184

21 Videte nequādo grauetur corda vestra in crapula & ebrietate, & curis secularibus. 341

22 Iuda, osculo filium hominis

tradis? 477
23 Hodie mecum eris in paradiso. 188

Ex Ioanne.

8 Diabolus mendax est, & pater eius. 337

12 Si quis mihi ministrat, me sequatur, &c. 185

Ex Actis Apost.

10 Vidit Petrus calum apertum, & descendens vas quoddā, quasi lintheum magnum, quattuor inijs de caelo submissum in terram, &c. 26

20 Omnia ostendi vobis, quia sic laborantes oportet suscipere infirmos: quoniam ipse Dominus dixit: Beatius est magis dare quā accipere. 103. 138

Ex epist. ad Rom.

6 Ut destruatur corpus peccati. 396

Nō regnet peccatum in vestro mortali corpore, &c. 589

Peccatum in vobis non dominabitur. 578. & seq.

Habentes fructum vestrum in sanctificatione, &c. 177

7 Scimus quia lex spiritalis est, ego autem carnalis sum, venedatus sub peccato. 611

Scio autem quod non habitat in me, hoc est, in carne meo bonum. 613

Non enim quod volo facio bonū, sed quod odi malū hoc ago. 597, et tunc fere Collat. 23.

& praesertim pag. 613. & seq. Con-

Condeletor enim legi Dei secundum interiorem hominem, &c. 610. & seq.

Infelix ego homo, quis me liberabit de corpore mortis huius? 614. & seq.

8 Mist Deus filium suum in similitudine carnis peccati. 257. 194

Vos autem non estis in carne, sed in spiritu. 243

Diligentibus Deum omnia cooperantur ad bonum. 282

9 Optarem enim ego ipse anathema esse a Christo pro fratribus meis. 351. 605

12 Vnum quidē est corpus Ecclesie, multa autem membra: quae habet donationes secundum gratiam quae nobis data est differētes, &c. 440

Non vosmetipsos vindicantes, sed date locum ira. 481

13 Et carnis curam ne feceritis in desiderijs. 63

Ex 1. ad Corint.

4 Nihil mihi conscius sum, sed non in hoc iustificatus sum. 591

5 Dum sumus in corpore, peregrinamur a Domino. 187

9 Omnis qui in agone contendit, ab omnibus se abstinēt. 88. 89
Ego igitur sic curro, non quasi in incertū; sic pugno, non quasi aerem verberans, sed castigo corpus meum, &c. 69. 70. 71

10 Qui se existimat stare, videat ne cadat. Tēratio vos nō apprehēdit nisi humana. 69. 71. 431

11 Qui enim manducas & bibit

indigne, iudicium sibi manducat & bibit, nō discernens corpus Domini. 587

13 Si distribuero omnes facultates meas in cibos pauperū, charitatem autem nō habuero, nihil mihi prodest. 178. 225

Charitas non amulatur, non inflatur, non irritatur, nō agit perperam, &c. 178

Charitas numquam excidit. 183

14 Si venero ad vos linguis loquens, quid vobis prodero, nisi vobis loquar aut in reuelatione, aut in scientia, aut in prophetia, aut in doctrina? 443

15 Cum tradiderit regnum Deo & patri cum enacruerit omnem principatum, & potestatem, & dominationem. 327

Caro & sanguis regnum Dei non possidebunt. 248

Ex 2. ad Corint.

5 Et si cognouimus secundū carnem Christum, sed nunc iam non nouimus. 368

6 Per arma iustitia quae sunt a dextris & a sinistris. 282. 283

7 Quae secundum Deum est tristitia, poenitentiam ad salutem stabilem operatur. 126

10 Arma militia nostra non carnalia sunt, sed potētia Deo. 297

Ex epist. ad Galat.

3 Vos enim in libertatem vocati estis fratres; tantum ne libertatem in occasionē deus carnis. 581

Caro

Caro concupiscit aduersus spiritum, spiritus autem aduersus carnem, &c. 242

6 Mihi mundus crucifixus est, & ego mundo. 53.54

Ex epist. ad Ephes.

4 Sol non occidat super iracundiam vestram, neque detis locum diabolo. 116

Omnis ira, & indignatio, & clamor, & blasphemia tollatur a vobis. 114

6 Sumite scutum fidei, in quo possitis omnia tela nequissimi agnita restringere. 298

Ex epist. ad Philip.

1 Desiderium habeo dissolui, & cum Christo esse, multo magis melius. 187

3 Qua posteriora sunt obliuiscens, ad ea vero quae ante sunt extendens me, ad destinatum persequor brauium supernae vocationis Domini. 177.551

Ex epist. ad Coloss.

3 Mortificate membra vestra quae sunt super terram, &c. 396.397

Et auaritia, quae est simulacrorum seruitus. 99.398

Ex 1. ad Thess.

4 Haec est voluntas Dei, sanctificatio vestra, &c. 92

De charitate fraternitatis non necesse habemus scribere vobis, &c. 130. & seqq.

3 Sine intermissione orate. 341.

344. & seq. & 379

Ex 2. ad Thess.

3 Denuntiamus vobis fratres in nomine domini nostri Iesu Christi, ut subtrahatis vos ab omni fratre ambulante inordinate. 132. usque ad 137.

Ex 1. ad Tim.

1 Iusto lex non est posita. 556. & seq.

2 Deprecor primo omnium fieri obsecrationes, orationes, postulationes, gratiarum actiones. 346. & seq.

In omni loco leuantes puras manus sine ira & disceptatione. 341. 344

4 Corporalis exercitatio ad modicum utilis est, pietas autem ad omnia. 182

6 Habentes alimenta & operimenta, his contenti simus. 6
Radix omnium malorum est Philargyria. 96. & seq.

Ex 2 ad Tim.

2 Qui in agone contendit, non coronabitur nisi legitime certauerit. 65

Ex epist. ad Hebr.

4 Tentatum per omnia secundum similitudinem nostram absque peccato. 256.593

9. Tabernaculum enim, &c. & arcam testamenti habentem, se deus tabulas lapideas, & vnam auream, &c. 446

Sine sanguinis effusione non fit remissio

SACRÆ SCRIPTURÆ.

remissio.	551	cida est.	122
12 Pacem sectamini cum omni-	5	Est peccatum ad mortem, non	
bus & sanctimoniam.	93	pro illo dico ut reget quis.	389
Ex epist. Iacobi.		Ex Apocal.	
4 Deus superbis resistit.	154	3 Utinam calidus esses aut fri-	
Ex epist. 1. Ioan.		gidus.	250
3 Qui odit fratrem suum, homi-			

FINIS.



REGESTVM.

† A B C D E F G H I K L M N O P Q R S T V X Y Z
 Aa Bb Cc Dd Ee Ff Gg Hh Ii Kk Ll Mm Nn Oo Pp Qq
 Rr Ss Tt Vu Xx Yy Zz Aaa Bbb Ccc.

Omnes sunt quaterniones, Ccc duernio.

ROMÆ.

Ex Typographia Vaticana.

M. D. LXXXVIII.





4-3-8

